



B 5

3  
427

BIBLIOTECA NAZIONALE  
CENTRALE - FIRENZE

R. BIBLIOTECA NAZIONALE CENTRALE  
FIRENZE

LIBRI

DONATI DAL

DOTTOR ANNIBALE GIULIONI

GIURISTA

Nato a Firenze il 7 Febbraio 1807  
e morto il 1° Dicembre 1895 in Firenze.

16 Maggio 1896







DOMINICI  
AULISII

JC. CLARISSIMI,

Et in Neapolitano Gymnasio Juris Civilis  
Interpretis celeberrimi

COMMENTARI.

THE UNIVERSITY OF

CHICAGO

LIBRARY

DOMINICI  
**AULISII**

JC. CLARISSIMI,

Et in Neapolitano Gymnasio Juris Civilis  
Interpretis celeberrimi

**COMMENTARI**

AD TIT. PANDECTARUM

DE ACQUIR. VEL AMITT. POSSESS.  
DE VERBOR. OBLIGAT.  
DE LEGAT. ET FIDEICOMMISS.



**NEAPOLI MDCCLXXVI.**

EXPENSIS JOSEPHI DE LIETO,  
SUPERIORUM PERMISSU.

1053.427

1053.427

# T Y P O G R A P H U S A D L E C T O R E M.

**S**olent esse, quæ minus expectantur, jucundiora. Nihil vero præclarissimi Viri Domitii Aulicii Commentariorum editione minus erat expectatum, apud illos maxime, qui ejus autographum viderant: sive enim formam characteris, sive mutationes, emendationes, notulas, aliaque id genus crebris locis occurrentia, insperasset; ejus editionem facere, rem pene desperatam credidisset. Sed tot tantasque difficultates post multos labores atque vigilias industria honesti cujusdam Viri tandem superavit, qui de Patriæ decore atque maximo ornamento, sicut & juventutis utilitate atque emolumento, sollicitus, omnem movit lapidem, ut ex tam implicato obscuroque autographo, Maximæ Viri opera tanquam ex tenebris ad lucem revocarentur. Quamvis autem multa sint obvia horum commentariorum exempla, ab adolescentibus nempe exscripta, dum Ille in Gymnasio dictabat; omnia tamen plusquam tertia parte sunt manca, & mutilata; tum ob temporis angustiam, quæ multa inter dictandum refecare cogebat, tum ob magnitudinem & difficultatem rerum quarundam,  
quæ

quæ sub tyronum intelligentiam non cadere cre-  
debantur. Ordo librorum Pandectarum postulabat,  
ut alio ordine hos Commentarios exhiberem; sed  
hoc nihil est, & paratam habeo excusationem,  
quod autographum cujushibet commentarii typis  
mandaverim, prout mihi habere integrum fuit.  
Interim reliquorum operum, quæ ad Jurispruden-  
tiam pertinent, editionem paro. Hanc itaque  
accipe, illam expecta, meumque juvandi studium  
commenda. Vale.



# DOMINICI AULISII

J. C. CLARISSIMI

## De acquirenda, vel amittenda Possessione, ad lib. 41. Pandectarum tit. 2.



Est Justinianus superiori libro de Actionibus præjudicialibus, quæ sunt de statu, hoc est, de Libertate aut Servitute, de Ingentitate aut Libertate, de quibus majores Judices cognoscunt. Majores

Judices sunt, qui vice sacra judicant, ut Præfetti Prætorio, Proconsules, Vicarii: qui secus, sunt minores, ut Rectores Provinciarum, Correctores. Ita quoque Præfectus urbis major, l. 5. C. de offic. Re. stor. Provinc. Razard. 3. conject. 10. Gothofr. in C. Theod. l. un. tit. de omnia action. impetrat.

Nunc sibi ad interdicta viam parat, quæ instar actionum sunt, & actiones appellantur sæpe: imo hodie conversa in actiones sunt, §. ult. Instit. de interd. Quia enim Interdicta a possessione dependent, & de ea omnino agunt, ideo Justinianus, rem more suo aliquando longius repetendo, de Possessione prius agere instituit, tum hoc Digestorum libro, tum etiam sequenti, ubi plurima de missione in possessionem per sententiam agit, quoniam missionem Q. Mutius reponebat inter genera possessionum, ut hic in l. 3. §. ult. Verum non agit de missione in possessionem legatorum, aut ventris nomine, aut damni infecti, quas missionum causas et de nata antea explicaverat.

Tom. I.

Hic itaque explicitis, tandem lib. 43. de ipsius Interdictis, sive extraordinariis Actionibus, quæ pro his competunt, sermonem orditur.

Hæc est in his 4. libris generalis Titulorum connexio, quæ vulgo Continuatio dicitur, a Græcis Jurisconsultis emissa, ut Cujac. in Paratitulis ad tit. anteed. monet. Verum non his tantum contentus fuit Justinianus; sed quia inter Possessionem & Dominium sæpe fit, aut collatio, aut distinctio, & per possessionem plerumque acquiritur dominium, & interdicto de possessione præparatur & ordinatur causa de jure & dominio, l. si de vi, ff. de judic. l. liberis, §. ult. ff. de liberali causa, l. incerti, C. de interd. i. propterea, ut omnia clare & distincte percipi possent, multa de ipso Domino inculcat tit. 3. & seqq. de Usurpationibus & Usucapionibus eorumque speciebus.

Tria demum sunt, quæ hic observari mereantur. I. in compilatione Codicis, contra quam hic in Pandectis fit, prius de Usucapionibus agi, tum de Possessione. Non dissimiliter in Codice titulus de Edendo præponitur titulo de in jus vocando, qui ordo in Pandectis pervertitur. Nempe verum est, quod Vacconius 47 observ. 1. monet, Tribonianum in copulandis titulis non ita scrupulose processisse, ut vulgo Doctores opinantur.

II. In Pandectis Florentinis titulum ita

A

con-

conciipi, *De acquirenda vel amittenda possessione*: quod librariorum incuria factum videtur, & pro *amittenda* reponendum *amittenda*, ut post Lxlium Taurellum monet Antonius Augustinus 1. *emendar* 2. nempe quia possessio amittitur, non enim omittitur; quamquam secus sit de hereditate, quæ non amittitur; nam qui semel heres est, de jure civili nunquam heres esse desinit; omittitur tamen, si heres obventam sibi hereditatem repudiet: propterea titulum habemus, *De acquirenda, vel amittenda hereditate*; quæ utique amissa in possessione locum non habet; possessio enim non jure obvenit, sed factu acquiritur.

III. Quamvis in Pandectis titulus sit, *De acquirenda, vel amittenda possessione*, tamen in Codice ita concipi, *De acquirenda, & reseranda possessione*; propterea ut in Digestis *Reserandis*, in Codice *Amittendis* mentis desiderari videatur. Quæ tamen omnia in idem recedere putat Accursius, quia qui duo ex his cognoscit, facile cognoscit & tertium.

### QUESTIO I.

*De nomine Possessionis.*

**P**ossessionis nomen non unius significationis est, sed ad varia, eaque plurimum inter se diversa se extendit.

I. Possessio pro suo effectu de jure civili ponitur, & Usucapionem denotat per Metonymiam, ut in *l. denique ff. ex quib. caus. major*, ubi eleganter a Papiniano dicitur: *Possessio sine possessione non consistit*. Quippe idem possessionis vocabulum in eadem oratione bis positum, aliam in uno, aliam in altero loco significationem habet: Initio enim sumitur pro Usucapione; deinde pro detentione, quæ est ex iusta causa acquirendi. Quæ figura græcè *ἀνὰ* idest *nexus* vocatur, notante Donato ad Terentium non semel; & non infrequenter reperitur in jure. Ita in *l. quantur, §. mulierem*; *ff. de Edict. edicto* habetur: *Mulierem ita arctam, ut mulier fieri non possit, sanam non videri constat*; ubi Mulier primo loco est quæcumque femineæ sexus est; secundo est corruptæ. Alia exempla profert Cujacius 14. *obs.* 28. Quocirca accipiuntur quotquot in verbis Papiniani initio pro *possessione*, usucapionem reponunt.

II. Etiam per Metonymiam ponitur pro suo effectu de jure gentium, qui est proprie-

tas & dominium; interdum enim proprietas quoque verbo *Possessionis* designatur, veluti si quis ita dicat, *Do, lego possessiones meas, l. interdum, ff. de verb. signif.* & qui possessiones suas pignori supponit, de dominio locutus intelligitur, *l. 5 C. si pignus pignori datum sit*: ut pariter de eo est, qui possessiones suas vendit, *l. initio, C. de pactis inter emptor*. Utrum autem *Possessionis* nomen ita acceptum fundos & res soli tantum comprehendat, an vero ad res etiam mobiles se extendat, varia opinio est.

Et quidem ad res tantum soli porrigi, docet Bartolus contra Cynum in *l. uxorem §. legaverat, ff. de leg. 3.* & constat ex *l. ab executione, C. quor. appellat.* ubi palam res mobiles a possessione distinguuntur; nam primò dicitur, *Si res mobilis est*: deinde *Quod si de possessione, vel de fundis, &c.* Et postlim jure nostro, cum id possessionis nomen explicatur, res soli designantur, *l. Imperatores, ff. de servit. rustic. l. 38. ff. de minor. l. 1. C. de omni agro deserto*. Ita etiam D. Gregorius, & Symmachus, ut notat Franciscus Juretus ad *epist. 69. lib. 1.*

Comprobat Clem. xxiiv, §. porro, *versic. cumque annui, de verbor. signif.* quam Cynus perperam secum facere putat. Nam cum regula D. Francisci esse *Frates nihil sibi proprium, nec domum, nec locum, nec aliquam rem*, Clemens V. monet, his verbis prohiberi etiam annuus census, ut qui stabilitum jure censetur prohiberi etiam possessiones, nempe quia res stabiles sunt. In italico tamen idiotismo possessionum nomine prædia rustica designantur, Lucas de Penna in *d. l. 1. C. de omni agro deserto*.

Deinum notatu dignum est, hoc sensu intelligi *l. sciendum, §. creditor, ff. qui satisd. copant.* ubi creditor, qui pignus recepit, possessor esse negatur: nam cum de satisfactione judicio sisti, in ea l. agatur, quam evitare illi tantum possant, qui vel in urbe, vel in agro res soli possident, aut ex asse, aut pro parte; merito possessionis verbum non de quacumque possessione in ea l. sed de ea, quæ cum proprietate conjuncta est, & in jure domini consistit, erit accipiendum. Ita Accurs. Bart. & alii cum Fabro *ibid.* Valentia *hoc tit. cap. 11. n. 13.* Hoc sensu etiam *Possessionis* nomen accipitur in *l. si de vi, ff. de judic. in l. qui causi, ff. ad l. jul. de vi publ.* in quibus quæ prius dicitur *Possessio*, deinde *Proprie-*



tas & Dominium appellatur. Ita etiam in l. 4. C. de contr. empr. ut suis locis videbimus.

III. Possessio usurpatur pro commodo, quod a possessione bonæ fidei oritur, ut est fructio, l. 2. C. Theodos. de maternis bonis, illis verbis: Ita eas (maternas res) haberi placet in parentum potestate, ut dominium tantum possessionis usurpet. Agit ibi Constantinus Magnus de maternis bonis filio in potestate constituto delatis, & negat ea patri pleno jure acquiri, quia contentus esse debet potestate fruendi, ut ea alienare non possit. Eam potestatem fruendi se dominium usufructus Imperator Dominium possessionis appellat, ut ibidem in notis Gerhofs. monet; Eodem sensu Dominium possessionis legitur in l. t. C. Gregor. si sub alienis nomine. Quamvis enim Fructuarius rei dominus non sit, l. 1. §. t. ff. de verb. signif. tamen vere dominus usufructus est, quia eas ab alio possessum vindicare potest, tit ff. si usufr. petat.

Itaque Dominium possessionis in citatis juribus est, quod Dominium usufructus dicitur in l. 3. ff. cit. tit. & in l. venditione, ff. de reb. auct. jud. possid. Et perperam Cujacius hæc ut diversa enumerat hic in l. interdum. Sic Dominium usus habetur apud Senecam 7. de benesic. cap. 6. ubi Locatorem, & Conductorem aut ejusdem rei esse, quod dicitur Dominium proprietatis, l. 4. C. de probaton. l. si tibi, ff. quib. modis usufr. amitt. liquidum proprietatis ipsa rer. substantia est, l. locum. §. proprietarius, ff. de usufr. l. 2. §. quadam, ff. de interdicitis.

IV. Possessionis nomen significat prædium Reipublicæ vel Principis, cujus non nisi usum habemus, ut in l. t. C. de fundis rei privatae, lib. 11. & docent verba Jaboleni in l. questio, ff. de verb. signif. ibi: Quicquid enim apprehendimus, cujus proprietatis ad nos non pertinet, aut nec potest pertinere, hoc Possessionem appellamus. Possessio ergo usus: Ager proprietatis loci est. Quæ verba multos deceperunt, ut videre est apud Merendam 2. controvers. jur. 16. Et sene perperam accepta sunt a Charonda t. 1. §. 6. & Baudio Varior. 9. 4. num. 2. dum opinantur, hic a Jaboleno Possessionis definitionem tradi. Quod longe aberrat a vero; quippe Jurisconsultus nihil aliud intendit, nisi ut differentiam inter Possessionem, & Agrum tradat: & Agrum dicit esse fundum, cujus proprietatis nostra sit: Possessionem vero denotare fundum vel prædium, cujus usum tantum habemus, proprietatem

verò nec habemus, nec habere possumus, cuiusmodi sunt stipendiaria, & tributaria prædia, quorum dominium ad nos non pertinet, sed ad Rempublicam, vel Principem, l. si finita, §. si de vestigialibus, ff. de damno infecto, l. cum sponsus, §. in vestigialibus, ff. de Public. in rem act. l. si domus, §. si fundus, ff. de leg. 1. Quippe agri bello capti Reipublicæ vel Principi addicebantur, a quo aliis concedebantur, non jure domini, sed ad usum tantum, sub ea lege, ut tributum Principi, vel stipendium Populo solverent: indeque factum est, ut ea prædia Possessiones dicerentur, ut latius notat Cujacius in d. l. questio, Brissonius 4. antiq. 1. Valentia de possessionis essentia cap. 3. Hi agri provinciales erant, & nec mancipi dicebantur, ut est apud Aggeum Urbicum de limitib. agror. nam agri, qui in solo Italico, erant Mancipi, Ulpianus tit. 19. de dominiis & acquisitionibus rerum, §. t. quæ tamen differentia sublata est a Justiniano in l. un. C. de usucap. transform. & in §. traditionem, Instit. de rer. divif.

Ita ergo capiemus Alium Gallum, qui apud Festum ait: Possessio est usus quidam agri aut adificii, non ipse fundus autager; quamvis Cujacius hic in Paratilis & in l. 1. ff. eod. tradat, veram Possessionem definiri, & Usum accipias pro detentione, non pro eo, quod Græci *χρησις* dicunt. Itaque ut concludamus, Possessio hic est, quod Feudum dicimus; aut certe hinc Feudorum origo petenda est.

V. Tandem Possessio, prout in nostra Rubrica accipitur, detentionem, sive detentionem rei significat; quippe, ut Paulus in l. 1. advertit, græce dicitur *κατοχή*, quod nonnisi detentionem notat, quasi *οικείν*, licet Possessio græce dicatur *κατά*, tamen definire per *κατοχή*: Unde factum est, ut hæc Possessio dicatur Diacotochia in l. 7. C. de omni agro deserto lib. 11. sicut Diacotichus vocatur Possessor in l. C. Theod. debitor ubi Jacobus Gothofredus.

Hæc Possessio ita nuncupata est a *positio*ne pedum, ut in d. l. 1. habetur. Usum enim apud veteres receptum fuit, ut ex pedum positione prædiorum possessionem nancisceretur: unde Deuterons 11. Omnis locus quem calcaverit pes vester, vester erit. Quamvis enim & alius corporis partibus rerum possessio acquiratur, ut manibus; imò & oculis; a pedum tamen positione nomen habuit,

quod hinc frequentius rerum præsertim immobilium possessio originem traxerit. Hæc notationem tenentur Connanus 3. *Comm.* 8. Walterus 2. *miscell.* 19. Giphanius hic, alique.

Verum Alciatus 1. *disput.* 1. negat scire se, quid commune habeat in sonu *Possessio* cum *Pedibus*. Quare ex antiquis libris, & ex Pandectis Florentinis verba in d. l. 1. ita restituit, ut *Possessio* dicatur a *positione sedium*, sive *sessionis*, ut etiam tradit Duarenus hic, & Vacanius 2. *declarat.* 3.

Verius tamen est, Possessionem simplex nomen esse, non compositum, ut quæ a solo verbo *Possum* derivat, Muretus 3. *epist.* 37. five quia quisque ut potuit, occupavit, ut loquitur Isidorus 15. *origin.* 13. five quia is, qui possidet, plurimum in re possessa potest. Quod confirmat ut ex Jurisconsultis Græcis, præcipue ex Theophilo in *tit. Instit.* de *Interdictis*, ubi non semel possessionem reddit *dominus*, id est, Potestatem, sicut & ibidem vocat *interitus*, id est, vim & efficaciam, quæ a potestate non multum abis.

Quæstionis tamen est, an ut stabilitum, ita quoque mobilium vera possessio detur, accipiendo possessionem in hac ultima significatione.

Et quidem Accursius hic verbo a *pedibus* in fine, minus proprie res mobiles possideri docet, quia pedum positionem non recipiunt. Idemque videtur suaderi ex l. *uxorem*, §. *legaverat*, ff. de leg. 3. ubi verbis illis legati, *Quidquid in patria Gadibus possideo*, mobilia, veluti Kalendarium, & pecunia non continentur.

Sed Bart. Jaf. Alciat. & alii hic, rerum quoque mobilium veram esse possessionem tuerentur. Ita quoque Connanus 3. *comment.* 8. Menoch. de *reim. poss.* remed. 3. Valentia in hoc tract. cap. 1. a num. 9.

Et ita sane patet ex pluribus, de quacunque possessione sermo sit, sive naturali, quæ & corporalis dicitur, sive civili. Nam pignus, quod proprie rei mobilis est, utique naturaliter possidetur; l. si pignus, ff. de pignorat. actione, l. servi, ff. de usucap. item furtum, quod rei quoque mobilis est, non fit, nisi res possessa corporaliter fuerit, l. 1. ff. de furtis, l. 1. §. Scævola, ff. si is qui test. liber. Ex usucapio, quæ sine civili possessione non procedit, etiam ad res mobiles pertinet, l. si hominem, ff. de usucap. l. si rem, ff. pro emptore.

Patet etiam, quia ad tuendam rerum mobilium possessionem datur Interdictum *Urbis*, quod non daretur, nisi in rebus illis propria & vera possessio esset, argumento ex l. penult. in fin. ff. de servit. & in l. 1. in fin. ff. de superfic.

Denique, quia in jure nostro, ubi de rebus mobilibus mentio incidit, simpliciter & sine addito *possideri* dicuntur, l. 3. §. *Nervæ*, §. si rem, ff. eod. cum concordantibus at e diverso ea, in quibus vera possessio locum non habet, *quasi possideri* dicuntur; & pro juribus Interdicta veluti *possessoria* constituta esse dicuntur in l. quoties 20. ff. de servitut.

Nec ad rem facit argumentum Accursii ab etymologia: nam verum est, etymologiam aliquando vim definitionis habere, & proinde ab ea argumenta posse deduci, uti est in etymologia Donationis, & injuriæ, l. *Senatus*, §. 1. ff. de mort. caus. donat. l. 1. ff. de injur. & Theophilus etymologiam & definitionem testamenti esse dicit, ut testatio mentis sit; & tractant Fulgos. Jalon, Zasius in l. 2. §. *appellata*, ff. de reb. credit. id tamen locum non habet, quoties etymologia vel ab eo, quod frequentius accidit, vel quod olim accidebat, desumpta est. Veluti ærarium ita dictum, quod olim in eo nonnisi res condebatur: Tribunal, quod frequenter in eo Tribuni jus dicerent; non tamen recte inde concludit, ubi ærarium conditur, ærarium non esse; aut solium, unde ceteri Magistratus jus dicunt, Tribunal non esse. Ita est olim possessio nonnisi pedibus acquirere, vel hodie frequenter pedibus acquiratur; perpetram inde elicit Accursius; ideo rerum mobilium veram non esse possessionem, quia in rebus soli pedum positio locum solummodo habere videtur. Vide Iustus Nicol. Everardum in *Topis. legal.* loco ab *Etymolog.*

Nec etiam facit responsum Scævole in d. l. *uxorem*, §. *legaverat*. nam respondetur in eo legato, *Quidquid in patria Gadibus possideo*, ideo primo non contineri pecuniam, non quia pecunia non possidetur, ut falso Accursii Fautores opinantur; sed quia questum fuit apud Scævola non de quacunque pecunia, sed de ea tantum, quæ Gadibus deposita erat, hoc est, ita ibi posita, ut non ibidem perpetuo maneret, sed ad tempus tantum. Quod etiam patet ex eo, quia pecu-

pecunia ea fuerat ex nominibus collecta, ut argumento sit, ibi depositam, ut iterum eam Testator crederet. Et quotiescunque legatum vel fideicommissum relictum est per relationem ad certum locum, ea tantum continentur, quæ ibi sunt, ut perpetuo maneant; quippe quod alicubi casu, vel ad tempus, & non perpetua destinatione collocatum est, id ibi esse non videtur; *l. generali, §. uxori, ff. de usu & usufr. leg. l. fund. §. Labeo, ff. de action. empti, l. debitor, ff. de pignor.* Unde in *l. si chorvs §. 1. ff. de leg. 3.* duplex pecuniarum genus a Cello distinguitur: altera, quæ alicubi est, ut ibi perpetuo non sit: altera, quæ ibi ad varios fortunæ casus seposita est causa præsidii, quæque vulgo *penulium* dicitur; unde illud Rusticorum dictum a Cello notatum, *Pecunia sine penulo fragilis est.* Illa non venit in legato mobilium cum certa loci designatione, hæc venit, ut ibidem dicitur, *Coras. t. miscell. 13.* Arias Pinell. in rubr. *C. de bon. matern. par. 1. nu. 5.* Covar. 1. variat. 5.

Secundo ideo non contineri Kalendarium, quoniam qui in Kalendarium vel Instrumentum legat, nomina & obligationes legare intelligitur, *l. servum §. ejus l. hujusmodi §. si ita, ff. de leg. 1. l. qui eborographum, ff. de leg. 3.* Est enim Kalendarium liber scænebris pecuniarum, vel codex, in quo nomina debitorum referuntur: ideo dictum, quia olim creditores stipulabantur usuras in Kalendaris singulas: quare factum est, ut Kalendarium nomine ipsæ pecuniarum scænebris significetur, *l. pen. ff. de reb. cred. & conditio ex mutuo sub usuris dicitur Actio Kalendarium, l. tutores §. penultimo, ff. de nomin. tutor.* Solebant tamen diem solutionis differre in Idus, *l. si ex pluribus §. ult. C. de solution.* Horatius: *Omnes relegit Idibus pecuniam, Quareis Kalendaris povere.*

Ceterum nomina debitorum, & obligationes, neque mobilibus, neque immobilibus accensentur: nec aliquo loco esse dici possunt, quia non sunt, sed esse intelliguntur, *l. si fideicommissum, §. 1. ff. de judic.* Et eleganter Cujac. *l. 13. Pauli ad Edictum in l. Cajus §. de leg. 2.* scribit, jura nullo loco esse, quid nec ipsa sunt, ideo nec possideri possunt, *l. ult. §. de servitut. l. 3. in primis, ff. cod. Et de nomine quidem Possessionis hæcenus.*

## Q U Æ S T I O II.

De substantivæ Possessionis.

**P**ossessionis definitionem nullam in toto corpore juris reperire est: eam tamen nostri certatim magnis conatibus tradere aggressi sunt, sed ita inter se diversi abeunt, ut in id omnes convenisse videantur, ne in unum sentiant. Nos aliorum opinamentis omittis ita definimus. *Possessio est detentio rei corporalis cum animo conjuncta.* Explicetur definitio.

Dicitur *Detentio*, quæ alio nomine *Incuratio* vocatur in *l. ult. C. de rei dominica, vel temporum*; & pignori incumbere est pignus possidere in *§. furti autem actio, Instit. de oblig. quæ ex delicto.* Unde in principio *autoxiæ*, hoc est, *detentionem*. Quod non sine temperamento intelligendum est; nam si verborum rigorem attendamus, possessio græce dicitur *νομή*, & definitur per *autoxiæ*: quocirca Jurisconsulti Græci in *Basiliensibus ad l. nemo ambiret, C. cod.* ita loquuntur: *νομή ἐστὶν ἐννομὸν ἢ πρᾶγματος αυτοξία; Nome (Possessio) naturaliter est rei casus (detentio).* Et Theophilus ad tit. *Instit. de Interdictis*: *νομή ἐστὶν ἐννομὴν πρᾶγματος αυτοξία; Nunc est rei corporalis κατοχή.* Quod non recte explicat Duaren. 1. anniverf. disputat. 18.

Hinc fit, ad possessionem necessario exigi factum, & prehensionem rei, nec solum animum satis esse: vel solum adesse aliquid, quod pro corporali apprehensione habeatur: quippe detentio & incuratio res facti est, Exemplum esto. *scio thesaurum in fundo meo positum, & possidenti affectum habeo statim thesaurum possidere dicor, quia fundi apprehensio, & scientia thesauri æquipolent apprehensioni thesauri, l. 3. §. Neratius, ubi Gl. verbo Naturalis, §. cod. Verum de modis acquirendæ possessionis latius infra.*

Dicitur *Rei corporalis*. Jurisconsulti Græci in definitionibus jam positis modo dicunt simpliciter: *Detentio rei*, modo cum addito, *Detentio rei corporalis*. Quæ duo hic neque contraria, neque diversa sunt: nam in jure nostro interdum sub simplici nomine *Rei* nihil aliud venit, quam *Corpus*, ut in rei vindicatione, quæ rerum corporaliū est, ad discrimen vindicationis, quæ pro rebus in corporaliū impertitur. Sic quoque in *tit. de acquirendo rem dominio*, nonnisi de rebus corporaliū agitur, *l. si in rem, §. de rei*

*rei vindict. l. plane ubi, 2. si eadem res, §. de leg. 1. §. si generaliter, Instit. de legat.*

Propterea res incorporeales, quarum nulla detentio, incubatio, aut apprehensio est, non possidentur, l. 2. in princ. §. cod. consequenter in eis usucapio, ad quam possessio exigitur, locum non habet, sed solummodo præscriptio, l. servus, §. 1. ff. de acquir. rer. dom. l. usucapionem, §. de usucap. vide Alciatum in *trattat. de præscript. in princ.* Itaque res incorporeæ, quasi, velut, aut si esse possideri dicuntur, l. 3. §. dare, §. de usufr. l. si ego, §. 1. ff. de Publiciana, l. 1. §. fin. ff. de servitut.

Dicitur Cum animo conjuncta l. 1. §. furiosus, ff. cod. ubi furiosus, & pupillus, licet maxime rem suo corpore contingant & detineant, tamen non possunt incipere possidere, quia affectionem tenendi non habent: sicuti si quis dormienti aliquid in manu ponat, utique dormiens rem corpore detinet; at non possidet, cum animo insistendi caret, ut ibidem Paulus habet.

### QUESTIO III.

*De Possessione naturali, & civili.*

Variæ hac in re olim certatum inter Jurisconsultos, aliud sentientibus iis, qui ex Sabini schola, aliud iis, qui ex schola Proculi profecti sunt, ut monet Edmundus Merillius 2. observ. 31. Nam possessionis distinctio in civilem & naturalem profecta est ex schola Sabini, ut constat ex l. pupillus §. de acquir. rer. dom. Quare Jabolenus, qui ex ea schola fuit, sic etiam distinguit in l. quo servus, §. cod. Ita quoque Julianus in l. 2. §. quod vulgo. §. proherede: & tandem Ulpianus in l. stipulatio ista, §. hac quoque, ff. de verbor. obligat. quæ lex defuncta ex lib. 49. ad Sabinum.

Hinc Jabolenus, Julianus, Ulpianus, Paulus, Pomponius, Papinianus, qui omnes Sabiniani, contendebant posse fieri, ut duosimul eandem rem possiderent, sed diverso modo, ut scilicet unus, qui rei corporeæ incumberebat, possideret naturaliter; alter vero, qui rem eandem animo detinebat dominandi, diceretur possidere civiliter, Paulus ex Sabino in l. 3. §. ex contrario, ff. cod. Pomponius lib. 29. ad Sabinum in l. & habet, §. ff. de precario.

Ex hac sententia Possidere dicuntur quotquot rem detineant, quocunque modo vel causa id accidat, dummodo animum possidendi habeant, Paulus in l. 1. §. 1. ff. cod. Ita creditor, qui pignori rem accepit, eam naturaliter possidet, l. 3. §. ult. ff. ad exhib. Colonus quoque, Depositarius, & Commodatarius naturaliter possident, d. l. 2. quod vulgo l. videamus, 2. §. si possessionem, ubi Accurs. ff. de usufr. Sic Fructuarius naturaliter rem possidet, in qua usumfructum habet, l. naturaliter, & l. possessio, ff. cod. quæ est Papiniani.

Naturalis possessio quæquæ corporalis, quia naturalis non est, nisi per corpus apprehensio, d. l. quod servus, ff. cod. ubi servus, qui prius dictus fuit possidere corporaliter, deinde naturaliter possidere dicitur, & de tribus usurpatur. I. De eo, qui possidet sibi, ut creditor respectu pignoris, cujus corporalem possessionem habet, l. debitor, §. ult. ff. de pignorat. act. & qui alium precario rogavit, ut sibi possidere liceret, d. l. & habet, ff. de precario. II. De eo, qui possidet alteri, ut colonus, l. si id quod, §. ult. Possidet propossessore, l. non solum, §. quod vulgo, ff. de usucap. Eodem modo si servus rem detineat domino ignorante, corporalis possessio est, & tamen nec sibi nec domino possidet, cujus ignorantie nullus est consensus, l. quod servus, ff. cod. Unde Turaminius, quod naturalem possessionem a corporali distinguit, fallitur de vera substantia possessionis cap. 8. num. 23.

Ex contrario Labeo, Celsus, Pegasus, Proculiani, negant possessionem penes duos esse posse. Labeo in l. 3. §. ex contrario, ff. cod. Celsus in l. ut certo, §. ult. ff. commod. Et quos Sabiniani dicunt possidere naturaliter, Proculiani negant omnino Possidere, Pegasus ex schola Labeonis in l. officium, ff. de rei vindict. Celsus in l. quod meo, ff. cod.

Propterea ex Proculo colonus non possidet, d. l. officium, l. 1. §. deiecitur, ff. de vi & vi arm. Et frustra dixerint quis, non possidere civiliter, sed possidere naturaliter; nam nullo prorsus modo possidet, l. non solum, §. quod vulgo, ff. de usucap. Ita commodatarius, & depositarius possidet, l. Celsus, §. Julianus, ff. ad exhib. l. 1. §. unde, ff. quot legator. l. acquiritur, §. ult. ff. de acquir. rer. domin.

Isti tamen, qui non possident, a Proculia-

lianis dicuntur esse in possessione: ut qui creditur vel legati servandi causa, & qui ob non prælitam cautionem damni infecti ex primo decreto mittitur in possessionem, non possidet, sed in possessione est, custodiz causa: ut dicitur in *l. si quis, §. idem Pomponius, ff. eod.* Itaque ex Proculo aliud est possidere, aliud in possessione esse, ut diversa sunt servum esse, & in servitute esse, *l. si postulaverit, l. §. de eo, ff. ad l. Jul. de adulter.* Ita diversa sunt, liberum esse, & in libertate esse. Quintilian. *declam. 340.* in ea lege. *Qui voluntate domini in libertate fuerit, liber sit, Cujac. in d. §. idem Pomponius, & q. observ. 33.*

Ceterum Sabiniani (quorum sententia frequentius in nostro jure probata reperitur) tunc solum naturale possessionem a civili distinguunt, cum alius rem teneret, alius vero nihilominus nŭcaperet. Sed si quis rem possideret, & possidendo nŭcaperet, apud eum utramque simul possessionem admittebant, quæ mixta est. In nostro tamen jure hæc ipsa civilis etiam possessio dicitur, Merillius *loc. cit. observ. 32. ex l. 2. ff. pro herede*: sicut obligatio dicitur, quæ simul civilis & naturalis est, *l. heres 21. §. 2. ff. de fidejussor.* Imo mixta hæc possessio quandoque simpliciter possessio appellatur, *l. 3. §. Nativus ff. eod.* ubi habetur solo animo non posse nos acquirere possessionem, nisi antecederet naturalis possessio.

Hæc sunt Sabinii & Proculi dissidentes sententiz, & Jurisconsultorum alii hanc quidem illam amplexi sunt. Nonnulli tamen fluctuasse videntur, & modo Proculo adhæsisse, modo Sabino. In horum numero est Ulpianus, de quo illud mirum est quod habetur in *l. 1. §. deiecitur, ff. de vi & vi armata*, ubi cum ait, *Deiecitur is, qui possidet, sive naturaliter, sive civiliter possidet*, utique cum Sabino sentit; & tamen mox, quasi sui oblitus, negat colonum ullo modo possidere, quod ex Proculi schola est. Ex hac animi ambiguitate orta sunt etiam ejusdem illa in *l. 3. §. ult. ff. cit. cit. qualiter esse quis in possessione*. Qua ratiocinatio (extenuatione) ulius est Ulpianus, ne a Proculi schola discederet, & tamen aliquo modo Sabinianis displicere noluisset, quasi nec Proculi sententiam per omnia probaret. Alibi tamen aperte Sabino favit, ut in *d. l. stipulatio ista, §. hæc quoque, ff. de verb. oblig.*

Alibi vero Proculo, cum commodatarius & depositarius possidere negat, *l. certe, §. is quoque, ff. de precario.*

Ita quoque Julianus cum Sabino sentit in *d. l. 2. §. quod vulgo, ff. pro herede*, ubi præter possessionem civilem admittit quoque naturalem, & tamen interdum a paribus Sabinianorum defecisse videtur, & cum Proculo militasse: negat enim colonum ullo modo possidere in *l. non solum §. quod vulgo, ff. de usucap.* ait enim: *Qui nec vivus nec mortuus domino nullam possessionem habet, id est, nec civilem nec naturalem.* Variavit, ergo, ut in causa alia de Papiniano refert Justinianus in *l. ult. C. de furtis.*

Itaque si hæc concordanda aliquo modo sunt, alia via inŭsti non potest, nisi ut dicamus, possidere naturaliter idem valere, quod esse in possessione. Quæ concordia licet non est ex mente Proculi & Sabinii, est tamen ex mente Justiniani, qui ambas illorum Jurisconsultorum sententias in suas Pandectas retulit, non ut discordantes inter se, sed ut consonantes. Quare verum erit, colonum, exempli gratia, possidere naturaliter; verum quoque erit, eundem esse in possessione: & hæc duo nihil inter se differre. Cum vero Proculiani dicunt, colonum non possidere, id ex Justiniano interpretabitur, ut intelligatur non possidere civiliter. Quod attinet ad possessionem duorum, infra dicitur latius.

Jam si quis harum possessionum definitiones querat, eas ex dictis questione antecedenti deducere quam facillimum est: nam possessio naturalis est detentio rei animo insistenti: e diverso, possessio civilis est detentio rei animo dominandi. Quæ definitiones jam per se clare sunt, nec ulteriori exornatione indigent: Solum monemus, illud Detentio rei in utraque definitione esse loco generis; nam possussum quidpiam detinere, nec tamen possidere, *d. l. 1. §. varius §. eod.* Illud vero Animo insistenti in definitione possessionis naturalis, & illud Animo dominandi in definitione possessionis civilis, esse loco speciei seu differentiz, *d. l. 1. in præf. & d. l. si servus, §. de noval. action. vel Copiatione dominandi, l. pen. C. de furtis.* Sed ut hæc rectius percipiantur, sit.

*Utrum omnis qui habet animum sibi possidendi, civiliter etiam possideat.*

**A**ffirmat Valencia in sua possessionis definitione, ex l. 1. §. 1. & l. 3. §. 1. §. *Necatus*, & in §. *emittenda*, & l. *quemadmodum*, & l. *qui iure ff.*, *cod.* In quibus tamen locis hoc solum habetur, ad possessionem exigi animum & effectum possidendi, non enim dicitur, sibi possidendi, quæ duo longe distant, ut idem Valencia notat *cap. 2. num. 43.* Hic autem animus in omni possessione exigitur: non modo in civili, sed etiam in naturali; quare furiosus, & infans, qui animum vel consensum non habent, possidere non possunt, *dist. l. 1. §. 1.*

Nos concedimus, eum, qui civiliter possidet, sibi etiam possideret; dubitandum enim non est, qui animum dominandi habet, sibi & non alii possidere. Negamus vero, omnem, qui sibi possidet, civiliter possidere.

Sed præmittendum est l. creditoris sibi possidere pignus, ut voluit Accursius in l. *pignori in princ. ff. de usufructu*, & in l. 1. ff. *de pignorat. act.* & post alios ipse Valencia *cap. 11.* Non enim creditor possidet pignus debitori, sicut colonus possidet fundum conductum domino, quod patet ex pluribus. Primo, quia debito potest rogare a creditore possessionem pignoris precario, quod non est in colonis, qui alii possidet, l. *qui pignoris ff. cod.* Ergo creditor sibi pignus possidet.

Patet etiam, quia debitor fundum pignori traditum potest conducere a creditore, vel tanquam inquilinus, vel tanquam colonus, l. *re pignoris ff. cod.* quo casu debitor possidet ipsi creditori, l. *si pignus ff. de pignorat. act.*

II. Possessionem hanc creditoris non esse civilem, sed naturalem, Balduinus *de pignori-bus cap. 15* Cujac. 28. *observ. 24.* & in l. *servi ff. de usufructu*. Faber in l. *sciendum*, §. *creditor ff. qui satisd. cogant.* Quod probatur ex Papiniano il l. *debitor* §. *ult. ff. de pignorat. act.* illis verbis: *Soluta pecunia, creditor possessionem pignoris, qua corporalis apud eum fuit, restituere debet.* Jam enim ex dictis constat, corporalem possessionem longe distare a civili, nec esse, nisi naturalem possessionem, quid quid argumentatur Valencia. Constat id ipsum ex l. *servi ff. de usufructu*. Ita etiam capiendus est Paulus in l. 1. §. *per servum ff. cod.* cum

ait, *servum pignori datum, corporaliter datum intelligi*, hoc est transire in creditorem non omnem possessionem, sed naturalem tantum; civili interim remanente apud dominum.

III. Hæc, quæ de pignore diximus, locum quoque habere in precario. Nam qui precario rogat, ut sibi fundum possidere liceat, sibi possidet, ut patet ex eo quod perit sibi. & tamen non nisi corpora possidet, l. *et habet*, §. *eum qui ff. de precar.* Habere etiam locum in uxore, cui maritus cessit possessionem causa donationis; ipsa enim sibi possidet, non viro, l. 1. §. *si vir ff. cod.* Nihilominus ipsa uxor civiliter non possidet, l. *si eum qui ff. de donat. int. vir. & uxor.* sed possidet naturaliter, l. 1. §. *dejectur ff. de vi & viarmata.*

His positis, quam facillime id, quod dicebamus, probatur. Nam creditor sibi possidet pignus; qui precario rogavit possessionem fundi, sibi eum quoque possidet; ita etiam sibi possidet uxor: & tamen nullus istorum, nisi incorporaliter aut naturaliter, possidet. Ergo non omnis qui sibi possidet, civiliter possidet. Ceterum ratio, cur creditor, & is quo precario possessionem sibi rogavit, non habent civilem possessionem, alia esse nequit, nisi quæ traditur in l. *quacunque*, §. 1. ff. *d. Publiciana*, & in l. *si servus*, §. 1. ff. *de naxal. action.* nempe quia neuter affectu, vel opinione domini possidet. Ideo etiam uxor non possidet civiliter rem sibi a viro donatam, quia oratione Antonini animum domini habere prohibetur, l. *qui jam nupta ff. de donat. int. vir. & uxor.* & ex errore juris putat rem sibi acquisitam.

## QUESTIO V.

*Utrum possessio facti sit, an juris.*

**E**A juris dicuntur esse, quæ a lege habent, ut sint vel non sint: seu a lege introducta sunt, ut magis intelligantur esse, quam sint. Hujusmodi sunt Tutela, Hereditas, Usufructus, Dominium, & alia lexcenta, quæ omnia per jus definiuntur; ut Tutela est jus in caput liberum: Hereditas juss succedendi, atque ita porro. Ea vero facti sunt, quæ a natura originem habent, & a natura est ut sint, vel non sint: veluti est corpus, & actus corporis, veluti insipientia, & detentio, item animus, & animi affectio, quæ appellatur quoque voluntas, mens, cogitatio.

His ita positis, facile est intelligere, possessionem

possessionem naturalem, seu corporalem totam ex facto pendere, in quantum ad sui naturam; nam est detentio rei animo insilendi; quippe detentio est actus corporis, hoc est factum & non jus: factum quoque est animus seu affectio insilendi, utpote cujus etiam servus capax est, l. 3. §. *factus ff. eod.* Ceterum negandum non est hanc ipsam naturalem possessionem multa extrinsecus a jure mutuari, quod jus effectus & commodum possessionis moderetur. Similiter facile est etiam intelligere possessionem civilem ex facto & jure mixtam esse, sua ipsius natura inspecta; nam est detentio rei animo domiandi, & ut detentio rei factum est, ita dominium jus est. Animus domiandi, quia ad dominium reuertur, dicitur esse jus, ut auctoritas tutoris, licet non sit nisi consensus, quem tutor pupillo gerenti praeferat; quia tamen interponitur, ut actus a pupillo gestus validus de jure sit, dicitur esse juris, l. 1. §. *adipiscitur ff. eod.*

Omnia haec, quae docuimus, demonstrantur ex Papiniano in l. *possessio quoque ff. eod.* cujus legis mentem pauci allecuntur; non enim animadvertenter, Papinianum ibi possessionem naturalem a civili separare, & affirmare naturalem plurimum a jure mutuari, civilem vero non tantum corporis, sed juris etiam esse. Primo itaque loco Juriconsultus agit de servo, cujus ususfructus meus est, licet proprietates aliena sit: & ponit cum servum quadam comparasse ex nummis meis, vel ex operis suis. Quæri poterat, utrum mihi earum rerum possessionem acquirat. Et Papinianus affirmat, sui que dicti rationem reddit in hæc: *Cum & naturaliter a fructuario teneatur, & plurimum ex jure possessio mutuetur.* Et lenius est, quod licet is servus respectu proprietatis alienus sit, tamen a me fructuario possidetur, non quidem civiliter, quia carco animo domini, sed naturaliter; nam fructuarius naturaliter, seu animo insilendi possidet, l. *naturaliter ff. eod.* Ergo possum quoque naturaliter possidere res per ipsum servum quæstias, seu is servus naturaliter mihi rerum possessionem quærit, argumento ex l. 1. §. *mancipis*, & l. 2. C. *cod.*

Verum poterat obijci Papiniano. Possessio naturalis res facti est, & facta non transeunt de uno in alium, l. *si statu libera*, §. *fin. ff. de statu lib.* Quare fallum erit, possessionem a servo quæstiam transire in fructuarium, cum hæc possessio naturalis sit.

Tom. I.

Facile huic objectioni per prolepsin respondet Papinianus, atque nihil obitare, quia possessio naturalis, licet tota facti sit, tamen multa a jure mutatur, hoc est, jus ejus commodum & effectus extrinsecus moderatur; id enim dicimus mutuari, quod extrinsecus nobis accedit, ut Luna mutatur lumen a Sole. Quare commodum & effectus possessionis non manet in servo; sed juris potestate in fructuarium transit, qui propterea dicitur possessionem naturalem per servum fructuarium quæzivisse. Aperteque hæc prima pars legis de naturali possessione loquitur, & si recte intelligatur, duo omnino statuit, unum tacite, alterum expresse, & quidem tacite, possessionem naturalem ex natura sua totam facti esse: expresse vero, eandem possessionem respectu commodorum & effectuum a jure pendere & regi.

Secundo loco Papinianus agit de servis, & filiisfamilias, qui in aliena potestate sunt: vel domini, vel patrisfamilias, & quærit utrum isti rem peculiarem possideant. Hic quæstio non est de possessione naturali; apertissimi enim juris est, servum & filiumfamilias naturaliter possidere res, quas detinent, cum non modo filiusfamilias, sed servus, animi insilendi capax sit, d. l. 3. §. *solus ff. eod.* Itaque agitur tantum de possessione civili. Et quidem Juriconsultus concedit: hos rem tenere, hoc est, naturaliter possidere: negat tamen rem habere & possidere; quæ duo idem Papinianus conjungit, ut exprimit possessionem civilem, quæ est animo habendi, seu domiandi. *Habendi* enim verbum hic de eo accipitur, qui tenet jure domini, sicut *Possidendi* de eo, qui alio jure tenet; l. 38. §. *habet ff. de verb. oblig. Brison. de verb. signific. lib. 8. in princ.* Ideo vero negat, quia *possessio non tantum corporis, sed etiam juris est.* Corporis quidem seu facti, respectu detentionis: juris vero, in quantum ad animum domini; quia servus domini & juris capax non est, l. *in personam ff. de reg. jur.* & filiusfamilias in re peculiari seu profecticia dominum consequi non potest, nec animum domini habere, l. *cum oportet*, §. 1. C. *de bonis qua lib.* Quia vero unica determinatio, quæ plura simul recipit, omnia æqualiter determinat, sit ut si corpus seu factum est de natura civilis possessionis, eodem modo de natura possessionis civilis sit jus.

Conantur nonnulli vim argumenti eludere,

B

re,

re, contendendo hic Papiniano jus large sumi pro animo, tanquam re incorporali, ut opponatur corpori, idest, detentioni, quæ corpore fit; large enim juris nomen quidquid incorporum est denotat, ex *l. quid aliud, ff. de verb. sign.* ubi jura prædiorum sunt prædiorum qualitates, ut bonitas, salubritas, amplitudo: concordat *l. qui fundum, ff. quemadmodum serv. amittatur.*

Sed frustra sunt; erat enim opus distinguere inter hæc duo, *jus possessionis*: & *possessio juris* est: hæc nihil inter se habent simile. Fatimur *jus possessionis* sumi pro qualitate possessionis, ut *jus prædii* est qualitas prædii. Ita in *l. non ideo minus, C. de liber. causa*, si ancilla tua, quæ se proclamavit in libertatem, non probat, dicitur, *Inconclusum possessionis jus obtinebis*, idest, qualitatem juri tituli possessionis. Non dissimiliter *jus possessionis* usurpatur in *l. si ea res, ff. de action. empti, l. 2. ff. uti possidetis, l. stipulatio ista, §. si quis forte, ff. de verb. oblig. l. qui pignoris, & l. cum heredes, ff. eod.* Sic etiam dicimus *jus sanguinis, jus agnationis*. At longe aliud est, cum dicitur, *Possessio est juris*, in qua loquendi figura nunquam *jus* pro qualitate occurrit, multo minus pro animo, scilicet, nisi animum domini intelligamus.

Hinc plura juris nostri loca dilucidantur, quibus Adversarii variis sophismatis tenebras offundere conati sunt. Nam primo textus in *l. nemo ambigit, C. eod.* illis verbis, *Nemo ambigit, possessionis duplicem esse rationem, aliam quæ jure, aliam quæ corpore consistit*, de possessione civili capiendus est, qui corpore, & jure seu animo domini constat; nam possessio civilis interdum simpliciter possessio dicitur, *l. 3. §. Neratius, ff. eod.* ubi solo animo non potest acquiri possessio, nisi antecedit naturalis possessio; hoc est, non potest civilis possessio acquiri, ut monuimus supra.

II. Textus in nostra *l. 1. §. adipiscimur*, intelligi debet de possessione naturali, cum dicitur pupillum sine tutoris auctoritate possidere incipere posse, *qui possessio res est facti, non juris*. Et ratio dubitandi fuit, quia auctoritas tutoris, ut res juris, non exigitur, nisi in iis, quæ juris sunt. Proinde pupillus hereditatem, quæ jus est, nisi auctore tutore adire non potest; cum è contrario in his, quæ sunt facti, pupillus auctoritate tutoris

non indigeat. Hinc quaesitum, an pupillo liceat incipere possidere, tutoris auctoritate non intercedente? Et respondet Paulus ex Officii & Nervæ sententia, pupillo licere, quia possessio facti est, non juris: quæ verba de possessione naturali, ad quam sufficit animus insistendi, capienda sunt. Proinde Paulo visum est, Officii & Nervæ sententiam interpretari de eo pupillo, qui ejus ætatis sit, ut intellectum capiat, hoc est, ut intelligat se insilire, nulla de dominio mentione adjecta. Hanc ergo naturalem possessionem lex ait facti esse, non juris. Ceterum hic incipere possidere idem est, quod possidere, ut incipere diligere, apud Catullum est jam diligere: quippe possessio individua est, nec recipit partes, & cum incipit esse, tota est: nam qui incipit intrare fundum, totum fundum apprehendisse intelligitur, nec opus est, ut omnes glebas circumambulet, *l. 3. in princ. ff. eod.*

Eadem via plura alia juris loca expedire facile est; ut opus non sit singula percurrere. Illud monemus, in possessione civili, quæ ex facto & jure mixta est, scpe factum illud, quod in se habet, operari ut ceteris factis adnumeretur, & eorum leges subeat. Ita Triphoninus in *l. in bello, §. facti, ff. de captivis*, ubi captivo omnia jura in luspenso retinentur, nec abrumpuntur: ad possessio civilis, quæ ad usucapionem exigitur, non retinetur, sed abrumpitur: qui idem captivus, si revertatur ad suos, omnia quidem jure recuperat, at non possessionem civilem, ut propterea usucapionem non perficiat. Cujus rei rationem lex reddit, quia possessio res facti est, & facti cause non continentur postliminio: hoc est possessio civilis ex facto, quod habet admixtum, jure postliminii non gaudet, quo jura mera comprehenduntur, Paulus *l. si is, qui pro emptore, ff. de usucap.* Eandem neciem tractans Papinianus in *l. denique, ff. ex quib. caus. major*, non dicit simpliciter possessionem civilem facti esse, ut Triphoninus, sed possessionem plurimum facti habere. Quæ tamen verba mentem Triphonii aperte declarant.

Ita quoque licet in heredem omnia jura defuncti transeant, civilis tamen possessio non transit, quia hæc merum jus non est, & huic migrationi in heredem, factum, quod habet admixtum, impedimento est. Propterea heres, ut usucapionem perficiat, opus habet,

ut



ut ipse rem apprehendat, d. l. si is, qui pro emptore, l. cum heredes in princ. ff. eod.

Ex his omnibus manifestum est, decipi quotquot omnem possessionem civilem & naturalem solo facto constare docent, ut Fab. in d. l. denique, Valentia cap. 2. num. 41. Decipi etiam, qui possessionem civilem solo jure niti putant, Cujac. in d. l. denique ad lib. 3. quaestionum. Papin. Alciat. in trakt. de quinque pedum praescript. Fachin. 8. contr. 5. Decipi tandem, qui omnem possessionem ex facto & jure mixtam esse contendunt. Aretinus hic in l. 1. num. 13. & seq. Corasius in rub. n. 3. Foreatulus in Cupidine jurisperi-to cap. 14. alique.

### QUÆSTIO VI.

De possessione justa & injusta.

**H**Æc possessionis distinctio extat in l. 3. §. ex contrario, ff. eod. l. duo, ff. de precar. l. justa, ff. uti possideis. Sed quænam ipse sint, non constat inier nos. Nonnulli ita explicant, ut justa sit, quæ bona fide apprehenditur, injusta vero, quæ mala fide, ex eodem l. 3. §. genera, illis verbis. Vel etiam potest dividi possessionis genus in duas species, ut possideatur aut bona fide aut non bona fide, Conanus 3. comment. 10. Donellus 5. comment. 9. Alii possessionem jultum confundunt cum civili, injustam cum naturali, Faber in l. officium, ff. de rei vindic. Valentia cap. 3. nu. 9.

Non dicimus, eum jultè possidere, ejus possessio a jure non improbat; contrario eum possidere injustè, ejus possessioni jultè sitit. Quæ delumta sunt ex d. l. duo, ff. de precario, ubi qui precario rem accepit, jultam possessionem habere dicitur: qui vero vi possidet, aut clam, injustam. Idem habetur ex Ulpiano in l. si duo, ff. uti possideis, ubi possessio julta est, quæ ex julta causa procedit: injusta, quæ vi, aut clam. Sic etiam jultè possidet, qui ob non præstitam sibi cautionem damni insecti, ex secundo decreto Prætoris, l. jultè ff. eod. & ideo usucapere potest, & amissa possessione, agere Publicana. l. 18. §. pen. ff. de damno insecto, l. & generaliter, ff. de nexal. action. Vide textum in l. quod. servus, ff. eod. de quo infra nobis sermo redibit. Ita hæc divisio æquat membra dividendi; omnis enim possessio vel a jure probatur, vel ab eodem improbat, & nihil est tertium.

Qui ita jultè possident, jure optimo maximo

possidere dicuntur, Cicero de lege Agraria cap. 11. in illis verbis: Ideo jure teneret, quod optimo maximum. Vulgo perperam: Quod optimo-privatum, nullo sensu. Vide in l. qui uti 90. ff. de verbor. signif.

Ex quibus facile aliorum explanationes rejiciuntur: falsum enim esse, quæ vel bona fide apprehenditur, vel quæ civilis est: nam qui precario rem accepit, jultè quidem possidet, d. l. duo, ff. de precario; & tamen ista ipse atque bona, neque mala fide possidet; quippe bona & mala fides non habent locum in omni possessore, sed tantum in possessori- bus rei alienæ; nec tamen in his omnibus, sed in illis dumtaxat, qui rem alienam possident, ut suam, quod in eo, qui precario possidet, non est, possidet enim rem alienam ut alienam. Præterea is idem, licet jultè possideat, tamen civiliter non possidet, sed naturaliter, cum rem detinet animo insistenti, non domandi, l. & habet, §. cum qui, ff. de precario. Unde & illud constat, male possessionem naturalem confundi cum injusta, vel cum ea, quæ mala fide est; nam qui præcario rem detinet, naturaliter & jultè possidet, nec mala fidei possessor est.

Hæc distinctio possessionis in jultam & injustam non est in specie, cum species tantummodo sint Civilis & Naturalis; sed est in qualitate, veluti si homo dividatur, ut unus sit doctus, alter indoctus: Potest quoque possessio accidentaliter dividi ex titulis, seu possidendi causis, veluti pro emptore, pro donato, pro dote, pro legato, pro herede, pro noxæ ded-to, pro suo, & similiter. Has Paulus species vocat in l. 3. §. genera, ff. eod. sed ibi species nomen non proprie accipitur, prout apud Philosophos; sed jundice pro individuis acquirendi modis: Jurisconsulti enim speciem pro individuo usurpant, Cujac. & Giphani. ibid.

### QUÆSTIO VII.

An plures eandem rem in solidum possidere possint.

**V**etus hæc quaestio est, & ab antiquis Jurisconsultis, qui in varias partes discesserunt, ultro citroque agitata, eorumque sententiarum omnes in Digestis extant, modo approbatæ, modo improbatæ. Unde factum est, ut & Doctores nostri mirum in modum inter se diligenter; & certe difficile est videre, quæ potissimum sententia sequenda sit.

Itaque Sabinus cum sectatoribus docet, duos ejusdem rei possessores in solidum esse posse, sed diverso modo, ut unus possideat civiliter, alter naturaliter. Refert Paulus in l. 3. §. ex contrario, ff. eod. idque secutus est Martinus cum suis Glossianis, seu Glossianis, ut legitur apud Accursium in l. si ut certo, §. si duobus. ff. Commodati, & in l. si duo ff. uti possidetis, sed emendandum utrobique est, cum suis Glossianis. Intelligit enim Accursius Martinum Boffianum Cremonensem, qui jus civile Bononiæ professus est ad A. C. 1200. per quæ etiam tempora floruit Joannes Boffianus magister Azonis Bononiensis, teste Abbate Trisemio. Meminit Antonius Campus in Histor. Cremonensi lib. 2. ad eum annum.

Eam sententiam probat Pomponius in l. 1. §. habet, §. cum qui, ff. de precario quæ delumta est ex lib. 20. ad Sabinum, ubi qui precario rogavit, ut sibi Stichum possidere liceat, possidet; item is, qui precario rogatus est, possidet: ita ut penes utrumque is homo sit. Et rationem reddit Jurisconsultus, quia qui rogavit, possidet corpore, hoc est, naturaliter: & qui Dominus non discesit animo a possessione, hoc est, civiliter possidet. Et hoc præcipue exemplo utebatur Sabinus, d. §. ex contrario.

Probat quoque Jabolenus in l. servi, ff. de usufructu, in quo debitor sub pignore possidet pignus, item possidet creditor, sed diverso modo, nam debitor possidet in quantum ad complendam usucapionem, quæ est effectus possessionis civilis: creditor vero possidet in quantum ad reliquas omnes causas, & cum eo ad exhibendum agendum est, ut latius dictum est supra. Idipsum secutus est Papinianus in l. debitor, §. ult. ff. de pignor. act. qui ait, possessionem pignoris corporalem apud creditorem esse; ut consequens omnino sit, civilem apud debitorem remanere. Hæc eadem in utroque exemplo, & precarii & pignoris, ruetur Julianus in l. pignoris, C. eod.

Hanc opinionem videtur probare Justinianus eo ipso quod Sabini distinctionem recipit, ut possessio altera Civilis sit, altera Naturalis, ut dictum supra quæst. 3. nam ea distinctione recepta omnino sit, ut queant duo eandem rem simul possidere, unus civiliter, alter naturaliter. Quare contraria Proculianorum sententia, dum docent possessionem non nisi apud unum esse posse, explicanda aliquo modo est ex mente Justiniani.

Ex schola Proculi est, quod habet Ulpianus in l. certe, §. is, qui rogavit, ff. de precario, cum ait: Is qui rogavit, ut precario in fundo morietur, non possidet; sed possessio apud eum, qui concessit, remanet. Quod ita ex mente Justiniani interpretandum est, ut rogator non possideat civiliter, nam de possessione civili ibi sermonem esse, ostendunt ulteriora illa verba; Possessio apud eum, qui concessit, remanet; quippe apud concedentem possessio civilis remanet. Hæc igitur in rogatore non est, qui naturali tantum possessione gaudeat, juxta d. l. 1. §. habet, §. cum qui.

Ita quoque ex Proculo est, quod habet Paulus in l. 3. §. ex contrario, C. eod. ubi duos in solidum eandem rem possidere posse negatur, ut etiam docet Ulpianus in l. si ut certo, §. si duobus, ff. Commodati. Hoc tamen ita hodie intelligemus, ut verum sit de eadem possessionis specie, non de diversa scilicet: ut duo in solidum nequeant possidere, ambo possessione civili, vel ambo possessione naturali; cum e diverso fieri possit, ut unus civiliter, alter naturaliter possideat.

Est ratio esse potest, quia duo, qui eandem rem, alter civiliter, alter naturaliter possident.

Est ratio esse potest, quia duo, qui eandem rem, alter civiliter, alter naturaliter possident, isti revera non possident, quique in solidum, sed quisque in partem, ita ut ambo possessiones conjunctæ solidum constituent, ex Valentia d. cap. 3. num. 19. Nempe in precario dominus dicitur retinere animo possessionem civilem, non simpliciter, sed in quantum ad hoc; ut revocare precarium possit, quandocunque ei libitum erit; quod utique revocare quolibet momento non potest, si possessionem animo non retineret, & novam acquirere opus haberet. Ceterum in quantum ad alia dominus non possidet: quod adeo verum est, ut possit dominus ab eo, qui precario habet, ipsam possessionem precario rogare: quoniam, ut dicitur in l. ult. ff. de precario, aliquid ad eum per hanc precarii rogationem pervenit, id est, possessio, qua aliena est. Unde quamvis duo possideant, non tamen in solidum possident singuli, sed simul juncti.

Simili modo discurrendum est de possessione debitoris & creditoris circa idem pignus; etsi enim verum sit, debitorem possidere, tamen ad unam tantummodo causam pignus possidet, ad usucapionem scilicet, l. 1. §. per servum corporaliter, ff. eod. l. servi, ff. de usufructu cap.

*cap.* ut propterea nec ipse in solidum possideat. Creditoris vero possessio, quamvis ad usufructum, & alios effectus, qui ad dominium vel acquisitionem pertinent, ei non prodest, *l. servus, §. 1. ff. de noxal. action. l. quaecunque, §. 1. ff. Publiciana, l. 1. & 2. C. de pignor.* in quantum tamen ad ceteros effectus ei utilis est, veluti ut furti actione contra debitorem agat, si is ei pignus subtrahat, *l. si quis, ff. de noxal. action. l. ult. ff. de usufruct. si rem, ff. pro emptore.* Ita quoque ut ei ad retinendam vel recuperandam possessionem amissam interdictione tribuatur, *d. l. si is qui, §. 1. l. grace, §. 1. & in superficiariis, ff. de pignor. l. si cum venditor in prime, ff. de evictione.* Sic etiam ei utilis est, ut anteriori creditori præferatur, *l. cum notissimi, C. de præscript. 20. vel 40. annor.* Ita ergo duæ istæ creditoris & debitoris possessiones simul iunguntur, omnes possessionis effectus habent; & proinde unam tantum solidam possessionem constituent, non enim duas solidas.

Hæc confirmatur exemplo domini; nam sicut duo possessores, ita quoque duo domini ejusdem rei in solidum esse non possunt, *d. l. si ut certo, §. si duobus.* Unde si Testator duobus usufructum legat, solidum singulis, cogitur heres unam rem, alteri estimationem præstare, *l. duos, ff. de usufr. leg.* Nempe quia usufructuarius est dominus usufructus, & duo ejusdem rei domini in solidum esse non possunt. Unde legatum de rigore juris nullum esset, utilitatis vero causa subsineatur. Tamen si duo diversa ratione domini sint, non repugnat eos in solidum ejusdem rei dominos esse posse, ut constat ex solenni ea distinctione domini Quiritarii, & Bonitarii: quam etsi abolere conatus sit Tribonianus in *l. unica, C. de nudo iure Quirit.* toll. tamen eo invito in pluribus nostri juris partibus remansit. Remansit inter heredem & fideicommissarium; nam restituta ex Trebelliano hereditate, heres adhuc heres est, id est, dominus Quiritarius, licet res in bonis fideicommissarii sint, qui propterea dominus Bonitarius est, & restituta, *Instit. de fideic. hered.* Ita etiam suos heredes, dum ab hereditate beneficio Prætoris ablinet, nil nisi dominium Bonitarium amittit; adhuc enim heres est, sive dominus Quiritarius, *l. 1. §. qui sum in potestate, si quis omnia causa testam.* Non diffinitur quamvis dos in bonis mariti sit, mulieris tamen est, *l. quamvis, ff. de jure*

*dot.* seu maritus in re dotata dominus civilis est, mulier, quæ dedit dotem, domina naturalis est, ut dicitur in *l. in rebus, C. de jure dotum.* Nec ex alio fonte emanat, quod superficies in dominio ejus esse dicitur, qui dominus soli est, *l. ult. ff. de superficibus;* & tamen eadem superficies in bonis superficiarii reponitur, sicut dos in bonis mariti, *l. bonorum 76. ff. de verbor. signif.*

Hactenus pro sententia Sabini. Nunc de sententia Caji Trebatii, qui ex Proculi schola fuit, quæ non minori difficultate urgetur. Is docebat, posse alio quoque modo duos in solidum ejusdem rei possessores esse, scilicet, si alter iuste possideat, alter iniuste; negabat tamen duos iuste, vel duos iniuste posse, ut refert Paulus in *d. l. 3. §. ex contrario.* Quam sententiam uterque Socceius exornat, & veram putat Franciscus Marcus *p. t. quæst. 193. & 655.*

Hujus opinionis fuit Ulpianus, qui longius progressus voluit, duas etiam iustas possessiones simul in solidum esse posse, *l. si duo, ff. uti possidetis.* Nam primo questionem proponit in hæc verba: *Si duo quoque possideant in solidum, videamus, quid sit dicendum;* ubi pro concessio sumit, duos in solidum eandem rem possidere posse: tum duas possessiones ejusdem rei, unam iustam, altera iniustam constituit, ibi: *Si quis proponeret possessionem iustam & iniustam: ego possideo ex iusta causa, tu vi aut clam.* Tandem duas iustas proponit, dicendo: *Si a me possides, superior sum interdicto.* Sermo est de interdicto uti possidetis in casu precarii, nam qui precario fundum possidet, is eo interdicto adversus omnes, præter eum, quem rogavit, uti potest, *l. qui precario, ff. de precario.* Quare utriusque possessio iusta est, & tamen utrumque in solidum possidere, Ulpianus ait.

E contrario Trebatii sententiam rejecit Labeo, qui Trebatii discipulus fuit, sed ab his, quæ a præceptore accepit, sæpius diffidebat, ut ex Pomponio & Gellio notat Cujacius *2. observ. 39.* Labeonem sequitur Paulus in *d. l. 3. §. ex contrario.* Itaque negant posse duos in solidum possidere, unum iuste, alterum iniuste, nempe quia ad summam possessionis non multum interest, iuste quis an iniuste possideat; quia uterque rem detinere, quod fieri non potest: quæ eadem ratione videntur contra Ulp. negare posse duos iuste eandem rem possidere in solidum, ut expressè habet Julianus in *l. duo, ff. de prec.*

Quid ergo dicemus? Hæc sine cavillo vix est, ut conciliari posse videantur: est tamen aliquid audendum & sentandum. Sed illud præmittendum, Trebatium ex Proculi schola prociisse, qui nonnisi unam possessionem civilem admittebat, repudiata omnino naturali, ut supra qu. 3. Quare cum loquitur Trebarius de possessione iusta & iniusta, capiendus est de sola civili, ita ut voluerit posse duos in solidum possidere civiliter, unum iuste, alterum iniuste: veluti si duo eundem fundum eodem tempore ingrediantur, ambo animo domandi, sed unus jure suo, alter vi, aut clam. Et hæc sententia falsa est, cum is solum possideat, qui jure suo fundum ingressus est, & merito a Labone & Paulo rejicitur in d. §. ex contrario, quia essent duo in solidum possesores in eodem genere, sive eodem modo, quod fieri non potest, quippe solum diverso modo, idest unus civiliter, alter naturaliter in solidum possesores esse possunt, ut jam dictum est. Eadem de causa negabant duos simul iuste, vel duos iniuste, civiliter eandem rem possidere, d. h. ff. de prec.

Secus est, si illa iuste & iniuste de diversis possessionum generibus cum Subinianis capimus, tunc enim verum erit posse duos in solidum possidere, unus si iuste, alterum iniuste; veluti si is, qui civiliter possidet, dicatur iuste possidere: aut naturaliter; iniuste, scilicet, si vi aut clam possideat. Verum quoque erit, duos posse iuste in solidum possidere, ut in precario, ubi rogator possidet naturaliter, & iuste; rogatus vero civiliter, & iuste. Et ita intelligendus est Ulpianus in d. l. si duo, ff. ut possideatis. His ita distinctis, omnis, nisi fallor, difficultas removetur, quod si confundantur, erit inexplicabilis.

Huc quidam pertinere putant, quod habet Ulpianus in l. si finis, ff. de damno infecto, ubi si plures sint, qui pellant, ut sibi caveatur de damno infecto, omnes simul mitti in possessionem solent. Unde deduci videtur, iustam possessionem esse posse apud duos. Id tamen nihil ad rem facit; nam recte Cujacius ait: plures quidem mitti in possessionem in totum ex primo decreto, sed non ut possideant, sed tantum custodiæ gratia: & quamvis mittantur singuli in totum, tamen concursu partes habent, & ex secundo decreto pro eis partibus possidere jubentur. Quamvis enim Q. Mutius inter genera possessionum posuisset, si quando iussu Magistratus

quis quis primo in possessionem damni infecti mittitur; id tamen ineptissimum, dicit Paulus in l. 3. §. ult. ff. iod. Nam qui ita mittitur in possessionem, non possessionem, sed custodiam rerum, & observationem habet, ut notat Cicero pro P. Quinctio cap. 84. qui hæc Edicti verba recitat: *Qui ex editto meo in possessionem venerint, eos ita videatur in possessione esse oportere: quod ibidem recte custodire poterunt, id ibidem custodiant; quod non poterunt, id auferre & abducere licebit.* Dominum inritum detrudere non placet. Ceterum ut in hoc calu custodia pluribus demandatur in solidum; ita depositor duorum fidem in solidum sequi potest, & commodator in duos in solidum alium transferre, l. eadem ff. de duob. reis; & ex stipulatione duo in solidum obligari possunt, l. prope, C. tit. i. l. si non singuli, l. cum te in Gallia, C. si cert. pct.

### QUESTIO VIII.

*Si duo se possidere, quisque in solidum, dicant, quid a Iudice discernendum sit.*

Hæc questio oritur non modo apud Doctores, qui duos in solidum posse fatentur, sed etiam apud illos, qui negant; attentum scilicet non jure, sed animo & affectu contentendum, quorum quisque se in solidum possidere dicat, ut Donellus 19. commentar. 32. explicari posse putabat Ulpianum in d. l. si duo ff. uti possideatis. Si ergo ita de facto accidat, queritur quid Iudici Doctores post Bartolum in d. l. si duo, & Canonistæ post Innocentium in cap. licet, de probat.

Ex Fachinus 9. controvers. 16. frustra tam acriter certatum fuisse putat; quia fieri non potest, ut probationes utriusque contententis sint per omnia æquales: cui consentire videtur Fermosinus in d. cap. licet, quest. 1. & segg. Tamen si recte attendamus; nihil hic factum impedimenti a jure recipit. Finge, quo momento unus ingreditur fundum ex una parte, coram duobus testibus, animo occupandi totum fundum, eodem ingreditur & alter eodem animo, totidem legitimis testibus, & uterque iustum titulum habeat, puta quia unusquisque emit a domino: utique in hac specie æquales per omnia probationes sunt, nihil obstante jure.

Re ita stante; varia opinio est; quippe alii docent, pronuntiandum a Iudice: *Uti possideatis, uti possideatis*, ut neuter vincat; aut

aut victus sit, ex d. l. si duo, ibi. *Neuter nostrum vincitur*. Alii possessionem sub lequestrum mittendam, ne Partes veniant ad arma, donec scilicet de dominio decernatur in petitorio, quod voluit Joannes a Platea ex l. *aquissimum*, ff. de usufr. Alii fore litem dirimendam, quo remedio utitur lex, ubi pluribus oprio legata est, nec in eligendo concordant, l. ult. C. comm. de leg. Alii pronuntiandum a Judice, de ea non liquere; nam & arbiter, si a Prætoris cogatur ad sententiam ferendam, quia dies compromissi exitura est, potest jurare sibi de ea non liquere, idem Pomponius, §. ult. ff. de recept. arbit. Alii reum absolvendum esse, quod in dubiis favorabilior sit causa rei, l. *favorabilior*, ff. de reg. jur. Alii rem totam ab arbitrio Judicis pendere, qui poterit gratificari cui velit. Alii consulendum esse Principem. Vide Menoch. de retin. remed. 3. qu. 87.

Magis tamen communiter recepta est Bartoli sententia; nempe debere Judicem imitari id, quod lex civilis in legatariis re conjunctis observat, ut litigatores partes faciant concursu, sive pro diviso, sive pro indiviso, scilicet, ut quique dimidiam partem fundi sortituri imitari etiam quod faciat Prætor, decernit, quod ubi plures ob damnum insectum mittuntur ex secundo decreto in possessionem ædium vicini, singuli mittantur in totum, tamen concursu partes habeant, l. si finis, §. cum autem plures ff. de damn. inf. Nixus est Turnaminius in cap. 2. aliquid novi dicere, & varias ex prædictis sententiis confudit & miscuit. Nam primo voluit, quemque ex lingatoribus conservari in possessione ejus partis fundi, quam corpore occupavit, non attento animo, quem ferebant in totum fundum. Quod perinde est, ac decernere *Uti possidetis*, juxta primam sententiam. Secundo pro reliqua parte, quæ corpore occupata non fuit, vel partes faciendas æquales, vel totam sub sequestro ponendam, quæ sunt sententiæ Bartoli & Plateæ.

Quod si probationes inæquales sint, tunc si inæqualitas est tempore, ille præferatur, cujus antiquior possessio est, d. cap. licet, de probat. Si est in titulo, ille præferatur, qui juxta titulum probat, d. cap. licet, vers. expressis. Si denum est testibus, præferatur qui plures testes produxit, vel certe meliores. Gomez. in l. 45. Tauri nu. 178. ubi monet, testes dici meliores, vel secundum qualitatem persona-

rum, vel verisimilem depositionem, vel naturam negotii, l. ob carmen, §. fin. ff. de testib.

### QUESTIO I.

De acquirenda Possessione ad leg. 3. in princ.

**D**UO sunt, quæ ad possessionem acquirendam exiguntur simul, Corpus & Animus, l. 3. in princ. ff. cod. Pro Corpore intelligitur apprehensio rei, quæ res propterea corporalis esse debet; jus enim, quod est incorporale, manu prehendi, vel pes in eo poni, oculuque adjici non potest. Debet etiam esse vacua, id est, viduata possessore, l. quod meo, §. penult. l. fundi, ff. cod. quippe in traditione possessionis, per quam corpus amittentis cedit corpori acquirentis, sit vacuum simul, & impletur. Et sicut duo corpora simul esse non possunt, ita duos, quemque in solidum, eandem rem possidere impossibile est, ut supra diximus. Pro animo intelligitur affectio, voluntas, mens, vel existendi, ut in possessione naturali, vel dominandi, ut in civili.

Itaque solum corpus sine animo ad possessionem, si quis aliquid in ejus manu poneret, vel importaret in fundum. Ex quo fit, ut furiosus nequeat possessionem acquirere, ut qui animo caret: ita nec pupillus, qui sit infans, vel infantie proximus: ac si sit proximus puberari, recte acquirit: jam enim propter ætatem animum tenendi habet, l. 1. §. adipsimum, ff. cod.

Factum tamen aliquando est unitatis gratia, ut quod deest a corpore, id suppleatur ab animo; nam fundi totius possessionem acquire, si pariem aliquam attingam, dum ea mente sim, ut fundum totum velim possidere; atque ita animo suppletur, quod a corpore deest, ne cogar singulas fundi glebas circumambulare, l. 3. §. 1. ff. cod. Sicut qui autem alicujus tangit, totum eum tetigisse videtur, vulgaris in princ. ff. de furt. Ita quoque apprehensio fundi, & scientia thesauri, qui in fundo est, facit ut etiam thesaurus apprehensus intelligatur, d. l. 3. §. Neratius. Sabiniani tamen putarunt, thesaurum non possideri, antequam sit erutus, & attractatus, l. peregre ff. cod. l. thesaurus, ff. ad exhibendum.

Vulgo tamen putant, possessionem nonnumquam sine apprehensione rei acquiri. Et probant ex l. rem mobilem, ff. cod. Nam si rem mobilem, quam tibi commodavi, vel quam apud te deposui, non reddere, sed tibi possidere constituens; confestim ego, etsi perfidæ

tuer

tuz sim ignarus, desino eam rem possidere. Ergo in hac specie commodatarius vel depositarius solo animo possessionem acquirunt. Nam dicitur, protinus ac possidere constitueris, te possidere.

Quæstio videtur esse de possessione civili; namque jam ante commodatarius & depositarius possessionem naturalem obtinebant. Respondet tamen ibi Bartolus & Cujac. 26. *quæst. Papin.* hæc non de solo animo, sed de contractatione accipienda esse. Cum enim hac in specie commodatarius furtum faciat possessionis, & furtum sine contractatione non fiat, utique hic necessario contractatio subintelligenda est. Quippe rem depositam apud te tunc desino possidere, cum contractas furti faciendi causa, non etiam si solum inficiandi animum habeas, l. 3. §. si rem, ff. *cod.* Rejctum enim est, quod Sabinus putabat, solo etiam animo furtum fieri, ut si quis obtentu toge, tanquam se amiciens obitet ne servus fugitivus a Domino videatur. Vide Gellium 11. *noct. att.* 18. Hinc constat cur dicatur, a Domino etiam ignorante possessionem amitti, nempe quia furtum etiam ignoranti fit, ut quod etiam fiat. Quamquam Sabinus potius de furti actione, quam de furti, loquutus videatur, Nam qui obtentu toge servum fugitivum celat, opem præstat, non furatur. Et Sabinum ad furtum exegisse contractationem, patet ex d. l. 3. §. rem, ff. *cod.*

Probant etiam ex l. certi conditio, §. ult. ff. *de reb. cred.* ubi si nummis, quos apud te deposui, permittam te uti, statim sine apprehensione dicitur celebratum mutuum; & rationem reddit Jurisconsultus in hæc verba: *Animo enim capitis possidere.*

Omissa responsione Accursii, qui divinita nummos fuisse in conspectu, quasi possessione oculis capta sit, dicimus ante animum intervenisse apprehensionem ex causa depositi; quæ præcedens traditio, licet ex alia causa, satis est, ut tibi acquiratur statim possessio, eum deinde eandem rem mutuum esse placet: ex fisione enim legis habetur perinde, ac si mutui nomine tibi tradita fuisset, ut dicitur in §. *interdum*, *Instit. de rer. divis.* & nos latius infra. Cum igitur in textu dicitur, animo incipere possidere, intelligitur quidem solo animo; sed ideo, quia nil opus est nova traditione & apprehensione, cum satis sit apprehensio & traditio præcedenter facta, quamvis ex alia causa.

Stet ergo, possessionem non quidem solo animo acquiri, nisi corpus accedat. Quæ communis opinio est, restringunt tam id nonnulli, cum de favore Ecclesie agitur, quæ causa possessionem sine apprehensione rei transferri docent: & hanc possessionem civilem, vel civilissimam vocant, Cassiodor. *dec. 7. per tot.*

Movetur l. ex *l. raptiores*, §. si autem *Diaco-*  
*conissa*, C. de *Episc. & Cleric.* ubi in substantia ejus, qui rapit Diaconissam, hæc acquirit ulumfructum, Ecclesia proprietatem, & plenam possessionem, ob favorem dignitatis Ecclesie. l. ex *cap. transmissa*, de *elect.* ubi Prælato jam confirmato conceduntur ea, quæ sunt Jurisdictionis, non quidem nomine suo, sed nomine & favore Ecclesie.

Sed neque hæc urgent. Nam quod attinet ad textum in d. l. *raptiores*, respondet Giphanius hic l. 3. ibi agit non de acquisitione possessionis, sed de iusto titulo, qui Ecclesie competit ad obtinendam possessionem ejus, qui Diaconissam rapuit: & hic titulus est *Pro raptu*, de novo a lege in favorem Ecclesie introductus. Et fallum est, Episcopum confirmatum administrare ea, quæ sunt Jurisdictionis, sine corporali apprehensione; traditur enim ei Ecclesie possessio per symbolum, idest per eedulam, ut dicitur, *Consistoriale*, qua confirmatur electio, Barbosa 1. de *Jure Ecclesiast.* q. a. num. 10. quam debet ostendere eis, ad quos ea res pertinet, ut in *Extrav. communi*, *injuncta* §. *presenti*; de *elect.* Quamvis secus esse de Cardinalibus scribat idem Barbosa *alleg.* 111. nu. 35. nempe posse eos beneficia conferre, & cetera, quæ sunt Jurisdictionis, exercere, nondum capta possessione. Verum de traditione per symbolum mox dicetur latius.

Quod diximus ad possessionem exigi corpus & animum, ita est intelligendum ut possit quis suo animo, & alterius corpore, vel suo corpore, & alterius animo possessionem acquirere: imo aliquando animo, & corpore alieno. Quæ breviter exemplis illustranda sunt.

I. Infans possessionem acquirit corpore, & animo tutoris, interdum corpore suo, & animo tutoris: quippe infans, quia nullum sensum in accipienda possessione habet, nihil per semetipsum possidet, quod ait D. Augustinus 14. de *Trinitate* *Puer infans, quamvis dissimilis naturæ, tum sit dominus omnium, quæ jure ejus sunt, nihil possidet mente lapsa.* Nihilominus auctoritate tutoris acquirere possit

sessionem potest; nam iudicium infantis suppletur auctoritate tutoris, ut dicitur in *l. quamvis*, §. *infans*, ff. *cod.* ubi notatur, id esse Jus singulare, utilitatis causa receptum. Ita Fridericus II. Regni Germanici eum anniculus esset, & deinde cum bimus, utriusque Siciliæ possessionem accepit auctoritate tutoris, Collenuccius *lib. 4.* concordat *textus* in *l. 1. §. adipiscimur*, ff. *cit. tit.*

Obijcies ex *l. 3. C. cod.* ubi infanti donatarum rerum vacua possessio tradita corpore quaeritur, quamvis animi plenum affectum non habeat.

Varie se torquent in hac difficultate Doctores, ut videre est apud Accursium. Dynus distinguit; nam infans in localibus plenam animi affectionem habet, & horum possessionem sine tutore acquirit, ut in *d. l. 3.* In fundo, & reliquis ejus generis, nullam habet affectionem, & ad acquirendam possessionem tutoris auctoritate indiget, ut Bartolus refert. Quæ distinctio reijcitur ex *d. l. 3.* ibi: *Licet animi plenus non fuisset affectus*; quibus verbis cognoscimus, infanti possessionem acquiri etiam de rebus, quarum sensum non habet.

Placet itaque, quod Joannes Boffianus antiquus interpretes ait, in *d. l. 3.* dici quidem, infanti possessionem acquiri; sed non negari res fuisse traditas auctoritate tutoris. Quod & in ea lege evidenter demonstratur, cum rescripti ratio redditur ex abiurdo, his verbis: *Alioquin nec quidem per tutorem possessio infanti poterit acquiri*. Et sensus est, si infanti per tutorem acquiri possessio potest, etiam non interveniente corpore infantis; & tutore igitur auctor infans suo corpore sibi eam acquirere potest; quia affectio, quæ infanti deest, suppletur tutoris animo. Sequitur Cujacius in §. *adipiscimur*.

II. Dominus aliquando acquirit possessionem corpore & animo procuratoris. Primo, si procurator Domino ignorante acquirat, *l. possessio quoque*, §. *ult. ff. cod. l. 1. C. cod.* Secundo, si Domino errante in corpore procurator non erret: nam si emendo & vendendo contrahentes erraverint in corpore fundi, & deinde in tradendo & accipiendo venditor & procurator emtoris consenserint, nihil obstante errore contrahentium, utique emtori erranti acquiritur possessio per Procuratorem non errantem. Quod probat Ulpianus in *l. si me in vacuum*, §. *1. ff. cod.*

Tom. I.

ea nempe ratione, quia si possessio per procuratorem ignorantem acquiritur; ergo acquiritur etiam erranti. Nam, ut ait Cujacius hic, *error ignorantia est*. Duo nempe sunt ignorantia modi, ubi nescimus omnino, & ubi perperam scimus. Revera tamen plus est error, quam simplex ignorantia; quia error includit ignorantiam, & addit falsam extimationem. Unde est illud D. Augustini *Enchiridii cap. 17.* *Non continuo, inquit, errat quis, quando aliquid nescit; nam errare est approbare falsa pro veris*. Non ita est, si ipsi emtori erranti in corpore res a venditore tradatur: non enim eo casu emtor possessionem acquirit, quia non ejus rei possidende animum habuit; & possessio non acquiritur sine animo possidendi eam, *d. l. si me in vacuum, in princ.* Unde in supraposita specie, cum procurator non errans acquirit possessionem Domino erranti, id accidit, quia Dominus acquirit corpore & animo procuratoris, idest, alieno: quod notandum est maxime.

Idipsum est, ubi servus, vel filiusfamilias ex causa peculiari Domino, vel patri ignoranti, rerum possessionem acquirit, nam videmus eas res eum & animo & corpore possidere, *l. 3. §. ceterum, ff. cod.* Nam ignorans impossibile est, ut habeat animum acquirendi. Accursius in *l. peregre*, §. *quisitum verbo ut animo*, ff. *cod.* Nec est contra, quod dicitur in *l. 1 §. item acquirimus*, ff. *cit. tit.* ubi filiusfamilias & servus ideo ex causa peculiari nobis ignorantibus acquirunt, quia, ut textus ait, *monstra voluntate intelliguntur possidere, qui eis peculium habere permisimus*. Nam id capiendum est de voluntate & animo generali, qui ex permissione peculi intercessit, at in *d. §. ceterum de animo specialiter* est.

III. Quandoque Dominus acquirit possessionem corpore procuratoris, quem mandavit in vacuum possessionem induci, sed animo suo: veluti si rem accipiendo procurator emtoris erraverit in corpore, emtor emendo non erraverit; nam acquiritur emtori possessio, nec ei procuratoris sui error quidquam obest, *d. l. si me in vacuum*, §. *1.* Ratio est, quia non animo procuratoris mei, qui errat, acquiri possessionem, sed animo meo, qui non erro. Idipsum est de filio, & servo, cum extra causam peculiarem Nobis scientibus acquirunt. Verum opus est, utile,

le, per quem volumus possidere, habeat intellectum possidendi, nam si servum furiosum mittam, ut mihi suo corpore possessionem acquirat, nihil ago, l. t. §. *eternum*, cum *seq. ff. cod. Præterea* opus est, ut ipse velit Nobis acquirere possessionem; nam si servus meus, quem iussi possidere, eo animo intraret in possessionem, ut nolit mihi possidere, sed extraneo, utique non est mihi acquisita possessio, d. l. t. §. *hæc quæ de servis*: erit tamen quæsitæ extraneo, ipso scilicet volente, aut ratum habente, ut ibidem docet Cujacius per l. *ea quæ, ff. de acq. ver. dom.*

Dubium esse potest, an per omnem procuratorem Nobis possessio acquiratur? Rogerus voluit, per specialem solum: Joannes etiam per generalem; cui accedit Accursius in l. *si rem, ff. de usucap.* per illum textum in l. t. §. *per procuratorem, ff. eod.* quem ibidem Jalon, Socinus, & alii communiter sequuntur: nam procurator possessionem Domini etiam ignoranti acquirit, ut dictum est.

Hæc de recepto Jure sunt. Verum circa hoc idem caput adquirendæ possessionis nonnulla occurrunt de jure controverso, seu ambiguo, quæ nisi separatim per quæstiones examinari non possunt. Ideo sit.

### QUÆSTIO II.

*An ex donatione inter virum & uxorem possessio transferatur.*

**E**git de hac re Paulus in l. t. §. *si vir, ff. eod.* his verbis: *Si vir uxori cedat possessionem donationis causa, plerique putant possidere eam, quoniam res fuit infirmari Jure civili non potest. Et quid attinet dicere, non possidere mulierem, cum maritus ubi nolit possidere, potius amiserit possessionem?* Ex quibus patet, uxorem acquirere possessionem rei sibi a marito donatæ & traditæ constante matrimonio: acquirere tamen non possessionem civilem, sed tantummodo naturalem. Quod quidem probat Paulus duplici ratione.

I. Quia Jus, quod infirmat conjugales donationes, non est nisi civile Jus, hoc est oratio Divi Antonini, l. t. *ff. de donat. int. virum & uxorem*. Sed possessio naturalis facti est, seu in detentione consistit, d. l. t. §. *furiosus, ff. eod.* & res facti infirmari a Jure civili non potest, l. *in bello, §. facti, ff. de captivis, l. denique, ff. ex quib. caus.*

*majoris*. Ergo possessio rei donatæ & traditæ acquiratur uxori, tametsi conjugalis donatio Jure civili improbetur.

II. Quia de Jure civili eo casu donatio inter conjuges infirmatur, quo alter conjugum ex donatione pauperior sit, l. *si sponsus, §. si quis, ff. de donat. int. vir. & uxor*. Sed cum uxor possessionem rei donatæ acquirat, nihil maritus amittit, hoc est, ex ea pauperior non fit. Ratio est: quia possessio discessit a marito, ex quo maritus nolit possidere, l. 3. §. *in omittenda, ff. eod.* Unde fit, non obstat Jus civile, quia possessio uxori acquiratur: nam possessionem maritus dimisit, uxor apprehendit. Concordat textus in l. *quod uxor, ff. eod. l. si donata, ff. de donat. int. vir. & uxor. l. t. in fine, §. pro donato, l. t. §. dicitur, ff. de vi & vi armata*.

Hæc possessio, ut diximus, naturalis est. Ideo autem civilis possessio non potest acquiri uxori, quia cum donatio sit illicita, adeo ut nulla subest legitima causa acquirendi domini, nequit possessio teneri animo & affectione Domini: nam uxor ex errore Juris putaret sibi rem esse quæsitam. Et hoc est, quod dicitur in l. *si cum qui, ff. de donat. int. vir. & uxor*, ubi uxor rem sibi a marito donatam Jure civili possidere non potest, hoc est, non potest civiliter, & animo Domini, ut notat Cujacius in d. §. *si vir*. Quocirca uxor non pro donato, sed pro possessore, rem detinebit, l. *nec ullam, §. 1. ff. de petit. heredit. d. l. quod uxor, ff. eod.*

Ex istis plura colliguntur, I. Quia uxor sibi possidet, d. l. t. §. *si vir*, ibi, *Possidere eam*, & tamen non civiliter possidet d. l. *cum qui*, led possidet tantum naturaliter, d. l. t. §. *dejicitur*; inde fit, civilem possessionem non esse detentionem cum animo sibi possidendi, ut supra latius dictum est.

II. Hanc possessionem quæsitam sibi posse uxorem possessoris interdictis tueri & defendere, vel amissam recuperare, Cujacius in d. §. *si vir*.

III. Ex aliis capitibus hanc possessionem non esse inutilem; nam morte donatoris, qui in eadem voluntarie perseveret, confirmatur: quo casu patietur Falcidiam, l. *in donationibus, C. ad leg. Falcid.* Præterea uxor in acquirendis fructibus rei donatæ; bonæ fidei possessoris comparatur, l. *fructus, ff. de usuris*. Et postremo invita uxor rem donatam vindicanti marito non reddit, si offerat verum



verum ejus rei pretium. l. si donata, ff. de donat. int. vir. & uxor.

Ceterum supradictis obstat, I. Ulpianus in l. inter virum & ff. de donat. inter vir. & uxor. ubi hæc habet? Inter virum, & uxorem nec possessionis nulla donatio est; hoc est, nec proprietatis, nec possessionis; quod utique intelligendum est non modo de possessione civili, sed etiam de naturali. Unde fit, mulierem non possidere, qui maritus donationis causa possessionem rei donatæ celsit.

Respondemus cum Valentia hic cap. 7. num. 4. concedendo, donationem possessionis nullam esse, & negando possessionem non transferri, quippe hoc casu mulier non possidet pro donato, sed pro possessore, ut diximus. Quod Cujacius hic eleganter expressit verbis Peripateticorum, & præteritum Alexandri Aphrodisæi, dicendo mulierem prima ratione: κατὰ τὸν πρῶτον λόγον: non possidere, nempe quia ei possessio donata est: at è diverso possidere secunda ratione: κατὰ δεύτερον λόγον hoc est, possidere, quia possessionem maritus dimisit, ipsa vacua apprehendit. Id ipsum est, si Domino proprietatis a fructuario ususfructus cedatur; quippe celsio nullius momenti est, Domino tamen ususfructus quæritur, §. finitur, ubi Pacius, Instit. de usufr. Nempe non queritur Domino prima ratione, seu vi cessionis: quia celsio est Jurs translatio, & ususfructus, utpote Jus personale, nequit ab uno in alterum transferri: sed queritur secunda ratione, quia fructuarius cedendo dimisit, & propterea Dominus Jure consolidationis acquirit.

Obitat II. Quia uxor rem alienam sibi a marito donatam ufucapere potest, l. 3. ff. pro donato. Sed ufucapio civilem exigit possessionem, nec naturali aut injusta contenta est, l. improba, C. cod. l. emtor, C. de præscript. longi temporis. Ergo uxor civilem possessionem acquirit.

Verum nihil est, quod tam facile expediri possit; quippe maritus, qui rem alienam uxori donat, donando pauperior non efficitur; quare hæc donatio a Jure civili improbatam non est, d. l. si sponsus, §. si quis. Inde fit, ut hoc casu uxor, tanquam ex valida donatione, civiliter possideat, & recte sibi eam rem ufucapere possit, l. sed si constante, ff. de donat. int. vir. & uxor.

Urgebis: aut mulier sciebat, rem alienam esse, & deficientem bona fide ufucapere non

potest, l. 2. ff. pro emtore. Aut mariti eam esse credidit, & donationem valere: quo casu cum Jure erret, ufucapiendi jus non habet, l. juris, ff. de jur. & facti ignor. l. nunquam ff. de ufucap.

Respondet cum Castrensi in l. 3. ff. pro donato, mulierem credidisse rem mariti esse; quare malam fidem non habuit, cum le rem a Domino accepisse existimaverit: & præterea credidisse donationem valere, nec propterea in Jure errasse: quippe donatio rei alienæ a marito uxori facta valida est, ut diximus. Ita etiam Faber 7. conjecit. 13. Valentia loc. cit. num. 3.

### Q U Æ S T I O III.

An Municipia, & Collegia possideant.

Municipes hic sunt conjulse Civitatis cives, ut Campani, Puteolani, sicuti est apud Festum. Unde Municipium pro Civitate, l. incolæ ff. ad Municip. Hi aut possideant, varie fuisse certatum apud antiquos Jurisconsultos, cognoscimus hic ex l. 1. §. municipes, & l. 2. Et primo in d. §. municipes Paulus docet, municipales, id est, cives cujuslibet civitatis per se nihil possidere posse: ea scilicet ratione, quia Universi consentire non possunt. Nempe (ut aliqui explicant) quia inter eos esse possunt infantes, alique similes, quorum nullus est consensus. Quæ explicatio ferri non potest; dixisset enim Paulus, Singuli consentire non possunt, non Universi. Mens itaque Pauli est, quia Municipium est nomen juris, & corpus quoddam universale constituit, quod vicem personæ sustinet, l. mortuo, ff. de fidejussor., inde fit, ut possidere nequeat, quia ad possessionem corpus & animus exigitur, l. quemadmodum, ff. cod. At Municipium vero animo & consensu caret.

Notandum hic est, a Paulo dici, Municipis nihil per se possidere posse; nam alia quæstio est de intermediis personis. Refert enim idem Paulus, Nervam filium existimasse, posse Municipium per servum ex causa peculiari possidere & ufucapere. Sed non defuerunt, qui hoc Nervæ dictum improbarent, ex eo quia Municipium non possidet servos. Ergo multo minus possidebit res per suos servos quæsitæ. Quod Paulo etiam placere videtur.

Ulpianus tamen in d. l. 2. hæc habet: Sed hoc Jure utimur, ut & possidere & ufucapere Municipes possint: idque eis & per servum, & per liberam personam acquiratur. Ubi dicit generatim, per servum, hoc est, non

solum ex causa peculiari, ut Nerva sentiebat, sed etiam extra peculiarem, uti constat ex *l. siue autem*, §. ult. cum *l. seq. ff. de Public.* Quippe si servus Municipii rem aliquam emerit, siue peculiari nomine, siue non, & traditam sibi possessionem amiserit, recte Municipis Publicana utuntur, quasi ipsi possiderent; non enim Publicana conceditur, nisi possessio quasita sit. Siquidem Publicana ex Cujacio est Prætoria vindictio, quæ amissa possessione datur ei, qui a non domino rem traditam ex iusta causa acquirendi domini bona fide accepit; necdum usufrucit. Dicit etiam, *per libram personam*, id est, per Actorem, Rectoremve Municipii, per Syndicum, similem personam.

Ex quibus omnibus constat, Municipis per se non possidere, nam id Paulus ait, nec Ulpianus negat. Quare nec proprie possident, ut veluti Accursus, nec in proprie, ut alii apud eundem censent. Dissensunt vero Paulus & Ulpianus in hoc, quod Paulus nec per alios Municipium possidere ait: Ulpianus vero & per servum & per liberam personam id ei concedit. Qui tamen dissensus facile conciliatur; quippe Paulus stricto Jure loquutus est, Ulpianus ex æquitate contrarium receptum ait; hoc enim significant verba illa, *Sed hoc jure nimium*; quæ ostendunt jus singulare ex utilitatis gratia contra Juris regulas receptum, argumento *l. jam hoc jure*, ff. de *vulgari*. Neque hoc novum est; nam utilitatis gratia plurima contra Jus strictum circa possessionem & usucapionem recepta sunt, *l. peregrin.* §. *quæsitum*, ff. *ead. l. jussu*, §. *nondum*, ff. de *usucap. l. t. l. per procuratorem*, C. *ead.*

Itaque licet Municipium per se non possideat, possidet tamen per intermedias personas. Quod est contra Rogerium, qui voluit eos tantum possidere, quibus Republicæ administratio commissa est. Hæc tamen Municipii possessio non est vera, quod post Bartolum, Paulum, & Alexandrum putabat Turaminius; sed omnino ficta est, ut probatur ex *d. l. siue autem*, §. ult. ff. de *Public.* ubi servus hereditarius, & servus Municipii comparantur; sed dicitur heredem quasi possidisse per servum illum: ergo eodem modo Municipium quasi possidet per servum, hoc est, fictæ, quomodo res incorporeales quasi possidendi dicuntur, *l. uti*, ff. de *servitut.*

Qua in re duo specialia sunt. I. Ut servus, vel Rector, non possessus a Municipio ei ta-

men possessionem acquirat. Novum quippe non est, ut per eum, quem non possidemus, possideamus. Sed id singulari Jure procedit: nam servus alienus a nemine possessus potest mihi acquirere possessionem, si nomine meo eam adipiscatur, *l. si me in venum* §. ult. ff. *ead.* Id ipsum est in procuratore, & filiola-milias, *d. §. ult.* & *l. 4. ff. cit. tit.* ut monet Cujacius hic in *l. t. §. per eam*.

II. Ut Municipium, cui verus animus, & verus consensus deest, habeatur tanquam si eo non careret, & possessionem per alios acquirat, quæ tamen possessio ficta est, ut diximus.

Obijcies. Per servum, & Rectorem Municipii vere res corpore & animo detinentur. Ergo per ipsos vera possessio Municipio acquiritur. In promptu tamen responso est, istos non sibi ut singulis res detinere, sed ut omnibus, idest Universitati, quæ a singulis distinguitur, quæque verum animum non habet; & proinde heri non potest, & veracius possessio sit, quandoquidem ille dicitur possidere, cujus nomine possideatur, *l. quid meo*, ff. *ead.* Quare Universitas possidet, cujus nomine Rector rem detinet: at in Universitate est, veritate inspecta, omnino impossibile est, ob verum animi defectum, quidquid Turaminius repugnet.

Eodem modo alia multa Jure singulari in Municipiis recepta sunt. Nam dubiarum est, an Municipium possit capere ex testamento: & stricto Jure negandum videbatur, quia *Universi cernere hereditatem non possunt*, ut ait Ulpianus in *fragment. tit. 22*. Nihilominus utilitatis & æquitatis causa obtinuit, Municipiis testamento relinqui posse hereditatis, vel legati, vel fideicommissi titulo, Ulpianus *loc. cit. l. hereditatis*, C. de *hered. instit.* Quare Municipium bonorum etiam possessionem habet, *l. 3 §. a Municipibus*, ff. de *bon. poss.*

Olum non recte legabatur Collegio Clericorum, vel Monachorum consortio, nec recte instituebatur heres. Id vero D. Hieronymus a Principibus Christianis introductum ait, ad refrenandam avaritiam, nam in libro de *vita Clericorum* ait: *Non de lege conqueror, sed doleo quod metumimus hanc legem. Provida, severaque legis sanctio, Et ne sic quidem refrenatur avaritia*. Hodie abrogatum est ex *l. 1. C. de sacros. Eccles.* Cujac. 7. *observ. 30.* & ad *d. l. §. a Municipibus*.

Ita quoque si legetur Municipibus sub conditione si jassent, videtur conditio impossibilis,

bilis, & pro non scripta habenda, quia universi jurare non possunt, fuit tamen receptum eos jurare, per quos Municipii res geruntur, *l. Municipibus, ff. de condit. & demonstr.* Ceterum ex verbis Edicti Jusjurandum remittitur, quamvis compellantur facere id, quod se futuros jurare jussi sunt, *l. hac scriptura. ff. cit. sit. l. qua sub conditione, l. quoties ff. de condit. instir.* Ita ergo, cum Civitas novo Regi se fidam & obloquentem esse & futuram jurare debeat, id per suos Rectores implet.

Non alia ratione Civitas de dolo non tenetur, nec dolo facere potest, quia id veram personam & consensum exigit, *l. si ex dolo, §. 1. ff. de dolo.* Tamen impropre per Rectores delinquere dicitur, *l. metum §. animadvertendum, ff. de eo, quod met. causa:* dummodo ita facere jussi sint aliter non ipsa Civitas, sed singulares persone deliquisse censetur, *l. semper §. in sepulcro, ff. quod vi aut clam, Doctores communiter apud Godefr. 3. var. cap. 1. n. 52.*

Et deum hoc sensu Universitas dicitur contrahere, se obligare, solutiones recipere, debitorem liberare, & similia, *l. restituenda, C. de advoc. divers. jud.*

#### QUESTIO IV.

*Utrum Servus, qui in fuga est, Domino possessionem sui intervertat, & eidem possessionem acquirat.*

**P**rima Propositio, Servum fugitivum non desinimus possidere. Ita Cujus in *l. rem qua ff. cod.* Cujus rei elegantissima ratio ibidem redditur, quia servus fugitivus se ipsum furripit nobis, seu sui ipsius nobis furtum facit, *l. Aneilla, ff. de furtis, l. 1. C. de Servis fugitivis.* Quod perbelle Marialis expressit:

*A pedibus didicere manus precare proterva.*

*Non miror furem, qui fugitivus erat.*

Sed servus nobis possessionem acquirit, *l. 1. §. item acquiritur, ff. cod.* Unde fit, ut servus nobis sui possessionem non intervertat. Eadem de causa, si rem aliquam nobis servus furripiat, quamdiu apud ipsum res est, tamdiu ejus rei possessionem non amittimus, *d. l. 1. rem qua.*

Alia, sed Politica ratio in *l. Pomponius in prin. ff. cod.* & in *l. interdum §. servi ff. de Publican.* assignatur, ne scilicet in potestate servorum sit fugae iterando, Dominorum se subtrahere potestati.

Consistat id ipsum ex nostri Juris regulis,

quae docent, ejus rei, quam corpore & animo possidemus, vel solo animo, corpore nec nostro, nec alieno, possessionem solo animo retinere, nec amitti, nisi ab alio occupatum sciamus, *l. petere §. fin. cum 2. l. segg. ff. cod.* Itaque quia servi fugitivi possessionem animo retinemus, cam non amittimus, nisi servus ab alio possideatur, bona vel mala fide, vel nisi diu pro libero se gesserit, ut mox dicemus.

Itaque servus fugitivus intervertit Domino possessionem sui, sed eidem eandem acquirit. Quocirca ex Juris censura nec intervertisse videtur, semperque in eadem Domini possessione mansisse. Exemplo res clarius intelligitur. Quia filius in potestate donationem accipiendo a patre eandem patri, tanquam rem profectitiam, acquireret, ideo pater nec donatle censetur, Coralius in *l. frater a fratre, ff. de condit. instir. & 4. miserli. 3. num. 6.* Illud verum est, servum, qui in fuga est, haberi pro furtivo, ad ejus ufucapionem perpetuo impediendam: quia ut dicitur in *L. Atinia. Quod subreptum erit, ejus rei actus auctoritas esto;* Gellius 17. noct. atticar. 7.

Sunt qui contra obiciunt Modestini auctoritatem certam in *l. homo liber. in fine, ff. de acquir. rer. dom.* ubi Juriconsultus negat, per servum fugitivum a Domino ufucapi; & ita loquitur: *Nec per fugitivum quidem, quem non possidet.*

Recte tamen ab Accursio animadvertum est, ibi a Juriconsulto non de omni fugitivo sermone haberi; sed de eo, qui ab alio possidetur, vel pro libero diu se gesserit: hujus enim possessionem Dominus amittit, ut hic in *l. 3. §. si servus:* quare nec antiquus Dominus amplius per eum possidere aut ufucapere potest. Itaque cum Modestinus ait, *Nec per fugitivum quidem, quem non possidet,* non ita intelligendus est, per nullum fugitivum posse ufucapi, sed per eum, quem Dominus non possidet: quare potius videntur concedere, esse aliquem fugitivum, quem Dominus possideat.

Certant etiam auctoritate Papiniani in *l. si rem, ff. cod.* cujus verba sunt: *Homines autem retinentur, si revertendi animam haberent, ad discrimen scilicet rerum mobilium, quae ratione vel anima carent, quarum amittitur possessio, statim ac neglecta & omissa custodia est.* Itaque quia servus fugitivus redeundum animam non habet, *l. quod si fugitivus, ff. de adilit. aditio,* unque Dominus possessionem ejus amittet.

Me.

Meminisse tamen oportet, ibi sermonem haberi non de servo, qui fugit a Domino, de quo nostra questio est, sed de eo, qui fugit a commodatario, vel depositario. Et querit Papinianus, an per huius fugam Dominus desinat possidere; & distinguit, vel homo habet propositum redeundi, veluti si ideo fugit, ut ad Dominum rediret; & hoc proposito possessionem sui Domino conservat: vel ea mente fugit, ut utroque derelinquat, & Dominus possessionem amittit. Ratio est quia Dominus hoc casu non per se possidet, sed per Commodatarium: quare cum homo commodatarii custodiam evadit; Dominus amplius non possidet, nisi homo proposito redeundi ad Dominum illi sui possessionem conservet. Secus est, cum per se ipsum Dominus servum possidet, ut consideranti patet. Atque ita difficillimus hic nodus, a quo nemo hactenus se extricare potuit, quam facillime solvitur.

Secunda Propositio. Per servum, qui in fuga sit, possessio nobis acquiritur, si quid comparaverit, vel apprehenderit, suo vel Domini nomine. Magna olim hæc questio fuit inter Proculianos & Sabinianos vexata. Quippe Nerva filius, qui fuit ex Proculianis, dicebat, per servum fugitivum nihil posse nos possidere, ut habetur in *l. t. §. per servum. ff. eod.* Nec movebatur Nerva ex eo, quod receptum est, servum fugitivum, quamdiu ab alio non possidetur, vel quamdiu ipse se pro libero non gerit, interim a Domino possideri & usucapi, idest, ceptam huius servi usucapionem fuga non interrumpi. *l. servi §. ult. ff. de furtis; l. t. §. ff. de rei vendic.* Respondere enim, utilitatis causa receptum esse, ut servus fugitivus ad unam tantum causam possideretur a Domino, id est, ad implendam usucapionem; ne fuga servorum Domino, ut bonæ fidei possessori, damno sit: esse id Jus singulare, nec posse ad consequentiam extendi, *l. quod vero. ff. de legib.* Idem, dici nequit, servum fugitivum in omnem causam a Domino possideri, sed ad unam usucapionem; sicuti debitor pignus ad unam tantum usucapionis causam possidere dicitur, *d. l. t. §. per servum.*

E contrario Sabiniani, e quorum numero Cassius & Julianus fuit, sentiebant, per servum, qui est in fuga Domino possessionem acquiri ex omnibus causis, sicut per servos, quos in Provincia habet; nempe quia fugitivorum possessio semper animo retinetur, ut ait

Paulus 3. *sentent. tit. ult.* Et hæc sententia ab eodem Paulo hic recepta est in *d. l. t. §. per servum.*

Obitare tamen videtur. I. quod dicitur in *l. si servus, ff. de Public.* ubi si servus meus, cum in fuga sit, rem a non Domino emat, Publiciana mihi competere debet, ut scilicet amissa rei possessione eam de Jure prætorio vindicem, tanquam si ulucipissem: & subdit ibi Pomponius: *Licet possessionem rei tradita per eum nactus non sim.*

Hic textus visus est inexplicabilis Fabro in *Rational. ad eam legem*; putatque Pomponium Nervæ sententiam amplexum fuisse. Placet tamen responsio Accursii, Pomponium loqui de servo fugitivo, qui ab alio mala fide possideatur; hic enim nec sibi, nec possessori, nec vero Domino possessionem acquirit, ut dicitur in *l. t. §. sed & per eum, ff. eod.* Protinus ut Pomponii mens sit, Domino Publicianam competere, non solum si per fugitivum servum possessionem acquirat, sed eo etiam casu, quo possessionem rei tradita per servum nactus non est.

II. Obstat Ulpiani responsum in *l. servi, §. ult. ff. de furt.* ubi Julianus in Nervæ caltra transgisse videtur, & sententiam mutasse. Nam Ulpianus de servo fugitivo loquens hæc habet: *Quod enim videtur possidere, ad usucapionem tantum mihi proficere Julianus scribit.*

Ad quam difficultatem submovendam, opus est speciem legis illius explanare, ex Valentia *cap. 10. num. 15. & sequ.* Servus, cum in fuga esset, rem Domino subtraxit, deinde cepit ab alio bona fide possideri, ex quo Dominus servi possessionem amisit, *l. 3. §. si servus, ff. eod.* Quæsitum est, utrum contra bonæ fidei possessorem danda esset Domino noxialis actio furti? Dubitationem movebat, quod qui noxali actione teneatur ob furtum servi, ipse noxalem actionem habere non potest, *leg. Apud Antiquos, §. cumque generalis C. de furtis.* Ergo quia Dominus noxali actione teneretur ob furtum a suo servo alteri factum, non potest noxalem actionem contra alium habere, ob furtum ab eodem suo servo sibi factum. Contrarium tamen decedit Ulpianus: quia Dominus servi nomine, qui in fuga est, si furtum alii fecisset, ipse noxali actione non teneretur: nam ut quis noxali actione teneatur, oportet, ut servum habeat in potestate; hoc est, ut eum exhibere possit, *l. quoties, §. in potestate, ff. de noxiis l. potestatis ff. de verb. sign.* Et quamvis Dominus servum possideret,

deret, antequam ab alio bona fide possideri cepisset, id tamen non obstat; quia hæc possessio ad usufructum tantum deservit, non etiam ad hoc, ut exhibendi ejus potestatem habere censetur. Quare concluditur, competere huic Domino noxalem furti actionem contra eum, qui deinde bona fide cepit servum possidere, nam noxa caput sequitur, §. *omnis*, *Instit. de noxal. action.* Ex quibus apparet illud, Tantum, excludere potestatem exhibendi, de qua quærebatur, illiusque respectu Julianum docere, tantum ad usufructum fugitivi servi possessionem Domino proficere; quamvis Accursius illud taxativum Tantum putet excludere noxalem actionem, quod sequitur Gphanus hic in l. 1. §. *per servum*, & Valeria *loc. cit.* Unde fit, articulum taxativum hic non excludere similes causas ad acquisitionem pertinentes, qualis est usufructus, cum solum excludat facultatem exhibendi servi, qui in fuga est.

Obstat tandem, quod servus Domino non acquirit possessionem, nisi eam Domino velit acquirere l. 1. §. *hæc quæ de servis*, ff. *ead.* Servus vero fugitivus, si quid suo nomine apprehendat, utique non ea mente facit, ut Domino possessionem quærat.

Respondetur, servum Domino possessionem non quærere, cum eam alteri quæsitam vult, ut in d. §. *hæc quæ de servis*. Quare si non alteri, sed sibi quæsitam velit, adhuc Domino quærit, §. *sive autem Instit. de stipul. servor.*

Ceterum cum dicimus, servum fugitivum Domino possessionem acquirere, ita intelligendum est, ut si Dominus sciat, ei acquiritur ex omni causa; si vero nesciat, acquiritur tantum ex causa peculiari, l. *pergre*, §. *quæsitum*, ff. *ead.* Quippe servus fugitivus non peculium, sed liberam peculii administrationem amittit, l. *libera* ff. *de pecul. l. rogasti*, §. *fin. ff. de reb. credit.* ne res alienando, deteriori Domini conditionem efficeret, d. l. *libera*, l. si *convenit* ff. *de pignor. alt.* at recte Domino etiam ignoranti acquiritur, cum peculium non sit extingendum, & servi fuga nulla ex causa damnoisa esse Domino debeat, l. 1. C. *de serv. fugit.* Quæ ut melius percipi possint, sit.

# QUESTIO V.

*An per servum vel filiumfamilias ex causa non peculii possessio nobis acquiratur ignorantibus.*

ET communis opinio, post Bartolum & Alexandrum hic in l. 1. §. *item acquirimus*, affirmat; quod sequutus est Cujacius 24. observ. 9. Et moventur ex pluribus.

I. Ex l. *quod servus* ff. *ead.* ubi Jabolenus de servo ait: *Is qui in tua potestate est, ignorant tibi non corporalem possessionem, sed justam potestatem acquirere, sicut & id, quod ex peculio ad eum pervenerit.* Quippe particula, *sicut*, similitudinem statuit, maxime subsequente particula *extensiva*, & id est, *etiam*. Cum ergo utraque similitudinis pars veretur circa servum, & eorum posterior sit de peculio, utique prior erit extra causam peculii, nam similitudo est inter diversa.

II. Ex l. 1. §. *per servum, qui in fuga* ff. *ead.* Dicitur enim, possessionem nobis acquiri per servos, quos in Provincia habemus: quod certe ad eum finem dictum est, ut intelligamus, nobis etiam ignorantibus acquiri.

III. Ex l. *numquam*, §. si *servus*, ff. *de usufructu*. ibi: *Si servus meus, vel filius peculii, vel etiam meo nomine quid tenet, ut ego per eum ignorant possideam, vel etiam usufructum, &c.*

IV. Ex l. si *me in vacuum*, §. *ult. ff. eod.* ubi generatim scriptum est per servum mihi ignorantem possessionem acquiri.

Verior tamen est opinio Jasonis, Zafii, Aretini, & Valentini in d. §. *item acquirimus*, Aquilini in l. si *is, qui pro amore*, ff. *de usufructu*. m. 19 & ejusdem Cujacii lib. 23. *quest.* Papini in l. *pergre*, §. *quæsitum*, & in l. *justo*, §. *non dum*, ff. *hoc nostro tit.* nempe possessionem Domino ignorantem acquiri ex causa tantum peculii. Idipsum intelligas de filiofamilias respectu Patris.

Quæ opinio aperte patet ex Paulo in l. 3. §. *salvus*, ff. *ead.* ibi: *Quasdam res etiam ignorantes possidemus, id est, quas servi peculiariter comparaverunt.* Cujus rei duæ rationes præstantur. Prior est Papiniani, nempe id utilitatis causa jure singulari receptum esse (quia regulæ Juris sunt, ut acquiram possessionem animo & corpore meo: animo alieno, corpore meo: animo meo, corpore alieno) ne cogatur Dominus per momenta, & perspicies & causas peculiorum inquirere, d. l. *pergre*,

gre, §. *quasitum*. Simile est in societate omnium bonorum, ubi res omnes, quæ sociorum tempore initæ societatis sunt, statim sine traditione communicantur: id enim etiam utilitatis causa inductum est, quia difficile esset, in singulis traditionem fieri, l. 1. cum sequ. ff. pro socio. Posterior est ejusdem Pauli, qui ait, servos in causa peculari semper ex nostra voluntate intelligi possidere, scilicet, ex ea voluntate, quæ intervenit, cum servus peculium habere permittimus, d. l. 1. §. item acquiritur. Quod est generatim; nam si in specie loquimur, scilicet, cum servus singulas quoque res acquirat, videmus eas eorumdem servorum & animo & corpore possidere, ut idem Paulus inquit in d. §. *salvus*.

Neque in contrarium opposita urgent. Nam 1. quod attinet ad Jabolenum in d. l. quod servus, dicimus, totam eam legem, quanta est, loqui de peculio, ut legenti manifestum est. Verum enim est primo generatim dici, possessionem corporalem per servum Domino ignoranti non acquiri, sed iustam; id tamen intelligendum est, si iusta sit ex causa peculari, ut ibidem Jabolenus ostendit, cum huius dicti rationem reddit, in hæc verba: *Quia quod ex iusta causa corporaliter a servo tenetur, id in peculio servus est, l. non solum in p. ne. ff. de pecul.* Ne tamen Jabolenus circa possessionem corporalem videatur sibi contrarius, notandum cum Cujacio ibidem, in illis verbis, *Qui in tua potestate est, ignoranti tibi non corporalem possessionem, sed iustam potest acquirere*, non negari simpliciter & indistincte omnem corporalem possessionem acquiri, sed iustam; nam corporalis est genus, iusta species: ut sentus sit, servus non acquirit Domino possessionem corporalem quamcumque, sed acquirit eam tantum, quæ corporalis iusta est. Et proinde subdit: *Quia quod ex iusta causa corporaliter, &c.*

Illud quæri potest, cur Jabolenus questionem moveat de possessione corporali, quæ & naturalis dicitur; non etiam de civili? Ex respondendum est, hoc ideo factum, quia de possessione civili nulla difficultas est, quin Domino acquiratur ex consensu illo generali, quem ipse peculium concedendo servo tribuit. Hæc enim civilis possessio in servo consistere non potest, cum exigit animum dominantis, cujus servus incapax est, l. in personam, ff. de reg. jur. Difficultas ergo de sola corporali possessione moveri potest, quæ

in servo manere potest, ut in qua non exigitur, nisi animus insistenti, qui servo non denegatur, l. 1. §. ceterum, cum sequ. ff. cod. De hac ergo loquitur Jabolenus & distinguit, si fuerit iniuste quaesita, veluti perviam eam manere in servo, cum Dominus non censetur in servi delicto consentire: at si iuste quaesita sit, veluti ex precario, eam transire in Dominum ex consensu generali, quem in peculii concessione impertitus est.

Est itaque textus prædictus de causa peculari accipiendus. Nec obstat similitudo, quam Jabolenus addit, his verbis: *Sicut & id* (in Pandectis Florentinis deest) *Et quod ex peculio ad eum (servum) pervenit (Dominus) possidet*. Nam hæc verba intelliguntur de peculio quod ex Domino in servum pervenit, ut recte Cujacius ibidem explicat. Itaque duos casus Jurisconsultus distinguit & confert ambos circa peculium. Prior est, cum quid iuste ex causa peculii acquiratur: posterior, cum peculium ipsum servo conceditur a Domino, & utroque casu ait, Dominum possidere per servum, id est, animo suo, corpore servi.

Nec II. obstat, nos acquirere possessionem per servos, qui in Provincia sunt. Nam in d. l. 1. §. per servum, qui in fuga, sit comparatio inter servum fugitivum, & servum in Provincia morantem. Et concedimus, per utramque Domino ignoranti possessionem acquiri; sed terminis, ut dicitur, habilibus, id est, concurrentibus ceteris, quæ a Jure exiguntur, exempli gratia, ut servus non sit in furore, ut velit mihi acquirere: ita ergo, ut causa peculiaris sit. Quæ enim generatim dicuntur, semper terminis habilibus intelligenda sunt, ut Aquilinus loc. cit. notat.

Ad id, quod III. obijciunt ex d. l. nunquam, §. si servus, varie a Doctoribus respondentum est. Ibi habetur, siye peculiari, siye meo nomine, filius vel servus meus aliquid possideat, per eum, etiam ignorantem me possidere, vel etiam inscapere. Placet tamen responsio Cujacii hic in l. 1. §. item acquiritur; nempe etsi regula sit, possessionem mihi ignorantem extra causam peculiarem non acquiri a servo; id tamen restringi, quoties meo nomine servus acquirit, veluti si quis servo dicat: *Dona hunc equum Domino tuo*, & tradat, & servus Domini nomine apprehendat, quippe tunc per servum Domino etiam ignorantem equi possessio statim acquiritur.

quiritur. Quod mirum non est, nam etiam servus alienus, si meo nomine rem apprehendat, ignoranti mihi possessionem acquirit, *d. l. si me in vacuum, §. ult.* Ita quoque procurator meo nomine mihi etiam ignoranti possessionem acquirit, & tutor, & curator, *l. 1. §. per procuratorem, ff. cod. l. 1. 3. & 8. C. cod. l. si rem, ff. de usucap.* Est tamen notandum, hoc casu Nobis acquiri possessionem tantum, non etiam usucapionem, nisi post scientiam: nam possessio simul & usucapio Nobis ignorantibus acquiritur solum ex causa peculiari servi, vel filii-familias, ut mox dicemus. Proinde in *d. §. si servus*, verba illa, *Utego per eum ignorans possideamus, vel etiam usucapiam*, ita intelligenda sunt, ut illud, *etiam usucapiam*, referantur ad verba, *Peculiari nomine*, non etiam *ad illa Meo nomine*. At illud, *Possideam*, refertur ad utrumque casum. Possidere enim est commune utriusque causæ, usucapere peculiaris tantum.

Ceterum ratio, cur servus Domini ignoranti possessionem acquirat, si Domini nomine rem apprehendat, est quia habetur ut Domini procurator, ut recte notatur ab Accursio in *dist. l. nunquam, §. servus v. acquirit*. Est enim procurator tacite constitutus non a Domino, sed a lege Domini voluntatem interpretante; ut in negotiorum gestore patet, qui quod utiliter nomine alterius gessit, ejus voluntate gessisse dicitur. Habet ergo hoc casu servus accommodatam sibi Domini voluntatem, non minus ac in peculio. In peculio, facto Domini, dum peculium concessit: in apprehendendo Domini nomine, ex interpretatione legis.

Superest ut resolvatur IV. objectio ex *d. l. si me in vacuum, §. ult.* Et facile respondetur, ibi quamvis generatim dicitur: *Servus quoque meus ignoranti mihi acquirit possessionem*; id tamen intelligendum esse, si meo nomine rem apprehendat, ut ex sequentibus patet: nam hujus dicti ratio redditur ex eo, quia etiam servus alienus potest mihi acquirere possessionem, si meo nomine eam adipiscatur.

Est itaque discrimen inter servum peculiarem, & liberam personam, quia per servum in causa peculii non unam modo possessionem, quamvis ignorans, acquiri; sed etiam usucapionem perficit: at per liberam personam, licet ignorans possessionem adipiscatur, non tamen usucapere incipio, nisi post scientiam, *l. 2. ff. pro soluto, l. 1. C. cod. id ipsum*

est, si servus non peculiaris meo nomine acquirat. Ratio discriminis est, quia ad usucapionem exigitur bona fides, & probe scientia; quippe ignorans neque bonam neque malam fidem habet; quæ bona fides non procuratoris, sed Domini esse debet: sicuti etiam Domini esse deberet in causa peculiari, nisi utilitatis causa jure singulari receptum esset, ut attendatur bona fides servi, *l. Labeo, ff. de usucap. l. 2. §. item Pomponius, ff. pro emptore*. At in possessione nihil refert, utrum iuste quis, an injuste possideat, *l. 3. §. e contrario, ff. cod. Ita ratiocinatur Accursius in d. l. 2. ff. pro soluto, & in d. l. 1. C. cod.* Aliam rationem vide apud Cujacium *24. obser. 8.* & Valentiam in *d. §. item acquiritur, a num. 21.*

## Q U E S T I O VI.

*Quibus modis possessio acquiritur.*

Quamvis possessio sine corporali apprehensione rerum nequeat acquiri, quia res facti est, *l. 3. §. 1. ff. cod. l. denique, ff. ex quib. caus. majores*; qui utique modus naturalis est, & eo casu a nostris possessio appellatur *Nativa*, ex Bartolo in *l. Titia, ff. de verb. oblig.* & Decio in *l. contractus, ff. de reg. jur.* tamen utilis, vel etiam necessitatis gratia receptum est, ut per modos etiam a Jure sanctos quandoque eam adipiscamur; quibus casibus possessio vulgo dicitur *Dative*, seu *Artificialis*, & ita acquisita, omnes effectus obtinet, quos habet possessio naturali modo apprehensa, & nihil a vera possessione distat. Egrot de his modis Antonius Dadingus *Altera de fidei, tract. 3. cap. 4. & 5.* Nos eos ad quatuor genera reducimus, quæ sunt Fictio brevis longaque manus, Traditio per symbolum, sive notam, Traditio legalis, & Quæ in alia traditione fundatur.

I. Ergo est brevis & longa manus, & quid sit in Jure nostro, non admodum clarum est. Nos ita statuis.

Brevis manus est, cum pro duabus traditionibus, quæ fieri deberent, a primo ad secundum, a secundo ad tertium, unica tantum traditio fit, seu vera seu ficta, ut si primus tradat tertio. Manifestum id est ex Ulpiano, qui inter Jurisconsultos solus de brevi manu mentionem habuit in *l. licet, §. 1. ff. de jure dotum*, ubi qui a Titio centum accipe-

re debebat, ei accepto tulit, sub ea lege, ut Caja intelligeretur donatum causa dotis: hic ea cenitum videtur Creditor brevi manu a Caja accepisse, & Titio dotis gratia dedisse; qui Titius remanet debitor Caja, tanquam si ab ipsa accepisset. Ecce hic dat primus, id est Creditor, tertio, qui est Titius, brevi manu, quod tradere debebat Creditor Caja, quæ hic dicitur secunda, & Caja Titio causa dotis sibi constituenda. Similis casus habetur in *l. hæc ratio, §. fin. ff. de donat. int. vir. & ux. in l. 2. §. cum vero, in l. qui id, §. fin. ff. de donat. in l. singularia, ff. de reb. credit. & in l. quod meo, §. venditorem, ff. hoc tit.*

Longa manus idem est, quod brevis, ut inter tot Interpretis solus Accursius recte vidit in *d. l. licet, §. 1. & in l. pecuniam, ff. de solut. ubi solum mentio longæ manus habetur: si enim ibi Jabolenus; rem mihi debitam, si in conspectu meo ponere te jubeam, finge supra mensam, efficitur, ut tu statim libereris, & res mea esse incipias, & quodammodo longa manu tradita existimanda est. Hic traditiones hoc ordine faciendæ erant: tu qui es primus, tradere debebas mihi secundo rem debitam, quam ego secundo supra mensam, quæ est tertia, ponere debebam. Sed non ita factum est: verum tu primus supra mensam, quæ est tertia, posuisti.*

Hoc factum per brevis manum diceret Ulpianus, sed Jabolenus placuit longam manum appellare: utique autem recte, cum ad diversa respererint. Brevis ideo est, quia dux manus, seu traditiones, restrictæ sunt, & veluti migraverunt in unam. Longa e diverso manus est, quia una manus, seu traditio; tantum valet, quantum si dux factæ manus essent.

Itaque gravissime fallitur Hotomanus in *l. d. C. de donat. ubi* distinguit inter longam, & brevis manum; ita ut brevi manu id donari dicat, quod transit de manu donantis recta in manum donatarii: tunc vero longa manus, cum donator abfens abfenti per nuntium vel per procuratorem mittit. Fallit etiam est Dionysius Gothofredus in *d. l. pecuniam, cum* putat, longæ manus vocabulo intelligi oculos & affectum, quibus possessio rei quandoque apprehenditur, juxta illud *Deuter. 33. v. 28. Oculis Jacob in terra frumenti & vini*: quod etiam dixerat Cujacius in *e. 2. feudor. tit. 3. qui* defumit id ex *l. 1. §. pen. ff. hoc tit.* Verum licet ibi Paulus dicat, possessionem oculis quandoque apprehendi, non ideo statim

oculi longæ manus sunt. Imo Jabolenus dicit, debitorem tradidisse pecuniam longa manu, quæ traditio non oculis, sed manu facta est.

Fictio per symbolum est, cum unus rei traditio alterius rei traditionem factam inducit.

Hujusmodi est *l. per claves*, ut si merces in horreo, aut vinum in cella vendatur, & clavium horrei aut cellæ traditio fiat, ipsæ merces & ipsa vina tradita videntur, *l. qua ratione, §. item si quis, ff. de acqui. rer. dom.* modo id fiat in re præfenti, hoc est apud ipsum horreum vel cellam, quod necessario exigi patet ex locutione conditionali textus in *l. clavibus, ff. de contr. emt. ibi: Possessio tradita videtur, si claves apud horrea tradita sint.* Concordat textus in *l. 1. §. pen. ff. eod.* Ita quoque possessio sacrari per traditionem clavium apud ipsam Ecclesiam acquiritur. Vide Barbosam de *Canonicis cap. 13.*

Hæc vero species fictionis per symbolum non in una solum possessione, quæ facta est, locum habet, sed etiam in usufructu & proprietate, quæ jura sunt, in quibus casibus fit translatio seu collatio etiam re non præfente. Etenim in feudis fit collatio & translatio usufructus a Domino in vassallum per investituram. *Investitur quis Regno per gladium, Provincia per vexillum, ut ait Otho Frisingensis.* Vide Accursium in *Inst. tit. de verb. oblig. in princ. v. finium*, Baldum in *cap. 1. col. 9. tit. Quid fit Investitura, in usibus Feudor.* Andream in *Proemio ad eosdem usus col. ult.* Neque tamen in investitura videtur translata possessio; nam post investituram agitur ad tradendum, *cap. 1. §. ult. de nova forma fidelit.*

Diximus; his symbolis transferri in feudis usufructum: quæ sunt Cujacii opinio in *lib. 2. tit. 13. in usib. feudor.* Verius tamen est, transferri solum dignitatem regiam, ducalem, aut similem; nam in beneficiis Ecclesiasticis, ubi symbola hujus generis quoque interveniunt, non ullus usufructus, sed dignitas translata seu collata intelligitur: neque ullum potest discrimen proferri inter symbola Feudalia, & Ecclesiastica. Itaque D. Bernardus in *serm. de cana Domini* hæc habet: *Canonicus investitur per librum, Abbas per baculum, Episcopus per baculum & anulum simul.* Ita quoque in tradendis, seu conferendis Ordinibus Ecclesiasticis variorum symbolorum usus intervenit, de quibus in *dist. 23.* Adde, dignitatem Doctoralem per symbola quoque conferri, quæ recenset Andreas Alciatus in *Parergis lib. 2.*



Fatemur tamen, per symbola quandoque transferri proprietatem, ut in antiquo venditionis ædium contractu inter Pascutum, & Sequitium; ubi scriba ait: *Tu Pascuti fuisse illum investito. Tu Sequiti fuisse manu empto.* Ubi per eam Scipionis traditionem proprietatem ædium a venditore in emptorem translatam intelligebatur, si Conjunctum audimus; nisi placeat potius dicere, translatam censeri possessionem. Contractum, de quo dixi, habes apud Brissonium de *Formul. lib. 6. pag. 559.*

II. Per instrumentum; nam, si instrumentum, quo mancipium emi tibi donationis causa tradam, mancipium quoque ipsum donasse & tradidisse video, *l. 1. C. de donat.* Quo tamen calu rei seu mancipii donati presentia non est necessaria, ut ibidem notat Giphanius; quia instrumentum est loco rei, cuius in eo continetur. Aliud est in clavibus, in quibus certe Jus contineri non potest, & earum traditio prope horreum requiritur, ut sciatur sine fraude, quæ merces, & in quo horreo conditæ tradi intelligantur. Non itaque semper rerum presentia exigitur, sed in certis tantum casibus, ut & Cujacius admonuit *4. obs. 3.* Et huc pertinet, cum Episcopo Ecclesiæ possessio traditur per cedulam Concistorialem, qua confirmatur electio, ex qua Episcopus potest administrare ea, quæ sunt Jurisdictionis, ubi ipsam ostendit iis, ad quos pertinet, *Extrav. injuncta, §. presenti, de elect.* quippe in hac quoque Cedula Ecclesiæ Jus continetur, ut propterea loco rei fit.

III. Est pars pro toto. Ita tradere vinum degustandum emptori, pro totius dolii traditione, habetur, *l. 1. C. 4. ff. de peric. & comm. rer. vend.* Et huc referenda est Scotatio, de qua ex consuetudine Danicæ meminit Summus Pontifex in *cap. 2. de consuet.* ex qua rerum donatarum possessio in Ecclesiam censetur translata. Est autem Scotatio, cum Donator glebam super Episcopi pallio, vel super altare imponebat, & testato dicebat, se vacuum rerum donatarum possessionem in Ecclesiam transferre, hoc enim calu pariter pars pro toto traditur, hoc est, gleba pro fundo. Ceterum Scotatio desecit ut a *Scot*, quod Germanorum lingua est Contributio, nobis *Scotto*. Unde pecuniam, quam olim Regnum Angliæ in signum subjectionis D. Petro quinquannis solvebat, appellabatur *R. miscot*; ut quod a singulis de populo contribuebatur. Cironius *1. ob serv. jur. Canon. 9.*

IV. Species pro quantitate. Exemplum est in *l. rogasti, ff. de reb. cred.* ubi si rogasti me, ut tibi pecuniam crederem, & ego, cum non haberem, lancem tibi dedi, vel massam auri, ut eam venderes, & nummis utereris, ipsa pecunia, quam ex venditione comparabis, mutua esse dicitur. Itaque traditio speciei, nimirum lancis, inducit per symbolum traditionem ipsius pecuniæ, seu quantitatis.

Traditio legalis est, ubi nihil traditur, sed tale aliquid fit, unde rem traditam intelligere oportet.

Hujusmodi est I. Per satisfactionem; nam cum is, cui novum opus nunciatum est, satisfactionis de opere demolendo, si denuncias de Jure suo doceat; tunc satisfactus possessor fit, eique edificare licet, *l. si alius fecerit, §. ait Julianus, ff. quod vi aut clam.* Quamvis Bartolus cum aliis opinetur, per solam operis novi nunciationem eum, cui nunciatum est, fieri possessorem, ex *l. 1. §. in operis, & l. de pupillo, §. meminisse, ff. de oper. novi nunciati.* De qua tamen res latius infra in *l. naturaliter, §. nihil, commune, par. 3.*

II. Exceptio usufructus: ut si donando rem, usufructum mihi excipiam, rem ipsam tradidisse video, & ita perfecta donatio est, *l. quisquis rem, C. de donat.* Ratio est, quia usufructus & proprietatem simul in eodem esse non possunt, & nemini res sua servit. Hæc hæc traditionis species antiquis Jurisconsultis (quidquid repugnet Cujacius *19. obs. 18.*) nota non fuit, argumento ex *l. Seja, ff. de mori. caus. donat.* ubi Seja Titio cognato bona sua donavit, eaque ipsi tradidit, sed sibi usufructum exceptit. Utrumque igitur ibi intervenit, nempe & traditio corporalis, & exceptio usufructus: fuit enim ea donatio per mancipationem celebrata, ut ostendunt verba illa *Traditionibus factis*, nam ait: *Seja cum bonis suis, traditionibus factis, Titio cognato donationis causa cessisset, usufructum sibi recepit.* Nec quod dicatur, *Cessisset*, propterea ulla hic in Jure cessio comminiscenda est; nam in Jure cessione satis erat, sibi bona abdicare, sine ulla traditione, Chavarri in *Didascalia multiplici par. 1. cap. 1. num. 3.* Deinde hæc fictio introducta fuit ex constitutionibus Principum in duobus casibus, donationis & dotis, quæ & ipsa est donationis species, *l. pen. & ult. C. Theod. de donat.* Verum Tribonianus eas leges cum retulisset in cod. cum Justinianum in *d. l. quisquis rem*, extendit etiam ad venditionem.

III. Est rei demonstratio; nam columnæ, & similes res, quæ propter magnitudinem ponderis facile loco moveri non possunt, pro traditis habentur, si emtor & venditor in re præfenti consenserint, ut dicitur in *l. 1. §. pen. ff. end.* Quod intelligendum est, si columnæ demonstrantur; quippe illa demonstratio pro traditione habetur, ex *d. l. quod meo, §. si venditorem*, ubi si mihi vicinum fundum mercaturo venditor ex mea turre demonstrat, vacuumque possessionem se tradere dicat, non minus possidere incipio, quam si eodem finibus intulissem.

IV. Custodiæ positio. Ita si æcervum lignorum emero, & cum venditor tollere me jussierit, simul atque custodiam apposuerit, traditus mihi videtur, etiam si corpore æcervus non sit apprehensus, *l. quorundam, ff. co. l.*

V. Est Consignatio; quippe traditæ videtur tabulæ, quas emtor signavit, *l. quod si neque in fine, ff. de peric. & comm. res. vend.* Dubitatum tamen est, an id ipsum locum haberet in vino: & Trebatius docuit, si dolum signatum sit ab emtore, traditum censeri: cui discipulus Labeo contradixit, quia dolum non solet signari, ut traditum videatur, sed ne vinum submutetur; & huic sententia adheret Ulpianus in *l. 1. §. si dolinus, ff. cit. tit.*

Ad Consignationem referri posse videtur infixio hastæ, de qua vetus quæstio fuit in Thracia inter Andrios & Chalcidenses, ut refert Plutarchus *99. Græc. 39.* Erat Acanthus urbs a barbaris delerta: ad ejus possessionem acquirendam duo pariter viri accesserunt, alter ab Andriis missus, a Chalcidensibus alter. Accidit, ut Chalcidensis prior excurreret, jamjam urbem vacuum occupaturus. At Andrius, qui retro currebat, hastam conjecit, & urbis portæ infixit, ac se hasta Andriis urbem præcepisse exclamavit. Hinc orta lis, quam in Erythreos, Samios, ac Parios, litigantes compromiserunt: Plutarchus testatur, pro Andriis duos sterisse, pro Chalcidensibus solos Parios. Itaque Andrii vicerunt: neque enim dubitandum, quin major pars prævaluerit; quamvis Hugo Grotius *lib. 2. jnr. Holland. cap. 8. §. 6.* contrarium putet, quem recte coarguit Ulprius Hobertus *4. digressio. Justinianæ. cap. 18. §. 2.* Ratio ex eo pendet, quia possessio per hastæ infixionem per solum quidem modum est: sed possessio facto modo quaesita nihil in

effectu distat ab ea, quæ naturali modo apprehenditur, ut jam dictum est.

VI. Exemptio. Qui ergo saxum de suo eximere mihi permittit, donationis causa, statim ac lapis exemptus est, habetur ut quasi traditus, & meus fit. Idem quoque Jus est, si permiserit legere racemum uvæ, arborem cadere, stirpem evellere, *l. qui saxum, ff. de donat.* Idem est in argna, creta, marmore, & similibus, *l. permittit, ff. de præser. verb. l. si cum mihi, ff. de dolo malo.*

VII. Ingressio, ut si consensu Auctoris, id est, venditoris, in possessionem emtam ingressus fuero, ea mihi tradita censetur, *l. quadam, ff. de rei vind. l. non idcirco, C. de contr. emt. l. si emancipatis, C. si quis alteri, l. minus, C. her. tit.*

VIII. Precarium vel Conductio. Quare si quam rem tibi donavi, eandem a te precario recipiam, aut conducam, dicitur perfecta donatio, & res tibi intelligitur tradita, *l. si aliquam, ff. eod. d. l. quadam.* Idem est per simplex Conditutum, de quo latius infra in *l. quod meo.* Idem est in Transactione & in Jurorando in litem *l. ejus rei, cum sequi, ff. de rei vind. & in Societate omnium bonorum, t. 1. & 2. ff. pro socio.* Idem etiam in Acceptatione, & Novatione, ut patet.

Tandem est Corona Memorialis. Clericus enim vel Monachus, qui sua bona Monasterio aut Ecclesie vovebat, in signum oblationis & donationis, coma deposita, ampliorum coronam gestabat, per quam Monasterio aut Ecclesie tradita & quaesita possessio intelligebatur, ut patet ex Innocentio III. *epist. 245. lib. 1. & ex Concilio Cabilonensi 11. sub Carolo Magno can. 7.* In hodie recessit ab usu; nam solum per Religionis professionem bona Ecclesie censentur tradita & quaesita, nisi prius de ipsis Monachus disposuerit, *auth. ingressi, auth. si qua mulier, C. de sacros. Eccles.*

Ultima species sicut traditionis est, quæ fundatur in vera traditione antecedenter facta: ut rem tibi tradidi ex causa depositi, vel mutui: mox vero eandem rem tibi vendidi, vel donavi; statim sine nova traditione tibi dominium acquiritur per solam patientiam, cum patior rem perpetuo penes te esse, *l. qua ratione, §. interdictum, ff. de acqu. rer. dom. l. certi conditio, §. ult. ff. de reb. cred.*

Vul.

Vulgo Doctores putant, ex sententia Judicis dominium transferri, ex §. ult. *Instit. de offic. Jud.* ubi id, quod in tribus istis judiciis, Familias Erciscundæ, Communi dividundo, & Finium regundorum, alicui adjudicatum est, statim ejus sit, cui adjudicatum fuit. Recte tamen Faber *decis. 98. err. 1.* hanc sententiam ex ipso §. ult. aperte reprobare docet: nam si in tribus istis judiciis, quod adjudicatum fuit, statim ejus sit, cui adjudicatum est, consequens est, ut in aliis judiciis omnibus aliud sit: nec enim omnis judicatio est adjudicatio. Quippe dominium transfertur non ex vi sententiæ Judicis, sed ex potestate adjudicationis; quæ adjudicatio ex lege XII. tabularum unus est ex modis particularibus acquirendi domini; Ulpianus in *Instit. tit. 19. de domin. & acquisit. rer.* Hi vero sunt Mancipatione, Traditione, Usucapione, in Jure Cessione, Adjudicatione, Lega, ut *ibidem* §. 1.

### QUESTIO VII.

#### De Retinenda Possessione.

Quoniam conditio hominis non patitur, ut possit quis per singula horarum momenta rebus suis corpore incumbere; merito factum est, ut possessio, licet non nisi corpore & animo acquiratur, tamen solo animo possit retineri; quamvis nullum relinquamus in re, sive servum sive liberum hominem, qui nostro nomine rem detineat, l. 3. §. si quis nunciet 6. & §. saltus 9. l. clam, §. qui ad nundinas, ff. eod. & in specie l. 9. §. ult. ff. de reb. cred.

Dubium tamen est, utrum hereditas jaceas retineat possessionem, quam defunctus acquisivit? Et communis opinio docet, hereditatem non vere possidere; quia possessio facti est, cujus facti capax non est persona ficta, uti hereditas, sed tantum persona vera. Imo volunt, nec possidere fidei, quia fidei ad ea, quæ facti sunt, non pertinet, l. denique, ff. ex quib. caus. major. l. in bello, §. facti ff. de captivis. Unde quia sursum possessionis est, propterea hereditati sursum non fit, l. 1. §. Scavoia, ff. si qui res. lib. Ita post alios Cujacius lib. 23. *quest. Papin.* in l. jussu, §. nondum, ff. de acquir. poss. Faber in *Rationib.* in l. miles, ff. ex quib. caus. major.

Verius tamen est, hereditatem fingi possidere; non tamen generatim in quantum ad

omnia, sed tantummodo in quantum ad unum casum, ut scilicet possit perficere usucapionem; nam si defunctus cepit usucapionem, hereditas jaceas usucapionem perficit, si res medio tempore a nullo possessa sit: atque ita possessio testatoris heredi prodest, l. possessio testatoris, ff. de usucap.

Et probatur I. quia usucapio sine possessione esse non potest, §. & ideo, *Instit. de usucap.* Sed hereditas usucapit. Ergo etiam possidet. Non enim recipi potest, quod Faber & Cujacius volunt, Jure singulari constitutum esse, ut a possessione cepta usucapio, etiam sine possessione continuetur. Non, inquam, recipi potest, quia hoc Jus singulare nusquam in toto corpore Juris expressum est, & omnino fictum ab adversariis. Dicendum itaque est; hereditatem hoc casu æquiparari debitori, qui pignus creditori datum possidet, sed ad unum tantum casum, ut usucapiat, l. 1. §. per servum corporaliter, ff. eod. Æquiparari etiam ei, qui precario alteri rei possessionem concessit, nam & is possidet ad unicum usucapiendi effectum, l. & habet, §. eum qui, ff. de precario: favet enim lex usucapioni, ut quæ litibus fignæ imponit.

Probatur etiam ex l. gerit, ff. de acquir. hered. ubi hæc habentur: Cujus possessio qualis qualis fuit in hereditate: quæ verba duo ostendunt. Primo, hereditatem possidere. Secundo, ejus possessionem esse non plenam, sed imperfectam; cum ceteris Juris effectibus careat, una usucapione excepta.

Non negamus tamen, qualem qualem possessionem aliquando denotare possessionem naturalem, seu detentionem; & hoc sensu Fruentiarum dici qualiter qualiter esse quasi in possessione, leg. 3. §. ult. ff. de vi et vi arm. & qui precario in fundo moritur, dica qualiter qualiter possidere, l. is qui, §. Aristoph. ff. eiat. ritual. At in aliis casibus affirmamus, illis verbis Jurisconsultos rem significare, quæ imperfecta sit, l. reſcriptum, §. 1. ff. de disſracl. pignor. l. 1. §. sed & si servus, ff. de ventre inspic. l. is qui, ff. de acquir. hered. l. ult. §. fin. ff. de divor. l. ult. ff. de inoff. test. Ceterum in nostra specie dici nequit, possessionem hereditatis esse naturalem, quæ non est satis ad usucapionem; consequens est, ut illis verbis significetur possessio civilis, le non plena nec perfecta.

Sunt qui nostram conclusionem probent etiam

etiam ex d. l. cum miles, ff. ex quib. caus. major. in illis verbis: Quia possessio defuncti quasi juncta descendit ad hereditatem, & plerumque non adita hereditate completur. Sed hoc nihil probat; nam possessio eo loco pro usufructu posita est: hæc enim est, quæ completur aliquando ante hereditatem aditam. Ita quoque possessio pro usufructu est in l. denique, ff. ex quib. caus. major. in l. si fundum, ff. de fundo dotali, cum concordantibus, ut supra notatum est.

Nec obstat quod Adversarii obijciunt, fictionem ad res facti non pertinere; nam id verum est, quando factum ad Jus non tendit: quod secus est in casu nostro, ubi possessio hereditatis tendit ad usufructum, quæ Juris est; tunc enim lex in rebus facti fingit, l. consilium §. questum, ff. de curat. furios. ubi in solutione, venditione, traditione, satis est consensus unius ex Curatoribus furiosi, quia alter fingitur consentire; ideo scilicet, quia hujusmodi actus facti magis quam Juris sunt. E contrario in his, quæ meri Juris sunt, ut in arrogatione furiosi, omnium curatorum expressus consensus exigitur l. §. C. de auctor. prest. Id quod supra etiam diximus.

## QUESTIO VIII.

De amittenda Possessione.

**T**Res hic casus principales distinguere oportet. Primus est in rebus immobilibus, quas solo animo possidemus, ut accidit de saltibus hybernis & æstivis; & harum possessionem solo animo amittimus, ut recte notat Harmenop. 2. Prochin. 1. in princ. At si dum possessionem animo retinemus, alius ingreditur, & rem occupat, adhuc possessionem retinemus, sed quousque ab alio occupatam ignoremus; nam ignorantia non tollit animum, & quod animo retineo, mihi non tollitur, nisi animo desinente: ad exemplum obligationum, quæ eodem modo solvuntur, quo queri adolent, ut dicitur in l. quamvis saltus, ff. eod. Unde si resciverim, alium fuisse iugressum, tunc possessionem ejus rei amitto, scilicet si timore contreritus noluerim accedere; videor enim ea formidine animum amittere, l. 3. §. si quis nuntiet, l. 7. ff. eod. Vel si Occupator Dominum revertentem non admisit, l. clam, §. qui ad nuntiat, ff. eod.

Hæc in rebus soli locum habent; nam rei mobilis possessionem etiam ignorantes amittimus, puta si ignoremus rem surreptam: quippe rerum mobilium facilius, quam immobilium, possessio amittitur; veluti si neglecta & omissa custodia sit, etiam si nemo alius invaleret, l. 3. §. Nervatus, & §. Nerva, l. si rem mobilem, ff. eod. Hinc si lapis meus demerlus sit in flumen, nec statim extractus, dominium ejus retineo, possessionem amitto, quia desit esse sub custodia mea, l. Pomponius ff. eod. Hinc etiam si quam possidebam rem mobilem ita perdidim, ut ignoreretur ubi sit, possessionem amisi, l. si id quod, ff. cit. tit.

In servo speciale est, ut eum possideamus, quamvis desierit esse sub custodia nostra, si ve eum nemo apprehenderit, si ve apprehenderit, & hoc ignoremus; quia potest homo proposito revertendi Domino possessionem sui conservare, dict. l. si rem mobilem in fine. Immo servus etiam proposito revertendi careat, ut est de fugitivo, tamen sui possessionem Domino intervertere nequit, l. rem qua, dict. l. Pomponius in princ. ff. eod. l. interdum, §. servi, ff. de public. ut latius supra.

Secundus casus est de rebus immobilibus, quas quis possidet animo suo, & corpore alieno, id est, coloni vel servi. Et expulso servo vel colono, nos, etiam si ignoremus, possessionem amittimus, d. l. peregre, §. ult. Et ratio est, quia nos expulsi videmur, l. 1. §. quod servus, ff. de vi & vi armata, ubi notatur etiam, nobis competere interdictionem unde vi.

Quod si servus sit, quem per alium possidemus, is statim ac fugam arripit, nobis possessionem sui intervertit, nisi eo animo aufergerit, ut ad nos redeat, l. si rem, ff. eod. Secus est, si nos animo & corpore nostro possideamus; quo casu servi fugitivi possessionem non amittimus, nisi dum se pro libero gesserit, vel ab alio possideatur, si ve bona, si ve mala fide, l. 3. §. si servus, ff. eod. ut latius supra.

Illud quaeritur est, utrum locator destinat possidere, si colonus deserendæ possessionis causa sponte de fundo exisset. Idem est de servo, & de quacunque alia persona, per quam possidemus. Hæc quaeritio olim Sabinianos, & Proculianos commisit. Nam Sabinus docuit, locatorem desinere possidere, si colonus desidia vel dolo de fundo discessisset,

set, animo deferendæ possessionis: colono vita decedente, non item. Ita etiam Aphricanus in *l. si de eo*, §. 1. & Pomponius in *l. si colonus*, ff. *col. dum ait locatore* possidere, si colonus exierit de fundo non deferendæ possessionis causa. Nam inde sequitur ex contrario sensu, locatorem non possidere, si colonus de fundo digrediens, habuerit animum deferendæ possessionis. Ceterum Aphricanus & Pomponius ex Sabini sententia hæc præposuerunt, ut Cujacius in citatis legibus obsecurat.

In contrariam sententiam ivit Proculus, qui indistincte, siue colonus decederet, siue discesserit, Dominum non amittere possessionem docuit. Quod sequutus est Paulus in *l. 3. §. quod si servus*, ff. *col. in hæc verba: Quod si servus vel colonus, per quos corporaliter possidebam, discesserint, discesserint, animo retinebo possessionem.* Hujus diffidii causa videtur fuisse, quia ex Sabino colonus possidet naturaliter; at idem ex Proculo nullo modo possidet, licet in possessione sit.

Et Proculi sententiam, ut magis æquum amplexus est etiam Justinianus in *l. ult. C. cod. ubi expresse rejecta Sabinianorum opinione, statuit nihil penitus Domino præjudicii generari, si servus, procurator, colonus, inquilinus, vel quispiam alius, per quem corporaliter possideamus, possessionem vel sedicia reliquerit, vel dolo alii prodiderit. Vide latius Cujacium ad Aphricanum in *d. l. si de eo*, §. 1. Fabrum *decis. 4. per tot. Merillum in 30. decis. Justin. dec. 47.**

Duo itaque Locatori siue Domino Justinianus impertitur. I. Interdicta retinendæ possessionis; quippe locator adhuc possidet, ut re-Act Martinus observat ex illis verbis: *Nihil penitus Domino præjudicii generatur*; quamquam Joannes hæc verba cœnerit de dominio, non de possessione, ut Domino competant interdicta recuperandæ possessionis, quem sequutus est Menochius *de recuper. rem. 14. 11.* Ut præterea Dominus agere possit contra colonum, procuratorem, aliamve liberam personam, ut sibi resarciatur omne damnum, quod ex eorum negligentia vel dolo ipse passus sit, actione scilicet locati, mandati, & similiter, ut ibidem patet. Vide late Fabrum *decis. 57.*

Tertius casus est de rebus immobilibus, quas quis possidet corpore & animo suo. Et hic magna inter Jurisconsultos dissensio est; nam

solo animo possessionem amitti, sæpius in hoc nostro titulo statuitur, a Paulo in *l. 3. §. in amittenda*, his verbis: *In amittenda quoque possessione affectio ejus, qui possidet, intuenda est. Itaque si in fundo sit, & tamen nolis eum possidere, protinus amittes possessionem.* Igitur amitti & animo solo potest, quamvis acquiri non possit. Idem habetur ex Ulpiano in *l. si me in vacuum*, & ex Papiniano in *l. peregre*, §. ult.

Verum Paulus sibi ipsi adversari videtur in *l. quemadmodum* ff. *cod. ubi inquit: Quemadmodum nulla possessio acquiri nisi animo & corpore possit; ita nulla amittitur, nisi in qua utrinque in contrarium actum est.* Concordat textus in *l. fere*, & in *l. nihil tam naturale*, ff. *de reg. jur. ex ea utempe regula, quia nihil tam naturale est, quam rem eodem modo solvi, quo fuit constructa.*

Pro qua antinomia solvenda varie se torquent Doctores apud Accursium in *d. §. in amittenda*, Connan. 3. *comm. 9. Fachin. 8. contr. 21.* Communiter distinguunt cum Joanne antiquo Juris nostri interprete, Aut enim amissio possessionis incipit ab animo; & ad amittendum satis est solus animus, ut patet in *Cogitatu*; quippe amittitur solo animo possessio fundi, si non inde corpore nostro discedamus, sed maneamus nomine alieno, *l. quod neo*, ff. *cod. Et ita intelligitur textus Pauli in d. l. 3. §. in amittenda*, & Ulpiani in *d. l. si me in vacuum*, cujus verba sunt: *Animo deponere & mutare possessionem nos posse, & Celsus & Marcellus scribunt. Dicit deponere & mutare, quia in constituto mutatur possessor; neque possessionem deponit Constitutor, qui eam mutat in Constitutarium.*

Aut incipit a corpore, ut si quis a fundo digrediatur; & tunc id satis non est, nisi animus deponendi possessionem accedat, ut intelligitur textus in *d. l. nihil tam naturale*, & in *d. l. quemadmodum*, qui explicandi sunt ex textu in *d. l. fere*, ubi dicitur, possessionem fere amitti animo & corpore, hoc est, non semper, sed ut plurimum. Hanc eandem distinctionem ante Joannem docuit Bulgarus in eadem *l. fere*, quo nomine in notis Placentinus eum laudat, os aureum vocans, egregie id cum excoctasse testificans. Sequitur Cujacius *ibidem*, & in *d. l. quemadmodum*.

Utrumque docuit Papinianus in *d. l. peregre*, §. ult. quippe ait: *Nam ejus quidem, quod corpore nostro teneremus, possessionem amitti, vel animo, vel etiam corpore.* Quibus ver-

bis

his continuo subiicit circa secundam partem distinctionis: *Si modo eo animo, inde digressi fuisset, ne possideremus.* Quare cum ab animo incipit, satis est solus animus; cum a corpore, opus est ut accedat animus.

Quod attinet ad modos, quibus possessio amittitur, ii omnes sunt, quibus Jure gentium dominium amittitur; aut si res fiat sacra, sancta, vel religiosa; aut si in aliam speciem mutata sit, veluti si ex lana vestis fiat, d. l. 3. §. *Neratus, l. qui univestas, §. possessionem, ff. cod.*

### QUESTIO ULTIMA.

*De Commodis Possessionis.*

**C**ommoda possessionis multa sunt, nec modica; quæ in causa sunt, ut plerumque, & fere semper, ingens exiit contentio de ipsa possessione, ut notat Justinianus in §. *retinenda, Instit. de Interdictis.* De his Commodis hic ultimo loco agendum est.

*De primo Commodo, quod est Accessio.*

**P**rimo est Accessio, de qua late in l. *Pomponius, §. cum legq. ff. cod. & in tit. Digestorum, de diversis & temporalibus præscriptionibus, & de accessionibus possessionum.* Est autem Accessio, Conjunctio possessionis Auctoris, & ejus qui ab eo habet, ad subduendam rationem legitimi temporis, quo impleri usucapio solet. Et hæc conjunctio locum habet tam in successore rei, quam Juris.

Ita emtor, qui est rei successor, suæ possessioni conjungit tempus, quo venditor rem possedit: & contra possessio emtoris accedit possessioni venditoris, si scilicet emtor ob morbum vitiumve latens rei venditæ, rem reuiderit venditori, d. l. *Pomponius, §. præterea.* Legatarius tribus accessionibus gaudet, temporis quo legator possedit, quo hereditas jacuit, & quo heres possedit ante existentem conditionem legati conditionalis, vel anterestitutionem legati puri, *ibidem, §. sed & legatario.*

In herede, qui est successor Juris, habet locum accessio, non secus atque in emtore, aut alio quocunque, qui sit successor rei. Distat tamen heres ab emtore in hoc, quia quod Auctor præ mala fide usucapere non potuit, id tamen emtor bonæ fidei usucapiet, si non utatur accessione Auctoris. Secus est in herede; nam quod propter malam fidem defunctus usu-

capere non potuit, ejus heres, etiam si a se inchoet possessionem, nec utatur adminiculo possessionis defuncti, usucapere non potest, licet ipse heres bonæ fidei possessor sit. E contrario quod usucapere defunctus potuit, & heres usucapere potest, & utetur accessione, licet ipse malæ fidei possessor sit, ut contra Aronem tuetur Accursius in l. *vitia, C. cod. & Joan. in l. nihil, C. de usup. pro herede, Doctores magis communiter cum Alberico, & Baldo in d. l. vitia, Cujac. in l. Pomponius, §. si liber, ff. cod.*

Id I. Constat ex Papiniano in l. *Cum heres, ff. de divers. præscript.* ubi generatim scriptum est: *Heres ignorantie suæ vitia defuncti non excludit.* Ubi illud, *defuncti*, demonstrat de vitis personalibus sermonem haberet nam vitia realia appellantur *vitia possessionum, l. vitia, C. cod.* Demonstrant id ipsum verba sequentia: *Veluti cum sciens alienum illum, ille vel precario possedit*, ut in Pandectis Florentinis legitur. Cujacius ad Papinianum ibi emendat: *Sciens alienum, vel vi, vel precario.* Faber vero dec. 76. tit. 10. *Sciens alienum, etiam ille, vel precario.* Alii aliter. Querit ibi Papinianus, an heres ignorans precarium defuncti, possit usucapere, aut præscribere? Utrumque negat ea ratione, quia licet heres bonæ fidei sit, tamen defunctus, qui precario rogavit, fuit in mala, & vitium defuncti transit in heredem etiam ignorantem. Quæ certe ratio viget, quamvis heres a se ipso usucapionem, & longam possessionem inchoare velit.

II. Constat ex l. *ult. C. comm. de usup.* ubi indistincte heres bonæ fidei non usucapit, *propter defuncti vitium*, ut textus ait, hoc est, etiam si a se usucapionem inchoare contendat, mala defuncti fides ei erit obiculus.

Certe in hac lege, & in antecedenti l. *cum heres*, quæstio non fuit, an heres uti accessione possit; neque de hoc poterat dubitari, propter apertam Juris regulam, quæ habet, *Possessio vitiosa non accedit non vitiosa, d. l. Pomponius, §. te.* Quæstio solum fuit, an heres a se usucapionem inchoare possit; & id in citatis Juribus negatur.

Ratio dubitandi erat, quia singularis successor, uti emtor, donatarius, legatarius, ubi bonæ fidei est, a se usucapit, quamvis Auctor, id est, venditor, donator, legator, in mala extitisset, l. *an vitium, ff. de divers. præscript.* ibi: *Et puto neque nocere, neque prodesse; nam deni-*

denique & usufruere possum, quod Auctor meus usufruere non potuit. Etiam heres si ex rebus defuncti quidquam titulo singulari quaerat, ætæ usufrucapit, non obstante ipsius defuncti vitio. Vide textum in d. l. an vitium, §. 1.

Ratio vero decisionis in contrarium pendet ex eo, quia usufructus sine titulo non consistit, id est, sine iusta causa possessionis, §. novissime, Instit. de usufructu. Heres vero non possidet res a defuncto sibi obventas, nec pro sua, nec pro donato, aut alio titulo singulari; sed solum titulo universalis pro herede, l. i. ff. pro herede: sed heres Jura defuncti repræsentat, id est, præter alia, etiam bonam, aut malam fidem. Et hoc sibi volunt verba illa d. l. cum heres: Cum heres, inquit, in Jus omne defuncti succedit, ignorante sua vitia, &c. Ergo propter obicem malæ fidei nec a se usufruere potest. Hæc in Successore singulari locum non habent.

Nec I. in contrarium urget, Jura personalia non transire in heredem, uti in usufructu constat: nec dubitari posse, quin mala fides inter Jura personalia sit. Nam facile responderetur, Jura personalia dupliciter esse generis: alia, quæ cum persona pereunt, ut usus, usufructus, habitatio; alia, quæ non pereunt, nam & actiones, & obligationes, Jura personalia sunt, & tamen in heredem transeunt, l. aliam, ff. de novat. Et inter hæc, bona, & mala fides est, ut ex citatis juribus patet.

Neo II. urget l. i. C. de præscr. longi temp. qua se tuctur Azo, ubi generatim scriptum est: Res, quæ ad nova dominia transeunt, posse præscribi, si novus possessor accessione prioris Domini, qui in mala fide fuit, non utatur. Idem verum est in novis dominis, ut textus ait, hoc est, in successoribus singularibus, non etiam in herede, qui novus Dominus non est, ut qui idem cum defuncto Dominus esse dicitur, auctor de jurejur. a morien. puel.

Nec III. obstat Pomponius in l. perique, ff. pro herede, ubi si putem rem aliquam ex hereditate esse, quæ non sit, plerique putaverunt posse me usufruere. Nam respondetur, speciem esse in defuncto, qui nec bonæ nec malæ fidei sit, ut qui nullam de re notitiam habuit; veluti si in stabulo defuncti equum alligatum reperiam, de quo nihil defunctus sciebat. Eum ego ex hereditate esse putavi. Quæsitum est, an usufruere possim? Quidam negabant, ex eo quod nullum titulum habere videtur; deficit enim hic titulus pro herede,

Tom. I.

qui locum habet in iis tantum rebus, quæ rellator possidebat, & ex hereditate sunt. Plerique tamen putaverunt, me usufruere titulo saltem pro suo, quibus Pomponius consentit.

Hæc, quæ diximus, non modo in herede extraneo locum habent, sed etiam in suo, ob rationem suprascriptam. Vulgo id probant ex l. nihil, C. de usufructu pro herede, illis verba: Nihil pro herede posse usufruere, suis heredibus existimant, obtinuit. Ita communiter post Accursium illum textum intelligunt. Sed tamen alia omnino species est; non enim ulla ibi mentio bonæ vel malæ fidei defuncti; sed generatim dicitur: Nihil pro herede posse usufruere. Species ergo ita ponenda est. Quidam decessit, præteritis filiis in potestate, alio instituto herede; qui obnoxtantiam vel Juris vel Facti, hereditatem tempore legijmo bona fide possedit. Quæsitum est, an usufrucipiat pro herede contra filios suos, heredes? Et negatur, quia titulus nullus est ex testamento nullo; titulus vero nullus usufructum impedit, l. i. §. si pater, ff. pro donato.

Obijcies. Filii non solum usufrucipiant pro herede, sed etiam pro suo, l. pen. §. si pater, ff. pro suo, quia scilicet Domini sunt, etiam vivo patre, l. in suis, ff. de lib. & post. Ergo patre in mala fide existente, quamvis filius suus heres nequeat a se ordini usufructum titulo pro herede, poterit tamen titulo pro suo.

Distinguis antecedens. Filii usufrucipiant pro suo, si rem habeant ex successione patris, negamus. Si vero habeant ex divisione bonorum, quam pater vivus cum eis fecit, & convenit inter filios, ut post mortem patris rata esset, concedimus. Et hæc est species d. pen. §. si pater, ut recte Accursius ibi, quem vide. Ratio vero, cur usufrucipiant pro suo, non est, quia vivo patre domini sunt; nam cum res fuerit aliena, nec pater, nec ipsi erant domini: sed quia bona, quæ ex divisione pervenerant, tanquam sua possidere cœperunt, argumento ex l. 3. ff. pro suo.

Hæc quæ de Accessione diximus, vera sunt, si medio tempore, id est, si post mortem testatoris, & ante aditam hereditatem, res vacua fuerit, & a nullo possessa; nam si in alterius manu fuit, interruptum est possessio. Id ipsum est in Successore singulari, d. l. Pomponius, §. quæsitum, l. pen. §. i. ff. de div. & tempor. præscr.

Est tamen ultimo loco notandum, quod quamvis Accessio tunc locum habeat, cum prior possessio vitiosa non fuit, id est, non vi, non clam,

E

non

non precario; tamen excipitur, cum possessio vitiosa, exempli gratia, Prædiorum, mihi restituitur iussu Judicis: quo casu possessio vitiosa accedit non vitiose, ut probatur ex d. l. *Pomponius*, §. si iussu, qui conjunctis ultimis verbis §. antecedentis, ita legi debet: *Prædiorum possidente, si iussu Judicis res mihi restituitur sit, acceptionem mihi esse dandam, placuit*, ut ex Basilicis observat Cujacius *ibidem*. Ratio est, quia restituendi verbum, quo Judex usus est, plenam significationem habet, ut & mihi possessio accedat, & proficiat ad usucapionem, l. ult. §. ult. ff. de verb. signifi. Possit autem Judex facere, ut possessio vitiosa mæ accedat, tanquam non vitiosa, propter auctoritatem rei judicatæ, l. servo, §. cum Prætor, ff. ad Trebell. l. si fidejussor, §. in omnibus, ff. mandati.

De secundo Commendo, quod est iustitium summarium.

**D**uo possessoria judicia distinxit Paulus de Castro *conf. 3. lib. 2.* Unum ordinarium plenum, quod Jure actionis expeditur, ejus finis est, ut Judex pronunciet, uter possideat; ita enim fiet, ut is, qui victus est, petitoris partes assumat, & de dominio quærat, l. exitis, ff. eod. Ratio cur plenum sit, est quia qui vicit, perpetuo manet in possessione, usque dum victus in petitorio obtineat. Quia ergo maximi præjudicii est, omnes Juris solemnitates exigat, libellum, litem contestationem, plenam probationem, & reliquum judicii ordinem. Hinc sententia censetur definitiva; & ab ea appellari potest, executione tamen non retardata, Afflictus *dec. 269.*

Alterum est summarium, quod Judicis officio expeditur, cujus finis est, ne lite pendente Partes vegiant ad arma, se invicem turbando, cum uterque dicat se possidere: quippe summarij debet Judex cognoscere, uter sit in possessione, ex l. *aquissimus*, ff. de usufr. Hoc autem perpetuum causam non habet, sed dumtaxat ut lite pendente is, qui potiora Jura ostenderit, remaneat interim in possessione. Quare non exigitur libellus, nec litem contestatio, nec plena probatio, & sententia censetur interlocutoria, a qua non appellatur. Ita nec testes reprobandur, nec scripturæ impugnantur, nec locus habet restitutio in integrum, Cypre. *dec. 13. & 55.* Sequuntur communiter Doctores apud Menoeh. in *præfud. de recap. poss. nu. 24. cum seqq.* quamvis repugnet Aquilinus in *præfat. ad l. naturaliter*, §. nihil committite, num. 15. ff. eod.

Quod si eo non obstante Partes, turbando, veniant ad arma, Judex idem causæ civilis ea de re cognoscat, non Judex quæstionis, seu criminalis, Sanfelix. *dec. 67. lib. 1.*

De tertio Commendo, quod est Missio in possessionem.

**P**RO adipiscenda possessione est remedium Justiniani in l. ult. C. de edicto D. Hadriani *coll.* Olim Fiscus ex omnibus hereditatibus vicissimam capiebat ex lege Julia; excepto eo casu, quo filii vel parentes essent instituti, qui assensu illibatam accipiebant. Quæ lex cum variis interpretationibus producta, aut restricta esset, tandem edicto Hadriani confirmata fuit: in quo edicto, ut quam promptissime Fisco vicissimam ab herede solveretur, statutum fuit, ut heres scriptus statim post testatoris mortem, aperto testamento, nullis obstantibus oppositionibus, mitteretur in possessionem bonorum defuncti, apud quemcumque ea bona reperirentur, vicissim Fisco soluta. Opus autem erat, hereditatem intra annum addiri; alioquin Fisco deferretur. Donec a Gratiano Impetrare vicissimam sublata est, ut patet Alciatus 4. *dispunct. 6.* ut accipienda sunt verba Justiniani in d. l. ult. ibi: *Vicissim hereditatis ex nostra recessit Republica.* De hac Fisci portione mentio quoque habetur in l. 68. ff. ad leg. Falcid. cujus inscriptio in Pandectis Florentinis ita se habet: *Æmilius Mæcer lib. 2. ad legem vicissimam hereditatum*, Antonius Augustinus *l. emend. 2.* Et de ea capiendus est Martianus in l. *filiusfamilias*, §. divi 2. ff. de leg. 1. ut tit. de legatis explicabimus. Vide Cujacium 9. *observ. 24.* & Baldunum in Justiniano ad dist. l. ultim.

Iple itaque Justinianus ex edicto Hadriani, sublato eo, quod Fisci favore respiciebat, id tantum retinuit, quod in heredis scripti beneficiumpetendebat; & statuit, quod si heres, sive proprius, sive in assensu institutus, competentij Judicij testamentum ostendat non cancellatum, non abolitum, neque ex ulla parte viciatum, statim mittatur in possessionem bonorum defuncti. Et hoc; sive hereditas jaceat, sive ab alio detineatur sine iusto titulo præterea, sive heres intra annum, sive post annum immisssioem petat, dummodo hereditas ab alio præscripta non sit; tandem, etiam si contradictor addit; nam de Jure contradictoris non, nisi post captam ab herede possessionem, disceptandum est, ut d. l. ult. patet.

Sed



Sed plura hic notanda sunt. I. Heredem triplici Jure moniri, Petitione hereditatis de Jure civili, Interdicto quorum bonorum de Jure Prætorio, & tandem Missione in possessionem ex *ed. l. ult.* Quod postremum beneficium vilius est ceteris duobus, quia non impeditur exceptionibus, ut illa alia impediri possunt: satis enim est testamentum ostendere non vitium. Præterea in petitione hereditatis opus est se probare heredem, saltem summam: in interdicto vili probare se esse bonorum possessorem, in directo se esse heredem, ut post Alanum docet Accursius *ibidem v. legitimo*, sequatur Bartolus & alii communiter. Illud verum non est, quod Alanus dicebat, beneficium dictum *l. ult.* concedi etiam contra eum, qui titulo possidet, id enim expresse repugnat verbis illis Justiniani: *Mittatur quidem in possessionem eorum verum, quæ testatoris mortis tempore fuerunt, non autem legitimo modo ab alio detrahuntur.*

II. Cum dicitur testamentum non debere esse vitiatum, intelligitur de vitio visibili de facto, seu in figura testamenti; ut si desint septem testes, si sit abolutum, vel cancellatum. Quod si vitium sit visibile de Jure, seu (quod idem est) invisibile, quod habet rationem visibilis, denegatur, quoque heredi immissio; quia contra eum obstat exceptio, *Dolo petis*, quod statim restituitur ex *l. 1. C. de doli excepti.* Ita est, si testamentum conditum sit a pupillo; ex quo testamento extraneus institutus heres perat immissionem; quæ ex prædicta exceptione potest ei a legitimo successore impediri, qui in continenti & aperte de defectu Juris heredis instituti docet, Andreas in *cap. 1. n. 1. si de fundo defuncti contentio sit.* Secus est, ubi questio Juris dubii esset, & de quo in continenti apparere non potest; quod reservatum erit ad iudicium ordinarium, ex Bartolo in *l. cum probatis*, ff. de re judic. post alios Argel. de acquir. poss. quæ *l. 2. art. 4. num. 154. cum seqq.*

III. Beneficium istud Justiniani locum habere etiam in Feudis, siue hereditariis, siue mistis, dummodo institutus in Feudis sit immediatus Successor, vel saltem remotior Agnatus cum Regis assensu; nam si assensus desit, tunc quamvis vitium sit invisibile, nec in figura testamenti appareat, tamen quia habet rationem vitii visibilis, impedit immissionem heredi scripto, ob exceptionem, *Dolo petis*, &c. quæ vitatur circums inutis, Idem Argel. quæ *3. art. 2.*

## De reliquis Commodis Possessionis.

I. **E**st Usucapio, & Præscriptio; nam qui rem corporealem a non Domino iusto titulo, & bona fide accipit, licet accipiendo Dominus non fiat, quia nec tradens dominus est; tamen si tempore legitimo rem possideat, de Jure civili fit rei dominus, *l. sine possessione*, ff. de usucap. Si vero res incorporalis sit, & possideatur non vi, non clam, non precario, quasi possidendo tempore legitimo præscribitur, *l. si quis diluurno*, ff. si servit. vindic.

Hoc autem usucapionis, & præscriptionis commodum, nullum majus aut est, aut excogitari potest. Hinc quisque de rebus, quas possidet, incipit esse tutus, & res, quas patat suas, jam certo suas esse dicere potest. Ciceroni pro *Cacina cap. 74.* Usucapio vocatur *Finis sollicitudinis, ac periculi litium.* Et præscriptionem 30. annorum, quæ actiones, quæ perpetuæ erant, tolluntur, humano generi patronum dicit Cassiodorus 3. *variar. 37.* quia per eam Theodosius Magnus humano generi quietem paravit, ne quis post tot annorum spatium libus implicaretur.

II. Est Fructus; quippe bonæ fidei possessor fructus omnes, quos e re aliena percipit, suos facit, siue sponte natura proveniant, siue industria possessoris; quia bonæ fidei possessor, quod ad fructus attinet, loco pene Domini est, *l. bona fidei*, ff. de acqu. ver. dom. late Doctores in *l. certum*, C. de rei vindic.

III. Est Relevatio ab onere probandi, quod onus transfertur in contrarium, *l. exiunt*, ff. ead. *l. inter*, ff. de judic. *l. 3. C. de interd.* Ratio est, quia lex præsumit pro possessore. Sicut ergo præsumtio Juris transfert onus probandi in adversarium, ita & possessio, *cap. ult. de presunt.* late Fermosinus in *cap. 1. cit. quæ 3.* Excipe I. in iudicio finium reguodorum, in quo si conventus, ut partem suam restituat, dicat se præscripsisse, de præscriptione docere debet, quia in eo iudicio singuli litigatores vicem sublinent duarum personarum, actoris & rei, ut deciditur in *cap. ex litteris*, de probat. Excipe II. ubi lex pro actore præsumit. Quare si Filius heres institutus a Patre vindicat prædium paternum a Fratre exheredato, si restituere debet, quamvis possessor sit, nisi doceat sibi a Patre donatum; quia præsumtio est pro herede, *l. siue possideatis*, ubi *Glos. v. facti*, C. de probat.

IV. Est Potior Condicio: nam in pari causa

E 2

pos-

possessor potius haberi debet, *l. in pari, ff. de reg. jur. §. retinenda, Instit. de interdictis*. Idque verum est tam si agatur de lucro capiundo, quam de damno vitando. De lucro; nam si duo, quibus est res eadem obligata in solidum, contendant inter se actione, vel interdicto salviano, possessor vincet, quatenus Ius idem utrique competit, *l. 1. ff. de salviano interdicto*. Ut si colonus ancillam in fundum quorum pignoris nomine intulerit, ita ut utrique in solidum obligata sit, ite qui eam possidet, praeferatur. De damno; quia communis dolus, culpa, vel mora, actori nocet, non reo: veluti moram feci in solvendo Stichum, quem promiseram; deinde cum tibi offero, sed tu nolis recipere. Si servus interit, communis mora creditori nocet, & debitor interitui speciei videtur liberatus, *l. si servum, §. sequitur, ff. de verb. oblig.* Et ita in similibus est discurrendum; nam si amborum litigantium testes sint aequales, testes possessoris praeferuntur, *d. cap. ex lictis*.

V. Est tituli, vel Partis occultatio. Nam actione rei vindicationis conventus, interrogatus, *Cur possides?* titulum edere non tenetur, & potest interrogationem vertere in responsionem, ut Theophilus eleganter ait, nempe, *Possideo quia possideo, l. cogi, C. de petiti. heredi.* Ubi tamen excipitur, quando titulus variat actionem. Quocirca heres possessorem rerum hereditatis potest interrogare, *Cur possides?* nam si reus dicat, pro herede, locum habebit petitio hereditatis, si vero pro possessore, instituetur rei vindicatio: & ita est ille textus intelligendus. Ita quoque rei vindicatione conventus non cogitur dicere, pro qua parte res ejus sit, *l. in speciali, ff. de rei vindic.* Exempli gratia; possides fundum Sempronianum, & peritor dicat, cum pro parte suam esse, pro parte autem; ipse cogitur docere, pro qua parte, ipsius sit: nam in dubio totus fundus possessoris praesumitur.

VI. Est Remedium Justiniani in *l. ult. C. unde vi*, quo, succurritur ei, cujus absente vacua possessio ab alio occupata est: Vacua, inquam, hoc est, quam Dominus nec corpore, nec animo detinebat, ut ibi Glol. Bartolus, & alii docent. Nam olim contra occupatorem non dabatur ullum iudicium possessorium, ut qui bonae fidei possessor habebatur, cum desisset ejus res esse, & possessionem vacuum nactus esset. Dabatur tamen actio in rem, nam amissa possessione, non

amittitur dominium, *l. Pomponius, in primo; l. si quis vi, §. differentia, ff. cod.* At Justinianus contra eum, tanquam contra praedonem, omnia beneficia possessoria concessit, nisi triginta annorum spatium transactum sit; nam quod tuum non est, alienum puta, *l. ult. §. nemo, C. comm. de leg.* Unde Demosthenes ad furem exculantem se, & dicentem, *Nesciebam rem tuam esse*, contra dicta tria verba respondit, Atqui sciebas tuam non esse, in id eod. art. tria verba. Ita Cujacius in *l. 3. §. Neposianus, ff. cod.*

Hoc remedium locum habet etiam contra eum, qui ab occupatore causam habet. Aquilius *loc. cit. num. 63.* argumento ex *cap. saepe, de restit. spoliatorum*. Sed contradicit Ripa, argumento ex *l. cum a te, ff. de vi & vi armata*. Hoc verius de Jure civili, illud de Jure canonico, ut mox dicemus.

VII. Est Remedium Arcadii, & Honorii in *l. si coloni, C. de agris. & censu. lib. XI.* Species est: Colonus glebe addictus, sub praetextu, quod liber origine esset, e fundo ejus, qui bonae fidei possessor erat, ad aliam aufugit. Pro recuperanda coloni possessione nullum interdictum proditum est contra eum, ad quem colonus confugit; quare opus fuit novo remedio. Aget itaque antiquus possessor conditione ex *d. l. si coloni*, instituyendo iudicium possessorium summarium, ut colonus celeriter sibi restitatur. Quo iudicio expedito, potest deinde agi de origine & proprietate. Vide Menochium de *adipisc. rem. l. 5. qu. 232*.

VIII. Est Remedium Nicolai in *can. redintegranda 3. q. 1.* vel potius Innocentii III. in *cap. saepe, de restit. spoliator.* quod amplius est, quam interdictum. Unde vi. Illud enim, quia non est scriptum in rem, sed in personam, non impetratur, nisi contra eum, qui deiecit, vel heredem ipsius, *l. cum a te, ff. de vi, & vi armata*. At ex *d. cap. saepe*, actio de spolio contra singularem quoque successorum datur, qui sciebat rem a spoliatore recepit. Queritur tamen, utrum idem sit, si ille, qui causam a spoliante habet, spoliolum ignoret. Affirmat ibi Barrius, Panormitanus, & Rubens. Sed verius est, locum non habere; tum quia textus ille sub conditione loquitur, ibi: *Si quis de cetero scienter talem rem recepit*: conditio autem legis necessaria existere debet, *l. Prator, ff. de collat. bonor.* Tum etiam quia qui scit, quasi in vitium dantis succedit, ut textus notat, quod non est de eo,

qui

qui ignorat. Ita Ripa *ibidem*, Corasius in d. l. naturaliter, §. nihil commune par. 2. n. 129. ubi etiam Aquilinus in praefatione n. 38. Menochius de recup. om. 16. qu. 3.

At de Jure Regni in Constitutione Federici Imperatoris, quæ incipit, *Circa violentum parvas*, de reor, qui a dejectore causam habere, per quascunque manus res ambulaverit, sive sciens, sive ignorans fuerit, possessionem dejecto restituere debet conditione ex ea lege, ut Ilermia, & Afflictus *ibidem* doceat.

Superessent Remedia ex nostri Regni Capitulis, Ad regne fassiquum, de finis precepti charitas, & Omnis predicatio, de quibus alibi dictum est.

De cumulatione Judicii Possessorii cum Petitio, Ad l. naturaliter 12. §. nihil commune, ff. eod.

**O**lim ex legibus XII. tabularum possessionis causa omnino incognita fuit, nec pro ea adipiscenda, recuperanda, aut retinenda, ullum Juris auxilium extabat; sed opus erat ad Juris civilis actiones recursum habere. Exempli gratia, Domino, qui de fundo per vim dejectus erat, non impetiebatur ullum possessionum remedium, sed vel condicebat fundum conditione fructuaria, petendo eum arbitrio Judicis æstimari, habita ratione loci & temporis, de qua vide Fah. der. 83. err. 1. & 2. Vel rei vindicationem instituebat, ut in titulis digestorum de condit. tritice. & de rei vindicatione illa est personalis actio, hæc realis. Sed tampe actiones ex contractu, vel delicto, deficiebant; & agere rei vindicatione non satis expedire videbatur; tum quia is, a quo res vindicatur, usque ad finem litis possidere pergit, l. inter litigantes, ff. de judic. etiam quia reivindicantis dominium difficillime probationis est, l. cum res, C. de probat. l. is qui distraxerit, ff. de rei vindic. Proinde actores, antequam causam in judicium deducerent, omni vi, dolo, fraude, possessionem rei nasci scilicet studebant, ut ita se ab onere probandi eximerent, quod Bolognet. in nostro §. observat, & videtur colligi ex §. retinenda, Instit. de interd. Cui malo ut obviam irent Prætores, quibus lites dirimere cura est, l. quidam, ff. si cert. priat. 1. §. inde quaritur, ff. de operis novi nunciat. & ad quos pertinet, ne litigantes, quos possunt sua jurisdictione componere, ad arma & rixas proliant, l. aquissimum, ff. de usufr. ceperunt suam

auctoritatem interponere, propositis interdictis, quibus statuerunt, apud quem possessio rei esse oporteat, usque dum in pleniori judicio de rei proprietate statueretur, §. summa, Instit. de Interd. Vide Gonzalez in cap. cum dilectus, nu. 5. & sequ. de causa posses.

Sunt quidem Interdicta plerumque, de possessione aut quasi: paucæ quædam de proprietate & jure. Hujusmodi est Interdictum de itinere, actuque reficiendo; non enim satis est docere, se hoc anno, ulum, sed præterea exiguit, ut demonstret, servitutem sibi competere, vel suam esse, l. 3. §. hoc autem, ff. de itin. act. priv. Ita patitur Interdictum de aqua ex castello (id est ex eo receptaculo, quod aquam publicam suscipit, l. 1. §. hoc interdictum necessario, ff. de aqua quodid.) vel ex rivo, vel ex quo alio loco publico deducenda, non conceditur, nisi ei, qui: Jus sibi a Principe assignatum habeat, & questio proprietatis est, l. 1. §. ult. ff. de aqua quodid. & est. Demum proprietatis causam continent Interdicta de mortuo inferendo in sepulchrum, de liberis exhibendis, & alia, de quibus in L. 2. §. quædam, ff. de Interd. Cujacius 3. observ. 19.

Inter utraque Interdicta illud discrimen est, quod quæ causam proprietatis continent, totam hanc finium nec ullam alteri præstunt viam, d. l. 1. §. ult. ff. de aqua quodid. Illa vero, quæ sunt de possessione vel quasi possessione, præparatoria sunt, d. §. ult. & ubi defuerunt, incipit secunda actio, quæ est de proprietate, l. ult. C. quor. honor quæ & principalis actio dicitur, l. nulli, & de judic. l. si quis, C. ad leg. Juliam de vi publicæ. Proprietas possessio, quæ per Interdicta obtinetur, non perpetua est, sed temporalis, donec scilicet de proprietate decernatur, ut dicitur in d. §. ult.

Hinc Doctorum error ortus est, dum momentaneam seu momentariam possessionem idem opinantur esse, ac possessionem temporariam. Eius mentio fit in l. momentanea, C. qui legitima person. l. momentaria, C. unde vi, & in tit. C. si de moment. posses. fuer. appell. qui titulus in Codice Theodosiano na concipitur, Si de momento fuer. appell. Verus enim est, Interdictum de momento, momentani actionem (de Momento Cujacius 1. observ. 20. & 2. obs. 35.) & momentariam possessionem, aliud non esse, aique Interdictum Unde vi, ex quo quis possessioni, qua dejectus est, restituitur intra anni spatium, interea omni proprietatis causa, ut ex Codice Theodosiano

de-

demonstrat Jacobus Gothofredus *ibidem* in paratis. ad tit. Unde vi. Et dicitur Momentum, quod spoliatus sive dejectus statim & ante omnia restituendus est, quod patet ex Ildoro s. orig. 25. ubi de momento, ut juris nostri verbum est, ita loquitur: *Momentum dictum a temporis brevitate, ut tam cito, quam statim salvo negotio reformetur, nec in ullam moram produci debeat; quod repetitur.* Ob eandem rationem Symmachus 10. epist. 41. Interdictum unde vi *Momenti reformationem* vocat, id est, possessionem statim dejecto restituit. Ejus verba sunt: *In causis etenim, quibus momenti reformatio postulat, appellationes recipi non oportet.* Cujacius 1. observat. 20. & 2. observat. 35.

At non levis momenti questio est, utrum qui prosperitatis causam proponit, simul interdicti possessoris uti possit, seu, ut dicunt, integrum cuique sit possessorum iudicium cum petitorio cumulari: cuius questionis enodatio ad forensem praxim confert plurimum. Exiat de hac re singularis Ulpiani textus in cit. §. nihil commune, quem nunc in manibus habemus, quippe spiritus omnium Doctorum turbavit & torst, ut *ibidem* Aquilius inquit num. 178. Verba sunt.

Ulpianus lib. 70. ad Edictum: *Nihil commune habet proprietatis cum possessione. Et ideo non denegatur ei interdictum Uti possideatis, qui capis rem vindicare: non enim videtur possessioni renunciasse, qui rem vindicavit.*

**D**ividitur textus in partes tres. In prima ponitur regula, & hæc statim initio. In altera illatio ex regula, ibi: *Et ideo.* In tertia factæ obiectio, quæ contra illationem fieri possit, occurritur; & hæc ibi: *Non enim.* Hæc omnia sigillatim explanare operæ pretium erit.

#### De prima parte.

**U**lpianus ergo statim initio regulam proponit, quæ ait, proprietatem sive dominium nihil commune habere cum possessione. Ratio est; quia factum, & jus, quam longissime inter se distat; & dominium jus est, possessio factum. Quare verum non est, quod Seneca 10. epist. ait, discrimen inter proprietatem & possessionem factum esse a multa mortalium avaritia: igo inductum est a diversa utriusque rei natura, quam diversitatem summa jurisconsultorum prudentia adi-

madvertit, & sequuta est. Hæc regula exemplis aliquot & multis explicatur.

I. Dominium ex una sanctorum causa contingere alicui potest; nam quod meum est, amplius meum fieri non potest. Quare cum quæreretur, an lana ovium furivarum, ab emtore bonæ fidei detonsa, posset ab eodem usucapi, negatum est; quia statim ac detonsa est, emtoris fit: habetur enim lana ut fructus, & fructus bonæ fidei possessor percipiendi facit suos, l. 4. §. lana, ff. de usucap. Eodem modo qui servum alienum redimit ab hostibus, existimans vendens esse, statim Dominus est, nec usucapere potest, quare licitum priori Domino erit, oblato pretio, servum recipere: quod ei non liceret, si servus legitimo tempore usucaptus censeretur, l. in bello, §. si quis servum, ff. de captivis. Unde si in iudicio petitorio revindico rem, non expressa in libello causa, quam tamen deinde in actis deduco; exempli gratia, mea est, quia mihi a Domino donata, & tradita; at succumbo, non possum novum iudicium instituendo aliam dominii causam producere, obstat enim mihi exceptio rei iudicatæ, & videor omnes causas una petitione apprehendisse, l. 1. & an eadem 14. §. actiones, ff. de except. rei iudic. Non ita est, si ago in personam, quia sæpius eadem res mihi deberi potest, licet non amplius, quam semel, mea esse possit, d. §. actiones.

Quod modo diximus de obligatione, id ipsum est de possessione; quippe possessio ex pluribus causis contingere potest, l. 3. §. ex plurimis, ff. de rei. Ut si rem alienam bona fide a non Domino emero, & accepero, & deinde usucapero; jam ex duplici causa seu titulo rem possideo, titulo pro emtore, & pro suo ac dominium ejus tantum habeo, quia usucapi, l. 1. ff. pro suo. Ita quoque qui heres extitit ei, qui rem cenam pro emtore possidebat, possidet, & ipse tam rem pro emtore, sed & pro herede; proprietatem vero rei habet ex causa hereditaria tantum, dicit. §. ex plurimis.

Nec in contrarium urget textus in l. 4. C. de contr. emt. dum ait, duplicari aut multiplicari non posse titulum possessionis; nam ibi possessionis nomen proprietatem denotat, ut in l. questio, ff. de verb. sign. in l. sciendum, §. creditor, ff. qui suisd. rog. in l. si de vi, ff. de iud. & diximus supra.

II. Dominium adhuc ejus manet, qui Dominus esse non vult, l. si quis vi, §. differen-

ita, ff. cod. Ita res non definit esse mea, quam dixi me nolle esse meam, nec quam pepigi me esse meam, sed tua. Ergo talia opus est ejus, qui Dominus esse nolit, veluti ut rem projiciat, & pro derelicto habeat, l. i. cum seq. ff. pro derelicto; vel ut tradat alteri ex iusta causa acquirendi domini. Imo si factum pro non facto habeatur, non est satis amittendum dominium, uti est in eo, qui donat alteri contra facta fide restituendi, l. nuda, ff. de contr. emt.

Ex quibus explicatur textus in l. sicut, § supervacuum, ff. quib. mod. pign. vel hypoth. Esi enim pignus, distractum a debitore permissu creditoris, non incindat in causam pignoris, si deinde in ejusdem debitoris dominium veniat, quamvis is creditori omnia sua bona etiam futura hypothecae subiciat, quia ius extinctum nunquam reviviscit, l. ult. C. de remiss. pign. Secus tamen est, si ipse debitor possideat, ut ex Pandectis Florentinis legendum est in d. §. supervacuum: Repossideat, id est, iterum possideat, ideo quia contracta fiducia alienavit, ut explicat. Cuius in d. l. si quis vi, §. differentia; videtur enim debitor ita alienando non amisisse dominium pignoris.

E contrario possessio recedit, statim ac quis constituit nolle possidere. Quare Ulpianus in d. §. differentia, insert, eum qui ea mente possessionem alteri tradit, ut mox ei restitueret, statim desinere possidere, quia transiter voluit non possidere. Ratio discriminis ex Cuiacio est, quia dominium certis tantum modis amittitur, ut certe sunt modi solvendae obligationis, l. obligationum, ff. de oblig. & action. l. 7. C. de sentent. & interdict. Quare sicut obligatio non solvitur nuda voluntate, ita nec dominium amittitur, l. traditionibus, C. de pact. At possessioni nulli sunt certi modi legibus constituti, sed positum omnis ejus status est in arbitrio iuris & voluntate possessoris.

II. Potest quis esse Dominus incertae partis, hoc est, ejus quae ignoratur quota sit, verbi gratia, tertia, an quarta, an dimidia; ut propterea pars incerta vindicari possit, veluti, Partem aliquam fundi illius meam esse ajo. l. quae de tota, §. ult. ff. de rei vindic. l. 8. ff. comm. divid. Non ita est de possessione, quippe pars incerta possideri non potest: ut si ita tradam tibi: Quicquid Juris in fundo habeo, qui eum Titio mihi communis est, id omne cedo & tradeo tibi. Quo casu nihil ego tradere, tu nihil accipere videris, l. possideri, §. inter-

ram, l. locus certus, ff. cod. l. si sur, §. ult. ff. de usufructu. Ratio differentiae est, quia possessio corpore acquiritur, non solo animo: at id, quod ignoto, quod non video, corpore meo apprehendere non possum. At dominium quandoque Jure quaeritur, ut in legatis, in hereditate, nec his casibus corpus exigitur.

Nonnullas alias difficultates posuimus supra. Nam dominium per servum Domino ignoranti & invito acquiritur, l. invito, ff. de acqu. rer. dom. At possessio scienti tantum quaeritur, una excepta causa peculiari, l. peregre, §. quassitum, ff. cod. Praeterea servus non nisi volens possessionem Domino acquirit, l. i. §. haec quae de servis, ff. cod. At vero dominium etiam invito Domino acquirit, l. qui mihi, ff. de donat. Tandem dominium alteri per alterum sine facto ejus auferri non potest, l. quid nostrum, ff. de reg. jur. At possessio etiam invito auferatur, l. clam, §. qui ad nudinas, ff. cod.

Ceterum quamvis hoc sint discrimina inter possessionem, & proprietatem, tamen regula hic ab Ulpiano tradita, dum ait, Nihil commune habet proprietatis cum possessione, non omni ex parte videtur vera, & rata; quia, ut Veteres apud Accursium obijciunt, tria sunt communia. I. Ratione generis, quia tam possessio, quam proprietates, est in genere rerum incorporalium: II. Ratione connexi, seu causae, quia dominium ex possessione cepit, l. i. in prime, ff. cod. III. Ratione medii, quia tam possessio, tum dominium, per procuratorem acquiri potest, l. per procuratorem, C. cod. Posset addi & aliud, quia ut duo in solidum possessores ejusdem rei esse non possunt, ita nec Domini, l. si ut certo, §. si duobus, ff. commod. Ita possessio & proprietates sub conditione traditae possunt, & sunt accipientis, si conditio extiterit, l. qui absenti, §. i. ff. cod.

Cui ergo Ulpianus Nihil dicit? Quare regula haec videtur subire commune satum veterum regularum Juris, quae facillime, & sepius ob circumstantiarum diversitatem efficiuntur irritae; quippe regula simul cum in aliquo vitiosa est, perdit officium suum, l. regula, ff. de reg. jur. Et verum videtur, quod eleganter Jabolenus ait, omnem definitionem, id est, regulam in Jure civili periculosam esse, parum enim esse, ut non subverti possit, l. omnis definitio, ff. ex tit. tit.

Hoc autem plurimum interest in proposito nostro. Quippe Ulpianus ex regula supra posita insert, non debetari interdictum re-

tenende possessionis ei, qui vindicare coepit. Quæ jlatio coarctat, semel, atque aliqua inter possessionem & proprietatem communia esse concedimus. Quocirca stulte faciunt, qui post Acceptum hic Nihil pro. Non omne interpretantur; nam & verborum vim, & vim arguendi, funditus destruant.

Evanescebat tamen difficultas, si advertamus quid, anne, valeat, duo habere, aut non habere aliquid commune; nam & homo homini dicere & potest, & solet, Nihil est mihi tecum commune, nec proteges ex hoc vult, se non habere amicum, corpus, & alimultra, quæ ille alter habet. Ita patet ex proverbio: Quid delphino, & bovi commune est? Item ex alio: Quid Sylle cum Philosophis commune est? Quæ habet Suidas: v. vindicare. aliter non posset dici nihil esse commune, nisi inter eos, & nihil. Sed restringitur dictum illud ad ea tantum, quæ haberi in commune possunt, in quantum ad dominium, possessionem, usum. Ita est de possessione, & proprietate, quæ nihil habent commune in quantum ad hoc, quod quis Dominus est sine possessione, & quis possessor sine dominio, l. 1. §. hujus autem, ff. uti possidetis. Et id est, quod dicitur, possessionem & proprietatem permisceri non debere, l. pen. §. permisceri, ff. cod.

Hæc interpretatio comprobatur ex fine, cuius gratia Ulpianus hanc regulam posuit, nempe ut demonstraret, actione rei vindicationis, quæ est de proprietate, non consumi, aut tolli interdictum de retinenda possessione, seu posse hæc dupl. simul conturrere: ad quem plurimum actionum concursus satis est, si actiones ejusdem rei nomine non sint, l. nemo ex his, §. quoties, ff. de reg. jur.

At ergo Ulpianus, Possessionem & Proprietatem esse duas res distinctas, dissimiles & divergas, nem unam: Unde fit, ut qui de utroque agit, non agat ejusdem rei nomine; quare siquis de una agens succumbat, non obstat ei exceptio rei judicæ, si deinde agat de altera; l. 1. §. an eadem, §. ali. ff. de except. rei judic.

#### De secunda parte.

EX regula supraposita Ulpianus infert, eum qui coepit jam vindicare, quo in judicio de proprietate questio veniat, posse agere interdicto Uti possidetis, quod est de retinenda possessione, quam apud te esse dicit: ratio

enim hujus responsi est, quia proprietas nihil commune habet cum possessione. Et notanda sunt verba illa Ulpiani, *Capit rem vindicare*. Ex quibus habetur, actorem non proposuisse ab ipso duas actiones, alteram vindicationis, alteram retinende possessionis; sed solum egisse ab initio actione in rem, deinde vero, eo judicio in rem pendente, recurrere ad interdictum. Dixi, judicio in rem pendente, quia verbum *Capit* demonstrat initium tantummodo, non perfectionem, seu judicium affectum, non contestatum. Nec in contrarium facit, quod in fine dicitur, *Vindicavit*: quippe vindicasse dicitur, qui ad litis contestationem pervenit, ut patet ex l. cum fundum, §. fin. ff. de vi & vi arm.

Ceterum quæ sit nostræ legis species, maxima difficultas est, ut apud Accursium ceterosque videre est. Aquilinus hic n. 171. & seq. jactat, Interpretes omnes hallucinatos esse, dum putant, recte & Jure reivindicacionem institutam fuisse: quod tallum esse ait, quia idem actor rem possidebat: & proinde ei licitum fuit a reivindicacione decurrere ad interdictum: & hoc solum Ulpianum decidere, non etiam actorem Jure reivindicacionis judicium proposuisse. Unde concludit, frustra de concursu possessorii & petitorio Bartolom. & ceteros hic disputasse. In eadem sententia fuit Goveanus t. var. 3. nam & ipse aberrasse actorem in actione agenda contendit.

Nihil tamen est necesse ad ullum actoris errorem recurrere, & non videtur discedendum a quinta Accursii responsione, nempe fuisse actum diversis judicis, diverso respectu: id est, egi reivindicacione adversus te naturaliter, seu corpore detinentem rem meam: expertus deinde sum interdicto Uti possidetis, quia civiliter, seu animo domini possideo. Sequuntur communiter Alexander, Jafon, Ripa, & alii hic, Ferrosius in cap. cum dilectus, n. 7. de caus. posses.

Verum non satis explicant. Advertendum enim est discrimen inter possessionem, quæ exigitur in actore, cum interdicto Utrubi, vel Uti possidetis, agit, & possessionem, quæ satis est in reo; ubi reivindicacione convenitur. Et traditur ab Ulpiano in l. officium, ff. de reivind. quippe interdicta retinentur possessionis non conceduntur, nisi ei qui vere possidet, uti Pegalus docebat, cui Ulpianus consentit, id est, vel ei qui civiliter possidet animo Domini, vel corporaliter animo sibi possidea.

fidendi; nam qui precario rogavit, habet interdictum Uti possidetis adversus omnes, excepto eo, quem rogavit, licet non nisi corporaliter rem possideat, *l. qui precario ff. de precario*. At reivindicatio attribuit non solum contra verum possessorem, sed contra quemcumque detentorem; cum sit satis, si habeat restituendi facultatem, ut contra eundem Pergalum Ulpianus *ibidem* tuerur. Quare ut reivindicatio, & interdictum Uti possidetis, concurrant, exigetur ut actor vere possideat, & in possessione turbetur; ita enim interdictum Uti possidetis recte proponet. E diverso requiritur, ut idem sit etiam Dominus, & ad verus sit naturalis possessor, qui alteri non sibi possideat, ut colonus, depositarius, conductor, aut similis; ita enim recte contra eum reivindicacionem instituet. Nam si reus civiliter possideret, possem contra eum uti reivindicacione, sed non interdicto Uti possidetis. Quibus recte perpenis, corrumpunt quæ obijciunt Alciatus, Corasius, Bolognetus, & Aquilinus.

Cujacius tamen 3. *observ.* 38. alio confugit ait enim, in nostro textu ideo ei, qui vindicare cepit, concedi interdictum retinendæ possessionis, quia non constabat actorem possidere, itaque egit reivindicacione, ac si non possideret. Deinde suo Jure melius cognito, tantisper mutato illo judicio, mutata formula, Uti possidetis expertus est. Videtur hæc dixisse Cujacius ex cautione, quæ proponitur in *l. 1. §. quia autem, ff. quod legatorum*. ubi quoties incertum est, quæ potius actio competat, ambas Jurisconsulti dicunt, protestati ex altera velle consequi, quod ad nos pertinet: ut si incertum sit, utrum quis pro legato, an pro herede possideat, contra eum instituere possum simul petitionem hereditatis, & interdictum Quod legatorum; quamvis petitio hereditatis sit de proprietate, interdictum vero illud de possessione. Concordat textus in *l. qua de tota, §. incerta, ff. de reivind. l. 1. §. ult. ff. de petiti. hered. e. abbate sane, de re judic. c. constitutus, de in integr. restit.*

Verum id facile locum habere non potest in textu nostro, si audimus Azonem, qui de hoc dubio tunc rationem haberi docet, ubi provenit ex facto adversarii, vel quo alio evenit; secus vero si ex alia causa, Alexander, & Jason in *l. ubi autem, §. illud, ff. de verb. oblig. & alii apud Aquilinum hic num. 264.* Quidquid tamen sit, nihil est necesse in po-

Tom. I.

nenda specie nostri textus ad hanc dubitationem recurrere, ut supra de explicatione Goveani, & Aquilini diximus, a qua hæc Cujacii sententia non longe distat.

Hæc autem mutatio legitime facienda est; nam mutari actio potest ante rem judicatum. Quare si servus tuus damnum mihi dedit, & agam adversus te in solidum, quasi te sciente damnum datum sit, ex *l. 2. ff. de moral. act.* donec id iudicium agitur, non prohibeor mutare actionem, & quasi te inficio damnum acceperim, agere ut servum noxæ dedas. Ee contrario, si prius egero actione noxali, pendente iudicio licet poenitere, & agere in solidum, *l. in delictis §. ult. ff. eit. tit.* Imo aliquando ex magna causa iusti erroris mutare actionem licet, etiam finito iudicio, ut si quis, ubi egit ex emto contra heredem, ut sibi servus traderetur, deinde comperiat eundem sibi esse legatum, recte agat ex testamento, *l. huiusmodi, §. qui servum, in fine, ff. de leg. 1.* Et id licitum est, etiam si posterior actio ut priori contraria; quippe actio in solidum contraria est actioni noxali: etenim in illa Dominus, contra quem agitur, est conficius, in ista est inficius, & tamen variatio licita est, *d. l. 2.* Vide Donellum in *l. edita, C. de edendo*, Gonzalez, & Fermosinum in cap. *examinata, de judic. & dicemus infra.*

#### De tertia parte.

Potest contra prædictam Ulpiani illationem obijci, eum, qui cepit rem vindicare, præsumi renunciassæ interdicto Uti possidetis; quocirca nequit a iudicio in rem decurrere ad possessionem. Præsumtio desumitur ex eo, quia qui vult consequens, id est, ut iudicium vindicationis subsistat, videtur velle & antecedens, ne actor possideat, sed reus. Quare viderur actor animo renunciassæ possessioni, quam habebat, ut quæ solo animo potest amitti: nam si non renunciavit, reivindicatio statim ruit; præsertim quia actus in dubio capi porius debet ut consistat, quam ut ruat, *l. quoties, ff. de verb. oblig. l. quoties, ff. de reb. dub.*

Eo tamen non obstantæ, Ulpianus non censeri renunciatum sit. Sed quæ ratione? Plurimi dicunt, quia non eo animo ad rem vindicandam actor accedit, ut possessionem, si quam haberet, amitteret; quia in dubio præsumi debet potius error Juris & Facti, etiam in proprio facto, quam renunciatio Juris sui, quia renun-

F

renunciare, ut donare, est perdere, *l. sed. si me putem, in princ.* ubi Glossa, *ff. de condit. indeb. juncta l. i. ff. eod. l. cuius per errorem, ff. de reg. jur.* Imo potius præsumi debet stulticia, quam renunciatio, ut Baldus ait in *l. generaliter, oppos. d. num. 5. C. de non num. pec. Jal. in l. si a substituto §. 1. num. 18. ff. de leg. 2.* Igitur in nostro proposito præsumi potius debet, actorem per errorem Juris vel Facti, imo scientem volentem ex stulticia temere egisse proponendo reivindicacionem, quam reo, quem odio habet, possessionem cessisse. Merito ei interdictum retinendæ possessionis non denegatur, ut dicitur Aquilius num. 129. & latius nu. 151. cum aliquot seqq.

Aliam rationem proferit Cujacius hic, & 25. obf. 34. nempe possessionem suo Jure metiendam esse, non quali quali confessione nostra. Propterea mihi talis qualis confessionis, vel subconfessio mea adeo nocere non debet, ut eam emendare non possim, aut temperare: Quod multis juris nostri exemplis manifestum sit. Nam si ingenuum me esse contendam, non intelligitur tacite renunciassse libertinitati, quamvis hæc opposita sint, *l. pen. C. de ingen. manum.* Ubi Accursius notat, posse me dicere prædium in feudum habere, quod antea meum allode esse contendebam. Ita quoque si tecum egero familie ereiscundæ, quo genere confiteri videor, te coheredem meum esse, non video renunciassse petitioni hereditatis, qua tenetur qui coheres non est, *l. qui familia, ff. fam. erisc.* Demum si actori objecerò exceptionem, *Quod petis, solvi*, non ideo censor confiteri me debuissse, *l. non utique, ff. de except.* quippe ex abundanti lex plerumque exceptionem concedit, ut Libanius in Demosthene ait.

Sed fortasse vera ratio est, quia cum in judicio reivindicacionis ajo te possidere, non statim dico me non possidere civiliter, cui possessioni præjudicium ullum non infero, cum te possidere naturaliter affirmo: hæc enim naturalis possessio ea est, quæ in reo solum exigitur, ubi vindicationem propono. E contrario in interdicto Uti possidetis requiritur in proponente possessio civilis, uti jam explicatum est.

Nec contraria obstat, quia cum antecedens necessario tendit in perniciem nostram, & in utilitatem alterius, nunquam qui vult consequens, videtur velle etiam antecedens, ut docet Aretinus in *l. 1. col. 2. in princ. C.*

*de ser. fugis.* Præterea præsumtio de validitate actus dubii debilior est ea, quæ docet neminem in dubio præsumi iactare suum; & una præsumtio aliam tollit & vincit, *l. Drusus, ff. de test. in inst. l. non solum, ff. de ritu nuptiar. l. i. in fine, C. qui & adversus quos.*

Urgebis cum Bartolo. Si in solo, quod ego possideo, tu inædifices, & ego te per Prætozem non prohibeam, nec per lapilli iactum, sed verbis tibi novum opus nuncio, utique te possessorem facio, *l. t. §. in operis, l. de pupillo, §. meminisse, ff. de oper. novi nunciat.* Ergo multo magis qui rem vindicet, possessionem, si quam habet, a se abdicat, & reum possessorem facit.

Responsum tamen velim, ex operis novi nunciacione non statim eum, qui nunciatum est, fieri possessorem; quia is statim post nunciacionem abstinere ab opere debet, *d. l. §. sed si is cui, l. non solum, §. sciendum, l. Prætor ait, in princ. ff. cit. tit.* Et si ultra pergat, vi facere dicitur, *l. t. §. sed. si quis iacta, cum sequ. §. quod vi aut clam.* Tunc autem, cui nunciatum est, possessor fit, eum satisfactum de opere demolendo, si denunciatus de suo Jure doceat; quippe post satisfactionem licite edificare pergit, & proinde possessor est, ut palam est ex *l. si alius fecerit, §. ait Julianus, ff. quod vi aut clam, ibi: Licet enim debet edificare ei, qui satisfecerit, cum possessor hoc ipso constituatur.* Et ita Cumanus *d. §. in operis, Aquilius hic num. 159. & seq.*

Ex his patet, falsum esse, quod inter cetera hic opinatur Accursius, & sequitur Gonzalez in *cap. cum dilectus n. 15. de causa poss.* nempe speciem nostræ legis intelligendam esse de eo, qui cepit agere vindicatione, dum non possidebat: deinde vero, eum possessionem nactus esset, mutata formula actionis, decurrit ad interdictum retinendæ possessionis. Falsum, inquam est; quia si ita se res haberet, non fuisset quaestium, an actor proponendo reivindicacionem, possessioni renunciassse censeretur: nemo enim renunciare potest, nisi Juri quod habet, *l. sicut, C. de repud. hered.* Possidebat ergo actor quo tempore vindicatione cepit agere, & proinde recte quaesitum est de tacita renunciacione possessionis.

Ceterum quamvis in nostro §. nihil commune ex facti specie habuerit, interdictum retinendæ possessionis fuisse propositum, expro vindicationis judicio, nihil tamen obstat, quia simul possit proponi. Et sane, ut verba sunt

Cuja-



Cujacii ibidem, si capto ac pendente judicio in rem, licet agere interdicto Uti possidetis, cur non & ab initio utrumque conjungere? Nulla certe inter utrumque calum disparitatis ratio est. Et in hac rem Doctores communiter consentiunt, interdictum eum actione in rem cumulari, vel ut actio in rem suspendatur, vel ut simul de utroque agatur, & unica sententia terminetur, Fernosinus in *cap. pastoralis quest. l. n. 3. de causa possess.*

QUESTIO I.

Utrum Actor in judicio cumulari possessorium, & petitorium possit.

Fortasse de Jure civili non est cognita, nisi mutatio actionis, & cumulatio est de Jure novo Canonico introducta Caelestino III. in *cap. 2. de causa possess.* qui tamen id acceptum dicit a Jure civili.

Hæc questio plurimum olim inter Bossianos agitata fuit, qui in diversas discesserunt sententias. Nam Joannes Bossianus, quem ejus discipulus Azo sequutus est, contendebat judicium nullum possessorium cum petitorio posse concurrere, aut cumulari; sed prius de possessione, deinde de proprietate agendum esse. Sequuntur Bartolus hic *num. 14. Aquilinus num. 1. Donellus in l. 3. C. de interd. Vultejus l. de judic. 2.*

Et probatur I. generaliter, quia Juris ordinariæ regula est, orta proprietatis & possessionis lite, prius possessionis decidi oportere questionem, deinde proprietatis ab eodem Judice, *l. ordinarii, C. de reivind. Concordat textus in l. 3. C. de interd.* Quæ leges cum non distinguant, consequens est, ut generatim intelligantur sint, interdictum nullum possessorium, siue adipiscendæ, siue recipiendæ, siue etiam retinendæ, concurrere aut cumulari cum petitorio posse, ex regula textus in *l. de pretio, ff. de Public.*

II. Quia qui reivindicationem & interdictum habet, deliberare debet, qua actione uti velit, *l. is qui destinavit, ff. de reivind.*

III. Specialiter in interdicto adipiscendæ possessionis, ex *l. ult. §. ult. C. quorum bonorum*, ubi mortuæ uxore ab intestato, questio orta est inter agnatum mulieris, & maritum. Ille pererebat successionem in bona defunctæ per interdictum, Quorum bonorum: hic ea bona sua esse agebat. Itaque unus agebat de possessione, alter de proprietate. Et responsum

est, prius in agnatum bona transferri, deinde causam proprietatis proponi debere.

IV. Quia electione petitorii extinguitur interdictum adipiscendæ possessionis, ut in *l. ult. C. de codicill.* ubi qui ex testamento hereditatem ad se pertinentem petierat, non postea postea ex eadem scriptura quasi codicillis petere se mitti in possessionem bonorum, ex remedio *l. ult. C. de edicto D. Hadriani*.

V. Interdictis recipiendæ possessionis, per textum in *l. si. de vi, ff. de judic.* ubi de spolio agitur. Nam D. Hadrianus rescriptit: Si de vi, & proprietate possessionis queratur, prius cognoscendum de vi, quam de proprietate rei. Quod rescriptum non Hadriano, sed D. Pio tribuitur in *l. qui certu, §. si de vi, ff. ad l. Jul. de vi publ.* Fortasse ex eo, quia Hadrianus tulit, D. Pius qui ei successit, id ipsum confirmavit, argumento ex *l. fin. ff. de inoff. testam.*

VI. Probatur ratione, quia interdicta præparant causam proprietatis, *l. 1. §. fin. ff. de aqua quodid.* id est, qui vincit in causa possessionis, relevatur ab onere probandi, se Dominum esse, quod onus rejicitur in humeros adversarii, qui in causa possessionis victus est. Ergo prius debet interdicto agi, deinde reivindicatione. Et hæc est ratio ordinis, quam innuit textus in *l. 3. C. de interd.* Alia de causa actio ad exhibendum est præparatoria ad reivindicationem, *l. 1. ff. ad exhib. & ad interd. Uti possidens, & Utrubi, l. 3. §. & si quis, §. si meum, ff. cit. tit.* Vide Cujacium *5. ob. 13.*

E diverso Martinus Bossianus concurrere posse simul petitorium & possessorium voluit, uno excepto possessorio retinendæ. Cui consentit Accursius, qui a sententia Azonis sui Magistri non semel discessit. Ita quoque Bartolus, Jafon, Ripa, Bolognietus, & alii hic, Gonzalez in *cap. cum dilectus, de causa possess. num. 14. & seqq.* Et probant hanc exceptionem.

I. Quia hæc judicia contraria sunt, & unum alterum excludit; quippe reivindicatio arguit possessionem esse apud reum, *l. officium, ff. de reivind.* Et interdictum Uti possidens & contrariò arguit, ipsum adhuc possessionem apud se habere. Ergo hæc judicia simul stare non possunt, & uno electo alterum tollitur, ex *l. is qui destinavit, ff. cit. tit. & l. 1. C. de furtis.* Propterea qui possidet, reivindicationem intentare non potest, *cap. examinata de judic.*

II. Ex Innocentio III. in *cap. pastoralis, de causa possess.* ubi expresse S. Pontifex Martini sententiam amplexus est; ubi primo cumula-

tionem petitori cum duobus interdictis admittit, illis verbis: *Possessorio quidem iudicio, quod de recuperanda seu adipiscenda possessione proponitur, agi potest ab eo, qui capit rem vindicantem*. Deinde transiit ad tertium genus interdictorum, quod est de retinenda possessione, & cumulationem fieri posse negat, dum ait: *Aliis possessorii iudiciis in suo robore duraturis, qua vindicationem dominii sua natura praecedunt*. Vult enim interdictum Uti possidetis, & Utrubi, prius agi oportere, quam ad reivindicationem deveniant.

Tertia est sententia Cyni, & Petri de Belpetrea, in *d. l. ordinarii*, qui indistincte affirmant, omne possessorium cumulari posse cum petitorio. Sequuntur Corasius, & Cujacius hic, & 7. observ. 38. Hotoman. *quasilust.* 31. Fermosinus in *cap. cum dilectus*, nu. 8. de *causa possess.* & alii cum Fachin. 8. contr. 6. Quae sententia de Jure civili verissima est.

Et probatur I. generatim ex ratione nostri textus, quia quae nihil habent commune, possunt in iudicio cumulari: sed proprietates nihil habet commune cum possessione; unde consequens est, ut cumulari possint. Quae quidem regula in quibuscunque interdictis vim suam habet. Sed ut id plenus, & rectius percipi queat, memoraſe oportet regulam nostri Juris, toties plures actiones cumulari non posse, sed una electa ceteras tolli, quoties sunt ajudem rei nomine, *l. nemo ex his, §. quoties, ff. de reg. jur.* Ut legatorum nomine non potest legatarius, uti variis actionibus, *l. cum filius, §. per ff. de leg. 2.* Ita quoque si is, cui vestimenta mea commodavi, rupit aut scidit, mihi duabus actionibus tenetur, commodati, quae rem solam persequitur, & legis Aquiliae, quae & rem, & poenam persequitur, quia missa actio est. Itaque si egero ex lege Aquiliae, actione commodati uti non possum, quia daretur ejusdem rei nomine, id est, ad rem persequendam, quam jam consequutus sum actione legis Aquiliae, & praeterea poenam: nam his idem petere quoddam necare est, *l. qui servum 34. §. 1. ff. de oblig. & act.* ubi plene Cujacius.

E contrario, si actiones non sint ejusdem rei nomine, recte omnibus experiri possum, nec una alteram consumit; ut si una actione persequar rem, id est, id quod interest, altera vero poenam: vel una actione unam poenam, altera alteram, *l. cum ex una, l. per. ff. cit. cit.* Exemplum esto in arboribus furtim suc-

cis, ex quo delicto si ago interdictum. Quod vi aut clam ad id, quod interest, non prohibeor agere actione damni injuria dati ex lege Aquilia, ad quanti plurimi, seu ad id, quod plus est in posteriori actione, *l. quoties, §. 1. ff. cit. cit. l. t. ff. arbor. furtim cas* Item contra eum, qui ancillam meam surripuit, & flagitavit, actione furti & servi corrupti agere licet, *l. 2. ff. de priv. delict.* Si servum habeas, quo vulgo iter fit, & servo meo nocitum sit, agere possum ex Aedilis edicto, ut duplum damni dati praestes, & actione de pauperie, qua pretium consequar, *§. ult. Instit. si quadr. pauper. sec. dic.* Ubi generatim statuitur, nunquam actiones praeteritum poenales de eadem re concurrentes alia aliam consumi. Quae leges non sunt contrariae textui in *l. plura delicta, ff. de oblig. & acton.* ubi, etsi plura delicta in una re plures admittant actiones, omnibus tamen uti non possum: quippe id intelligitur, si actiones illae ad eandem rem vel poenam tendant, ut latius supracitatus Cujacius explicat, quem etiam vide 8. obs. 24.

Ex his patet vis argumenti suprapositi: quoniam enim reivindicatio, & interdicta possessionis non sunt ejusdem rei nomine, cum longe aliud sit dominium, seu proprietates, quae in reivindicatione est, quam possessio, quae in interdictis versatur; inde fit, ut ambabus actionibus simul experiri possit, nec unam altera consumi.

Sed plura notanda sunt. I. Etiamſi in *d. §. nihil commune*, ut nuper diximus, ex facti specie habeatur, interdictum retinendae possessionis fuisse propositum post conceptum reivindicationis iudicium; nihil tamen obitare simul etiam posse proponi, *cap. cum Ecclesia, de causa possess.* Et sane, ut verba sunt Cujacii ibidem, *si capto ac pendente iudicio in rem, licet agere interdictum Uti possidetis, cur non & ab initio utrumque conjungere?* Nulla certe inier utrumque casum disparitatis ratio assignari potest. Et in hac re Doctores communiter consentiunt; doceant enim interdictum cum actione in rem cumulari, vel ut actione in rem suspendatur, vel ut simul de utraque agatur, & unica sententia terminetur. Fermosinus in *d. cap. pastoralis*, qu. 1. num. 3.

Nec contrarium probat textus in *d. cap. pastoralis*, ubi actor fuit interrogatus, quo malebat iudicio experiri possessorio ne an petitorio; ideo scilicet, quia ex libello non appare-

parebat, quod iudicium actor intenderet, & generalis libellus erat, ut monet Gonzalez in *d. cap. cum dilectus*, num 16.

II. E contrario qui crepit agere interdicto, posse eo suspensio, agere in rem. Imo si quis agens interdicto de possessione succumbat, & deinde agat de reivindicacione, non repellitur exceptione rei iudicatæ; quia possessio & proprietates diversæ res sunt, *l. c. an eadem*, §. ult. ff. de except. rei iudic.

III. Cum dicimus, iudicio in rem conjungi posse interdictum reinendæ possessionis, id intelligendum esse subalterne in hunc modum: *Non tu possides rem, qua de agitur, sed ego; & ut possideas, rem meam esse ajo*, ut idem Cujacius docet: Quod est remedia contraria cumulare subalternatim, ut ait Baldus in *dist. l. 1. Cod. de iuris*.

Probatur II. Etiam generatim; quia duo iudicia prohibentur, cum per secundum fit præiudicium primo; tribuitur enim reo exceptio, *Quod præiudicium non fiat*, *l. si post litem*, *l. fundum*, cum 2. seqq. ff. de except. Exemplum esto: vindicare a te copii fundum Titianum, deinde viam ad eum fundum per aliud prædium tuum mihi deberi ajo. Excludi a secundo iudicio per exceptionem, *Quod præiudicium prædii non fiat*, nam si decernatur, viam mihi deberi, præiudicium fit reo in primo iudicio; consequens enim est, ut fundus Titianus meus sit. Non ita e contrario, si prius petam viam ad fundum Titianum, deinde dicam eundem fundum meum esse; non obstat exceptio, *Quod præiudicium non fiat*, & recte cumulatio fit, ut in citatis iuribus habetur. Ita proprie sese res habet in specie nostra, quodcumque interdictum post reivindicacionem proponatur; nunquam enim fit præiudicium quæstioni de proprietate, cum diversæ res sint, argumento ex *l. sed si ante*, ff. de except. Unde qui succumbit in interdicto, non repellitur exceptione rei iudicatæ, si agat in rem, *l. c. an eadem*, §. ult. ff. de except. rei iudic.

Quod si dicas, interdicto Uti possidetis fieri præiudicium quæstioni de proprietate, quia hoc interdictum contra omnes potest opponi nullo excepto Domino, *l. qui precario*, ff. de precario. Respondetur, tunc contra Dominum opponi non posse, cum ab eo possideamus: regula enim est, ut hoc interdictum non competat contra eum, a quo possideo, *l. si duo*, in princ. ff. Uti possidetis. Et ita

intelligendus est textus in *d. l. qui precario*, ubi qui precario fundum possidet, interdictum uti possidetis non habet adversus eum, quoniam precario negavit, quia scilicet ab eo possidet. Quod non est in specie nostra.

Quæ diximus, locum habent in rebus etiam incorporalibus; ut si quis experiatu iure servitutis realis, vel personalis, actione confessionaria vel negatoria. Exempli gratia, ex taberna casearia quis fumum in ades superiores immittit. Potest Dominus ædium actione negatoria vindicare libertatem suarum ædium, scilicet, nulli Jus esse immittere fumum in suas ades, ut in specie textus in *l. firati*, §. *Aristo*, ff. si serv. vindic. Potest etiam agere utili interdicto Uti possidetis, ratione quasi possessionis, *l. ult. ff. Uti possidetis*. Et hæc duo iudicia in rebus incorporalibus cumulari semper possunt, quocumque interdicto agatur. Ita post antiquos Duarenus in *l. si prius*, ff. de oper. novi nunciat. Faber 20. conjec. 13. Menochius de rebus, 3. n. 329. Gonzalez ad *d. cap. cum dilectus*, n. 15. Ex omnibus unus reatitur Joannes Mareus Aquilinus hic n. 225. ex rationibus supra positis per Joannem & Azonem.

Reliquum itaque est, ut Adversariorum argumentis faciamus satis. Et primo argumentis, quæ pro sententia Joannis & Azonis asseruntur.

I. Ergo quod attinet ad textum in *l. 3. C. de interd. & l. ordinarii*, *C. de rei vindic.* in quibus dicitur, prius cognosci oportere causam possessionis, quam proprietatis, respondetur cum Fachinzo, hæc vera esse in interdictis duplicibus, cuiusmodi in rebus soli, est Uti possidetis, in rebus mobilibus, Uti ubi; cum scilicet uterque ex Litigatoribus se dominum dicit, unus ita, *Hæc res mea est*, alter ita, *Imo mea*; nec de possidente constat, quippe uterque eodem modo se possidere ait. Tunc necesse est, ut ante queratur uter possideat, ut deinde contra eum alter agere reivindicacione possit, ut explicat Ulpianus in *l. 1. §. inter*, cum seq. ff. Uti possidetis, ibi: *Quoties ergo inter Litigatores est proprietatis controversia, &c. si inter ipsos contendatur, uter possideat, &c. ad hoc interdictum remittuntur: idem Ulpianus in l. exitis*, ff. cod. & latius Iustinianus in *§. retinenda de interd.* 13 ipsam intelligas in ceteris duplicibus interdictis, ut si rivales de Jure, & de usu aquæ duccendæ per eundem rivum contendant, prius de

de usu decernendum est per interdictum, l. 1. §. si inter rivales, ff. de aqua quodid. Ita quoque interdictum de superficiebus duplex est, si uterque ex contendebat in superficiem possidere dicat, & hoc videndum est, antequam de Jure experiat, l. 1. §. proponitur, ff. de superficiebus. Alia exempla habes apud Accursium in d. §. retinenda, verbo *Ingens*.

Possunt etiam intelligi, quando Actor agit Jure possessionis, & Reus excipit ex causa proprietatis; quo casu prius de possessione decerni debet. Et ita loquitur textus in l. si coloni, C. de agric. & cens. lib. 11. Nam si colonus glebæ addictus auferat præteritum originis se liberum dicens, prius debet bonæ fidei possessori restitui, deinde de origine & proprietate agi. Idem habetur ex l. ult. C. quorum bonorum.

II. Non obstat Cajus in l. is qui destinavit, ff. de reivind. ubi is, qui destinavit rem petere, animadvertere debet, an aliquo interdicto possit sancisci possessionem. Nam, ut Accursius, & ceteri communiter docent, consilium est, non præceptum, ut possessorio agat, cum longe commodius sit possidere, & Adversarium ad onera petitoris compellere, quam alio possidente petere, quæ est ratio consilii ab ipso Cajo ibidem adducta. Et male Aquilius tantopere se tuetur hoc textu, quasi in eo præceptum tradatur, quia dicitur, *Debet*; nam si ibi præceptum esset, utique non liceret negligere interdicta, & solum uti reivindicatione: quod est falsissimum; nam cum agere ex interdicto sit commodum Actoris, ut textus ait, utique Actor huic suo commodum renunciare licite potest, d. §. nihil commune.

III. Textus in l. ult. C. quor. bonor. facile solvitur, si animadvertamus, non ab uno eodemque actum fuisse reivindicatione, & interdicto Quorum bonorum, quale est adipiscendæ possessionis; sed cum Agnatus mulieris defunctæ a Viro per interdictum petisset bona, quæ ipsa defuncta possidebat, Vir excipiebat de dominio, quia ea bona, quæ uxor possidebat, sua erant. Decernit ergo Imperator, prius bona transferenda in Agnatum agentem interdicto Quorum bonorum; deinde de exceptione domini cognoscendum. Quod tamen aliqui apud Accursium ibidem sub distinctione intelligunt, nempe ut exceptio domini non remoretur interdictum ab Actore propositum, si exceptio altiorum in-

daginem exigit: secus si vir in continenti de dominio docere velit. Sequuntur Bartolus, Baldus, Salycetus, & alii communiter. Ita quoque cum in l. 2. C. de edicto D. Hadri. dicitur, heredem in testamento scriptum mitti in possessionem ex eo edicto, licet quis se filium Defuncti præteritum dicat; id ab Accursio ibidem intelligitur; nisi se filium esse in continenti doceat. Hæc autem nihil faciunt ad questionem nostram, ubi agitur de uno eodemque, qui petitorio simul & possessorio agit.

IV. Ratio textus in l. ult. C. de codicill. non est, quod electione petitori auferatur interdictum adipiscendæ, ut putant Bartolus & Corasius in nostro §. nihil commune; sed est ex repugnantia, & incompatibilitate, quæ oritur ex eo, quod quis ex eadem scriptura hereditatem ut ex testamento petat, & postea mutato consilio, petat se mitti in possessionem, quasi vocatus ad fideicommissum, ut ex codicillis ab intestato, juxta textum in l. ab intestato, ff. de jure codicill. Quod accidit, si quis condito testamento, & instituto herede, non adhibeat septem testes, sed quinque, testamento tamen adiciat clausulam codicillarem. Hoc autem successione genus testamentariæ repugnat, l. quamvis, ff. de acquir. heredit. Ita Menoch. de temp. remed. 4. num. §10. Gonzalez loc. cit. num. 14. Donellus 7. comm. 18.

V. Quod attinet ad textum in l. si de vi, ff. de judiciis, notanda sunt prius verba textus, quæ hæc sunt: *Si de vi, & possessione quaratur, prius cognoscendum de vi, quàm de proprietate rei*, D. Hadrianus quod non videretur rescripti. Ubi possessio non est, nisi proprietas rei stabilis, ut supra dictum est; nam cum in principio dicatur, *de vi, & possessione*, deinde habetur, *de vi, quàm de proprietate*. Putant ergo Doctores, ex hoc textu haberi, si mora controversia sit proprietatis, & possessionis ereptæ, prius agendum esse interdicto Unde vi, quod est de recipienda possessione, deinde actione reivindicationis, quæ est de proprietate. Quare fit, ut actio realis cum actione de spolio cumulari non possit.

Quæ explicatio falsa est, ut recte monet Cujacius 5. obs. 15. quippe de vi queri potest duplici modo, Civiliter, & Criminaliter. Civiliter per interdictum de vi, Criminaliter legibus Juliae de vi publica, vel privata. Id nostro

nostro textu non actum est civiliter, ut putant, sed criminaliter, quod Cujacius probat ex eo, quod prædicta lex defumia est ex Calistrati 5. de *coquisitionibus*, ubi de iudiciis criminalibus agebatur, & constat ex Indice Labitti. Sed melius demonstratur ex eo, quia hoc idem Imperatoris rescriptum iterum in Pandectis legitur in l. qui catu, §. si de vi, ff. ad legem Juliam de vi publica, quæ lex Julia ad publica seu criminalia iudicia pertinet. Species ergo nostre legis est. Qui de fundo fuit armis ejectus, egit duplici iudicio, civili, quod est de reivindicazione, & criminali ex lege Julia. Quasiurum est, num recte fecerit? Rescriptis Imperator, prius expedendum criminale iudicium de vi ex lege Julia, tum civile de proprietate: nempe quia maior questio minori præferri debet l. ult. C. de ord. cognit. Nihil ergo id facit ad nostram questionem, ubi dicimus, interdictum Unde vi, quod civile iudicium est, posse eum alio civili iudicio concurrere, quod est de proprietate. Et palam est in l. cum dupum, §. fin. ff. de vi & vi armata, ubi qui fundum vindicavit, potest pendente iudicio agere interdicto Unde vi. Concordat Jus Canonicum in cap. 3. 4. & 5. de causa possess. & in element. un. in fine cit. tit.

Notandum tamen, a Cujacio credi textum in d. l. si de vi, & in d. l. qui catu §. si de vi, esse ex novo Jure correctos in l. 1. C. de appellat. & in l. si quis, C. ad l. Jul. de vi. Quod tamen falsum est; nam in d. l. t. qui dejectus fuerat, duo quidem iudicia proposuit, unum civile, alterum criminale, sed in civili nihil egit de proprietate, ut in superioribus legibus; sed proposuit interdictum Unde vi; in criminali egi lege Julia. In hac specie a D. Severo statutum est, prius de interdicto cognosci debere, id est, causam civilem præferri criminali. Idem habetur ex d. l. si quis.

Raque causa civilis de possessione præferatur criminali: causa civilis de proprietate non præferatur. Discriminis ratio dependet, quia iudicium de possessione summarium, & quam brevissime debet expediri, l. aquissimum, ff. de usufr. & nos supra latius. Quod non est de iudicio proprietatis, in quo lentus ille Juris ordo servatur. Vide Merillum 2. obs. 36. Forner. 2. rer. quotid. 20. qui alias solutiones adducunt.

VI. Ad rationem ordinis, quæ desumitur

ex d. l. 3. C. de interd. & l. ordinarii, C. de reivind. jam supra responsum, eas leges loqui, cum questio proprietatis concurrat cum interdictis duplicibus; & his casibus ratio ordinis exigit, ut prius de possessione, quam de proprietate agatur. At in quantum ad id, quod dicitur in l. 1. §. ult. ff. de aqua quodid. interdict. de possessione, vel quasi, esse præparatoria ad proprietatem, dicimus hanc præparationem ex cumulatione non impediri, aut tolli; nam semper prius de possessione, non de proprietate decidunt, quamvis utraque decisio unica sententia fiat: causa tamen proprietatis prior in executione est, ut docet Innocentius III. in cap. cum dilectus, de causa posses.

Hanc Summi Pontificis decisionem ut varam exagitant Donellus in l. 31. C. de interd. & Vinarius 2. select. 39. Nam, ajunt, si obtineat actor in petitorio, & succumbat in possessorio, utique in sententia statuatur, possessionem competere reo, & nihilominus statim ei auferenda est, propter defectum domini, & tribuenda actori, qui in petitorio obtinuit.

Respondet tamen Gonzalez in d. cap. cum dilectus in notis, verbo prævalere, & in comm. n. 18. & Fermosinus in d. cap. cum Ecclesia, qu. 3. n. 14. in specie proponit possessionem statim & directo actori ut Domino adjudicari, quamvis in possessorio reus vicerit. Et hoc est, quod in d. cap. cum dilectus dicitur: Licet in pronuntiatione sit possessio præmittenda, in executione tamen debet proprietas prævalere. Nec tamen reus sine fructu vicit; proinde enim cum subdeclaratur fuisse in possessione, ut scilicet intelligatur iuste fructus percipisse, & expensas litis rescari non teneatur, ut etiam in d. cap. cum Ecclesia, Ripa, Abbas, Imola, & Balboa notant. Adjudicatur ergo possessio Reo verbis tantum, re tribuitur Actori, ut idem Ripa, & Panormitanus observant.

Progreddiamur modo ad solvenda argumenta pro sententia Martini. Et ad primum dicimus, actionem in rem, & interdictum Ut possidetis, non esse contraria, sed diversa, scilicet, si ut docent, proponantur subalterne, ita enim debent proponi: Tu non possides, sed ego; & tu possideas, rem meam esse ajo. Sicut non sunt contrarie defensiones ita a reo oppositæ: nihil debeo; & ut debeam, peccigi tecum de non potenda pecunia, l. non utique, ff. de except. Cujac. in nostro §. nihil commune, & 25. obs. 34.

II. Ad textum in *d. cap. pastoralis* varie respondent Doctores. Primo enim Aquilinus in *§. nihil. commune* n. 204. docet, a Summo Pontifice cumulationem actionis realis solum probari cum interdicto Unde vi, odio spoli, de quo agebatur in specie ibidem Summo Pontifici proposita, & habetur in *Clem. un. in fine, de causa poss.* Quz tamen sententia rejicitur ex illis verbis, *De recuperanda seu adipiscenda*, ubi aperte S. P. cumulationem probat tam in interdictis recuperandz possessionis, uti est Unde vi, quam adipiscendz, quidquid Aquilinus renitatur.

Gonzalez in *d. cap. cum dilectus* n. 18. opinatus est, Innocentium III. ibi amplexum fuisse sententiam Martini, negantis actionem realem posse concurrere cum interdictis retinendz possessionis, quamvis admittat cum interdictis adipiscendz, & recuperandz. Quz sententia tota non est; videtur enim contradicere Coelestino III. in *cap. ad ultimum, rod. rit.* cum præsertim ait, proprietatis, & possessionis concursum recipi tam de Jure civili, quam canonico, ut litigantes sumibus pareant.

Itaque verius est, in hac quoque parte Jus Pontificium concordare cum Cælareo. Et quamvis Innocentius nominet solum interdicta adipiscendz, & recuperandz possessionis, non tamen excludit interdicta retinendz, illis verbis: *Aliis possessoriiis judiciis in suo robore duraturis, quæ vindicationem Domini sui natura præcedunt.* Sunt enim hæc verba intelligenda de casibus, in quibus actor agit Jure possessionis, reus excipit ex causa proprietatis, interdictis duplicibus, in quibus prius de possessione, tum de proprietate cognoscendum est, ut ratio ordinis exigit, quæ proponitur in *l. 3. C. de interd. & in l. ordinarij. C. de rejudic.* ut supra diximus.

Ex hæcenus disputatis plura colliguntur. Hinc enim I. fit, ut utrumque judicium proprietatis & possessionis coram eodem Judice agitari debeat, ne causæ continentia dividatur, ut dicitur in *l. nulli. profus, C. de judiciis.*

II. Ut Juxta, cui simpliciter causa delegata est, tam de possessione, quam de proprietate possit cognoscere, *cap. 1. de sequest. poss.* Contrarium tamen videtur colligi ex *l. 3. C. si a non compet. Juxta.*

Distingendum est; aut enim causa simpliciter delegata est, & juxta recte de utraque causa cognoscat *d. cap. 1.* Aut delegata est nominatim causa proprietatis, & non censibi-

tur commissæ causa possessionis, vel contra, ex *d. l. 2.* Ratio est, quia rescripta justitia sunt stricti Juris, nec extenduntur ad ea, quæ in ipsis comprehensa non sunt, *cap. Rodolphus, cap. significavit, de rescriptis*; & cum Princeps unum committit, non videtur aliud committere, l. cum Prætor, ff. de judiciis. Ita post Glossam distinguit Barbosa in *cap. ad ultimum* num. 13. *de causa poss.* ubi etiam Gonzalez.

Nec obstat textus in *exp. ex confessione, de restitut. spoliar.* ubi commissæ causa super nullitate matrimonii, quæ est causa de Jure, Uxor coram Judice delegato petiit, Virum sibi restitui. Ex quo fit, Judicem, cui causa de Jure commissæ est, posse de possessione cognoscere. Nam respondetur Judicem delegatum in eo textu cognoscere de possessione ratione mutuz petitionis, seu reconventionis; & ex reconventione Juxta alias incompetens redditur competens, *cap. 1. de mutuz petition. l. Papinianus, C. de sentent. & interlocut.* Ita Doctores supracitati.

III. Cumulatio aliquando fit, ut simul in utroque judicio procedatur usque ad sententiam definitivam, ut in *cap. 2. cum 4. seqq. de causa poss.* Aliquando vero, ut prius judicium suspendatur, ut in *Clem. un. cit. rit. & cap. significaverunt, de restit.* Et finito posteriore judicio, id est, possessorio, ad petitorium suspensum redire licet, ut colligitur ex *cap. 2. cap. ex questione, de restitut. spoliar. cap. suborta, de re judicata.* Ita Roma decis. 1. & 10. in noviss. tit. *de causa poss.* Doctores communiter apud Fermosinum in *c. pastoralis, qu. 2. num. 3.*

Ceterum suspensio petitorio, nequit Juxta simul in petitorio & in possessorio procedere, Caputax. decis. 322. Ricerius collect. 254. & patet ex *d. Clem. un. ibi: Suspendere petitorium, in solo possessorio procedendo.*

IV. Fit, ut Juxta, ubi facta cumulatio est, & de utraque commissione Litigatores audiuit, possit, vel utramque causam simul una sententia decidere, *cap. significaverunt, de restit. d. cap. cum dilectus*; vel separatim, præmissa semper causa possessionis, *d. cap. 1. de sequest. poss. cap. dilecti, de appellat. d. cap. 1. de causa poss.*

Hoc tamen intelligendum est, si cumulatio fiat ad hunc effectum, ut simul de utroque judicio agatur, & utramque simul diffiniamur. Secus enim est, si fiat ad effectum suspens-

suspendendi petitorum, ut in nostro §. *nihil committitur*, & in *l. cum fundum*, §. *fin. ff. de vi & vi arm.* vel suspendendi polseisiorum, ut notavimus ex *l. & an eadem*, §. *ult. ff. de except. rei judicat.*

V. Fit, ut in eodem libello multo magis cumulari plura interdicta polseisoria queant, ut retinendæ, & adipiscendæ, vel recuperandæ possessionis, subalternæ tamen, veluti: *Ego possideo*, & *ago interdicto Ut possidetis*: & *ut tu possideas*, *ago interdicto Unde vi*. Vide laicè Paulum de Castro *conf.* 386.

Ita etiam interdictum Salvianum, quod est ab obtinendam possessionem rerum, quas Conductor in fundum innoxit, intulit, idque pro pensione fundi, potest cumulari cum actione hypothecaria, quæ iudicium petitorum constituit, Negusantius de *pignor. memb. ult. par. ult. num.* 26. Menochius de *adisp. rem.* 3. a. n. 159.

Hæc duo iudicia conveniunt in hoc, quod utrumque datur contra quemcumque polseisorem: discrepant vero, quia hypothecaria regulariter est cum onere probandi rem fuisse in dominio debitoris; cum obligabatur, *l. ante omnia, ff. de probat.* Quod onus remittitur agendi Salviano; cum satis sit probare, rem tempore contractæ obligationis fuisse a debitore possessam, Bart. in *l. t. num.* 3. *ff. de Salviano*, & *l. t. n. 2. C. est. tit.*

Non gravior hic ultimo loco, veluti pro coronide, sententiam Fabri circa cumulationem exponere, deo 62. *err.* to. qui distinguunt inter Jus vetus, & novum. Nempe Jure veteri Digestorum, quia causa interdictorum apud Prætorum ipsam tractabatur extra ordinem, causa vero proprietatis disceptabatur apud Judicem a Prætorè datum via ordinaria, id est, per actionis formulam ipsi a Prætorè præscriptam, ideo nunquam olim cumulatio iudicii possessori cum petitorio licita esse potuit. Et Juris ordo fuit, ut semper a possessione inciperetur, *l. is qui destinavit, ff. de reivind.* Facetur tamen, eum qui vindicare cœpit, pendente eo iudicio, recte de retinenda possessione egisse, *d. §. nihil commune*, vel de recuperanda per interdictum Unde vi, *l. cum fundum*, §. *fin. ff. de vi*, & *vi arm.* quia Prætor dando Judicem de proprietate, non auferabat sibi potestatem cognoscendi de possessione, cuius causa temper favorabilior, quia summaria est. At non facetur similiter, eum qui cœpit agere interdicto, audiendum fuisse, si voluisset rem vindicare, quia favor possessionis

Tom. I.

hanc sententiam non patiebatur, & quia in ea re auctoritas Prætoris, qui non completo iudicio deferretur, lædi quodammodo videbatur.

Hæc Jure novo mutata fuerunt post sublatas differentias cognitionum extraordinariorum, & iudiciorum ordinariorum, §. *ult. Instit. de interdicto*. Ideo hæc ratio amplius cumulationem impedire non potuit; & statutum est, ut Judex unus de causa proprietatis & possessionis cognoscat, ne causæ continentia dividatur, *l. nulli, C. de iudiciis*.

## Q U E S T I O II.

*Capto iudicio in rem, quando liceat agere interdicto.*

Vulgo Doctores distinguunt; aut enim interdicto agitur ad eum finem, ut petitorium iudicium suspendatur; & docent interdictum ante causæ conclusionem proponi debere. Sin autem ad hoc, ut simul utrumque iudicium expediatur, unaque sententia ambæ lites decendantur; & ad interdictum recte etiam post conclusionem decurri volunt.

At Fermosinus in *d. cap. pastoralis q. 1. n. 3.* verius esse docet, in quantum ad utrumque effectum posse agi interdicto usque ad conclusionem in causa petitorii. Id ipsum ibidem Imola; Romanus, Alexander, & Balboa. Sequuntur Menochius de *adisp. rem.* 4. n. 527. Joannes Garzia de *nobilis. gl.* 11. n. 12. qui hanc sententiam de utroque Jure locum habere affirmant.

Verum, ut hæc quæstio generalius tractetur, meliusque queat intelligi, tria distinguenda sunt, Emendare actionem, Mutare, & Cumulare, quæ distinguunt Accursius in *l. edita, verbo Emendari*, C. de edendo, & magnam lucem toti huic tractationi asserunt.

Emendare est, cum salva actionis semel propositz substantia, error tollitur, *l. actorum, ff. de re judic.* Ut si quis plus debito petit, ne incidat in poenam plus petentium, iustum petat. Et hanc emendationem sine nova contestatione fieri usque ad sententiam posse, opinatus est Martinus. Cui contradixit Joannes; qui non nisi ad lites contestationem permisit. Hoc tamen Accursius verum esse fereur in iudiciis singularibus, ex *l. non potest, ff. de iudiciis*. Secus vero esse docet in iudiciis universalibus, & hereditariis petitione, & in generalibus, ut actione tutelæ, in quibus emendatio permittitur usque ad sententiam, *l. 4.*

G

l. 4.

1.4. & l. si quo, ff. de petiti. hered. l. 2. & 6., ff. de judic. Ita Accursius in d. l. edita, qui ita utramque sententiam Martini, & Joannis concordare videtur.

Mutare vero actionem dicimus, cum priore omissa, alia instituitur; ut si Actor omisso judicio possessorio, intendat petitorium, vel omissa via ordinaria, agat exequutiva. Et Accursius hoc permittit olim fuisse usque ad litem contestationem tantum, docet ex d. l. non potest, ff. de judiciis. Hodie vero nec etiam ante contestationem, si jam Reus sit legitime citatus, Auth. qui semel. C. quom & quan. Index.

Verum alii ipse hactenus docent, libellum & emendari, & mutari posse semper, & in omni judicio usque ad sententiam, Alciatus, & Donellus in d. l. edita, & 23. comment. 5. Gonzalez in cap. eximinta, n. 10. de causa possess. Vacanius 6. declar. 89. Menoch. d. rem. 3. num. 25. Quod etiam est contra Bartolum, Baldum, Faehineum 11. contr. 92. & 95. alioque, qui generatim emendationem, & mutationem concedunt usque ad litem contestationem, & non ultra, ex l. ult. C. de plus petition.

At superior sententia probatur ex §. si quis aliud, Instiit. de action. ubi Justinianus terminem habet primo de Emendatione, ut si quis aliud pro alio intendat; deinde loquitur de Mutatione, ut si quis ex testamento sibi dari oportere intendat, quod ex stipulatu debetur. Et indistincte ait: In eodem judicio, cognita veritate, errorem suum corrigere ei permittitur. Ait, In eodem judicio, id est usque ad sententiam; ad eam enim usque ad judicium durat. Et facit generaliter textus in d. l. edita, ubi permittitur Emendatio, & Mutatio, nulla facta temporis mentione. Ergo etiam post litem contestatam usque ad sententiam, argumento ex §. nec non, §. quod eas, ff. ex quib. caus. majores.

Id ipsum in quantum ad Mutationem patet ex l. cum fundum, §. ult. ff. de vi, & vi arm. ubi qui fundum vindicavit, pendente judicio nihilominus interdicto. Unde vi agere potest. Dicit, Pendente judicio, quod idem est, quod In eodem judicio, id est, usque ad sententiam, quidquid Gran. & Fermosin. in d. cap. pastoralis velint, dum interpretantur usque ad conclusionem.

Nec facit cum Accursio textus in d. l. non potest, ff. de judic. quia non agitur ibi de Mutatione vel Emendatione actionis, sed tantummodo dicitur, non videri in judicio deductum,

quod postea debere cepit, quia alia res est, l. nam quemadmodum, ff. de judic. & facit l. Arcejus, alias Antaus, ff. de aqua pluvia. Ita Donellus loc. cit.

Nec iterum obstat d. Auth. qui semel, quia nec etiam ibi de Emendatione aut Mutatione libelli sermo est, sed de Eremodicio, nempe si actor deferat judicium, nec amplius compareat; instante reo, cogi potest ut finiat, nisi ob Eremodicium condemnari velit. Vide Cujacium, in l. propterandum, §. & siquidem, C. de judiciis.

Nec tandem facit cum Bartolo textus in l. ult. C. de plus petition. ubi qui plus petit, totius debiti causa multatur, nisi ante litem contestatam errorem suum corrigat; nam hic casus specialis est, & locum habet, ubi Actor non per errorem, sed per dolum, & machinationem errorem non emendat, sicuti Justinianus ibidem ait, & post alios tradit Olualdus ad Donellum lib. 23. cap. 9. lit. I.

Cumulare demum ait, cum uni actioni jungitur altera, & utraque simul agitur, vel ut prior actio suspenderetur. Ed id fieri posse post litem contestatam, docet Accursius in d. l. edita, nempe quia nulla lex id fieri prohibet, argumentum ex d. l. nec non, §. quod ejus, ff. ex quib. caus. majores. Videtur tamen Accursius hanc cumulationem permittere usque ad sententiam: sed potius est, permitti tantum ad conclusionem, ut de Jure Canonico statutum est.

Et probatur cum supracitato Fermosino l. ex d. cap. pastoralis, ubi haec Summus Pontifex habet: Si vero renunciatum fuerit, vel conclusum, ut jam possit causa proprietatis diffinitiva sententia calculo terminari, ne lites litibus inculcentur, & via possit fraudibus aperiri, causa non discussa, possessorio non erit utendum. Quae rationes vim habent, tam si Cumulatio fiat causa suspendendi, quam si causa unendi simul utramque actionem. Primo ergo Summus Pontifex statuit generatim, facta causa conclusionem, Cumulationem non esse locum, quia conclusio etiam renunciatio dicitur, quia in conclusione Litigatores probationibus renunciasse intelliguntur, ipsique os claudunt, Menochius de arbitr. q. 35. in princ. Apud nos tamen de stylo intelligitur renunciaturum productioni testium, non etiam scripturarum, qui stylus originem habet ex Pragm. eius, de ordin. judic. Afflict. dec. 272. in princ. Secundo rationes subnectit; cum enim post causam conclusam imminet jam causae decisio per sen-

ten-



tentiam diffinitivam, nique non est hæc definitio retardanda per Cumulationem; esset enim lites litibus inculcare. Præterea, qui sibi timent, ne causa cadat, facile tentaret remorari sententiam proposita Cumulatione, cui fraudi obviandum est. Tertio tandem ait. *Causa non decisa*. Unde si causa petitorii decisa jam sit, poterit ad possessorium decurri, nec obstat exceptio rei judicatæ, quia possessio, & proprietates diversæ res sunt. Sicuti e contrario, qui succubuit in causa possessorii, potest rei vindicatione agere, l. *C. an eadem*, §. ult. ff. de except. rei judicatæ.

Subjicit deinde Summus Pontifex exceptionem: *Nisi Judex, qui de causa cognoscit, hoc ipsum ex justa causa viderit expellere*, id est, posse Judicem, si ita ei videbitur, admittere possessorium etiam post conclusionem. Facit textus in d. *l. edita*, ibi: *Vel jus redditus decernit aequitas*. Ita erit, si constat de violentia spoliantis, l. *meminerit*, l. *si quis in tantam*, C. unde vi, l. *si quis ad se fundum*, C. ad legem Juliam de vi. Vel si dolo spoliantis, aut aliquo callo factum sit, ne spoliatus de jure suo docere possit, d. *cap. pastoralis*, Covarr. in regula *Possessor*, par. 2. §. 6. n. 2.

II. Probatur ex *cap. significaverunt*, de testibus, quem perperam secum facere putant Adversarii. Etsi enim ibi duo casus distinguantur, primus si possessorium proponitur, cum in petitorio ulque adeo processum est, ut plene possit de proprietate loquere, & ea decidenda causa est, deinde causa possessionis cummulata: secundus, si proponitur possessorium antequam de proprietate liqueat, & tunc utraque quæstio unica sententia diffinitiva est. Non tamen inde colligere licet, posteriorem casum respicere cumulationem factam ante conclusionem, priorem vero post conclusionem; nam expresse Summus Pontifex notat in ea causa, cum propositum fuit possessorium, adhuc conclusionem non fuisse factam, sed solum imminentem fuisse publicationem; nam completo examine testium, fit publicatio in causa, qua facta devenitur ad conclusionem. Ergo in utroque casu supponitur Cumulatio proposita ante conclusionem; quia tamen jam examen testium factum fuit, accidere potuit, ut ex eo solo examine de proprietate liqueret. Id ipsum clarius patet ex integra Decretali, quam refert Antonius Augustinus in 3. collect. tit. de testibus, cap. 9.

Unum singulare notandum est ex *Clem. un.*

de causa possess., ubi qui in causa beneficii solum petitorium popoluit, & succubuit, si ad Sedem Apostolicam appellet, potest ab alterutra Parte suspendi petitorium, petendo, ut procedatur in possessorio, quod de novo proponitur. Quam decisionem mirabilem vocat Cardinalis ibidem, nempe quia Judex appellationis non habet cognitionem, nisi in articulo, in quo appellatio fuit interposita. Ratio tamen specialis est, quia si appellatio facta ad S. P. non posset de possessorio agi, nec etiam cumulari posset amplius apud Judicem primæ instantiæ, ad quem finita appellatio, devolvitur tantum executio, *can. fin. 2. q. 6. cap. cum teneamur*, de appellat. *Gran. in d. cap. pastoralis a num. 6.* quem sequitur Fermolinus ibid. d. q. 2. n. 7. qui de materia late agit.

#### De concurrentibus actionibus.

DE concurrentibus actionibus librum singularem conscripsit Paulus, cujus duo tantum fragmenta in Pandectis extant, alterum in l. *si quis egerit* 90. ff. de furtis, alterum in l. *qui servum* 33. ff. de oblig. & act. ex qua lege & illud constat, varias plurimumque inter se dissidentes de ea tota re existisse veterum Jurisconsultorum sententias. Magnas varietates vocat Hermogenianus in l. cum ex uno 31. ff. de oblig. & action. Longas controversias appellat Ulpianus in l. 5. §. 1. ff. ad l. Aquilian. Utinam hujus diffidii nulla in Jure Justiniano reliqua essent vestigia, minus enim laboris, minus molestiæ in tot legibus, quæ de his actionibus agunt, quæque invicem pugnare videntur, vel explicandis, vel conciliandis, nobis esset infundendum. Sed quoniam ita in factis erat, ut & Pauli libro careamus, & Tribonianus incuria laboremus; non ingratum fore arbitror, ut de ea re, de qua agit etiam Cajacius 8. observ. 24. quantum per tempus licet, in præsentia disseramus. Totum autem tractatum non in tot, nec in ea capita dividimus, in quot, & in quæ dividi debere putat Petrus Faber in l. nunquam 130. ff. de reg. jur. Satis enim omnia quæcumque dici possunt, tribus tantummodo propositionibus comprehenduntur.

## I. PROPOSITIO.

*Actiones penales in eadem re, sed ex pluribus factis, concurrentes, altera alteram non consumit.*

**H**Uc pertinent, quæ habet Ulpianus in l. nungquam, ff. de reg. jur. in hæc verba: *Nungquam actiones, præsertim penales, de eadem re concurrentes, alia aliam consumit.* Quæ regula, paucis immutata, extat etiam in l. nungquam, ff. de obit. & ali. & a nobis varie interpretari solet. Sed ad verum intellectum nos veluti manuducit Iustinianus in §. ult. inst. si quadr. paup. sec. dic. ubi eam ipsam recitat, & hoc exemplo illustrat. Si aptum habeas, quæ vulgo iter fit, & servo meo nocitum sit, agere possum ex Ædilis edicto, ut duplum damni præstes, & actione de pauperie, quæ aprum consequar. Duo hic facta sunt, ideoque duæ culpe in eadem re, id est, in eodem apro: propterea Jure merito duæ in re actiones competunt, nec una alteram consumit. Ejus definitionis ratio aperta est, & traditur ab eodem Ulpiano in l. 2. ff. de privat. delictis: *Nungquam, inquit, plura delicta concurrentia faciunt, ut ullius impunitas detur. Neque enim delictum ob aliud delictum minuit penam.* Non ablutit Quintilianus in *Declam. de ignomin. pulsat.* *Dua enim sunt injuria in hoc uno facto, & ideo dua pena.*

Plura his similia in Jure nostro passim occurrunt: paucis ero contentus. Si servus tuus servum meum surripuit, & occidit, furti & damni injuria in te actio competet, l. si servus servum, ff. ad legem Aquiliam. Cur ita? Nempe quia duo facta sunt, duo etiam delicta, unum furti, alterum damni, in eadem re admissa, id est, in eodem servo. Quare ex duabus actionibus, quæ inde oriuntur, una alteram non consumit.

Ita si quis alienam ancillam surripuerit, & flagitaverit, in eam actione servi corrupti, & furti, poterit agi, d. l. 2. §. pen. ff. de privat. delictis. Nam hic flagitaverit, legendum est, non flagellaverit, ut recte Budæus in *Annot. reliqu.* Agitur enim non de damno dato, quod flagello sit, sed de

ancilla corrupta flagitando: quippe flagitare nihil aliud est, quam verum virginis inferre, quod vitium veteribus flagitum dictum est, ut Revardus in d. l. nungquam obler vat.

Tandem si quis servum alienum ad furandum Domino sollicitaverit, furto secuto, tenetur Domino actione furti, & servi corrupti, §. unde illud, Inst. de oblig. qua ex delicto. Paria his habentur in l. facienda §. 1. ff. arbor. furt. casar.

Illud verum est, hæc proprie ad concursum non pertinere. Concursus enim actionum est, quoties ex uno eodemque facto plures actiones competunt, ut desinit Jacobus Gothofr. in *Cod. Theodos. tit. vitium civiliter agere & criminaliter posse l. un. & colligitur ex l. cum ex uno delicto, ff. de oblig. & action.* Unde & illud constat, d. l. nungquam de concursu actionum non loqui, & male hæcenus in contrarium creditum est vel ab ipso Gothofredo.

## II. PROPOSITIO.

*Actiones ex uno facto in eadem re concurrentes, altera alteram non consumit. Primo, si una mista sit, altera penalis. Secundo, aut una rei persequutoria, altera penalis. Tertio, aut una rei persequutoria, altera mista. Quarto, aut una civilis, altera criminalis.*

**P**Rimo ergo de mista & penali dicemus. Paulus in l. actione, ff. de tutel. & ration. distrah. hanc proponit speciem. Tutor in gerenda tutela rem ex bonis pupilli abstulit animo furandi. Duo hic tutor delicta admisit. Unum, quia rem pupillarem avertit; non enim tutori licet quidpiam sibi capere, etiamsi citra dolum id faciat, veluti parvas vel sibi licere, vel pupillum concessurum, ut Glossa ibidem ait. Finge, tutor ob labores in gestione tutelæ infusitos credit licitum esse quidpiam sibi sumere ex re pupilli. Is quippe errore juris delinquit, cum tutela munus gratiarum sit. Delinquit etiam, si errore facti existimet facilem pupillum, nec, si rogaretur, negaturum. Ex poena est ad duplum, in quo inest & simplum. Hoc persequitur actio de rationibus

bus distrahendis, quæ multa est, d. l. *actione in fine*; eaque ex lege XII. Tabularum descendit. Cyprius in *paratit. lib. 27. tit. 3.* Verum quia dolus & animus lucrificandi accessit, incurrit tutor delictum alterum, quod est furtum. At Paulus, tutorem non solum furti teneri, sed & actione de rationibus distrahendis. Hæc ejus verba: *Utrique autem actione obligatur, & altera alteram non tollit.* Habes hic unum factum in eadem re, & est interceptio rei pupillaris: inde tamen duæ actiones oriuntur, quarum altera est multa, poenalis altera. Et recte ambo concurrunt, quia ad diversa tendunt; nam actione de rationibus distrahendis pupillus consequitur simplum, & tantundem poenæ nomine; actione furti alteram dupli poenam exigit. Esti enim hic unum factum sit, duo tamen delicta sunt admittenda; & delictum ob aliud delictum poenam non minuit, l. 2. ff. de *privat. delictis*. Concordat l. sed *et si*, §. *Et ideo*, ff. ad *legem Aquilianam*.

Hæc tamen aliquo indigente temperamento, ut ex posteriori actione id tantum consequamur, quod in priori deluit. Pone, agit pupillus actione de rationibus distrahendis; consequutus est rem, & simplum poenæ; cum ageret deinde furti, non duplum poenæ nomine habebit, sed simplum alterum, ut hæc simul juncta duplum efficiant. E contrario si prius egit furti, quoniam jam duplum poenæ habet, rationibus distrahendis nil nisi rem persequetur. Et hoc est temperamentum, quod proponitur in libro de *concurrent. action.* a Paulo in d. l. qui *servum*, ff. de *oblig. & act.* & in d. l. si *quis egerit*, ff. de *furtis*, quibus add. l. 2. ff. de *vi honor. raptor.* Descendit tamen a Trebatio in l. 3. ff. *arbor. furt. easar.* ex quo textu etiam patet, hoc esse officio Judicis pendere; & ita capi debet idem Paulus in l. *pen. ff. cit. tit.* & Hermogenianus in l. *cum ex uno*, ff. de *oblig. & action.*

Secundo de rei persecutoria, & poenali. Pone cum Ulpiano in l. *rei communis*, ff. *pro socio*, ubi si socius rem communem celandi animo contraxit, furti agi cum socio potest, & actione pro socio, nec altera actio alteram tollit. Concordat l. 1. §. *in tutela*, ff. de *tutel. & ration.*

*distrah.*

Omnitur tamen Jabolenus ex Cassio in l. si is cui, ff. de *furtis*, ubi si furti actum est, commodati actio extinguitur. Multum Accursius in d. l. *rei communis* insudat, ut hunc obicem removeat, tandem eo confutit, ut dicat, hic a Jaboleno actionem furti pro conditione furtiva accipi: & hanc bonam solutionem appellat. Et sane est; hic enim vocabulorum abusus in Jure nostro novus non est: quippe in ea sententia Pauli, *Res surrepta, si in Domini potestate reversa sit, cessat furti actio*, unique furti actio pro conditione furtiva usurpatur; hæc enim eo Pauli casu cessat, non illa, l. 10. ff. de *condict. furt.* Cujac. 21. *obseruat.* 19. Quam interpretationem si recipimus, iam quod Jabolenus ait ad eum pertinet casum, ubi de concursu duarum actionum agitur, quæ ambæ rei persecutoria sunt, de quibus in *Propos. III.*

Sed quid faciemus Cajo? Is in l. si meret, §. *culpa*, ff. *locati* pro arboribus succis ait, officio Judicis locatorem non uti, nisi actione locati, ommissa poenali ex l. XII. *Tabularum de arboribus succis*. Poena est, ut in singulas arbores succiorum luat æris 25. Plinio teste *lib. 17. cap. 1.* & refertur a Gothofredo *Tab. 2.* Id ipsum velle videtur Ulpianus in l. *quicumque*, §. *idem ait*, ff. de *instit. act.* ubi si libitinarii servus pollinctor mortuum spoliavit, datur in Dominum quasi inditoria actio, quamvis & furti & injuriarum competat. Sed hoc est temperamentum, quod a Judicis officio procedit, Cajo in d. §. *culpa*. de quo mox.

Tertio de rei persecutoria & mista. Variæ de hac in re videntur extitisse Jurisconsultorum sententiæ. Pugna tamen non est de eo, qui plus elegit; nam si mistam quis actionem proponat, & rem & poenam consequatur, minime ambiguit, eam actione rei persecutoria amplius uti non posse, l. qui *servum*, §. *Sin.* ff. de *oblig. & action.* rursus enim rem peteret: & bis idem petere, prædam sectari est. Quæstio solum est in eo qui errore Juris, vel Facti, minus elegit. Movit judicium actione rei persecutoria, quæritur an possit deinde actione multa ex petiri.

Et dicimus, utramque actionem, & rei persecutoriam & mistam, tribui actioni,

ri, non tamen in solidum, sed ut ex posteriori deducatur id, quod ex priori actor consequutus est, ne bis idem auferatur. Ita Paulus in *d. l. qui servum*, §. *fin.* Ecce is, cui vestimenta mea commodavi, eadem scidit, aut rupit: mihi daabus actionibus tenerur, & commodati, quæ rem totam persequitur, & legis Aquilæ, quæ persequitur & rem & poenam. Jam pone, egi actione commodati ad simpliciter: quæres, an experiri possim actione ex tertio capite legis Aquilæ? Responsio Pauli est, me uti posse, at non in solidum, sed solum in quantum ad illud *plurimi* legis Aquilæ, quod poenæ nomine exigitur. Verba Pauli sunt: *Post commodati autem an Aquilia remaneat in eo, quod in repetitione triginta dierum amplius est, dubitatur. Sed verius est, remanere.* Ita legitur in Pandectis Florentinis: & male quidam negationem addunt, ut sit, *Sed verius est, non remanere*, Antonius Augustinus 1. *emend.* §. *Intelligit autem, postea quam commodati actum est, legis Aquilæ actionem remanere, sed solum respectu poenæ.* Rationem Paulus subjicit: *Quia simple accedit, & simple subducto locum non habet.* Sensus est. Actor actione commodati jam habet simpliciter, hæc simplex poena legis Aquilæ accedit: quod si simpliciter ex commodato subducatur, auferatur, locum non habet, hæc scilicet restrictio legis Aquilæ, sed pro solido proponetur. Non enim accedo Cujacio 3. *observ.* 25. & in hac ipsa *l. qui servum*, §. *fin.* dum negationem demit, & legit, *Simple subducto locum habet.* Hæc eadem habet Ulpianus in *l. unde queritur* 7. §. 1. *ff. commodati.*

Hoc vero non tam ipso Jure accedit, quam Judicis officio, qui ex posteriori actione demit id, quod ex priorè consequutus sum, ut capiendus est Paulus in *l. quoties* 40. *ff. de oblig. & act.* Si eodem, inquit, facto duæ competant actiones, postea Judicis potius paries esse, ut quo plus sit in reliqua actione, id actor ferat: si tantundem aut minus est, id consequatur. Sensus est, si qua lege veteri obligationi nova adjuncta sit, & plus in nova sit, ea actor officio Judicis consequetur, quod in veteri defuit: quod si in nova tantundem sit, vel minus, actor eodem Judicis officio, id consequetur, nempe id quod in veteri est. His postremis verbis ita explicatis, apparet frustra laborare Cujacium 3. *obs.* 25. dum hæc ultima Pauli verba sensu carere putat, & il-

lud id immutat in *Nil.* Quod alijs immerito arripit.

At cur non ipso Jure? Cur officio Judicis opus est? Nempe quia Jura regula est: *Quoties lex obligationem introducitur, nisi nominatim eaverit, ut sola ea actione utamur, etiam veteres eo nomine actiones competere, d. l. quoties.* Hinc fit, ut ipso Jure possit actor pluribus actionibus in solidum uti, quando eas omnes ei leges tribuunt. Non enim nova obligatione introducta, vetus sublata est, sed manet, & ita manet, ut omnes competant. Cur non omnibus utetur actor? Verum quia hac tanta Jura subtilitate fieri aliquando potest, ut actor plus recipiat, quam meretur, ut bis idem consequatur: ideo officio Judicis opus fuit, qui post primam actionem tribuat etiam secundam; sed cum eo temperamento, ut ex posteriori deducatur id, quod actor ex priorè jam consecutus est. Simile est, quod habetur in §. *si cui fundus*, *Instit. de legatis.*

Multa sunt, quæ retragari videntur. I. Quia concurrentibus duabus actionibus, altera rei periculatoria, altera mista, una tantummodo, non omnibus utendum est, *l. plura delicta*, *ff. de oblig. & act. l. in rebus*, §. *si five autem*, *ff. commodati*, *l. si servus servum*, §. *Proculus*, *ff. ad legem Aquiliam.* Quod verum est, etiam si minus elegerim; nam si pupillus ulus sit conjunctione fortiva, vel actione tutelæ, quæ rei persecutoria sunt, amplius actione de rationibus distrahendis, quæ est mista, uti non potest, *l. 1. §. in tutela*, *l. 2. ff. de tutel. & ration. distr.*

II. Quia actor contentus esse debet potestate minus eligendi, ut nullo modo majus eligere queat, *l. si vulneraveris*, & *l. si merces*, §. *culpa*, *ff. locati.*

Verum & hæc non ipso Jure, ex quo negari non potest plures actiones competere, sed officio Judicis procedunt, ut in *d. l. si vulneraveris*, & in *d. §. culpa*, manifestum est. Difficultas ergo solum in eo manet, quod Judicis officium interdum colloquetur in temperamento, ut ex posteriori actione deducam id, quod ex priorè consecutus sum, *d. l. quoties*, *ff. de oblig. & act.* Interdum in electione, quod electa minori actione, priver altera etiam majori, *d. l. 1. §. in tutela*, cum *l. 2. ff. de tutel. & ration. distr.* Interdum vero in electione tollenda, ut minori actione contentus sim, *d. l. si vulneraveris*, & *d. §. culpa.*

Hæc omnia oriuntur ex eo, quia officium Judi-

Judicis versatur in praxi forensi ad actiones pertinentes, Giphian. ad tit. *Instit. de offi. jud.* Hæc autem praxis varia est, prout Judici æquius visum est; nam positum in eo est, ut æquitatis ratio servetur, *l. sumtus, ff. de reivind.* Hinc est, quod officium istud ad contraria pertinere possit, & interdum actionem denegat, vel eidem modum imponit, ut dictum est. Interdum supplet id, quod ex actione deest. *l. liberi in potestate*, qui actionem ad petendam a parentibus dorem non habent, eam officio Judicis consequuntur, *l. qui liberos, ff. de ritu nuptiar.* Ita Professores consequuntur mercedes, implorato Judicis officio coram Præside vel Proconsule Provincie, *l. i. in princ. ubi Accursius, verbo dicere, ff. de extraord. cognit.* Romæ vero coram Tribunalis Ætatis, qui Jus dicebant in Basilica Porcia, Juvenalis de infelicitate studiorum:

*Rara tamen merces, qua cognitione Tribuni*

*Non eget.*

Quarto tandem de actione Civili & Criminali. Et regula est, ut si ex eodem facto oriatur, altera per alteram non consumatur.

Hæc regula extat in Codice Theodosiano sub tit. *visum civiliter agere & criminaliter posse, l. un.* Et ita a Gratiano Imperatore concipitur: *Quoties de re familiari & civilis & criminalis competis actio, utraque licet experiri; nec si civiliter fuerit actum, criminalis potest consumi.* Frustra est Jacobus Gothofredus ibidem, cum huc pertinere putat regulam Hermogeniani in *l. cum ex uno 31. ff. de oblig. & actiō.* Cum ex uno delicto plures nascuntur actiones, omnibus experiri permittitur. Cum enim Jurisconsultus huic lue regulæ exemplum subijcit de arboribus furtim lucisiss, aperte demonstrat, eam nihil ad criminales actiones pertinere; nam pro arboribus succisiss non est alia prodita actio, quam ex lege XII. tabularum, & ex lege Aquilia, *l. si colonus, ff. arbor. furti. casar. l. duobus, §. colonus, ff. de jurjurat. §. merces, §. culpa, ff. locati.* Harum autem nulla criminalis est, etsi altera sit poenalis, altera mista; quoties enim pecunia pecuniaria cedit lucro actoris, ut in his, actio civilis est; & ad criminalem opus est, ut poena Fisco persolvatur, Jafon in §. actio, n. 19. *instit. de actionibus.*

Contra, exempla Gratiani sunt, si concurret interdictum Unde vi cum crimine legis Julie de vi: interdictum de tabulis exhiben-

dis, cum crimine legis Cornelia testamentaria: actio de operis patrono debitis, cum crimine ex lege Visellia sive Viscellia: actio furti, cum crimine legis Fabie de plagariis: actio civilis de fide instrumenti, cum criminali ex Senatusconsulto. Vide Cujacium 20. *observ.* 26. Ita si servus dolo occisus sit, agi ex lege Aquilia, & lege Cornelia de sicariis potest.

Eam Gratiani regulam retulit Tribonianus in Codice Justinianorum sub tit. *Quando civilis actio criminali præjudicat*, & unum de suo addidit, eam locum habere, non tantum si prius civiliter fuerit actum, sed *& similiter e contrario*; nec enim referre utra prius actum sit.

Pugnat tamen rescriptum D. Hadriani in *l. si de vi 37. ff. de judiciis*, ubi hæc verba leguntur: *Si de vi & possessione quatur, prius cognoscendum de vi, quam de proprietate rei.* D. Hadrianus tamen non tamen hæc rescriptum. Ubi possessio non est, nisi proprietatis rei stabilis; nam cum statim initio dicatur, *De vi & possessione*, deinde habetur, *De vi quam de proprietate.* Hoc non eam habet sententiam, quam vulgo habere creditur. Hærent in eo errore Doctores, ut hoc rescriptum intelligant, quasi in eo dicatur, si multa controversia sit proprietatis & possessionis ereptæ, prius agendum esse interdicto Unde vi, quod est de recipienda possessione, deinde actione reivindicationis, quæ est de proprietate. Eam explicationem jure merito rejecit Cujacius 5. *observ.* 15. ut supra traditum est.

Pugnat ergo cum regula Justinianæ, ex qua nihil interest, utro prius judicio agatur; eo magis, quod a Justiniano idem exemplum de eo, qui per vim de possessione defectus est, iux regulæ illustrandæ causa subijcitur; & actoris arbitrii esse ait, ut si egerit pro recuperanda possessione interdicto Unde vi, non prohibetur deinde etiam lege Julia de vi publico judicio instituire actionem. Quæ pugna est, si hæc non est?

Placet distinctio Erandi Merilli 2. *obs.* 36. nempe Justinianum loqui, quoties separarum judicium criminale & civile proponitur; tunc potest actor pro arbitrio hanc vel illam cognitionem sine præjudicio alterius proponere. Non ita Hadrianus, qui loquutus est de eo, qui ambus actiones cumulavit simul, & conjunctim proposuit; eo enim casu prius criminalis judicium expedirendum est, quia major questio minori præteriri debet, *l. ult. C. de ord. cognit.* Con-

Contrarium videtur, quod ex D. Severo extat in l. 1. C. de appellat. Prius de possessione pronunciare, & ita crimen violentie excurrere Praef. Provincia debuit. Et in l. si quis 7. C. ad legem Juliam de vi publica. ubi Constantinus, Et, quem constitit expulsum, amissa possessionis iura reparentur, eandemque proinus restituta, si criminalis questio agatur, violentus parva non immerito desistant, ex totius litis terminum differatur. In quibus ex duobus iudiciis, criminali, & civili, simul propositis, civile iudicium violentie crimini praefertur. Et ita docent Græci lib. 60. Basilicorum tit. 18.

Magnos fluctus de ea re excitarunt Doctores. Cujacius loc. cit. his novis legibus decretum Hadriani subverti audacter pronunciavit, & Honorianus secutus est. Ita etiam Fornecius 2. rer. quotid. 20. Contra nihil contrarium habere, voluerunt Merilus loc. cit. & Magnus inter leges Codicis Theodosiani in l. 3. cit. ad legem Juliam de vi publica, unde in codicem Justinianum lex Constantini translata est. Sed inter se non concordant.

Si quid mei iudicii est, putarem civile iudicium de proprietate separandum ad eo, quod de possessione agitur. Illud postpositi iudicio criminali, ut in rescripto Hadriani, hoc vero praepo- ni ex Severo & Constantino; nam qui fuit a fundo expulsi, in criminali egit ex lege Julia, in civili propositum interdictum Unde vi; & hoc sibi volunt illi: Prius de possessione pronunciare, & Amissa possessionis iura reparentur. Itaque causa civilis de possessione praefertur criminali; causa civilis de proprietate non praefertur. Ratio discriminis dependet ex eo, quia iudicium de possessione summarium est, & quam brevissime debet expediri, l. aequissimum, ff. de usufr. Contra, in iudicio proprietatis lentus ordo servatur.

Non omiserim, legem Constantini in Codice Theodosiano non agnoscere verba illa, Si criminalis questio agatur; vel quia temporis injuria exciderunt; vel quia manu Tribonianum in Codicem Justinianum inserta sunt. Quidquid sit, illud certum est, palam ex his rejici Jacobi Gothofredi sententiam, dum voluit apud Constantinum criminale iudicium prius fuisse propositum & exculsum, quam civile; vindictam vero publicam in extremam litem rejectam.

Sed de his satis. In regula Gratiani habetur, De re familiari, ut excipiat causa de

moribus, ut idem Imperator tandem monet, nam civilis actio de moribus mota & electa, criminalem adulteri actionem extinguit. Exceptionis ratio est, quia iudicium hoc civile de moribus ad rem pecuniariam non pertineat, sed vindictam persequitur & coercitionem, l. rei judicata 16. §. 1. ff. sol. matrim. Unius vero criminis duae vindictae esse non possunt, iacobus Gothofredus ad d. l. un. C. Theod. vultum civiliter, &c. Hæc deest exceptio in Codice Justiniani, quia is actionem de moribus lubulit in l. un. C. de rei uxoris act. & tit. C. de repudiis, & iudicio de moribus subiato.

### PROPOSITIO III.

*Actiones ex uno facto concurrentes, si omnes rei persequutoria sint, altera alteram consumit, nisi plus in posteriore sit.*

AD hanc regulam refertur debet, quod habet Ulpianus in l. uno 43. ff. de reg. jur.: Quoties concurrunt plures actiones ejusdem rei nomine, una quis experiri debet. Illud, ejusdem rei nomine, non tam demonstrat causam, quam finem; ut scilicet si eandem rem persequar, una atque altera actione, alterutra contentus sim oportet, quamvis Rurarius ibidem de rei persequutoria & poenalis accepit: ne scilicet bis idem consequar. Quare non obstat quod est in l. & hæc distinctio, §. cum fundum, ff. locati, ubi ex eodem contractu quis duas actiones simul movet, locati, & conducti. Nam non ejusdem rei nomine utramque infert, siquidem conducti actione pars propria Rei, locati actione pars Actoris propria in iudicium venit.

Hæc ratione motus Paulus in l. pro socio 38. §. fin. ff. pro socio ex Proculo scribit, si tecum mihi societas sit, & res ex societate communes, posse me vel pro socio, vel communi dividundo agere, & altera actione alteram tolli. Itaque si ego pro impensis consequendis, quas in eas res feci vel pro fructibus, quos ex his rebus percepisti, & partem meam actione pro socio obtinui, nihil superesse quod actiorem communi dividundo petam; quare ea uti non possum, agerem enim ejusdem rei nomine.

Hæc vera sunt, cum altera mihi plenè satisfactum est; nam si mihi aliquid delit, altera actione non prius; jam enim ejusdem rei nomine non sunt. Nam si has actiones com.

communis dividundo & pro socio conferamus, duo inter eas discrimina verari deprehendimus, ut monet Ulpianus in *l. si actum* 43. ff. pro socio. Alterum, quod in actione communi dividundo eorporalium tantum rerum divisio sit, non nominum, quæ nomina incorporealis accensetur: secus in actione pro socio, ubi etiam nominum ratio habetur. Alterum, quod actio pro socio adjudicationem non admittit, cum per eam non divisio, sed communicatio fiat, quæ tamen adjudicatio in communi dividundo locum habet, §. 5. *Instit. de offic. Jud.* Quid tum? Ex his sane Ulpianus infert, si actum sit communi dividundo, non tolli actionem pro socio: Verum hoc minus ex ea actione me consequi, quam ex prima actione concessus sum: Finge, propofui actionem communi dividundo, nec plene mihi satisfactum est, eum bona rei eorporalia satis non essent; agere rursus potero actione pro socio, ut quod reliquum est, mihi solvatur in nominibus. Non enim ejusdem rei nomine ago, bis idem non peto, praviam non fector.

Ex hoc est, quod idem Ulpianus tradit in *l. rei communis* 45. ff. pro socio, Socius rem communem celandi animo contrectavit, si ex causa furtiva condixero, cessat pro socio actio, nisi plus mea interfit.

Itaque si plus mea non interfit, ex duabus actionibus rei persecutoris electio datur, non emulatio. Negotiatum sum cum servo tuo, qui peculium & mercem peculiatem habet; eligere debeo, qua actione tecum experiri velim, utrum de peculo, an tributona, cum regressus ad aliam non detur, *l. quod in herede* §. 1. ff. de tribut. act. quia neutra plus altera continet, si naturam ipsam inspicias; quamvis interdum accidar, ut una potius, quam altera experiri expediat, Petrus Faber. in *d. l. nemo, in fine*.

Dammum in re communi Socius dedit, tenetur lege Aquilia, & actione pro socio, altera tanquam experiri possum, qua utraque actio ad rei perfectionem pertinet, ut verba lunt Pauli in *l. sed actione* 50. ff. pro socio. At quid est, quod ait, legem Aquiliam esse rei persecutoriam? Parna appellatur a Paulo in *l. item Mala* 11. §. sed si plures; Parnalis ab Ulpiano in *Linde Neratius* 23. §. hanc actionem, ff. ad legem Aquiliam. E diverso inter actiones mittas conjunxiatur a Juliano in §. sed & legis Aquilia, *Instit. de action.* Dicendum tamen, actionem ex lege Aquilia, Tom. I.

licet sui natura mista sit, tamen si pretium rei, in qua damnum injuria datum est, in diebus 30. proximis, vel in eo anno varietur non sit, non esse nisi rei persecutoriam, *l. qui serum* 34. verj. & hoc in legit, ff. de oblig. & act.

Cur una actio proponenda est? Id probabili ratione placuit, ne aliter modus litium multiplicatus, summam æque inexplicabilem faciat difficultatem, ut sunt verba Pauli in *l. singulis* 6. ff. except. rei jud. Cur ergo plures tribuantur? Non ea mente, ut pluribus utamur, sed ut laxior agendi facultas sit; quæ est responsio Papiniani in *l. cum filius* 78. §. variis, ff. de leg. 2.

Sic ergo pro legato vindicationis prodita est conditio, & reivindicatio; sed ex una solum, quæ fuerit electa, legatum petetur. Quod præter rationes generales, nititur peculiari alia, nempe quia legatum unum est, & in partes dividi non potest, *d. §. variis*.

Non dissimiliter plures pro dote tribuantur actiones, una agi potest, quia una semper dos est, *l. si proprietati* 4. ff. de jure dotum.

Meminisse oportet, duarum actionum, quæ ambæ rei persecutorie sint, usum non prohiberi ipso Jure, sed officio Judicis. Quod observavimus apud Cajum in *l. merces* 28. §. culpa, ff. locati, ubi arboribus a colono succibus, officio Judicis, qui ex loco judicat; omitti ab actore debet intentum Quod va aut clam, quo Prætor rem restitui jubet.

De Jure Constituti Possessorie ad L. quod meo 18. ff. eodem.

Inter modos legales transferendi possessionem vel ille nobilissimus, & usa frequens est, qui Constitutum vulgo a Doctoribus dicitur, ubi qui possidet sibi constituit se alieno nomine possidere, veluti si dicat, Tibi possides. Quod possessor dixerit, Cajus possidet, pro falsa potius assertione habetur, quam pro voluntate transferendi possessionem: propterea nihil operatur, argumento ex *l. cum falsa*, C. de juris & facti ignor. l. assumptio, ff. ad municip. Bartolus in *l. un. C. de confessor*, Baldus *cons. 482. lib. 1.*

A Tabellionibus additur instrumentis hoc modo, Cum constituto, &c. Eique comitem adjungunt clausulam Precarii. Quod intelligendum est non de precario possessione, quippe qui precario possessionem habet, sibi possidet, *l. & habet*, §. cum qui, ff. de precario,

H &

& propterea nequit uniri & conjungi cum constituto, ubi Constitutor alii possidet, sed accipiendum est de precario usus, in quo Rogator possidet ei, quem precario rogavit, *l. 1. de re, §. his qui rogavit, ff. cit. tit.*

Verum si recte attendamus, nec precarium usus conjungi potest cum constituto; nam Constitutor usum non habet, sed tantum custodiam, veluti Procurator, ut ex nostro textu patet. Unde constitutum, quam precarium, favorabilibus est Creditori, in cujus gratiam stylus hic Tabellionum introductus est. Itaque quoniam clausula ista simul stare non possunt, & una alteram excludit, ideo ex benignitate receptum est, ut solum constitutum intelligatur celebratum, Bartolus, Cumanus, Alexander, & alii apud Tiraquellum *de Jure constit. l. 1. m. 23. Faber. 4. de error. 10. & in Cod. hoc tit. def. 7.* Scilicet ea ratione quia quod ex errore fit, nihil Creditori nocet, *l. si librarius, ff. de reg. jur.* His positis, ad nostrum texum deveniamus.

**Cellus lib. XXII. Digestorum: Quod meo nomine possideo, possum & alieno nomine possidere: n. e. enim nudo mihi causam possessionis, sed desino possidere, & alium possessionem ministerio meo facio. Nec idem est possidere, & alieno nomine possidere; nam is possidet, ejus nomine possidetur. Procurator aliena possessioni praestat ministerium.**

**D**ividitur textus in partes principales duas. In prima habetur regula, & est ita in initio. In secunda, quae incipit ibi, *Nec enim*, proponuntur dubia contra regulam, & resolvuntur. Ceterum secunda haec pars subdividitur in tres alias, quot scilicet dubia sunt. I. Est in principio, *Nec enim*. II. Ibi, *Nec idem*. III. Ibi, *Procurator*.

Species ita se habet. Cajus fundum Tusculanum pro emptore possidens, Titio donavit; & cum fundi possessio in promptu tradi nequiret, Cajus constituit se eundem fundum pro Titio possidere, his verbis, *Tibi possideo*. Quaestum est, utrum Cajus desierit possidere, & Titium possessorem fecerit? Tria enim sunt, quae rem dubiam faciunt.

I. Quia Constitutor adhuc corpore possessioni incumbens, videtur ipse sibi possessionis causam mutare, contra quam apud Veteres scriptum est, *l. 3. §. illud, ff. eodem, l. ad probationem, C. locati*.

II. Quia duo in solidum eandem rem pos-

sidere videntur, Cajus constitutor, & Titius constitutarius, quod natura & lege repugnat, *d. l. 3. §. ex contrario, l. si ut certo, §. si duobus, ff. commodati*.

III. Quia constitutor habetur tanquam procurator. Atqui procurator in possessione est, *l. generaliter, ff. eodem*. Ergo Constitutor sibi acquirit possessionem, & non Constitutario.

His tamen nihil motus est Cellus, qui respondet, cum qui suo nomine possidet, si constituat alteri possidere, utique ipsum desinere possidere, & alterum suo ministerio possessionem facere. Hi enim sunt duo termini constituti possessori; prior, ut Constitutor desinat possidere; & quidem statim desinit possidere, quia possessio solo animo amitti potest, *d. l. 3. §. in amittenda*; posterior ex parte Constitutarii, ut ipse possessionem acquirat. Quod tamen verum est, si velit acquirere; ita ut si Constitutarius vel constitutum ignoret, vel ei contradicat, possessio dicitur vacans: nam ad amittendam possessionem respectu Constitutoris, satis est: velle dimittere, etsi non transferatur; & ideo in nostra *l. quod meo, §. si surrogo*, idem Cellus ait: Illud enim ridiculum est dicere, quod non aliter quis dimittere, quam si transferat: imo vult dimittere, quia existimas se transferre. Unde si Furioso rem tradas, ille non acquirit possessionem, tu desinis possidere, Faber *de error. dec. 47. err. §. nu. 7.*

Nec in contrarium objecta quidquam urgent, quibus ipse Cellus respondet. Ad primum enim negat, Constitutorem sibi causam possessionis mutare; sed ait, ipsum desinere possidere. Quae duo longe distant; nam regula vetus, quae vetat, ne quis sibi causam possessionis mutare queat, intelligenda est, cum quis possessionem retinere vult, sed ex alia causa, quam ipse sibi assignat solus, puta ut possideat pro donato, quod possidet pro emptore; ut possideat suo nomine, quod possidet alieno, *l. §. C. eod.* Hoc quidem illicitum est; sed alia cautela est, ubi quis possessionem dimittit, & ex nova causa renascitur; quod non est mutare possessionem, sed desinere possidere civiliter, & deinde acquirere possessionem corporalem; quod licitum est, ut explicatur in *l. qui bona fide, §. 1. ff. eodem*.

Ad secundum & tertium negat, Constitutorem & Procuratorem possidere. Nam distinguendum est inter possidere & esse in possessione, aempe is possidet, cujus nomine possi-



possidetur, ut in nostro textu; Constitutor vero & Procurator, quia rem nostro nomine detineat, dicuntur esse in possessione. *d. l. generaliter*; quamvis verum sit, hos eodem aliquando dici possidere corporaliter, aut naturaliter, ut supra explicatum est.

Ex hæcenus dictis constat, constitutum fieri non posse, nisi, ab eo, qui possidet; cum per illud possessio sit alterum transferenda, & nihil amplius transferre possumus, nisi id, quod apud nos est, *l. nemo plus*, ff. de reg. Juris, *l. traditio*, ff. de acqu. rer. dom. Et habetur ex nostro textu, ibi *Possidet*, & ibi, *Desino possidere*; quippe privatio præsupponit habitum, *l. decem*, ff. de verb. oblig. Unde Tutor, Procurator, & similes, constitutum facere nequeunt, quia non possident. Imo qui non possidet, etiam si consensu aut jussu Possessoris constitutum faciat, possessionem non transferet, post alios Corneus conf. 5 lib. 2. & conf. 183. lib. 3.

Obijciunt tamen ex *l. interdum*, ff. eodem, ubi possessionem, quam non habemus, alii tradere possumus, qui textus difficilis visus est. Recte tamen solvitur, si ex doctrina Cujacii *ibidem* dicemus, id non intelligi absolute de possessione, sed respective ad qualitatem tituli, quod ex specie, quam subiecit Jurisconsultus, demonstratur. Ego enim fallo me heredem esse putans, pro herede possidebam; nam inter titulos possidendi unus est, qui dicitur pro herede; & cum nondum res usucapione mea facta esset, veritate comperta, & vero herede cognito, ab ipso eam rem precario rogo, ut in ejus possessione sim. In hac specie ego, qui precario rogo, desino possidere, *l. 6. in prin.* ff. pro emptore, & incipit verus heres ex precarii concessionem eam rem possidere pro herede, nam in precario est traditio legalis, ut supra expositum est. Sic ego, qui vere post malam fidem non possidebam pro herede, facio alium verum possessorem pro herede. Ex quibus apparet, hic non agi de absoluta possessione, quæ utique est apud me, qui fallo pro herede possideo, ut constat ex eo, quod ulucapere possum, ut in *d. l. interdum* habetur. Quocirca, cum ibidem dicitur, me non habere possessionem, id intelligendum est de possessione tali, idest pro herede, & talem possessionem, qualem ego non habeo, falso meo verus heres nascitur.

Ceterum, quamvis Tutor constitutum facere nequeat, cum rem Pupilli exempli gratia vendit; tamen si venditio solemniter fa-

cta proponatur, & utile Pupillo sit, possessionem intelligi translatam, ne scilicet Pupillus ex empto teneatur, contra Juris regulas ex æquitate receptum est in foro, constitutum valere, Faber in *Cod. hoc tit. def. 17*. Id ipsum est, si fiat a Przlato, & venditio in utilitatem Ecclesiæ tendat, Alex. conf. 81. lib. 3.

## Q U Æ S T I O I.

*De Constituto hypotheca adjecta, & judicio Assistentia.*

**P**Lura hic in antecessum notanda sunt. 1. Quoniam per pignus transfertur rei obligataz possessio, quæ per hypothecam non transfertur, *l. cum & fortis*, §. 1. ff. de pignor. act. nimirum quia pignus re & traditione contrahitur, §. creditor, *Inst. quibus modis re contrah. oblig.* Hypotheca verò nuda conventionione, *l. contrahitur*, ff. de pignor. Propterea Creditores, quo sibi cautum fieret, ceperunt sibi clausula Constituti consulere; ea enim hypothecæ adjecta, sit ut Creditor sicuti in pignore, ita in hypothecæ, veram rei hypothecataz possessionem nanciscatur, cujus cultus tantummodo Debitor sit. Præterea cum Creditor pro ea re agit, non de recuperanda possessione, sed de retinenda agere videtur.

11. Pactum exequutivum oritur ex clausola, ut liceat Creditori propria auctoritate ingredi possessionem rerum sibi obligatarum; cujus vi si Creditor conventionis legem exerceas possessionem hypothecataz rei sua auctoritate occupet, non dicitur vim facere, quomodo diceretur, si id pactum non intercessisset, *l. pignoris*, C. de pignor. act. Civilius tamen facies, si in eam rem Judicis auctoritatem interponat, *l. 3. C. de pignoris*; ne scilicet majores tumultus occasio detur, *l. non est singularis*, ff. de reg. juris. Ideo autem hoc pactum appellatur exequutivum, quia ejus potestate sit, ut contra solitam juris formam ab exequutione incipi possit, cum aliqui semper inperpetuum sit ab act. one, *l. 1. C. de execut. rei judic. l. extant*, ff. quod metus causa. Eo pacto cessante, si Creditor rem hypothecatam invadat, tenetur lege Julia de vi, *l. in possessionem*, C. ad legem Juliam de vi, renuente scilicet, & repugnantem Debitori; nam aliqui tunc Creditor clam subtrahat pignus, non furati, sed pignori suo incumbere videatur. *l. cum Creditor ff. de furtis* Quæritum tamen est, si res pignorata apud extraneum Possessorem sit, utrum Creditor eodem Jure possit

possit uti? Et negat Martinus, affirmat Accursius in *d.l. 3. quia verba illa pacti, Ut liceat rem capere*, in rem concepta sunt, non in personam, argumento ex *l. si cum venderet, ff. de pignorat. acti.* Confirmatur ex eo, quia pactum, ut liceat manus iniungere servo, si Romæ, exempli gratia, sit, vel ancillæ sit prostituitur, appositum venditioni. exerceri potest apud quemcumque possessorem servus vel ancilla sit, scilicet quia pactum in rem est, *l. Titius, ff. de servis exportandis l. 1. C. si mancipium ita venerit.*

Ceterum manus iniectioni nihil aliud est, quam facultas propria auctoritate capiendi, ut ibidem Duareus monet. Hoc tamen alii tunc admittunt, cum pactum exequutivum conjunctum est clausulæ constituti, Bartolus in *l. Creditores num. 25. C. de pignoribus*, Baldus *l. 1. C. si mancipia ita fuer. alien. & conf. 21.* Vide de hac re disputantem Fabrum *dec. 57. err. 8. & 9.*

III. Creditor ex constituto jam factus possessor rei hypothecatz, gaudet beneficio ex *l. ult. C. unde vi*, de quo supra actum est. Ejus autem maxima utilitas est: nam Creditori ex hypothecaria agenti contra tertium possessionem, duplex potissimum exceptio nocere solet; una non factæ excussionis, si modo tertius ille possessor titulum habeat, & bonam fidem, *auth. hoc si debitor, C. de pignoribus*; altera præscriptionis, si tertius ille possessor rem obligatam possederit æque cum titulo & bona fide per decennium inter præsentem, aut per vicennium inter absentem, *l. 1. & 2. C. si adversus Creditorem.* Utriusque exceptionis incommodum, Creditor cum constituto effugit, si pro hypothecaria eligat conditionem ex *d. l. ult.* agens non de possessione acquirenda, sed retinenda. Excussionis quidem, quia hæc exceptio tribuitur possessori contra non possidentem, quod non est in specie nostra, ubi Creditor se possidere dicit. Præscriptionis vero, quia conditio ex lege perpetua est, exemplo veterarum actionum personalium, & in trigessimum usque annum extenditur, *l. hereditas, C. de petit. heredit. l. sicut, C. de præcrit. 30. annor.* Ita de communi Afflictus *decif. 139.* quamvis repugnet Faber *dec. 57. err. 4.* Ceterum beneficium *d. l. ult.* censetur imploratum ex clausula libello adjecta, *Isto, & omni meliori modo*, Thesaurus *dec. 215. num. 6.*

Ex his omnibus oritur in nostro Regno iudicium, quod Assistentiæ dicitur, ideo quia Juxta Creditores tantum assistit, qui aliqui propria auctoritate res sibi hypothecas cape-

re possent; sed ne inciviliter agat, Judicia assistentiam implorat. Et de hoc habetur in *pragm. Ferdinandi I. quæ incipit, Assistentiam & appetitum.*

Pro quo iudicio plura principalia notanda sunt. Primo, auctori probandum esse, in instrumento prædictas Glanfulas constituti & preearii, cum potestare capiendi, fuisse appositas, quod ex ipsa instrumenti productione patebit, vide de Merinis *7. ref. 281.* Probandum etiam, res nobis a debitore hypothecatas reperiri apud reum conventum, Afflictus *decif. 383.* Allegandum præterea, res fuisse in bonis & de bonis Debitoris tempore contractus initii; nam hypotheca in rebus aliena non consistit. Id dicitur de bonis nostris, quod a nobis possidetur: id vero esse de bonis, cujus nos dominium habemus, *l. rem in bonis, ff. de acquir. rerum dominio, l. & quia nondum, §. quod dicitur, ff. de pignoribus, §. ult. Injlit. de vi honor. raptor.* Ceterum ideo dicitur in bonis, quia olim dominium bonitarum exigebatur: nec enim Quiritarium satis erat ad res pignori dandas, Faber *dec. 63. error. 4.*

Verum in ambiguo est, an dominium semper probandum sit, an potius allegasse sufficiat. Quod dubium in actione etiam hypothecaria seu serviana locum habet. Et distinguendum est; nam si adversus debitorem, quæ res hypothecæ subjecit, ejusve heredem actio instituat, dominium probare necesse non est; nam si Debitor dominii questionem moveret, doli replicatione exceptio elideretur, *l. si inter, §. 1. ff. de pignoribus.* Quare satis erit dominium in libello allegasse ex Afflictus *dec. 37. n. 5.*

Quod si agatur adversus extraneum rerum oppigneratarum possessionem, hic aut habet causam a Debitore ipso, sive onerosam sive lucrativam, & eodem modo sufficit allegari dominium, quamvis non probetur; nam si exciperet debitorem dominium non fuisse, fateretur simul suam turpitudinem, ut qui sciens prudens rem a non domino accepit, Afflictus *d. dec. 383. n. 2.* Si vero extraneus iste possessor non habuit causam a Debitore, sed ab alio, dominium Debitoris probandum est omnino, ex *l. ante omnia, ff. de probat.* ubi Actor non solum pignus probare debet, sed etiam rem pertinuisse ad Debitorem, id est, in bonis ejus fuisse, eo tempore, quo convenit de pignore, ut est communis opinio apud Gaitum de credito *cap. 4. qu. 7. n. 688. & seqq.* post Cynum cum

cum Glossa in *l. usufructus*, C. de pignoriis, Rovitus in *de pragmat. assensum*. Vide Fabrum *dec. 63. aberr. 1. ad 7.*

Verum in nostris Tribunalibus, cum de iudicio Assistentie agitur, receptum est, Actori aliud non incumbere onus, nisi probandi rem fuisse a Debitore possessam tempore contractus initii. Nam quamvis in simplici hypotheca, & actione serviana, cum agitur adversus extraneum, non habuit causam a Debitore, opus sit probare dominium, ex *d. l. ante omnia*; tamen negant, id exigi in Assistentia, in qua agitur tantummodo de retinenda possessione: & proinde satis est Debitoris possessionem docere. Et quamvis alterius damnum adesse videatur; id tamen reparabitur ex regressu, seu evictione, quæ ipsi reliqua est contra eum, a quo causam habuit.

Non acquiescit huic rationi Rovitus *loc. cit.* sed replicat, nullum hic esse locum remedio possessorio, quia interdictum Salvianum solum contra Debitorem competit, *l. 1. C. de precario*, & *Salviano*. Præterea remedium Iulianum in *l. ult. C. cod.* datur quidem contra tertium, sed quando ex culpa vel dolo Custodis possidet, Superest ergo, ut agatur tantum vi actionis hypothecariæ, seu Servianæ, quæ iudicium petitorio constituit, & in quo dominii probatio exigitur, *d. l. ante omnia*. Quam rationem Rovitus irrefragabilem putat.

Respondet tamen potest, Assistentiam, quæ impartitur contra extraneum rerum possessorem, non oriri ex simplici hypotheca cum potestate capiendi sua auctoritate; sed ex Constituto, ut ex *d. l. ult. C. eodem*, ut supra est explicatum. Et quamvis remedium *d. l.* non impetietur ex Iuliano, nisi quoties extraneus habet causam a Custode, qui desidia vel dolum possessionem perdidit; tamen ex Rege Ferdinando id videtur productum, etiam ubi extraneus a Debitore causam non habet, ut ex *Pragmatica* tenore constat.

At fortasse melius dicitur, Interdictum Salvianum, si de utili sermo sit, dari etiam contra tertium possessorem, ex ipso Salvii Iuliani responso in *l. 1. in prime*. & *§. 1. ff. de Salviano*, quamvis verum sit, Interdictum directum non dari, nisi contra Debitorem, ut Glossa intelligit textum in *d. l. 1. C. de precario*: Ita quoque Cujacius *5. observ. 24.*

Secundo contra agentem Assistentiam, ut diximus opponi, non posse executionem Debitoris, seu Rei principalis, sed ipsum posses-

sorem statim ab initio recto conveniri, *d. Pragm. 1. de Assistentia*.

Verumtamen de Marinis *2. ref. 62.* docet, mortuo Debitore, qui sua bona sub prædictis clausulis obligavit, non posse a Creditore Assistentie iudicium proponi contra extraneum, non discussio prius heredi Debitoris. Nititur in eo, quod præcarium per rogantis mortis extinguitur, *l. cum precario*, & *§. 1. ff. de precario*. Id tamen melius probatur ex natura Constituti; quippe in Assistentia magis Constitutum, quam Precarium viget Constitutum ætem finitus morte constituentis, tanquam morte Custodis, Menochius de *recup. rem. 14.* Tiracquelus in hoc *tract. ampliat. 13. & limit. 21.*

Tertio in iudicio Assistentie peti, vel ut bona hypothecata vendantur sub hasta, vel ut facta estimatione nobis adjudicentur pro re debita, restituta hyperochæ Reo convento, juxta tradita in *l. ult. C. de Jure domini impetrando*.

Inter utrumque illud interest, quod sententia si feratur in quantum ad adjudicationem, utique retardatur, cum de nullitate dicitur, non etiam si Reus appellet, *Pragm. 2. de appell.* modo Creditor cautionem præstat, se restitutum bona adjudicata, si sententia retractetur per Judicem appellantis, de Franchis *desif. 136.* Muscatell. in *praxi gloss. ult. num. 115.* Quamvis autem appellando executio non impediatur in quantum ad sortem, impeditur tamen in quantum ad id quod interest, scilicet, si in instrumento promissum non sit, Rovitus in *Pragm. 2. n. 3.* Quippe si id, quod interest, in instrumento promissum est, sententia neque etiam in quantum ad id retardatur. Censetur autem promissum per consuetas illas clausulas, *Ad panam dupli*, &c. *Pro quibus omnibus observandis*, &c. de Marinis *1. resol. 76. num. 6. & 8.*

Quod si sententia feratur in quantum ad venditionem; per appellationem retardatur executio, eo quod *d. pragmatica* sermonem tantum habet de adjudicatione, de Franchis *dec. 120.*

Ceterum post adjudicationem non recipitur oblatio debiti a Debitore facta, quia hoc pignus judiciale est in causam judicari. Secus est in pignore conventionali, ubi facta adjudicatione permittitur Debitori luitio intra biennium, *l. ult. §. si vero nemo*, C. de *Jur. dom. impetr.* Glossa in *l. ult. C. de execut. rei indic.* Ita Rovitus in *d. pragmat. 1. de Assistentia*.

Quar-

Quarto tandem Assistentiæ beneficium spatium 30. annorum præscribitur, quoniam actio personalis est ex conditione legis, argumento ex l. 1. c. de condit. ex lege, & ita apud nos servatur, quamvis Curtius junior crediderit decennio præscribi, late Menochius de recuper. rem. 14.

## Q U Æ S T I O II.

An constitutum re absente factum subsistat.

ET si vulgo ab omnibus receptum sit, ad Assistentiæ iudicium instituendum satis esse Constitutum in instrumento appositum, quamvis re absente factum, cum nunquam desideratum sit, ut Actor de rei præsentia doceret: Faber tamen contra omnes reniti non dubitavit, qui magno apparatu dec. 75. err. 1. & seqq. contrarium propugnavit, nempe nullam vim Constitutum esse, nisi re præsentia fiat, miraturque hanc veritatem ita tot seculis latuisse, ut nullum ipsa ante se auctorem aut assertorem invenerit.

Movetur Faber ex pluribus. I. Ratione ex natura Fictionis; nam commune est omnibus fictionibus, ut ita demum induci debeant, si veritas locum haberi possit quia fictio imitatur naturam: quomodo in adoptione receptum est, quod non est nisi liberorum, nempe quia secundum naturam non est, ut quis sibi procreet fratres, vel parentes; item eorum, qui minores natu sint, ne filius videatur grandior, quam pater sit, §. minorum, Instit. de adopt. Ita si quis in iudicio interrogatus, respondeat filium suum esse, ita se obligat, si ætas ejus pateretur, ut filius ipsius esse possit: quia falsæ confessiones natalibus convenire debent, ut ait Paulus in l. confessionibus, ff. de interrogat. actio. Concordat textus in l. filius, ff. de l. b. & possib. & l. ult. c. de sent. passis. Unde vulgo dicitur, fictionem exigere extrema habilia, & cadere in iis, quæ possibilis natura sunt. Atqui per naturam impossibile est, ut vere possessio sine rei præsentia transferatur, quippe transferretur per traditionem, quæ nihil aliud est, quam de manu in manum translatio. Ergo neque etiam fictæ per Constitutum potest rei possessio transferri, nisi ipsa res præsentia sit: aliter major fictionis potestas esset in casu ficto, quam veritis in casu vero, quod est absurdum.

II. Per inductionem a similibus, quia in aliis fictæ traditionis speciebus rei præsentia

tanquam omnino necessaria exigitur, ut constet ex traditione clavium, rei demonstratione, appositione custodis, consignatione, & similibus, de quibus diximus supra. Et ratio est, quia possessio non nisi animo & corpore acquiri potest l. quemadmodum, ff. eodem. Igitur eodem modo, & eadem de causa, præsentia rei, omnino necessaria est, ut per Constitutum possessio, quæ penes me est, in te transferatur.

III. Jure ex l. ejus rei 46. cum sequ. ff. de reivind. ubi cum actione in rem petissem a te servum, tanquam a possessore, ob contumaciam juravi in litem, & damnatus es tantum mihi dare, quanti servus a me iurejurando æstimatus est. Quæsitum est apud Paulum, cuiusnam modo servi dominium sit, Rei an Actoris? Et respondet distinguendo: aut servus præsens est, & statim Reo seu Possessori servi dominium acquiritur, quasi Actor transgisset de lite, contentus Juri suo cedere. Aut absens servus est, & remanet dominium apud Actorem, quod non adipiscetur Reus, nisi novam possessionem nactus sit ex voluntate Actoris, qui propterea cavere debet, Quod per se non fiat, possessionem ejus rei non traditum iri: Ergo ut rei dominium in alium sine præsentia rei nequit transferri, ita nec possessio. Neque enim recipienda est Accursii interpretatio, qui rem præsentem accipit non pro ea, quæ sit in oculis & conspectu Contrahentium, sed quæ sit in potestate Rei, quod latini sermonis ratio non admittit, ut notat Cujacius 4. obs. 3.

Nec rursus recipienda est ipsius Cujaci expositio, qui speciem textus concipit in eo, qui dolo desit possidere; nam ita res præsens, & in conspectu esse non potest, ut Faber monet err. 4.

Non est tamen recedendum a communi recepta opinione, quæ docet, si quis alieno nomine possidet, licet eo tempore præsens res non sit, statim tamen eo constituto possessionem in Constitutum transferri, Doctores cum Tiraquello de jure constit. possess. par. 2. ampl. 3.

Constat id ex l. quadam mulier. 77. ff. de reivind. Species est: quædam mulier alteri per epistolam fundum donavit, & eundem fundum ab eo conduxit. Quæritur est ab Ulpiano, an dominium fundi Donatario quæsitum sit, ut eum vindicare possit. Ratio dubitanda.

bitandi erat, quia temporibus Ulpiani donatio non nudo consensu fiebat, sed aut stipulatione, aut traditione, *l. Papinianus, ff. de donat. int. vir. & uxor.* aut etiam mancipatione, quæ deinde sublatæ est in *l. ult. C. de donat.* Cum ergo in ea epistola nihil ex his interveniret, dubitari de validitate donationis, & proinde de translatione domini poterat. Respondet tamen Ulpianus in prima parte textus, acquisitum esse dominium Donatario, ea nempe ratione, quia Mulier a Donatario eundem fundum conduxerat; quæ conductio inducit speciem traditionis fictæ legalis, quia nemo fundum suum conduceit; ut eam quoque inducit exceptio usufructus, quia nemo in re sua usufructum habet, *l. quisquis rem, C. de donat.* Quocirca Mulier donando fundum per epistolam, & eundem a Donatario conducendo, videtur ejusdem dominium in Donatarium transfuisse. Facta est ergo donatio per traditionem, licet fictam, & proinde Donatario non est neganda reivindicatio. Et hic est sensus verborum Ulpiani, ibi: *Possit defendi, in rem ei competere actionem, quasi per ipsam (Mulierem) acquisiverit possessionem, veluti per colonum.* Hic nullam fundi præsentiam exigit Ulpianus, ut Mulier, quæ suo nomine possidebat, constituatur alieno nomine possidere: quare ea præsentia necessaria non est.

Disimulat hoc argumentum, quod firmissimum est, Faber *err. 10.* & ut videatur aliquid reponere, confugit ad posteriorem textus partem, in qua Ulpianus habet: *Proponebatur, quod etiam in eo agro, qui donabatur, fuisset, cum epistola ei mitteretur, quæ res sufficiebat ad traditam possessionem, licet conductio non intervenisset;* quæ verba docent, donationem factam præsentia fundo, id est, ipsa Muliere in fundo manente, ut explicat Faber: vel potius Donatario, ut alii magis communiter post Accursium. Sed non vidit Faber, Ulpianum in eo textu duplici uti argumento ad probandam domini translationem in Donatarium, quæ argumenta disjunctive concepta sunt, non conjunctive, ut constat ex illis verbis: *Licet conductio non interveniret.* In priori argumento nihil potest habere Ulpianus fundi præsentiam, sed solum nititur in eo, quod Mulier donavit fundum, simulque conduxit: in posteriori tantum confugit ad fundi præsentiam, & ait hanc satis fuisse ad translationem domini, licet conductio non in-

tervenisset. Igitur alterutrum satis est, vel conductio sine fundi præsentia, vel præsentia fundi sine conductio, ut facile consideranti patet.

Nec supraposita Fabri argumenta quidquam remanent. Nam quod attinet ad primum, tametsi concedamus, fictionem semper imitari naturam, semperque extrema habilia exigere, tamen nihil est necesse extrema hæc esse secundum veritatem, cum sufficiat, si fictæ a lege præstuantur ad effectum consequendum. Exemplis res clara fiet; nam potest quis filium adoptare, licet uxorem non habeat, *l. & qui uxores, ff. de adopt.* quod Accursius in *§. licet, Instit. cit. tit.* contra naturam esse dixit, scilicet, quia non attendit, legem antecederet figere, adoptantem uxore non careere, ex qua matre is filius natus censetur. Eodem modo qui filium non habet, alium in nepotem adoptare potest, *d. §. licet, & l. adoptare, ff. cit. tit.* quia Jus operativum filium fingit, ex quo is nepos natus sit. His ita positis, facile est intelligere, quod Fabro respondendum sit; nam cum ait fictam traditionem, quæ est in Constituto, non posse locum habere sine rei præsentia, dicimus id quidem verum esse, sed non requiri, ut rei præsentia vera sit, fictiæ nec in adoptione filii requiritur, ut vera adsit uxor, nec in adoptione nepotis, ut verus adsit filius; satis enim est ficta a lege uxor, fictus a lege filius. Quare in specie nostra satis quoque erit ficta a lege rei præsentia, quæ ut natura in necessariis non deficit, & omnia ea præsupponit, quæ ad effectum consequendum exiguntur. Itaque non major est fictionis, quam veritatis potestas, sed æqualis.

Nec majorem vim habet alterum Fabri argumentum ex inductione similium; sciatur enim a lege aliquando in fictis traditionibus veram rei præsentiam exigi; at negamus id semper verum esse: nam, ut loquamur tantum de traditione legali, in quo genere est Constitutum, utique satidario, quæ præstat ab eo, cui novum opus nunciaturum est, rei præsentiam non exigit, *l. si alius fecerit, §. ait Julianus, ff. quod vi aut clam;* ita nec exceptio usufructus donationi, doti, aut venditioni adjecta, *l. quisquis rem, C. de donat.* ita nec precarium, aut conductio, *l. si aliquam, ff. mod.* Et de Jure Canonico Corona memorialis rem præsentem non requirebat, da qua supra fuit dictum. Unde Fabri argu-

men-

mentum ruit; nam indoctus, nisi ex singulis fiat, non concludit. Itaque iterum dicimus, in traditionibus fictis satis esse fictam rei præsentiam ex potestate legis, nec veram nisi in specialibus quibusdam casibus exigi: & hoc abunde esse, ut possessio corpore & animo dicatur quæsitæ.

Ultimum Fabri argumentum difficilius videtur, quod fit ex *l. ejus rei, cum sequ. ff. de reivind.* Nam statim initio in difficili est speciem ejus legis concipere, quam nemo habens assequutus est. Vulgo Doctores, & Faber *err. 4. de Possessore*, qui a Domino conventus, cum succubuisse, noluit parere, & rem restituere; quare ob contumaciam Rei, Actor juravit in litem, & damnatus est Reus tanti solvere, quanti juratum fuit. Quam interpretationem recte Cujacius *4. obs. 3. rejicit ex Ulpiano in l. qui restituere, ff. de reivind.* Qui restituere, inquit, jussus Judici non parer, contendens non posse restituere, siquidem habet rem, manu militari, officio Judicis ab eo possessio transferretur: si vero non potest restituere, quia dolo fecit, quo minus possit, quasi *Adversarius in litem sine ulla taxatione in infinitum juraverit, damnandus est.* Quocirca Cujacius ipse speciem ponit non in possessore, sed in eo, qui dolo desit possidere, atque adeo tanti fuit damnatus, quanti Actor in litem juraverat. Hæc interpretatio non sine ratione displicet Fabri, quia aperte repugnat ipsi Paulo in *d. l. ejus rei*, ibi: *Dominum statim ad Possessorem pertinet.* Quidquid igitur dicas, semper alterutrum fiet; aut enim speciem ponis in Possessore, & repugnabis Ulpiano, qui a Possessore contumace rem extorqueri a Judice manu militari ait, non etiam contra eum jusjurandum in litem dari: aut ponis in eo, qui dolo desit possidere, & repugnabis Paulo, qui Reum conventum rei possessorem facit.

Ut ergo has tricas evadamus, alia omnino via incedenda est, quam aperit Justinianus in §. 1. *Instit. de offic. Jud.* ubi docet, jusjurandum in litem aliquando dari etiam contra Possessorem, si scilicet neget Possessor in præsentem restituere posse, & sine frustratione temporis dilacionem ad restituendum petat: eo casu, ait Imperator, indulgendum ei esse, cum eo tamen, ut de litis æstimatione caveatur sum fidejussore, si intra tempus, quod ei datum est, non restituerit. Hic Reus utique possessor est, nec tamen ei manu militari res, quam restituere jussus est, a Judice extorque-

tur; quia non ob contumaciam negat restituere, sed ob justam causam negat restituendum petit, veluti quia tempore, quo jussus est, res longe abest. Tamen si intra tempus ei a Judice concessum non restituit, datur in eum jusjurandum in litem; acripe quia iudicialiter obtinenda, de litis æstimatione caverat, licet adhuc ipse rem possideret, nec eam dolo desierit possidere. Ita ergo ponenda est species textus in *d. l. ejus rei, cum sequ.* Quærit modo Paulus, cujus fit post jusjurandum in litem rei petite dominium; Et ait, dominium intelligi translatum in Reum, si res præsens sit. Colligit inde Faber: Ergo idem in possessione dicendum, eam non intelligi translata, nisi ficta traditio te præfenti fiat.

Sed non vidit Faber, inter dominium & possessionem longe discrepare esse rationem, nec recte hic ab eo, quod dicitur de dominio, argumentum posse duci ad causam possessionis; quamvis enim verum sit, ad translationem domini veram rei præsentiam exigi, non tamen id ipsum est ad translationem possessionis. Ratio disparitatis est, quia ad amittendum dominium non est satis voluntas, nec res definit esse mea, quam dixi me nolle esse meam, nec quam pepigi ac esset mea, sed tua: quippe præter voluntatem factum opus est, *l. si quis vi, §. differentia, ff. eodem*, & diximus supra in §. *nihil commune, par. 1.* Cum ergo in specie Pauli nullum intercedat Actoris factum, propterea non est satis æstimatio litis a Judice decreta, ut dominium dicatur ab Actore translatum in Reum: quare est necessaria rei præsentia, ut ita aliquid factum saltem negativum intercessisse dicatur; id est, ut Actor rem præsentem videat, nec petat, & permittat Reum eam sibi habere. Non ita hæc se habent in possessione, quæ solo animo, sine ulla facto, potest amitti, *d. §. differentia.* Quare nil mirum, si in possessione per fictionis modum transferenda, vera rei præsentia non exigitur.

### Q U Æ S T I O III.

*An Constitutum in bonis futuris subsistat.*

Communis sententia post Jacobum Burdigarium docet, eum qui omnia sua bona præsentia & futura constituit se alieno nomine possidere, posseturumque, statim quidem præsentium possessionem in alium transfer-

re,

re, futurorum vero tunc, cum quaerita erunt. Sequitur Bartolus in *l. ult. C. qua res pignori, & conj. 76.* Et in Sacro Consilio decilum est, Creditori, cui Debitor omnia sua bona etiam futura hypothecavit, cum clausula Constituti, & potestate capiendi, concedendam esse assensum in bonis etiam, quae Debitor post constitutum celebratum acquisivit, ut refert Assensu dec. 37. & 335.

Probant id ex pluribus. I. Quia hypotheca in bonis quoque, quae Debitor est subsequenti tempore quaeritur, recte celebratur, etsi Debitor expresse de futuris mentionem non habeat, sed simpliciter dicat, se res suas supponere, *l. ult. C. qua res pignori.* Ergo eodem modo in rebus futuris Constitutum recte potest iniri, cum nulla disparitatis ratio addit.

II. Ex Pomponio in *l. quamvis, ff. de precario*, ubi quamvis ancilla precario rogata sit, tamen & id, quod ex ea natum est, in eadem causa habetur. Et quod ad praesentem rem attinet, nihil a Precario Constitutum distat.

Renitur tamen huic opinioni post alios Baldus in *cap. cum venisset, de reslit. spoliat.* & Faber dec. 4. err. 8. Sed aliis atque aliis rationibus utitur.

Quippe Baldus utitur textu in *l. 1. & 2. ff. pro socio*, ubi inita omnium bonorum societate, quamvis haec ad futura etiam se extendat, tamen sicla traditio, qua bona communicantur, non intelligitur intervenire, nisi in bonis praesentibus, ut patet ex illis verbis: *Omnes res, quae coeunt sunt, continuo communicantur.* Sunt, inquit, non etiam quae futura sunt. In rebus itaque praesentibus Constitutum fit; quia Socius ea, quae suo nomine possidet, ex tacito constituto, communi nomine incipit possidere: unde inter ipsos communicatur possessio, & per consequens dominium, ut Accursius norat. Nihil autem hic interest, utrum constitutum taceum communicationis gratia hic sit, ex potestate legis, an expressum causa abdicacionis ex facti. Contraheutis. Quocirca sicut illud in bona futura locum non habet, ita neque istud. Quod autem bona futura inter Socios non communicentur, patet clarius ex *l. si quis societatem, ff. cit. tit.* ubi Socius rem, quam emit, suam facit, non communem, iudicio tamen societatis eam communicare cogitur.

Aliam viam ingressus est Faber, qui hujus disputationis rationem investigare conatus est.

Tom. I.

Quoniam enim ea Constituti vis ac potestas est, ut statim possessionem a Constituyente transferat in Constitutarium; ideo si in rebus futuris locum posset habere, utique consequens esset, ut quo instanti quis rei possessionem nanciscitur, eodem in alium transferret, sine ulla temporis intercedendine. Quod natura repugnat, cum eodem instanti possessio mea & non mea esse non possit, seu eodem momento acquiri & amitti; quia acquisitio & amissio possessionis res facti sunt, & certum inter se ordinem habent, nec simul per rerum naturam esse possunt. Quae repugnantia in Constituto rerum praesentium non est, nam transfero in alium possessionem, quam jam antea habebam.

Nec contraria obstant; nam quod ad primum attinet, longe dispar est ratio inter hypothecam & constitutum. Nam dominium, & pignoris obligatio res Juris sunt, plurimumque in ipsis Juris potestas valet. Et Jus in eodem instanti utrumque commode operatur. Non ita est in acquirenda & transferenda possessione, quae tota ex facto est: quae autem facti sunt, & certum inter se ordinem habent, temporis momento expediti non possunt. Natura enim, quae in rebus facti valet, nisi in tempore non agit.

Ad alterum argumentum, negamus ancillae partum intelligi precario concessum, ut recte ibi Accursius ait: neque haec Pomponius habet, solum dicit, partum in causa precarii esse. Quod non est novum in Jure nostro; nam si servum tibi commodem, utique vestis, qua vestitus est, non intelligitur tibi commoda, sed tantum in causa commodati cadit, id est, hujus quoque custodia ad te pertinet: quare turti actionem etiam pro veste habebis, *l. exm qui emis, §. non solum, ff. de furtis*, ubi idipsum esse dicitur in ancilla, & in eo, quod ex ipsa natum est. Ideo autem partus in causa precarii aut commodati cadet, quia accessorium est ad ancillam, ut vestis est accessorium ad servum. Quorum nihil est in specie nostra, ubi res omnes principales sunt tam praesentes, quam futurae, nec illae illis accedunt.

Instabis ex *l. qui absenti, §. 1. ff. eodem*, ubi a Juliano comparatur possessio & proprietates in hoc, quod utraque sub conditione tradi potest, dicendo, cedo fundum, & do possessionem fundi; si meus fundus erit; existente enim conditione, fundus aut possessio succipientis sunt. Atqui Constitutum de rebus fu-

turis eodem modo videtur interpretandum, tanquam si constitutum me nomine tuo possidere, si res mea erunt.

Hæc difficultas in speciem difficilis est, nec ab ea Faber se extricare potuit. Longe tamen unus casus ab altero abit. Sermonem quippe Julianus habet, cum trade tibi fundum alienum, & possessionem cedo, si fundus meus erit; tunc enim existente conditio me, ideo possessio fit tua, quia plura & contraria facta non concurrunt in eodem instanti; sicut enim lex hoc ca. y, cum conditio existit, utitur traditione antecesserit facta, ita quoque ea possessione utitur, quæ tempore traditionis in cedente erat, quæque in accipientem transit: quia licet fuerit naturalis, solo tamen animo transit in civilem, accedente scilicet animo Domini. Itaque facta antecesserit conditionem, quæ existente solum Jus operatur. Non ita le res habet in specie nostra; nam quo tempore constitutum inibant Contrahentes, nulla possessio penes Constituentem erat, nulla traditio neque vera, neque ficta intercessit. Omnia ergo facta recipiuntur in tempus tacite conditionis, quæ in Constituto inest, nempe si res mea fient. Quare in eodem momento possessio facta acquiritur, & amittitur, quod natura repugnat.

### QUESTIO ULTIMA.

*Quibus modis Constitutum, & Precarium finitur.*

**H**Oc pluribus modis accidit: de omnibus videamus. Ita primo est Solutio; quod tamen in Constituto factum est. Ponamus enim Constitutum adjectum hypothecæ, ut cautius sit Creditori, soluta pecunia a Debitore, evanescit quidem hypotheca, cum solutio sit inter modos liberandi pignora; l. 1. in princ. ff. quibus modis pignus vel hypotheca solvitur; at remanet Constitutum, quia obligatio non est, sed factio constat, & non nisi traditione ficta vel vera in alium transfertur, id est, in Debitorem, qui solvit: sicut enim possessio pignoris, quæ vera traditione translata est in Creditorem, solutione non cessat, nisi restituitur pignore, l. Debitor, §. ult. ff. de pignor. act. ita nec possessio hypothecæ rei, quæ per fictam traditionem Constitutum est penes Creditorem, non enim solutio est inter modos fictæ traditionis. Opus est igitur novo Constituto.

Si de precario hypothecæ adjecto sermo sit, verum est ex l. si Debitor, ff. de precario, ubi si Debitor rem pignoratam precario rogavit, soluta pecunia precarium solvitur. Ratio hujus singularitatis est, quia Interdictum de precario naturali & summa æquitate nititur; l. 2. l. 1. & habet 13. ff. cit. tit. Quæ æquitas Juris rigorem, sive subtilem Juris rationem, refugit, & non patitur, ut precarium hypothecæ adjectum in gratiam Creditoris, periret, ubi quis per solutionem sibi factam Creditor esse desit: quare solvoluta hypotheca, statutum est precarium solvi.

Obstare tamen videtur, l. si rem alienam ff. de pignoratitia actione, ubi resoluta pignore, precarium manet; nam si rem alienam bona fide emeris, & mihi pignori dederis, & precario rogaveris, deinde me Dominus heredem instituerit, desinet pignus esse, & sola precarii rogatio supererit. Sed dicimus, hic æquitatis rationem celsare; quia pignus resolvitur, non quia Creditori, in cujus gratiam & pignus & precarium factum est, pecunia a Debitore soluta sit, sed quia ex institutione factus sit pignoris Dominus: pignus enim in re sua non consistit, l. neque pignus, ff. de regulis juris, l. si rem alienam, ff. de pignoratitia actione. Quocirca, cum cadat a Jure pignoris per institutionem, non per solutionem, æquum non est, ut Jure etiam precarii privetur, ex quo Debitor non sibi, sed Creditori possidere intelligitur.

Secundo tempore; siquidem Precarium & Constitutum tempore circumscriptum sit. Et si Doctores post Bartolum in l. in commodato, §. sicut autem, ff. commodati, credant in eo maxime differre Precarium a commodato, quod commodatum fiat ad certum usum, & ad certum tempus, precarium vero nec ad certum usum, nec ad certum tempus; hæc tamen sententia aperte refellitur ex l. 4. §. fin. l. 3. & 6. in princ. l. equalitum, §. pen. ff. de precario, in quibus omnibus scriptum est, precarium aliquando ad certum tempus constitui. Illud verum est, quod notat Faber der. 77. err. 2. ad finem, non impediri precarii revocationem hujusmodi adjectione temporis, quia non in favorem accipientis, sed in gratiam solius concedentis adjectum intelligitur, uti explicandus est textus in l. cum Precario 12. ff. cit. tit. quamvis Faber err. 3. a Triboniano corruptum putet; nimirum ut eo saltem tempore finiatum ipso Jure precarium,

ita



ita ut nulla sit opus revocatione; quæ alioqui elset omnino necessaria: utque rogator prævidet futurum, ut elapso eo tempore nova indigeat concessione ad redintegrandum precarium, si non ante præteritum tempus fuerit revocatum, *d. l. 4. §. ult. & l. 5. cit. tit.* In commodato aliud juris est; nam tempus ei adjicitur commodatarii præteritum causa, ne interim urget & inquietari possit.

Ceterum hæc temporis adjectio in Constituto videtur eodem modo æstimanda, ac in Commodato; ita tamen ut tempore præterito adveniente cogi debeat Constitutarius ad cedendam Constituenti per novum Constitutum possessionem, Faber in *Cod. hoc tit. def. 25. & 32. Theol. dec. 21 §. num. 8.*

Tertio morte. Precarium quippe licet transferat ad heredem ejus, qui precario concessit, extinguitur tamen morte Rogatoris, & ad heredem ipse non transit, quia ipsi duntaxat, non etiam heredi ipsius concessa possessio est, ut ait Celsus in *d. l. cum precario 12. §. 1. ff. de precario*. Itaque heres Rogatoris, si rem detinere pergat, non tenetur interdicto de precario, quod jam expiravit, *l. cum heres, ff. de div. & temp. præser.* At quia clam videtur possidere; conveniatur interdicto Quod vi, aut clam, Paulus *5. sentent. tit. de precario*. Vel certe actione reivindicacionis, quam habet perpetuam is, qui concessit, adversus Rogantis heredem; mala enim fides Defuncti, qui sciebat rem esse alienam, transit in heredem, etiam ignorantem vitium Defuncti: qui heres propterea nunquam usucapere rem potest, quancumque longa temporis possessione, id est, nec etiam si a se ipso usucapionem inchoare velit, ut ratiocinatur Papinianus in *d. l. cum heres*.

Contradicit tamen Ulpianus in *l. quæstum §. ult. ff. de precario*, illis verbis: *Hoc interdictum ejus heres, qui precario rogavit, tenetur, quemadmodum ipse*. Ita & contradicit Dioecletianus in *l. 2. C. de precario*, ubi habitantis precario heredes interdicto de precario tenentur.

Omissis solutionibus Accursii & Cujacii ad Papinianum in *d. l. cum heres*, placet quod a Fabro traditum est *dic. 76. err. 9.* nempe tunc heredem Roganti teneri de precario, quoniam precariam Defuncti possessionem tenet sciente tacite eo, qui concesserat; quo casu duras precarium, non quasi a

Defuncto transierit in heredem, cum defuncto, non heredi concessa possessio sit, *d. l. 12. §. 1.* sed quasi ex novo & tacito precario, argumento ex *l. 4. §. ult. ff. de precario*, ubi Dominus, cum patitur eum, qui precario ad tempus rogavit, post tempus possidere, videtur rursus precario concedere.

Ita quoque Constitutum finitur per mortem Constituentis, quia Constituens custos est, & custodiz munus morte finitur, ut est communis opinio apud Menochium *de recuperat. rem. 14. & Tiraquellum in hoc tract. ampliat. 13. & limit. 21.* Ex quibus comprobatur opinio de Marinis *2. ref. 62.* cum docet, judicium Assistentiz non recte proponi contra tertium possessorem, non discussio prius herede debitoris jam defuncti; nempe quia non modo Precarium morte Rogantis, sed & Constitutum morte Constituentis finitur.

Quarto Præscriptione. Et docent Doctores, Constitutarium, si per longum tempus, id est, decennium inter præterites, & vicennium inter abentes, negligat suo corpore possessionem ingredi, amittere possessionem civilem, quam animo retinebat; per negligentiam enim tanti temporis videtur desitui animo possidendi. Præscribit ergo eam Constitutor, Tiraquellus *limit. 24.* Faber in *Cod. hoc tit. def. 10. 22. 27. & 32.*

Hæc tamen recipi minime possunt. Nam neque Constitutor ipse unquam potest ob malam fidem præscribere, neque heres ipsius, in quem vitium Defuncti transit, nec etiam si a se usucapionem & præscriptionem inchoare velit, ex aperto Papiniani textu in *d. l. cum heres, ff. de div. & temp. præser.* Itaque solum præscribere singularis Constitutoris luccessor potest, si a se temporis computationem ordini velit, *l. an vitium, ff. cit. tit.* Et hætenus de his. Nunc illud superest, ut D. O. M. oremus, quo sua coeßsi gratia Nobis afflilat, & tandem in æternæ gloriæ possessionem inducat.

Ad *l. si is, qui pro emptore XV. ff. de usurpat. & usucap. libro XXI.*

Pandectarum, tit. III.

IN gratiam eorum, qui pro Republica pugnant, capi ab hostibus, quam turpiter fugere, maluerunt, duo iniqua sunt, Jus posthumini, & Fictio legis Corneliæ, quibus captivo, tam si in fines suos reduisset, quam

si apud hostes decedisset, commodissime consuleretur in rebus vel per se, vel per servum possit. Nam utroque casu ex Juris rigore, quia per captivitatem servi efficiuntur, omni suo Jure censeri debent privati, l. *stinere*, §. *fin. ff. de verb. sign.* qui rigor ob summam aequitatem emoluitus est. Itaque si captivus ad suos redeat, omnia perinde Jura ei restituntur, ac si semper in civitate mansisset, l. *postliminium*, l. *retro*, ff. *de captivis*, §. *si ab hostibus*, Instit. Quibus modis Jus patr. potest. solv. Idque dicitur Postliminium, de quo late Salmasius ad Jar. Atticum & Romanum c. 26. & seqq. Quod si captivus apud hostes decedat, fingitur mortuus eodem momento, quo caperetur, ex lege Cornelia, quæ de captivis dicitur ab Antonio Augustino; quasi nunquam captivus in hostium potestatem pervenisset, l. *lex Cornelia*, ff. *de testam.* l. *lex Cornelia*, ff. *de vulg. & pupill.* Vide Corasium 7. miscell. 16.

Ceterum postliminium de Jure gentium est, utpote quod inter Romanos, ac liberos omnes populos, regelque, moribus ac legibus est constitutum, ut ait Paulus in d. l. *postliminium*. Secus est de lege Cornelia, quæ ab antiquissimo Jure civili descendit; & Marius Salomonius in l. *Gallus*, §. *quod si is*, ff. *de lib. & possib.* a Scipionum aliquo, qui ex gente Cornelia erant, primo bello Punico fuisse latam putat, cum quindecim Romanorum milia una cum Imperatore Attilio Regulo in Pœnorum potestatem venerunt, quorum multi apud hostes mortui sunt. Quocirca fit verisimile, istorum honori & testamentis hac lege succursum fuisse, ut quasi in acie cecidissent, sic fingereatur mortui. Id ipsum docuit Vagius in §. *ult. Instit.* quibus non est permixtum facere testamentum, & Corasius loc. cit.

Multa tamen occurrunt tam circa postliminium, quam circa legem Corneliam, difficultates; quarum ea præcipua est, quæ versatur circa possessionem, cujus vigore ulucapio perficitur: & de hac difficultate egit Julius Paulus lib. XV. ad Plautium, relatus in d. l. *si is*, qui pro emtore, quam nos in præfens explicandam ulcupimus, non quidem totam, sed eam tantum partem, quæ difficillima est, nempe initium, & §. *quod si servus*, quibus duabus partibus explicans, cum Bartolo & Doctoribus hic, de Fictionibus agemus, quæ

res in Jure nostro multis tricus involuta est, & subtilem materiam Doctores vocant, ut Aquilius hic num. 108. vers. *ex quibus*.

Verba Pauli statim initio legis hæc sunt: *Si is, qui pro emtore possidebat, ante ulucapionem ab hostibus captus sit, videndum est, an heredi ejus procedat ulucapio: nam interruptitur ulucapio. Et si ipsi reverso non prodest, quemadmodum heredi ejus proderit? Sed verum est, cum in vita sua desisse possidere: ideoque nec postliminium ei prodest, ut videatur ulucapisse.*

Itaque Paulus post positam speciem tria docet: 1. per captivitatem interrupti possessionem rerum, quas captus per se possidebat, hoc est corpore & animo suo. 2. Ipso apud hostes suo, heredi ejus fictionem legis Corneliæ nihil prodesse. 3. Eidem ad suos reverso non prodesse postliminium. Ex quibus illud tantum, quod de lege Cornelia dicitur, principale est, cetera per occasionem dicta sunt. Species ita se habet. Quidam rem alienam mobilem pro emto bona fide jam per sex menses possidebat. Accidit, ut antequam ulucapionem compleret, caperetur ab hostibus. Docet Paulus, ulucapionem esse interruptam, quia per captivitatem desit possidere, l. *in bello*, §. *facti*, ff. *de captivis*. Deinde eodem post seminnum apud hostes decedente, propriar agnatus hereditatem adit, qui ex lege Cornelia fingitur hereditatem acquisivisse, non ex die mortis, sed ex quo defunctus captus est, quasi tunc decedisset, l. *in omnibus*, ff. *de captivis*. Cum ergo jam transactus sit annus, quem lex civilis XII. tabularum ad ulucapionem rei mobilis exigebat (hodie est triennium ex Justiniano in l. *un. C. d. ulucap. transfor.* & Instit. *de ulucap. in princ.*) quaesitum est, an heres ille dici debeat ulucapisse. Et Paulus negat argumento producto a comparatis, & in specie a majore ad minus; ait enim, si captus ille reversisset ad suos fines, utique ex Jure postliminii ei non prodesset ulucapio, l. *cum heredes*, §. *1. ff. de acquir. possess.* Ergo multo minus, eo apud hostes mortuo, heredi ejus ulucapio prodesse debet.

Hæc Paulus, qui licet loquatur nominatim de eo, qui pro emtore ulucapiebat id tamen exempli solum causa fecit: nam habendum non est, quia hæc eodem locum habent in qua-

quæcunque alia ufucapionis species; octo enim sunt, pro emto, pro soluto, pro herede, pro donato, pro derelicto, pro legato, pro dote, pro suo. Quibus nonnulli adnumerant titulos pro transacto, & pro socio. Vide textum in *l. cum ex causa*, & *C. pro transacto*. Itaque recte Tryphonius generatim de quacunque ufucapione loquitur in *d. l. in bello*, §. *facti*, de quo textu latius infra.

Sed jam sigillatim nostrum textum explicemus. Prima pars est. Usucapio ejus, qui per se usucapiebat, & deinde captus ab hostibus est, interruptitur. Ratio est, quia in vita sua desistit possidere, hoc est, cum captus est. Queritur tamen hic, cur per captivitatem possessio interruptatur ejus, qui per se, seu corpore & animo suo possidebat? Ratio petenda est ex Jaboleno in *l. cum heredes*, §. *1. ff. de acquir. possess.* ubi in eo, qui in potestate hostium est, duo distinguit, Jura, & Corporalem possessionem. In quantum ad Jura ait, cum Jure singulari, sive ex privato, Jura retinere; & quoniam inter Jura dominium recensetur, inde fit, ut captus ab hostibus dominium rerum suarum retineat. Concordat textus in *l. illa instruitur*, §. *1. ff. de hered. inst.* & in *l. pen. ff. de suis & legn.* Quod ideo ex Jure singulari esse dicitur, quia captus ab hostibus, servus hostium fit, *l. hostes*, ff. *de captivis*. Et quia servus est, domini capax esse non potest, *l. acquiritur*, ff. *de acquir. rer. dom.* Quod attinet ad possessionem, docet eum corporaliter (ut legitur in Pandectis Florentinis) possessionem amittere, quia videri non potest aliquid possidere, cum ipse ab alio possideatur; eo modo, quo absurdum est, filiumfamilias aliquem in potestate habere, cum ipse sub patris potestate sit. Unde si mortuus ab hostibus ad suos fines redit, pristina Jura retinet ex possimmo; at nova possessione indiget, ut idem Jabolenus ait.

Ex quo textu duo videntur posse colligi. Nam primo, ex eo quod Jurisconsultus dicit, captivum corporaliter possessionem amittere, videtur posse concludi, eundem animo possessionem retinere; nam vera possessio facta & animo consistit, *l. 1. §. Scævola*, ff. *si quis testi liber*. Ceterum est autem, possessionem solo animo retineri posse, *l. lides*, C. *de acquir. possess.* Idque confirmatur ex eo, quod animus non est facti, sed Juri, ut patet ex eo, quod quæ possessio in *d. §. Scævola* dicitur esse facti & animi, eadem in *l. possessio quoque*, §.

*1. ff. de acqu. poss.* dicitur Corporis & Juri; ut proinde factum hic idem sit, quod corpus, animus idem, quod jus. Constat autem, captum ab hostibus Jura retinere, *d. l. cum heredes* §. *1.*

Hic tamen non obstantibus, dicendum est, captum ab hostibus simul cum corporali possessione etiam animum amittere, ut manifeste patet ex eo, quoniam qui animo retinet possessionem, quam corpore & animo acquisivit, vere possidet & in consequentiam usucapionem perficit, *l. 3. §. in amittenda*, *l. quamvis saltus*, *l. peregre*, ff. *de acquir. poss.* Ideo autem captivum animum amittere putat Jafon hic, quia ille corporalem possessionem sibi ereptam cum videat, de omnibus desperans, possidendi etiam animum abjicit. Quæ tamen ratio satis tuta non est, quia capto semper subest spes redeundi, quæ spes miseris fere semper comitatur, & cum vita discedit: unde perbelles Hesiodus spem ultimam malorum in imo vase Pandoræ recondisse fingit.

Verius itaque est, quem solo animo tunc possessionem retinere, eum etiam corpore, si velit, possidere potest, *l. peregre in fine cum 2. ff. de leg.* Nam qui saltus hyberni vel activi possessionem solo animo retinebat, ubi scit ab alio occupatus, statim possessionem amittit; nempe quia corpore amplius possidere nequit. Sed captivus corpore, nec etiam si maxime velit, possidere potest; quare nec animo possidebit. Quocirca cum Jabolenus ait captivum corporaliter possessionem amittere, non inde deducitur animo eam retinere, sed potius nec animo possidere; nempe quia ita amittit, ut eam corpore retinere, nec etiam si velit, possit. Et hoc est corporaliter possessionem amittere.

Deinde videtur deduci, per captivitatem amitti ea, quæ facti sunt, nam corporalis possessio amittitur, quæ facti est. Quæ deductio falsa est; nam si habitatio legetur, morte quidem legatarii interdicat, at non captivitate: cuius rei ratio redditur a Modestino in *l. legatum*, ff. *de capto minus*, his verbis: *Videlicet, quia tale legatum in facto potius, quam in jure consistit*. Nempe hoc est discrimen inter legatum ulus ædium, & habitations, quod illud in Jure consistit, & captus diminutione perit, istud vero in facto, & non nisi vita finitur; ceterum effectum utrumque poene idem est, *l. si habitatio*, ff. *de usu & habit.* Unde patet ea, quæ sunt facti, per captivitatem non amitti;

ti; quocirca Jabolenus pro reddenda ratione, cur capti possessio corporalis interrumpatur, non eo confugit, quia ea possessio facti est, sed alio, nempe quia possidere non potest, qui ab alio possidetur.

Quæri hic solet, si captus postquam in præsidia hostium fuit, statim evasit, an possessio interrupta censenda sit? Et Aquilius hic *num. 29.* affirmat, & quidem recte, ex eo quia ubi femel ab alio possessus fuit, utique possessionem retinere non potuit. Ergo possessio interrupta est: & proinde ei reverio nova possessione opus est.

In contraria tamen sententia sunt quicunque docent, momentaneam possessionem seu acquisitionem in Jure nostro nullus esse momenti, hoc est, nihil operari, post alios Olea *de cessio. quest. 3. art. 45.* Movenrur ex *l. qui sic solvit, ff. de solus. & ex l. si pro patre, ff. de rem verso.*

Quæ opinio licet vulgo a Doctoribus recepta, absurda tamen est; neque ex citatis Juribus aliud elicitur, nisi actum, qui nullum effectum producit, pro nullo haberi; nec interesse, utrum actus ille diu duret, an momento evanescat. Nam in *d. l. qui sic solvit*, debitor exempli gratia ex mutuo, res alienum solvit sub ea conditione, ut illud iterum reciperet, non liberatur, hoc est, prior mutui contractus non dissolvitur; propterea ut cum debitor eandem pecuniam summam iterum a creditore accepit, remaneat obligatus ex illo prioris contractu, neque novus dicatur celebratus. Hoc ideo, quia actus ille solutionis nullum effectum producit, cum pecunia ad solvendum redeat. Neque ibi ulla momentanea possessio, sive acquisitionis, mentio fit; sed generatim sermo habetur de eo, qui sic solvit, ut recipiat; nec additur, utrum statim velit recipere, an multo post tempore. Itaque secus esset, si ea solutio aliquem effectum produceret, veluti si pecunia ad extraneum perveniret jussu solvantis; tunc enim extincto mutui contractu, oriretur mandatum, & mandati actio, ut recte notat Baldus in *l. 1. C. de sponsalibus.*

Lucem omnino habetur ex *d. l. si pro patre, §. verum*, ubi verum ista demum intelligitur, si duret verum; non enim distinguitur, utrum verum duret momento, an diu. Sed ut verum non dicatur, laus est, si tandem aliquando, proutquam de in rem verso actio proponatur, verum evanescat, nec ex eo aliquem patet effectum sentiat.

Altera pars nostræ legis est, *fictionem legis* Cornelie nihil prodesse heredi ejus, qui ante completam usucapionem captus, apud hostes defunctus est. Id tamen non leve difficultatem habet, quia hereditas jactans perficit usucapionem ceptam a defuncto, & quidem perficit etiam ante aditam hereditatem, si tempus ad usucapionem præstitutum ante aditionem completur, *l. capiam, ff. cod. l. 6. §. ult. ff. pro emiore.* Et ratio est, quia possessio testatoris dicitur heredi procedere, si hereditas medio tempore a nullo possidea est, *l. possessio testatoris, ff. cod.* Sed captus, qui apud hostes moritur, ex lege Cornelia videtur accessisse, ex quo captus est, captivitatis memoria deleta, *l. in omnibus, ff. de captivis*; quare medio tempore ejus hereditas a nullo possidea, & veluti jactans, censeri debet, *l. 1. §. lex Falcidia l. filiusfamilias, ff. ad legem Falcidiam, l. in bello, §. t. ff. de captivis.* Ergo recte perficit usucapionem a defuncto ceptam. Hac ratione convicti Cujacius hic, Faber in *Jurisprudencia Papin. tit. 11. princ. 8. illat. 28.* Valentia hic *cap. 11. num. 10.* post Hugonem relatum ab Accursio in *l. in bello §. facti, ff. de captivis*, docere non dubitarunt, fictionem legis Cornelie hereditibus captivi usucapionem conservare.

Verum hinc sententiæ refragatur expresse Paulus hic in illis verbis: *Et si ipsi reverso non prodest, quemadmodum heredi ejus proderit?* Quæ docent, hereditibus captivi fictionem legis Cornelie ad usucapionem nihil prodesse. Propterea alio confugiendum est, & dicimus, quæ in hereditate jacente statuta sunt, ea in lege Cornelia locum non habere; nam Jure singulari receptum est, ut a possessione cepta usucapio, etiam sine possessione, jacente nimirum hereditate, perficiatur, Cujacius *lib. 23. qq. Papin. in l. jussu, §. mandum ff. de acquir. possess. Fab. in rational. ad l. miles, ff. ex quib. caus. major.* Hoc autem Jus singulare in eo nititur, quod usucapio in gratiam Reipublicæ a Jure civili introducta est, hoc est XII. tabularum, tum ne rerum dominia in incerto essent, *Instit. de usucap. in princ. cap. vigilanti*, ubi Glossa, *de præscript.* Tum etiam, ut aliquis sit litium finis, *l. fin. ff. pro suo*, quiddid distinguat Accursius in *l. ult. C. de edicto D. Hadri. & Gratianus ad cap. placuit 16. qn. 3.*

Esti autem legis Cornelie fictio in favorem panter Reipublicæ recepta sit, ut diximus,

mus, non propterea tamen censeri unquam potuit, bona captivi apud hostes decedentis usufructum perficere posse. Nempe quia non unum, sed plures consequenter fictiones introuduere necesse fuisse, id est, primo defunctum apud hostes fingi mortuum momento ipso captivitatis. Secundo, bona ipsius, durante captivitatis tempore, haberi pro hereditate jacente. Tertio, hereditatem jacentem usufructum perficere: quod verius privilegium est. Hæc multiplicitas fictionum, a qua lex abhorret, ut infra dicemus, impedimento fuit, ne hæc legis Cornelie prodesset heredi ejus, qui ante completam usufructum captus est ab hostibus, apud quos decellit.

Hæc igitur est intrinseca hujus propositionis ratio, quamvis in nostro textu a Paulo expressa non sit, qui eam probare sinit contentum argumento ducto a Jure postliminii, & Tryphonius ex regula, quod facti causa infertur nulla lege fieri possunt, d. l. in bello, §. facti.

Unde patet, legem Corneliam unum tantummodo fingere, captum ab hostibus censeri mortuum eo momento, quo capiebatur; ejus fictionis præcipuus effectus est, ut testamentum ante captivitatem conditum non dicatur per capitis diminutionem irritum, l. lex Cornelia, ff. de vulgari: ita enim Testator videtur mortuus in libertate; sicut enim quis, dum moritur, vivus est, l. qui duos, §. 1. ff. de manum. testam. ita dum quis capitur, liber est. Nam talluntur Doctores, dum fingi mortuum docent præambula hora captivitatis, scilicet, ut dici possit mortuus liber; & non animadvertunt, eivem Romanum, dum capitur, liberum esse, & liberum fieri servum, ut viventes morimur. Propterea Ulpianus in d. l. in omnibus, ff. de captivis, ait: *Is, qui reversus non est ab hostibus, quasi tunc decessisse videtur, cum captus est*, Joannes Faber in g. ult. Instit. quib. non est permis. Jac. rej. Salomonius in l. Gallus, §. quod si is, ff. de lib. & posth. Aquilius hic n. 49. Sunt & aut effectus, de quibus in l. bona, & possum in ff. de captivis.

Quod si dum quis parum abest ab usufructu complenda, puta decem dies, capitur ab hostibus, volunt ex æquitate rem pro usufructu haberi. Ita communiter Doctores hic ex Glissa in l. 1. §. qui autem, ff. de vi & vi armata, & Bartolo post Dynum in l. qui

fundum, §. qui bona fide, ff. pro emptore. Et movetur ex l. rerum mixtura, §. Labeo, ff. eodem, ubi Jafon, & Alexander idem tradunt.

Placet tamen contraria Cumani opinio in d. §. Labeo, quem sequitur Aquilius hic num. 88. tum quia generatim statutum est, in usufructu postremam diem atrendi, qui incipit habetur pro completo, l. in usufructibus cum sequ. ff. eod. tum etiam quia iniquissimum est auferre Domino, quod usus non abstinuit, ut dicitur in l. nec usdem, ff. ex quib. caus. majores. Usus pro Usufructu positus est. Horatius 2. epist. 2.

Quadam, si eredis Consultis, mancipat usus.

Hæc etiam nostræ opinioni favet textus in d. §. Labeo, tantum abest ut ei contrarius sit. Ejus verba sunt: *Labeo* (alii legunt, *Jabolenus*) *in libris Epistoliarum ait: Si is, cui ad regularum, vel columnarum, usufructum decem dies superessent, in ædificium eas concessisset, nihilominus cum usufructum, si ædificium possideret*. Ex quo Jafon & Alexander ita argumentantur. Qui univerfas res possidet, singulas res, quæ in ædificio sunt, possidere non videtur, l. qui universas, ff. de acquir. poss. & tamen usufructu dicitur, si decem dies ad complendam usufructum superint. Quare usufructu, quæ parum abest a fine, pro completa habetur.

Sed pro resolutione notandum est, a Labeo non dici possessorem regularum & columnarum intelligi usufructu, si decem dies superint, sed usufructurum, si ædificium possideret. Et hoc ideo, quia licet qui domum possidet, singulas columnas, aut regulas, non possideat, quæ est ratio dubitandi; negari tamen non potest, quin generatim talem eas res possideat, quæ est ratio decidendi, ut colligitur ex l. nave, ibi, *singula*, ff. de revellion. ubi nave vel domo cmita, singula camenta vel tabule emta non intelliguntur. Quocirca qui possidet mædes, tanquam si columnas & regulas adhuc possideat, eas usufructu.

Tertia & ultima pars nostræ legis est, possessionem postliminio non restitui, sed eum, qui redit, nova possessione indigere. Quocirca qui ante captivitatem equum biennio possedit, nihil id ei prodest ad usufructum triennalem, nam per captivitatem usurpata seu interrupta possessio fuit: nec interim captivitate manente possessio processit. Itaque cum revertitur, ex integro equum possidere debet

per

Per totum triennium, ut usufruat, l. cum heredes, §. 1. ff. de acq. poss.

Ceterum in reddenda ratione, cur possessio postliminio non restituatur, admodum se torquent Doct. res apud Acliarum hac. Nos præcipue recentebimus.

Prima est Bartoli, nempe quia possessio plurimum facti habet: causa vero facti non continetur postliminio. Quæ ratio totidem isdem verbis expreßa habetur apud Papinianum in l. deique, ff. ex quib. caus. major. qui inde etiam probat, usufruptionem captivitate interruptam postliminio non restitui; ut præterea mirum sit, hanc rationem nimis debiam dici ab Aquilino n. 30.

Secunda est Angeli, quia postliminio restituentur res, quæ exant, non etiam quæ prorsus extinctæ sunt; aliter enim non verus res restituta, sed nova data censeretur; possessio autem captivitate omnino extinguatur: quocirca postliminio restitui non potest; nam quod in perpetuum sublatum est, restitui non potest, l. qui res, §. arcam, ff. de solutum. Unde postliminium dicitur Jus amissæ rei recuperandæ, non etiam rei extinctæ, l. postliminium in princ. ff. de captivis. Ab hac ratione non abiudit ea, quam tradunt Homodeus, Bolutus, & Portius, apud Jajonem hic num. 94.

Neque obstat quod cum alijs objicit Aquilinus num. 33. nempe quia usufructus captivitate amissus postliminio restituitur, l. si ager 26. ff. quib. mod. usufr. amitt. nec tamen usufructus idem est, sed diversus ab eo, qui amissus fuit, l. stipulatio ista, §. si quis ita, ff. de verb. oblig. Præterea libertas captivitate extinguatur, l. manumissus ff. de just. & jure, quæ tamen postliminio restituitur, §. si ab hostibus, Insti. quib. mod. jus patr. potest. solv.

Non obstant, inquam; quia Jure postliminii usufructus, libertas, & cetera Jura, non extinguuntur, ut extinguuntur quæ in facto consistunt, sed in suspensio manent, lilla insti. §. 1. ff. de hered. insti. l. pen. ff. de Jus & legi. l. in bello, §. cunctis, in fine, ff. de captivis. Ita ergo in l. bona §. quod si fuit, ff. de captivis, & in d. §. si ab hostibus, dicitur, pendere Jus liberorum ob Jus postliminii; nam reverio patre, exultantur nunquam lux potestatis tui: mortuo patre, tunc parastamilas fuisse, cum pater eorum in hostium potestatem perveniret. Sic ergo libertas ejus, qui captus est, in suspensio di-

citur esse, quia postliminium fingit eum, qui captus est, in civitate semper fuisse, d. §. si ab hostibus. Ita quoque de usufructu dicendum esse, patet ex eo, quia si per captivitatem extingueretur, utique consolidaretur cum proprietate, & proinde reverio restitui non posset, contra textum in d. l. si ager 26. Nam quod nostrum est, sine facto nostro a nobis auferri non potest, l. quod nostrum, ff. de reg. Juris. Cum vero in §. finit, Insti. de usufr. dicitur, usufructum captivitate finiri, id ita intelligendum est, si captivus apud hostes moriatur; nam si redeat, ex postliminio non finitur, sed in suspensio fuisse censetur.

Eodem modo explicandus est textus in l. & Attilicinus, ff. de servit. rustic. præd ubi si sons exaruerit, ex quo ductum aquæ habeo, isque post constitutum tempus ad suas venas redierit, aqueductus amissus restituitur: nempe interim Jus aqueductus in suspensio fuisse; nam si fuisset extinctum, reviviscere non potuisset, d. l. qui res, §. arcam. E contrario, quia remissione pignoris extinguatur hypotheca, ideo licet res iterum debitoris fiat, non præterea pignus reviviscit, l. ult. C. de remiss. pign.

Tertia est Aquilini, qui ait, si possessio captivitate amissa postliminio restitueretur, consequens fieri, ut qui possessus fuit non censeretur possessus; quod nec esse, nec fingi potest; nam facti causæ infectæ nulla constitutione fieri possunt, d. l. in bello, §. facti, ff. de captivis.

Ex his intelligere licet, tres esse postliminii effectus. I. Ut Jura in suspensio sint, & non abrumphantur, ut abrumphantur ea, quæ in facto consistunt, d. l. illa insti. §. 1. II. Ut reverio Jura ea restituantur, d. l. postliminium. III. Quia postliminium fingit eum, qui captus est, in civitate semper fuisse, ut sunt verba Justiniani in d. l. si ab hostibus.

Unde aperte rejicitur sententia Aquilini hic a nu. 55. qui putat, omnes & antiquos & recentiores errasse, cum postliminium fingere doceret. Neque moveor, cum ait, hanc finctionem nihil operari, cum ad postliminium sit satis Jura in suspensio esse, & restitui. Scilicet non videt, finctionem necessariam esse ad ea, quæ tempore captivitatis in civitate accidunt; nam nisi fingereantur captivi interim in civitate fuisse, utique quæcunque servi captivorum vel stipulantur vel accipiunt, acquiri Dominis non intelligerentur, contra textum in l. bona, ff. de captivis. Ita quoque avus postlimi-

liminio reverfus non haberet patriam potestatem in nepotem; qui interim natus est ex filio concepto ante captivitatem, sed post nato, contra textum in *l. si quis pragnante, ff. cit. tit.* ubi propterea dicitur avum omnia Jura nepotis nomine perinde capere, ac si is, cum filius nasceretur, in civitate fuisset. Sret ergo, quod dicitur Jura in suspenso esse, & restitui, pertinere ad Jura, quæ in libertate captus habebat: at quæ in captivitate accidunt, tribui captivo, quia ex postliminio fingitur semper avum Romanum fuisse; quamvis secus sit de rebus, quæ ipse captus in servitute fecit; non enim valet testamentum apud hostes conditum, quamvis captus redierit, *l. ejus qui, in princ. ff. de testam.* His recte perperis, corrumpunt omnia, quæ in contrarium Aquilius molitur, quæ ob nimiam subtilitatem sponte dissiliunt.

Ex hæcenus disputatis satis inlarescit intellectus nostræ legis, in princ. ubi sermo est de eo, qui ubi per se, hoc est, corpore & animo suo, ulucapionem cepit, ab hostibus captus est. Cui proximam est, ut queramus.

### Q U E S T I O U N I C A.

*An usucapio capta per Servum abrumptur, Domino ab hostibus capto.*

**P**One, Stichus servus Titii equum a non Domino bona fide emit, eumque sesquianno possedit. Tum Titius in manus hostium incidit: dubitatur, an Domino in captivitate manente, si Stichus altero sesquianno equum possidere pergat, dicatur equum ulucapisse, an potius per captivitatem Domini statim usucapio interrupta sit.

Ex duobus hic calus Doctores distinguunt. Prior est, cum Servus administrando peculium sibi a Domino concessum, equum ex causa seu nomine peculiari emit. Et communis opinio est, ulucapionem non abrumpti, Barrolos, Jason, Imola, Alciatus, & alii hic. Quod probatur, I. ex eo, quia res, quas Servus peculiariter comparat, videtur Dominus etiam ignorans eas & animo & corpore Servi possidere, *l. 3. §. falsus, ff. de acqu. poss.* ut in titulo antecedenti disputatum est. Imo Servus Domino ignorante possidendo ulucapit, *l. Labro, ff. eodem;* ejusque Servi bona vel mala fides attenditur, *l. 2. §. Celsus, §. Pomponius, ff. pro emptore.* Est ergo in Servo ea possessio, quæ ad ulucapionem exigitur, animo

Tom. I.

scilicet & corpore: proinde nihil ei ad complendam ulucapionem obitare potest captivitas Domini.

II. Quia si Servus ex causa peculiari possidere incipit, cum apud hostes Dominus est, nihilominus ulucapionem inchoat, & inchoatam perficit; nec enim, inquit Papinianus, impedimento Domini captivitas est, cujus scientia non esset in civitate necessaria, *l. iusto, §. fin. ff. eodem.* Ergo multo magis perficiet ulucapionem inchoatam, cum Dominus in civitate erat, licet deinde apud hostes sit. Nam cum tempore captivitatis Servus inchoat ulucapionem, id etiam attentæ potestate referatur ad id tempus, quo Dominus in civitate erat, nempe cum in traditione peculii animus dedisse intelligitur, ex *l. 1. §. item acquirimus, ff. de acquir. poss.*

Obitat tamen Pabius in *d. l. Labro, ff. eodem*, ubi de causa peculiari testimonem habens, ait: *Sed cum, qui suo nomine nihil ulucapere potest, nec per Servum quidem posse, Pabius scribit.* Sed Dominus captus ab hostibus nec perficere nec inchoare ulucapionem potest suo nomine. Ergo æque etiam poterit per Servum.

Respondendum videtur ex doctrina Accursii ibidem, qui docet, prædictam Pædii regulam non semper veram esse, ut patet ex eo, quod ex causa peculiari Servus acquirit possessionem, & ulucapit, etiam Domino infanti, & furioso, *l. si Servus, ff. eodem*, juncto textu in *d. l. 1. §. item acquirimus.* Et tamen constat, infantem & furiosum, per se ulucapere & possidere non posse, cum animo careant. Ita quoque ex citatis Juribus dicendum est in specie nostra.

Ex dictis Aretrinus, Jason, Alciatus, & alii colligunt, animum facti magis esse, quam Juris; nempe quia Servus, qui capax Juris non est, *l. quod attinet, l. servitutum, ff. de reg. juris*, est tamen capax animi, *d. l. 3. §. falsus, cum concordantibus.* Hæc tamen collectio tunc vera esset, si Servus animum haberet ex persona sua; quod quidem non est, habet enim ex persona Domini, qui eum concessisse intelligitur, cum ei peculium habere permisit, ut explicatum est: sicuti ex eo, quod Servus capax sit stipulandi, non inde sequitur, stipulationem esse facti, & non Juris; nempe quia Servus Jus stipulandi habet, non ex sua, sed ex Domini persona, *tit. de stipuln. Servor. initio.*

K

Po

Posterior casus est, cum Servus non ex causa peculiari, sed ex causa, & nomine Domini, quidpiam comparavit, & antequam caperet usum, Dominus capax est. Et major difficultas est, an ex captivitate Domini interruptatur usucapio, an non. Quippe Bartolus, quem sequitur Aquilinus hic ex num. 97. ait, usucapionem interrumpi, nempe quia possessio abrumptur. Jam enim supra in *tit. antecedenti* demonstratum est, ex causa non peculiari Servum possidere corpore quidem suo, sed animo Domini; adeo ut Domino ignoranti Servus non acquirat, l. 1. §. item acquiritur, l. 3. §. saltus, l. peregre, §. quasi-tum, ff. de acquir. poss. Sed cum Dominus captus est ab hostibus, animum amittit, cum ob servitutem non sit amplius capax eorum, quæ Juris sunt, l. quod attinet, l. servitutem, ff. de reg. juris. Ergo interruptitur possessio; quippe possessio corpore & animo quesita, solo animo retinetur, at non solo corpore, l. si id quod possidere, l. quamvis saltus, ff. de acq. poss. Unde interrupta possessione abrumptur etiam usucapio.

At e contrario Jacobus de Arena, Andreas de Pisis, Jason, & Alciatus hic, docent usucapionem non interrumpi. Quæ sententia probatur ex aperitissimis Tryphonini verbis in d. l. in bello, §. facti, ubi hæc habet: Eorum vero, quæ (captus ab hostibus) per subjectas Juri suo personas possidebat, usque capiebat, Julianus scribit, credi (ita legendum ex Pandectis Florentinis, non, heredi) suo tempore impleri usucapionem, remanentibus eisdem personis in possessione. Et deinde addit, hanc Juliani sententiam esse sequendam, quamvis et Marcellus contraxerit. Quæ verba tam de causa peculiari, quam non peculiari, intelligenda sunt; tum quia generaliter loquuntur, tum etiam quia Tryphoninus deinde in alio casu, cum de peculiari sermonem habere vellet, in specie expressit, dicens: Vel si qua postea peculiari nomine comprehenduntur: de quibus infra.

Et ratio est ex Jasone, quia cum de amittenda possessione queritur, multum interest, utrum per nosmetipsos, an per alios possideamus, d. l. peregre, §. fin. cum 2. seqq. ff. de acq. poss. quandoquidem, ut ibidem dicitur, si corpore & animo nostro possidemus, tunc solo animo, vel corpore & animo possessionem amittimus: sed si solo animo possidemus, corpore nec nostro nec alieno, possessio amittitur, ubi scimus rem ab alio occupa-

tam: tandem quando Servi vel Coloni corpore possidemus, ejus non aliter amittimus possessionem, quam si eam alius ingressus sit, licet nobis ignorantibus. Ergo in hoc postremo casu (qui & noster est) semper retinetur possessio, & in consequens perficitur usucapio, donec Servus vel Colonus expulsus sit. Quare licet Dominus captus ab hostibus sit, quia tamen Servus expulsus non est, perget possidere, & usucapere. Proinde Tryphonius cum Juliano dicebat: Remanentibus eisdem personis in possessione, hoc est, impletur usucapio, non expulso Servo, vel etiam Colono.

Ex quo textu recte idem Jason colligit, in his, quæ corpore alieno possidemus, licet Domini animus deficiat, vel interrumpatur, possessionem tamen durare, remanente in possessione eo, cujus corpore possidemus. Unde Jacobus de Arena, & Andreas de Pisis, æquiparant in hoc casu animum, qui exigitur ad possessionem, & bonam fidem, quæ requiritur ad usucapionem; sicut enim de Jure civile bona fides satis est, ut initio usucapionis interfuert, l. un. §. hoc tamen, Cod. de usuc. trans-form. ita cum alieno corpore possidemus, satis est, si Domini animus initio possessionis intervenit, quod ipse Bartolus approbat. Hæc nullo modo intellexit Aquilinus hic num. 98. Credebat, hic a prædictis Doctoribus dici, usucapionem posse perfici sine bona fide, & sine possessione, quod ipsi se formiarunt quidem.

Hinc apparet, quid Adversariorum argumento respondendum sit. Concedimus enim, Domino ab hostibus capto animum desinere. At cum concludunt, ergo desinit possessio, distinguimus: nam desinit quidem possessio, si Dominus corpore & animo suo possidebat, ut in casu nostri textus, quem ab initio proposuimus: at non desinit possessio, si animo quidem suo, sed alieno corpore possidebat; durat enim, donec Servus vel Colonus expulsus sit, d. l. in bello, §. facti, d. l. peregre, §. fin. cum 2. ll. seqq. ut est in casu præsentis quaestiois.

Apparet etiam, per captivitatem interrumpi possessionem & usucapionem saluum hybernorum & zithvorum, quos solo animo quis possidebat; nam animum, quo solo retinebat possessionem, amisit. Nec opus est, ut alius possessionem ingreditur, & id nos sciamus, juxta textum in l. quamvis, ff. de acq. poss. quia hoc tunc exigitur solum, cum damini animus adest.



*Ad §. quod si Servus .*

**V**erba Pauli sunt: *Quod si Servus ejus, qui in hostium potestate est, emerit, in penam esse ulucapionem, Julianus ait. Nam si Dominus reverus fuerit, intelligi ulucapionem: si ibi decesserit, dubitari an per legem Corneliam ad successores ejus pertineat. Marcellus, posse plenius fictionem legis Cornelie accipi. Quemadmodum enim postliminio reversus plus juris habere potest in eis, quae servi esse vult, quam in eis, quae per se, vel per servum possidebat, cum ad hostes pervenit? Nam hereditates in quibusdam vice persona jungi, receptum est: ideoque in successoribus locum non habere ulucapionem.*

Plurima hic difficultas versatur, tum primo ob contrarias Juliani, & Marcelli sententias; tum etiam ob verborum obscuritatem, quae utraque sententia expressa est; tum etiam quia Juliani sententia non satis ex fide relata videtur; tum tandem quia Paulus in Marcelli sententiam, quam ultimo loco refert, residere videtur: cum e diverso Tryphonius Juliani sententiam sequendam esse doceat. Unde factum est, ut Doctores in varias & contrarias expositiones, & partes, concesserint; & quidam etiam textum emendare conati sint. Dubium nos tamen operam, ut quam facillime veritas pateat, quam alii obumbraverunt. Cardines autem totius nostrae disputationis erunt tres Pandectarum loci. Primus est praeter Pauli textus. Secundus est textus Tryphonini in *l. in bello, §. facti, ff. de captivis*. Tertius est textus ipsius Juliani in *l. bona, §. qui peculiari, ff. tit. tit.*

Primo ergo Paulus speciem his verbis proponit: *Si Servus tuus, qui in hostium potestate est, emerit.* Et quaerit, an ulucapio locum habeat. Quaestionem Aquilius num. 107. esse docet de re non peculiari, sed dominica, praesertim quia nulla hic peculii mentio fit, quare de re dominica in dubio Paulus intelligendus est. E contrario Accursius, Bartolus, ceterique communiter, quaestionem de re peculiari capiunt, & ita certe capit Tryphonius in *d. §. facti*, ubi eandem omnino rem tractans, ait: *Si quae postea peculiari nomine comprehendatur.* Quid plura? Id expresse patet ex ipsis Juliani verbis in *d. §. qui peculiari*, quae verba infra tractabimus. Species ergo ita concipiendae est. Tertius captus ab hostibus Servus in Civitate reliquit cum peculio. Pu-

rante Domini captivitate, interim Servus peculium administrare pergens, rem nomine peculiari emit a non Domino, quem Dominum esse credebat. Quaeritur, an statim ipse Servus ulucapionem incipiat.

Et sane quaestio inter Jurisconsultos de re non peculiari nulla esse poterat. Est enim clarissimum, rem ita emitam, Domino capto, non posse a Servo ulucapi; propterea quod in re non peculiari pro possessione attenditur animus Domini, *l. t. §. item adquirimus, l. 3. §. saltus, l. peregre, §. quaesitum, ff. de acqu. possess.* sicut pro ulucapione attenditur bona fides Domini, *l. 2. §. Pomponius, ff. pro emptore*. Sed cum Servus, Domino capto, rem emit, deest animus Domini, deest etiam ipse bona fides, ut qui nullius Juris capax est, *l. quod attinet, l. servitutem, ff. de reg. juris*. Constat ergo, Servum rem ita emitam nec possidere, nec ulucapere posse.

Secundo, quia in causa non peculiari Domino ignorantia possessio non acquiritur, *d. h. peregre, §. quaesitum*; quare nec ulucapio. Constat autem captivum ignorare ea, quae per Servum olim suum in Civitate geruntur.

Notandum tamen, nos loqui de Servo, qui Domino apud hostes manente, rem ex causa non peculiari emit; hic enim Servus nec possidet, nec ulucapit, nec Domino reverso prodest postliminium, nec eo mortuo apud hostes, hereditas ejus prodest fictio legis Corneliae, ut etiam avertisimè deciderit Papinianus in *l. iusto, §. si a. ff. eodem*, ubi addit, aliud esse in filiofamilias, qui emit patre apud hostes captivo; nam etiam interim ipse non possidet, nec ulucapit, nec patri reverso Jus postliminii profici; tamen si pater ibi decesserit, quia ex lege Cornelia tempora captivitatis & mortis junguntur, ait Papinianus posse dici, filium & possedisse sibi, & ulucapisse.

Iter ergo, quaestiones hic a Paulo propositam intelligi omnino debere de Servo, qui Domino apud hostes manente, ex causa peculiari rem emit ab eo, quem falso rei Dominum esse credebat, ut ex comparatione cum textibus Tryphonini & Juliani patet. Ubi notandum, Jurisconsultos aliquando de acquisitione per Servos loquutos, omittere mentionem peculii, quam ex aliis locis, & Juris ratione, subintelligendam relinquunt, ut est in *d. si Servo, ff. eodem*, & in *l. si me in vatnam, §. Servus, ff. de acqu. possess.* ut illum textum interpretaretur Giphanius in *l. 1. §. item adquirimus, ff. cit. tit.*

Secundo Paulus de hac quaestione Juliano sententiam proponit, his verbis: *In pendenti esse usucapionem, Julianus ait. Nam si Dominus reversus fuerit, intelligi usucapum: si ibi decesserit, dubitari, an per legem Corneliam ad successores ejus pertineat.* Tria itaque tribuit Julianus Paulus. I. Generale dictum, nempe, *In pendenti esse usucapionem*, scilicet non in quantum ad substantiam, sed in quantum ad effectum; nam utique Servus usucapit, quia in re peculiari Servus dicitur habere corpus & animum, quæ ad possessionem exiguntur: dicitur etiam habere bonam fidem, quæ requiritur ad usucapionem: quocirca recte possidebit, & possidendo usucapiet. Non ergo usucapio est in pendenti, in quantum ad substantiam. Pendet vero in quantum ad effectum; ignotum enim interim est, cui hæc usucapio profutura sit, utrum Domino ex Jure postliminii, an heredi ejus ex lege Cornelia, ut statim Julianus addit.

II. Ergo incipit reddere rationem, cur dixerit esse usucapionem in pendenti. Nam si Dominus revertatur ab hostibus, usucapio proderit Domino; nempe ex Jure postliminii, quod quia restituit Jura, l. postliminium, ff. de captivis, utque restituit dominium Servi, qui propterea ex necessitate Juris non alii, quam Domino, usucapisse intelligi potest.

III. Complet rationem sui dicti. Et sermonem instituit de lege Cornelia, si Dominus apud hostes decesserit; & Julianus dubitavit, utrum heredi ejus prosit Servi usucapio, ut Paulus hic refert.

Videtur tamen Paulus memoria lapsus; nam Julianus sine ulla hæsitacione docuit, usucapionem prodesse heredi ex fitione legis Corneliæ; ut constat ex Tryphonino in l. in bello, §. facti, ff. de captivis, cum ait: *Julianus scribit, heredi, (vel ut est in Pandectis Florentinis, credi) suo tempore impleri usucapionem, remanentibus iisdem personis in possessione.* Ubi nulla sit distinctio inter postliminium, & legem Corneliam, sed dicitur generatim, suo tempore impletum iri usucapionem, scilicet, vel ipsi Domino, tempore, quo revertetur; vel heredi ipsius, tempore, quo Dominus apud hostes decedit. Sed ut clarissime constet, Julianum nihil dubitasse, proferamus ipsa Juliani verba ex lib. 62. Digestorum, quæ referuntur in l. bona, §. pen. ff. de captivis, & hæc sunt: *Quæ peculiari nomine Servi captivorum possident, an suspensio sunt. Nam si Do-*

*mini postliminio redierint, eorum facta intelliguntur: si ibi decesserint, per legem Corneliam ad heredes pertinebunt.* Quæ verba nullam hæsitacionem ostendunt. Cur ergo Paulus ait, Julianum scripsisse, dubitari?

Si divinare licitum est, mihi videtur, Tribonianum hæc Juliani verba reformasse, non tamen ex arbitrio, sed ex Marcelli notis. Julianus enim scripsit: *Si ibi decesserint, an per legem Corneliam ad heredes pertinebit?* Et ita scripsisse, manifeste patet ex nostro textu. Marcellus vero, qui notas ad Julianum scripsit, l. quidam ita, l. ita tamen, §. Marcellus, ff. ad Trebell. l. quæstium, l. si pupillus, ff. de acquir. hered. Marcellus, inquam, in notis interpretatus est, in hac interrogatione mentem Juliani fuisse, ut potius pertinet usucapio ad heredes captivi apud hostes defuncti, quam ut non pertineret; quod etiam patet ex nostro textu in illis verbis, quæ nemo hæcenus intellexit: *Marcellus, posse plenius fctionem legis Corneliæ accipi;* hoc est, plenius accipi posse apud Julianum, sive ex mente Juliani, ut ipse potius affirmet, quam neget. Et ratio interpretationis Marcelli fuit, quia Julianus scribit usucapionem respectu effectus in suspensio esse, nempe utriusnam utilitati cessura sit, ipsius Domini, an heredis ejus. Quare meus Juliani fuit, si Dominus decessisset apud hostes, usucapionem profuturam heredi ipsius. Ex hac ergo nota Marcelli Tribonianus manum admovit verbis Juliani, & interrogationem in affirmationem mutavit, ita: *Si ibi decesserint, per legem Corneliam ad heredes pertinebunt.* Ex hac etiam Marcelli nota factum est, ut Tryphoninus scripserit, ex mente Juliani, usucapionem suo tempore impletum iri, d. l. in bello §. facti. Quare longe errat Valentia hic n. 2. cum de Juliano ait, *dum dubitat, negare videbatur;* quippe Marcello, Tryphonino, & demum Triboniano, visus est affirmare.

Sed hic examinandum est, quid in causa fuerit, ut Julianus dubitaverit, an per legem Corneliam ad heredes captivi defuncti pertineat usucapio. Et certe ratio dubitandi fuit, quia lex Cornelia impedimento videtur esse usucapioni, ut recte notat Aquilius hic num. 106. vers. *sed hic intellectus;* quandoquidem si vere Dominus fuisset mortuus, & eo mortuo Servus hereditarius peculii nomine rem tenere crepisset, usucapionis primordium erit tempus hereditatis aditæ, ut ait Papinianus in l.

*prescriptio ult. §. fin. ff. eodem.* cujus regulæ rationem reddit his verbis: *Quomodo enim usufructus, quod ante defunctus non possederat? Ergo id ipsum dicendum est, cum ex lege Cornelia is, qui defunctus est apud hostes, quasi tunc decessisse videtur, cum captus est, d. l. in omnibus, ff. de captivis; nempe non inchoari usufructum a die, quo Servus captivum nomine peculii tenere coepit, sed cum heres captivi hereditatem adit; non enim fictio plus, quam veritas, operari potest §. l. filio quem pater, ff. de lib. & posth. l. ult. Cod. de iis, qui ven. atatis, &c.*

Verum tamen est, Papinianum sibi contrarium videri in *l. iusto, §. nondum, ff. eodem*, cum ait, nondum adit hereditatis tempus usufructi datum esse, sive Servus hereditarius aliquid comparaverit, sive defunctus usufructu coeperit. Ad quam difficultatem evitandam Alciatus hic num. 14. voluit, textum in *d. l. ult. §. ult.* locum habere juxta regulas Juris, quæ tamen hic non observantur ex privilegio, ut intelligendus est textus in *d. l. iusto, §. nondum*. Nam ita tandem Papinianus concludit: *Sed hæc Juri singulari recepta sunt.* Ita etiam hos textus conciliat Valentia hic cap. 4. num. 9. suppresso Alciati nomine, & Cujacius in *l. i. §. item acquiritur, ff. de acqu. poss. quem vide.*

Itaque Julianus regulas Juris respiciens (videtur enim nondum duo tempore Jus singulare fuisse receptum; vixit enim ante Papinianum) ex hac parte putabat, legem Corneliam usufructui obstare. At ex alia poterat respicere, diversum calum esse; quia cum Servus emit bona fide ex causa peculii, Domino in captivitate manente, statim Servus inchoat usufructum; quia Dominus vere mortuus non est, & Jura ejus omnia in suspensio sunt, & non abrompuntur, *l. illa institutio, §. fin. ff. de hered. instit.* Quocirca etiam in suspensio est hoc Jus, quo statum est, ut videatur rem peculiarem & animo & corpore Servi possidere: quo fit, ut ejus captivitas impedimento non sit, quo minus ex causa peculiari usufructus re ipsa inchoetur, *d. l. iusto, §. fin.* Ergo si usufructus inchoatus est, & in suspensio retenta, fienti ipsi reverto prodest ex postliminio, ita eo mortuo ad hereditatem ejus pertinebit ex lege Cornelia. Atque ita fictio minus, quam veritas, hic operatur, ex diversitate rationis; quippe Domino mortuo, vere Jura, in quantum ad ipsum, in suspensio non sunt. Ita discurrit Aquilius num. 104.

His ergo rationibus distractus Julianus veluti dubitando scripsit: *Si ibi decesserint, an per legem Corneliam ad heredes pertinebunt?* Quam tamen interrogationem Marcellus in notis ex mente Juliani pro affirmatione accipit, dicendo plenius fictionem legis Corneliæ posse accipi, attenta, ut dicebam, Juliani mente, quasi ad ultimam rationem prædictam inclinaet.

IV. Tandem Paulus notas Marcelli ad Julianum recitat. Dico notas; nam duæ sunt, una exponentis, altera contradicentis. Quod non animadvertum variis interpretum hæreticis locum dedit.

Prior nota exponens Juliani mentem est. Marcellus, posse plenius fictionem legis Corneliæ accipi. Vulgo credunt, hic Marcellum contradicere Juliani; & duo statuunt, Julianum dubitando, & interrogando, utrum ex lege Cornelia usufructus a servo inchoatus pertineat ad heredem captivi, intelligi negasse; deinde id displicuisse Marcellis, qui dixit, legis Corneliæ fictionem plenius postliminio accipi posse, quasi dicat, perperam fecisse Julianum ita stricte accipiendo legis Corneliæ fictionem, ut non prodest heredi, cum ea plenius accipi debeat.

Qua in re duplici nomine errant; tum quia Juliani mens in interrogatione proposita non fuit negare, sed affirmare, ut patet ex *d. l. in bello, §. facti, & d. l. bona, §. qui peculiari;* tum etiam, quia Marcellus si ex mente sua vellet legis Corneliæ fictionem heredi in specie proposita prodesse, sibi ipsi contrarius mox esset in *versis. Nam hereditates*, illis verbis: *Ideoque in successoribus locum non habere usufructum;* ita enim cum negatione hæc verba leguntur in Pandectis vulgaris, Norici, & Florentinis, Aut. August. t. emend. 3. quamvis alii nimis audacter ad tollendam quandam difficultatem, subdita negatione, emendant, *locum habere;* quibus immerito adherent Valentia hic cap. 10. & Cujacius hic v. locum non habere; & Alciatus hic num. 8. illud non mutat in *novam*. Quæ nugæ sunt, ortæ ex non intellecta mente Marcelli.

Posterior Marcelli nota est contradicentis; cum enim expressisset mentem Juliani, in quantum ad legem Corneliam, tum et contradicere in quantum ad utramque partem, & postliminio, & legis Corneliæ. Et primo de postliminio ait: *Quomodo enim postliminio reversionis plus juris habere possit in his, quæ servus*

*servi egerunt, quam his, qua per se, vel per servum possidebat, cum ad hostes pervenit? Mirum est, in mentem venisse Valentinæ cap. 1. num. 4. in his verbis non negare Marcellum in postliminii fictione veram esse Juliani sententiam; non solum enim negat, sed rationes sue contrariæ opinionis affert, arguendo a majori ad minus negative, hoc modo. Qui cepit ipse per se ulucapere, vel per Servum, & deinde captus ab hostibus est, si revertatur, utique ex postliminio ei non prodest ulucapio, ut in *princ. nostri textus*. Ergo multo minus ei prodesse ulucapio potest, cum est inchoata per Servum post captivitatem.*

Mirum est etiam, aliquos putare, esse Pauli, qui Juliano contradicat; etsi enim verum sit, Paulum quoque notas in Julianum scripsisse, ut constat ex l. 15. ff. de mortis causa donat. l. 4. §. ult. ff. de manum. vind. & alibi; tamen hæc verba Marcelli esse, apertissime patet ex Tryphonino in d. l. in bello, §. facti, ubi cum in specie nostra Juliani sententiam proposuisset, statim subjicit ei Marcellum contradixisse in hæc verba: *Marcellus scribit, nihil interesse, an ipse possideret, an subiecta ei persona.*

Deinde Marcellus Juliano contradicit, in quantum ad legem Corneliam attinet; inquit enim: *Nam hereditatem in quibusdam vice persona fungi, receptum est; ideoque successoribus locum non habere usucapionem.* Cujus argumenti hæc vis est. Hereditas in quibusdam vice personæ defuncti fungitur. Ergo regula est, ut in quibusdam vice personæ defuncti non fungatur. Scilicet fungitur vice personæ in iis, quæ juris sunt, utpote quæ omnia defuncti jura continet, l. nihil est aliud, ff. de verb. sign. l. hereditas, ff. de petit. hered. E diverso non fungitur vice personæ in iis, quæ facti sunt, veluti est possessio, l. 1. §. Scævola, ff. si is qui rest. liber. l. hereditates, ff. de acqu. rer. dom. l. cum heredes in princ. & §. 1. ff. de acq. poss. Sed ulucapio non nisi a possessione incipere potest, l. sine possessione, ff. eod. l. denique, ff. ex quib. caus. major. Ergo hereditas jacens ulucapionem nequit incipere, & per consequens nec Servus hereditarius. Quia ergo ex lege Cornelia, mortuo apud hostes Domino, hereditas fingitur jacens a die captivitatis; ideo resolvit ulucapionem interim a Servo hereditario acceptam, & verum erit, *In successoribus locum non habere usucapionem.* Hoc est Marcelli argumentum contra Julianum, quod Juliano ignorandum non fuisse, supra dicebamus, ut

qui suam in hac parte legis Cornelie sententiam dubitando & interrogando exposuit. Itaque hic quoque Marcellus Juliano contradixit, ut recte notat Tryphonius in d. l. in bello, §. facti, cujus verba jam recitavimus.

V. Pro complemento videndum est, utriusnam sententia, Juliani an Marcelli, nobis recipienda sit: nam & hoc in dubio est. Quippe Paulus hic videtur sententiam Marcelli acquiescere; in ea enim sententia quis residet, quam ultimo loco refert. E contrario Tryphonius ita scribit: *Sed Juliani sententia sequenda est;* quod etiam apparet ex eo, quod a Triboniano Juliani sententia una cum verbis relata est in l. bona, §. qui peculiari, ff. de captivis.

Sed dicendum omnino est, sententiam Marcelli hic a Paulo referri, non etiam probari; sæpe enim in jure nostro accidit, ut referantur a Jureconsultis sententiæ, quas tamen ii, qui proponunt, non probent, Donellus ad tit. de præscr. verb. cap. 19. num. 7. Cujacius l. obs. 16. & 15. obs. 20. Faber 2. conjec. 8. Scipio Gentilis 3. de donat. int. vir. & uxor. 38. Schiferdegh. lib. 1. tract. 11. qu. 8.

Ceterum rationes, non Juliani sententia recepta sit, rejecto Marcello, difficiles investigari non sunt. Ratio enim Marcelli, quod attinet ad legem Corneliam, non obstat; quia locum habet, quoties ulucapio hereditate jacente non potest inchoari, quia Dominus vere mortuus est; non etiam, quando Dominus tantum civiliter mortuo ob captivitatem, interim ulucapio reperitur per servum ex causa peculiari inchoata, d. l. jussu, §. fin. ut supra latius examinatum est.

Nec obstat alia ratio respectu postliminii; longum enim discrimen adest inter ulucapionem acceptam a Domino ante captivitatem, & acceptam a Servo ex causa peculiari post captivitatem: in illo enim casu possessio & ulucapio per captivitatem interruptitur, textus noster in *princ. d. l. in bello, §. facti*; at in illo neutra abrupta dicitur, ut ex citatis Juribus demonstratum est. Et hæc est nostra de d. §. quod si servus sententia, qui §. a nullo habetur intellectus est.

De Fictionibus Juris. Ad eandem l. si is, qui pro emptore X. ff. de usucap. & usurpat.

Occasione ejus, quod hic dicitur de fictione legis Cornelie de captivis, & de fictione postliminii, receptus jam est Interpre-

pretum mos, ut generatim de Juris Fictionibus agatur. Itaque nos Bartoli, Jafonis, Alciati, aliorumque vestigiis inherentes, cum quoque rem-aggreddimur, satis utilem ad quam plurimas Juris nostri causas & rationes recte intelligendas, & quæ fere per totum Juris corpus vagatur. Ut autem utilis est, ita & difficilis, ut vel ipsa Fictionis definitione apparet, quæ in Jure nostro nulquam tradita est, & in ea assignanda mirum in modum Doctores digladiantur, prorsus ut Aquilinus hic n. 108. vers. ex quibus dixerit, omnes de hac re Doctorem definitiones facile subverti posse, ipse interim deterius, nullam tradere ausus sit. Est sane male cessit Alcleteræ, qui integrum librum de Fictionibus Juris scripsit, cum tract. 1. cap. 1. definivit: *Est Juris constitutio, qua fingitur id contigisse, quod minime contigit, vel id non evenisse, quod re evenit.*

Nos Fictionem, quatenus ad rem nostram attinet, ita commodè definiri posse putamus: *Est mutatio veritatis a Jure in re possibili, ob justam utilitatis publicæ rationem introducta.* Quæ definitio per causas tradita est.

Nam dicitur *Mutatio veritatis* loco causæ formalis; nam Fictio quæcumque immutatio veritatis est; & imaginarium seu fictum est, cum fides facti simulatur, non intercedente veritate, l. contractus, ff. de action. & obligat. Cui si accedat dolus malus, & aliter præjudicium, dicitur fallum, l. qui testamentum, ff. ad legem Corneliam de falsis, l. si aliquid, §. testamentum, ff. de pænis. Quæ duo si abutitur, erit fictio, de qua in præsens agimus. Recte D. Augustinus 2. gg. Evangel. cap. 51. Fictio igitur, quæ ad aliquam veritatem refertur, figura est, quæ non refertur, mendacium est. Ita fraudem, si ablit dolus, non esse fraudem, sed æconomiam, & sapientiam, scribit D. Chryostomus 1. de sacerdotibus. Quare perperam Antonius Faber 20. conj. 16. Fictions nihil aliud esse, quam mendacia, scribit.

Dicitur a Jure introducta, ad demonstrandam causam efficientem Fictionem: Fictio enim non descendit ab homine, sed a Jure, l. se forte, ff. de cast. pecul. Et omne Jus fictionem agnoscit, excepto naturali, ut patet ex eo, quod hec pater & filius in potestate una fingantur persona; Jus tamen naturale nihil eam fictionem curans, naturali obligationi inter eos locum facit, l. frater a fratre, ff. de condit. indeb. ubi Hothomanus.

Dicitur in re possibili, ob causam materiam; semper enim legalis fictio naturam & veritatem imitatur: quod in adoptione, quæ nobis filium per fictionem dat, perspicue patet; quippe opus est, ut pater adoptans filius secundum naturam gignere possit, & fit major natu eo, quem sibi in filium eligit: præterea ut adoptio fiat sine ulla conditione, aut tempore ullo, quia ita filios nobis natura parat, l. actus legitimi, ff. de reg. jur.

Dicitur tandem, ob justam utilitatis publicæ rationem, quæ verba causam finalem fictionum continent; quia enim fictio est immutatio veritatis, utique illicita esset, nisi ob justum & commendabilem finem fieret; sine enim actus humani distinguuntur; quare dolus in rem a lege non prohibetur adhibitus, bonus est, & contrario malus. Quoniam ergo Jus utilitate consistit, l. jus pluribus, ff. de just. & jure, propterea ubi veritas huic utilitati repugnat, fictionem inducit. Ita exempli gratia est, cum fingit lex hereditatem defuncti personam substinere, ejusque Jura omnia repræsentare, l. hereditates, ff. de petit. hered. l. hereditas, ff. de reg. jur. nempe quia nisi ita fingeret, bona cujusque post mortem in nullius essent futura dominio, l. 1. §. 1. ff. de rer. divis. l. 3. in princ. ff. de peculio, l. denique, §. quæsitum, ff. quod vi aut clam; & consequenter occupanti essent concedenda, ex regula textus in l. 3. ff. de acqu. rer. dom. non obstante dispositione defuncti, quæ de rigore nullius momenti esse deberet, cum confertur in tempus, quod ipse disponens amplius Dominus non est, nempe post mortem, argumento ex l. quod sponsa, C. de donat. ante nupt. juncta auct. ingressi, C. de sacros. Eccles. Esset autem Reipublicæ perniciosum, si res alicujus sudore patris, eo mortuo cuiusque etiam extraneo, etiam inimico, occupanti concederetur; maximis enim discordiis societas turbaretur humana, contentende quocumque Domini exhalantis animam bona vi & dolo occupare. Ideo lex iustitate suadente induxit, ut res post mortem Domini non in nullius, sed in ipsius proprio dominio esse viderentur, fingendo hereditatem defuncti substinere personam: eleganter Valentia hic cap. 2.

Ceterum sicuti Jus in communi populo consuit, juxta illud Cicer. 1. de legibus: *Solus populi suprema lex esto*; ita fictionem non nisi ob publicam utilitatem inducit.

Ex dictis plura colliguntur. 1. Jus civile merito

merito gaudere fictionibus; tot enim passim fictiones occurrunt in Jure civili, ut eas in hoc Jure tanquam in suo regno versari dictum sit: nec illas explodere possis, quia pulcherrimam partem Juris civilis e medio tollas. Nec fictiones in Jure vituperandæ, quæ dolo creant, & quibus consistit æconomia Juris, Altelerra hic *tract. l. cap. 3.*

Etenim Jus omne triplex est, Essentiale, Potentiale, Operativum. Essentiale Jus est, quod totum in intellectu est, & sine ullo corpore, quia esse intelligitur. Ita est hereditas, bonorum possessio, & cetera hujusmodi. Hereditas enim, in quantum est universam Jus defuncti, sine ullo corpore, Juris intellectum habet. *hereditas § 3. ff. de petit. hered.* Unde quavis hereditas solvendo non sit, sed ære alieno exhauriatur, tamen hereditas est. Ita si nihil corporale in hereditate est, tamen recte agnoscitur, & recte petitur, *l. 3. ff. de bonor. poss. § 1. quod si in diem, §. Julianus, ff. de petit. hered.* Potentiale vero Jus est potestas seu facultas ad aliquid; quod est intellectu consistit, plerumque tamen indiget corpore, in quo fundetur, ut sunt servitutis, obligationes, actiones, patria potestas, tutela, & cetera hujusmodi. Quare si bonorum possessio consideretur, ut Jus persequendæ rei, seu patrimonii, quod conjuge, cum moritur, fuit, *l. 3. §. bonorum, ff. de bonor. poss.* Jus potentiale videtur. Operativum Jus est legis Fictio; læpe enim utilitatis vel necessitatis gratia lex quædam veluti creat.

Et quavis quidam opinentur Jus etiam operativum esse, cum lex præsumit; tamen Fictio & Præsumptio multum invicem distant. Nam Fictio in re certa veritatem supplet: Præsumptio in re dubia ex conjecturis supplet probationem. Fictio nunquam est cum veritate: Præsumptio plerumque cum veritate concurrat, *Gloss. in l. un. §. accedit, C. de rei uxor. est.* Fictio inducitur a lege, non ab homine, *l. si forte, ff. de cast. pecul.* Præsumptio induci potest ab homine, id est, a Judice, unde dividitur in præsumptionem legis, & hominis, *cap. afferre, de presumpt.* Fictio non admittit probationem contrariam, *Gloss. in l. ult. in princ. ff. quod met. causa, & in l. conficiuntur in princ. ff. de jure codicill.* Secus est de Præsumptione, quæ admittit probationem in contrarium, *d. l. ult. unica excepta presumptione, quæ Juri & de Jure dicitur, l. ult. C. ad Maced. l. ult. C. arbit. tut.* Nempe, quia magis est Fi-

ctio, quam Præsumptio, ut recte ait *Glossa in d. l. conficiuntur, v. quoniam creditur.* Fictio non est una contra aliam: at Præsumptio una tollit aliam, *l. dicitur, ff. de in int. test.* Placet hic definitionem Præsumptionis recitare ex Cujacio *ad rubr. de probat. & presumpt.* qui ita habet: *Præsumptio est anticipatio quadam de eo, quod in re est, communi sensu præcepta ex eo, quod plerumque fit, quæ probationem omnem in eum transferri, contra quæ facit.*

II. Colligitur, a Jure Canonico non immerito aliquando recipi Fictiones, veluti cum Monachi, quia mundo vale dixerunt, habentur ut mortui, Canonizæ ex *can. non dicatis 12. qu. 1. & ex cap. cum ad monasterium, de statu Monach.* Et eum ob continuationem jejunii duo dies pro uno habentur, nec in eis duo Sacri Ordines eidem conferri possunt, *cap. quod a Patribus dist. 75. cap. literas, de tempor. ordinat.* Olim ordinationes inchoabantur in vespéra Sabbati, & protrahantur ad mane diei Dominici, continuato jejunio. Itaque qui in Diaconum ordinatus est in vespéra Sabbati, non potest die Dominica mane Presbyterium recipere. Ita in bisexto duo dies unus constituitur, *l. quasit, ff. de verb. signif. l. denique, §. minore, ff. de minor.* Dies autem bisextilis est XXIV. Februarii. Alia exempla Fictionum in Jure Canonico non desunt; nam ita est, cum Ecclesia, quæ habet Episcopum inutilem, viduata dicitur, *cap. inter corporalia, ubi Hostiensis, de translat. Episcop.* Absentes causa studii habentur, ut præles ad fructus beneficiorum lucrandos, demus distributionibus quotidianis; *cap. tunc fraternitatis, cap. ad audientiam, de Cleric. non resid.* Et demum si rogatus heres ante fideicommissi restitutionem decellerit, actiones ipso Jure transeunt in Fideicommissarium, sine restitutione *cap. in presentia, de probat.* Altelerra *d. tract. l. cap. 3.*

Recipit fictiones nonnunquam Jus gentium, ut ex postliminio constat, *l. postliminium, ff. de captivis.* Imo etiam Jus Divinum, veluti cum Vxor uxore fratris præmortui viduam ducere jubetur, ad exulcrandum semen fratris. *Deuter. 25.*

III. Fictionem ad ea, quæ facti sunt, non pertinere, res enim facti impossibile est immutare, *l. denique, ff. ex quib. caus. major. l. in bello, §. facti, ff. de captivis.* Unde quæ possessio facti, & animi est, *l. t. §. Scirela, ff. si quis i. stat. liber,* propterea Jus postliminii ad possessionem minime se extendit, *d. §.*

*2. §. facti, & ita nec hereditas possidet, d. l. denique, d. §. Scavola.*

IV. Si id, quod facti est, ad Jus tendat, vel nonnulla a Jure mutetur, in quantum ad hanc partem capax fictionis erit. Illius rei exemplum habemus in possessione, quae utique facti est, led plurima a Jure mutata accipit, *l. 49 ff. de acqu. possess.* quocirca saepe fictiones admittit. Ita est, cum possessio acquiritur per actus civiles & fictitios, veluti per oculos, per appositionem custodiar, & similiter. Ita quoque, cum possessio defuncti prodest heredi, possessio venditoris prodest emptori, ad implendam ulucapionem, quare Jus est, *l. id tempus, l. possessio, ff. de usucap. l. per. C. de divers. & tempor. praeser.* Quia possessio defuncti vel venditoris quasi iuncta descendit ad heredem, vel emptorem, *l. cum miles, C. ex quib. caus. maior.* Observat Altferra tract. 3. cap. 13.

V. Inane esse, quod comminiscitur Bartolus hic, legent nonnunquam fingere id, quod in specie impossibile est, licet non fingat impossibile in genere: inane, inquam, est, quia quodcumque in specie impossibile est, id etiam impossibile est in genere, ut si Cajus filius Titii nequit esse filius meus, neque Filius unius esse potest filius alterius.

Obijcies I. In adoptione lex fingit imaginem nuptiarum, & filium adoptivum ex iustis nuptiis natum fingit; tum quia adoptio imitatur naturam *l. adoptio, ff. de adopt. l. filio, quem, ff. de lib. & posth.* tum etiam quia adoptio commentum id est figmentum dicitur in *l. fideicommissum, ff. de condit. & demonstr.* Qua in re lex impossibile fingit, cum Filius tuus nequeat meus esse.

Singularis hac in re est opinio Aquilini num. 137. qui negat ullam in adoptione fictionem esse, ut quae non est, nisi sola similitudo. Quae opinio satis probabilis est. I. Ex *l. mulierem, C. de adopt.* ubi filius adoptivus dicitur perinde ac ex te progenitus, sicuti in *l. adoptiones, ff. cit. tit.* nepos adoptivus dicitur perinde quasi ex filio natus; adverbium vero *Perinde* non fictionem, sed similitudinem denotat, ut in *l. disceptio, in princ. ff. de negot. gest.* ibi: *Quod si interea priusquam officium impleret, res amissa est, perinde negotiorum gestor non tenetur, ac si nunquam facere potuisset* ubi recte Accursius illud *Perinde* explicat, *Id est, Ita.* II. Quia antiqua arrogationis formula nihil habet, quod ad fi-

ctionem referri possit, sed omnia similitudinem exprimit, ita enim habet: *Velitis, jubentis, uti L. Valerius L. Titio tam Jure legeque filius fiet, quam si ex eo patre, matreque familias ejus natus esset: utique ei visum neisque in eum potestas fiet, uti pariendo filio est.* Hoc ita, ut dixi, ita vos Quirites rogo.

Neque in contrarium facit, adoptionem dici naturae imaginem; nam eisi imago aliquando cum fictione sit, ut in pictura & poesi; tamen ex natura sua nil nisi similitudinem denotat: ita somnus, qui morti similis est, dicitur mortis imago. Neque iterum facit, adoptionem dici commentum in *d. l. fideicommissum* ubi *fideicommissum a filii relicto, si quis ex his sine liberis diem suum obierit, adoptionis commentum non excluditur*; quippe non ea mens Jurisconsulti est, ut adoptionem figmentum esse dicat, sed ut rationem reddat, cur conditio, *si sine liberis*, ad adoptivum non porrigatur, scilicet, ne simulacris adoptionibus via fraudibus aperiretur. Eadem de causa se legi Papiae fraus fieret, Senatusconsulto Neronis temporibus cautum est, ne filii adoptivi prodescent in Magistratibus, vel hereditatibus occupandis, ut narrat Tacitus 19. *Annalium*. Quippe ex lege Papia in honoribus adipiscendis qui liberos habebat, praeferebatur orbis, & orborem hereditates acquirebantur fisco, idem Tacitus lib. 3.

Eodem modo Aquilius num. 121. & *Segg.* nonnullas alias de medio fictiones tollit, quas omnes ad similitudinem trahit. Exempli gratia, eum, qui in utero est, cum de ejus commodo agitur, fingi jam natum negat, propterea quod in *l. qui in utero 7. ff. de statu hominum* dicitur: *Eum perinde ac si in rebus humanis esset, custodiri.* Ratio vero, cur lex ei Jura tribuat, quae nancisceretur, si natus esset, reddatur a Celso in *l. vel si vivo, ff. de suis, & legit. Quia*, inquit, *conceptus quodammodo in utero natura esse existimatur.*

His ita positis, facile ad argumentum responsio patet; non enim adoptio est ficta filiatio, nec qui ex alio natus est, ex me natus fingitur, quod est impossibile: sed vera filiatio est, legitima tamen, & qui alterius filius naturalis est, sit filius meus legitimus, quod impossibile num est; sicuti de Jure Canonico ob spirituales cognationem verus spiritualis filius nobis acquiritur, *canon. Pistatus 30 qu. 3.*

Obijcies II. Qui in acie pugnando pro patria mortuus est, fingitur perpetuo vivere, ut

prosit Patri ad petendam exultationem a muneribus personalibus, §. *sed si in bello*, *Inst. de excus. tutorum*. At hominem perpetuo vivere, impossibile est. Varie respondent Doctores. Bartolus ait, fictionem non porrigi ultra tempus, quo vivere homo potest; id quod contradicit Justiniano in d. §. *sed si in bello*, ut notat Jafon hic num. 194. cum seg. Rectius itaque Angelus & Imola tradunt, in bello mortuum non dici simpliciter perpetuo vivere, sed addi, *per gloriam*, ut expresse Justinianus ait: hoc est, ejus gloriam perpetuo vivere, quod non fingitur, sed verum est. Unde Ennius.

*Nemo me lacrimis decoret, nec funera fletum*

*Faxis; nam volito vivo per ora virum.*

Plautus *Capitio*. Act. 3. Sc. 5.

*Qui per virtutem peritat, non interit.*

#### De divisione Fictionum.

Vulgo Doctores post Bartolum hic tres Fictionum species distinguunt, Inductivam, Privativam, & Translativam, quæ patitur extensiva nuncupari solet. De singulis nonnulla notatu digna recensenda sunt.

#### De Fictioe Inductiva.

Hæc est, ubi Lex aliquid fingendo largitur. Simili fictione Dignitas fingitur persona, quæ nunquam moritur. Quare legatum Principi relictum, eo mortuo ante diem legati eedentem, transit in Successorem; quippe censetur relictum ipsi Dignitati, tanquam personæ, quæ Principi extincto superstes est, l. *quod Principi*, ff. de leg. 2. Et huc fortasse pertinent verba Justiniani in l. *Deo nobis*, in fine, C. de Episc. & Cler. cum ait: *Nostra sanxita aeternitas; quamvis alij cum Suida credant, Justinianum sibi eternitatem adscribere*; quod à Triboniano seductus credidit, se non mortuum, sed vivum abiturum in cœlum. Justinus etiam junior eadem hæc in constitutione quamdam habet, quæ legitur apud Cujacium 4. observ. 28.

Idque verum est, si in legato Dignitas expressa sit, veluti Regi Hispaniarum do, lego; secus vero si dictum sit, Carolo III. Tunc enim non Dignitati, sed Personæ relictum censetur, argumento ex his, quæ tradit Bonifacius VIII. in cap. *gratise*, de *rescriptis* in 6: ubi si cui ad Episcopatum promotus Summus Pontifex impertiatur, ne beneficia, quæ

habet, vacent ad beneplacitum Sedis Apostolicæ, gratia & concessio permanet, etiam Summo Pontifici concessente extincto: at extinguatur concessio, si Summus Pontifex dixerit, *ad beneplacitum nostrum*.

Non ita est de Augusta, cui quocunque ex prædictis modis legatum relictum sit, ubi ea inter homines esse definit, deficit quod ei relictum est. Nempe quia Regia Dignitas à Principe, non etiam ab Augusta representatur, l. *si Augusta*, ff. de leg. 2.

Eadem de causa legatum annuum Sacerdoti, & Hierophylaci, & Aeditui templi relictum, datur non solum eis, qui eo tempore, quo legabatur, in rebus humanis, & in eo officio erant, sed etiam Successoribus, quasi templo, seu potius Dignitati datum sit, l. *annua*, §. *Actia*, ff. de ann. legat. cap. *requiristi*, de *testam. can. Pontificis* 12. quest. 5.

Obinet id quoque in Jurisdictione mandata; nam si Abbati alicujus Ecclesiæ delegata causa sit à Summo Pontifice, non expresso nomine proprio Abbatis, eo defuncto delegatio transit ad Successorem, tanquam Dignitati facta, cap. *quoniam Abbas*, de *offic. Deleg. cap. si in eis*, cit. tit. in 6.

Personæ vice patitur fungitur Universitas, l. *mortuo*, ff. de *fideiuss.* Peculium etiam simile est homini, ut eleganter Papyrius Fronto dicebat, & nascitur, crescit, decrescit, & moritur, l. *peculium*, ff. de *peculio*. Et ita de aliis pluribus, quæ vulgo nota sunt.

Ad Fictionem Inductivam pertinet, cum duo vel plures correi stipulandi & promittendi, vel credendi & debeandi, pro uno habentur, quod unum sit debitum, & una obligatio, l. *si plures*, ff. de *actis*, l. *qui hominem*, §. *si duo*, ff. de *solut.* Quare exactione vel acceptatione unius, tota solvitur obligatio, l. 2. & l. 3. §. 1. ff. de *duobus reis*, l. *si rem*, §. *si duo*, ff. de *novation.* Propterea datur præventio, & si unus e pluribus correis prior agere cœperit, alteri debitor solvendo non liberatur, l. *ex duobus*, ff. de *duobus reis*. Contestatio vero facta ab uno ex creditoribus, vel si debitum agnoscat & solvat ex parte unius ex debitoribus, id præscriptionem interruptit in quantum ad ceteros omnes, l. *ult. C. cit. tit.*

Huc quoque facit, cum maritus & uxor fundi dotales aliquando simul possessores esse creduntur; nempe in quantum ad hoc, ut neuter ipsorum cogatur præstare cautionem judicio fidei, tanquam possessores rerum stabilium,



bilium, *l. sciendum, §. si iunctus, ff. qui sa-  
visd. cogant.* Ita quoque ejusdem Jure natu-  
rali, maritus vero, Jure civili, *l. in rebus,  
C. de Jure dotium, & videtur insinuari in l.  
quamvis, ff. cit. cit.* In quantum dos est mu-  
lieris, sit ut si Thelurus inventus sit in  
fundo dotali, in fructus non computetur,  
sed dimidium vir restituit, quasi in alieno  
inventi, *l. divertio, §. si fundum, ff. sol.  
matt.* E diverso quatenus mariti est, ipsi da-  
tur vindictio fundi dotalis, *l. doce ancillam,  
C. de rei vind.* Et potest servum dotalem ma-  
nmittere, si sit solvendo, *l. servum dotalem,  
ff. de manumission. l. 3. C. de Jure dotium, l.  
1. C. de servo pignori dato; & si hujusmodi  
servus heres scriptus sit, nequit adire vel re-  
pudiare hereditatem, nisi iussu mariti, *l. ser-  
vus dotalis, ff. solus. matrim.**

Ceterum si maritus vocetur ad munera mu-  
nicipalia pro modo substantie, dos non com-  
putatur in bonis mariti, *l. Lucius, §. idem  
respondit, ff. ad municipalem;* quamvis dos in  
bonis mariti sit, *d. l. quamvis, l. dotis fru-  
ctum, §. si res, ff. de Jure dotium.* At si fun-  
dus in dotem datus, evictus sit, mulieri da-  
tur actio ex stipulatu de evizione; quia ejus  
interest fundum non esse evictum, ne dote  
careat, *d. l. quamvis.*

Notatu dignum est, mulierem non modo  
esse dominam dotis, sed propter promiscuum  
usum rerum, & societatem vitæ, quodam-  
modo dominam omnium rerum viri ceteri,  
*l. 1. ff. rerum amotar. l. quamvis, C. de sur-  
sis, l. 4. C. de crim. expil. heredit.* Ut filius  
in potestate est quodammodo Dominus rerum  
paternarum, *l. in suis, ff. de lib. C. postb.*  
Quare olim materfamilias marito in sui he-  
redis locum veniebat, Gellius 18. *noctium  
Atticorum* 6. Et ad eam fortasse respexit Ulpia-  
nus in *l. 4. ff. de hered. instit. illis verbis:*  
*Suus quoque heres sub omni conditione potest in-  
stitui, sed excipiendus est filius.*

#### De Fissione Privativa.

Hæc dicitur esse, ubi Lex quod alienius  
est illi aufert. Ita est, cum qui caput  
habetur tanquam si non cepisset, ob id  
quod alii restituitur est. Puta, filio meo  
naturali, qui non potest ex testamento meo  
capere, nisi unciam, ubi filius iusti extitit,  
*l. 2. cum auct. seg. C. de natural. lib. ego trien-  
tem legavi, ejusque fidei commissi, ut Cajo  
restituere.* Utique filius naturalis solidum le-

gatum capiet, *l. cum ei, ff. de leg. 2. l. si fidei,  
ff. de leg. 3.* Quod si fuerit heres institutus,  
cogitur adire, & restituere ex Trebelliano,  
*l. cogi, §. h. si solidum, ff. ad Trebell.*

Sed si qui institutus est, omnino incapax  
sit, & rogetur alteri restituere, magna quæ-  
stio est, an fideicommissum valeat, ut videre  
est apud glossam in *l. eam, quam, C. de fi-  
deic. v. cogantur.* Placet tamen distinctio Ja-  
sonis *ibidem.* Si enim institutus heres inca-  
pax ab initio fuit, non cogitur adire, nec re-  
stituere, & fideicommissum evanescit. At si  
a principio capax fuit, qui deinde efficiatur  
indignus, cogitur adire & restituere, & valet  
fideicommissum, *l. Marcellus, §. si fin. ff. ad  
Trebell.* ubi heres ejus, qui a sermo oculis se-  
rebat, adit hereditatem, ante quæstionem  
de familia habitam, ex Senatusconsulto Syl-  
laniano, hereditas hîco vindicatur. Nam si-  
cet ab initio capax fuerit, deinde ob negle-  
ctam necem Testatoris incapax effectus est.  
Fiscus tamen relicto quadrante, fideicommissum  
restituere.

In pari causa est, ubi quis temere exhere-  
dat filium, pro furioso habetur, ut sub hoc  
colore testamentum ejus per querelam, inoffi-  
ciosi rescindatur, *l. mater, §. præterea, ff. de  
inoffic. testam.* Nam sepe Juri color quantur,  
*l. item si, §. 1. ff. ad Moecl. l. minor autem,  
§. 1. ff. de minor. l. Sulpicius, ff. de donat.  
inst. vir. C. uxori. l. quia poterat, ff. ad Tre-  
bell. l. quisquis, C. ad legem Julianam Majest.*

Huc quoque pertinet, cum exheredatus ha-  
betur pro mortuo. Finge, quis ex duobus fi-  
lius unum preterit, alterum exheredit. Per  
bonorum possessionem contra tabulas admit-  
tuntur a Pratore nepos filii exherediti una  
cum eorum patruo preterito. Nec ei obstat  
frater, quia exheredatus pro mortuo habetur,  
ut dicitur in *l. 1, §. sed est patruus, ff. de conjugum emancip. liber.* Ob eandem  
rationem in computanda legitima, exhereda-  
ti non servat partem, nec faciunt partem,  
*l. si post mortem, §. exheredati, ff. de bonor.  
possess. contra Tabulas.*

#### De Fissione Translativa, et Extensiva.

Hæc est, cum Lex rem, quæ certa for-  
ma aut modo extat, in aliam formam  
aut modum extare interpretatur, ut deñit  
Akiatus hic *n. 41.* Idque plurimum quatuor  
modis fit, mutatione temporis, persone, rei,  
& loci, de quibus exempla, Sulpiciam.

L 2 I. De

I. De re ad rem est, ubi una res sit, & alia demonstratur. Exemplum Bartoli est, traditio clavium, qua coram horreo facta, intelliguntur traditæ fruges, quæ venditæ in horreo sunt, *l. clavibus, ff. de contr. emt.* Olim ad ufucapionem usurpandam seu interumpendam frangebatur furculus; Cic. 3. de orat. Ut ex Jure civili furculo defringendo usurpare videantur. Et novi operis nunciatio aliquando fit per manus oppositionem; vel lapilli jactum, quasi demonstrat quis, se ita novum opus demoliri, *l. 5. §. meminisse, ff. de novi oper. nunciat. l. etsi forte, §. sciendum, ff. si servitus vindic. l. 1. §. sed etsi, l. vi facit, §. prohibitus, ff. quod vi aut clam, cap. ex parte, de verbor. signif.* Alia exempla posuimus supra in traditione per symbolum.

II. De loco ad locum est, cum absens pro præsentē habetur: propterea contumax quasi præfens, & convictus damnatur, *l. contumacia, ff. de re judic. Nov. 69. cap. 3.* ita tamen, ut damnari poena pecuniaria possit, vel corporali, usque ad relegationem: verum gravior poena, puta damnatio in metallum, vel poena capitis, non potest absenti irrogari, *l. absentem, ff. de penis, l. 1. ff. de requir. reis, l. absentem C. de accusat.* In Regno tamen nostro fecus observatur in causis forjudicationis.

Ita qui domicilium alicubi habet, quamvis absens, pro præsentē habetur, *l. quæsum in princ. ff. de leg. 3. ubi quidam legavi ita: Cap. fundum meum cum iis, quæ in eodem fundo erant, cum moriar, do, lego.* Debetur Legatario etiam servus, qui ante mortem Testatoris abductus fuit disciplinæ & studiorum causa, quibus completis fuerat reversurus, *l. quæsum, §. idem respondit, l. Seja, §. Pamphila, ff. de fundo instr. l. nihil interest, ff. de capitur.*

E contrario furiosus, infans, somno occupatus, aut comitali morbo pressus, pro absente habetur, *l. ubi non, ff. de reg. Juris, l. eorum, ff. de verb. signif.* Quare Arbiter, qui debet sententiam dicere coram utroque litigatore, non coram altero tantum, *l. unus sit de meas, non eorum dicta erit sententia, nisi scilicet præfens sit curator, l. diem, §. eorum, juncta l. sed & interpellatur, ff. de recept. arbit.* Eodem modo si testator jussit heredem adire coram Titio, eo furante non adibit, *l. si quis mihi bona, §. si eorum, ff. de acqu. hered.* Ergo debet adire Ti-

tio sciente & arbitrante, idest, illius consilio & arbitrio; non voluntate, alioqui conferretur addito in alienam voluntatem. Titio absente, frustra adibit, ut notat Azo apud Accursium in d. §. si eorum. Sed ex altera parte Titius debet velle, & adesse, Cujacius in d. l. eorum.

III. De persona ad personam, ut in Regula, *Qui per alium facit, &c.* In difficili tamen est, utrum qui per alium delinquit, perinde puniatur, ac si per se ipsum deliquisset. Quod late examinat Bartolus, Crotus, Alciatus, & Aquilinus hic, qui varie distinguunt.

Et sane ex una parte videtur distinguendum. Aut lex in rem scripta est, aut in personam: In illo casu qui iussit, teneri, non etiam in isto. Habetur hæc doctrina ex *l. §. ult. ff. quod vi aut clam*, ubi considerat Ulpianus interdictum illud esse conceptum in rem, ita: *Quod vi aut clam factum est, qui de re agitur, id cum experiundi potestas est, restitui: non vero esse in personam, hoc modo: Quod vi aut clam fecisti.* Et ex his elicit; ut live ego feci, live fieri iussi, teneat; nempe quia in rem interdictum scriptum est. Unde si scriptum in personam esset, non teneret.

Quod verum videtur non solum si in secundam personam concepta lex sit, quod putat Aquilinus n. 227. sed etiam si in tertiam; quippe idem Ulpianus in *l. si servum, §. non dixit, ff. de acqu. hered.* ex eo quod. Prætor non dixit, *Si quid amoveris*, sed, *Si per eum, contra factum eris, quod quid ex ea amoveretur*, colligit edictum locum habere contra heredem, tam si ipse amoverit, quam si amovendum curaverit. Quocirca id edictum in tertiam personam esset scriptum, *Si quid amoveris*, heres, qui iussit, non teneretur.

Eodem modo, quia interdictum de metu a Prætorē in rem scriptum est, ita, *Quod metus causa gestum eris, rursus non habebis*, nec personam vim facientis coerceat, propterea contra omnes locum habet, idem Ulpianus in *l. metum §. ult. ff. de eo, quod metus causa.*

E diverso dicendum videtur, si lex in tertiam personam concepta sit, cum qui iussit, legis poena teneri, contra textum in *l. si servum, §. non dixit.*

Quod palam sit ex pluribus. Et I. Ex *l. si quis id, §. ult. ff. de iurisd.* quippe edictum in per-

personam fuit scriptam, *Si quis id, quod jurisdictionis perpetua causa in albo popositum erit, dolo malo corruerit*: Ulpianus tamen ait, eo teneri & qui suis manibus facit, & qui alii mandat.

II. Ex eodem Ulpiano in ff. *Ne quis cum, qui in ius vocabitur vi eximat*, quod edictum fortiter in personam scriptum est. At in l. pen. dicitur, si per alium quis fecerit, hac clausula teneri.

III. Ex ff. de co, per quem factum erit, quo minus quis in iudicio sistat, ubi Prætor in personam edictum proposuit. Nihilominus Ulpianus ibi in princ. ait, fecisse dolo malo non solum eum putari, qui suis manibus, vel per suos retinuit, verum etiam qui alios quoque rogavit, ut eum detinerent, vel abdacerent, ne iudicio sistat.

IV. Id ipsum probatur ex ipso Ulpiano in l. 1. §. si domini, ff. ne vis fiat ei, qui in possess. missus est: ait enim dari actionem, etiam si per alium quis fecerit, non obstantibus verbis Edicti, quæ ita habent: *Si quis dolo malo fecerit, &c.* Concordant textus in l. 3. §. si procurator, ff. quod quisque juris in alterum statuerit, in l. non solum, ff. de iniuriis, & in l. non ideo minus, C. de accusat.

V. Hoc quoque est, si lex concepta in secundam personam sit; nam Ulpianus in l. 1. §. de jecisse, ff. de vi & vi arm. quamvis Edictum ita conceptum sit, *Ubi tu alium vi deieceris*; tamen fatetur, comprehendendum eum, qui iussit.

Nec discrepat Ius Canonicum in cap. si quis suadente 17 qu. 4. iuncto textu in cap. mulieres in fine, de sentent. excommuni. Et si enim lex in personam concepta sit, in excommunicationem tamen incidit iam qui per se, quam qui per alium manum violentiam in Clericum injicit: & in cap. significavit, de iudiciis, ubi excommunicatione innotantur, qui commeatum vel merces ad Sarracenos deferunt, etiam si per alios fecerint.

In tanto legum dissidio, ne Ulpianus sibi ipsi toties repugnare videatur, credimus esse generatim statuendum, si lex in personam concepta sit, secundam aut tertiam, siue in rem, semper non modo qui per se facit, sed etiam qui iussit, comprehendendi, ex regula; Is damnatum dat, qui jubet dare, l. is damnatum, ff. de reg. juris.

Nec quidquam urget textus in d. l. 5. §. ult. ff. quod vi aut clam. Fatetur quidem Ulpia-

nus, interdictum illud dari in eum quoque, qui iussit, quia non est conceptum in personam, sed in rem; non tamen inde sequitur, non debere locum habere, si in personam scriptum esset. Neque hoc unquam Ulpianus dixit; ratiocinatur enim non a contrario, ut Doctores vulgo existimant, ex quo errore tot trita & distinctiones ortæ sunt; sed a majori ad minus, ut sensus sit: Si interdictum esset conceptum in personam, vigeret etiam contra eum, qui iussit, d. l. t. §. de jecisse, d. l. si quis id, §. ult. cum concordant. Ergo multo magis contra eundem locum habere debet, quia est scriptum in rem. Id ipsum dicendum est de d. l. si servum, §. non dixit, & d. l. metum 9. §. ult.

IV. Mutatio fit de tempore ad tempus, & est in retroractionibus omnibus, ut in fictione legis Cornelie, in Iure posthumini, & in aliis multis. Sed satis sit nonnulla de Iudicium sententiis notasse, cum scilicet ab iis appellatum est. Ex res casus distinguere oportet.

I. In criminalibus. Si ergo quis damnatus fuit, vel alius famosis iudiciis, provocaverit, & injusta provocatio visa sit, intelligitur infamis ex præfenti tempore, seu ex quo die appellatio declaratur injusta, & non retro a die prioris sententiæ latæ, l. furti in princ. ff. de his, qui notant. infamia; quia in criminalibus appellatio extinguit iudicatum, l. 1. §. ult. ff. ad Turpill. Unde si reus damnatus penitente iudicio appellationis decedat, crimen morte extinguitur, id est, quæstio de crimine l. 3. C. si pend. appellat. l. ult. C. si reus, vel accus. l. in ratione, §. cum quidam, ff. ad legem Falcidiam.

Excipe, si ab excommunicationis sententia appellatum sit; quippe appellatio non suspendit executionem sententiæ, & excommunicatio secum trahit executionem, cap. pastoralis, §. verum, de appellat. Unique ab excommunicatione appellare fas non est, quia sententia Pastoris etiam injusta timenda est. Unum excipe casum ex Concilio Sardicensi can. 14. ubi ei, qui est excommunicatus ab Episcopo *ἐκκλησιᾷ*, in iram prompto, conceditur appellatio ad Metropolitanam Provinciam. Ipse tamen ante rei cognitionem sibi suo Jure *κλήρικον* tribuere non debet. Vide Concilium Nicænum can. 5. & Antiochenum can. 6.


II. In civilibus. Si Iudex, ad quem appellatum est, confirmet sententiam prioris Iudicis, sententia appellationis retrahitur ad diem, quo prior sententia lata est; quia in civilibus

civilibus appellatio non extinguitur, sed suspenditur iudicatum, *l. si causa cognita, C. de transact.* Et executio iudicati non spectat ad Iudicem appellationis, sed ad eum, a quo appellatum est, *Glos. in l. eos, C. de appellat.*

III. Si damnatus in criminalibus post appellationem moram trahat, & tempora appellationis labi sinat, quo casu appellatio dicitur

delicta, retro infamis est, *d. l. furti in princ.* scilicet, tanquam appellatum non sit, *l. ult. §. illud, C. de tempor. appellat.*

Atque hæc de Possessione, & Usucapione, habuimus dicere; suppliciter interim D.O.M. orantes, quo ita nos dirigat, ut ex recto legum Divinarum ulu, Regni cœlestis possessionem nancisci, ac veluti usufructu valeamus.





# DOMINICI AULISII,

J. C. CLARISSIMI

De Verborum Obligationibus, ad lib. 45.

*Digestorum tit. 1.*



Verborum obligatio in duo veluti summa genera dividitur. Unum cum precedente interrogatione, alterum sine interrogatione. *Cajus Instit. lib. poster. tit. 9.*

Sine interrogatione, & uno loquente & promittente, contrahitur

verborum obligatio in Dictione dotis, & Operarum promissione. Quippe in Dictione dotis hæc verbotum formula sollemnis erat: *Decem tibi doti erunt, l. nuptura, l. si mulier ita, l. quem admodum, §. pen. ff. de Jure dotium.* Quæ Dictio non erat omnibus permixta, sed vel mulieri, quæ nuptura erat; vel debitori mulieris, si Jussu ejusdem dotem diceret; vel tandem parenti virilis sexus, Ceteris personis licita erat Datio dotis, & Promissio per stipulationem, non Dictio, Ulpianus in *fragm. tit. 6. de dosibus, in princ.* Quod quidem Jus etiam hodie viget, nec est immutatum, nisi in hoc, quod ut Promissio dotis omnibus licita est, *l. promittendo, ff. de Jure dotium*, ita etiam Dictio, *l. ad exactionem, C. de dotis promiss. l. ux. C. de rei uxor. act.* Discrimen inter Dictionem dotis, & Promissionem per stipulationem, est quod illa ex privilegio, hæc ex rigore Juris obligationem parit.

Ex Operarum promissione est, cum Libertus verbis conceptis & sollemnibus post manumissionem jurat Patrono, *Operas, donum, munus se præsisturum, l. 7. §. jurare, ff. de oper. Libert.* Quo tamen casu Libertus non tam Verborum sollemnitate, quam Jurisjurandi religione tenetur, *Cajus loc. cit.* Et hic est unus & solus casus, quo de Jure civili ex Jurejurando extra judicium quæritur obligatio. Pactioni autem, quæ alias valet, Jusjurandum robur addit duobus casibus, qui uterque ex Jure Constitutionum est, in Transactione, & in Contractu Minoris, *l. si quis major, C. de Transact. Auth. sacramenta puberum, C. si adv. vendit. l. 3. C. si minor se major. dixerit.* Vis enim jurameutorum reliqua tota a Jure Pontificio dependet, *Vultejus discept. cap. 7.*

Precedente interrogatione contrahitur verborum obligatio in Stipulatione, & Satisfactione, *l. 5. §. stipulatio, cum sequ. ff. eodem.* Et de his duabus sermo est titulo præfati, nam de reliquis duabus habetur in *tit. de Jure dotium, & de Operis Libertorum.* Quare non amplius mirentur, qui quærent, cur nostra Rubrica in plurali numero concepta sit, *De Verborum Obligationibus*; putant enim non nisi de una Stipulatione hic agi: proinde immutant in hanc aliam, *De Stipulationibus.* Quod inepte fit; nam præter Stipulationem, agitur hic etiam de Satisfactione,

ac,

ne, ita tamen, ut sola ejus natura explicetur in dict. l. 5.

Est tamen notandum, agi de Stipulatione, non solum hoc titulo, sed & duobus sequentibus, qui sunt, *De duobus reis*, & *De Stipulatione Servorum*. Quibus explicitis, exponuntur reliqua, quæ ad Satisfactionem pertineant in tit. IV. qui est de *Excefforibus*, & *Mandatoribus*.

Hujus tituli in Pandectis Florentinis tres sunt partes. Secunda incipit a *l. si decem* 48. ubi partim Græce, partim Latine, proponuntur hæc verba *res vel De Verbor. Obligat.* Tertia oritur a *l. si flagitii* 123. Quæ divisio nullo mysterio facta est, sed solum ut titulus amplius & diffusius, multisque difficultatibus implicatus, per eam distinctionem commodius legeretur: ubi quam etiam causam tractatio legatorum in tres libros distincta habetur.

Verborum Obligationi Acceptilatio directio contraria est, eamque ipso Jure tollit, quia verborum obligatio verbis tollitur, *l. nihil tam naturale*, ff. de regulis Juris. Eamque definit Modestianus *l. 1. ff. de Acceptilat.* his verbis: *Acceptilatio est liberatio per mutuum interrogationem, qua utriusque contingit ab eodem nexu absolutio*. Explicatur Definitio.

Dicitur, *Liberatio*, quia Acceptilatio non est contractus, ut Verborum Obligatio, sed distractus, seu unus ex modis, quibus Obligatio solvitur, §. item, *Institut. quibus modis tollitur Obligatio*.

Dicitur, *per mutuum interrogationem*: quod tamen falsum videtur, quia Debitor tantum interrogat, hoc modo: *Quod ego tibi promisi, habesne acceptum?* Creditor vero respondet, *Habeo*. Verum Modestinus hic de ea Acceptilatione est locutus, quæ cum Aquiliana stipulatione conjungitur, ubi Creditor interrogat, Debitor respondet. Cum enim per Acceptilationem hæc tantum Obligations tollantur, quæ ex verbis consistunt; propterea ad ceteras tollendas, exempli gratia, ad tollendas Obligations ortas ex contractibus, qui re celebrantur, opus est ut Acceptilationem præcedat Aquiliana stipulatio; nam Creditor interrogat: *Quidquid te mihi ex mutui causa dare oportet, tantam pecuniam dare spondes?* Debitor respondet, *Spondeo*. Ex quo Mutui Obligatio transit in Obligationem Verborum; tum subditur Acceptilatio, qua Verborum Obligatio dissolvitur, §. sed & id, *instit. cit. tit.*

Sed si accepto latum fuerit ei, qui non Verbis, sed Re obligatus est, quamvis ipso Jure non liberetur, exceptione tamen deli mali, vel pacti conventi, se tueri poterit, *l. si accepto latum*, ff. de acceptilat. Nam inutilis Acceptilatio utile pactum habet, *l. an inutilis*, in prin. ff. cit. tit. Petrus Faber in *d. l. nihil tam naturale*.

Dicitur *ab eodem nexu absolutio*. Docet Ruardus in *d. l. nihil tam naturale*, Modestianum non de Acceptilatione nuda hic sermonem habere, qua tollitur nuda Verborum Obligatio, sed omnino respexisse ad Acceptilationem per res & libram, qua sola poterant res nexu dissolvi, hoc est, res per res & libram obligate. Unde Aelius Gallus *nexi dationem*, & *nexi liberationem* memorat apud Festum verbo *Nexum* est, & Livius lib. 6. de Marco Manlio: *Inde rem creditori palam Populo solvus, liberaque & are liberatum emittit*. Sed hæc nexus solemnia substat Imperator Justinianus.

## CAPUT I

### De Stipulationis natura.

Stipulationis definitionem habemus expressam a Pomponio in *d. l. 5. §. stipulatio*, in hæc verba: *Stipulatio est Verborum conceptio, quibus is, qui interrogatur, daturum facturumque se, quod interrogatus est, responderit*. Quæ definitio plenior est ea, quam tradit Paulus *2. sent. 3.* ubi ait: *Stipulatio est verborum conceptio, ad quem quis congrue interrogatus, respondit*. Explicatur definitio.

Dicitur *Verborum conceptio*, quia promissor interrogationis formulam sequi, & dictata verba concipere debet; isdem usus, quibus fuerat interrogatus, veluti, *Spondes, Spondeo, Dabis, Dabo, Premittis, Promitto, Fidei tua erit, Fidei mea erit*. Nam concipere verba est ea verba capere, quæ ab alio præeunte dicta sunt. Ex hoc etiam sensu *Conceptio jurisjurandi* dicitur in *l. iusjurandum*, §. si de quantitate, & §. non semper, ff. de iurejur. Quoniam qui jurat, formulam ab eo, qui iusjurandum offert, sequi cogitur; unde ei dicebat, *Prae verbis* Plautus in *Rudente* act. 5. §. 3. Exemplum est apud Suetonium de *Clavio Rhetor. Ablatio Sile*. Vide Biffon lib. 8. de formulis, Valentian hic cap. 1. a n. 5. ad 8.

Verum hæc solemnia verba constitutio Leonis remissa sunt, *l. omnes, C. de contrah. stipul.* qui voluit, verba quæcumque apta esse, qui-

quibus animus promittendi palam sit; & videtur sequitur sententiam Ulpiani in l. 1. §. si quis ita, ff. eod. ubi interrogatur Dabis? si responderit, Quid ni? obligatur, nam inter adverbia promittendi sunt, Etiam, & Quid ni? ut ibidem ex Donato Cuiacius observat.

Ex his l. constat, stipulationem non posse concipi, nisi utroque loquente, d. l. 1. in princ. Unde Mesochius 3. pref. p. num. 8. opinatur, stipulationem tacitam, quam fingit lex intervenisse pro dote danda vel restituenda, non habere locum, cum alteruter Conjugum est mutus.

Rectius tamen in contrarium communis sententia docet, privilegium tacite stipulationis eo etiam casu inesse, quia etsi secundum naturam extrema habilia non sint, cum alter Conjugum loqui nequeat, tamen si Jus Operativum attendamus, omnia recte se habent: fingit enim Conjuges servos habere, qui Conjugum nomine stipulantur; nam mutus per servum presentem recte stipulatur, d. l. r. §. 1. Ita Aretinus in l. 1. ff. solut. matrim. alique apud Bolognetum ibidem. Quippe lex ubi aliquid fingit, præstare ea omnia, quæ ad effectum consequendum sunt necessaria. Ideo filium adoptare potest, tanquam ex se natum, etiam qui uxorem non habet, l. c. qui, uxor, ff. de adopt. Et qui filium non habet, alium in nepotem, tanquam ex filio natum, adoptare non prohibetur, l. adoptare, ff. cit. r. Nempè quia in eo casu lex antecederet fingit, adoptantem uxore non ecare, in isto filium ei non dessee, ut latius diximus in l. si is, qui pro emore, ff. de usucap.

Constat II. stipulationem non posse celebrari cum absente, quoniam exaudire se stipulantes & promittentes invicem debent, d. l. 1. in princ. Pugnare videtur l. eam qua, ff. de donat. int. vir. & uxor. ubi uxor marito scripsit: Viginti, qua mihi hac die, donationis causa dare voluisti, dataram & restitutam me sine ulla datione spondes. Et tamen Paulus stipulationem vocat. Verum recte Accursius notat, stipulationem fuisse antecesserit celebratam inter presentes, deinde in rei restitutionem & memoriam eadem die scriptam. & missam fuisse epistolam; quæ tamen ipsa satis non est ad probandam stipulationem, de qua aliunde constare debet; uti manifestum est ex illis Pauli verbis; ibidem: Quod si stipulatio commissæ non probetur. Id ipsum indicat Marcellus in l. Titius, ff. de epist. pec. Hotom. 7. obs. 10. Charondas 1. Pirahanon. 21.

Tom. I.

Dicitur, Quibus is, qui interrogatur; nam stipulatio, ut per interrogatioem convenit cum satis acceptione, ita per eandem distat a Dictione apdis, & Promissione operatum. In Jure nostro aliquando Interrogare ponitur pro Rogare, ut cum lex & plebiscitum constituitur dicitur, Magistratus interrogant, §. lex est, cum leg. Inslij. de jure natur. Non enim Magistratus interrogabat Populum, sed rogabat, dicendo, Velitis, jubentis, quæ verba rogantis sunt, non interrogantis. Unde Rogationis nomen legibus datum, ut Rogatio Vocinia apud Paulum. Nec Populus respondebat, sed suffragium ferebat per tabellas, in quibus cum sciscitabatur lex, erant duæ literæ signatæ, U. R. id est, Uti Rogas: at er, quibus lex rejiciebatur, una litera A. erant inscriptæ, id est, Antiquo, quod valet, Nihil novari volo, antiqua probo. Vide Manutium de legib. Romanor. pag. 150. E diverso aliquando Rogare vim interrogandi habet, l. 2. ff. de adopt. ubi Arrogatio dicitur a rogando, quod Cajus, vel Tribonianus populus explicat, interrogando. Attento scilicet novo Jure; nam olim Arrogatio per Populi rogationem fiebat, illis etiam verbis, Velitis, jubentis. Vide Gellium §. notatit.

Dicitur, Datum sacrumve; nam stipulatio vel in dando, vel in faciendo consistit, l. 3. in princ. ff. eod. Et sub his verbis intelligimus etiam non dare, non facere, tibi autem, §. qui id, ff. eod.

Apparet ex his, stipulationem concipi debere per verba futuri temporis, Dabo, Faciam. Id ipsum est de verbo Promittendi, quod vi & potestate futurum respicit; nam qui facit, aut dat, non promittit; & qui promittit, non dat, nec facit, l. 1. C. ad legem Falcidiam. Receptæ tamen sunt stipulationes, quæ concipiuntur per præsens infinitivi modum, ut Servum sacrum non esse, fugitivum non esse, l. si ita quis, ff. de evict. Nempè quia infinitivus modus confundit & miscet tempora, & ideo infinitivus dicitur, Aliquis in d. l. §. num. 10. Sed verius est, in his stipulationibus subintelligi Promittendi verbum, hoc est: Promittis servum sacrum non esse, &c. Idemque est, si verba modi finiti habeant tractum in futurum, ut Illum filias? stipulatio ista, §. pen. ff. eod.

Itaque si verba præsentis temporis adhibeantur, stipulatio non est, sed alius contractus, quamvis præcedat interrogatio, & congrua subsequatur responsio. Ut si dixerit, Siue

M

huic

*hunc vendis mihi decem?* & respondeas, *Vendo*, stipulatio non est, sed Venditio, Alex. in *l. 2. in princ. ff. de reb. cred.* Ita quoque, *Donas mihi hos decem aureos?* Donatio est, non Stipulatio, Alciatus. *loc. cit. n. 9.* Verum si res, quæ donatur, præsens non sit, tunc ut consulari imperitiz Tabellionum, verbum *Dono* trahitur ad futurum, ut post Bartolum & Jalonem docet Zifsius in *d. stipulatio n. 5.* & est Glossa in *§. alia, Instit. de donat.*

Contra prædicta tamen verba definitionis Obijcies I. Stipulatio doli ita concipitur, *Promittis, dolum malum habesse, absuturumque?* I. stipulatio ista, § si quis dolum, ff. eodem, ubi aperte præsens a futuro distinguitur, & de utroque recte stipulatio fit. Ergo stipulatio etiam præsens tempus respicere potest.

Respondetur, hic geminationem esse, & per utrumque idem significari, ut cum dicitur vis ac potestas tuelæ, item exceptio & præscriptio. Quod constat ex eo, quia si oneratur illud, *futurumque*, & dicitur solum, *Dolum malum abesse*, stipulatio eandem vim habet, & futurum respicit, *l. 4. in princ. ff. eodem.* Vel potius, quia qui promittit dolum malum abesse, intelligitur se præstiturum id, quod ex dolo aberit.

Obijcies II. Stipulatio illa ædilitia, *Sanum esse, furem non esse*, non est neque dandi, neque faciendi. Quare in definitione defectus est.

Responsio est apud Ulpianum in *l. 1. si ita quis, ff. de evict.* ubi ait in hac stipulatione contineri obligationem præstandi id, quod interest, quamvis non exprimitur; quali dictum sit: *Si servus non est sanus, quanti ea res erit, dari?* Et ob hanc causam utilem stipulationem esse, probat Ulpianus *ibidem*. Itaque est stipulatio præstandi, & respicit tempus futurum, id ipsum est de stipulatione *dolum malum abesse*, ubi quis intelligitur promississe, se præstiturum id, quod ex dolo aberit, & aberit, *l. 4. in princ. ff. eodem.*

Dicitur Sc, quia alius pro alio promittens daturum eum, vel facturum, non obligatur, nisi sit subiecta poena, *d. l. stipulatio ista, §. 1. Et §. si quis dolum.* Ita alius ad stipulans, id est pro alio stipulans ei dari vel fieri (Ad stipulanti est alteri stipulari, Cujacius in *l. 5. in fine, ff. eod.*) nullam acquirit obligationem ei, cui ad stipulatur, nisi poena subiecta sit, ut in eadem *l. §. alteri*. Ratio utriusque sententiae est, quia inventæ stipulationes sunt, ut unusquisque id agat, quod sua interest: ac cum poena subijcitur, tunc poenam stipulator, non alteri, & jam mea interest.

Excipe I. Cum nostra interest alteri dari, vel fieri; ut si Tutor honorarius Contutori suo administrationem cedat, & ab eo stipuletur rem Pupilli salvam fore, stipulatio valet, quia tua interest; quia ob malam administrationem Contutitoris conveniri & ipse potest; *l. 3. ff. de admin. Tutor.* Vide Iavus in *§. alteri, Instit. de inutil. stipulat.* Ob eandem causam licet stipulari heredi, quia nostra interest heredibus nostris acquiri, *l. continens, §. ult. ff. eod. l. antiquitas, C. de usufr.*

II. In stipulationibus Prætoris, quas sic interpretamur, ut cum quis alium facturum promittit, intelligatur promississe, se facturum ut ille faciat. Ita est in cautione Iudicio fisci, *l. quoties quis in princ. ff. eod.* Et cum Procurator promittit rem ratam Domini habiturum, *l. si Procurator, ff. rem ratam haberi*.

III. Si servus Iussu meo promittat me daturum, facturumque, ero obligatus ex Edicto, Quod Iussu, *l. 1. §. item si, ff. eod.* Qui tamen servus, quod mihi debetur, acceptum habere non potest, ne fiat conditio mea deterior: imo acceptum habere non potest, ne quidem Iussu meo, *l. pen. ff. de acceptilatis.* Nam Edictum Quod Iussu ad contractus pertinet, non ad liberationes: *l. si dubiet, §. ult. ff. de fidejussor.* Cujac. 5. observ. 36.

Dicitur, Quod interrogatus est; nam responsio congrua interrogationi esse debet, & si quid in responsione detrahatur, vel addatur interrogationi, vitatur stipulatio, *d. l. 1. §. si quis simpliciter, cum sequ.*

Excipe I. In summis; nam si stipulanti viginti, spondeam decem, licet sit inutilis stipulatio in excessu, valet tamen in concurrenti summa, id est, in decem, ubi interrogatio & responsio congruunt, ex regula, quod in majori summa inest minor, *d. l. 1. §. si stipulanti*; ut est etiam intelligendus textus in *§. præterea, Instit. de inutil. stipulat.* Non ita te habet in errore; veluti errant locator, & conductor, in mercedis quantitate, & locator viginti se locasse ex ultima, conductor decem, nihil agit, ut est in *l. si decem, ff. locati*. Et si e contrario locator putat se locasse decem, conductor se conduxisse viginti, non plurius erit conductio, quam decem, *d. l. si decem*; Labroni enim placuit, prætionem obscuram vel ambiguum, venditori & locatori nocere, in quorum fuit pote-



potestate legem apertius conscribere, l. *La-  
bes*, ff. de contrah. emt. l. *veteribus* ff. de pactis.

II. In rebus pluribus conjunctis, ut si Stichum stipulantem promittam Stichum, & Pamphilum, valida in Stichio stipulatio erit, in quo scilicet interrogatio, & responsio congruit. Ratio est, quia tunc sunt stipulationes, quot res: unde duæ videntur stipulationes, una utilis in Stichio, altera in Pamphilo inutilis; nec in rebus pluribus utile per inutile viciatur, d. l. 1. §. *sed si mihi*; de qua tamen regula latius infra.

III. Generatim exiipe, nisi Stipulatori diversitas responsionis illico placuerit, Ulpianus in d. l. t. §. *cum adjectur*. Quæ exceptio pertinet ad omnes casus, in quibus propter diversitatem vel conditionis, vel temporis, vel rei, aut summæ, inutilis stipulatio est, ut contra Cuiacium ibidem est communis Doctorum sententia, quam sequitur Valentia tract. 3. cap. c. num. 29. Et constat aperte ex ratione, quam Ulpianus addit, nempe quia eo casu ex subsequenti approbatione nova stipulatio contracta esse videtur. Itaque si pure interrogatus, respondeat sub conditione, & Stipulator illico addat, *Placet*, stipulatio posterior utilis est, licet prior inutilis fuerit. Item si interrogatus intra Kalendas, respondeat idibus; aut si post interrogationem in decem responsum sit viginti, & Stipulator subdat, *Accipio*, Bartolus, Jason, Giphanius, alique in d. §. *cum adjectur*. Et quamvis in his casibus videatur potius subsequi interrogatio, quam præcedere; tamen in his, quæ in continentibus fiunt, non arrenditur prius & posterius, l. *lecta*, ff. de reb. cred. l. si ita fuerit, in fine cum l. seq. ff. de novat. l. *petens*, C. de pactis.

Dicitur tandem, *Respondentis*; ita scilicet, ut stipulantis & respondentis continuus actus sit, continuus inquam, non physice, sed moraliter; nam aliquod momentum naturæ, seu intervallum mediæ temporis modicum, non vitiat stipulationem, d. l. 1. §. *qui præsens*, l. *continuus* in princ. ff. eodem. Unde si, ut tunc continuus actus interruptus dicitur, si intercedo longa est; & dicitur longa, cum quis post interrogationem, antequam respondeat, ad aliud divergat; quippe eo casu nihil prodest, quamvis eadem de respondeat, d. l. *continuus*. Momentum extenditur etiam ad horam, l. *ult. C. de contrah. stipul. ibi*, in uno momento hora. Ita & Sueton. in Augusto c. 30. Livius lib. 5. C. 9. nisi dixerim,

horam hic pro tempore generatim accipi.

Nec obstat, posse duos reos per stipulationem constitui ex diversis locis; & per consequens ita, ut longum temporis intervallum inter utriusque constitutionem mediet, l. *eodem*, §. *ult. ff. de duobus reis*; nam animadvertendum est, hodie receptum esse, ut duo rei debendi etiam diversis stipulationibus obligari possint, l. 3. l. *duos in princ.* ff. *cit. tit.* Et ipse est, ut inter eorum temporis intervallum non attendatur. Olim in antiqua Jurisprudencia secus erat, cum duo rei una stipulatione constitui debebant, l. si ex re, §. *si ipsi*, ff. de stipulat. servor.

Illud notandum est, pacta etiam iquiri posse per interrogationem & responsum; sed probare oponere, id factum esse animo paciscendi; aliter enim in dubio præsumitur stipulatio, si pacto adjectum sit, *Rogavit Titius, respondit Marcius*, l. *Juristentium*, §. *quod scire*, ff. de pactis.

Hæcenus de Stipulatione nuda, quæ & simpliciter Stipulatio dicitur: nuda de Satisaccepto, quæ Stipulationem non nudam vocat Cuiacius. in d. l. 3. §. *Satisacceptio*, ff. eodem.

## CAPUT II.

## De Satisacceptiois natura.

Hæc est altera. Verborum Obligationis species, quæ præcedente interrogatione fit, & etiam Satisfactio dicitur. A Pomponio in d. §. *Satisacceptio* ita definitur: *Est Stipulatio, quæ ita obligat promissorum, ut Adpromissores quoque ab eo accipiantur*. Ubi Adpromissores non sunt, nisi Fidejussores, dicti quod alienæ promissioni accedant, l. in omnibus, ff. de solut. l. si vero, ff. sol. matr. In aliis tamen libris in d. §. *Satisacceptio* legitur, *Expromissores*. Sed falso, ut notat Aciarius. 1. patet. 2. nam Expromissor est, qui pro eo promittit, qui efficaciter obligatus non est: ut qui pro servo expromittit centum Dominus, si eum manumiserit; vel qui expromittit pro muliere fidejubenæ, l. *C. eleganter*, §. *servus*, ff. de dolo, l. aliquando, ff. ad S. C. Vellejanum.

Itaque in Satisacceptioe duo sunt. Primo, quis se ipsum obligat: secundo fidejussorem. Ex sollemnia verba sunt, ut qui fidejussorem tradit, ita interrogetur: *Istum fidei tuae esse iubes?* & ille respondeat: *Fide mea esse juro*,

*Jubco*, Cajus 2. *Instit.* 9. Et hæc sunt verba, quæ intelligit Papinianus in l. *postquam in princ.* ff. *ut legator. nom. cav.* Species est: relicto sub conditione legato, heres per stipulationem legatario cavit; deinde heres captus est ab hostibus, & conditio extitit. Quæsitum est, an Fidejussores tenerentur; & Papinianus respondit, interim dum apud hostes heres est, non teneri. Cur ita? Cujacius lib. 28. 99. *Papin.* rationem esse ait, quia Fidejussor conveniri non potest, antequam Reus principalis debeat, l. *fidejussor, ff. de fidejuss.* Ex in specie nostra nec debuit heres ante captivitatem, cum legatari conditio nondum extitisset, l. *si in 45. §. 1. ff. de legat. 2.* nec debet, dum captivus est, cum in servum nulla cadat civilis obligatio, l. *in personam, ff. de reg. juris.*

Idem fere habet *Valentia tract. 3. cap. 1. num. 30.* Nempe quia cautio legatorum nomine per stipulationem fit, cujus effectus in id tempus confertur, in quo legati dies celeris, l. 8. *et seq. ff. ut legat. nom. cav.* Quocirca, cum eo tempore, quo conditio extitit, heres utpote servus hostium, ad stipulationem contrahendam, quæ Juris civilis est, personam non habet, l. *quod attinet, ff. de reg. Jur.* propterea nec stipulatio, nec ei adpuncta fidejussio vires habere potest, interim scilicet, dum heres apud hostes manet.

Quæ ratio licet satis probabilis, mentem tamen Papiniani non attingit, qui rationem his verbis expressit: *Quia neque jus, neque persona esset, ad quam verba stipulationis dirigerentur.* Intelligit verba illa Satisfactionis, *Ipsum fidei tuo esse jubet*; quæ dirigitur ad Debitorem, qui satisfactionem, quare tempore quo Satisfactio factum effectum laetari debet, opus est, ut existat persona Debitoris, qui Fidejussorem fide sua esse jussit: vel eo non existente, existat saltem Jus, quod ipsum representat, ut est hereditas. Quorum neutrum est in specie proposta, non enim existit persona, quia Debitor per captivitatem personam amisit, d. l. *quod attinet*: nec existit Jus, quia licet captus ab hostibus ex lege Cornelia habeatur pro mortuo ab instanti captivitate, id tamen non est, nisi post capivi naturalem mortem sequentem.

Dices I. Servus naturalis obligationis, capax est, l. *naturaliter, l. si id quod, ff. de cond. instab. l. servum, ff. de oblig. et act. l. si de eo servo, ff. de solut.* Ergo in herede isto

capto ab hostibus remanet saltem naturalis obligatio, quam contraxit per cautionem, antequam caperetur. Quæ naturalis obligatio satis est, ut ei adherere fidejussor possit, l. *si pupillus, ff. eod. l. Stichum, §. naturalis, ff. de solut.* Quocirca adeit Jus, quod est naturalis obligatio.

Dices II. Adeit etiam persona; quia et si servus de Jure civili pro mortuo censetur, tamen pro eo Fidejussor intercedere potest, d. l. *naturaliter, l. 2. ff. de fidejuss. l. si quis, §. item si filius, ff. eodem.*

Sed ut a postremis ordine Homérico exordiar, dicimus pro servo recte Fidejussorem intercedere in causa peculiari, ut constat ex d. l. *naturaliter*, juxta quam cetera Jura sunt interpretanda: secus vero extra causam pecuniariam, nisi servus ex persona Domini capax fiat, *Santolaria interpr. 15. num. 10.*

Quoad primum attinet, *Valentia hic cap. 2. distinguit*, ut ex contractu Juris gentium oriatur in servo naturalis obligatio, non item ex contractu Juris civilis, ut est stipulatio. Probat id, tum quia naturalis obligatio potest novari, l. 1. §. *illud, ff. de novat.* at servus stipulationem nequit novare, l. *in personam, §. 1. ff. de pactis, §. præterea, Instit. quib. mod. toll. oblig.* Tum etiam quia solus ob fidejussionem servi repetitio est, l. *servus in fine, cum l. sequ. ff. de fidejuss.* quæ repetitio denegatur, ubi qui solvit, est naturaliter obligatus, d. l. *naturaliter*. Tum demum quia in nostra lege Fidejussor pro capto ab hostibus non addringitur.

Hæc distinctio et si Santolariz arrideat, displicent tamen rationes; nam Novatio, Repetitio, Fidejussio, sunt civiles effectus obligationi naturali adjuncti, ut propterea mirum non sit, si non committentur obligationem naturalem servi. Ipse ergo movetur ex eo, quod obligatio naturalis in servo stipulante nulla potest oriri ob defectum causæ; nam vel oriretur ex stipulatione, vel ex pacto infuso in ea. Non ex stipulatione, quia inita a servo nulla est, l. 1. §. *si quis, ff. eodem.* Non ex pacto, quia inutilis stipulatio utilis pactum continere non potest, ut dicemus.

Quæres I. Utrum Stipulatio, sive nuda sive non nuda, sit contractus. Et varia Doctorum opinio est. Merenda 13. *cont. 19.* nec conventionem, nec contractum esse docet, sed solum cautionem, quæ obligationes stricteantur, ut est Obligatio Cameralis, &

Qua-

Quarantigix. Accursius in l. omnem, ff. de iudic. & in l. t. c. ut est. ab hered. concedit esse conventionem, negat esse vere contractum. Cuius in l. Iur. gentium, ff. de pactis, & conventionem, & vetum contractum esse ait: quod opinio vera est.

Et quod Stipulatio sit conventio, constat ex l. t. §. ult. ff. de pactis, in hæc verba: Sed conventionum plerique in aliud nomen transiunt, veluti in Emptionem, in Locationem, in Pignus, in Stipulationem. Constat etiam ex definitione Conventionis, quæ est, cum negotiis contrahendi transigendique causa consensunt, qui inter se agunt. Et sane Stipulatio ob negotium interponitur, & licet verbis fiat, tamen nisi habeat consensum, nulla est, d. l. t. §. conventionis, eum sequi. Porro conventio omnis vel pactum, vel contractus est, d. h. ult. junctis l. 2. ff. cit. sit. Transactio est pactum, l. contractus, C. de fide instrum. Stipulatio æquæ est pactum. Ergo contractus est, & contractus vocatur in l. t. §. si stipuler & ff. cod. l. tandem, ff. de duob. reis, l. contractus, C. de non num. per. cum concordantibus.

Memuisse tamen oportet, Contractus nomen dupliciter in nostro Jure accipi; nam aliquando Contractus in specie est conventio, ex qua mota obligatio nascitur, ut in Emptione, Locatione, & similibus; quæ alio nomine *conventiones* dicuntur, l. Labeo, ff. de verb. sig. Et fatemur, Stipulationem non esse contractum hoc sensu acceptum; cum ex ea non obligatur ultra citroque Stipulator & Promissor. Aliquando Contractus in genere sumitur, & est Conventio, ex qua nascitur obligatio, licet ex una tantum parte. Sic Mutuum contractus est, quamvis Mutuatarius tantummodo obligetur, si *ius autem gentium, Instit. de Jure naturali*. Sic dotis Datio, l. contractus, ff. de reg. jur. l. exigere, ff. de iudic. Sic quoque arratum Datio, l. contractus, C. de fide instrum. Et hoc sensu Stipulatio verus contractus est, cum sit Conventio, ex qua Promissor obligatur.

Non dissimiliter apud Græcos *synallagma* interdum est contractus, qui ultra citroque obligat, d. l. Labeo. Sed nonnunquam latius patet ad Mutuum; & ad omnes omnino contractus, uti apud Theophilum patet.

Quæres II. An Stipulatio sit Contractus de Jure civili? Et quidem Joannes eam contrarius Juri gentium accessit. Movetur

I. Quia ut consensus, & dissensus eadem est origo, ita & obligationis & liberationis. Sed liberatio contingit per Acceptilationem, quæ est Juri gentium, l. an inutilis, §. ult. ff. de Acceptilatis. ubi Pomponius habet: Hoc Jure utimur, ut Juri gentium sit Acceptilatio. Ergo etiam Juri gentium est Stipulatio, per quam contingit Obligatio. II. Quia Stipulatio quacunque lingua fieri potest, l. t. §. ult. ff. cod. Ergo Juri gentium est, argumento ex d. l. an inutilis, §. ult. ubi quia Acceptilatio Juri gentium est, deducit Jurisconsultus eam græce fieri posse.

Communis tamen sententia post Accursium, in quantum ad originem Juri civilis effodit. Et probatur I. Quia contractus, qui de Jure gentium sunt, præstantur sine verborum solemnitate, & inter absentes contrahi possunt, l. t. §. ult. ff. de contr. am. Sed Stipulatio exigit, præter consensum, verba solemnia, & solum inter præsentem celebratur, ut dictum est. Ergo de Jure gentium non est, sed de Jure civili, cujus est solemnitas verborum. II. Quia depositatus ex contractibus Juri gentium obligatur, l. quidam, ff. de pign. l. deportatus, ff. de interdi. At ex Stipulatione non obligatur, l. quoties, in fine, ff. de pign. Unde sit, ut Stipulatio contractibus de Jure gentium adnumerari non possit.

Nec obstat, in l. an inutilis Acceptilationem dici Juri gentium; nam id absolute non dicitur, sed cum clausula, Hoc Jure utimur: cujus clausulae usus est, ubi aliqui contra rigorem Juri receptum est, l. jam hoc Jure, ff. de vulg. l. hoc Jure, ff. de reg. jur. l. si tamen, ff. de testam. tut. Et sensus est, quod licet Acceptilatio Juri civilis sit, tamen quodammodo in Juri gentium transit, ex eo quod hodie Acceptilatione tollitur non solum verborum obligatio, sed & quævis alia, invento novandi modo per Stipulationem Aquilam, l. 4. ff. de transact. ubi pariter additur est, Hoc Jure utimur.

Ceterum Acceptilationem attentæ origine esse de Jure civili, constat ex l. verborum, ff. de solut. ubi Acceptilatione dicitur civiliter tolli obligationem, sicuti naturaliter tollitur solutione. Et ex l. alius legitimus, ff. de regi. jur. ubi aditus legitimus Acceptilationem accensetur, id est, a Jure civili introductus, ut sunt Mancipatio, Acceptilatio, hereditatis Aditio, Servi Optio, Datio Tutoris. Et contrarium quidam secundum originem Juri gentium

tium sunt, nisi vel lege Juris civilis facta sunt, ut Donatio.

Nec tutius obstat, Stipulationem fieri posse quacunq[ue] lingua, nam id necessario ita receptum est, ex quo Stipulatio coepit Juris gentium Conventionibus adnecti, veluti Locationi, Venditioni, & similibus, quæ quacunq[ue] lingua fieri solent, Cujacius in l. 1. §. sed utrum, ff. eodem.

Quæres III. Quam obligationem Stipulatio pariat? Et dicendum est, si quidem id Stipulatione attendatur civilis verborum solemnitas, eam obligationem civilem producere, unde Stipulatio obligationi naturali opponitur, d. si ita stipulatus 126. §. superest, ff. eod. & obligationem civilem parere dicitur in l. ex diverso, §. t. ff. sol. matrim. & in §. de constituta, Instit. de action. Nihilominus, quia Stipulatio, si non habeat consensum, nulla est, l. 1. §. adeo, ff. de pactis, propterea hoc respectu naturale quoque obligationem inducere dicimus, argumento ex d. l. 1. in princ. & l. heres a debitor, §. servo, ff. de fidejuss. Et ita docet Glossa post Joannem & Azonem in d. §. adeo, contra Aldricum, qui Stipulationem habere in se civile vinculum voluit, non etiam naturale.

His breviter positis, superfluit nonnulla, quæ longiori discussione opus habent. Sit itaque,

## QUESTIO I.

Utrum Stipulatio sine causa valeat.

**I**N eam sententiam ut plurimum itum est a Doctoribus, ut credant, Stipulationem sine causa esse nullius momenti. Ita post alios Mantica 14. de sacris tit. 12. Gomez. 2. variar. 11. n. 3. cum 2. segg. Cyprianus in l. hoc jure, a. n. 27. ff. de donatione, & in rubr. hoc tit. qu. 4. Duarenus in l. Juris gentium, §. quod fere ff. de pactis.

Pro quibus stare videtur Ulpianus in l. 2. §. circa, ff. de doli excepti. ubi habet, Stipulationem fieri quidem posse sine causa, & falsam valere stricto Jure, sed infirmam exceptione doli; dolo enim videtur facere, qui sine causa perit. Stipulatio ergo sine verborum conceptione non parit actionem, sine causa exceptione rejicitur.

Non intelligentem rationem addit Duarenus, quia Stipulationes fuerunt inventæ gratia firmandarum obligationum, d. §. quod fere. Unde necesse est dicere, Stipulationem esse alienius conventionis appendicem, & accessio-

nem, & per se sine alia causa inutiliter contrahi.

Sunt tamen, qui in contrarium nituntur, & sine causa Stipulationem valere docent, Emmanuel Soarez 1. obs. juris 2. Forcatulus dial. 71. num. 4. Mendoza 1. disput. 4. num. 43. Parladorus 2. quoridiam. figu. cap. 3. num. 56. Moti præcipue ex eo, quod nunquam inter capita inutilis Stipulationis recenseatur illud, cum Stipulatio causa caret, ut constat ex tit. Instit. de inutil. stipulat.

Nos duas propositiones statuimus. Prior est, non dari Stipulationem sine ulla causa saltem tacita. Posterior, eam ab Ulpiano dici Stipulationem sine causa, quæ expressam falsam causam habet.

Et quod attinet ad priorem propositionem, ea patet ex eo, quod nemo nisi ob finem agit, id est ob causam aliquam, nec nisi amens, infans, vel dormiens, sine causa stipulari possit. Semper itaque causa aliqua adest, saltem tacita; quo casu donatio est. Nam si stipulanti, Dabis mille? respondeam, Dabo, cenleor causa exercendæ liberalitatis promississe, si nulla alia causa subest. Quod palam fit ex l. hoc jure, §. ult. ff. de donat. ubi dicitur: Sed & ha Stipulationes, quæ ob causam fiunt, donationem non habent. Ergo quæ ob causam non fiunt, donationem habent. Nam donatio duplex est, Mera, & non Mera. Non mera est, quæ causam adjectam habet, ut Dono tibi, quod me præceptis tuis meliorem reddideris, l. Aquilinus, ff. cit. tit. Mera & divestio est, cum nullam causam expremo; tunc adest quidem causa, sed tacita, nimirum liberalitas, l. 1. ff. cit. tit. Hinc fit, quod si tibi stipulanti sine ulla causa expressa, promittam, mera donatio sit, Bartolus in l. nuda ratio n. 2. ff. cit. tit. Ripa in l. ult. num. 40. C. de revoc. donat. quiddam cum aliis Mantica repugnet.

Næque enim quiddam obstat, quod non sit facta per verbum Dono, sed per verbum Promitto certi enim Juris est, donationem non pendere a verbo donandi, sed ab animo dantis, & accipientis, d. 3. C. de contr. emt. l. si quis conduxerit, l. ex conducto, §. Papinianus, ff. locat. Quare cum nulla causa exprimitur, perinde est dicere Promittis hominem? ac Dabis gratia donationis hominem? Uroque enim casu tacita liberalitatis causa suspensæ ligatur, & erit utrobique donatio.

Ex quo fit, ut perperam se torqueant Doctores circa questionem illam, In dabis quandam facta donatio præsumatur. Nam bre-

viter

viter dicendum est, cum nulla alia causa dandi aut promittendi subest, tunc donationem censetur in promptu est, quia si causa exprimitur, ea a lege attenditur, nisi aliqua in contrarium ratio urgeat: si non exprimitur, tunc lex ipsa eam ex mente contrahentium supplet, & meram liberalitatem intelligit. Omnia constant ex dictis. Verum illud non est prætermittendum, quod si quis exprimitur causam, aliam non assignet, quam liberalitatem, adhuc meta donatio erit. Ita quoque donatio erit, *De, quia ita mihi placitum est, Alex. cons. 83. n. 4. lib. 1.*

In quantum ad posteriprem propositionem, si Stipulatio fiat cum causa expressa, quæ non sit liberalitas, & ea mox falsa reperitur, dicitur Stipulatio sine causa ab Ulpiano in *l. 1. §. circa*, ubi tribus casibus docet agentem ex Stipulatu repelli exceptione doli mali, orta post Stipulationem. Et ut a postremis incipiam. Primo si causa sit finita. Exemplum est. *Domus mea est ruitura, & per refectionem stipulor a te decem: deinde domus solo æquatur, nec amplius refectione opus est, sed reedificatione.* Hic, quoniam causa, quæ aderat tempore stipulationis, finita est, ideo possum quidem certi conditione a te petere decem, sed exceptione doli submovebor; improbum enim est petere, causâ petendi finita, licet tempore initæ stipulationis nihil dolo admiserim. Secundo, si causa non sit sequuta; ut si crediturus pecuniam, eam sibi reddi stipulatus est, nec tamen credidit. Tercio tandem, *Si quis sine causa ab aliquo fuerit stipulatus; deinde ex ea stipulatione experitur, verba Ulpiani sunt, exceptio utique doli mali ei necesse; licet enim eo tempore, quo stipulabatur, nihil dolo malo admiserit, tamen dicendum est, eum, cum litem contestatur, dolo malo facere; qui perseveret ex ea stipulatione petere.*

Quæ verba perperam accipiunt, qui putant, in hac specie nullam intervenisse causam. Verius est, adfuisse quidem causam; quæ tamen deinde Facto vel Jure falsa reperta sit. Id constat ex eo, quod Ulpianus ait, dolum non intervenisse statim initio; cum stipulatio celebrata est, sed tunc deinceps, cum litem Stipulator contestabatur. Quare causa a principio adfuit, & inde tempore stipulationis doli abfuit. Verum quia deinceps causa hæc falsa deprehensa est, ideo si eo non obstante Stipulator litem contestetur, tunc tandem dolo

facit: non secus quam dolo faceret, si causa esset finita, vel non sequuta; est enim contra naturalem æquitatem, ut res mea sit apud alterum sine causa, *l. hæc conditio, ff. de condit. indeb.*

Nec, quod Ulpianus eam stipulationem sine causa appeller, quidquam nos turbet; nam ut ex *tit. ff. de condit. sine causa* patet, id sine causa fieri dicitur, quod sit vel ex falsa causa; ut si putans me tibi debere centum ex mutuo, & tibi stipulanti promittam; vel ex causa impossibili, ut si Avunculo Nuptura pecuniam doti dederit. Et notandum, ibidem ab eodem Ulpiano in *l. 1. §. circa* etiam casus distinguere, in quibus conditio datur, si dedi, quod sine causa promissi, vel ob causam non sequutam, vel ob finitam. Unde docemur, ab eo, qui sine causa promissit, non solum Stipulatorem agentem doli exceptione repelli, *l. 1. §. circa*; sed datum & solutum condici: imo qui non dedit, potest ipsam condicere obligationem, *d. l. 1.*

Ceterum pro complemento pluræ notanda sunt. I. hæc vera esse, si ignoratum sit a Promissore causam fuisse falsam: nam si scivit, & tamen promissit, donasse censetur. Constat id ex *l. Campanus, ff. de oper. liberos*. ubi servus ex causa fideicommissi manumissus, si sciat posse se reculare donum, minus, operas, & tamen se obliget, non inhibetur operarum petitio, quia donasse videtur: & ita verborum obligatio pro donatone est. Constat etiam ex *l. si patronus, §. de illa, ff. de donat.* ubi heres, qui se sit sibi Falcidium competere, & non obstante, quod per Falcidium retinere potest, voluntatem testatoris sequutus, spondit se daturum, cogi potest ad solida præstanda legata; nam & hic, cum heres nullam causam exprefferit, donasse præsumitur, ut patet ex *tit. de donat. sub quo* ea lex posita est.

II. Conditionem Stipulationis adjectam habere vim causæ, Doctores ex *l. a Titio, ff. eod. & l. cum ad præsens, ff. de reb. cred.* Veluti si promittam tibi decem, si Romam ieris, causa promissionis est ipsa ad Romam itio: quæ cessante, stipulatio nulla est. Quare Paulus de Castro in *l. in naves Suscepi, num. 4. ff. locati*, monet valere sponsones inter mercatores fieri solitas, ut si navis thærichus onusta, salva appellat, qui periculum in se suscipit, sibi lucretur ternos vel quateros aureos in singula tærichena, sin minus, pretium totius mercis Domino solvat; nam ipsa conditio causa stipulationis.

tionem præbet. Id ipsum post alios probat *De iur. cons. l. 115. a. 2.* Id vulgo dicitur *Asscuratio*. Hoc trahit Antonius Gomez 2. *vari. l. 12. n. 5.* ad eam sponsonis speciem, quam nos *In gaggio* dicimus. Hispani *Appugia*, ut cum dicitur: *Si Maria mensem pepererit, decem dabis; sin minus, ego tibi tantundem dabo.* Hæc sit pignore, Ovidius 1. *de arte amandi*. *Et quærit, posito pignore, vincat uier.*

III. Quoties apud Veteres reperimus exemplum stipulationum sine causa adjecta, eas donationibus esse accensendas, ut inter ceteras, est illa apud Plautum, cum Pseudolus, & Calidorus ita stipulationem concipiunt.

*P. Roga me viginti minas.*  
*U. me effecturum tibi quod promisi scias.*

*Roga. C. obsecro hercle. P. gestio promittere.*

*C. Dabisus argenti mihi hodie viginti minas?*

*P. Dabo.*

IV. Dum dicimus, actum sine causa expressa inducere donationem, id locum habere in stipulatione, aut promissione ipsa secus si in chirographo, aliave scriptura, quæ non interponatur ad obligationem producendam, sed ad probandum; ut si dixeris, te debere, sine causæ expressione: quo casu attendendum est, quod statuitur in *l. eam de indebito*, §. *fin. ff. de probat.* ubi si quis confessus est, se alteri decem debere, causa non adjecta, mox neget debitum, adversarius probare teneatur debitum, & debiti causam ostendere. Quod est relatum a Gregorio IX. in *cap. si causio, de fide instrum.* Idque factum est ad exemplum testium, quorum sola & auda depositio fidei non facit, *l. solam. C. de testibus*; & in iudiciis exercendis eandem vim habent testes, ac instrumenta, *l. in exercendis, C. de fide instrum.*

## QUESTIO II.

*Utrum Tabellio pro absente, etiam extra mandatum, stipulari possit.*

**P**uta, Titius hic agens donatum vult Sempronio Romæ commoranti, idem absenti; & quia absenti facta donatio non valet, *l. in omnibus, ff. de oblig. & act.* ideo Titius donator adhibet Tabellionem, qui rem donatam stipulatur Sempronio, & super ea re instrumentum conficit. Quæritur, an hæc donatio ita absenti facta, per stipulationem Tabellionis sibi constet, & valeat.

Et Donellus in *l. stipulatio ista*, §. *alteri*, num. 33. *ff. cod.* generatim docuit, hoc genus stipulationis; siue pro donatione, siue pro quacunque alia causa interponatur; Juri esse contrarium. Et in specie donationis Hieronimus 4. *obs. l. 10.* Giphanius in *l. 35. C. de donat.* voluit, huiusmodi donationem sublineri non posse: quam opinionem deinceps Antonius Faber *dec. 44. err. 2.* omni nisu firmare conatus est. Idque ex vulgata regula, neminem alteri recte stipulari; cum inceptæ sint stipulationes, ut quisque sibi acquirit, quod sua interest; at vero plerumque nostra non interest, alteri dari, *id. l. stipulatio ista*, §. *alteri*; ut propterea Tabellio alteri stipulando nihil agat, nullamque donatori neque directam neque utilem actionem acquirat, cum donatario acquiri nihil sua interest.

Ita tamen hoc temperat Faber *loc. cit.* num. 5. *et sequ.* ut stipulatio hæc nullum robur habeat, quia stipulatio est, & e diverso valeat, ut pollicitatio est: nempe quia ex Justiniani constitutione actio conducticia, vel quod idem est, conductio ex lege acquiratur ei, cui per pollicitationem donatum est, *l. si quis argentum, §. sed siquidem, C. de donat.* Sed in hac sententia non diu Faber constans fuit; nam in *ead. dec. 44. error. 3. nu. 6.* palam confessus est, donationem per Tabellionis stipulationem factam omnino inutilem esse, & quia stipulatio est, & qua pollicitatio, ut Justiniani constitutione sublineri non possit. Qui enim donandi animo promissit stipulanti, non aliter vult aut donationem valere, aut se obligatum esse, quam si valeat stipulatio. Ideo si qua ratione stipulatio sit inutilis, donationem quoque inutilem esse necesse est, ut ne quidem in vim pacti defendatur stipulatio: siquidem inutilis stipulatio pactum in se utile non habet, *l. 1. §. cum qui inutiliter, ff. de consil. pec. l. c. §. si quis ita, ff. cod.* Si modo excipias Acceptationem, quæ licet per stipulationem inutilem interponatur, continet tamen pactum utile de non petendo (veluti si pro tollenda mutui obligatione acceptum feratur sine Aquiliana stipulatione) si is, qui accepto tulit, stipulationem inutilem esse nesciebat, *l. an inutilis, ff. de acceptul.* ubi Azo: favore nimium liberationis, ad quam semper debemus esse propensiores, *l. Arrianus, ff. de oblig. & act.* Excipiendus est etiam favor dotis, ex *l. Cajus, ff. solut. matr.* ubi Avus maternus dotans Nepotem, pactus est cum stipulatione dotem Nepoti reddi.



restitui. Stipulatio quidem inutilis est, quia nemo alteri recte adstipulatur; tamen ex pacto Nepti actio utilis acquiritor, ne commododoris fraudetur.

Quod si Fabro obijcias, Patrem infanti emancipato posse donare, si servus idoneus pro infante donationem stipuletur: id est, servus infantis, vel si hic desit, servus publicus, *l. si quis in emancipatum, C. de donat. juncta l. si pupillus absens, ff. rem pupilli, & l. 1. §. exigere, ff. de magistr. conven.*

Responderet Faber I. stultum esse, Tabelliones servis publicis comparare; nam inde consequens esset, Tabellionem caput nullum habere in Civitate, ut nec servus habet, siue publicus ille sit, siue privatus. Sicut hoc falsum est, ita & falsum erit id, unde sequitur.

II. Licet demus, hanc Servi publici, & Tabellionis comparationem recte institutam esse, non tamen inde fit, posse Tabellionem stipulari pro donatario absente & ignorante, cum neque id servis publicis unquam permissum fuerit. Casus enim *d. l. si quis in emancipatum* singularis est, ita statutus favore Infantis, qui neque per se stipulari potest, neque alteri mandare, ut suo nomine stipuletur, cum dari nesciat; receptum enim est, posse aliquid contra Juris rationem pro Infante constitui, *l. si Infanti, C. de Jure delicti. l. 1. ff. de bonor. possess. sur.* ut latius ipse Faber prosequitur.

Communis tamen consuetudo, tota Europa recepta, statuit, Tabellionem recte pro donatario absente stipulari, ex quo utilis actio ipsi donatario acquiratur, dummodo eam stipulationem aliquando ratam habeat. Sic Bartolus in *l. 2. ff. rem pup. salv. fore*, Soccini Jun. *cons. 117. col. pen. lib. 2.* alique communiter apud Covarr. in *rubr. de testam. par. 3. n. 17.* Quæ sententia & consuetudo probabili ratione nititur. Quod ut plene intelligamus, quædam tum de servis publicis, tum de Tabellionibus & Tabulariis præfanda sunt, ex harum enim rerum ignorance mirum est, quantum caligo huic quæstioni offusa sit.

Servi publici erant, qui ære publico enti, interdu Civitatum & Provinciarum rationes tractabant, eoque Archivio præficebantur; ut aperte constat ex *T. Livio lib. 43. in hæc verba: Censores ex templo in atrium Libertatis ascendunt, & ibi sennatis & bellis publicis, clausaque tabulario, & dimissis servis publicis, negant, &c. l. generali, C. de tabular. lib. 10.* Tabularium est, ubi tabulæ, & in-

strumenta publica, monumentaque rerum gestarum, actarumque, asservabantur, ut hinc patet, & ex *Cic. 2. de nat. Deor.* quodque Plinio & Virravio Tablinum dicitur, & in *l. moris est, ff. de panis, græce, Grammatophylacium, & Archivum* nuncupatur, ut notat Budæus in *annotat. reliquis*. Huic Servi publici præferti erant. Erant etiam alii Servi publici aliis muneribus proposti. Velleius *lib. 2. Ad quem (Marium) interficiendum missus cum gladio Servus publicus*.

Eos habebant etiam Municipia, quæ per ipsos Jure singulari poterant possessionem acquirere tam ex causa peculiari, quam extra peculiarem, *l. 2. ff. de acqu. poss. l. si autem, §. ult. cum l. sequ. ff. de Public.*

Hi etiam, quia Reipublicæ servi erant, recte stipulari pro Republica poterant, eique stipulando acquirere, *l. Cajus & ejus, ff. de usuris*; non enim alia ratio in servo publico, quam privato, esse debet, qui Domino etiam ignorant & invito stipulando acquirit, *l. servus venante, ff. eod. l. etiam 32. ff. de acqu. rer. dom.*

Verum quia utilitas, quæ ex servo publico percipi potest, etiam ad privatos pertinere debet, factum inde est, ut pro quovis privato is stipulari possit. Quod perperam negat Faber; nam etsi in *d. l. 1. §. exigere, ff. de magistr. conven.* Ulpianus scribat, pro Infante, qui servum non habet, stipulari debere servum publicum; tamen id non favore Infantis solus receptum est; nam ipse Ulpianus in *l. pupillus absens, ff. rem pupill. salv. fore* scribit, hoc idem esse, si pupillus absens sit, licet dari possit.

Nec tamen inde concludi potest, quod si non est favore Infantis, erit saltem favore Pupilli, ut pro eo Servus publicus stipuletur: nam neque id verum est. Ecce, in *l. non aliter, ff. de adoption.* Servus publicus stipulatur pro aliis, quam pupillo. Cum quis pupillum sibi in filium arrogat, opus est ut caveat, se restitutum bona pupilli illis, qui pupillo mortui heredes ab intestato sunt, vel substitutis pupillaribus, si quos a Patre habet in testamento datos. Hanc cautionem stipulatur Servus publicus, *d. l. non aliter*. Quare jam Servus publicus stipulatur non pro Pupillo, nec cum eo; sed cum Patre arrogatore pro Pupilli hereditas.

Maneat ergo, servum publicum pro omnibus stipulari, non tamen semper, sed aliqua necessitate ita suadente; nam pro pupillo absente, vel infante, ita demum itur ad servum

publicum, cum is servum proprium non habet. Ita etiam servus publicus ex necessitate quadam stipulatur pro pupilli heredibus; nam heredes hi stipulari per seipsum nequeunt, cum incertum sit, quinam futuri sint, pupillo vivo. Id ipsum est in *d. l. si quis in emancipatum*, *C. de donat.* Species ita se habet. Finge patrem filio infanti, quem emancipaverat, donatum velle. Sane non potest ipse infans donationem acquirere, seu recipere, quia rei affectum non habet: neque Pater, idemque legitimus tutor, ei hac parte tutor esse potest, quia in rem suam nemo auctor est. Quid igitur? quoniam alia via hic nodus expediti nequit, placuit ut Servus idoneus adhiberetur, id est, proprius, si adfuit; sin minus, publicus, qui nomine Infantis donationem stipuletur. Alius casus est, si extraneus huic Infanti emancipato donare velit; nam pernici stipulatio posset auctore tutore, id est, Patre ipso, ut Joannes notat, & monet Gothofredus in *d. l. si quis in emancipatum*, *C. Theod. de donat.*

Ceterum his casibus stipulatur servus pro alio, non quia servus, sed quia publicus. Quod palam fit ex eo, quia Imperator Arcadius removit a Tabulario servos publicos; voluitque ad id muneri non alios, quam homines liberos assumi, *l. generalis, C. de Tabular. lib. 10.* Quocirca jam tempore Justiniani, qui diu post Arcadium floruit, Tabularii amplius servi publici non erant, sed liberi homines: & tamen hi, licet liberi, cum Patre arrogatore ex Justiniano stipulantur pro pupilli heredibus, ut olim servi publici. Contrarietatem id ex §. *nam autem impuber*, *Instit. de adopt.* in hæc verba: *Quibus conditionibus arrogatio fit, id est, ut caveat Arrogator persona publica, hoc est, Tabulario, si intra pubertatem Pupillus decesserit, restitutorum se boni illis, qui si adoptio facta non esset, ad successionem ejus venirent essent.* Idem habet Theophilus. Sic liber homo ex hoc, quod publicus est, licet pro alio stipulatur. Et hac de causa in *d. l. 1. §. exigeret* ad stipulandum pro Pupillo admittitur non modo Servus publicus, sed Magistratus, nempe quia publicus est.

Progrediamur modo ad Tabelliones. Hi sunt, qui contractuum, & testamentorum instrumenta conscribunt, *Nov. 44. de Tabell. Nov. 97. de instrum. caus. l. 1. C. Theod. de crim. falsi*, cum aliis collectis a Gothofredo ad *l. 1. C. Theod. de decurion.* Et recte descri-

buntur a Suida v. *ταβηλλιον*, ita: *ταβηλλιον ο τειν τοις νομοις γινωσκον συμβολικα. ο παρ τοις νομοις νομιμας λαβοντες*, i. e. *Tabellio est, qui Civium instrumenta scribit, & a multis Nomicis, id est, Juris studiosis dicitur.* His consimilia habet in v. *πρωτος δικαστης*. Ideo autem dicti *Nomici*, quia in ipsis aliqua saltem legum peritia desideratur, *Nov. 66. §. 1. in princ.* At *νομιμας* melius interpretabimur *Legitimus*, quod acta legitima reddat.

Sunt ergo Tabelliones, quos vulgo dicimus *Notarios*, omnino alii a Tabulariis, qui archio præficiebantur. Quocirca Tabellio & Tabularius invicem distinguuntur in *d. Nov. 44.* ubi instrumentum proferitur completum a Tabellione, & subscriptum a Muliere literarum ignara, Tabularii manu, ut *gl. Dionysii* habet; quamquam male confundantur a Goveano 2. *lect. 10.* & Forcatulo *dial. 98. num. 3.* ut etiam ante ipsos confudit Accursius in *d. l. si pupillus absens, & d. l. non aliter.*

His ita positis, facile patet opinionem communem Doctorum probabiliori ratione aiti; cum ait posse Tabellionem pro donatario absente valide stipulari, etiam citra mandatum; quandoquidem ideo Tabulario, sive servo sive libero homini, fuit olim licitum alteri stipulari, quia publica persona censetur. Ergo Tabellio recte hodie alteri stipulatur, quia & ipse publica persona est. Nulla enim ratio disparitatis adest, cur uni publico Viro non liceat, quod alteri licet; quod ei soli solum licet, quia publicus est, & non alia de causa.

Petes, cur olim Tabulario hæc stipulandi potestas concessa fuit, non Tabellioni; hodie vero e contrario concessa sit Tabellioni, & Tabulario adempta? Responso facile occurrat, quia olim instrumenta omnia, etiam singulorum Civium, licet a Tabellione scripta, apud Tabellarios tamen fiebant, & apud eodem reponerentur; unde ipsi chartas debitorum tractabant, *l. 3. C. Theod. de indulgentiis debitorum*: item probebant debitorum nomina, *l. 10. C. Theod. de exaction.* Id ipsum est de testamentis, quæ in æde deponi dicebantur in *l. cetera, §. fin. ff. fam. creite.* Nam Tabularium erat in æde Libertatis, Livio teste. Augustus testamentum deposuit apud Virgines Vestales, Suet. in *Augusto cap. 100.* Hodie vero secus est, nam a Tabellionibus instrumenta conscribuntur, coram se ipsis, & ab ipsis assertantur. Propterea in quantum



ad hoc vicem Tabulariorum hodie lubeant ipsi Tabelliones. Quo magis magisque nostra sententia firmatur; nam si in illorum locum hi subrogati sunt, consequens est, ut quod ipsis licitum erat, liceat & istis, argumento ex *l. si eum, §. qui injuriatur, ff. si quis caution.*

Cum vero Faber ait obstruere regulam, quia nemo potest alteri stipulari, nisi sua interlit; dicimus, eam locum habere in personis privatis, cessare in publicis, ut ex dictis constet. Imo publica persona, cum pro absente stipulatur, quodammodo agit quod sua interest; sua, in quantum, non ut privatus homo est; sed sua, ut publicus.

Hinc colligitur I. recte alterum ex Conjugibus donare Filio primo nascituro in sponsalibus, stipulante pro eo ipso Tabellione, ita ut Filio, cum natus fuerit, actio praestanda sit, Guil. de Bened. in *cap. Raynuitius num. 197. de testam. Guid. Pap. quest. 267.*

Id tamen male probant ex *l. inter virum, ff. de pact. dotal. l. si interdum, ff. de pactis, l. Divi, in prime. C. de natural. lib. l. si quis operas, ff. de oper. libert.* Nam in his legibus non agitur de donatione facta Filio nascituro, ut est in specie nostra; sed agitur de donatione inter praesentes facta, addito tamen pacto, ut si Filius nasceretur, ad eam donatio rediret. Quia casu stipulatio utilis est, quia facta inter praesentes, & propterea pactum in ea additum, utile etiam est, *l. pacta conventa, ff. de contr. emt. l. pater pro filio, Cod. de pactis.*

Melius ergo probatur ex *d. l. non aliter, ff. de adopt. juncto d. §. cum autem impubes, Instit. tit. tit.* ubi homo publicus recte stipulatur pro pupilli heredibus, quicunque futuri sint, quamquam tempore stipulationis adhuc non nati.

Obijcies cum Hotomano *4. obs. 18.* ad donationem exigi affectionem & acceptionem donatarii, sine qua evanescit, *l. Seja, ff. de mort. causa donat. l. quidam referunt, ff. de iure codicill.* Quia affectio & acceptio non est in non nato, imo nec in infante *l. 3. C. de acqu. possess. l. si quis, C. de donat.* Quod etiam habet Gphanus n. 21. Henricus Bocerus de donat. *cap. 1. num. 2.*

Sed dicendum est, nos vel per nosmetipsos acquirere, vel per alium. Primo casu requiri nostram affectionem & acceptionem. Secundo non item, cum satis sit, hanc esse eo, qui nobis acquirit. Quod patet exemplis;

nam cum ad possessionem opus sit affectione detinendi, factum est ut furiosus & insans, quorum affectio nulla est, non possint possessionem per seipsos adipisci. Receptum tamen est utilitatis causa, ut eam acquirant auctoritate tutoris, vel curatoris: nam illorum iudicium horum auctoritate suppletur, *l. t. §. sed furiosus, l. quamvis, §. insans, ff. de acqu. possess.* Ita quoque receptum est, ut iidem acquirant possessionem per servos, tum in aliis calibus, *d. §. insans*, tum praesertim in donatione, *d. l. si quis in emancipatum.* Quocirca in specie nostra, licet filii nondum nati nulla affectio sit, non tamen inde fit, ut per publicam personam ei acquiri non possit, quae ejus nomine stipuletur.

Colligitur II. ex hac stipulatione donatario absenti actionem acquiri, & quidem, utilem, sine Tabellionis cessione; nam in *l. non quasi, ff. rem pupilli*, Ulpianus sermonem habens de stipulatione pro servum publicum rem pupilli salvam fore, ait: *Non quasi ipso Jure pupillo acquirat (neque enim acquirit) sed utilis actio ex stipulari pupillo datur.* Idem habetur in *l. 1. §. exigere, ff. de Magistr. conven.* in hac verba: *Plane ubi servus publicus, vel ipse Magistratus, stipulatur, dicendum est, utilem actionem pupillo dandam.* Ergo eodem modo, ubi absenti Tabellio stipulatur, ipsi absenti utilis actio sine cessione acquiritur.

Alia tamen est sententia Fabri *decis. 47. ar. 2. num. 13. & seqq.* qui hac vera esse fateatur, servo publico stipulante; qui cum sibi nihil, & in consequens neque directam actionem acquirere possit, acquirit alteri utilem. At negat locum habere in Tabellione, qui cum homo liber sit, sibi directam actionem acquireret, quam deinde cedere tenebatur ei, cui adstipularus est. Movetur exemplo Procuratoris, qui eam actionem, quam stipulando acquirit, cogitur actione mandati cedere Domino, *l. possessio, §. fin. ff. de acqu. possess.* ita tamen, ut in specie nostra, ubi mandatum abest, competat donatario actio negotiorum gestorum, ut cedat, quae actio tolet competere, cum deficit actio mandati, *l. mandati, ff. de negot. gest. l. ex mandato, §. 1. ff. mandati.* Negamus tamen *l. exemplum*; nam Procurator, ubi Domino stipulatur, non sibi directam, sed Domino utilem actionem sine cessione acquirit, *l. con/a, §. ult. ff. de procurat.* ibi: *Et licet Procuratori commissa sit stipulatio, tamen Domino eius danda utilis ex stipulari actio.*

*directæ penitus tollenda.* Quem textum frustra Faber Triboniano imputat. Et ratio est, quia tunc quis acquirit sibi directam actionem, cum sibi stipulatur: quod, non facit Procurator, qui stipulatur non sibi, sed Domino, ita: *Promittis Titio Domino meo vel Mibi ut procuratori Titii?* Quare utilem tantum Domino acquireret; quia stipulari per Procuratorem *utilitatis causa*, id est, negotiorum expediendorum gratia, receptum est, *l. 1. l. per Procuratorem, C. de acqu. poss. ff. Paulus 5. sent. 2.*

Neque obstat Papinianus in *d. l. possessio*, §. *fin.* ubi *Evictionis actio Domino contra Venditorem, invito Procuratore, non datur: sed per actum mandati tam cedere cogitur.* Nam hic sermo est de Procuratore, qui rem emit nomine suo, licet mandato Domini, ut propterea sibi directam actionem, non Domino utilem, querat.

Negamus II. in *cit. II.* Servum publicum ideo Pupillo actionem utilem acquirere, quia servi publici nihil acquirere possunt; negamus, inquam, tum quia in *d. l. 1. §. exigere*, sermo est etiam de Magistratu, seu Prætoræ Tutelari, qui sibi recte acquirit: tum etiam quia falsum est, servos publicos Populi Romani nihil sibi acquirere potuisse: nam dimidia parte testamenti faciendi Jus habebant, ut ex Ulpiano in *tit. de testam.* notat Goveanus 2. *l. ff. 10. in fine.*

### C A P U T III.

#### *De effectibus Stipulationis.*

**S**I generatim sermo sit, Stipulatio operatur, ut actus, cui adjicitur, firmitus sit: quod tradit Paulus 5. *sent. 8.* in hæc verba: *Obligationum firmandarum gratia Stipulationes inducunt.* Et inde Stipulatio nomen sortitur a *Stipulo*; *Stipulum* enim Veteres firmum appellaverunt, ut ibidem notat Paulus, & Justinianus in *Instit. hoc tit.* Hæc tamen generalis propositio, ut recte intelligi queat, examinanda est in variis actuum generibus, quibus Stipulatio adijci solet. Et I. videamus de virtutibus Stipulationis in Pactis.

Pacta Jure Civili nihil operantur, ut quæ ipso Jure nec actionem, nec liberationem tribuant; ideoque Debitor, qui de non petenda pecunia cum Creditore paciscitur, adhuc eam debet, nec est ullo modo liberatus, *l. 3. §. 1. ff. de consil. pecun. l. creditor, C. de pactis.* Jus enim Civile certos constituit modos sol-

vendæ aut inducendæ obligationis, in quibus Pacta non sunt, ut *lib. 3. Instit.* patet.

Verum Prætor cernens, nihil esse tam fidei congruum, quam pacta servari, in Edicto ait, *Pacta convenia servabo, l. juris gentium, §. Prætor, ff. de pactis.* Quibus verbis Prætor voluit, ut ex pacto concedatur liberatio, non quidem ipso Jure, sed per exceptionem, *d. l. juris gentium, §. sed cum nulla.* Quare qui pactus est non petere, si petat, de Jure honorario pacti exceptione repellitur a Debitore, qui eodem Jure dicitur jam liberatus, *d. l. 3. §. 1. §. d. l. creditori.*

De Jure vero naturali omnia secus sunt, nam ex pactis naturalis obligatio nascitur, *l. in his, §. Imperator, ff. de solution. ubi ex pacto nascitur naturaliter deberi dicuntur, ex stipulatione civiliter.* Item naturalis obligatio tollitur, *l. Stichum, §. naturalis, ff. cit. tit. l. qui exceptionem, §. ult. juncta l. si non forem, §. libertus, ff. de condit. indeb. Cujacius in d. l. 1. in princ. ff. de pactis.*

Hinc ut pacta efficacia de Jure civili sint, opus est, ut eis Stipulatio addatur, competet enim ex stipulatu actio. Quocirca Paulus 2. *sentent. 22.* consuluit, ut omnibus pactis Stipulatio subijciatur, ad hoc ut ex stipulatu actio nasci possit: & Ulpianus notat, fere novissima parte pactorum ita solere inseri: *Rogavit Titius, spondens Mævius, d. l. juris gentium, §. quod fere.* Ita ergo Transactio pactum est, non contractus, & a contractu separatur in *l. contractus, C. de fide Instrum.* Propterea cum simplex est, solo pacto inita, non extinguit actionem, licet eam exceptione pacti elidat: ut actionem extinguit, si fiat per Aquilianam Stipulationem, & Acceptilationem, *l. si superstite, C. de dolo.*

II. Videamus de effectibus Stipulationis in Contractibus Innominatis. Et quidem ipse Stipulatio rohur addit primo, quia in articulo *Do ut facias* locum habet penitentia ex parte ejus, qui adimplevit, & potest is quod dedit repetere, tanquam causa data, causa non secuta, *l. si pecuniam, ff. de condit. causa data.* Exempli gratia, ita convenitur: *Dabo tibi Stichum, ut Capuam eas:* deinde ego tibi Stichum dedi, antequam tu Capuam ire pergas, id est, re integra: licet mihi penitere, & Stichum condicere; ita tamen, ut si quos sumtus ob iter jam erogasti, rependam quod tua interest, *d. l. si pecuniam, in princ.* Quæ penitentia non est licita ei, qui rem accepit;

nam

nam hæc pœnitentia faceret injuriam ei, qui dedit, & jam ex parte sua adimplevit, ut *ibidem* notat Accursius, verbis; *Sed cum liceat pœnitere.* Hæc eadem locum habent in articulo, *Do ut des*; qui articulus similis est emtionis, ut articulus *Do ut facias*, proximus est locationi; & sicuti emtio cognata est locationi, ita hi articuli inter se.

Id ipsum est, si qui facere promissit, antequam sibi detur, faciat, seu in faciendo antevertat; nam si factum sit revocabile, pœnitentia licita erit. Puta ita congruentur est: *Dabo Stichum, ut equum tradas.* Tu antevertisti me, & equum tradidisti, priusquam ego tibi dem Stichum. Tibi pœnitere licet: nulla enim ratio præstari potest, cur dari licita sit pœnitentia, facienti non item, quoties factum est revocabile. Nec obstat *l. cum nota, C. de transact.* ubi denegatur pœnitentia: nam in eo textu conventio hæc, *Dabo partem bonorum, ut a lite discedas*, fuit interpolata ob transactionem; & transactio semel bona fide finita, non recluditur, *l. quamvis, l. sub prætextu, C. cit. ut.* quia publice interest lites dirimi, *l. ult. ff. pro socio, l. quidam, ff. de reb. cred.*

Ex his constare potest, pœnitentiz locum esse etiam in duobus reliquis articulis, *Facio ut des*, *Facio ut facias*, si factum sit revocabile. *Facio ut facias*, similis est Mandato reciproco: sed *Facio ut des*, nulli civili negotio comparatur, ut monet Cujacius in *d. l. Junii gentium*. Fortasse tamen, si agit, qui dedit, est *Do ut facias*; contra si agat, qui fecit, est *Facio ut des*. Sed meminisse oportet, in his omnibus articulis, re ex utraque parte integra, utrique Contractus indistincte licitam esse pœnitentiam, altero invito, Doctores communiter in *d. l. si pecuniam*.

Jam si his articulis subjeiciatur Stipulatio, robur accipiunt, & pœnitentiz locus amplius non est, *Barr. in l. 2. in fine, C. de condic. ob causam*, *Bald. in d. l. quamvis, C. de transact.* alique communiter. Constat id ex *l. emtionem, C. de ver. permitt.* ubi quidam dederat tot frumenti modios, ut certum olei pondus acciperet, qui est articulus *Do ut des*: ait Imperator, si pondus olei datum non sit, posse frumentum solum condici ob causam non sequutam, si conventio facta fuit citra Stipulationis solemnitate. Ergo Stipulatione interpolata, res da-

ta nequit condici, id est, pœnitentiz locus non est, ut etiam traditur in *l. cum precibus, C. cit. tit.*

Neque non moveat, Donationem mortis causa etiam stipulatione interpolata, revocabilem esse pœnitentia Donatoris, *l. qui mortis, l. Senatus, ff. de mortis causa donat.* Nam id ex voluntate Contrahentium accidit; nam qui mortis causa donat, sibi magis velle dicitur, quam Donatorio; aliter enim inter vivos donasset, *d. l. Senatus, §. 1.*

Addit secundo robur Stipulatio Contractibus Innominatis, ex eo quod qui adimplevit, potest eum non solum pœnitere, & recipere quod solvit; sed etiam agere, ut qui recepit, & ipse adimpleat; ita tamen ut is non possit cogi ad præcise adimplendum, sed præstando id, quod interest, liberatur, etiam si de re certa sermo sit, *l. naturalis, §. 1. ff. de præf. verb.* Exempli gratia, Scyphos tibi dedi, ut Stichum mihi dares; possum conditione causa data repetere Scyphos, si velim; vel relictis tibi Scyphis, agere præscriptis verbis, ut damnis mihi, quanti interest mea, Stichum non accepisse, *d. §. 1.*

Secus est, si Contractui Innominato subdita sit Stipulatio; tunc enim contractus firmior redditur, & Debitor ad præcise adimplendum cogi potest, si res certa sit. Nam in Contractibus Nominatis, uti est Stipulatio, regula est, ut aliud pro alio, Creditor invito, solvi non possit, *l. 2. §. mutui dato, ff. de reb. cred. l. cum, a quo, cum sequ. C. de solut.* Quod verum est in Obligationibus certis, non etiam in incertis, ut infra disputabimus. Hæc tamen omnia, scilicet, ut non sit locus pœnitentiz, & ut præcise Debitor dare cogatur, intelligenda esse purar Alciatus hic in *rubr. præf. l. nu. 29.* si Actor certi conditionem ex stipulatu eligat; nam si ea relicta, proponat actionem præscriptis verbis, omnia secus se habere ait, id est, & eum, qui adimplevit, pœnitere posse, & qui non adimplevit, solvendo id, quod interest, liberari. Hoc tamen saltem esse infra patebit; cum docebimus, Stipulationem in continenti adjectam contractibus, tam stricti Juris, quam bonæ fidei, vel extinguere actionem antecedentem, vel prohibere ne ea nascatur, *l. duo, ff. pro Socio, l. 6. §. ult. cum l. sequ. ff. de novat.* Quare ubi Contractus Innominatus celebratur per Stipulationem, non

non alia actio, quam ex stipulatione, competet, sublata omnino actione præscriptis verbis; unus enim est contractus, non duo, ut in citatis Juribus.

Non omittendum hic, ex tribus articulis, *Do ut des, Facio ut facias, Do ut facias*, dari actionem civilem præscriptis verbis, ita dictam, quia oritur ex præscripto, id est, ex conventionione, nam ita *Præscriptum* interpretatur Ulpianus in l. 1. §. *in conducto, ff. de positi*, quæ est ad quanti interest, d. l. *naturalis*, §. 1. At in articulo *Facio ut des*, aliud est; nam si postquam feci, cesses dare, nulla erit civilis actio, & ideo prætoria de dolo dabitur, d. l. *naturalis*, §. *quod si faciam, & l. solent, ff. de præscr. verb. l. sum proponas, C. de dolo*.

Magna questio est, cur ita statutum sit. Et Alciatus §. *paradox. 7.* post rejectas Veterum in hac re sententias, docet, ideo in articulo *Facio ut des* non dari actionem præscriptis verbis, sicut in articulis ceteris, quia facta ut plurimum repeti non possunt: quare visum est generaliter introducere, ut ageretur de dolo. Quæ ratio recipi non potest; nam pro repetendo non est prodita actio præscriptis verbis, sed conductio causa data, d. l. *si pecuniam, ff. de conduct. causa data*: actio enim præscriptis verbis est ad id, quod interest, d. l. *naturalis*, §. 1. Itaque ex eo, quod facta ut plurimum repeti non possunt, fit solum ut cesset conductio, non item ut denegetur actio præscriptis verbis.

Alio ergo nos veritatem oportet. Placet, ut cum Cujacio *loc. cit.* dicamus, rationem pendere ex eo, quod actio civilis præscriptis verbis non datur, nisi ex negotiis, quæ vicina & proxima sunt civilibus habentibus nomen: propterea recte datur ex *Do ut des*, quod affine est emtionis, ex *Facio ut facias*, quod mandato simile est, & ex *Do ut facias*, quod proximum est locationi. At nequit imperiri ex *Facio ut des*, quod nec locationi, nec alii negotio civili comparari potest. Consurgendum igitur fuit ad subsidiam Prætoris actionem de dolo; quippe dolose gessisse videtur, qui scivit me facere; nec potest factum dari, quod convenit.

Si vero dolus abest, actionem in factum prætoriam dari, consequens est. Hic enim fere est omnium actionum ordo, Civilis actio directa, quæ nomen habet, ut Empti, Commodati. In factum civilis, quæ & Utilis di-

citur, & dividitur, ut alia sit Præscriptis verbis, alia non Præscriptis verbis, ut quæ est accommodata legi Aquiliæ. Succedunt deinde actiones honorariæ, Prætoria Directa, vel Utilis ex Edicto: deinde de dolo, & eo deficiente. In factum Prætoria ex Decreto: quæ actiones Decretales sunt Jurs nostri persequendi extrema subsidia, ut idem Cujacius primus omnium observavit. Actionum autem istæ, quæ nomine vacant, dicuntur in factum, quia in factum concipiuntur, l. *quod bonus, ff. ad legem Falcidiam*, vel componuntur, §. 1. *Injta. de except.*

Hinc explicatur l. textus in d. l. *cum mota, C. de transact.* ubi transactioe intra, ut ego a lite discederem, parte bonorum accepta, discessi a lite, nec data pars bonorum est: Imperator Alexander ait, mihi competere actionem præscriptis verbis, si citra Stipulationem transactum sit. Nempe hic non fuit contractus *Facio ut des*, ut vulgo putant, pro quo competisset solum actio de dolo: sed fuit vel *Facio ut facias*, id est, *Discedam a lite, ut tradas bonorum partem*, ut post Socinum ait Alciatus *loc. cit.* Vel potius *Do ut facias*; nam ita conventum est, *Dabo partem bonorum, ut a lite discedas*, ut notat Cujacius.

Explicatur II. l. *soles, ff. de præscr. verb.* ubi tibi promisi decem, si fugitivum servum indicaveris: tibi indicanti competit adversus me non solventem actio præscriptis verbis. Verum & tibi fuit contractus *Do ut facias*, non *Facio ut des*, quod Accursius monet.

Sed jam tertio videamus de effectibus Stipulationis in Contractibus Nominatis bonæ fidei. Quoniam contractus hi natura sua perfecti sunt, nec in eis est locus pœnitentiæ, & Debitor præcise cogitur; ideo Stipulatio acquirit in his ea operari, quæ efficiunt in nominatis. Dubium itaque est quidnam operetur.

Sed prius recolendum est, quod supra cap. 1. diximus, nunquam contractus bonæ fidei celebrari per Stipulationem; nam si interrogem te, *Vendis fundum Sempronianum centum aureis?* & tu respondeas, *Vendo*, non est venditio facta per Stipulationem, sed sola & simplex Venditio; nempe quia Venditio respicit tempus præteritum, Stipulatio tempus futurum. Itaque hoc casu non datur actio ex stipulatu, vel certi conductio, sed tantum actio ex emto. Sed si dictum sit, *Vendes? Vendam*, non est Venditio, sed Promissio de vendendo: & hæc

Sti-

Stipulatio est. Sicuti si dicam, *Credes pecuniam*, non est Mutuum, sed Stipulatio, & Promissio de mutuo faciendo, *l. si panem, ff. eodem*.

Additur nihilominus Stipulatio Venditioni in multis, quæ ipsi accedunt; ut si stipuler pretium mihi solvi, certo loco solvi, usuras præitari, rem dari, habere licere, & similia. Et communis opinio est, Stipulationem in continenti subjici, ut in his negotiis bonæ fidei stricta actio suppetat; ita ut in arbitrio Contrahentis sit, utra actione, bonæ fidei, an stricti Juris, malit uti, cum utramque habeat. Ita etiam Cujacius hic in *l. 1. §. sed nitum*.

Verius tamen puto, eo casu actionem bonæ fidei non dari, sed solum actionem ex Stipulatione competere. Quia aut dicimus, Stipulationem novationis causa subjici, aut non: & utroque casu semper verum est, actionem bonæ fidei proponi non posse.

Ponamus I. id fecisse Contrahentes animo novandi; tunc certum est, ex novatione tolli priorem actionem bonæ fidei, totamque rem in stipulationem transferri, *l. 1. ff. de novat*. Et est speciatim traditum in *l. duo, ff. pro socio*, ubi duo, qui societatem conserunt, et ea, quæ voluerunt fieri, in pacto convento societatis præscripserunt, & stipulati sunt. Alpheus respondit, si Stipulatio ista concepta sit, *Hæc ita dari, fieri spondes?* Respondit, inquam, pro socio agi non posse, si quid contra factum sit, sed totam rem in Stipulationem translatam videri; nempe si novationis causa id fecerunt. Ecce ut Stipulatio addita contractui bonæ fidei in continenti, facta animo novandi, perimit actionem bonæ fidei, ut nihil superest, nisi actio stricta ex Stipulatione.

Ponamus II. animum novandi non adfuisse, ut in dubio præsumitur, *l. fin. C. de novat*. Et eo casu addita Stipulatio in continenti non tollit actionem bonæ fidei, sed facit ne nascatur, ut propterea isto etiam casu sola actio ex Stipulatione competat, quia unus & solus contractus Stipulationis celebratus dicitur, ex *l. 6. §. 1. cum l. sequ. ff. de novat*, ubi cum Stipulatio additur in continenti contractui, non sunt duo contractus, sed unus, nec fit novatio; Stipulatio enim prohibet, ne actio ex contractu antecedenti nascatur: quocirca ex sola Stipulatione obligatio & actio oritur. Quod etiam in contractibus strictis ve-

rum est, ut ibidem patet, & infra dicemus.

Hæc omnia suadet etiam ratio; nam impossibile videtur, ut ex eadem numero redire actiones contrarie, & quæ se invicem excludant, oriuntur, ut sunt actio bonæ fidei, & stricti Juris. Hæc tamen intelligenda sunt, ubi Stipulatio in continenti subjicitur; nam si ex intervallo fiat, sine animo novandi, tunc sunt duo contractus distincti; & quia Stipulatio prohibere non potest, ne ex priori contractus actio nascatur, ut quæ jam nata est; propterea ex illo competet actio bonæ fidei, ex posteriori isto, id est, Stipulatione, oriatur actio stricti Juris. Et verum erit, quod dicitur, vinculum vinculo addi, *d. l. fin. C. de novat. §. l. 2. ff. de novat*.

Ceterum cum dicimus, Stipulationem in continenti adjectam contractui operari, ut ex eodem solum deur actio, id verum est in eadem tantum re, ubi Stipulatio interposita fuit. Exempli gratia, ab Emptore stipulatus sum pretium mihi solvi; si agam ad pretium, sola certi condictione ex Stipulatione competit; nam aliud est, si agam ad usuras mihi in contractu emtionis promissas, quas persequar actione ex vendito, *l. Lucius Titius, ff. de positi*. Nempe quia usure in Stipulatione comprehensæ non sunt; & Stipulatio utpote stricti Juris, suos fines non egreditur.

Ita quoque si stipuler certo loco mihi dari; tunc si petam loco convento, est actio ex stipulatu; sine alio, est actio arbitraria, *l. in bonæ fidei, ff. de eo, quod certo loco*; ubi notat Paulus, quod si locus adjectus sit sola conventionem, citra Stipulationem, non competit, nisi actio ex empto.

Non dissimiliter, si stipuler a Venditore, vacuum possessionem tradi, vel rem dari; tunc si ex Stipulatione agam, non venient fructus a die Stipulationis, utpote qui Stipulatione comprehensæ non sunt, nec in Stipulatione, quæ stricti Juris est, plus venit, quam expressum sit. Possunt tamen deinde ex empto agere ad fructus, quia in actione bonæ fidei, uti est actio ex empto, multa veniunt ex bono & æquo, licet non expressa. Ita in *l. 3. §. 1. ff. de act. emti*, illis verbis: *Sed ex empto superesse ad fructuum præstationem*. Et sensus est, eum qui ex stipulatu egit ad vacuum possessionem sibi tradendam, consequi rem, sed non fructus, quia in Stipulatione non sunt expressi; nec tamen fructus amittere, quos consequetur altera actione

ex emto. Ex quo textu habetur, Stipulationem subjunctam contractui bonæ fidei tollere actionem, exempli gratia, ex emto, non omnino, sed in ea solum re, de qua ipsa Stipulatio loquitur. Cum ergo loquatur de vacua possessione tradenda, in eam rem non competet, nisi actio ex stipulatu: quæ tamen non prohibet nasci actionem bonæ fidei, in quantum ad fructus, qui Stipulatione comprehensum non sunt.

Sic quoque subjicitur Venditioni Stipulatio *Habere licere*, cujus vires, ne Venditor ipse, aut Heres ejus aliquid minuat ex Jure reicemur. Quare si quis eorum contrarium faciat, vel de proprietate, vel de possessione, vel de usufructu, vel de usu, vel de aliquo alio Jure ejus, quod distractum est, committitur Stipulatio in quanti ea res est, l. *stipulatio ista*, §. *si quis forte*, ff. *eodem*. Nec tamen per hanc Stipulationem admittitur actio ex emto in id, quanti mea interest, Africanus in l. *servus quem*, §. *ult. ff. de act. emti*. Illud tamen interest, quod si sciens rem alienam vendas sine Stipulatione, ex emto agere licet, antequam res evincatur, statim ac deprehendo rem, exempli gratia, esse alienam; scilicet ob dolum, qui a contractu bonæ fidei abesse debet. At ex Stipulatione *Habere licere* non agitur, nisi re evicta, quia tunc solum habere non licet; nec in eam venit dolus, d. l. *servus quem*, §. *ult. ff. de act. emti*. Sed si Venditor rem esse alienam ignorabat, etiam actio ex emto competit Emptori, re evicta, ut monet Cujacius *ibid. tract. 8. ad Africanum*.

Eodem modo subjicitur Stipulatio de dupla, quæ non perimit in aliis actionem ex emto. Quocirca si sciens vendidisti servum noxium, non agam de dupla, antequam servus mihi absit; & per noxalem actionem evictus sit: at nihilominus statim ex emto teneris ad quanti mea intererit scisse, l. 4. ff. *de act. emti*.

Ex quibus omnibus patet, Stipulationem contractibus bonæ fidei subdiciam, non imitari eorum naturam, sed proprias vires retinere, Aleius *luc. cit.* qui tamen *num. 97.* notat, in Stipulationibus Prætoris *Damni infecti*, *judicatum solvi*, & similibus, non plus venire, quam præcedens obligatio: necessitas urget, Glof. in l. *in prætoris*, ff. *de Prætor. Stipulat.* Doctores in l. *non solum*, §. *morte*, ff. *de oper. novi nunciat.* Nisi ex certa scientia Debitor aliter se obligasset, l. *damni*,

§. 1. ff. *de damno infecto*, l. *et si quis*, §. *qualitum*, ff. *si quis caution.*

Hæc ut recte intelligamus, notandum est, Prætorias Stipulationes, sicut & actiones, certam & immutabilem formam habere, nec quidquam privatorum pactationibus in eis immutari posse, l. *in conventionalibus*, ff. *eod. l. nec ex Prætorio*, ff. *de reg. jur.* sed si quid vel addi, vel detrahi, vel immutari oporteat, Prætoris erit Jurisdictionis, l. 1. §. *ult. ff. de Prætor. Stipulat.* Itaque si quid ambiguum acciderit, interpretatio ad Prætorem quoque pertinet, d. l. *in Prætoris*. Interdum tamen acciderit, ut Prætoris Stipulationes sine Prætoris, ex sola Contrahentium conventionione, interponantur, & tunc conventionalium naturam imitantur, quæ certam formam non habent, & ex Contrahentium arbitrio dependent, d. l. *in conventionalibus*. Exempli gratia, Stipulatio *Rem ratam haberi* Prætoris est, & etiam Judicialis, tamen aliquando ex conventionione sola venit, siue Prætoris, aut Judice, l. *interdum*, ff. *rem ratam haberi*.

Hinc si Stipulatio Prætoris Jussu interponatur, nihil amplius venit, quam præcedens obligatio exigit. Exemplum est in l. *damni infecti* 43. ff. *de damno infecto*, ubi quidam a Vicino stipulatus erat, *Sive quid ibi ruet*; & si regulæ cadant in vicini regulas, eaque frangant, non tenetur Promissor, si cadant vento dejectæ; tenetur, si cadant vitio ædificii; nempe quia præcedens obligatio hoc tantum casu adtingit, l. *fluminum*, §. *si vitium*, l. *si adibus*, ff. *cit. tit.*

Quod si hæc eadem Stipulatio *Damni infecti* interponatur sola conventionione, tunc Stipulationis effectus se extendit, quousque Contrahentes voluerunt. Finge: promissi Vicino, me ei repensurum omnem mercedem, quam ob emigrationem Habitantium amitteret, teneret, d. l. 43. §. 1.

Hæc eadem intelligenda sunt generatim in quibuscumque cautionibus, quæ auctoritate Magistratus interponuntur, veluti in ædificiis, ut est Stipulatio de dupla; in Tribunalis, sicuti est, cum Maritus pro Muliere te obligavit, vel in rem ejus impendit, divortio facto, eo nomine cavere sibi solet Stipulatione, quæ ex auctoritate Tribunalium venit, Ulpianus in *Fragm. tit. 7.* Exemplum habemus in l. *cum mulier de dote*, ff. *sol. matr.* Ubi Mulier soluto matrimonio de dote repetitione agens, cavere debet Marito, qui ædium do-

talium nomine damni infecti cavit. Hæ omnes Stipulationes uno nomine Prætorie dicuntur, quia olim Prætorum appellatione quilibet Magistratus veniebat, etiam Consularis, ex *Juren. Sat. 10. Cont. 2. l. 18. Imo etiam Dætor; nam cum in veteri lege esset, Qui Prætor Maximus sit, idibus Septembris clavum, &c. Prætoris maximi appellatione venit Dætor; Livius lib. 8. Et tandem hæc eadem intelligemus de Stipulationibus Judicialibus, quæ auctoritate Judicis, aut Arbitri a Prætoris dati, interponuntur.*

Reliquum modo est, ut videamus de effectibus Stipulationis in Contractibus Nominatis stricti Juris. Et quid circa illos statuerendum sit, constat ex jam dictis; non enim hæc in re contractus bonæ fidei distant a contractibus strictis. Itaque Stipulatio cum additur, ea sola attenditur. Veluti, dedi tibi mutua centum, deinde ex continenti stipulor ea mihi reddi, unus contractus est, nec fit novatio, & obligatio non nascitur ex numeratione, sed ex stipulatione, d. l. si ita fuero 6. §. 1. cum l. sequi ff. de novat. Sed si redditioni pactum addatur, veluti si paciscar de mutuo reddendo Kalendis proximis, vel paciscar de usuris præstandis, ad roborandum pactum opus stipulationis est, ut latius in l. lecta, ff. de reb. cred.

Quod si post Mutuum contractum Stipulatio reddendi pecuniam ex intervallo addatur animo novandi, per novationem prior obligatio mutui deletur, & nova ex Stipulatione obligatio orta dicitur, l. obligationum fere, §. fin. ff. de oblig. & act. l. si ita stipulatus, §. Chrylogonus, ff. cod. Verum si Contrahentes novari noluissent, remanet uterque contractus, & robur robori additur, d. l. fin. C. de novat.

## CAPUT IV.

## De Divisione Stipulationum.

Est jam supra a nobis divisa Stipulatio in Nudam, & non Nudam, quæ Satisfactio & Satisfactio appellatur, quæ divisionem proponit. Componitur in l. 5. §. stipulatio, cum sequi ff. cod. ut ibi recte Cujacius monet; quo in textu etiam alia divisio proponitur desumpta a causa efficiente, ut alia Stipulatio Judicialis sit, alia Prætoris, alia Communis, & tandem alia Con-

Tom. I.

ventionalis, de quibus lib. 3. *Instit. tit. de divisi. Stipulat.*

Superest itaque, ut eam tantum divisionem exponamus, quæ habetur ex Paulo in l. 2. in princ. ff. cod. ut quædam in dando, quædam in faciendo consistat, quæ divisio desumpta est a materia, quæ in stipulationem deducitur; vel enim deducuntur res, vel facta, §. ult. *Instit. hoc tit.* Res dantur, Facta fiunt. Hiæc ad omnem obligationem comprehendendam, ea utimur formula, *Quod te mihi dare facere oportet*; quæ latius in actionibus accipitur, strictius in Stipulationibus, l. si stipulatus 76. §. 1. ff. cod. Nam Stipulationibus præles duntaxat tempus continetur. Quocirca si a colono, cui fundum in quinque annos locavi, post triennium ita stipulor, *Quidquid te dare facere oportet* non amplius venit, quam in præles debetur, l. si a colono ff. cod. Ideo ad comprehendendum etiam tempus futurum adijci solet, *Oportebitur, vel Præsentis, in diemve*, ut in citatis Juribus patet. Et ita est in Stipulatione Aquiliana, quæ ita concipitur: *Quidquid te mihi ex quacunque causa dare facere oportet, oportebitur, præsentis, in diemve, &c. l. C. uno, §. 1. ff. de Acceptil.*

Non ita est in actionibus, ubi futurum etiam tempus continetur, quoad res judicatur. Nam si cum conduttore, qui debet trium annorum pensioes, egero ex locato, petens quidquid mihi dari fieri oportet, & lis in biennium proferatur, totius quinquennii nomine Iudex condemnationem faciet. Præterquamquod judicia incrementum accipiunt ex usuris, & fructibus, d. l. 76. §. 1. ubi Cujacius. Et quia Stipulatio, quæ legatorum nomine interponitur, inicit actionis obtinet, l. 1. §. cautionales, ff. de Prætor. Stipul. ideo hæc ad futurum etiam tempus extenditur & accipit incrementum ex usuris & fructibus, quamquam ita concipiatur, *Quod Testator dari fieri voluit, id dari vel fieri*, l. 1. §. bellissime, ff. ut legator. nom. caveat.

Dare itaque pertinet ad res, & earum dominium transferendum, l. ubi autem, §. ult. ff. cod. l. non videtur, ff. de reg. jur. Unde verbum Juris est, & Jus in stipulatione veratur, si quis stipuletur dari, l. cum qui itaq; §. qui sibi, ff. cod. l. Stichum, §. quasivim, ff. solut. l. 2. C. de contrah. stipulat. At vero facere est nomen naturale, & ad pos-

O

fessio-

fellionis translationem refertur; & qui promittit restituere aut reddere, factum promittit. Refertur etiam ad reliqua facta omnia, sive momentanea, sive successiva, *l. faciendo verbo, l. verbum facere, ff. de verb. signif.* Factis adjungenda sunt non facta; nam & qui non facit, hoc facit, ut nolit facere: idem in §. *etsi mulier, Instit. de nupt.* dicitur recte facturum hominem, si se ab illicitis nuptiis abstinat. Concordat textus in d. l. 2. §. *item si in facto, & l. ubi autem, §. qui id quod, ff. eod.*

Verum tamen est, interdum Facere etiam dandi actum comprehendere, *l. in facto, in princ. ff. de cond. & demonstr. d. l. verbum facere: & e converso. Dare ad factum referri, l. 4. ff. de usufr. l. qui heredi, in princ. ff. de cond. & demonstr. sed propria & stricta utriusque verbi significatione Dare & Facere distinguuntur, *l. qui Libertinus, in princ. ff. de oper. libertor.**

Videtur tamen huic Stipulationum divisioni a Paulo propositae addendum membrum aliud; quippe præter Stipulationem dandi & faciendi, est alia, quæ ex utraque mista est, *l. veteris, C. de contrab. Stipul.* Ex hoc est, quod voluit idem Paulus in l. 3. ff. de oblig. & act. cum ait obligationum subalternam eo consistere, ut alium nobis obstringat ad aliquid dandum, vel faciendum, vel præstandum, ubi verbo Præstanda obligationes mixtas comprehendit: est enim Præstare verbum generale ad factum, & dationem, *l. item Labeo, in fine, l. heredes, §. contra ff. fam. heredit. l. ex emto, ff. de act. emti, l. quod si in pignus, §. fin. cum duo. ll. segg. ff. de adilit. edit.* Et recte Paulus ait generatim Obligationes: nam non solum inter Stipulationes, sed inter quasquæque alias Obligationes, reperitur ea, quæ mista est. Quare si servo dispensatori libertas relicta sit sub conditione reddendarum rationum, hæc obligatio mista est, & comprehendit non solum rationes computare, & subducere, verum etiam reliqua solvere, *l. cum servus, ff. de condit. & demonstr.* Ita qui opus facere Iustus debet, non solum operis curam suscipere debet, sed & pecuniam pro eo construendo dare, id est, facere simul, & dare, *l. fidei commissa, §. ult. ff. de leg. 3.*

Verum ideo Paulus in d. l. 2. mixtæ Stipulationis non commemorat, quia mistam continetur sub simplicibus, ut ibidem notat Accursius, argumento ex §. 1. *Instit. de act. l. is qui pascum, §. interdum, ff. quod vi*

*aut etiam, l. si ita scriptum, ff. de lib. & posth. orzelertim* quia Obligatio mixta vicem duarum Obligationum subimit; ut constat ex eo, quod si servus rationibus redditus liber esse Iustus est, & ab herede vendatur, servus rationes excusati, & disponget cum herede, reliqua solvet emtori, *l. si statu libera, §. ult. ff. de statu lib. l. qui libertatis, §. servus, ff. de ruition. Valerian. tract. 4. cap. 1. num. 17. & sequens.*

Discrimina inter Stipulationes dandi, & faciendi, varia sunt. I. Olim Stipulatio faciendi non transibat ad heredes Stipulantis, nec contra heredes Promissoris, cum facta personalia censerentur: unde qui ita spondidit, *Cum moriar, insulam adificabo*, Stipulatio, prout impossibilis, inutilis erat; non enim Testator horæ momento ædificium excitare poterat; & ipsius heres, ut in Stipulatione faciendi, non obligabatur. Hæc erant, nisi in Stipulatione specialis heredum mentio facta fuisset. E diverso obligatio dandi indistincte transibat ad heredes, & in heredes. Hanc differentiam subtiliter Iustinianus in l. *veteris, & l. ult. C. de contrab. stipul.* qui noluit, ex huiusmodi subtilitate cadere hominum voluntates. Quocirca hodie omnis Stipulatio ad heredes, & adversus heredes transmittitur, tanquam si ipsorum specialis mentio habita sit.

II. In dando, si quis stipuletur sibi & Titio heredi suo dari, & deinde moriatur pluribus heredibus relictis, inter quos & Titius sit, non soli Titio acquiritur obligatio, sed omnibus, *l. continuus, §. ult. ff. eod.* Id ipsum est, si promittam, me & Titium heredem meum tibi daturum, omnes mei heredes ad dandum tenentur, *l. cum qui ita §. §. 1. ff. eod.*

Secus est in faciendo; nam si stipuler, mihi & Titio heredi meo fieri, soli Titio faciendum est: & e contrario si promittam facere me & Titium heredem, is solus faciet, *d. l. continuus, §. ult.* Ratio disparitatis est ex Cujacio, quia obligatio dandi a desuncto incipit, & propterea ex lege XII. Tabularum dividitur inter omnes heredes proportionibus hereditariis, *l. ea qua, C. fam. creisse. l. pacto, C. de pactis.* Hinc licet Contrahentes pacisci videantur, ne alteri heredi, quam Titio, daretur, vel se ab altero, quam a Titio, peteretur dari, tamen pactum inutile est, *d. l. §. 1. quia Stipulatio inutilis pactum utile non habet, l. 1. §. si quis*



ita, ff. cod. l. in persona, §. ult. ff. de pactis. Obligatio vero facienda non dividitur ex lege XII. Tabularum, quia cum facta personalia sunt, l. quod dicitur 130. ff. cod. cum promitto, me & Titium heredem meum facere, obligatio Titii non incipit a me, & ideo propter non dividitur inter heredes meos, sed ipsum testamentum modo Titium afficit.

Objicies ex l. avus, ff. de pactis, ubi cum quis pacificatur, ne dos a se Filiove suo petatur, Filio convento datur exceptio pacti; coheredi ejus non datur. Concordat l. avus, ff. de pact. dosal.

Verum separanda sunt ea, quae sunt Juris, ab his quae sunt facti; quia pacta facti sunt, non Juris; & quae facti sunt, non ex heredibus acquiri possunt, d. l. continent, §. ult. Cujacius in d. l. avus, ff. de pactis. Itaque in specie nostra pactum expressum per se stans, valet: pactum tacitum, quod Stipulationi inest, non valet: nempe ex regula, Pactio, quae ex Stipulatione inutili deducitur, inutilis & ipsa est, ut diximus. Recte tamen uni ex heredibus nomen adscribitur, tanquam praelegando; licet enim non solida ei acquiratur obligatio, tamen recte ei solvitur, & id nomen heres praecipit arbitrio familiaris eriscunda, l. 1. §. 1. C. de except.

An autem in casu supraposito coheres teneatur in totum, an detracta portione Filii, dubitatur. Affermat Accursius, negat Cujacius; quia ita Jus est, ut obligationes defuncti in heredes transierint pro portionibus hereditariis. Itaque & Filius pro parte sua tenetur, sed defenditur exceptio pacti. Coheres vero respondere Stipulationi, nisi pro parte sua, non debet.

III. Stipulatio ut quid fiat, vel non fiat, ut plurimum rei incertae est, quia facta non sunt, nisi cum fiunt, vel postquam facta sunt. Quare temporis Stipulationis non apparet, quid, quale, quomodoque sit in Stipulatione, l. ubi autem, §. qui id, ff. cod. Quaedam tamen facta sunt certa, ut restitutio in novi operis nunciatio, l. 2. ff. de Prator. Stipulat. In Stipulatione vero nandi interdum deducitur incertum, ut si stipuler dari genus, ufumfructum, partem ancillae; interdum deducitur certum, ut fundus Tuscolanus, Stichus, l. Stipulationum quantam, cum l. seq. ff. cod. Et quod dicitur certum aut incertum intelligitur attentis Stipulationis tempore, non tempore solutionis; cum

enim res solvitur, semper certa est. Et hoc est, quod dicitur, contractus estimari ab initio.

Inter has illud interest, quod ex Stipulatione incerti datur actio ex Stipulatu, cujus haec est formula; *Quod mihi ex stipulatu dari fieri oportet*. Ex Stipulatione certi datur certi conductio, & haec est formula: *Quod mihi Stichum ex Stipulatione dari oportet*. Verum haec quoque dicitur aliquando generatim actio ex Stipulatu, l. inter, §. si rem quam, ff. cod. Hoc in aliis etiam actionibus locum habet; nam exempli gratia actio ex testamento alia est certi, alia incerti, l. 1. ff. de usufr. leg. l. non solum, §. pen. ff. de liber. leg. l. si sic legatum, §. ult. ff. de leg. 1.

Non ita est in actionibus bonae fidei, quae omnes sunt incerti, vel incertae pecuniae, ut Cic. ait pro Roscio: quippe petitur id, quod ex bona fide dari fieri oportet, & Iudex libetram habet potestatem statuendi quod aequius melius, §. in bona fidei, Instit. de action. Licet tamen etiam ex contractibus bonae fidei uti conditione certi, ut constat ex l. duobus, §. exceptio, ff. de Jurjur. ubi in mandato, negotiorum gestione, locietate, & similibus bonae fidei contractibus, potest quis non solum proponere conditionem incerti, seu actionem mandati, negotiorum gestorum, & locietatis, sed etiam agere certi conditione: nempe ut ibi notat Accursius, quia certi conductio competit ex omni causa, & ex omni obligatione, ex qua certum petitur, l. certi conductio, ff. de reb. credit.

Utilitas hujus distinctionis est, quia ex conditione certi res praestitetur, & condemnatio petitioni congruit: ex incerti agitur ad id, quod interest, & condemnatio petitioni non congruit; nam condemnatio semper est certa, licet incerta sit actio, §. curare, Instit. de action. Quae omnia ut clarius pateant, sit.

## QUESTIO UNICA.

An, & quando Debitor, praestando id, quod interest, liberetur.

Stipulationem dandi praesae adimpleri debere, nec Debitorem solvendo id, quod interest, liberari, secus atque in obligatione faciendi, docent post Bartolum communiter Doctores apud Covarr. 2. var. 16. Quam distinctionem improbat Faber dec. 85. err. 1. & 2. qui contendit, Debitorem five dandi, five faciendi, semper praestando id, quod interest, libe-

liberari, nec unquam præcise posse cogi. E contrario Valentinus de re iudic. tract. 2. cap. 4. a num. 21. putat, semper Debitorem præcise adstringi tam ad dandum, quam ad faciendum.

Nos insitendo iis, quæ proxime diximus, nullam ex prædictis sententiis veram putamus. Quare statuendum est, ex actione certa non præcise peti, ex incerta id, quod interest, tam si de dando, quam si de faciendo agatur. Ratio est, quia ex actione certi petitur res certa. Ergo non potest præstari id, quod interest, quia incertum est, l. ult. ff. si quis in sus vocatus, l. non autem, ff. de recept. arbit. Quare actio certi est ad rem omnino consequendam, l. 2. ff. de Prætor. Stipulat.

Probat ut etiam manifeste ex Juribus. I. Ex Ulpiano in l. ubi autem, §. ult. ff. cod. ubi hæc habentur: Hac Stipulatio, Fundum Tusculanum dari? ostendit, se certi esse, continereque ut dominum omnino efficiatur Stipulatoris quoquo modo. Errant Doctores, cum putant ideo hic Promissorem obligari omnino, id est, præcise rem dare, quia Obligatio dandi est; cum aperte Ulpianus oriatur in eo, quod Stipulatio certi est. Cum ergo ex Stipulatione certi oriatur certi conditio, inde fit ut Debitor ad rem præcise tradendam cogatur, nec præstando id, quod interest, liberetur. Unde si Stipulatio sit incerti, veluti, Fundum dari? quippe genus incertum est, d. l. ubi autem, in prin. tunc Debitor convectus actione incerta ex Stipulatu, liberaretur præstando id, quod interest, ut ex prædicto textu colligitur.

II. Ex l. officium, ff. de reivind. cujus verba sunt. Ubi enim probavi rem meam esse, necesse habebit Possessor restituere, qui non obijerit aliquam exceptionem. Uti sermo est de reivindicatione, id est, de actione certi; nam rei incertæ reivindicatio nulla est; cum formula reivindicacionis sit, Hac res mea est, & Ulpianus ait, necesse esse restituere; ubi verbum Necesse præfixum facti implementum denotat, l. obligamur, §. necessitate, ff. de oblig. & act. Id vero restringit, cum Reus aliquam exceptionem opponit. Quocirca non est dicendum restringi, si Reus id, quod interest, solvere paratus sit. Quam explicationem clarissime idem Ulpianus comprobat ex l. si quis restituere 69. ff. cit. tit. de reivind. his verbis: Si quis restituere iussus Judici non pareat, contentens se non posse restituere, si quidem habeat rem, manu militari ab eo auferendam

esse. Manu militari, id est, per Viatores, Apparitoresque, ceterosque Judicis Ministros. Ex ipso, cum res non extat, quia tunc necessitate urgente, actio certi immutatur in actionem incerti, & devenitur ad id, quod interest; petet enim Actor rem, ut id, quod interest, consequatur. Est ergo textus in d. l. si quis restituere clarissimus; quo cum se premi Faber tentaret, eum Tribonianus impetitiæ perperam imputat. Et notandum, hic agi de obligatione faciendi; nam restituere factum est.

III. Ex l. si panam, ff. cod. ubi Paulus ait: Quod si ita stipulatus fueris, Pecuniam tibi crediturum spondes? incerta est Stipulatio, quia id venit in Stipulationem, quod mea interest. Hic Stipulatio est dandi, id est, mutuum dandi, & tamen Debitor non cogitur præcise dare, quia est Stipulatio incerti, cum venerit pecunia in genere, & genus incertum est: quare Debitor præstando id, quod interest, liberatur. Non ita est, si pecunia adjiciatur, veluti: Si pecuniam tibi non credes, centum pane nomine dabis? quo casu pecunia est in obligatione, quæ certa, d. l. si panam. Itaque Debitor ad præcise solvendam pecuniam cogitur, ut ibidem ex collatione utriusque prædicti casus patet. Cujacius tamen lib. 3. Pauli ad Edictum in d. l. si panam opinatur, Stipulationem te pecuniam crediturum, esse facti: illam vero te centum crediturum, esse dandi; quoniam id agitur, ut centum dentur; ut etiam est de Stipulatione pecuniæ. Quæ persuasio orta est ex eo, quod credit, solum in Stipulatione faciendi locum habere id, quod interest, quod est falsum.

IV. Ex l. si quis stipulatus, §. t. ff. cod. Species est Stipulatus sum a te, Pro centum aureis satisdabis? & Reum deda, qui tibi debet centum aureos, ut pro eo satildares in eam summam. Dicitur, Fidejussorem teneri in id, quod interest. Cur ita? nempe quia obligatio Fidejussoris est incerta; nam, ut ibi Pomponius cum Proculo ait, Fidejussor tenetur in solidum, si Reus non erit solvendo; vel in minus, si in aliquid sit solvendo; vel in nihilum, si omnino sit solvendo.

V. Ex l. stipulationes non dividuntur, ff. cod. hæc verba: Ubi quid fieri stipulamur, si non fuerit factum, pecuniam dari oportere. Ita etiam in l. si quis ab alio, §. ult. ff. de re jud. ubi qui non facit, quod promissit, in pecunia numerata condemnatur. Hujus rei causa pro-

proxima non est, quia Stipulatio faciendi sit, ut vulgo opinantur, sed quia facta sunt incerta, *d. l. ubi autem, §. qui id* : propterea ex ipsorum Stipulatione oritur conditio inserti, quæ est ad id, quod interest. Eadem de causa in cautione Judicio sita, & in promissione de præstando fundo, venit id, quod interest; quia res facti sunt, & facta incertis adnumerantur, *l. quoties quis, l. si fundum certa die, ff. cod.*

VI. Ex *l. si domus, §. cum vero, ff. de leg. i.* ubi legato poculo, id est, re certa, heres volebat æstimationem præstare, iniquum esse dicens id separari a se, *Non impetravit id a Prætoribus*, ut ibi Ulpianus ait, quamvis in seruo legato; si forte is frater, aut pater heredis sit, ex benignitate receptum sit, ut æstimationem officio Judicis præstet, ut *ibid. §. qui consuetur*.

Dubium tamen videtur esse ex *l. ejus rei, cum legi. ff. de rei vindic.* ubi cum actione in rem peritissimam a te Stichum, tanquam a possessore, ob contumaciam juravi in litem, & condemnatus es tantum mihi dare, quanti servus a me iurjurando æstimationem est. Ergo licet res certa petatur, Reus ad præcise tradendum non cogitur, quamquam reivindicatio proposita sit.

Hæc difficultas gravis est; nam statim initio difficile videtur ejus legis speciem concipere. Vulgo Doctores, & Faber, de Possessore accipiunt, qui a Domino conventus, eum succubuisse, noluit parere, & rem restituisse; quare ob contumaciam Rei, Actor juravit in litem, & condemnatus est Reus tantum solvere, quanti Juratum sit. Quam interpretationem recte Cujacius *4. obj. 3. rejicit*, ex *d. l. is, qui restituit, ff. cit. tit.* Quocirca Cujacius ipse speciem ponit non in Possessore, sed in eo, qui dolo desit possidere, atque adeo in tantum fuit damnatus, quanti Actor in litem juraverat. Hæc interpretatio non sine ratione displicet Fabro, quia aperte repugnat ipsi Paulo in *d. l. ejus rei*, ibi: *Dominiun statim ad Possessorem pertinet*. Vide notum tract. de Acquir. Possess. de Constituto quæ 2.

Pro specie recte concipienda, recolendum est, iusjurandum in litem aliquando dari etiam contra Possessorem, si scilicet neget in præsentem rem restituere posse, veluti si ea longe absit, & sine frustratione temporis dilationem ad restituendum petat; tunc ei indulgendum est, cum eo tamen, ut de litem æsti-

matione caveat, datis fidejussoribus, si intra tempus, quod ei datum est, non restituat. Eo itaque non restituente, datur in ipsum Iusjurandum in litem: nempe, scilicet, quia in dilatione obligenda de litem æstimatione caveat, quamvis adhuc ipse rem possideret, nec eam dolo desierit possidere. Ita species *d. l. ejus rei* ponenda est ex *§. i. Instit. de offi. Jud.* Est ergo casus specialis; & Reus actione certi conventus, tenetur ad id, quod interest, quia de æstimatione litem emittit, quæ æstimatione incerta est.

Hanc intelligimus, quid standum sit in Emptione & Ventitione, ubi Martius opinatus est, Venditorem præcise cogi ad tradendum. Joannes Accursius Magister & diverso voluit, præstando id, quod interest, liberari. Nempe utramque sententiam esse veram, in diversis tamen casibus, ut scilicet Venditor conventus certi conditione, obligetur ad præcise tradendum; conventus actione incerti ex emto, poterit id, quod interest, præstare.

Constat prior pars ex *l. ex emto, in princ. ff. de act. emti.* ubi hæc verba habentur: *In primis ipsam rem præstare Venditorem oportet; nam cum dicitur, ipsam rem*, id satis ostendit, rem esse certam: cum dicitur, *Oportet, præcise* id rei traditionem demonstrat. Et ita accipendus est etiam Proculus in *l. si eum fundum, §. si re, ff. de contr. emti.* ubi Venditor tunc solum excusatur a vacua rei possessione tradenda, cum accidit, ne tradere possit. Ita etiam Justinianus in *§. perficiuntur, Instit. de donat.* cum ait, donationem inter vivos ad exemplum venditionis in se habere necessitatem traditionis. Et ita demum Paulus *l. sent. 12. cum knibe*: *Si, id quod emtum est, neque tradatur, neque mancipetur, venditor cogi potest, ut tradat, aut mancipet*.

Posterior pars constat ex *l. si insum retis, ff. de action. emti.* ubi quidam jactu retis ement, & Piscator quod extraxit piscium, reddere Emtori noluit; *Ad assemani debet, quod extraxit*. Et recte; nam in jactu retis a Piscatore emto venit incertum id, quod capi potest; & si nihil captum sit, nihilominus Emtor pretium præstare debet, ut etiam est in eo, qui indaginem plagis impositis a Venatore, vel pantheram ab Ancyre emat, *l. emtorem, ad finem, §. sit tibi venditor*. Græce universam Venationem rete captam decotat. *Alciat. 3. paterg. 42.*

Eodem modo in similibus discurrendum est. Exempli gratia, qui mutuum vinum accepit, conveat certi conditione tantundem præstare debet; conventus conditione incerti, seu conditione triticariam, præstabit id, quod interest, *l. vinum, ff. de reb. cred.* (quæ lex accipienda est de conditione triticaria, Cujac. in *l. centum, ff. de eo, quod certo loco, tract. 3. ad Afric.*) ita ut his calibus Actoris electio sit, ut deterior ejus conditio fiat ob culpam Debitoris. *l. stipulatio, §. si ex ante, ff. de oper. novi nunciat. leg. 1. §. ex hoc testamento, ff. de ventre inspecto. Dominus, ubi Cujacius in responsis. Papia, ff. de liber. causa.*

Est tamen notandum I. ea, quæ jubentur a Prætoribus, vel a lege, præcise adimpleri oportere. Ita est in facilitatione tutoria; nam cum Tutor cavere repugnat, ut Prætor interlaris jubet, rem Pupili salvam fore, statum est, ut pignoris captis coercetur, *§. pen. Instit. de satisf. Tutor. l. 2. C. de Magistrat. conven.* Ita etiam in actione Quod metus causa, in qua qui per vim stipulatus est, instante reo, omnimodo compellitur per acceptationem liberare reum, quamquam tripli poenam solvit, *l. si cum exceptione, §. sed etsi, ff. de eo, quod metus causa.* Verba legis sunt: Ut tam tripli condemnatione plectatur, quam acceptatione omnino sacro compellatur. Sic etiam in actione de edendo: quippe ex posteriore Edicto Prætoris, Argentarius mentis exteriori rationes, quas conficit, edere compellitur, ita enim verbum illud Prætoris, *Edant*, interpretatur Ulpianus in *l. Prætor, §. 1. ff. de edendo.* Est autem prius Edictum, ut Actor edat Reo actionem, & instrumenta litis: posterius, ut Argentarius rationes edat. Panter in operis novi nuntiatione ex *l. stipulatio, §. 1. ff. de oper. novi nuntiat.* ubi cui nuntiatum est, si edificare pergat, nec caveat, quidquid edificaverit Interdicto restitutorio destrueretur compellitur. Nec dissimilis in Procureatore Rei; nam si eo consentiente Dominus cavet judicatum solvi, Procureator cogitur ad judicium faciscipiendum, nisi iustum habeat excoationis causam, exempli gratia, valetudinis, & necessitatis peregrinationis; amirum ex verbis Prætoris: *Judicium accipere cogam, l. filiusfamilias, §. Procureatorem, ff. de Procureat.* quamvis aliud sit de Defensore, *l. non cogendum, ff. de iur. Tit.* Tandem in actione Damni infecti; licet enim Actor, Reo non cavente, missus a Prætoribus in posses-

sionem ex primo decreto, possit non admitti; tamen ex secundo decreto Reus omnino a possessione expellitur, *l. 4. §. si intra diem, cum seg. ff. de damno infecto*; ubi qui non admittitur ex primo decreto, habet in factum actionem ad id, quod interest.

II. Notandum, Prætorum non semper iidem remediis contra Debitorem uti, ut is adimpleat id, ad quod tenetur. Interdum enim id remedium Prætor adhibet, quod Pignoris Capiō dicitur, *l. 1. & 2. C. de execut. res. judic. l. a Divo Pio, §. in venditione, ff. de re judic.* Ita est in Tutore, qui satisfare nolit. Aliquando manu militari rem debitam adducit, & anserit a Reo, quod *Paralel. iudicium* dicitur, *l. una, §. 1. ff. si quis Jur. dicentis non obtemper.* Quæ omnia ad eam partem Multi Imperii pertinent, quæ *Medica Corrodis* nuncupatur: cujus etiam sunt Mulctæ, Verbera, Vincula, & a possessione Expulsio, quibus Prætorum vi posse in nostra etiam specie vix est, ut dubitari possit. Verum de his late diximus ad tit. de Jurisdic.

Unde perperam Antonius Faber obtendit, incivile & injustum esse hominem liberum ad factum præcise compellere. Dicendum enim est, eam vim esse contra bonos mores, & Juri contrariam, quam vel Privati inferunt, vel Magistratus injuriose, prætexto & fiducia Dignitatis, *l. nec Magistratibus, ff. de injuriis*; at non illam, quam Jure Missum Imperium tribuit, *l. 3. l. ult. §. si quis, ff. de eo, quod metus causa, l. injuriarum, §. bis, qui Jure ff. de injuriis, l. 1. §. necessario, ff. de ventre in possess. mittendo.*

De Dividuis, & Individuis, & De rebus unitis, ad l. 2. §. & 4. ff. eodem.

Quoniam ex legibus XII. Tabularum statutum est, ea quæ in nominibus sunt, ipso Jure in portiones hereditarias dividi, *l. ea qua, C. famul. Erisse.* ita etiam res alienum, *l. patio, C. de patris*; hinc inter Jurisconsultos, qui ad eas leges interpretandas constituti sunt, quæri ceptum est, utrum id in universum verum esset. Et facile quidem consenserunt, locum habere in rebus his, quæ dividuæ sunt, ut quantitas: cessare vero in individuis, ut itinere, via, actu, quarum Stipulatio visa est per leges non dividi, quia nec potest, *l. heredes, §. an ea, §. idem Juri, ff. sum. Erisse.* Arduum tamen opus vltum est decernere, quæ res, quæ facta Dividuis as-

consensenda sint, quæ vero Individuis. Et sane nihil est in nostro Jure, quod æque obscure & involute expositum sit. Quare Cynus deterritus, ad hanc tractationem aggredi ausus non est, ut ipse testatur in *auth. hoc ita qu.* 2. C. de duobus reis. Cujus consilium videtur imitatus Cujacius, qui cum omni pene Jurisprudentiæ clarissimum lumen attulisset, hanc tamen partem parum promovit.

Erst autem inquisitio Dividui & Individui occasione portionum hereditatis orta sit, tamen paulatim alii & alii fructus hujus doctrinæ detecti sunt in pactis, contractibus, legatis, actionibus, judiciis, aliisque pluribus; adeo ut hæc tractatio universam Jurisprudentiam occupare, in eaque longe lateque regare videatur.

Agitur de hæc re in *tit. nostro* sparsim, pluribus in locis, præcipue vero in *l. 2. cum duabus* sequentibus. Sed ut ordine procedamus, sit.

## CAPUT I.

## De natura Dividui, &amp; Individui.

**D**ividuum est, quod in partes scindi potest, *l. recte dicimus, §. 1. ff. de verb. signif.* Explicatur definitio. Dicitur in partes, id est, saltem pro indiviso: in Jure enim nostro, ut res dividua dicatur, satis est, si in partes pro indiviso scindi possit, nec enigmatizetur partes pro diviso.

Pars pro indiviso est, quarta, tertia, dimidia, aut aliqua quælibet rei, in quo certo rei loco designato, ut proprietate per totam rem vagetur, & intellectu percipiatur, non corpore, *l. places, ff. quib. mod. usufr. amitt. l. si quis, ff. de acqu. posses.* Et diverso pars pro diviso est, quæ oculo videri, & digito designari potest, & post divisionem, totum aliquid efficiat; nam fundus divisus pro diviso, quasi duo fundi sunt, *l. communi, §. Nervatius, ff. comm. divid. l. 1. l. ex mille, ff. de evictio.* Hæc pars dicitur certa, sicut illa pro indiviso incerta: scilicet incerta, quatenus per totum corpus vagatur, licet ejus quantitas certa sit, *l. ad certam, ff. de servit. l. 3. in fine, ff. de revind.*

Hinc intelligimus discrimen inter Jurisconsultos & Philosophos. Nam isti navem Stichum, vocant individua, in quantum ad partes pro diviso; nam si ita Stichum divides, perdes; & navem si divides, perdis, Cæcilius apud Macrobi. 2. Saturn. 6. At Juriscon-

sulti & Stichum & navem dividua dicunt, quia partes pro indiviso recipiunt, *l. servus, ff. de stipul. servor.* Et id Jus Civile introduxit, publicam merciorum utilitatem attendens, & faciliorem rerum omnium permutationem, mutuamque per contractus communicationem, ut ait Valentinus in hoc tract. cap. 3. num. 7.

Dicitur, scindi potest, nam Dividuum non dicit actum, sed potentiam, id est, ut scindi possit, licet actu scissum non sit. Unde distat a Diviso, quod actu ipso, & effectu, in partes jam scissum & separatum est, *l. 2. ff. de offic. Assessord. nam satis, §. 1. ff. quem adm. serv. amitt. l. si ex toto, in fine, ff. de leg. 1. Quocirca obligatio ejus, qui promittit Stichum, in ipso Promissore est dividua, sed indivisa: at in ejusdem heredibus non solum est dividua, sed etiam divisa ex legibus Decemviralibus: quippe Promissor ipse non potest invito Creditori Stichumolvere per partes, heredes possunt, *l. in stipulationibus, in princ. ff. cod.**

Ex his factis constat, Individuum esse, quod in nullas partes neque pro diviso, neque pro indiviso scindi potest, ut iter, via, *l. 2. §. 1. l. stipulationes non dividuntur, ff. cod.* Ex triplici autem ratione dicitur quid Individuum esse. Vel enim est Individuum usu, ut iter, *l. via, ff. de servit.* Vel effectu, ut opus, *l. in executione, §. secunda, ff. cod.* Vel causa, ut pignus, *l. rem hereditariam, ff. de evictio.*

Verum hic plura notemus oportet. 1. Specierum alias admittit solum partes pro indiviso, ut exempli gratia Stichus, qui si duorum sit, quisque Dominus habet dominium in dimidio Sticho, quæ tamen medietas vaga est, *l. si ut certo, §. si duobus, ff. locati.* Alias vero species esse capaces partium etiam pro diviso, uti est signum: unde ades binæ una contigentione rectæ, si unus Dominus sint, & ab eodem diversis legentur, ita acquiruntur Legatariis, ut ipsorum quæque partes certas, & pro diviso in signis habeat, *l. binas quis ades, ff. de servit. urbanor. prædior.*

II. Res dividua, etiam si in se ipsis indivisa, posse tamen voluntate Contrahentium dividi; nam Stichi pars uni promitti potest, altera alteri, *l. in stipulationibus, in princ. ff. cod. l. cum Stichus, ff. de solut. l. tutor, §. Lucius, ff. de usuris.* Possit & solere etiam dividi a lege. Ita obligatio de rata facta per Procuratorem sine mandato, dividua & divisa est,

est, nam Dominus pro parte ratam habere potest, *l. si Procurator, l. cum Debitore, ff. rem ratam hab.* Obligatio correorum a Iuliano divisa pariter est in ipsiis correis, *auth. hoc ita, C. de duob. reis*, ut latius infra *cap. 2. qu. 1.*

III. Creditorem contra quemque heredum Debitoris habere actionem in solidum, quia actio ipsius manet indivisa in eo, nec dividitur, nisi in ejusdem hereditas. Heres tamen quisque Debitoris non damnabitur, nisi in partem, *l. si duo, in fine, ff. de positi.*

IV. Res dividas quasdam dividi numero, ut quantitatem; fructum, vinum, oleum, quae scilicet partes pro diviso admittunt: quasdam vero in partes, ut est de iis, quae partes pro indiviso tanquam recipiunt, *d. l. cum Stichus, l. si centum, ff. cod.*

V. Individuum, quia semper tale manet, attendi tam in principali, quam in hereditibus ipsius, secus quam Dividuum; id enim in ipso Reo est indivisum, in hereditibus ipsius divisum. Poae, legata sunt Titio centum, id legatum est dividuum; at in quantum ad ipsum Titium indivisum etiam est, quia partem legati agnoscere non potest, partem vero repudiare. Sed Titio mortuo, jam legatum est inter heredes ejus divisum; quare potest unus heres partem suam agnoscere, & recipere quinquaginta: alter vero repudiare, & nihil habere, *l. legatarius, in princ. ff. de leg. 1.* Nempe quia lex XII. Tabularum in hereditibus tantum actiones & oblationes divisit, non in principalibus, in quibus manent indivisae.

VI. Quaedam haberi, quae diverso respectu modo dividua sunt, modo individa. Ita Stipulatio de novi operis nuntiatione, si agatur ad opus restituendum, id est, demolitendum, individa est: si ad id, quod ingreditur, pro dividua existimatur, *l. 4. §. ult. ff. codem.*

VII. Interdum rem, quae debetur, esse dividuam, causam tamen esse individuum; ut in pignore, cujus causa individa est, licet pignus dividuum sit, *l. rem hereditariam, ff. de usufructu.* Ita etiam poena omnis adjecta obligationi dandi, *l. 5. §. si forte, ff. cod.* Quo casu omnes heredes collecti teneantur in solidum, *ad §. si forte.* At in re individa per se, ut est iter, singuli heredes in solidum conveniuntur.

VIII. Male vulgo confundi Unum cum Individuo; nam Unum est, quod in pluralia nequit scindi: Individuum, quod in plu-

res partes scindi non potest. Quare Individuum est etiam Unum: at non contra, quia etiam id, quod dividuum est, Unum esse non prohibetur. Stichus est unus, & dividuus: Stipulatio annua, unum & dividua, *l. si Stichum, §. 1. ff. codem.*

Verum hic quaedam, ne euntes nos remaneant, privatim examinanda sunt.

## Q U E S T I O I.

*Utrum Conditio reddat actum Individuum.*

IN eam sententiam communiter itum est a Doctores, ut putant, Conditionem sua natura scindi non posse: propterea additam rei vel actui de sua natura dividuum, eundem individuum facere. Moventur ex *l. cui fundum, ff. de condit. & demonstr.* In contrarium primus omnium disputavit Molinæus in *Labyrintho par. 3. qu. 7. num. 233.* docens, conditionem legi naturam actus, cui adjicitur, & cum actu dividuum dividuum esse.

Nos insistendo iis, quae posuimus, tria distinguemus. I. Conditio rei dividuae appositae in ipso Principali obligato est indivisa, nempe quia ex lege XII. Tabularum res dividuae in eodem Principali indivisa est. Id ipsum constat ex *d. l. cui fundus*, de qua mox.

Hinc intelligimus Paulum in *l. qui heredi, §. si duorum, ff. de condit. & demonstr.* ubi haec habet: *Si duorum Servo legatum sit sub conditione dandi, non posse per partes conditioni parere, quidam ajunt, sed semel dandam pecuniam. Sed ego contra puto.* Quem textum secum facere Molinæus ait, & inde probat, conditionem rei dividuae appositam, esse & ipsam dividuam; nam dare pecuniam dividuum est, & partium praestationem recipi, nostra *l. 2. §. & harum.* Et hic sub conditione est, & tamen adhuc Paulus ait, non necessario pecuniam semel dandam, sed per partes praestari posse.

Dicendum tamen est, in eo textu rationem dubitandi non pendere ex eo, utrum Conditio dividua sit, an non; sed ex eo, quia a Principali obligato solutio pecuniae per partes invito Creditore fieri non potest, *d. l. in stipulationibus in princ. ff. cod.* Licet enim pecunia dividua sit, obligatio tamen in Principali manet indivisa, ut latius infra dicendum erit. Propterea in specie proposita quidam dicebant, non posse per partes conditioni dandae pecuniae satisfieri. Id reprobat Paulus, nixus eo, quod ibidem notat Accursius, quia hic duo legata sepa-

seperatim duabus personis facta videntur; siquidem communis servus duorum personam sublinet, l. 1. §. communis, ff. de stipul. serv. Quo casu singuli pro parte sua & conditioni parere possunt, & legatum capere, ut dicitur in d.l. cui fundus, & l. si quis legata, §. ult. ff. de condit. & demonstr.

Loquitur ergo Paulus in Principali obligato, id est, in ipso Legatario, non in heredibus ipsis: & per consequens in re dividua indivisa; & cum Legatarius sublinet duorum personam, posse per partes conditioni pareri, nempe quia legatum non est unum, sed multiplex. Unde apparet, non fuisse repugnatum Paulum contrarie Jurisconsultorum sententiae, si legatum fuisset unum, id est, si uni, vel servo unius, legatum factum proponeretur. Ergo Condicio rei dividuæ adjecta, in Principali obligato manet indivisa.

Intelligimus etiam Pomponium in l. pen. ff. de condit. & demonstr. ubi si ita legatum est, *Do lego tibi fundum, si illi & illi centum praesieris*; si uni quinquaginta praesles, dimidiam fundi partem consequens. Ita quoque si legatus duobus fundus sit, si decem dediderit, unus solvante quinque, in partem fundi consequetur. Quo textu vulgo Doctores abutuntur, dum ad materiam de Dividuis & Individuis pertinere putant; cum aperte spectet ad res Unas & Multiplices. Quaestio ergo in parte I. fuit, utrum ex multiplicatione personarum, quæ mortis causa capiunt rem dividuam, mortis causa capio una sit, an multiplex, cum Condicio dandi injuncta est uni. In parte II. Utrum ex multiplicatione personarum, quibus res dividua injuncta est, sub conditione dandi uni, legatum dicatur unum, an potius multiplex. Et utroque casu Pomponius respondit, multiplicatis personis, sive Dantium sive Accipientium, actum fieri multiplicem, non tam ex rigore Juris, quam ex benigna interpretatione, & humanitate, ut idem Pomponius ait. Benignitas in eo consistit, quia regula Juris est, ut numerus personarum non multiplicet actum; quæque enim persona in solidum videtur adhibita. Quare si apud duos rem deponam, unus contractus est, & quique in solidum teneretur etiam in re dividua, l. 1. §. si apud duos, ff. de positi. Et olim ex duobus correis, sive debendi, sive promittendi, etiam quantitas in contractu deducta fuisset, tenebantur in solidum singuli. Quod deinde Justinianus mortis eadem humanitate, qua hic

Pomponius, substituit in *auth. hoc ita, C. de duobus reis*.

Itaque si Juris rigorem attendamus, in praedictis casibus legatum erit unum, & scindi non poterit, ex l. qui duobus 23. ff. de condit. & demonstr. quæ lex notanda est ibi: *Qui duobus heredibus decem dare Jussus est, & fundum sibi habere, verius est ut conditionem scindere non potest, ne etiam legatum scindatur*: quippe legatum unum scindi non potest, l. legatarius, in princ. ff. de legat. 1.

II. Condicio rei dividuæ adjecta, in hereditibus Principalis obligati est divisa, ut sit manifestum ex nostra l. 4. §. Cato, ubi exempla omnium Stipulationum poenalarum sub conditione concepta sunt, & tamen Cato ait, eas Stipulationes, quæ de rebus dividuis conceptæ sunt, & ipsas dividas esse. Qui textus expressissimus est, ut infra latius.

Nec obstat Jabolenus in d.l. cui fundus, ff. de cond. & dem. Est enim notandum, cum loqui in Principali obligato: *Cui fundus, ait, legatus est, si decem dederit, partem fundi consequi non potest, nisi totam pecuniam numeraverit*. Est enim dare decem dividuum sit, tamen in ipso, qui debet, est individuum, ut ex dictis constat. Unde est tota pecunia numeranda, non ob conditionem, sed ob rem indivisam, quæ in principali Debitore æquivalet individuum. Nos vero hic loquimur de hereditibus Principalis obligati, in quibus res dividua est divisa.

Nec difficultatem facit, quod in fine Jabolenus ait: *In eo vero, quod uni sub conditione legatum est, scindi ex accidentis conditio non debet, & omnis numerus eorum, qui in locum ejus substituantur, pro singulari persona est habendus*. Non enim hic sermo est de hereditibus Legatarii, quasi dicat Legatario moriuro, heredes ejus ratione conditionis teneri in solidum, licet conditio sit dandi decem. Quod esset casus impossibilis, nam id esset dicere, legatum conditionale, mortuo Legatario ante impetitam conditionem, transmitti ad ipsius heredes, contra l. un. §. si autem, C. de cad. toll. Quocirca loquitur Jabolenus de hereditibus ejus, cui decem ex mortis causa capione debebantur; atque, Legatarium non posse uni ex his quinque solvere, & partem fundi legati capere; adhuc eam verum est decem esse in Legatario indivisa, quia ipse est principalis obligatus. Fatemur quidem, Legatarium non teneri singulis heredibus in solidum, sed cuique pro par-

te: negamus tamen, eum consequi legatum, aut partem ejus, antequam integra decem solvat; semper enim in eo indivisa obligatio est, non ratione conditionis, sed natura ipsius obligationis.

III. Condicio rei individue appositae semper est individua, d. l. 4. §. Cato, d. l. pen. in princ. ff. de cond. & dem. ubi Condicio, si momentum fecerint, pluribus proposita, non potest nisi in omnibus simul personis consistere; quippe monumenti constructio est petitione & solutione individua, hinc executione, §. secunda, ff. eod. Ex quibus constat, veram esse Molinæ sententiam, dum Conditionem sequi naturam rei, cui adjecta est, docet; licet ipse ad eam probandam alia via procedat.

## QUESTIO II.

*Utrum Legis Prohibitio faciat actum Individuum, & de Regula, Utile per Inutile.*

Præsens questio facillime resolvitur ex antecedenti; nam qui volunt, ex legis Prohibitione actum reddi individuum, moventur ex eo, quod Prohibitio legis tacitam conditionem habet, *Si quid contra fiat, ratum ne esto*. Sed jam demonstratum est, Conditionem non immutare naturam actus. Ergo nec etiam legis Prohibitio immutabit, ex eo quod in ipsa tacta conditio incit, nempe invaliditatis, si contra legem fiat.

Verum quia in hac questione speciatim examinanda plurima occurrunt, quæ dependent a Regula, *Utile per Inutile*, propterea de ea hic videndum est.

Ulpianus in l. 1. §. sed si mihi, ff. eodem, ita Regulam concepit: *Utile per Inutile non vitatur*. Exemplum tamen; quod apponit, non pertinet ad transactionem de Dividuis, sed ad materiam de rebus Unis; loquitur enim de rebus pluribus, licet simul aliquo modo unitis. Exemplum itaque est in eo, cui stipulanti Pamphilum, responsum est, *Dabo Stichum, & Pamphilum*. Et respondit Ulpianus, Stipulationem utilem esse in Pamphilo, in quo responso congrua fuit interrogationis: inutilem esse in Sticho. Ratio dependet, ex eo quod duæ fuerunt Stipulationes: quippe tot Stipulationes sunt, quot species, seu summæ, l. si res debemus, l. ubi autem, §. pen. ff. eod. Et demum hac in re addit, *Utile per Inutile non vitari*; scilicet in rebus pluribus, vel in pluribus Stipula-

tionibus, quamquam aliquo casu conjunctis.

Imo in rebus pluribus accidit interdum, rem inutilem utili corroborari. Et Justinianus in l. un. §. 1. C. de rei ux. act. notat, in instrumento Stipulationem unam validam aliis inutilibus suam præstare fortitudinem. Exemplum ex Accursio ibidem est, cum Stipulatio pœnalis additur Stipulationi alteri factæ, nam illa, quæ est utilis, tribuit robur huic, licet inutili.

Doctores tamen regulam Ulpiani examinant in re dividua, vel individua: quod & nos hic faciemus.

I. Ergo in Dividuis Utile per Inutile non vitatur, non obstante prohibitione legis. Ita lex prohibet, donationem fieri ultra 300. solidos, vel 500. si pro causa pia fiat, sine inscriptione; tamen quæ ultra est, non ruit, nisi in excessu: & Utile per Inutile in re dividua, uti est summa, non vitatur, l. sanimus, §. 1. C. de donation. Sic Fidejussor, qui in plus intercessit, obligatur in tantundem, l. rogatus, ff. mandati. Et qui stipulatur ultra legitimum modum, petet viuras legitimas, l. pecunia, l. placuit, ff. de usuris. Tandem si census superet fructus rei constitit, contractus censuales in excessu solum est invalidus: quippe census de natura sua dividuus est, ut qui in fructibus, vel pro his in quantitate consistit. Et argumento est, quod re censita pro parte pereunte, perit census non in totum, sed pro ea tantum parte, ut in Bulla Pii V. Gubalvus de pensionibus cap. 6. art. 11. n. 7.

Obstare videtur l. si Libertus, §. 1. de jure patr. ubi si Libertus plures res simul alienando, minorem se centenario fecerit, non fit revocatio ex singulis pro rata, ut centenarius fiat, sed omnium rerum alienatio nullius momenti esse dicitur.

Verum hic casus specialis est, ob fraudem. Libertus enim, cum plures res simul alienando, minor centenario fit, id facit in fraudem Patroni, & ipso Jure alienatio nulla est, d. l. si Libertus, in princ. Fraus autem totam æque alienationem afficit, nec versatur magis in una re, quam in alia, cum omnes simul alienatæ sint, argumento ex l. si duo, §. quod si tantum, ff. depositi. Quia ergo alienatio revocata est ob fraudem, & fraus in tota alienatione intercessit, ideo tota etiam alienatio nulla est.

II. In Individuis Utile per Inutile vitatur.



tiatur. Verum hæc in re Individuum specialiter quadam ratione attenditur, contra quam in reliquo præstito tractatu. Quippe Individuum hic quatuor modis accipi posse, notat Bartolus in *l. Grace, §. illud, ff. de Fidejussor.*

Primo ob formam alicui actui a lege impertitam. Sæpe enim Lex solemnitates aut conditiones pro forma habet; & inde una ex his deficiente, actus ruit in totum. Ita si Prætor citra exactam causæ cognitionem, quam Oratio D. Marci præscribit, transigi permittat de alimentis testamento relicto, Transactio nullus erit momenti, *l. cum hi, §. si Prætor, cum seq. ff. de Transact.* Nam ea Oratio de tribus Prætor videre debet, de causa, de modo, de personis, *d. l. cum hi, §. ult.* Et si ad eligendum Laici se immisceant Canonici, electionis nulla omnino ratio habetur, *cap. Messana, de elect.*

Ceterum hæc forma in dubio non videtur industria, ne actus ruant; in dubio enim id, quod minimum est, sequimur. Ita in donatione, quæ excedit summam legitimam, insinuatio pro forma non exigitur, cum non infirmetur in totum, sed in excessu, *d. l. sanctimus, §. 1.* Hæc intelligi potest, si Prælati locet res Ecclesiæ ultra triennium, sine Summi Pontificis assensu, locationem pro triennio valere, quamvis contrarium doceant Jaf. in *auth. qui rem, C. de Sacros. Eccl.* Alex. *conf. 52.* Tempus enim sui natura divisionem recipit, *l. si pecuniam, §. quadam, ff. de statu lib.*

Secundo ob dependentiam; nam vitio principalis ruit & accessorium: & legato servo cum peculo, si servus a Testatore alienetur, manumittatur, vel vivo Testatore decedat, nec peculium debetur, *l. 1. C. 2. l. tunc inutile, ff. de pecul. leg.* Interdum ob accessorium corrumpitur principale, nam ob ephippium non præstitum redhibetur equus, *l. adiles 2. ff. de adilit. edic.* Et si Judæus emat fundum cum adscriptis Christianis, tota venditio nulla est, ob adscriptos Christianos, quos Judæus emere nequit, Glossa communis recepta in *l. quemadmodum, 2. manserunt, C. de agric. lib. 11.*

Tertio ob voluntatem Contrahentium; hinc enim contractus censentur individui, quia quis aliter non contraxisset, *l. quod si duo, ff. de in diem addit. l. si quis aliam, ff. de solut.* Imo videtur potius res una, ut infra de *Rebus Unis.* Quare si in hominem liberum &

servum compromissum sit, est Compromissum nullum etiam in homine libero, propterea quod in servum compromitti non potest, *l. Pedius, §. 1. ff. de arbitri.* Et hinc fortasse dependet ratio, cur si Fidejussor se obliget in duriorum causam, quam reus (duriorum, scilicet, loco, tempore, causa) omnino non obligetur, *d. l. Grace, §. illud.* Id tamen Bartolus ad formam relert.

Quarto ob naturam; cum scilicet quid sua natura partes non recipit. Puta quia recognitio Domini individua est, ideo si Emphyteuta pro parte emponemata, vel Jus emphyteuticum alienet, irrequisito Domino, contra legis vetitum, in totum cadit a Jure suo, *l. 3. §. fin. C. de Jure emphyt.* Alex. Alciat. alique in nostra *l. 4. §. Cato,* post Gloss. in *l. communi, C. comm. divid.*

Objicies I. ex *l. proprium, ff. comm. prædior.* ubi si vendam prædium meum, & stipuler servitutem individuum mihi & vicino, quia alteri non acquiro, totam mihi acquiro.

Respondetur, id speciale esse ob Jus non decrescendi; nam cum stipulor mihi, tota res mihi acquiritur: cum vero etiam alteri rem eandem stipulor, quia stipulatio non valet, res mihi non decrescit, & adjectio Extranet pro supervacanea habetur. Ita communiter Doctores cum Bartolo *ibidem.* Quamvis autem in contractibus Jus non decrescendi locum habeat, (scus tamen est de Jure accrescendi, quod in ultimis tantum voluntatibus admittitur. Si enim stipulor detem, vel Stichum, vel aliam rem dividuam, mihi & Titio, dimidiam partem mihi acquiro, pro altera dimidia inutilis est stipulatio, nec mihi accrescit, ut notat Pacius in *§. quod si quis, Instit. de inutil. stipul.* Verius tamen fortasse dicemus, in *d. l. proprium* duas esse Stipulationes.

Objicies II. quia si duo, aliter sciens, alter ignorans, emant liberum hominem, qui se vendi passus est, respectu scientis venditio est inutilis, totumque homo ignoranti acquiritur, *l. l. beris, §. si duo, ff. de liber. causa, l. fin. ff. quib. ad libert. proclam. non lic.* Et tamen libertas individua est, *l. si pariter, in fine, ff. de liber. causa.*

Respondetur, scientem excludi ex culpa sua, qui ignoranti præjudicium inferre non potest, cum non possit alteri per alterum iniqua conditio inferri. Vide de his omnibus Jase Alciatum in *præf. Atentinensi ad d. l. 1. §. sed si mihi, a n. 3.* & Covarr. 2. var. 16. Hic vero

vero etiam rectius dicemus duas esse stipulationes.

### QUESTIO III.

*An Jusjurandum reddat rem, cui subditur, individuum.*

**E**T si vulgo Doctores affirmant, verius tamen est, distinctione adhibita esse procedendum. Aut enim loquimur de ipso Jusjurando, aut de re, cui adicitur. Si de ipso Jusjurando, fateri omnino oportet esse individuum, cum nequeat quis pro parte esse perjurus: eodem modo, quo fides etiam individua est, & quisquis eam in parte temeratur, totam violat, *can. para. 3. q. 9.* Quare qui decem dare juravit, si quinque tantum solvat, in totum perjurus est, tanquam si nihil dedisset: & in hoc Doctores consentiunt. At si de re, in qua Jusjurandum interpositum est, loquamur, potius est, eam, si dividua est, remanere adhuc divisionis capacem, argumento ejus, quod dicitur in *l. heredes, §. idem Juris, ff. sam. excise.* ubi si pecunia sub poena promissa sit, remanet obligatio dividua; at parte soluta, poena in totum committitur; nam nec poena, nec jusjurandum naturam rerum mutare & subvertere potest, & facere individuum id, cui sua natura partes insunt: naturæ enim rerum immutabiles sunt. Vide textum in *l. hec scriptura, ff. de vendit. & demonstr.*

Hæc locum habent in re una dividua; nam si Jusjurandum pluribus rebus subjiciatur, tunc qui unam tantum non observat, in ea tantum est perjurus; non quod Jusjurandum sit eo casu dividuum, sed quia tot Jusjuranda interposita censentur, quot sunt res, exemplo stipulationis, legati, venditionis, & similium, quæ pro numero rerum multiplicata intelliguntur, ut recte observat Caneerius *par. 3. variat. qu. 17. num. 80.* Quare Libertus, qui Patrono operas, donum, munus, se præstaturum juravit, si præstet operas, & donum, sed non munus, in eo tantum perjurus est, quia triplex Jusjurandum factum censetur: & qui juravit, se stare arbitrio, si arbitrium plura & distincta capita comprehendat (quo casu plura arbitria esse dicuntur) & jurans uni stare resultet, non erit in omnibus perjurus; & debet Arbitri in reliquis arbitrium executioni demandare, ut idem Caneerius docet.

Mis ita præmissis, jam ad ipsas obligatio-

nes dividuas individuasque explicandas aggrediamur. Qua in re cum ordinem tenebimus, qui proponitur a Paulo in *l. in executione, ff. eod.* ubi totius hujus artis epilogum haberi, ait Zilius *ibidem*. Dividit Paulus obligationes omnino in species quatuor. Aliæ sunt petitione & solutione dividuæ. Aliæ & contrario petitione & solutione individuæ. Duæ reliquæ species veluti ex his mixtæ sunt; nam quædam sunt dividuæ petitione, individuæ solutione: quædam & contrario solutione dividuæ, petitione individuæ. Quæ quatuor species summa arte collectæ sunt, teste *ibidem* Cujacio.

His pro complemento adjuugamus, veluti pro Mantissa, brevem tractationem de rebus Unis, quas vulgo perperam cum Individuis confundunt. Unde plures & magni in toto hoc tractatu errores orti sunt.

## CAPUT II.

### *De Dividuis Petitione, & Solutione.*

**H**Æc sunt, quæ a pluribus unius Creditoris heredibus non petuntur in solidum, sed a quoque pro ea parte, pro qua heres est: & a pluribus heredibus unius Debitoris solvantur non in solidum, sed a quoque pro parte sua; nam ex lege XII. Tabularum dividua non attenduntur ut divisa, nisi in heredibus: quippe in ipso Creditore & Debitore relicta sunt indivisa, ut jam supra monuimus, & infra latius in *qu. 1.*

Hujusmodi sunt in Stipulatione dandi, Quantitas, Species, Ususfructus: In Stipulatione facienti, Stipulationes Prætorie ad quanti ea res est, Væuam possessionem tradidi, Rem restitui, Amplius non agi. De singulis dicamus.

### *De Dividuis, quæ in dando.*

#### *De Quantitate.*

**N**omen Quantitatis, si nihil aliud additum sit, refertur in Jure nostro ad pecuniam numeratam. Et est potestas, seu valor, cujus signum seu nota est character nummo impressus. Sic unus aureus, decem aurei, quantitates dicuntur. Unde sit, ut quantitas res incorporea sit, *l. plane ubi, §. sed si non corpus, ff. de leg. 1. l. quibuslibet, ff. de leg. 3.* Eodem modo res incorporea est nummus, attenda non materia seu substantia, quæ præ-

præstatur a natura, ut argentum, æs, aurum, unde oritur valor nummit intrinsecus; sed attento valore extrinseco, ei a lege dato, qui semper intrinseco valore maior est, *l. si is cui, ff. de solut. l. qui heredis, ff. de condict. indeb.* Motomannus *qq. illustr. l. 5. Vultejus discept. 10.*

Hinc oritur discrimen inter legatum Corporis & Quantitatis; quod si corpus idem sæpius in eodem testamento legatum fuerit, semel tantum peti potest, sufficitque vel rem haberi, vel rei æstimacionem; legata vero quantitate, toties legatum debetur, quoties apparuerit Testatorem summam voluisse multiplicare; de qua res latius in *d. l. plane ubi, §. si eadem res, cum seq. Cujacius l. 4. obs. 19.*

Verum etsi Quantitas res incorporea sit, & proinde individua, tamen hic attenditur ut relata ad ipsa corpora numerorum, & propterea partium præstationem recipit, nostra *l. 2. §. et harum, l. si stipulatus, §. 1. ff. de solut.* Simile est in Usufructu, quod Jus incorporeum est, tamen prout refertur ad fructus, dividualiter censetur, *l. 1. §. si usufructus, ff. ad legem Falcidiam.*

Itaque si pecuniam apud te deponam, possum quidem ego solidum a te petere; quia licet obligatio sit rei dividualiter, est tamen in principalibus indivisa, ut infra latius At si moriar, pluribus heredibus relictis, quia actio, quæ in me erat indivisa, in heredibus meis ex lege Decemviri est divisa, quique heredum petet a te pro parte hereditaria, & cuique partem ipse solves: residuo apud te remanente, donec alii petant, vel si hoc reculaveris, in æde depones, *l. 1. §. si pecuniam, ff. de positi, ubi* notatur, non ita esse, si res deposita individua sit, nam quisque heredum a te petet solidum, & solidum ei, qui agit,olvere teneris; ita tamen, ut satisfactionem idoneam accipias in hoc, quod supra ejus partem est. Satisfactio autem non interveniente, rem in æde depones, & omni actione liberaberis, *Adflictus dec. 18. Sordus dec. 345.*

E diverso si ipse obeat, pluribus heredibus relictis, obligatio pecuniæ reddendæ, quæ in te erat indivisa, jam in tuis heredibus ex eadem lege XII. Tabularum divisa est: quare nequeo ab uno ex heredibus, nisi partem pro qua heres est, petere, *l. si duo, ff. de positi.* Cujacius hic in *l. 2. Alciatus in l. in extorsione, v. prima species, ff. cod. qui*

recte monet, id totum a lege XII. Tabularum pendere.

Hinc intelligimus, Regulam, quæ ait, *Ex persona heredum conditio obligationis non immutatur*, locum habere in obligationibus individualis, *d. l. 2. §. ex his*; cessare vero in obligationibus dividualis, ut notat Paulus in *l. 2. §. incertam, ff. de Prætor. Stipul.* quippe obligatio indivisa in Defuncto, sit in heredibus divisa.

Objicies. Quantitas genus est, & per modum generis debetur; quare nec perire unquam potest, nec deterior fieri potest, uti est de genere, *l. incendium, C. si cert. petat.* Sed Genus est individuum, hic in *l. 2. §. et harum.* Ergo etiam Quantitas.

Distinguendum est, Quantitatem tunc dici genus, ubi quis numerus promittit: secus vero esse, cum promittit hos decem numeros; quo casu speciei assimilatur, *l. si certior, ff. cod. Fab. de ver. solut. qu. 4. n. 59.* & mox clarius patebit.

#### De Specie.

**S**pecies in Jure nostro vocantur corpora, ut talis equus, talis fundus, Stichus. Et hæc in Jure dividualiter sunt omnes: at non eodem modo, nam ut monuimus, aliz ex ipsis partes admittunt pro indiviso, & pro diviso, ut fundus; aliz pro indiviso tantum, ut Stichus, quem non divides, perdes. Propterea Aristoteles vocat *ἄτομα*, Individua, physice scilicet, quippe partes pro indiviso intellectu Juri constituuntur, *l. servus, ff. de stipulat. servor.*

Hinc fit, ut obligatio dandi speciem dividualis sit, & æquiparetur obligationi dandi quantitatem. Ita in *l. si stipulatus, §. 1. ff. de solut.* qui decem debet, & Stichum debet, partem solvendo, pro ea parte liberatur; & in *l. pars stipulationis cum sequ. ff. de acceptilat.* tam in numeris, quam in certo corpore, potest ex parte acceptilatio fieri: veluti si uni ex pluribus heredibus Debitoris accepto feram. Concordat nostra *l. 2. §. idemque, & l. quidam, ff. de rebus creditis.*

Verum plures hic casus sunt distinguendi. I. Cum stipulor Stichum, vel talem fundum, inter heredes meos ita dividitur stipulatio, ut partes corporum cuique debeantur, *l. in stipulationibus, in prin. ff. cod. Solutio vero a Promissore non uno modo fiet; nam si species non recipiat partes, nisi pro indiviso,*

ut est in Stichum, uni ex heredibus solvet Stichum, cautione recepta, ut is in iudicio familiaris eriscundæ pretium partis coheredi solvat, tanquam si res esset individua, hic in l. 2. §. ex his iuncta l. non amplius, §. 1. ff. de leg. 1. At si species partes recipiat etiam pro diviso, ut est in fundo, Promissur cuique partem solvet, d. §. 1.

Unde duplex divisio est. Una dicitur fieri numero, ut cum fundum in duos fundos divido, frumentum vel pecuniam in duos acervos; quæ locum habet in iis, quæ partes pro diviso accipiunt. Altera dicitur per partes, etque in iis, quæ partes tantum pro indiviso admittunt, l. cum Stichus, ff. de solut. l. si centum, ff. eod.

II. Cum moritur Promissor pluribus heredibus relictis, si quidem debitum sit fundi, a singulis heredibus Stipulator partem fundi petet: at si debitum sit Stichum, ager in solidum contra unumquemque, sed conventus non condemnabitur, nisi pro qua parte heres existit: tamen nisi speciei integræ solutione liberatio non contingit, l. si duo, in fine, ff. de positi. Ideo autem Creditor ager in solidum, quia actio in quantum ad ipsum manet indivisa; nec enim dividitur, nisi in heredibus ipsius.

III. Si Servus communis Stichum sibi dari stipuletur, ita dividitur stipulatio inter Dominos, ut cuique pars corporis Stichi debeatur, d. l. in stipulationibus, in princ. Pariter si Stichum & Pamphilum Servo communi promittam, dimidiæ singulorum partes singulis Dominis debentur, ita ut uni Stichus, alteri Pamphilus solvi non possit, d. l. cum Stichus.

Nec tamen hinc inferas, Dividuum esse etiam divitum in Principalibus contra legem XII. Tabularum; nam hi casus nihil ad eam legem pertinent; eum ideo hic statim dividui fiat, quia Servus communis vicem duarum personarum substituit, l. 1. §. communis, ff. de stipul. Servor. Perinde ergo est, ac si duo Servi stipulati essent separatim, quisque partem. Et divisio est ex voluntate Contrahentium.

Nonnulla sunt, quæ e contrario Speciem rebus Individuis accensendam esse suadere videntur. I. Statua, quæ species est, computatur inter res individuas in l. fideicommissa, §. pen. ff. de leg. 2. ubi si Testator iussit opus fieri, statum collocari, servitutem con-

stitui, quisque heredum tenetur in solidum, quia hæc divisionem non recipiunt, ut ibi dicitur.

Verum est distinguendum inter statum, quæ est species, & in consequens dividua, & collocationem statue, quod est opus, & ideo individuum, l. in executione, §. secunda, ff. eod. Itaque non agitur de obligatione dandi, sed faciendi.

II. Ex l. si servus servum, §. item si, ff. ad legem Aquilianam; nam si servus communis, meus & tuus, sit occisus a servo Titii, alterutri ex Dominis agenti servus occisor noxx dedit ei in solidum oportet; quia, ut ibi Ulpianus ait, hæc res divisionem non recipit.

Id tamen ita est, non quia servus partes pro indiviso non recipiat, sed quia lex jubet Dominum, si litis actionem præstare nolit, jubet inquam servum noxx dedere, §. 1. Insti. de noxal. action. Qui autem servum dedit, totum dedit, non partem: ex quo fit, ut noxx deductio individua sit, & cum Ulpianus ait, Hæc res divisionem non recipit, non intelligit servum, sed noxx deductionem, ut ibidem recte Accursius explicat. Ceterum qui servum uni ex Dominis noxx dedit, officio Juancis etiam ab altero Domino est absolutus; & is, qui noxx deditus est, alteri tenetur iudicio communi dividuando. Vide in l. si in re communi, ff. de noxal. action. Ex quo etiam manifestum fit, servum rem dividuam esse; nam quæ individua sunt, in hoc iudicio non veniunt, l. arbor, §. de vestibulo, cum 2. §. segg. ff. comm. divid.

Ex eadem ratione dependet, quod dicitur in l. si servus communis, in princ. ff. de noxal. act. ubi si servus communis furtum fecerit, quilibet ex Dominis in solidum noxali iudicio tenetur, nec ferendus est, si partem dedere fuerit paratus; nempe quia lex jubet servum noxx dedit.

Vulgo tamen Doctores causam referunt ad id, quod dolus & delictum individuum sit, l. in depositis, ff. de pos. l. semper, §. si in sepulchro, ff. quod vi aut clam. Hinc si plures res furto subtraherint, vel damnum in eis dederint, ratione delicti individui, in solidum quisque tenetur, & convenitur, nec uno punito ceteri liberantur, l. item Mela, §. sed si plures, l. ita vulneratus §. fin. ff. ad legem Aquilianam, l. res tuorum, §. sed si ipse, ff. de admin. tutor. l. vulgare

*vis, §. si duo, ff. de furtis, l. si plures, ff. arbor. furt. casar. l. 1. C. de condit. furt.* Quare cum ex constit. Regni *Ad hoc*, ex furto ultra unciam fur capite plectatur, & plures sunt, qui omnes simul ultra unciam surripiant, quisque legis poenam subit.

Hinc etiam si plures pro medietate consilio hominem necaverint, licet non omnes percusserint, omnes tenentur lege Cornelia de Sicariis, quia omnium idem est dolus, *l. 2. §. si quis non homines, ff. de vi bonor. rap. tor. l. 3. ff. ad legem Juliam de vi privata*. Secus est in rixa, ubi ictus uniuscujusque contemplari oportet, quia singulorum dispar dolus, *l. ult. ff. ad legem Cornelianam de sicariis*. Propterea illo casu omnes irregulares sunt, isto ille solus, qui vulnus letale intulit, *Alex. cons. 2. lib. 7. Anchar. consil. 215. Felin in cap. significasti, de homicidio*.

Quod si de vulnere letaliter non constat, omnes civili poena pecuniaria plectuntur, *d. l. item Mela, §. sed si plures, l. 1. §. ult. ff. de his, qui deper.* Poena vero ordinaria non tenentur, *l. abentem, ff. de panis; ibi: Sed nec de suspicionibus debere aliquem damnari, D. Hadrianus Ausidio Severo rescripsit. Satis enim esse, impunitum relinqui facinus nocentis, quam innocentem damnari, Fabi in d. l. ita vulnerat, lat. Valentia hoc tract. cap. 4. a num. 30. ad 35.* De hac tamen re latius, cum de Individuis, ubi de Clausola Doli mali.

## QUESTIO I.

*An Creditor invitus partem quantitatis vel speciei a Debitore recipere cogatur.*

**I**n varias opiniones a Doctoribus discessum est. Alciatus in libello de *divis. stipul.* in primodocet, Creditorem vel invitum partem recipere cogi, in eaque liberationem contingere. Alii post Jacobum de Ravenna in contrarium nituntur. Alii varie distinguunt post Gloss. in *l. quidam, ff. de reb. creditis*.

Verius puro, regulam esse, Creditorem non cogi ad partem pecuniae vel speciei debitam recipiendam: quod tueretur Melchior de Valentia hoc tract. cap. 4. a num. 36. Faber de *variis solut. cap. 7. a num. 29. ad 66.*

Et probatur ex *l. tutor, §. Lucius, ff. de pignis*, ubi qui centum sub usuris debebat, obtulit Creditori partem zris debiti; & Creditore eam recusante, obligavit & deposuit. Respondit Modestinus, *Non retardari totius*

*debiti usurarum praestationem.* Cujus rei causa alia esse non potest, nisi quia Creditor partem recipere congitur. Unde in *l. assignatione, C. de soluton.* dicitur, *Assignatione totius debita pecunia solemniter facta liberationem contingere.* Ergo parte obligata, liberatio non contingit.

At vero quæ sit hujus dispositionis ratio, dubitatur. Et dubium oritur ex eo, quod quantitas & species dividua sunt; quare juxta sui naturam videntur recipere posse & debere solutionem per partes. Faber *num. 31.* eam esse opinatur, quia obligatio, ut quæ incorporale, individua est. Id tamen vanum est; non enim hic attenditur obligatio in se, sed relata ad materiam, quæ in obligationem deducta est, quæ si fuerit dividua, obligatio etiam ut dividua habetur, *l. in executione, in princ. ff. eod.* Alioquin nunquam dividui ratio locum haberet, de qua propter obligationem quæritur. Alii rationem esse dicunt, quia damno afficeretur Creditor, si per partes solutionem accipere cogeretur; cum solutio & exactio partium magna perisæ incommoda habeat, *l. 3. ff. fam. ercise.* Verum neque hæc ratio proba est; quia si aliquid urgeret, locum etiam haberet in hereditibus Debitoris; & tamen certum est, heredem quemque non cogi, nisi suam partem solvere, *l. si duo, ff. de pos.*

Ea ergo ratio vera est, quia lex XII. Tabularum res dividuas reliquit indivisas in Debitore, & Creditore, eaque solum divisas fecit in hereditibus eorumdem, nostra *l. 4. §. sed videamus, & jam supra dictum est.* Si ergo in Debitore ipso indivisa est, nequit Creditorem cogere ad partem accipiendam, *d. l. tutor, §. Lucius.* E contrario, quia in hereditibus Debitoris divisa est, cogitur Creditor a singulis eorum partem accipere, *d. l. si duo.* Hinc est, quod olim e duobus correis, sive debendi, sive promittendi, etiam si quantitas aut species in contractum deducta fuisset, tenebantur in solidum singuli. Quod subtiliter Justinianus in *auth. hoc ita, C. de duob. reis*, qui propterea eo casu fecit rem dividuam in ipsis Principalibus divisam; & nec eam dispositio Justiniani procedit in re individua, quam utique non divisit, quia nec potuit, argumento ex *l. heredes, §. idem juris, ff. fam. ercise.* & monet Cujacius hanc in *l. 2. §. si tamen.* Quoniam ergo in specie nostra nihil immutatum est, manet ut ex lege Decretoriali.

viralit obligatio Debitoris indivisa sit, nec ipsum posse per partes solvendo liberari.

Excipe I. Cum ita inter Debitorem & Creditorem conventum est, ut liceat etiam particulatim, quod acceptum est, exsolvere; tunc enim in parte soluta liberatio contingit, & cessat pro ea parte usurarum cursus, *d. l. tutor, §. Lucius*. Nempe quia res dividua indivisa potest conventiono Contrahentium fieri divisa, *l. in stipulationibus, in princ. ff. eodem l. cum Stichus, ff. de solut.*

II. Favore libertatis, *l. cum heres, §. item si decem, ff. de statulib.* ubi si servus decem heredi dare iussus fuerit, heres etiam per partes accipere favore libertatis cogendus est. Et ita intelligendus est textus in *l. si peculium, §. quadam, ff. cit. tit.* ibi: *Igitur etsi singulos aureos dei Statuliber, potest diei eum implisse conditionem.* Quibus verbis frustra Faber num. 43. addit negationem, & legit, *Eum non implisse.* Et quoniam exceptio firmat regulam in contrarium, inde fit, ut ex his etiam legibus constet, regulam esse, ut Creditor particulatim pecuniam accipere non cogatur.

III. In Debitore Principis, *ex l. placitis, C. de collat. fundor. parrimon.* ubi iis, qui fundos Principis, sive ut patrimoniales, sive ut emphyteuticos possident, sub praestatione annuicanonis, conceditur ut eum solvant, quo voluerint tempore, & qua voluerint quantitate, modo tres praestationes & illationes non excedant. Quod ideo statutum est, quia Princeps non se acerbum exactorem praebere debet, ut de Curatore Reipublicae dicitur in *l. si bene, ff. de usuris.*

IV. Si non totum debitum sit liquidum; nam non cogitur Debitor, nisi partem liquidam solvere, de cetero satis est, si satisfidet, *l. statuliber rationem, ff. de statulib.* ubi Statuliber rationes reddere iussus, si quod appareret, solvit, & quod obscurius est, satisfidare paratus fit, libertatem consequitur. Aliquando nec satisfidatio exigitur, veluti si de cetero litigare oporteat, *l. permittendum, ff. si pars heredit. petas.* Huc etiam pertinet *l. quidam, ff. de reb. cred. de qua infra.*

V. Si Creditore volente particulatim solutio fiat. Et ita intelligendus est textus in §. *si autem, Instir. quibus mod. toll. oblig.* cum ait: *Sicut autem quod debetur, pro parte recte solvitur, ita in parte debitoris acceptatio fieri potest, id est, ut par sit in utroque casu ratio, & sicuti acceptatio non fit, nisi Cre-*

ditore volente, ita nec solutio pro parte; nam una determinatio plura respiciens, omnia aequaliter determinat: quare frustra hic textus ab Adversariis pro contraria opinione allegatur. Eodem modo explicari debet, quod habetur in *l. illud, ff. de solut.* ubi si par & dicum & contractuum causa sit, ex omnibus summis pro portione videtur solutum; nam alioqui si dispar ratio sit, in antiquiorem vel graviorem causam solutum intelligitur, *l. in iis, in princ. ff. cit. tit.* Ita etiam de volente Creditore accipiuntur *l. cum decem, l. filius, l. si is qui, §. si autem, ff. cit. tit. l. centum Capue, ff. de eo, quod certo loco.*

Quare, an solutio partis, Creditore volente, perimat pro ea parte obligationem. Et dicimus perimere ex *l. si stipulatus sum 9. §. 1. ff. de solut.* ubi qui decem debet, partem solvendo, in partem obligationis liberatur, & reliqua quinque sola in obligatione remanent. Non ita est in re individua; nam qui hominem in genere debet, partem Stichum dando, nihilominus hominem debere non desinit, ut *ibidem* habetur.

Neque est contrarium, quod dicitur in *l. si non forem, §. si decem, ff. de condi. indeb.* nempe, *Non petimus partem dimidiam obligationis:* etenim ibi sermo est de obligatione alterna; promissit enim qui decem, aut Stichum; & hic solvendo quinque partem obligationis non perimit. Ratto est, quia obligatio alterna est solutio individua, *d. l. 2. §. & hanc.* Simile est in pignore & poena, ut suis in locis.

Hinc fit, ut solutio partis pecuniae mutuae facta Creditore volente, remoretur pro ea parte usurarum praestationem, quamvis contrarium dicat Faber num. 40. Nam absurdum est, usuras peti ab eo, qui non debet, *l. si pupillus, ff. eodem;* & non debet is, cujus obligatio perempta est.

At vero contra praepositum a Nobis Regulam multa sunt, quae obijciuntur. I. ex *l. quidam, ff. de reb. cred.* ubi Julianus de fundo & quantitate haec habet: *Humanus satisfurus videtur Praetor, si Auctorem compuleris ad accipiendum id, quod offeratur, eum ad officium ejus periment lites diminueret.* Ex quo textu Mercenda t. contr. 32. colligit, distinguendum esse, ut Creditor invitatus stricto Jure ad partem recipiendam cogi non possit, at possit ex aequitate Praetoris; praesertim si ex hac solutione particulatim facta nullo damno Creditor afficiatur.

Varie

Varie a Doctoribus responsum est. Faber *loc. cit. a num. 48.* non tam nodum solvit, quam fecat; hanc enim *legem* inscitia Triboniani imputat. Et movetur, quia Prætoris officium non est judicare, sed illud solum, ut litem apud se contestari pateretur; ea contestata, si facti emergebat questio, daret Judicem; postremo dari Judicis sententiam exqueretur, *l. cum Prætor, in princ. C. §. 1. l. judicium solvitur, ff. de judic. l. quod iussit, l. a D. Pio, in princ. ff. de re judic.* Movetur etiam, quia si petenti decem, vel fundum, quinque duntaxat, vel pars fundi offeratur, & Prætor cogat Creditorem accipere, diminuitur quidem hoc casu quantitas, & res, de qua lis est, sed non ipsa lis, quæ adhuc superest in reliquis quinque, & in reliqua parte fundi.

Placet tamen responso Accursii, quam Doctores sequuntur, dum Julianum intelligit eo casu, quo totius quantitatis seu rei debitum liquidum non est; sed Debitor fateretur partem se debere, quam solvere paratus est: de altera autem controversiam faciat. Utrique Prætor compellet Creditorem partem liquidam accipere ad litem diminuendam; ut est species textus in *l. permittendum, ff. si pars heredit. petat.* ubi Possessori hereditatis convento permittitur partem defendere, partem vero cedere. Et sane verbum illud *Permittendi* satis demonstrat id Prætoris officio fieri, Cujacius *lib. 48. Digestor. Juliani, in d. l. liquidam.* Huc etiam facit *d. l. Statuliber rationem, ff. de Statulib.* nam servus liber Jussus esse, si rationem reddat, si quod liquidum est, solvat, & de illiquido latidet, libertatem consequitur. Quod etiam est ex æquitate Prætoris; nam de æquitate Prætor cognoscit, qui *Liberals* dicitur, *l. 1. C. si mancip. ita venietur.*

His ita positis, difficultates Fabri non obstant. Nam etsi Prætor in causis ordinariis non judicaret, sed lite contestata Judicem daret, qui de facto cognosceret; id tamen verum est, quando aderat facti questio: nam si litis contestatio facti questionem & obscuritatem nullam pareret, Prætoris erat pronuciare, an res petita deberetur, ut ipse fateretur Faber ex *l. Titia, §. 1. ff. de auro C. arg. leg. ibi: Si lite contestata Prætor ita pronuciaverit, ut materia præstetur; & infra: Paulus respondit, Prætozem, qui auro legato certi ponderis materiam præstari iussit, recte pronuciasse videri.* Jam ita est in casu nostro; nam ubi Debitor fateretur partem debiti liqui-

Tens. I.

dam, & eam offert, certe nulla facti questio circa eam est. Propterea nihil obstat, quominus Prætor pronunciet, eam recte solvi & de illiquida vero Judicem adeat.

Ex quo sine dubio lis diminuitur; nam in *d. l. quidam, diminueret* legendum est, ut in *Paudectis* Florentinis, non vero *diminere*, ut est in vulgatis. Quæ litis diminutio non est vana, ut obtendit Faber, sed sæpe utilis; nam inde fit, ut Statuliber libertatem consequatur, *d. l. Statuliber rationem.* Fit etiam, ut qui propter litem magni momenti tutum esse non poterat, ob diminutionem litis tutelam suscipere queat, *l. propter litem, ff. de excusat. tutor. juncta Novel. 72. cap. 1.*

Non omittam, textum in *d. l. quidam a* nonnullis intelligi, cum Reus coram Prætoze convenus, fateretur totum debitum, sed præ paupertate non habet, unde totam simul summam solvat: quare Prætor, ne Debitor perpetuo in vinculis sit, contra textum in *l. mandatis, ff. de pœnis; & in l. incredibile. C. cit. tit.* jubet Reum solvere debitum pluribus pensionibus, damnasque eum, exempli gratia, præstare tot in singulos menses. Quæ explicatio, etsi minus vera, tamen ex æquitate hoc Jure utimur.

II. Obijciunt ex Ulpiano in *l. in iis, §. 1. ff. de solut.* ubi qui duos dederit Fidejussores, potest ita solvere, ut unum liberet: & Accursius *ibidem* id tam Creditore volente, quam invito, locum habere notat.

Facile ex eodem Accursio responderetur, nempe Ulpiano loqui, ubi Debitor non suo, sed Fidejussoris nomine solvit; cum enim ex epistola D. Hadriani plures pro uno Fidejussores non teneantur, nisi quisque pro parte sua; hinc quoties Debitor nomine unius Fidejussoris solvit partem ab eo debitam, solvit totum, quod is Fidejussor debebat, proinde eum liberat: & ita consequitur quis per alium, quod per se non potest, ut in specie *l. C. per jussurandum, §. etsi Fidejussor, ff. de acceptilat.* ubi si Fidejussori acceptilatum fuerit, Reus licet non sit verbis obligatus, tamen in consequens liberatus intelligitur.

## QUESTIO II.

De obligatione Heredum dandi rem dividuam sub conditione pœna.

Species est. Promisit Titius reddere sortem, quam ei mutuam dederam, exempli gra-

Q

tia,

ria, centum; & si ea soluta non esset, promittit poenam decem. Titio vita functo, duo exierunt heredes. Ex quo obligatio dandi quantitatem ex legis est ipso Jure divisa inter heredes, l. t. C. si cert. petat. l. pacto. C. de pact.

Petit ergo a singulis heredibus, ex quibus unus portionem suam solvit, alter non, vel quia noluit, vel quia solvendo non erat. Quisnam est, utrum is solus, qui non solvit, poenam committat, an ambo.

Respondet Pomponius in l. 5. §. si fortem, cum seq. ff. eod. poenam dationi adjectam committi adversus omnes, in illis verbis: *Etiamsi unus ex heredibus tuis partem suam ex forte solverit, nihilominus poenam committet.* Id ipsum est etiam in specie dividua ex Paulo in l. in executione, §. item si, ff. eod. Nam si ita stipulatio facta sit, *Si fundus Titianus datus non erit, dari centum?* Paulus ait: *Nisi totus datur, poena committitur centum; nec prodest partem fundi posse dari, cessante und.* Concordat idem Paulus in l. heredes, §. idem Juris, ff. sam. erecse. ubi obligatio pecunie a Testatore sub poena promissa, dividitur inter heredes per legem XII. Tabularum; tamen nihil prodest ad poenam evitandam partem suam solvere.

Quia vero dispositio hæc dura videtur, ut quæ punit eum, qui non deliquit, ideo de ratione legis inquirunt. Et quidem Alciatus in d. §. si fortem docet, rationem pendere ex natura conditionis: quippe stipulatio poenalis concipitur sub conditione, si fors soluta non fuerit; conditio autem scindi non debet, tanquam individua. Verum hæc doctrina, ad quam sæpe recurrit Alciatus, conditionem esse individua, jam supra a nobis rejecta est.

Non est recedendum a ratione, quam Jurisconsultus ipse reddit in d. §. si fortem cum seq. nempe ideo ab herede, qui portionem suam ex forte solvit, nihilominus poenam committi, coherede non solvente, quia aliter in iuria fieret Stipulatori. Verba Pomponii sunt: *Nec enim aliud in his stipulationibus sine injuria Stipulatoris constitui potest.* Putem, injuriam in hoc consistere, quia poena stipulationi subjicitur, ut Stipulator sibi caveat, & tutor sit: quæ cautio evertitur, si poena non tota committatur. Hinc fit, ut habeatur tanquam individua: ob quam etiam rationem causa pignoris individua est, l. rem hereditariam, ff. de evictio. Et recte com-

paratur poena & pignus in d. l. heredes, §. idem Juris, ff. sam. erecse. Ceterum semel ac quidpiam individuum est, omnes heredes afficit, ut hic in l. 4. §. Cato.

Occurrunt hic plura notatu digna. I. Omnes Promissoris heredes collectos teneri ad solidam poenam quantitatis, singulos pro portione hereditaria, ut ibidem ex Azone notat Accursius, & consentit Cujacius in d. l. 4. §. Cato; & probatur ex eo textu, ubi etiam in stipulatione faciendi rem individua poena quantitatis ab omnibus heredibus committitur pro portione, pro qua heredes sunt. Ratio est, quia quantitas in poenam deducta, dividua est. Aget ergo Stipulator in solidum contra quemque, sed conventus non nisi in partem damnabitur: verum non erit liberatus, nisi solidum solutum sit, argumento ex l. si duo, in fine, ff. de positi.

II. Heredi, qui non solvit, licitum fieri moram purgare, usque dum contestetur his, ut constet ex illis verbis d. §. si fortem: *Poenam committet, donec portio coheredis solvatur.* Quod verum est, si dies solutionis adjecta non sit; nam si fuerit dictum, *Si Kalendis proximis non solveris, promittis decem?* utique Kalendis transactis, moræ purgatio licita non est, l. trajecistis, ff. de action.

III. Heredi, qui solvit, debere fieri satis a coherede delinquente, d. §. si fortem; nam ille poenam fuit, ob delictum istius. Quod si coheres delinquens non sit solvendo, sibi imputet qui solvit, quod statim adita hereditate non fecit sibi cavere a coherede: non enim propterea injuria Stipulatori fieri debet.

Quod si acciderit, ut heres ad evitandam poenam, universam sortem solus solvat, iudicio familie erescunda partem a coherede repetet, d. l. heredes, §. idem Juris, ubi etiam habetur, ante solutionem totius sortis posse heredem petere, ut sibi caveatur, si solus totam summam præstaverit.

IV. Heredem, qui solvit partem suam sortis, conventum pro poena non posse uti exceptione doli, id est, obijcere Creditori non posse, *Dolo facis, petens ex alterius facto alterum plecti;* nam si ea exceptione frueretur, utique lex ei non concessisset actionem contra coheredem delinquentem, ut sibi faceret satis.

Neque movemur, quod si duorum servorum nomine iudicio sistendi causa, una stipulatione promittatur, uno non sago, si pro

rata



rata illius portione poena offeratur, erit, doli mali exceptione tutus Promissor, *l. si servus, §. si plurimum, ff. si quis cautionem*. Dicimus enim id speciale esse in cautione iudicio fisci, quam a Praetore introductam aequitas moderatur, *l. 1. l. 2. §. si quis municipalis, ff. eit. tit.* Alciatus in *d. §. si fortem num. 7. Zasius ibid. num. 9. Præteritum cum doli exceptio a Jure etiam Prætorio descendat.*

V. Hæc omnia vera esse in stipulatione dandi rem dividuam sub poena dividua. Vera etiam esse, si poena individua sit, veluti, *Nisi centum dabis, iter promittis?* Qui tamen calus distant in hoc, quod in primo quisque heredum tenetur pro portione hereditaria; in secundo, quisque in solidum, cum iter scindi non possit, ut in *l. 2. §. ex his, l. heredes, §. an ea, ff. fam. ercisc.* Quid vero dicendum sit de poena subiecta factis, discutiemus in §. Cato.

#### De Usufructu.

STipulatio servitutis in dando consistit, *l. si unus, l. ult. ff. de servit. rust. præd. l. ult. ff. comm. prædior.* Dare hic est cedere servitutum. Et fallitur Accursius hic in *l. 2. §. viam*, cum putat servitutis stipulationem facti esse, non animadvertens, in eo §. cum *2. seqq.* de Stipulationibus in dando dividuis agi, deinde in §. item si in facto sermonem haberi de stipulationibus in faciendo, ut ibidem Cujacius notat.

Omnes Servitutes, sive Reales, sive Personales, individue sunt, uno ex Personalibus excepto Usufructu, qui dividuus est. Sunt tamen qui putant, Usufructum esse per se & natura sua individuum, licet in quantum ad utilitatem commoditatemque perceptorum fructuum dividuus sit; meri ex eo, quod Usufructus est quidpiam incorporale, id est, Jus: & in re incorporali nulla sectio aut divisio locum habere potest, cum partibus careat. Quam opinionem post Rogerium amplexus est Accursius in *l. si cum duorum, v. communio, ff. de stipul. servor.* & tueretur Hotom. *qq. usufr. 20. Vinnius 2. var. qu. 22.* alique apud Casilum de *Usufr. cap. 3. n. 21.*

Sed hi non videntur animadvertisse animum ad nostri Juris regulam, quæ docet, rationem Individui in servitutibus non desumi ex natura Juris, sed ex natura usus, ita ut usu existente individuo, servitus & ipsa individua

sit: & contra, usu dividuo, servitus sit dividua, ut apertissime habetur in *l. via, ff. de servitut.*

Discurrendum ergo in Usufructu, ut in Quantitate, quæ & ipsa incorporea est, *l. quisquis mihi, ff. de leg. 3.* & nihilominus in Jure nostro absolute dividua dicitur, *d. l. 2. §. & harum*; nempe quia attenditur prout relata ad ipsa nummorum corpora. Discurrendum etiam, ut in factis, quorum quædam dividua sunt, licet omnia sint incorporalia.

Varius itaque est, Ususfructum esse simpliciter dividuum, ut est communis Doctorum opinio: nempe quia frui fundo possum pro parte, id est, fructuum partem capere naturaliter possum, partem non capere, Cujacius in *l. stipulationes non dividuntur, ff. eodem.*

Jam Usufructus aut attenditur inter Principales, aut inter eorumdem heredes. Inter heredes Stipulatoris locum lex XII. Tabularum habere non potest; aut enim quis stipulatus est usufructum sibi, & eo mortuo usufructus extinguitur, nec ad heredes transit: aut stipulatus est sibi, suisque heredibus, ut in *l. antiquitas. C. de usufr. & moriatur duobus heredibus relictis, in his novus usufructus est; nam si novus non esset, transiret ex persona Defuncti in illas heredum, quod est absurdum. Vide Ariam de Mesa 3. resol. 48. & sequ.* Quare heredes eo casu habentur ut principales, seu ut primi acquirentes.

Unde potest lex XII. Tabularum solum attendi in heredibus Promissoris, qui ante constitutum usufructum deccdat: quilibet heredum ipsius tenetur Stipulatori pro ea parte, pro qua heres est; est enim obligatio, quæ in Promissore dividua indivisa, jam inter heredes ipsius divisa, ut constat ex regulis supra traditis.

Ceterum inter ipsos Principales usufructus, licet indivisus, sæpe eorum voluntate divisus intelligitur. Hinc *l. i. Usufructus & ab initio pro parte indivisa vel divisa constitui potest, & legitimo tempore similiter amitti, ut sunt verba Papiasiani in l. 5. ff. de usufr.* Nam potest quis usufructum in parte sui fundi legare uni, in altera parte alteri, & diceretur usufructus legatus pro parte indivisa. Quod si fundus sit limite intercisivo in regiones discrimnatus (de divisione fundi Cujacius *l. 4. obs. 12.*) & uni legetur usufructus unius regionis, alteri alterius, erit usufructus legatus pro parte divisa. Hæc eadem locum ha-

bent in amissione ex *l. nihil tam naturale, ff. de reg. iur.* Accidit vero hæc, quia usufructus natura dividiuus est, & per consequens potest voluntate Principalium fieri divisiuus: in casu primo constitutionis est divisiuus voluntate Testatoris; in secundo casu amissionis fit divisiuus voluntate ejus, qui acquisivit. Quare in Ulu, qui individiuus est, hæc omnia locus habent, *l. usus pars, ff. de usu, & habitas.*

II. Plures Fructuarii ejusdem fundi agunt quisque pro parte sua; nam usufructus pluribus concessus videtur ex pluralitate pertonarum contrahendo divisiuus. Quod non est in ceteris servitutibus, quæ individiuæ sunt; nam si res plurium Dominorum sit, singuli in solidum agent in servitute oneris ferendi, *l. etsi forte, §. si ades, ff. si serv. vindic. l. sed usufructus, ff. ad legem Falcidiam, d. l. §. Rec.*

III. In usufructu in stipulationem deducto pro parte acceptatio fieri potest, nempe quia eo casu fit dividiuus divitiis. Secus est, si id, quod deductum in stipulationem est, divisionem non recipiat; nam acceptatio in partem servitutis pradii rustici, vel urbani nullius est momenti, *l. & per jurjurandum, §. 1. ff. de acceptilat.*

IV. Usufructus venit in iudicium familiaris eriscundæ, quoties pluribus heredibus a Testatore relictus est, & qui erat unus, ab Arbitro inter duos dividitur, *l. & puto, ff. fam. erisc.* Ita etiam venit in iudicium communis dividendo, si legatariis, exempli gratia, relictus sit, *l. communi 7. §. cum de usufructu, ff. comm. divid.* In quæ judicia individia non veniunt, *l. arbor, §. vestibulum, cum sequ. ff. vis. iur. l. heredes, §. an ea, ff. famil. erisc.*

V. Si conjunctim Usufructus relictus sit, inter Fructuarios est Jus accrescendi, *l. 3. §. pen. ff. quib. mod. usufr. amitt.* & toto vit. ff. de usufr. accresc. Quod, nisi dividiuus esset, utique locum non haberet; quippe tunc Jus accrescendi est, cum concurlu pars sit, *l. un §. ubi autem legatarii, C. de test. toll.*

Tandem in Usufructu legato legi Falcidie locus est. Paulus in *l. 1. §. si usufructus, ff. ad legem Falcidiam* refert, Veteres putasse usufructum Falcidia non minui, sed ejus æstimationem incundam, & ex pretio quartam partem heredi præstandam. Veteres intelligunt eos, qui regulis Juris antiqui insistebant, quæ fluxerunt ex Jure civili, seu in-

terpetatione Prudentum ad Leges XII. Tabularum. In horum numero fuerunt Sabiniani; nam de Attejo Capitone Sabinianorum Principe hæc habet Pomponius in *l. 2. §. post hunc, ff. de orig. juris: Attejo Capito in his, quæ ei tradita fuerant, perseverabat.* Et notat Edmundus Merillus *l. obfero. 3.* Sed quæ hujus decisionis ratio? Nam Usufructus dividiuus est, non sicut ceteræ servitutes individiuæ, ut idem Paulus ait: quare nihil necesse est ejus æstimationem inire, tanquam si res individia esset, sed ipse omnino Usufructus est minuendus detracta ex eo quarta. Certe ratio satis obviæ est. Et videtur hic usurpandum vulgatum illud Sabinianorum dictum, probari debere ea, quæ a majoribus constituta sunt, licet ratio reddi non possit, *l. non omnium, ff. de legibus.*

At si recte attendamus, ratio investigata difficilis non est? etsi enim usufructus dividiuus sit, cum tamen lex XII. Tabularum indivisum reliquit nostra *l. 4. §. sed videamus.* Si itaque indivisiuus est, nequit ex eo quarta ob legem Falcidiam detrahi. Meminisse enim oportet, non statim apud res quælibet dividiuæ est, intelligi etiam, divisiuam; quippe XII. Tabularum leges nihil voluerunt esse ipso Jure divisiuam, nisi in hereditibus, ut latius supra dictum est. Hæc ergo ratio Veteres & Sabinianos movit, qui interpretationibus Prudentum ad leges XII. Tabularum adhererant.

Sed Aristoteli, ut refert Paulus a Veterum opinione recessit, ait enim posse quartam partem ex eo (usufructu) sicut ex corporibus retineri. Si non aliunde, certe ex hoc ipso constat, Aristonem e numero Proculianorum fuisse, qui Veterum regulis insistere noluerunt, ut de Labrone illius scholæ, Principe monet Pomponius *d. l. 2. §. post hunc.* Labro inquit, ingenii qualitate, & fiducia doctrinæ, qui ceteris operis sapientia operam dederat, plurima innovare instituit. Ex ea ergo schola prodians Aristoteli, Antiquorum placitis non acquievit, sequutusque strictam disputandi rationem statuit quartam ex ipso usufructu, non ex æstimatione ipsius retineri. Et movetur ex eo, quia usufructus dividiuus est, proinde corporibus comparatur: quare sicut quarta retinetur ex corporibus, ita etiam ex usufructu. Cujus rationis vis in eo posita est, quod res dividiuæ non solum legibus XII. Tabularum ipso Jure divisiuæ sunt, sed etiam lege Falcidiaz, quod patet in corporibus, ex quibus tanquam divisiuæ.

divisis quarta retinetur, quare etiam usufructus, qui dividuus est, intelligitur lege Falcidia divisus, ut propterea ex ipso quoque quarta recte possit retineri. Atque in eum denique modum Aristo non solum stam firmabat sententiam, sed rationem etiam Veterum reſellebat. Aristoni Julianus accessit.

Inter oppositas has Sabinianorum, & Proculianorum sententias medius se fert Paulus, & utramque ſectam adhibita diſtinctione conciliare nititur: fuit enim Paulus ex numero Erciscundorum. Erciscundi vocantur, qui medias ſententias ſequuntur, ut notum ex Servio ad 3. *Ænecos*. Quod Paulus facit non modo hic, ſed etiam alibi, ut in *l. in omni: but 24. ff. de acquir. rer. dom. l. lana, l. queſitum eſt, §. illud, ff. de leg. 3.* & ſæpe alias, norante Merillo *l. 1. obj. 6.* Paulus itaque diſtinguit; ſi enim ſcire volumus, an usufructus legatus heredis quadrantem lædat, æſtimatio ejus incunda eſt, ut Veterum ſententia docet: ubi vero jam apparuit, eam lædi, ex ipſo usufructu, ſicut ex corporibus, quarta pars detrachenda eſt, quæ eſt Recensiorum eradio. Id ipſum habet Cajus in *l. ſi usufructus 80. ff. ad legem Falcidiam*.

Conſtant hinc de diſcrimine inter usufructum, & ceteras ſervitutes legatas, quæ cum individue ſint, in ſolidum legatariis præſtantur, cum eo tamen, ut partis eſſerant æſtimationem, *l. lege Falcidia 7. ff. citat.* Quod etiam in aliis rebus individuifit, ut in operis, *d. l. 1. §. ſi usufructus*.

Ex his omnibus ſatis conſtat, quod dicebamus, usufructum in Jure noſtro ſimpliciter dividuum eſſe, quamvis contrarium Accuſus affirmet, ſed multum improvide, ut ait Zoſius in *d. l. ſtipulationes non dividuntur* noſtra 8.

Objicies. Fructui inest & Uſus, *l. per ſervum, §. 1. ff. de uſu & habit.* Quare Fructus poteſt eſſe ſine Uſu, *l. 5. §. 1. ff. Uſufruct. quem cav.* Ut ælius poteſt eſſe ſine itinere, *l. loci, §. 1. ff. de ſerv. vind.* Vide textum in *l. 14. §. ult. ff. de uſu & habit.* & in *l. & per juijurandum, §. ſi quis usufructum, ff. de acceptilatis. Cujacius 13. obj. 12.* Sed Uſus eſt individuus, *l. uſus parti, ff. cit. tit.* Ergo etiam Uſufructus: aliter eadem ſervitus partim eſſet dividua, partim individua, contra textum, in *l. cum qui, ff. de uſucap.*

Doctores communiter poſt Jaſ. & Ang. reſpondent, Uſum in Uſufructu, in eſſe, non tan-

quam ſervitutum, ſed tanquam commoditatem & utilitatem, & propterea ut quidpiam dividuum, ut enim dicitur quis uti itinere, *l. 4. §. in conſeſſorio, ff. ſi ſerv. vind.* Aliter in Uſufructu duo eſſent Jura, non unum. Verum Forcatulus in *l. via, nu. 7. ff. de ſervit. air,* uſum conjunctum fructui, ob eam conjunctionem, degenerare, & fieri dividuum, tranſeundo in naturam usufructus, qui potentior eſt uſu. Sicut in legatariis conjunctionis realis adjecta verbali facit, ut legatum accreſcat cum onere, quamvis per ſe ſola accreſcat ſine onere, *l. 2. §. ſi ſerv. non, C. de ead. toll. nam ſæpe conjunctum a conjuncto lædatur, ant juxta, l. ſi communem, ff. quemad. ſerv. amit. l. ſi ita 13. §. queſtio, ff. de manum. teſtati.* Et hæc Forcatuli opinio palam videtur probari ex *l. ſi alii, ff. de uſufr.* & latius dicemus in cap. ſeq. cum de Uſu agemus.

De Diviſis, qua in ſaciendo. De Stipulationibus Prætoris, ad Quanti ea res eſt.

Prætoris Stipulationes aut rei reſtitutionem continent, aut incertam quantitatem, *l. 2. ff. de Prætor. Stipular.* Reſtitutio rei accipitur dupliciter, vel ut opus, quod factum eſt, in priſtinum ſtatum reſtituitur, vel ut res præſtetur. Et hæc omnia ſunt individua petitione, ſolutione dividua, ut Novi operis nunciatio, Cautio duplex, fructuaria, Damni infecti, & Legatorum nomine, de quibus infra.

Ceteræ ſunt ſimpliciter ad incertam quantitatem, & hæc omnes ſunt dividuæ ob clauſulam illam. *Quanti ea res eſt, ut aperte docet Paulus in d. l. 2. §. incertam.*

Neque obſtat, Stipulationem *Per te non fieri* eſſe etiam, ad id, quod intereſt, & tamen haberi individuum, noſtra *l. 4. §. Cato*, nam hæc non eſt ſtipulatio Prætoria, ſed Conventionalis. Nec iterum obſtat, Stipulationem de dolo pariter eſſe ad *Quanti ea res eſt, l. ſtipulatio iſta, §. ſi quis dolum, ff. cod.* & tamen individuum accenſeri, *d. l. 4. in princ.* nam hæc eſt ſtipulatio Judicialis, non Prætorialis, *l. ſtipulationes, §. judiciales, ff. cod.*

Interim verum eſt, id quod intereſt, ſemper eſſe dividuum, licet ſuccedat in locum rei, aut ſibi individui, *l. ſtipulationes non dividuntur, in princ. ff. cod.* Nempe quia in quantitate conſiſtit, quæ ſua natura dividua eſt. Quare Stipulationes Prætoris ad *Quanti ea res eſt* in hoc diſtant a reliquis, quod ille individua dividuæ ſunt; atque Prætoris non ſunt,

ut *Per te non fieri, Dolo malo abesse*, principaliter individue suat; si tamen accidat, agi ad id quod interest, erunt dividue, ut suo loco latius.

Inter Stipulationes Prætorias ad *Quantum* ea res est, tres præcipue sunt, Rem ratam haberi, judicatum solvi, Cautio legatorum. Sit ergo.

#### *Rem ratam haberi.*

**O**pinatus est Alciatus in *Scholiis* ad *d. §. Cato*, promissionem de rato a Procuratore præstitam, esse solum Prætoriam, non etiam si Dominus ipse promiserit, se ratum habiturum. Videtur motus ex *d. l. 2. §. incertam*, ubi Stipulatio, Dominum ratum habiturum, dicitur Prætoria: quare non idem dicendum est, ubi ipse Dominus se ratum habere promittit.

At hanc opinionem, suppresso Alciati nomine, rejicit Cujacius in *l. 2. §. item si in facto*, ff. *ead.* argumentumque ei rei esse dicit, quod interpolata a Domino Stipulationis de rato formula quædam fuit, ex *d. §. item si in facto*, & ex *l. inter, §. quod ex facto*, ff. *fam. cresse*, quæ formulæ a Prætoribus descendunt. Præterea si Stipulatio Judicatum solvi; quæ a Domino litis interponitur, est Prætoria, *l. si ad defendendum*, ff. *Judicatum solvi*. cur & Rem ratam a Domino interpolata, Prætoria non censetur.

Quidquid sit, illud constat, Stipulationem de rato semper esse dividuam, tam si fuerit a Procuratore præstita, *d. l. 2. §. incertam*, quam si a Domino, *d. l. 4. §. sed videamus*. Et dividuam esse ex verbis illis, *Quantum ea res est*, dicitur in *d. §. incertam*, ob quæ verba, qui ratum non habet, obligatur ad id, quod interest Stipulatoris.

Quocirca si Procurator caverit, Dominum, heredemve, ejus ratum habiturum, & unus ex heredibus Domini ratum non habeat, committitur stipulatio pro ea parte, qua heres est, qui ratum non habuit. Hinc etiam fit, ut sæpius ex ea stipulatione agi possit, scilicet, si pluribus ex capitibus Stipulatoris interfit, veluti si interfit, quod litigat, ut propterea res suas curare non possit: quod consumit in summis litis: quod advocat, id est, quod advocatos consulere cogatur, *l. si Procurator*, & *l. in stipulatione*, ff. *rem ratam haberi*.

Petes, quid Juris sit, si Dominus ipse ratum pro parte non habeat. Et ex Margino

in *d. l. si Procurator* distinguendum est. Aut enim Procurator sine mandato cavit, & Dominus pro parte ratum habuit, Stipulatio pro parte committitur, *d. l. si Procurator, licet cum Debitore*, ff. *cit. tit.* Aut ipse Dominus cavit, vel Procurator mandato Domini; & eo casu si Dominus pro parte ratum habeat, indertum Stipulatio committitur, nostræ *l. 4. §. sed videamus*; nempe quia obligatio dividua, ut hæc est, in Reo principali est indivisa, ut propterea Dominus, cum ipse cavit, pro parte ratum habere non possit. Ideo autem secus est, ubi Procurator sine mandato cavit; quia cum eo casu lex permittat Domino pro parte ratum habere, consequens fit, ut eo etiam casu obligatio in ipso quoque Principali divisa intelligatur, ut in citatis Juribus patet. Quod est notandum. Quid si cautioni de rato pena subjecta sit, dicemus in *d. §. sed videamus*.

#### *Judicatum solvi.*

**S**atisfactio Judicatum solvi, quæ etiam Cautio pro lite dicitur, tres clausulas in unum collectas habet, de re judicata, de re defendenda, de dolo malo, *l. 6. ff. judic. solvi*. Et ex his videri posset Individua; nam judicatum pro parte solvi non potest, *l. stipulationum*, §. *ult. ff. eod.* Ita non videtur defensa res, vel causa, quæ non in solidum defensa sit, *d. ex clausula*, ff. *judic. solvi*. Et tandem doli pro solidum committitur, *l. si duo*, ff. *deposui*.

His tamen non obstantibus, dividua est, & scinditur tam inter heredes Promissoris, quam Stipulatoris, *l. pænles*, §. *Julianus*, ff. *ad legem Falcidiam*, *d. l. 2. §. incertam*, ubi ea ratio redditur, quia Stipulatio Judicatum solvi Prætoria est, & Promissor se obligat ad id, quod interest; & ad incertam quantitatem verbis illis: *Quantum ea res est*; nam ita concipitur: *Et quamdiu res non defendatur, aut si quod hujus rei judicatum erit, non præstetur, dolsive malus non aberit, quantum ea res est, dari?* Cujacius *10. obs. 29.* Id autem, quod interest, semper dividuum est, etiam si rei individue sit, *d. l. stipulationes non dividuntur*. Et notabimus, incertam esse quantitatem, quæ omnes complectitur Stipulationis causas: centum vero, quæ est de præstando eo, quod judicatum est, ut est accipiendus textus in *l. 9. ff. judicatum solvi*.

Verum tamen est, ex clausula doli mali ob rem non defensam, in solidum Stipula-

tionem committi: non enim videtur defensa res boni viri arbitratu, quæ in solidum defensa non sit, *d. l. ex clausula*.

*Cautio Legatariorum ob legem Falcidiam.*

**H**Uc etiam referenda est Satisfactio, quam Legatarii præstant Heredi de restituendo, si ceperint plus quam per legem Falcidiam licuerit; nam & Prætoria cautio est, & interponitur ad *Quantum ea res erit*: Pone, hereditas onerata est legatis puris, & conditionalibus: quæ legata conditionalia, & conditio existerit, locum faciunt legi Falcidie, secus vero si non existerit conditio. Itaque heres interim legata pura solida præstans, ita Prætoria stipulatione interrogat Legatarium *Quod amplius legatariorum nomine, quam per legem Falcidiam licuerit, ceperis, quantum ea res erit, tantam pecuniam dari, dolumque malum abstuturum esse?* *l. i. ff. si cui plus quam per legem Falcidiam*. Hæc ergo Cautio dividua est; & si alteri ex heredibus præstata sit, ille solum ex ea agere potest; sed pro suo modo, & pro sua parte, *l. fœnalis, §. Julianus, ff. ad legem Falcidiam*.

Illud amplius hic est, quod obligatio, & actio est in ipsis Principalibus non solum dividua, sed divisa. Potest præterea hæc Cautio dici dividua ex alio capite, nempe quia in ea agitur de re restituenda; & Cautio rem restitui dividua est, ut dicemus.

*De reliquis Faciis Dividuis.*

**V**alde ambigitur inter Doctores, quæ Faciæ dividua sint, quæ individua, seu quibus regulis insistentium sit, ut sine errore cognoscamus, quænam ex ipsis Dividuorum generi accensenda sint, quæ non. Et placet, ut tres regulas constituamus.

I. Faciæ nuda, id est, quæ Jus non habent admissum, ea semper individua sunt. Et dicitur nudum Factum, in quo lex nihil interpretatur, nihil adjicit, ut propterea nec veniant fructus, nec omnis rei consilio. Ita, exempli gratia, est Rem tradi, *l. stipulationes non dividuntur l. si rem tradi, ff. eodem*.

II. Faciæ, quæ Jus habeant admissum, ea solum individua sunt, in quibus id, quod continetur, individuum suæ naturæ est, quamvis partes civiles admittat; quia tunc unicuique factum est, quod pro parte expediri non potest.

III. Ea vero Faciæ, in quibus quod con-

tinetur, suæ naturæ divisionem in partes discretas & separatas admittit, dividua sunt, quando Jus habent admissum; idque non quia unicuique Factum dividi possit, sed quia plura Faciæ censentur. Ita fere Eguinar. 2. de *Individ. 3. & 4. Giphanius in d. l. stipulationes non dividuntur, num. 105. Valentia hoc tract. cap. 6. num. 3. & 5.*

Ceterum hæc omnia latius patebunt tum hic, ubi de Faciis dividuis agemus; tum in cap. sequ. cum de Faciis individuis sermonem instituamus: Sit ergo.

*Rem restitui.*

**M**agnas Doctorum lites de Stipulatione Rem restitui videntur composuisse Eguinar. loc. cit. cap. 7. & 8. Giphanius in nostra *l. 4. §. Cato, num. 48. Valentia d. cap. 6. num. 28.* statuentes eam individuum esse, si nudum restituendi Factum comprehendat, ut in Depositario, Commodatario, & similibus, qui rei tantum habent detentionem: parium vero recipere præstationem, si in Faciæ restitutionis Jus contineatur, veluti dominium, aut vera possessio.

Hæc tamen minime vera sunt, & contra restitutionis naturam statuta; quippe restitutio nunquam est nudæ Faciæ, semper Jus admissum habet, *l. ult. §. ult. ff. de verb. signific. ubi Pomponius ait: Restituit non modo, qui corpus, sed etiam qui omnem rei conditionem reddita causa præstat, & tota restitutio Juris interpretatio est*. Unde cum ex Principis indulgentia Deportati restituuntur, per omnia pristinum statum recipiunt, *§. sed si, Instit. quib. mod. Jus patr. potest. solv.* Et in actione Faviana, & Pauliana, Prætor revocando alienationem, quia ait *Restituitur*, fructus quoque restituuntur, quia id verbum plenam habet significationem, ut dicitur in *l. videamus 38, §. in Faviana, ff. de usuris*. Inde etiam est, quod Judice jubente prædonem restituere, possessio vitiosa prædonis accedit non vitiosa; *l. Pomponius, §. si iussu, ubi Cuiacius, ff. de acquir. possess. Hæc eadem vera sunt de verbo Reddendi, l. 3. §. 1. ff. commodati*.

Ex his constare potest, stipulationem Rem restitui, cum agitur de re dividua, esse dividuam ex III. regula supra posita. Quod præterea legibus manifestum sit.

I. Ex *d. l. 3. §. heres, ubi Alerius ejus, qui commodatum accepit, pro ea parte, quæ heres est, conveniunt*. Nempe quia commodati actio est

est ad rem reddendam sive restituendam, quæ in dividuis dividua est, & causam bonorum continet. Quare si res commodata deterior facta sit, non ipsa solum præstanda res est, sed simul id, quod interest; nam non videtur reddita res, quæ deterior facta redditur, d. l. 3. §. 1. Ex quibus apparet, longe falli Doctores citatos, qui in Commodato nudum factum versari existimant. Quoniam ergo quæ dividua sunt, ipso Jure divisa intelligantur tam inter heredes Creditoris, quam Debitoris, inde fit, ut Commodatarii heres non teneatur, nisi pro ea parte, qua heres est.

Duo hic notanda sunt. Unum est, Commodatarium ipsum semper teneri in solidum, quamquam rem dividuam acceperit, veluti si dicis gratia pecunia commodata sit, ut est species textus in l. sape, ff. commodat. quod constat ex his, quæ supra disputata sunt qu. 1.

Alterum est, heredem Commodatarii, licet teneatur pro ea parte, qua heres est; tamen quia commodatum est bonæ fidei contractus, ideo si is ipse heres facultatem totius rei restituendæ habeat, nec faciat, potest Judicis arbitrio in solidum condemnari, d. l. 3. §. heres.

II. Probat, quia conditio furtiva de re restituenda est, & tamen dividua, continetque causam bonorum; quippe fur, rem deteriorem factam dando, non liberatur; semper enim moram fur facere videtur. Præterea fructus in hanc actionem veniunt, l. in re furtiva, §. 1. cum sequ. ff. de cond. furt. Quocirca heres pro parte, pro qua heres est, tenetur, l. in conditione, ff. cit. tit.

Est tamen discrimen inter conditionem furtivam, & interdictum Unde vi, quamvis utrumque ad rem restituendam dirigatur; nam in conditione ex causa furtiva heres non tenetur nisi pro parte, quæ ad eum pervenit: sed si est solus heres, tenetur in solidum, si heres pro parte, tenetur pro parte solidi, d. l. in conditione. Secus est in interdicto Unde vi, ubi heres deficientis non in amplius tenetur, quam ad eum pervenerit: quod si accedat totum ad eum pervenisse, ad solidum tenetur, quamvis ex parte heres sit, scilicet, si defectus post annum agat, d. si plures, ff. de vi §. vi arm. Ratio dependet ex verbis Edicti, ubi Prætor ait: Post annum vero de eo, quod ad eum, qui vi decessit, pervenerit, iudicium dabo.

At vero si res, quæ restitui debet, divisio-

nem non admittat, ex secunda regula Factorum, obligatio rem restitui individua & ipsa erit, & in solidum præstanda, l. loci, §. sed & si, ff. si serv. vindic. ubi si duorum fundus sit; qui iter debet, adversus unumquemque ipsorum poterit in solidum agi, & quisque defendit, solidum debet restituere, quia divisionem iter non recipit.

Memisse tamen oportet, in Factis, quæ Jus habeat admittum, ea ceteri quoque in dividua, quæ naturaliter partes separatas non habent, quamvis habeant civiles. Unde fit, in restitutionibus eam speciem dici individuum, quæ solum ob partes civiles dividua est. Id manifestum fit ex l. si duo, §. quod si lancem, ff. de pos. ubi duo heredes decem millia apud Defunctum deposita animo intervertendi conflagravit in lancem, vel speciem depositam interverterunt. Ait Marcellus, heredes in solidum conveniri posse, ac si ipsi servandam speciem suscepissent. Hujus rei duas rationes affert. Primam in hæc verba: Nam certe verum est, in solidum unumquemque dolo fecisse: quippe unumquisque speciem in solidum contraxerat animo lucrificandi; quod secus esset, si ipsa decem millia divisissent, quo casu quisque partem contraxisset, & quisque pro parte esset conveniendus, ut in princ. l. habetur. Secundam in hæc verba: Et nisi pro solido res non potest restitui: quæ ultima ratio manifeste non nititur dolo, sed nititur solum in narra restitutionis, quæ ubi de specie agitur, nisi pro solido fieri non potest.

Quod si ponas, me rem apud duos deposuisse, in solidum cuiusque fidem sequor, id est, ut quisque in solidum ad custodiam teneretur; utique quilibet ad rem totam restituendam obligatur, quamquam rem non habeat: & quilibet obligatur de facto alterius, & de dolo; pro quo non teneretur, si custodiam in solidum non recepissent. Idque exemplo tutorum, quorum unus facto alterius tenetur. Ita explicatur textus in l. 1. §. si apud duos, ff. de pos. Zasius hic num. 48.

*Amplius non agi.*

Satisfactioni de rato affinis est Cautio Amplius non agi, sive, quod idem est, Amplius non peti, in qua caverit, non petiturum eum, cujus de ea re actio, petitio, persecutio sit; & ratum habituros omnes, ad quos ea res pertinebit, l. procurator 23. ff. rem rat. hab.

Ita-

Itaque & ipsa dividua est; quoniam qui pro parte agit, pro parte etiam Creditori nocet, nostra l. 4. §. *Cato*, ubi Alciat. num. 42.

Hoc tantum interest, quod amplius non agi tardius committitur, quam Rem ratam. Hæc statim committitur, atque ratum non habetur, l. *Procurator* 8. §. ult. ff. *Rem ratam hab.* Illa non nisi solum sit, vel compensatum, vel lis contestata, l. *amplius*, ff. *cit. tit.* ut ibi notat Accursius, & Cujacius in l. 2. ff. *cod.*

#### *Vacnam possessionem tradi.*

**H**æc stipulatio nudum factum non continet, sed præter possessionis traditionem comprehendit translationem domini, vel usucapionis, l. *in conventionalibus*, §. 1. ff. *cod.* Ideo ex III. regula in dividuis dividua erit, Fulgosius in l. 3. §. ult. ff. *commod.* Duarenus t. *disput.* 39.

Hinc distat a stipulatione rem tradi, in qua nonnisi nudum factum venit, l. *stipulationes non dividuntur*, l. *si rem tradi*, ff. *cod.* Quare hæc individua est ex l. regula. Verum de hac re latius cap. sequ.

### C A P U T III.

#### *De Individuis Petitione, & Solutione.*

**S**unt hujusmodi, quæ nec a Creditore, nec ab heredibus ipsius pro parte peti possunt, sed tantummodo in solidum: ita nec ea Debitor, aut heredes ejusdem solvere pro parte possunt, sed quisque solidum præstabit. Et meminimus, hæc attendi non in heredibus solum, sed etiam in Principalibus, cum semper eodem modo se habeant, id est, semper & ubique individua sint, nec ullo modo variantur, secus atque accidit in Dividuis, quæ in solis heredibus sunt divisa, in principalibus vero indivisa, nonnulli casibus exceptis, de quibus in cap. ant. qu. 1.

Jam quod attinet ad Stipulationem dandi, in hoc genere sunt servitutes omnes, sive prædiales, sive personales, uno excepto usufructu. In stipulatione faciendi sunt Judicio filii, sententiæ stare, rem tradi, ire agere licere, habere licere, dolum malum abesse. De his videndum est, quibus opera & operas adjungemus.

#### *De individuis, quæ in dando. De servitutibus prædialibus.*

**H**as omnes sive rusticas, sive urbanas, Homi ex parte, omnique respectu individas esse, constat ex l. *stipulationes non dividuntur*, in princ. ff. *cod.* ibi: *Stipulationes non dividuntur earum rerum, quæ divisionem non recipiunt, veluti via, itineris, altus, aqueductus, ceterarumque servitutum.* Id ipsum habetur in nostra l. 2. §. *& harum.* Ratio hujus dispositionis redditur a Pomponio in l. *via*, ff. *de servit.* in hæc verba: *Quia usus earum indivisus est; nempe quia dum utor servitute, pro solido ea utor, & si plures utantur ea, singuli eam usurpant pro solido, Cujacius in d. l. stipulationes non dividuntur.*

Aliam tamen rationem assignat Hotom. *qq. illustr. 21.* Servitutes, scilicet, esse individas, quia jura sunt; id est, res incorporeæ, in quibus nulla sectio locum habere potest, cum partibus careant. Quæ tamen ratio a nostro jure abhorret, nec utilis est; nam usufructus etiam jus est, & tamen dividuus, quia ejus usus dividuus est. Quocirca tantum ratio ab usu desumpta & juridica & utilis est.

Nec contra est, quod dicitur in l. *via*, ff. *cit. tit.* in illis verbis: *Usus servitutum temporibus spectari potest; nam discernendi verbum non ad divisionem pertinet, sed ad modum, ut constat ex l. servitutes, §. fin. ff. cit. tit.* ubi *Intervalla dierum & horarum non ad temporis causam, sed ad modum pertinent jure constitutæ servitutis.* Ita Rivaies, qui per eundem rivum aquam ducunt, possunt inter se convenire, ut aquam certis horis separatim ducaut: ita etiam, ut unus quotidianam, alius æstivam ducat, id est, ut æstare dividatur inter eos aqua, hieme solus ducat is, qui quotidianæ jus habet, l. *cum constet*, ff. *de aqua quotid.* Imo qui Rivaies non sunt, convenire possunt, ut aquam mensuris dividant, & alter exempli gratia unciam habeat, alter digitum, ut in eadem l. *cum constet.*

Iste est utendi modus, qui ex contractu oritur, sive ex judicio communi dividundo, aut familiæ eriscundæ, *Arbor*, §. *fin. ff. comm. divid.* At non est servitutis, seu usus divisio ex lege: adhuc enim unusquisque totius servitutis Dominus est, & servitutum in qualibet parte æque totam habet. Id ipsum est, si plures, qui iter habent, convenient inter se, ut unus matutinis horis transeat,

R alter

alter pomeridianis vel ut alternis diebus utantur, d. l. via.

Ex eo, quod servitus est individua, plures inde oriuntur effectus. I. Ex legibus Decemviralibus servitutis stipulationem non dividi inter heredes, quia nec potest. Quare singuli heredes stipulatoris agent in solidum, & quisque heredum promissoris in solidum etiam convenitur, l. heredes, §. an ea, ff. fam. ercisc. & nostra l. 2. §. ex his. Verum quia heres conventus, nisi pro parte sua prestare non potest, tenebitur ad æstimationem, l. loci, §. si fundus, ff. si servit. vind. At qui solidum solvit, iudicio familiaris erciscundæ consequetur a coheredibus ipsorum partes, ut in citatis iuribus, ubi etiam habetur, quod si unus ex heredibus stipulatoris agat, ipse quoque consequetur æstimationem, sed pro sua tantum parte.

Hæc vera sunt ante iudicium familiaris erciscundæ; nam hereditate divisa, is solum heres agat, aut convenitur, cui plures dominans aut serviens adjudicatus est, l. continuus, §. ult. ff. cod.

II. Servitutem totum fundum servientem afficere, ut ei, qui viam habet, per quamlibet fundi partem ire agere liceat, civili tamen modo; nec enim per mediam vineam ibit, agat, cum æque commodè per alteram partem facere possit: quare solet ab Arbitro certa pars fundi designari, in qua sit servitutis usus, l. si cui, ff. de servit. l. qui per certum, ff. comm. pradior. Et qua inter, exempli gratia, primum determinatum est, ea servitus consistit, ceteræ partes agri liberæ sunt, l. certo, §. si totus, ff. de servit. rust. pradior. Eodem modo a servitute totum fundum dominantem affici, & vulgo dicitur, Pro parte domini servitutem acquiri non posse, l. pro parte, ff. de servit. l. quidquid, ff. comm. pradior.

III. Si plures sint ejusdem fundi domini pro indiviso, nullus eorum separatim servitutem fundo communi imponere, aut acquirere potest, l. 2. l. pro parte, ff. de servit. l. unus ex sociis, ff. de servit. rust. pradior. Sed necesse est, ut vel omnes simul cedant servitutem, vel omnibus simul servitus cedatur. Quod si unus cedat, erit in pendenti, donec omnes cedant, l. si quis per fundum, ff. de eviction. Ea nimirum ratione, quia cum plures domini sunt pro indiviso, fundus manet unus, & singulorum totus est fundus: nemo autem alteri acquirere, aut alterius conditionem deterioram facere potest.

Neque obstat textus in l. sed si inter, ff. de servit. urban. pradior. ubi si inter me, & te communes sint Titianæ aedes, & ex his tu fortasse tignum immittas in alias aedes meas proprias, & ego agere negligam actione negatoria, servitus communibus ædibus acquiritur: propterea ibi Pomponius ait, *Tecum mihi agere licet, aut rem perdere*, id est, libertatem mearum ædium amittere. Respondet enim Cujacius ibid. id factum ideo, quia ego agere negligens, videor & ipse acquirere servitutem: quocirca hic servitutem non acquirit unus ex dominis sine consensu alterius. Idipsum est, si ex ædibus tuis propriis tignum immittas in aedes communes, si non ago pro libertate ædium communium; acquisita servitus dicitur, d. l. sed si inter.

IV. Servitutem non posse pro parte amitti, cum partem non recipiat. Quod si accidat, ut pro parte amitti debeat, quia id fieri non potest, retinetur in solidum: veluti si via per plures fundos imponatur, & per unum fundum iero, per alium non, quia via una est, tota servatur, cum pro parte amitti non possit, l. una est via, ff. de servit. rust. pradior.

Reniti videtur Paulus in l. ut pomum §. 2. ff. de servit. ubi si prædium tuum mihi serviat, siue ego partis prædii tui dominus esse coæpero, siue tu mei pro indiviso, per partes servitus retinetur. Idem habetur in l. si quis aedes, §. si partem, ff. de servit. urban. pradior.

Est tamen dicendum, & in hoc casu servitutem remanere solidam in toto fundo. Cum autem dicitur per partes servitutem retineri, intelligi occasione partis reliquæ, quæ tua est, vel propter partem reliquam, Zalius loc. cit. n. 7. Nec contra est, rem tuam nemini servire, nam id verum est, cum res tota mea est, non etiam cum est communis, ut constat ex d. l. sed inter, ubi quis ædibus suis potest acquirere servitutem in ædibus communibus sibi & alteri.

V. Servitutem acquiri pro parte non posse. Unde si uni fundum, & ad eum viam per alium fundum, & eundem fundum sine via alteri legem, & uterque legatarius vindicet, fundus legato cedet sine via, l. si fundum, ff. de servit. leg. quia, ut ibi Marcellus ait, acquiri per partem servitus non potest. Nempe cum lego tibi fundum cum via, solidus fundus est tibi legatus, eique tota via debetur. At deinde dato tibi collegatario re-



conjuncto, per concurrentiam partes sunt, & jam fundus dimidiatus pro indiviso tuus est: quocirca solida via tua esse non potest, qui es dominus partis, & via solido fundo debetur: nec potest esse pro parte, quia via sciendi non potest. Inde fit, ut legatum viz saluum non sit, & corrumpat. Ita si quis fundum habens viam stipuletur, & partem fundi sui postea alienet, corruptum stipulationem, *l. pro parte, ff. de servit.*

Hæc omnia Accursius intelligit de parte incerta pro indiviso, ex *l. ad certam, ff. cit. tit. ubi Ad certam partem fundi servitus tam remitti, quam constitui potest.* Consentit Zasius in *d. l. stipulationes non dividuntur n. 6.* & Doctores communiter.

Sed hoc nihil obstat. Nam cum Jurisconsultus ait, ad certam partem fundi servitute constitui posse, aperte loquitur de initio, cum scilicet servitus constituitur. Veluti stipulator a te, vel. lego tibi jus ad talem partem fundi. Id certe licet, quia hæc certa partis fundi designatio sciendit fundum in duos quasi fundos, *l. communi, §. Neratius, ff. comm. divid.* Aliud est, cum stipulator servitute fundo meo, id est, solido fundo, & deinde fundum pro parte alieno; semper certe corrupto stipulationem, sive alienam partem certam, sive incertam, quia semper verum esset servitute sciendi. Id ipsum est de legato servitutis solido fundo, eoque de inde per concursum diviso.

Cum vero Jurisconsultus ait, ad certam partem fundi servitute posse remitti, loquitur de fundo serviente, qui licet totus serviat, habet tamen hoc, ut determinato loco, qua iter fiat, ceteræ partes agri liberæ sint, *d. l. certo, §. si totus, ff. de servit. rust. prad.* Quo casu servitus non scienditur, cum id non ad divisionem, sed ad modum pertinet, remanente interim solida servitute, argumento ex *d. l. servitutes, §. si ff. de servitut.*

Attendendum est quoddam speciale in servitute oneris ferendi; quippe in ceteris servitutibus si fundus serviens duorum sit, quisque in solidum convenitur, cum res divisionem non recipiat, *l. loci, §. sed. etsi, ff. si serv. vindic.* At in servitute oneris ferendi, si ædes servientes duorum sint, quisque eorum pro parte conveniendus est, ex Papiniano in *l. & si forte, §. ades, ff. cit. tit.* Non tamen inde fit, servitute hanc esse dividuam; nam & ibidem dicitur, duos ædium

dominantium dominos, quemque in solidum agere in ea quoque servitute, quæ oneris ferendi causa imponitur. Cur ergo domini ædium servientium quisque pro parte conveniendi sunt? Id ex speciali ratione dependet, nempe quia servitus oneris ferendi hoc proprium habet, quod qui servit, tenetur non modo præstare patientiam, ut est in ceteris servitutibus; sed etiam reficere parietem, ut onus sublineat, *d. l. & si forte, §. etiam: at refectio ab uno ex sociis, altero invito, fieri non potest, l. si ades, l. Sabinus, ff. comm. divid.* Quocirca non alter ex dominis parietis servientis, sed ambo conveniendi sunt, ut ex consensu paries reficiatur, Cujac. & Fab. in *d. l. & si forte, §. si ades.*

Ex his omnibus patet, falli Molinæum in 3. par. *Laber. & Merendam 2. contr. 26. & sequ.* dum contendunt, servitutes prædiales esse omnes dividuas, exceptis itinere, actu, & via.

#### De Servitutibus Personalibus, excepto Usufructu.

U Sum esse sua natura individuum, constat ex *l. usus pars, ff. de usu, & habit.* Dubium tamen est, unde sit, ut utriusque pro parte possimus, uti non possimus? In reddenda hujus dilemmatis ratione multum laborat Alciatus *2. paradox. 17.* Vulgo tamen eam tradunt cum Baldo, Imola, & aliis, quia usus ad suppleendam indigentiam quotidianam Usuarii constituitur, *§. 1. Instit. de usu, & habitat.* quam indigentiam in nihilo supplet, qui pro parte supplere tentat.

Objicies I. Cum Alciato. Alimenta respiciunt Alimentarii necessitatem, & tamen divisionem admittunt, *l. 3. ff. de alim. leg.* Quare jam ratio exposita nullius momenti est.

Negandum tamen est, in *d. l. 3.* de alimentorum divisione quiddam haberi, cum dicatur solum, defuncto Patrono, qui liberis alimenta reliquit, si plures ei exstant heredes, non copi libertos a singulis heredibus minutatim alimenta petere, sed Judicem ex causa alimentorum Libertos dividere, ut alii ab uno herede alantur, alii ab altero. Et quamvis hic constet, heredes ex rigore juris non teneri quemque in solidum ad alimenta præstanda, cum solum ad hoc compellantur officio Judicis, qui libertos dividit; tamen inde non fit, alimenta esse dividua, est enim distinguendum inter rem naturam dividuam, ut est iter, & inter rem naturam

dividuam, sed tamen causa individuam, uti sunt alimenta; quippe illo casu quisque heredium tenetur in solidum, *l. heredes, §. an ea, ff. fam. ercisc.* illo omnes collecti in solidum conveniuntur, nostra *l. 4. §. Gato*, & diximus supra *cap. 2. qu. 2.*

II. Usus duobus legari potest; nam si tibi usus, mihi fructus legatur, concurrerimus nos in usu, ego solus fructus habeo, *l. per servum, §. usu legatus, ff. de usu & habit.* & id ex usu percipiam, quod usufruario supererit, *l. si alii, ff. de usufr.*

Dicamus tamen, hic non unum esse usum inter duos divisum, fed duos esse usus, & eum, cui solum usus legatus est, usum pro solido habere, eoque integro uti, ut constat ex *d. l. si alii*, ubi tibi integer usus constituitur, mihi vero usufruario quod superest. Et meminisse oportet, usum conjunctum fructui haberi ut dividuum, sicuti supra cum Forcatulo notavimus, cujus sententia hoc maxime textu probatur; nam cum usufruario relinquatur quod superest, & facile accidere possit, ut quod superest minus indigentia sit, palam est usum conjunctum fructui dividi naturam sapere.

III. Res pro usu legata potest excedere usufructui indigentiam, ut si spatiosae domus usus reliquus sit homini mediocri, qui portiuicula contentus esse potest, *l. 4. de usu & habit.* Quocirca eo saltem casu usus erit dividuus.

Respondendum est ex Pomponio in *l. Divus, §. 1. ff. cit. tit.* posse & solere usufructum aliis & aliis temporibus tota domo uti; cum interitum domini quoque adium, prout temporum conditio exigit, quibusdam utantur, quibusdam non utantur. Ceterum cum dicimus, usum esse individuum, id verum est de usu ut servitute; nam usus, ut nudum factum est, divisionem recipit: nam potest quis uti una parte balnei, & non alia, *l. si ut certo, §. ult. ff. conmod.*

Usus adium similis est habitationi in hoc, quod utroque casu licitum sit alienas mdes inhabitare jure servitutis; tamen distant in hoc, quod usus potius in jure, habitatio potius in facto consistit, cum proprie habitatio sit locus, quem habitamus. Unde fit, ut qui habet habitationem, eam alteri locare possit ex sententia Marcelli, quod usufruario adium non licet, *l. cum antiquitas, C. de usufr.* Fit etiam, ut habitatio solum morte finiator, non etiam media, aut maxima capitis dimi-

nutione, ut in usu adium accidit, *l. si habitatio, §. 1. ff. de usu, & habit. l. pen. ff. de cap. diminut.* Cum ergo his exceptis, in reliquis usus adium, & habitatio consentiant, consequens est, ut hæc, sicut ille, individua sit.

#### De Individuis, qua in Faciendo.

Facta in duplici genere esse; alia Dividua, quædam Individua, palam est ex Catone in nostra *l. 4. §. 1. ubi iter fieri factum Individuum dicitur: Amplius non agi*, dividuum. Et quamvis Ulpianus in *l. stipulationes non dividuntur, ff. od.* simpliciter affirmare videatur facta esse individua, id tamen intelligendum est non de Factis omnibus, sed de illis tantum, aut de similibus, de quibus exempla apponit, quæ sunt, Fundum tradi, Fossam fodi, Insulam fabricari, Operæ.

Hæc Facta in genere a Zasio ad duo capita reducuntur. Quædam sunt momentanea, quæ scilicet temporis momento explicantur, & hujusmodi sunt Rem tradi, Rem restitui. Quædam sunt successiva, quæ ut consumantur, temporis tractum exigunt, ut Operæ, & Opera. Operæ sunt officium diurnum; Opera vero sunt Insulam ædificare, Romam ire, & alia id genus.

Cum ergo de Factis Dividuis jam supra actum sit, hic ea solum, quæ Individua sunt, persequemur.

#### De Factis Momentaneis. Judicio sisti:

CAutio Judicio sisti pœnam habet adjectam, ut quæ ita concipitur: *Sicbom, Damam, & Erotem sisti, si non sisleris, decem dari?* Et individua est ex Juliano in *l. si is, qui ducenta, §. cum ita, ff. de reb. dub.* ubi ait: *Neque enim dubitandum, quin aque omnes sisti oporteat.* Et uno non stato, pœna in solidum committitur, tanquam si dictum sit: *Si quem eorum non sisleris, decem dabis?*

Idipsum conficitur Ulpianus in *l. si servus, §. si plurium, ff. si quis caution.* ubi ex Labæone docet, uno servo non stato, pœnam integram committi, quia verum est, omnes statos non esse. Lenit tamen ex eodem Labæone hunc vigorem ex æquitate, in hæc verba: *Verum si pro rata portione unius offeratur pœna, exceptione doli usum eum, qui ex stipulatione convenitur.* Itaque qui ex tribus servis duos sistit, unum non sistit, potest

potest pro integra poena conveniri; sed conventus solvens tertiam partem poenae pro uno non statim, exceptione doli removebit actorem reliquis duas poenae partes petentem; scilicet, quia ejus non interest, nisi pro tertia parte: quocirca in quantum ad reliquas, petet rem & poenam desertionis; id vero est dolo facere, l. si duo, §. ult. ff. cit. tit. ubi si ex duobus reis promittendi, unus iudicio non siterit, alter nequit ab altero rem petere, ab altero poenam desertionis: quod si faciat, exceptione doli submovebitur. Hec est recta horum jurum explanatio, quidquid se torqueant Bartolus, Jafon, Zasius, alique hic, & Alciarius 1. parad. 14.

*Sententia stare.*

**A**rbitorum duplex genus est. Interdum enim Arbitrator est Iudex a Praetore datus in causis bonae fidei, qui potestatem habet statuendi ex bono, & aequo, ut arbitrator pro socio, l. 38. ff. pro soc. arbitres familiarum eriscundae, l. fundus, §. Arbitrator, ff. famul. eriscundae. Arbitrator de dote, l. omnino, ff. de impens. in reb. dotal. Interdum vero dicitur arbitrator, qui per compromissum a litigatoribus eligitur ad litem finiendam, qui solet receptus arbitrator vocari, l. 1. ff. de recept. arbitris. Et ab hujus sententia de jure civili appellare non licet, ne scilicet compromissum factum pro lite extinguenda litium seminum fiat, l. non distinguemus, §. & idem, ff. cit. tit. l. 1. C. cod. tit. Quod & Graecorum lex comprobatur apud Demosthenem contra Midiam, & apud Lucianum in Abdicato. Consensus Carthaginis. Concilium can. 98. & can. 123. & novae Guicius consil. 12.

Quia vero reus ab arbitro absolutus si deinde coram Iudice pro eadem causa conventus ab eodem litigatore sit, exceptionem rei judicatae non habet, licet habeat exceptionem pacti, l. 2. l. litigatores, §. interdum, ff. cit. tit. idem in compromisso poena adjicitur, quae a reo exigetur, si absolutus ab arbitro, iterum ab actore conveniatur, d. l. 2.

Jam pone. Duo sub poena decem se obligaverat de stando sententiae arbitri recepti: & uno ex Compromissariis defuncto, duo ei extiterunt heredes, quorum unus stat sententiae, alter convenit reum pro eadem causa coram Iudice. Queritur, contra quem poena committatur? Et Pomponius in l. 5. §.

ult. ff. cod. ait, omnes heredes in solidum ad poenam teneri; & Jurisconsultus poenam adjectam obligationi standi sententiae comparat poenae subditi obligationi dandi; quamvis parere sententiae non sit obligatio dandi, sed faciendi, ut ibid. post Baldum notat Zasius nam. 20.

Unde fit, ut utrobique individuum ab eadem ratione procedat; nempe quia aliud sine injuria rei coventi constitui non potest, ex eadem l. 5. §. si fortem, ut latius supra cap. 2. qu. 2. Verum quia in factis regula Catonis est, ut poena individua sit, cum factum ipsum individuum etiam est; & in nostro casu poena facti subditi; individua est: consequens omnino fit, ut factum ipsum individuum quoque sit, id est, stare sententiae.

Imo Doctores communiter docent, sententiam ipsam esse individuum; nempe quia judicatum pro parte solvi non potest, argumento ex l. duobus, ff. de liber. causa. Quod verum est, nisi sententia plura, & distincta capita comprehendat, quia tunc vim habet tot sententiarum, quot capita sunt, ex notatis supra cap. 1. qu. 3., & latius infra de Rebus Unis.

His tamen obstat textus in cap. suam, de penis, ubi Rectores Ecclesiae S. Fortunati ab arbitro iussi sunt solvere libras 40. die statuta Episcopo Spolerano. Quod si ita factum non esset, poena dicta est librarum 30. Accidit, ut Rectores intra statutum diem non solverint, nisi libras 33. Quocirca Episcopus egit ad solidam poenam. Summus tamen Pontifex decrevit, Episcopo satis esse debere, si reliquas septem libras ei persolverentur. Ex quibus constat, obligationem standi sententiae esse individuum; nam qui non totum solvit die in sententia constituto, utique pro parte sententiae non stat; & tamen poenam non committit.

Verum observari debet, in d. cap. suam haberi specialem casum speciali etiam ratione nixum, scilicet cum poenam petit Episcopus, in quo multa culpantur, quae aliis licita sunt, ut qui Magister est totius perfectionis, D. Thom. 22. qu. 18. art. 2. Hinc etiam Rectores sententiae steterint solum pro parte, Episcopo tamen non est licitum exigere poenam, sed concedere debitoribus, ut moram purgare possint, id est, ut solvant reliquum. Idque patet ex verbis illis S. Pon-

efficit: *Te non decet in tantum Pontificalis modestia oblivisci, ut inhonestis questionibus ambulando desideres cum aliena iactura ditari, ut ibid. Gonzalez advertit.*

### Rem tradi.

**Q**uidam differentiam nullam esse statuunt inter stipulationem rem tradi, & stipulationem vacuum possessionem tradi; decepti ex l. 3. §. 1. ff. de action. emti, ubi dicitur, eum qui fundum tradi stipulatur, vacuum quoque possessionem tradi oportere, stipulari intelligi; non animadvertentes, in eo textu pro illis verbis, *Fundum tradi*, legendum esse, *Fundum dari*, ut in Pandectis Florentinis habetur. Aliud autem est rem tradi, aliud rem dari: in illo agitur de possessione, in hoc de proprietate, ita tamen ut tacite de vacua possessione tradenda conventio etiam interposita censeatur, ut in d. l. 3. §. 1. Quandoque utrumque expresse apponitur, l. 4. ff. de usuris.

Itaque differunt, quia uberior est stipulatio vacuum possessionem tradi, quam rem tradi: etenim qui stipulatur rem tradi, non nisi factum stipulatur, l. stipulationes non dividuntur, l. si rem tradi, ff. eod. At in stipulatione vacuum possessionem tradi, non nudum factum continetur, sed causa bonorum, l. in conventionalibus, §. 2. ff. eod. id est, ut tradens faciat accipientem dominum, si ipse dominus est: vel transferat ulucipendi conditionem, si forte dominus non sit; ita enim accipiens rem in bonis habebit, ut explicat Azo: addit Accursius, ne res deterior facta tradatur. Hanc differentiam docet Zasius in d. l. in conventionalibus, §. 2.

Convenit vero, quia in stipulatione rem tradi non veniunt fructus, qui stipulationis tempore fuerint, l. si filius familias, §. 1. ff. eod. neque etiam ex mora, nisi ea per litis contestationem contracta sit, l. videamus, §. si actionem ff. de usuris; licet consequar quanti interlit, moram factam non esse, l. si fundum, ff. eod. Ita quoque in stipulatione vacuum possessionem tradi fructus non continentur, d. l. 3. §. 1. ff. de act. emti; nisi quis geminando stipulatus est, rem dari, vacuumque possessionem tradi: tunc enim quia vacuum possessionem tradi continetur in rem dari, d. l. 3. §. 1. ideo ne posteriora verba videantur frustra adjecta, fructus stipulator consequetur, l. 4. ff. de usu-

ris. Et ita hæc explicanda sunt, in quibus varie se implicat Cujacius in d. l. si rem tradi.

Stipulatio ergo rem tradi individua est, d. l. si stipulationes non dividuntur. Dubium tamen est, an semper talis sit. Et affirmant Giphanius ibid. num. 19. Egunarius 2. de Individ. 3. & 4. Valenzia hic cap. 6. num. 27. ex regula factorum. I. nempe, facta, quæ nuda sunt, semper individua sunt. Præterquamquod qui rem tradere promittit, de tota re convenire intelligitur; ut qui respondet se heredem esse, censeatur fateri in totum se heredem esse, l. si Defensor, §. qui interrogatur, ff. de interrog. act. Itaque res non videtur tradita, nisi cum tota tradita est.

Secus est in stipulatione vacuum possessionem tradi, quæ nudum factum non continet, sed præter possessibiles traditionem habet admittam causam bonorum, propterea in dividuis dividua erit, ut in cap. 2. dictum est.

Hinc in stipulatione rem tradi, si res dividua est; ut cæmentia, inter stipulatoris heredes res dividitur quidem, traditio tamen faciendæ est indivisa: id est, unus ex heredibus partem petet, non totum; sed promissor pro parte tradere non potest. Quod dicitur dividuum petitione, individuum solutione; præsertim quia aliter diversa solutio contingere posset; veluti uni tradendo partem rei, alteri æstimationem alterius partis, contra textum in d. l. in executione, §. pro parte. Eadem de causa heredes promissoris, quamvis pro hereditaria parte teneantur, re ipsa debita inspecta, traditio tamen nisi tota fieri non potest. Vide latius Zasium in d. l. stipulationes non dividuntur, num. 21. & segg.

*Ite agere licere, Habere licere, Dolum malum abesse, absturnumque.*

**A**B eo, qui debet servitutem, exempli gratia, actus, inter constituendum eam, aliquando ita Creditor stipulatur. *Per te non fieri, neque per heredem tuum, quominus mihi per fundum tuum ire agere liceat?* Quæ est stipulatio præstandæ patientiæ post constitutam servitutem. Servitus est jus: ire agere est factum, l. 2. §. item si in factum, ff. eod. Quare solet ita etiam concipi: *Per te non fieri, quominus mihi actu uti liceat, l. si stipulatus, ff. eod.* Pro præstanda patientia in servitute itineris dicitur: *Mihi ire licere, vel iter fieri, ut in nostra l. 4. §. Ceterum hæc stipulatio, Per*

*non fieri*, non hoc significat, nihil te facturum, quo minus facere possim, sed te curaturum, ut facere possim, l. in illa stipulatione 50. ff. eodem.

At vero qui rem ab alio accipit locatam, venditam, pro dote datam, sive quo alio titulo, ita a dante, & tradente stipulatur: *Mihi, heredeque meo, habere licere* seu plenius: *Per te non fieri, neque per heredem meum, quo minus mihi fundum habere liceat* vel ita: *Fundo uti* ? d. l. si stipulatus. Hæc stipulatio obligat etiam heredem, quamvis expressa ejus mentio facta non sit, l. stipulatio ista, in princ. ff. eodem.

Tandem in contrahibus non solum bonæ fidei, sed etiam stricti juris addi solet stipulatio doli mali, id est, dolum malum abesse, *absuturumque a te, heredeque meo* ? d. l. stipulatio ista, §. si quis dolum. Clausula hæc doli non pertinet ad ea, quæ specialiter in contractu comprehensa sunt, sed ad casus incertos, qui contrahentibus se in præsentia ostendere, & animo occurrere non potuerunt, l. c. eleganter, §. non solum, ff. de dolo. Et si in ipsa stipulatione componenda peccatum sit, hic error corrigitur clausula doli, & agitur incerti, l. ex ea parte, in princ. ff. eod. Et si heredum personæ omisse sint, id supplebit clausula doli, l. si sine, §. si in stipulatione, ff. rem ratum hab. Cujac. in l. 53. ff. eod.

De his tribus stipulationibus agitur in l. 2. §. item si in factis, l. idem juris 3. & l. eodem 4. in princ. ff. eod. Et generatim statuitur, eas esse individuas, ideo scilicet, quia nudum factum continent, l. quod dicitur 130. ff. eod.

Hinc I. Uno herede promissoris prohibente, vel dolum admittente, omnes heredes tenentur, quia factum individuum est, & quod in partes dividi non potest, ab omnibus quodammodo factum videtur, d. l. 4. §. Cato. Verum quia iniquum esset uoum pro altero plecti, propterea Coheredes qui nec prohibuerunt, nec dolum admiserunt, succurrunt, ut iudicio familiæ eriscundæ consequantur a Coherede delinquente, si quid illius culpa aut facto præstiterunt, ut in citatis. Juribus habetur. Concordat textus in l. in executione, §. quod si stipulatus, ff. eod. l. heredes, §. in illa quoque, l. inter, §. quod an factis, ff. fam. erisc.

Monet Azo, Coheredes, qui non prohibuerunt, vel dolum non admiserunt, teneri

quidem omnes in solidum, sed non quemque in solidum, quia regula generalis est, ut in omnibus faciendi obligationibus, ubi Promissor non facit, quod promisit, succedat obligatio ad id, quod interest: quæ est propositio Celsi in l. si quis ab alio, §. fin. ff. de re judicat. & Celsus a Tuberonæ accepit, d. l. stipulationes non dividuntur, in princ. Ceterum id quod interest, semper est dividuum, licet succedat in locum facti individui, ut in cit. l. habetur: quocirca heredes Promissoris in eo, quod interest, non possunt teneri, nisi pro parte hereditaria, ita tamen ut omnes simul solidum solvant, l. 2. §. item si in factis, ubi Accursius, & Cujacius, ff. eod. licet aliud senserit Bartolus. Idem patet ex d. §. Cato. Et ita intelligendus est textus in l. heredes, §. in illa, ff. fam. erisc. ubi uno ex heredibus prohibente, in solidum committitur stipulatio.

II. Uno ex heredibus Stipulatoris prohibito, vel per dolum læso, ita distinguendum est. Aut stipulationi subdita est poena, veluti, *Si adversus ea factum erit, tot dari* ? Aut poena subdita non est. Si non est subdita, in tantum aget pro sua parte, qui prohibitus, vel dolo læsus est; quoniam ejus solum interest, nec potest dici ceteros videri prohibitos, aut læsos, d. l. 2. §. contra, d. l. 4. in princ. Excipe, si non suo, sed communij nomine ingrediens, prohibitus fuerit, d. l. si stipulatus.

Si sit subdita poena, non solum pro parte ejus heredis, qui læsus, aut prohibitus fuit, verum in solidum pro parte ceterorum committitur stipulatio, ita ut quisque pro parte hereditaria petere possit; quia poena individua est, nec pro parte committi potest. Et hoc casu non queritur, cujus intersit, sed an poena commissa sit: & poenæ petitio datur etiam iis, quorum nihil interest, d. l. 2. §. contra, d. l. idem juris, d. l. in executione, §. quod si stipulatus.

Verum quia esset iniquum, ut poena committatur ei, qui læsus aut prohibitus non est; propterea licet poena committatur in solidum omnibus Stipulatoris heredibus, tamen si agant hi, qui non sunt læsi, aut prohibiti, repellentur exceptione doli mali; nam dolo faciunt, qui de poena certant, cum nihil mali perpassi sint, d. l. 2. §. contra, Fab. 7. conjecit. 7. Hæc exceptio Prætoris facit, ut verum sit, quod dicitur, Jus esse attente

boni & equi, ut Zalsus ait in *d. l. 2. num. 5.*

Si Defunctus non cavit de dolo, quamvis alias ex natura contractus hæc obligatio inest, ut in contractu Commodati, & ceteris, qui bonæ fidei sunt; eo casu si unus ex heredibus dolum admittat, ipse solus tenetur, non etiam ceteri, qui non delinquant. Ita Zalsus hic *num. 63.* Et recte, quia heres hic delinquit ut principalis, ex nulla promissione Defuncti; & quamvis alias Defunctus teneretur tacite de dolo, tamen non eadem est vis taciti & exprelli; & lex mitior est in sua provisione, quam homo in sua stipulatione, *h. Celsus in fine, ff. de Arbitr.*

*De factis Successivis. De Operibus.*

**S**tipulatio Operis faciendi individua est, ut fossam fodiri, vel insulam fabricari, *d. l. stipulationes non dividuntur, in princ.* Id ipsum est, si opus Testator fieri iusserit; nam singuli heredes in solidum teneantur, *d. l. in executione, §. secunda*, ubi cur opus natura dividuum, iure individuum sit petitione & solutione, ea ratio redditur: Quia Operis effectus in partes scindi non potest. Opus enim quodcumque suam propriam formam habet, quam nisi consequutum sit, opus non dicitur perfectum, *l. si is, qui quadringenta, §. quadam, ff. ad legem Falcidiam*, cum concordantibus ibi ab Accursio adductis.

Itaque si Testator inunxerit heredi Gymnasio, exempli gratia, constructionem, nemo ex ipsis liberatur, nisi toto Gymnasio constructo. Quod si portam Gymnasii fieri iusserit, quamvis porta respectu Gymnasii pars sit, tamen in quantum ad onus heredibus impositum, se habet ut totum, ut constat ex *d. §. quadam*, ubi Testator iussit stadium fieri, & singuli heredes tanquam ad opus completum in solidum tenentur; & tamen stadium non est, nisi pars Gymnasii, Vtruvius *§. Archi.* 11. Itaque Gymnasium origine, & ante conventionem est dividuum; postumque stipulari partem Gymnasii fieri: & ubi totum venit in conventionem, est iedivuum facto. A Doctores hæc vocant Individua obligatione & solutione, non origine. Zalsus in *§. Cato, num. 39.*

Refragari videtur Paulus in *l. mortuo, §. ult. ff. de leg. 2.* ubi hæc habet: Si Testator dari quid iussisset, aut opus fieri, aut munus dari, pro portione sua eos preflare, quibus pars hereditatis accrederet, æque ac cetera legata, placet. In quibus verbis Jurisconsultus nullum

discrimen inter legatum dandi, quod est dividuum, & opus faciendi agnoscit. Si ergo Testator tribus heredibus instituit æqualiter, unum iusserit opus facere, qui hereditatem mortuo Testatore repudiet, pars accrescit ceteris duobus, quorum jam quisque pro semis heres est. Aut Paulus duo. 3. Partem repudiatam accrescere eum onere suo, id est, faciendi opus. 11. Quemque duorum heredum teneri pro portione sua, id est, quemque pro semisse. Non ergo quisque in solidum.

Varie a Doctores responsum est. Placet quod ait Alciatus 2. *parerg. 22.* Paulum loqui respectu legatarii, qui unumquemque heredum pro solido convenire potest, ut in citatis Juribus; sed sermonem habere de ipsis heredibus inter se; licet enim horum quisque pro solido teneatur, tamen iudicio familiaris excusandæ potest unus ab alieno compelli, ut sumus pro ea parte, pro qua heres est, operi faciendi subministrare, ut in *l. 2. §. ex his, ff. eod.*

*De Operis.*

**O**peræ sunt diurnum officium, quod Libertus Patrono stipulante promittit se præstiturum, cum poposcerit, *l. 1. l. cum Patronus, ff. de oper. Libertor.* Aliquando operæ numero definit promittuntur, ut una, decem, mille, *l. 15. ff. cit. tit. l. in stipulationibus, §. operarum, ff. eod.* Harum alie sunt officiales, veluti ut sequatur Patronum, cum eo moretur, peregre proficiatur, negotium ejus exercent, custodiat domum, *l. medicus, l. hæc deum, l. duorum, ff. de oper. Libert.* Alie artificiales, ut si Libertus sit librarius, histrion, medicus; imo si faber, aut pictor fuerit, has operas Patrono præstare cogitur, *l. hæc opera, ff. cit. tit.* Appellantur etiam *salarium, l. Titius, §. Lucius Titius, ff. de fideicom. Libertat.*

Inter has illud l. distat, quod Officiales non alii debent, quam Patrono, possint: Artificiales, jubente Patrono, & alii debent possint. Quocirca Libertus medicus ex voluntate Patroni gratis curabit Amicos ejus, & histrion Amicorum ludis gravitatem operam præstabit, *l. opera 9. l. si Libertus 27. ff. cit. tit.*

11. Distat, quia operæ fabriles, ceteræque quæ in artificio sunt, ad heredem extraneum transeunt: artificiales vero non transeunt, *l. fabriles, ff. cit. tit.* Vide de his omnibus latius Fabr. in *Juripr. Pap. tit. 4. princ. 9. illat. 12. Et seq.*

Per-

Perperam Zasius in *d. l. stipulationibus* reprehendit Accursium, quod inter operas Libertorum reposuerit laborare in fundo, quod servile opus est, quo Libertus non adstringitur, ut in *tit. de oper. servor.* Vtrum si Libertus putator sit, vel sossor, dubiandum non est, has operas posse ab eo exigi ex *l. ejus artificis, §. fin. ff. de oper. Libertor.* Interim cum operis Officialibus Obsequia Libertorum confundenda non sunt, quae constitunt in eo, ut ne Libertus Patrono ingratus sit, ne eum in iudicium sine Praetoris venia vocet, quae omnia sine operis praestantur, ut in *tit. ff. & C. de obsequ. Patr. praest.*

Operarum itaque stipulatio individua est, cum pars Operae intelligi non possit, *l. 1. §. si usufructus, ff. ad legem Falcidiam*, & qui non totam praestat, nullam praestat, quoniam in ea effectus intenditur, qui dividi nequit, *d. l. in executione, §. 2.* Unde operae comparantur generi, & ideo divisio est non in partes operarum, sed in numero, veluti si Libertus decem operas promiserit, *dist. l. in stipulationib. §. operarum.*

Unde I. Fit, Patronum non posse stipulari a Libertis trium, aut sex horarum operam, quae esset stipulatio partis operae, id est, rei impossibilis, cum opera partes non habeat, *l. Libertus 15. ff. de oper. Libert.* ubi haec Ulpianus habet: *Neque promitti, neque solvi, nec deberi, nec peti pro parte poterit opera.* Quippe essentiae rerum sunt individuae, & essentia operae in Jure nostro statuta est, ut sit *Diurnum Officium, l. 1. ff. cit. tit.* Et hoc est quod voluit Pomponius in *l. 3. ff. cit. tit.* illis verbis: *Nec pars operae per horas solvi potest, quia id est officii diurni.* Itaque opera quaelibet XII. horis circumscriptur more Romanorum, qui quemque diem in XII. horas dividebant, inaequales tamen, ita ut temporis spatia, quae ad curam corporis necessaria sunt, Libertis relinquuntur, *d. l. 3. & l. cum Patronus.* Imo si Libertus alere se non possit, ei satis temporis elargiendum est ad quatum faciendum, unde se aliat, nisi Patronus de suo alimentis praestare velit, *l. suo victu, cum seq. ff. cit. tit.*

II. Fit, ut si Libertus plures operas debeat, & Patronus decedat pluribus relictis heredibus, hi obligationem operarum numero dividunt: ita quoque si Libertus communis duobus dominis mille operas promiserit, cuique quingentae debeantur, *d. l. Libertus 15.*

Tom. I.

Obijcies I. Ex *d. l. in stipulationibus, §. operarum*, ubi si Libertus communis duobus Dominis operam unam promittat, quisque ex Dominis partem operae tantam, quantum in servo habet, petere potest. Concordat textus in *l. si quando, ff. de oper. Libert.* ibi. *Et peti posse partem operae, ubi tamen sermo est de opera praeferita*, id est, quae transacto jam die, & opera non praestita, petitur: at in *d. v. operarum* sermo est de opera praestanda.

Facilis tamen responsio est, in utroque textu Jurisconsultos loqui de partibus operae, habito respectu non ad operam ipsam, quae est individua, sed ad aestimationem, quae etiam in obligatione individua scindi potest, *l. stipulationes non dividuntur, ff. eod.* Constat autem, de aestimatione sermonem haberi, quia in *d. l. si quando*, ideo dicitur peti posse partem operae, quia opera praeferita petitur, & operae praeferitae non est nisi aestimatio; & in *d. §. operarum*, ubi de opera praestanda agitur, aperte habetur, aut aestimationem operae fieri, aut eandem operam simul duobus patronis consentientibus communiter edi oportere.

Obijcies II. Operis pars stipulari potest. Ergo etiam operae. At distinguendum est inter ea, quae Individua sunt ex destinatione & conventionem, & inter Individua origine; haec enim scindi ab homine non possunt, at illa possunt: nam fundus, quam habeo, unus erit, donec eum in duos dividam, *l. communis, §. Neratius, ff. comm. divid.*

Haecenus facta individua expoluimus; consequens est, ut diceremus de pignus, quae obligationibus faciendi adjici solet. Sed antequam ad eam aggrediamur, pretium operae est, ut de Pignore dicamus, cujus causae Individuis accensetur. Sit ergo.

#### De causa Pignoris.

Quamvis Pignus saepe in rebus dividuis, imo divisus, constat, pignoris tamen causa semper indivisa dicitur, *l. rem hereditariam, ff. de eviction.* ubi *indivisa* est pro *individa*, ut in *l. v. §. de servitut.* & species illius legis demonstrat. Nam duo heredes debitoris rem pignori obligatam venderunt, eversione promissa non in solidum, sed pro parte hereditaria; tum unus ex his heredibus pignus pro parte sua liberavit, solvens creditor partem suam debiti, alter non liberavit: quocirca creditor egit hypotheca-

S

ria

ria adversus emptorem; & pignus evicit. Quæsitum est, an Emptor ex causa evictionis utrumque heredem convenire posset. Et videbatur negandum; quia evictionem non in solidum, sed pro parte hereditaria promissuræ, & unus heredum jam pro parte sua pignus liberavit. Respondet tamen Papinianus, teste utrumque heredem conveniri, propter indivisam Pignoris causam. Verum heres, qui pro parte sua pecuniam solvit, licet exceptione doli contra Emptorem non gaudet, tamen ei judicio familiaris excusandæ adversus coheredem consulitur, ut *ibidem* habetur.

Hæc indivisa Pignoris causa ortum habet ex eo, quod Pignus introductum est, ut Creditori tutum sit: tutio autem, quæ est causa Pignoris, ut defensio, individua est. Unde qui pignori plures res accepit, non cogitur unam liberare, licet partem ejus, quod sibi debetur, acceperit: retinebit enim omnes, ut eo magis creditum sibi in tuto sit, *l. qui pignori, ff. de pignor. l. 2. C. de Fidejussor.* Hinc etiam si Debitor, vel unus ex heredibus ipsius partem solverit, totum pignus Creditor vendere potest, *l. heredes, §. idem Juris, ff. famul. excusc. l. si necessarias, §. si unus, ff. de pignorat. act.* etiam si pro majori parte debitum solutum sit, *l. quamdiu, C. de distract. pign.* Ita quoque si Creditori plures heredes existant, & uni ex his pars ejus solvatur, adhuc ceteri heredes totum pignus vendere possunt, oblato tamen Debitori eo, quod coheredi eorum solvit, *l. solutum, §. si creditori, ff. de rit.* Et vera hæc sunt, non si de sorte tantum, sed. etsi de usuris duntaxat aliquid superfit solvendum, *l. 2. C. Debitor. vendit. pign. impedit. non posse, Faber de var. solut. qu. 7. num. 41.*

### QUESTIO UNICA.

De pena in Obligationibus Faciendi.

**E**st dictum supra de pena subdita Stipulationibus dandi Speciem vel Quantitatem. Agemus modo de pena adjecta Obligationi Faciendi, sive Factum dividuum sit, sive individuum. Quod unum supererat ad capiendam ea, quæ ex sententia M. Porcii Canonis disputantur a Paulo in *l. 4. §. Cato, ff. eod.* Nam cetera, quæ illic nullo ordine conservantur a Doctoribus, de Stipulationibus fieri fieri; Amplius non agi, de Rato, de Stipulationibus Pretoriis; de Jure Pontificio

circa Individua, & hujusmodi alia, ea a nobis suis in locis opportune disposita jam explicata sunt.

Itaque Obligationi Faciendi subdita pena sollet ob varias causas, ac proinde varie concipienda est. Nam si id agitur, ut fiat aliquid, ita concipitur Stipulatio penalit: *Si ita factum non erit, tunc pena nomine tot aureos daretur* E diverso si id agatur, ut ne fiat aliquid, ita concipitur: *Si adversus id factum erit, &c.* *l. cum quod, l. continuus, §. pen. ff. eod.* Summa est, ut in Stipulationibus Facti affirmativi, pena negative veniat: & in Stipulationibus Facti negativi, pena veniat affirmative; quia poenæ sunt de genere oppositorum in quantum ad principales obligationes, ut ait Jafon in *d. l. cum quod*. Nec in his Stipulationibus est necessæ poenæ nomen apponi & exprimi, ut male putat Jo: Andr. in *cap. bona fides, de depos.* satis est enim dicere: *Si adversus id factum erit tot dari? l. in executione, §. quod si stipulatus, ubi gl. ff. eod.* Alexander & Zalius in nostro §. Cato.

Hæc pena in Stipulationibus varia operatur. I. Enim ob poenam, ex die moræ, quando Stipulatio est duplex, prioris fit quasi novatio; quia ex posteriore Stipulatione tantum agi potest, non ex priorē: nisi scilicet Contrahentes novari voluerint, quo casu statim, non expectata mora, novatio fit. Ita concilianter leges, quæ videbantur sibi invicem adversari, *l. ita stipulatus, §. item si, ff. eod. l. obligationum, §. fin. ff. de action. & obligat. & l. si quis a socio, cum sequ. ff. pro socio, l. prædium, in fine, l. Lucius, ff. de aclemti, l. qui Romæ, §. Flavius, §. duo Fratres, ff. eod. l. apud Celsum, §. Labro, ff. de doli except. l. rescriptum, §. si pactis, ff. de pactis, cum multis similibus in toto Jure. Ita conciliat Cujacius in *d. l. ita stipulatus*, ubi etiam Zalius varias Antiquorum controversias & fluctus enarrat a num. 42. Duplex Stipulatio est, si ita concepta sit, *Pamphilum dare spondes? & si non dederis, centum dare spondes?* Ubi agitur, ut alterutrum præstetur, & post moram fit quasi novatio, quia Stipulatio Pamphili ea mora transfunditur in Stipulationem pecuniæ: non est vera novatio, quia in ea non mutatur debitum, sed causa debendi. Simplex Stipulatio est, quæ incipit a conditione, ut *Si Pamphilum non dederis, centum dare spondes?* ubi Pamphi-*

lus



lus non est in obligatione, sed in præstatione. Et hic nulla quasi novatio est. Vide in *d. l. stipulator, §. item si.*

II. Stipulatio facti alieni, & Stipulatio alteri facta, adjectione pœnæ ex inutili sit utilis, ut *Nisi Titius Romam inveniit, centum pœna nomine spondes? Nisi Cajo fundum dederis, centum mihi dabis?* Quibus casibus semper ex Stipulatione pœnali exigere id possum, quod pœnæ nomine promissum est, *§. alteri, §. versa vice, Instit. de inutil. stipul.*

III. Non apposita pœna, Creditor agere vel ad rem, seu factum, vel ad id quod interest, quod plerumque incertum est, & variis subjacet discussionibus, ut plerumque sit litem de lite ferere, *l. un. C. de sent. qua pro eo, quod interest, profer.* At ubi est subdita pœna, Creditor sit tutor, & relicto eo, quod interest, pœnam petet, quæ certam quantitatem continet, *§. non solum, Instit. de verb. obligat.*

IV. Pœna adjuncta Stipulationi dandi rem etiam dividuam, veluti quantitatem, aut speciem, ipsa individua est: quare pœnam committet etiam heres, qui suam partem solvit. Et ita deciditur in *l. §. ult. §. cod. ut latius supra cap. 1. qu. 2.*

Dubium tamen esse poterat, utrum in stipulationibus facienda pœna eodem modo individua sit. Et de hac re ex sententia Catonis cepit Paulus *lib. XII. ad Sabinum*, & de M. Porcio Catone intelligendus est, quem Jurisconsultum appellat Cornelius Nepos in *vita*. De Catone autem meminit Pomponius in *l. 2. ff. de orig. jur.* Is egregios de Juris disciplina libros reliquit, teste Gellio *13. Noct. Attic. 18. Commentarios Juris* nominat Festus in *v. Mundus*, ex quibus hæc accepisse Paulum, hic opinatur Cujacius. Ejus quoque est Regula, quæ dicitur Catoniana, & sententia illa, de qua meminit Justinianus in *§. ult. Instit. de adop.* Servos si a Domino adoptati sint, hoc ipso liberos intelligi. Sed jam Pauli verba recitemus.

*§. Cato lib. XV. scribit: Pœna certa pecunie promissa, si quid aliter factum sit, mortuo Promissore, si ex pluribus heredibus unus contra quam cautum sit, fecerit, aut ab omnibus heredibus pœnam committi pro portione hereditaria, aut ab uno pro portione sua. Ab omnibus, si id factum, de quo cautum est, individuum sit, veluti iter fieri; quia quod in partes dividi non potest, ab omnibus quo-*

*dammado factum videretur. At si de eo cautum sit, quod divisionem recipiat, veluti Amplius non agi; tunc cum heredem, qui adversus ea fecit, pro portione sua solum pœnam committere. Differentia hæc esse rationem, quia in priore casu omnes commisisse videntur, quod nisi in solidum peccari non poterit illam stipulationem, Per te non fieri, quo minus mihi ira agere liceat.*

*§. Sed videamus, ne non idem hic sit, sed magis idem, quod in illa stipulatione, Titium, heredemque ejus ratum habitum? Nam hac stipulatione, & solus tenebitur, qui non habuerit ratum, & solus agere, a quo fuerit petitur: Idque & Marcello videtur; quamvis ipse Dominus pro parte ratum habere non possit.*

Hæc Paulus, prout leguntur in Pandectis Florentinis, testibus Lælio Taurello hic, & Angelo Politiano *2. epist. ult. Dividitur textus in duas principales partes. In priori præter introductionem ad questionem sunt duæ propositiones Catonis, & ratio differentie. In posteriore est supplementum Pauli, qui orditur ibi, Sed videmus.*

#### Prior Pars.

Hanc diximus complecti duas Catonis propositiones una cum dictissimis ratione. Singula enarranda sunt.

#### I. CATONIS PROPOSITIO.

IN factis individuo, cui pœna certæ quantitatis subdita est, uno ex heredibus, contra quam cautum est, faciente, ab omnibus pœna committitur, non in solidum sed pro ea parte, pro qua quisque heres est. Concordant textus in *l. in executione, §. quod si, ff. cod. l. inter coheredes, §. quod ex facto, ff. sam. excise.* Exemplum Cato affert in stipulatione iter fieri, quæ non est stipulatio servitutis, quæ est jus, & in dando consistit; sed est stipulatio facti, id est, præstandæ patientiæ in servitute itineris jam constituti; nam iter fieri est res facti, *l. 1. in princip. ff. de his, qui decesser. vel offender. ibi: Qui deiciunt, ubi vulgo iter fiat, l. 1. §. Julianus, ff. de itin. Actaque priv. ibi: Si per vicinæ agrum iter fecerit.*

In nonnullis exemplaribus legitur, *veluti iter fieri, vel non fieri.* Non sunt tamen duæ exempla, sed unum; nam stipulatio iter fieri ita compendio dicitur; cum vero explicatur, ita habet, *Non fieri per te, quo minus mihi*

*ire liceat?* & patet ex nostro §. in fine. Paria ergo sunt Iter fieri, & Per te non fieri, & geminantur ut unum explicet alterum, ut recte hic Zalius notat.

Exemplum ergo ita se habet. Cum turbaret in servitute Itineris, quam per tuum fundum habeo, bis a te stipulatus sum: primo *Promissis, per te non fieri, quominus mihi per tuum fundum ire liceat?* deinde: *Si adversus id factum eris, tunc decem dari.* Quæ est stipulatio duplex, una principalis, altera poenalis. Vel una stipulatione ita: *Si per te non fiat, quominus mihi ire liceat, decem dare spondes?* Hic enim nihil interest, utro modo dictum sit. Defuncto Promissore, unus ex pluribus heredibus me ire prohibuit; quocirca ago non ad id, quod interest, sed ad poenam. At contra quem? Cato ait, posse me omnes heredes uno iudicio convenire, ut poenam solvant, licet unus prohibuerit: omnes autem convenientur, universi in solidum, singuli pro portione hereditaria.

Rationem, cur omnes convenientur, reddit Cato, quia stipulatio Iter fieri est indivisa; quare dum ab uno ex heredibus prohibeor, in solidum prohibeor, & ideo mea interest a nemine prohiberi. At rationem, cur singuli pro parte hereditaria teneantur, non reddit Cato. Ea tamen est, quia poenæ, quæ in quantitate consistunt, dividuæ sunt.

At cur heres, qui prohibuit, non convenitur ipse in solidum? Dicimus, quia stipulatio ista poenalis descendit in heredes a Defuncto, & est dividua: obligatio autem dividua ex lege XII. Tabularum scinditur ipso Jure inter heredes, l. post, C. de patris, l. heredes, §. an ea, ff. Jam. eris.

Tota ergo ratio primæ propositionis Catonianæ dependet ex quatuor. I. Quia res promissa est indivisa. II. Quia poenæ subiecta est dividua. III. Quia ex re individua oritur obligatio in solidum. IV. Quia obligatio rei dividuæ scinditur ex lege XII. Tabularum inter coheredes.

Et hic noster textus est singularis ad hoc, ut omnes heredes teneantur in solidum, singuli pro parte hereditaria: & ex eo declarantur multi Juris nostri loci, qui aliter verterentur in dubium, ut ait Zalius hic n. 26. ut est textus in d. l. heredes, §. in illa, ubi in stipulatione Iter fieri, uno herede prolevente, in solidum committitur stipulatio poenalis; id est, in solidum, in quantum ad

omnes unitim; pro parte hereditaria, in quantum ad singulos. In aliis legibus in eodem exemplo simpliciter dicitur, Unius facti omnes coheredes teneri, l. inter coheredes, §. quod ex facto, ff. cit. tit. l. in executione, §. quod si, l. Julianus in princ. ff. cod. Omnes ergo ex nostro §. dilucidantur: atque ita in similibus discurrendum est; eo enim solum casu quisque heredum teneretur in solidum, cum res est indivisa, ut jam dicemus: ut si obligarentur ad servitutum constituendam, d. l. heredes, §. an ea, l. 2. §. ex his, ff. cod. l. fideicommissa, §. pen. ff. de leg. 3. ibi: *Si in opere Circuatis faciendis aliquod reliquum sit, unumquemque heredum in solidum teneri*, id est, in solidum, in quantum ad opus; pro parte hereditaria, in quantum ad sumtus, ut ibidem explicatur.

Ceterum hic plura notanda sunt. I. Hæc intelligi ante iudicium familiæ eriscundæ; post enim divisam hereditatem si prohibeat is, cui fundus serviens adjudicatus est, ipse solum pro solido ad poenam teoetur, l. conimus, §. ult. ff. cod.

II. Si prohibitio facta sit ante iudicium familiæ eriscundæ, ita ut omnes heredes conventi sint, & singuli pro portione hereditaria poenam solverint; instituto deinde eo iudicio quisque repetet a coherede, qui prohibuit, id quod solvit, d. l. heredes, §. idem juris, d. l. in executione, §. item si ita.

Quæres, quidnam statuendum sit, si facti individui apponatur poena non certæ pecuniæ, ut Cato ponit, sed rei etiam individui, ut *Fossam duces? Romam ibis?*

Et dicimus, pariter ob culpam unius heredis omnes teneri; quia adhuc verum est, id quod est individuum, factum ab uno heredum, ab omnibus quodammodo factum videri. Discrepat tamen hic casus a superiore in hoc, quod hic quisque heredum convenietur non pro ea parte, pro qua heres est, sed pro solido; cum enim poena sit rei individui, non intelligitur ex lege XII. Tabularum divisam inter coheredes. Ita Zalius hic n. 28. Id tamen verum est, cum agitur ad rem individuum præcise; nam si agatur ad estimationem ad id, quod interest, jam poena ex individua dicitur evasisse dividuam, ex l. stipulationes non dividuntur in princ. ff. Ad in lege Falcidia, ff. ad legem Falcidiam; et propterea ex prima Catonis propositione quisque heredum pro portione hereditaria

COR.

convenietur: quamquam Zalius hoc etiam casu quemque in solidum teneri affirmet, parum sibi consensiens, ut constabit ex his, quae in Propositione II. ex eodem Zalio asseremus.

Multa tamen sunt, quae adversus primam hanc Gatonis propositionem opponuntur ex variis Juris nostris locis, in quibus resolvendis tota fere versatur Bartoli expositio, & recitatio hic facta.

I. Ex Ulpiano in *l. de pupillo*, §. *si plurimum res*, ff. *de oper. novi nunciat.* ubi si unus ex Dominis ejusdem rei aedificaverit post operis novi nunciationem, alii qui non aedificaverint, non tenentur: *neque enim debet nocere factum alterius ei, qui nihil fecit*, ut sunt Ulpiani verba; id est, impense in aedificium excitandum factae, & impense in idem Jusu Praetoris restituendum (Restituere in hoc Edicto est Destruere) erogata, in iudicio communi dividendo ab aliis Dominis & Sociis pro rata parte non reficiuntur, sed eas solus apie subit. Ex tamen novi operis nunciatio individua est, ut in nostra *l. 4. §. ult.*

Verum dicimus, hic duo distinguenda esse, nunciationem operis novi, & iudicium communi dividendo. Cum agitur de opere novo destruendo, id ad nunciationem novi operis pertinet: at cum agitur de expensis pro parte reficiendis ei, qui post denunciationem aedificavit, id ad iudicium communi dividendo spectat, in quo habetur ratio expensarum, ut rei dividat, & utrum iuste factae sint, inquiritur. Haec exemplo heredum clariora sunt; nam si unus heredum prohibuit iter fieri, omnes tenentur, at cum deinde iudicium familiae eriscundae instituitur, tunc heredes, qui non deliquerunt, repetunt a delinquente id, quod ipsius culpa solutum est, *d. l. heredes*, §. *idem Juris*. Sicut ergo hic heredes, qui solvunt, repetunt a delinquente, ita in *d. §. si plurimum res* Socii, qui non solvunt, nihil reficiant delinquenti, qui solvit.

Neque nos moveat, non debere nocere factum alterius ei, qui nihil fecit, ut Ulpianus dicebat, & habetur in *l. sancimus C. de penis*; nam effectu inspecto, negamus heredes innocentes plecti, utpote quibus in iudicio familiae eriscundae a delinquente omne damnum reficitur; est interim lex, ut consulat indemnitati creditoris, cogat omnes heredes ad poenam ei solvendam.

II. Ex *l. fideicommissa*, §. *pen. ff. de leg. 2.*

Species est: reliquit testator certam pecuniae summam, ut in opere Civitatis faciendo impenderetur ab heredibus, quos plures habuit; quia opus est individuum, quilibet heredum teneretur in solidum. Accidit, ut reliquis heredibus cessantibus, unus ex ipsis opus fecerit. Dicitur, eum qui fecit, recte fecisse, & non teneri ob cessationem aliorum: imo eum impunitum in iudicio familiae eriscundae summam coheredibus pro parte ipsorum. Ex subditur, id ipsum esse in ceteris, quae divisionem non recipiunt.

Pro responsione plura notanda sunt. I. Hic nullam a testatore in gratiam Civitatis fuisse subditam poenam. II. Factum fuisse affirmativum. III. Fuisse in manu unius ex heredibus totum opus facere, ex testamento D. Marci, & Lucii Veri, qui tempus praestiterunt heredibus ad opus faciendum, quo transacto, concesserunt uni ex ipsis, qui id petebat, ut solus faceret. Hinc ergo qui solus fecit, ad nihil tenetur, quia permissu Principum totum opus confecit; & qui non fecerunt, non coguntur nisi partem sumtum contribuere, cum nulla poena fuerit apposta. Tota ergo difficultas fuit, an unus tantum heres posset opus facere, cum aulusquisque in solidum teneretur, & permissu Principum dictum est posse: qui permissus hodie amplius non est hominis, sed est legis, hoc est, quilibet heres ipso jure posset opus inunctum conficere. Unde recte Angelus in *l. 2. §. ex his*, ff. *eod.* voluit, ex pluribus locis ejus fundi, qui servitutem promiserunt, posse unum servitutem constituere, si in manu ejus fundus sit. Quod etiam comprobat Zalius hic *num. 33.*

Quod si testator poenam legato operis subdidisset, puto Civitatem poenam ab omnibus exigere potuisse, etiam ab eo, qui opus confecit; nam in poena non inquiritur an interstit, sed an poena commissa sit, *d. l. 2. §. contra*. Et propterea in hoc etiam casu regula nostri Catonis firma manet: nisi dicamus, heredem, qui opus fecit, tueri rescripto Principis, quod impetravit: fecit enim legitime, quamvis Ludovicus Romanus, & Zalius hic *num. 40.* velint, etiam heredes, qui in mora sunt, poenam evitare.

III. Ex *l. in depositi*, cum seq. ff. *depos.* ubi si unus ex heredibus dolum in re deposita admittit, solus tenetur. Similia habentur in *l. 1. §. si duo*, & in *l. si duo*, ff. *act. tit. in l. sius certo*, §. *si duobus*, & in *l. in*

2. in commodato, §. 1. ff. commodati.

Facillime responderetur, in his agi de obligatione restituendi rem, quæ prout in indivisus est individua, ita in his, quæ divisionem recipiunt, dividua est; & in citatis iuribus de dividuis agitur, ut facile consideranti patet, & diximus supra in *Rem restitui*.

## II. CATONIS PROPOSITIO.

**I**N facto dividuo, cui poena certæ pecuniæ subiecta est, is solus heres, qui contra fecerit, pro parte tantum sua poenam committit, ita ut ab eo solum poena pro parte hereditaria exigi possit, non etiam a coheredibus. Exemplum Cato proponit in stipulatione amplius non agi, cui scilicet poenam decem subiecta sit; tuac enim uno ex heredibus promissoris agente, ipse solum convenitur ad poenam solvendam, non in solidum. Sed pro ea parte, qua heres est. Ratio est; quia unus ille heres, qui agit, nequit a me petere totam rem, cum agatur de obligatione dividua. Petet ergo solum quadrantem, si pro quadrante heres est. Nocet ergo mihi pro parte, proinde pro ea quaque parte poenam committet.

Quæres quid dicendum sit, si in facto dividuo poena sit indivisua, id est, non consistat in quantitate, sed dictum sit. *Si adversus id factum sit, constitues iter.*

Varia Doctorum opinio est. Verius est. Stipulationem principalem manere dividuam. non obstante stipulatione poenali individua. heredem vero, qui fecit contra id, quod cautum fuit, teneri ad solidam poenam; cum enim poena sit individua, utique pars poenæ peti non potest. Verum quia solus servitutum in re communis præstare non potest, *l. unus ex sociis, ff. de servit. rustic. præd.* proinde decurri ad æstimationem, quanti mea interest servitutem itineris non constitui; ob quam æstimationem jam poena attenditur, ut dividua, *l. in lege Falcidia, ff. a legem Falcidiam*, ubi si ex servitute legata deducenda sit lex Falcidia, ex æstimatione ejus quarta deducitur. Ex quibus fieri heredem, quærit, non teneri; nisi ad poenam pro parte hereditaria, coheredibus nihil solventibus. Itaque isto etiam casu, attento effectu, firma Catonis propositio manet. Ita post Petr. de Bellap. docet Zasius hic n. 30. Quod si dictum sit in poenam, *Romam ibis? Statuam facta?* universa poena solvenda est.

Vehementer tamen obstat contra secundam Catonis propositionem; quia si promissi certam pecuniam, vel certum fundum, & si solveretur, certam quantitatis poenam, & unus ex heredibus meis partem solvat, alter non, poena in solidum contra ambos committitur, *l. 2. §. si sortem, l. in executione, §. item si, ff. cod. l. heredes, §. idem juris, ff. sum. enclis.* & diximus supra cap. 1. qu. 2.

Varie responsum est. Et quidem Chesiuss lib. 2. interpr. jur. cap. 50. post Alciatum, alioque, ait distinguendum esse inter stipulationem poenalem puram, & conditionalem; nam in recitatis modo legibus conditionalis fuit, ut ex illis verbis; *d. §. si sortem patet: Si ea solvatur; & in d. §. item si, ex illis: Si fundus Titianus non detur.* At in nostro §. Cato stipulatio poenalis pura fuit. Merito ergo hæc dividua est, illa individua, quia conditio etiam rei dividuæ adjecta, actum reddit individuum.

Hæc conciliatio multis ex capitibus rejicitur. I. Quia in jure nostro expresse habemus; poenam semper sub conditione concipi, idest, in factis negativis ita: *Si adversus ea factum erit; in affirmativis ita: Si ita factum non erit, l. continuus, §. pro. l. cum quod, ff. cod. §. non solum, insit. hoc tit.*

II. Si ponamus poenam ita concipi; *Promittitur Stichum sub poena decem*, hæc stipulationi tacita etiam conditio inest; sensus quippe est; *Si Stichum non dabis, promittis poenam decem;* nam omnis stipulatio poenalis, conditionalis est, quibuscunque verbis concipitur, *l. si duobus, ff. de condit. & demonstr. l. stipulatio ista, §. alteri, in fine, ubi Cuiacius, ff. cod. Zasius hic num. 27.* Unde Alciatus in d. l. 2. §. si sortem docuit, stipulationem usurarum, tanquam poenalem, intelligi sub conditione conceptam, si scilicet fors soluta non fuerit, quamvis dictum sit: *Promittis tot. in singulis annor. pro usuris?* Et hoc casu nullum est discrimen inter conditionem expresse, & tacitam, scilicet, si illa facit actum individuum; ergo etiam ista, ut idem Alciatus ibidem contendit.

III. Omnem dubitationem tollit Cato ipse, qui expresse ait, stipulationem poenalem fuisse conditionalem: quippe hæc habet: *Pana certe pecunia promissa, si quid aliter factum sit.* IV. Quia hæc de conditione opinio, quod reddit actum individuum, falsa est, ut jam diximus, & patet ex hoc ipso §. Cato. Alii alio confugiant. Vera esse videtur distinctio.

distinctio Joannis apud Accursium hic, quam Doctores communiter sequuntur. Nempe separandas esse stipulationes faciendi a stipulationibus dandi. Itaque in stipulatione faciendi vel non faciendi, super facto dividuo, si poena quantitatis subdita sit, solus heres, qui contra cautionem facit, tenetur ad poenam pro ea parte, pro qua heres est, & de hac sermo est in nostro §. *Cato*. Secus est in stipulatione dandi rem dividuam, adjecta quantitatis poena; quippe uno ex heredibus non dande, omnes in solidum poenam committunt; & de hac stipulatione dandi apertum habetur in d. l. 5. §. *si fortem* cum aliis concordantibus jam citatis.

Ceterum quamvis hæc distinctio communiter recepta sit, tamen de ratione distinctionis & discriminis non una sententia est. Joannes cum reddit, quia facilis est dare, quam facere facilius potest alter pro alio dare, quam facere; id tamen rejicit Alexander de Imola, quia licet id in quantitate verum sit; saltem tamen est in specie, veluti in fundo, etenim coheres partem fundi, quæ ad coheredem pertinet, dare non potest, licet partem suam possit. Quare ratio Joannis utilis non est, quiquid contra molietur Zasius hic num. 75. & seq.

Rectius Cujacius hic rationem distinctionis in eo ponit, quod in stipulatione dandi stipulatoris interest sibi non solvi per partes, quia solutio partium non minima incommoda habet, l. 3. ff. *fam. erisc.* At in stipulatione faciendi nihil interest, nisi pro parte, cum pro parte factum vel non factum est. Exempli gratia, unus ex heredibus agit, non mea interest, nisi pro ea parte, pro qua ipse heres est, ut in exemplo hujus propositionis exposuimus; merito pro parte tantum poena committitur. Sequitur Fachin. 10. cons. 63. Addit Valentia. trakt. 4. cap. 6. nu. 20. factum dividuum pro pluribus factis haberi; nam recipit divisionem, non quia unicum factum dividi possibile sit, sed quia plura facta censentur. Utraque ratio desumpta est ex l. si procreator, §. 6. ff. *rem rati* haberi.

*Differentia ratio inter utramque Propositionem.*

**H**anc reddit Cato ipse, sed mutilatam, & ex duabus partibus, quas deberet habere, unam tantum apponit; ait enim in stipulatione iter fieri, quæ est individua,

ideo uno herede prohibente, omnes ad eam teneri, quia cum non nisi in solidum præstari possit, ideo quod unus commisit, omnes commississe videntur. Quod ipse etiam Cato jam supra in prima propositione dixerat, & nunc repetit. De altera stipulatione. Amplius non agi, quæ est dividua, nihil habet; opus enim est, satis intelligi rationem facti dividui ex ratione facti individui; quippe cognito uno ex contrariis, facile est & alterum cognoscere, §. *sed videamus*, instit. de iis, qui sui, vel alieni iuria sunt.

Tria hic notata digna occurrunt. I. Verba illa Catonis, quod nisi in solidum peccari non poterit illam stipulationem, a recto linguae latine usu abhorreere videri. Quare aliter atque aliter ea pro arbitrio corrigitur Accursius, Corasius, Faber. Alterutrum est recipiendum, aut cum Latio Taurello in enarrat. nescii §. legi debere cum parenthesi & scilicet, ita: in prior casu omnes commississe videntur (quod nisi in solidum peccari non poterit) illam stipulationem, per te non fieri, &c. ita ut illam stipulationem referatur ad commississe. Est potius cum Cujacio existimandum est a Catone dici, peccari stipulationem, pro in stipulationem, vel secundum stipulationem, ut cum dicimus, & alia id genus. Et erit locutio a Grecis accepta. Et licet Faber 3. conjecit. 7. Prisciani Maxe advocet, non est tamen a ratione alienum.

II. Eam stipulationem, quam Cato supra appellaret iter fieri, hic planius exponit: Per te non fieri, quo minus mihi ire agere liceat. ut propterea longe aberrant a vero Alciatus, alique, qui Catonem de pluribus diversisque stipulationibus locutum existimant, ut recte a Zasio animadversum est.

III. In aliquibus libris hæc ultima verba planius legi, adjecta heredis mentione, ita: Per te non fieri, neque per heredem tuum, &c. ut etiam exprimitur in l. 2. §. si in jatio, l. in executione, §. quod si stipulatus, ff. eod. l. heredes, §. in illa, ff. *fam. erisc.* Aliquando vero heredis mentio non habetur, l. stipulatus, ff. eod. Et communis Doctorum consensus est, hæc nihil inter se differre, quin stipulatio per te non fieri obligat etiam heredem promissoris, tanquam si heredis mentio injecta esset, l. stipulatio ista in primis, ff. eod. inde est, quod Cato in nostro §. in primis satis existimavit, eam stipulationem genera-

tim proponere, *Iter fieri*, vel *Non fieri*; quia nempe nihil interest, utrum deinde addatur, *per te*, an potius, *per se*, *heredemque tuum*; semper enim eadem Catois ratio locum habet.

Ex quibus manifeste rejicitur commentum Antonii Fabri *loc. cit.* dum inquit, in stipulatione, *Per te heredemque tuum*, uno ex heredibus peccante, omnes peccasse intelligi, tam in quantum ad rem ipsam individuum, quam in quantum ad poenam: at in illa *Per te*, omnes peccare in quantum ad id, quod interest, non in quantum ad poenam. Quae doctrina est contra nostrum textum, ubi in fine in Pandectis Florentinis legitur simpliciter, *Per te non fieri, quo minus*, ut etiam legit Faber ipse; & nihilominus Cato aut, uno ex heredibus peccante, omnes poenam committere.

*Supplementum, seu Nota Pauli.*

**H**abetur hæc in §. *sed videamus*, in quo exponendo mire variatum est a Doctores. ob illa verba: *Sed videamus, ne non idem hic sit, sed magis idem, quod in illa stipulatione, Titium heredemque ejus, ratum habiturum*. Difficultas oritur ex articulo *Hic*, cuiusnam referatur. Taurellus refert ad stipulationem doli mali, de qua in initio nostræ l. 4. ita ut hic corrigatur, quod ibi dictum est, stipulationem doli mali esse individuum, de qua re infra in *Controversiis*, Faber cum nonnullis Antiquis, ad stipulationem *Iter fieri*. Accurlius ad stipulationem *Amplius non agi*; quod verum est.

Et ita sensus est planissimus. Dixerat enim Cato causam, unde sit, quod in stipulatione *Iter fieri* uno herede peccante, omnes poenam solent; non dixerat, cur contrarium sit in stipulatione *Amplius non agi*. Propterea Paulus ait: *Videamus ne non idem hic sit*; nempe an quod Cato de stipulatione *Iter fieri* dicit, an inquam id ipsum locum habeat in altera stipulatione modo proposita, *Amplius non agi*. Et sibi respondet, negando: *Sed magis idem, quod in illa stipulatione, Titium, heredemque ejus ratum habiturum*. Sensus est: In stipulatione *Amplius non agi*, magis, idest, potius idem est, quod observatur in stipulatione *Rati*. Ubi Paulus per particulam *Magis*, quæ interpretanda est *Potius*, duo dicit, unum tacite, alterum expresse. Tacite, in stipulatione *Amplius*

non agi non esse idem, quod in stipulatione *Iter fieri*. Expresse, idem esse, quod in stipulatione *Rati*.

Ex quibus, quod ad verba attinet, plura colliguntur. I. Notam interrogationis non esse apponendam in fine periodi, seu post *Habaturum*, ut vulgo fit, sed adscribi debere post prima illa verba: *Sed videamus, ne non idem hic sit?* In his enim Paulus interrogat: tum respondet, dicendos *Sed magis idem*, scilicet, *est*.

II. Perverse post totam prædictam periodum adjecta esse verba illa: *Et Paulus respondit, idem esse*, quæ est protestatio post factum; nam jam responderat, nunc dicit se respondere: quod est ridiculum; quare recte a Pandectis Florentinis abjunct. Eo magis, quod in libris Commentariorum, ut sunt Pauli ad *Sabinum*, non convenit clausula illa, *Respondi*, vel *Respondit*, quæ propria est in Responsis, vel Questionibus.

Comparat ergo Paulus has stipulationes non peti, & Rem ratam haberi. Et merito; nam qui ratum habet, amplius petere nequit; & qui promittit, amplius non petere, utique ratum & habet. Quare in formula *Amplius non petendi*, inest clausula de *Rato*, l. *procurator* 23. ff. *rem rat. hab.* Et id in causa est, cur sub *iii. ff. rem rat. hab.* agatur etiam de stipulatione *Amplius non peti*, vel non agi, l. *si quis uni, cum l. sequ. illo tit.*

Hanc stipulationem *Rati* prosequitur deinde Paulus, statuitque eam per omnia esse dividuam, tam in quantum ad heredes Promissoris, quam respectu heredum Stipulatoris, et si poenam adjectam habeat. Quocirca ille solus ex heredibus Promissoris teneatur, qui ratum non habuit; & ille solus ex heredibus Stipulatoris agat, a quo petitum est. Unde colligere licet, id ipsum esse de stipulatione *Amplius non peti*, nempe solum eum heredem obligari, qui petiit, & solum agere ad poenam eum, a quo petitum est, ut ex Marcello hic Paulus tradit.

Neque obstat, quod poena individua sit etiam in heredibus, l. *heredes*, §. *idem Juris*, ff. *fam. excise*. Nam id intelligitur de poena in Dando, non in Faciendo, ut jam Paulo ante diximus.

Hæc in heredibus vera sunt, non in ipso Promissore, qui si pro parte ratum non habeat, quod le ratum habiturum spondit, totam poenam committet, ut in nostro §.

*sed*

*sed videamus.* Neque id in jure novum est; nam legatarius partem legati agnoscere non potest, partem repudiare: at heredum ejus unus partem suam agnoscere potest, alter repudiare, l. *legatarius, in princ. ff. de leg. 2.* Ita quoque heredes debitoris possunt pecuniam solvere per partes, debitor ipse non potest, l. *tutor, §. Lucius, ff. de usuris*, & latius dictum est supra. Et ita in similibus discurrere opus est: licet enim heredes Depositarii quantitatem depositam solvere particulatim possint; id tamen denegatur ipsi Depositario, qui ut totum semel accepit, ita totum semel restituere debet, ut jam antea monuimus.

Ceterum si non ipse Dominus, sed ipsius Procurator, Dominum rem ratam habiturum promiserit, licitum fit Domino pro parte ratum habere, ut cui licitum etiam hoc casu est, nihil ratum habere, l. *cum Debitore, lsi Procurator t8. ff. rem rat. hab.* Cujacius in l. 2. ff. *cod. Valentia d. cap. 6. num. 24.*

Et de his haec tenus. Illud proximum est, ut circa nostrum §. *Cato* nonnullas controversias breviter explanemus.

*Controversia circa Regulam Individui a Catone traditam.*

**Q**uestio est, an stipulationes Praetoriae omnes dividuae sint, ita ut in nulla ipsarum regula individui locum habeat. Et quidem Bartolus hic existimat, in Praetoriis stipulationibus, quoniam in eis aequitas praesertim attenditur, etiamsi de rebus individuis sint, praenam non nisi adversus eum, qui contra fecerit, pro rata portione committi, ne qui innocens est, delinquentis praenam luat. Sequitur Zalius hic n. 71. post alios Fachiu. 10. *controv. 58.*

Hujus sententiae argumentum desumitur ex l. *penales, §. Julianus, ff. ad legem Falcidiam*, ubi omnes Praetoriae stipulationes ejusdem interpretationis esse dicuntur, id est, dividuae, ut sunt satisfatio legatarii de restituendo legato, aut partem ejus, apparuerit plus ei legatum, quam per legem Falcidiam licuerit, & cautio judicatum solvi: quae sunt exempla ibi a Juliano adducta.

Verius tamen est, stipulationes Praetorias in duplici genere esse, alias dividuas, individas alias, prout scilicet res est, de qua agitur, Alciatus in *scbol. ad d. §. Cato, num. 25. & seqn.* Cujacius in l. 2. ff. *cod. & alii multi*, quos sequitur Merenda 3. *contr. t8. & seqn.*

*Tom. I.*

Et hujus rei probatio apertissima est in l. 2. ff. *de Praetor. stipul.* ubi Paulus Praetorias stipulationes partitur in eas, quae rei restitutionem, seu in pristinum statum restitutionem continent, & in eas, quae incertam quantitatem amplectuntur, idest, in quibus inest clausula, *Quanti ea res est, tantam pecuniam dari.* Ex subdit, stipulationem rem restitui, seu opus demoliri in novi operis nunciatione esse individuum. Cujus rei rationem Paulus asseri, in haec verba: *Quamdiu enim aliquid superest, tamdiu non potest videri opus restitutum.* Stipulationem vero, quae incertam quantitatem continet, ait esse dividuam, & sciendi in personas heredum, ut stipulationem judicatum solvi, rem ratam Dominum habiturum, damni infecti, & his similes: hoc enim facere verba stipulationis, *Quanti ea res est.*

Quod attinet ad textum in d. l. *penales §. Julianus*, recte docet Alciatus ibi a Juliano non agi de dividuis, quae tractatio proprie locum habet in obligatione coepta a Defuncto, & ab eo in heredes transfusa, ut saepe dictum est; sed simpliciter ostendi, in stipulationibus Praetoriis cautionem uni heredi praestitam, alteri non prodesse, quamvis causa communis sit, quoties scilicet heres ut principalis attenditur. Id exempla Jurisconsulti palam ostendunt. Si legatarii uni ex heredibus praestanti solida legata, caverint ob legem Falcidiam, cautio haec alteri heredi non prodest. Ita etiam, si uni ex heredibus praestetur cautio judicatum solvi, haec coheredibus in eadem lite non juvat. Ita etiam explicant Aretinus, & Jalon hic: imo Veteres omnes ante Bartolum.

Nec quidquam nos moveat ratio ab aequitate Praetoria, quam ingerit Bartolus; nam regula Catonis aequitati non repugnat. Quamvis enim in re individua alter pro altero teneatur, tamen innocenti consultor judicio familiariter excusandae: quocirca nullus amplius locus Praetori relinquitur, qui tunc aequitatem suam interponit, cum nullum de jure civili remedium proutum est, ut patet in Pauliana, Publiciana, ceterisque Praetoriis actionibus.

Zalius Taurellus voluit, stipulationem Praetoriam de dolo esse dividuam, ita ut initium l. 4. ff. *cod. ubi individua* ex Sabino, proponitur, contendat corrigi a Paulo in §. *sed videamus* ejusdem legis. Id probat ex

*T*

*60.*

eo, quod Cautio de dolo est ad quanti ca-  
res est, *l. stipulatio ista, § si quis dolum, ff. cod.* Et  
cautiones quanti cares est, omnes sunt dividuæ,  
*l. 2. § incertam, ff. de Prator. stipulat.* Ergo etiam  
Cautio de dolo.

Distinguiamus assumptionem. Nempe stipulationes praeiorae ad quanti ea res, insertae dividu-  
 tur; & de his agit in d. §. incertum  
 non etiam aliae, aut conventionales, aut  
 iudiciales; nam stipulatio de dolo Judicis  
 officio interponitur, l. stipulationes, §. Ju-  
 diciales, ff. eod. Proinde licet ad quanti-  
 tatem incertam, potest esse individua. Quod  
 aperiissime ostenditur ex l. ex clausula, ff.  
 judic. solvi, ubi in causione judicatum solvi,  
 ex clausula doli mali ob rem non defensam,  
 in solidum committitur stipulatio.

II. Quæstio est, an de Jure Pontificio in rebus individuus pœna committitur in totum, an pro parte. Et pro parte tantum committi, præstat Bartolus, quem Alexander, Zafius, & alii sequuntur. Id ipsum volunt communiter Canonistæ in *cap. suam, de penis*. A qua sententia recedendum non esse, ait Genual. in *Præclib. Ecclæs. quæst. 68. & seq.* Et moventur ex *d. cap. suam*.

Quod tamen nihil facit ad rem; nam I. Ibi sermo non est de hereditibus, in quibus proprie attenditur dividua, sed de ipsiis rebus, qui sententia Arbitri pro parte paruerunt, & tamen poenam non committunt: quare hæc restrictio non pertinet ad nostrum §. *Cato*, sed ad l. 5. §. *fin. ff. cod. II.* Quia ibi vetat Summus Pontifex ulla ex parte poenam exigi: quare plus probat, quam volunt Doctores; ideoque nihil probat. III. Quia ibi specialis casus est, cum nempe Episcopus est, qui poenam petit, qui indecens est, ut lucro inhiat, ut ibi Summus Pontifex ait: quocirca non est ille texus ad alios casus extendendus.

Siet ergo, Jus Pontificium hic a Jure Romano non discordare; quoties enim Jus Civile non est expresse ab aliquo Canone correctum, toties illi in utroque foro standum est, *cap. movit., de judic. cap. 1. & ult. de nov. oper. nunciat.* Non enim Canonες dedignantur Jura sequi. Quam regulam Græci etiam Canonistæ tradunt. Theodoros Balsamo in *Nemocan. Photii* tit. i. *cap. 28. in fine* ὅσα μὲν γὰρ αἵ τοι οἱ κανόνες ἀποκρίονται, ἐπὶ καθόλου τῶν νόμων ἐπακολουθεῖται καὶ τῶν ἀπομνημονευμένων καὶ δημοίων. Ubi enim Canonēs nihil determināt, sequi

*debemus Leges, vel similia ex similibus decidere.* Jam Civile sive in regula de Individuis nulloquam est a Jure Pontificio correctum; cur ergo stare prohibetur? imo in *cap. dilectis de arbitri.* & in *cap. confinitus de penis*, expresse commissio poenae conventionalis admittitur & probatur. Vulgo tamen in foro poena conventionalis non exigitur, nisi concurrat cum eo, quod interest; Aithici. *dec. 135.* ubi Urfillus, Faber in *Cod. def. 9. § 14. hoc tit.* Leotardus de *Ufuris qu. 38. num. 8.*

C A P U T IV.

*De Dividuis petitione, Individuis solutione.*

**H**ujus conditionis sunt, quæ a pluribus Creditoris heredibus petuntur pro parte, at nequeunt a debitore solvi, nisi pro solido: & Creditor contra plures debitores heredes non agit, nisi pro parte, sed liberatio non contingit nisi solido soluto. Ita est de obligatione generis, & de obligatione alternæ. Itaque sit,

### *De Genre.*

**G**enus in Jure nostrō est, quod plura corpora generali quadam ratione complectitur, veluti Homo est genus singulorum hominū; & dicitur incertus homo in *l. cum incertus*, ff. de leg. x. *l. Julianus*, ff. qui et a quibus: ita etiam equus, vas, & h: similia. Generis stipulatio duobus modis fit, vel *promittit hominē* vel *duos homines*? Utroque casu genus est, & divisio fit non in partes, sed in numerum: nam si quos duos homines stipularis est, decedens duos heredes æquis partibus relinquit, singuli homines singulis ejus heredibus debeat, *l. in stipulationibus*, in princ. ff. ead.

Non ita est, si decedent, qui stipulatus est duas species, veluti Stichum, & Pamphilum; nam non alteri heredum Stichus, alteri Pamphilus praestabitur (quæ esset divisio in numerum) sed utrique heredum dimidia pars Stichi, dimidia Pamphilo debetur, cum species quæque dividatur in partes pro indiviso, d. l. in stipulationibus, ubi Cujacius.

Obijcies ex l. cum Stichus, ff. de solut. ubi si communi duorum servo homines decem (quod est genus) promissi sint, Ulpianus ait, ita dividi, ut dimidius singulorum partes debeantur, tanquam si communi servo Stichus, & Pamphilus promissi essent.

Difficultate pressa Cujacius, Donellus, Char-



roadas, varie textum emendant. Alii varie explicant, de quibus vide Valentiam *trakt. 4. cap. 3. a n. 39. ad 53.* Breviter tamen dicendum est, Ulpianum capi oportere de eo casu, quo inter contrahentes id actum est, ut nomine *Decem* corpora comprehenderent, non numerum. Id demonstrat ipse Ulpianus, cum ait: *Nam ambigua vox est decem homines, quemadmodum decem denarii: atque utriusque rei dimidium duobus modis intelligi potest.* Dicit, *decem homines* esse vocem ambiguum, quia & corpora signant, & numerum. Si ergo denotat corpora, divisio fiet in partes; si numerum, fiet in numerum divisio. Propterea subdit, dimidium hic duobus modis posse intelligi. In dubio tamen semper divisio instituenda est in numerum, ut tandem ibidem Ulpianus concludit: quidquid repugnet Donellus in *d. l. in stipulationibus, n. 23.*

At si dicatur, *Promissi decem servus, qui ruri sunt; centum nummos, quos in arca habeo, tunc non genus, sed species promissa dicitur, l. sed si certos, ff. de leg. 1.*

Ex his fit, Genus natura sua dividuum esse, in numerum scilicet, sed nisi solida numero species præstetur, stipulationi satis non fit, & parte soluta volenti, pro parte non contingit liberatio. Exempli gratia, promisi tibi hominem, & Stichi partem solvi, constituendo te dominum pro indiviso una mecum, nihil est, quia debitor sum numeri, & non partis, & adhuc ipse possum a te conveniri, ut integrum hominem præstem, *l. 2. §. & harum, ff. cod.*

Partes vero Stichi soluta repeti a me potest conditione indebiti. Petit Cujacius in *d. §. & harum*, utrum statim, an alio die cum homine soluto. Et respondet: *Verius est in pendenti esse conditionem.* Idem ait Bartolus. Quod contrarium esse videtur dicto §. *& harum.* cuius verba sunt: *Sed aut statim repeti potest, aut in pendenti est, donec alius detur.* Hoc tamen verba ita capiendi sunt, ut prior pars sententiae Pauli, *Aut statim repeti potest*, corrigatur per posteriorem, *Aut in pendenti est.* Quod interdum Jurisconsulti faciunt, ut patet ex *l. Debitori, alias si Debitori, ff. de Fidejuss.* Ceterum verba Pauli ita capienda esse, constat ex *l. si non solum, §. si decem, ubi Faber, ff. de condit. indeb.*

Itaque homine generaliter promisso, aut legato; omnes species sunt in electione,

quia sub genere quælibet species est; ita tamen, ut necesse habeat unum hominem dare ex solido: nam si dederit Stichum, jam est in totum liberatus, & perinde est, ac si Stichus a principio fuisset promissus aut legatus; quia solutione speciei extinguitur obligatio generis, *l. cum incertus, ff. de leg. 1. l. 13. §. si is, ff. de acceptilatis.*

Cum vero pro solutione generis datur Stichus, promissor, aut heres, eum furtis & noxius solutum esse promittere debet: quia ita dare debet, ut eum habere liceat; quamvis e diverso cavere non debet sanum esse, quia sanitas servi ad proprietatem ejus nihil pertinet. Aliud est, cum certus homo legatus, aut promissus est; quia talis dari debet, qualis est, *l. si a substituto, §. 1. ff. de leg. 1.*

Quæres, cur partem Stichi solvendo, non liberor in parte. Respondet Paulus in *l. in executione, §. pro parte, ff. cod.* Nempe quia si parte Stichi præstita, liberatio fieret pro parte, liceret mihi deinde partem Erotis pro alia parte solvere, & in totum liberari: atque ita in diversis hominibus partium solutio fiet; & in una obligatione varia solutio contingeret, quod est absurdum. Vel etiam quia qui debet genus, non est debitor partis, sed numeri, ut diximus.

Hæc quæ diximus in promissore, eadem locum habent in heredibus promissoris, *d. l. 2. §. ex his, in princ. ff. cod.* Quamvis enim obligatio generis sit dividua in numerum, & inde inter heredes promissoris ex lege XII. Tabularum dividatur, ita ut quique heres pro parte tantum obligatus sit, & stipulator nequeat a quoque ipsorum nisi partem petere; tamen si in specie nostra unus ex heredibus partem Stichi solvat, alter partem Erotis, nemo liberatur; & ut liberatio contingat, necesse est, ut ejusdem hominis partes conferant, & fiat solutio solidi. Et ita ex persona heredum conditio obligationis non immutatur, ut habetur in *dict. l. 2. §. ex his.*

Sunt tamen casus, in quibus promissor generis, vel ejus heredes solvendo partem hominis liberantur. Hi proponuntur in *d. l. 2. §. si tamen*, qui obscure satis loquitur, ut in eo interpretando vate opus sit, ut ibidem Zafius ait, Verba Pauli sunt: *Si tamen hominem stipulatus, cum uno ex heredibus promissoris cetero, pars duntaxat ceterorum obligationis supererit, ut & solvi potest. Idemque est, et si*

unū ex heredibus accepto latum sit. Idemque est in ipso Promissore, & Fidejussoribus ejus, quod diximus in heredibus.

Quod attinet ad primam partem, Bartolus opinatus est, agi de eo, qui contra unum ex heredibus Promissoris in iudicio agit, petens partem haminis, & tamen causa cecidit: quo casu pro parte heredis, qui absolutus est, liberatio contingit; ac reliquorum heredum partes remaneant in obligatione. Bartolum sequuntur ibidem Jalon, Duarenus, Cujacius, Giphanius, Valentia licet tract. 4. cap. 5. n. 37.

Hanc interpretationem ab ipso verborum contextu alienam esse, notat Alciatus l. parat. 8. Nam Paulus ait *Egero*, non etiam *Succubero*. Qui julle agit, vivit. Et melius Accursius interpretatur, *Egero, & partem accipero*: etenim si luccubui agens cum uno ex heredibus, cur deinde vinco agens cum ceteris? Itaque species hæc erit. Egi cum uno ex heredibus promissoris, & petii ex stipulatione generis hominem. Condemnatus est heres, & partem Stichī solvit. In dubio erat, an heres iste liberatus sit. Videbatur negandum ex regula: Si unus ex heredibus ejus, qui genus promissit, solvat Stichī partem, non liberatur, sed vel condicit, vel in pendenti solutio est, ut jam dictum est. Contra tamen Paulus ait, hoc casu heredem condemnatum liberari; quoniam ei, qui iussu Judicis solvit, plenissima contingit liberatio, l. *sanctimus*, C. de admin. tutor. Hinc, eo liberato, pars duntaxat ceterorum obligationi supererit; & solutio non est in pendenti.

Altera §. pars hanc speciem habet ex Cujacio ibidem. Stipulatur uni ex heredibus debitoris generis accepto tulit partem dimidiam Stichī, heres pro parte liberatur, argumento est l. *qui hominem*, ff. de acceptilat. Ratio est, quia hic verendum non est, ne in diversis hominibus solutio fiat, ideoque pro parte liberatio contingit, & licebit coheredibusolvere vel alteram partem Stichī, vel partem Erotis.

Addit postremo Paulus, quæ dicta sunt de heredibus promissoris, obtinere etiam in promissore ipso; obtinere etiam in fidejussoribus ejusdem; quia licet in obligatione dividua teneantur pro parte ex Epistola D. Hadriani; tamen in individua singuli teneantur in solidum, Cujacius loc. cit.

### De Alternis, seu Disjunctis.

ET si obligatio alterna oriatur ex particulis *Vel, Sive, Aut*; id tamen satis non est, sed præterea exigitur, ut sit de rebus, in quibus cadit affectio, ut dubium sit, quidnam promissor electurus sit. Nam si stipulatio concipitur de quantitate, & tempore, non alterna est, sed simplex. Et quidem in quantitate, id quod minus est sponderi videtur; ut si stipulanti decem aut quinque, respondeatur simpliciter, *Spondeo*, quinque solva debentur. In tempore id, quod remotius est, accipimus; ut si quis stipuletur Kal. Jan. aut Febr. Ratio est, quia in summis, in diebus, non cadit affectio. & in his ignorari non potest, quidnam electurus sit Promissor, id est, in quantitate id quod minus, in tempore id quod remotius. In rebus ceteris non ita est, & una altera charior esse potest; & sæpe quod vilius est, nobis charius est, quam alterum quod plurimi est, l. *si sit stipulatus sacro*, l. *inter stipulantem*, & *si stipulante*, ff. eodem.

Id ipsum est in dote, ut si mulier ita dote promittat, *Decem aut quinque doti tibi erunt*, id quod minus est, intelligitur promissum, Glof. in l. *si pater*, §. *1. in dote sit*, ff. de jure dot. per illum textum. Sequuntur Romanus, Alexander, Aretinus in d. l. *si sit stipulatus sacro*; quamvis ibidem repugnet Zalius cum Fulgionio in l. *cum is*, §. *si mulier*, ff. de condit. indeb. & Baldus Novello de privi. dotat.

Est ergo obligatio vere alterna, si quis Stichum aut Pamphilum, vel si quis decem, aut hominem stipulanti promiserit: & hæc obligationi generis equiparatur, l. 2. §. *et harum*, l. in executione, §. *pro parte*, ff. eod. Quare quicumque hæcenus de obligatione generis dicta sunt, obtinent & in obligatione alterna.

Nam obligatio alterna per se dividua est; tamen ne in diversis rerum partibus solutio fiat, censetur obligatio solutione individua, quamvis petitione dividua remaneat; ut est in obligatione generis, d. §. *pro parte*.

Ex solutione alterutrius rei pro solido extinguitur obligatio alterna. Quod si pars unius rei soluta sit; vel est in pendenti, donec altera pars præstetur, quo casu perit conditio; vel donec fiat alterius rei solutio, & tunc habet locum conditio, d. l. *si non for-*

tem,

rem, §. si decem, ff. de condit. indeb.

Sic qui hominem, aut decem stipulatus est, si quinque accepto tulerit, debitor pro parte liberatur; quia non est periculum, ne una obligatio in diversis rebus solvatur: quare Creditor petere quoque, aut pariem hominis poterit, l. qui hominem, ff. de acceptilat. ut et in obligatione generis, d. l. 2. §. si tamen.

Hæc quo de stipulatione diximus, obvenit etiam in legato; nam legatum illud aut illud est individuum, l. si illud, ff. de leg. 2. l. cum illud, in princ. ff. quando dies legat. cedat.

Plura tamen obliare videntur. l. l. si quis servum, §. i. ff. de leg. 2. Nam si legavi Sempronio decem, aut si noluerit, legavi Stichum, duo legata esse dicuntur, quamvis uno tantum legatarius debeat esse contentus.

At recte ibidem Accursius respondit, hunc esse calum specialem; ob illa verba, Si noluerit; nam Stichus peti non potest antequam repudietur decem. Unde dies decem prius cedit, quam dies Stichi; id est prius est, ut repudietur decem, deinde ut petatur Stichus. Quod non est in legato illud aut illud sine verbis, Si noluerit; ubi licitum sit legatario statim eligere, quod malit: propterea eodem simul tempore cedit dies utriusque rei, & unum legatum est: illud vero plura. Prior pars est sub conditione, posterior pura. Quare vide l. cum illud, in princ. ff. quando dies legat. cedat. Verum hic conditio, Si noluerit, non potest cadere in utramque partem legati: at illie conditio, Si navis venerit, potest.

II. Obliare videtur l. plane ubi, §. pen. ff. de leg. 1. Nam in hac specie Fundum Sejanum, aut usufructum ejus do lego, duo dicuntur esse legata. Verum hic etiam casus specialis est, ut Cujacius in l. si ex toto, §. si ita, ff. de leg. 1. notat. Scilicet ideo duo legata sunt, quia usufructus bis legatus est; cum enim quis legat simpliciter fundum, videtur legasse plenum jus, seu quidquid in fundo est, proprietatem & usufructum, l. cum Marcius, §. fundo, l. cum filius, §. Dominus, ff. de leg. 2. Nam usufructus est veluti pars fundi, l. qui usufructus, ff. eod. l. si alii fundum, ff. de usufr. leg. Dies fundi statim cedit, dies usufructus ab adita hereditate, vide in l. si usufructus, ff. quando dies legat. cedat.

Ex eo quod legatum æternum individuum est, plura deducuntur notatu digna. I. Si ita

legatum sit, Olei pondo quinquaginta, aut pro his in singulas libras tot nummos, utrum legatarius voluerit, nequit legatarius partem olei vindicare, & pro alia parte nummos petere; quia unum in alterutra causa legatum est, d. l. si ex toto, §. si ita, & fiet solutio unius obligationis in rebus diversis.

II. Si Testator partim leget pure, partim sub conditione, individuum quoque legatum est, veluti, Do lego Fundum Sempronianum, aut Fundum Cornelianum, si navis venerit. Et quia legati unius individui dies pro parte cedere, & pro parte non cedere non potest, inde fit ut pendente conditione non concedatur electio, nec etiam fundi pure legati. Quod si legatarius interim moriatur, legatum non transmittitur, d. l. cum illud, in princ. ff. quando dies legat. cedat.

III. Si conditio evanescat vivo legatario, tunc quia totum legatum fit purum, moriente legatario, legatum transmittitur. Exemplum esto: Do lego Seja decem, aut si pepererit, do lego fundum; si Seja, antequam pariat, decesserit, legatum transmittitur, tanquam purum. Ratio est, quia cum Seja moritur, certum est eam parere non posse. Evanesceat ergo conditio per moriem Sejam, & totum legatum fit purum, ut Azo ait in l. si usufructus, in princ. ff. quando dies legat. cedat, ex eo texto.

IV. Si usufructus aut decem legata sint, utrum legatarius voluerit, & legatarius post obitum testatoris, sed ante aditionem heredis decedat, dubitatum est, an legatum decem transferatur. Ratio dubitandi est, quia licet legati decem dies cedat a morte testatoris, tamen legati usufructus dies non cedit, nisi ab adita hereditate, ut etiam est in ceteris terminibus periculis, l. si pure, l. si habitator, ff. eod. tit. l. unie, §. in novissimo, §. de caduc. rei. Propterea unio facit, ut dies quidem legati decem cedat. Respondit tamen Julianus in d. l. si usufructus, legatum per mortem legatarii ante aditam hereditatem transmitti; scilicet quia per mortem legatarii usufructus amplius peti non potest; & ea propter totum legatum fit purum, & transmittitur in quantum ad decem. Ita etiam in conditionibus, si æternæ sint, pro una habentur, l. hac scriptura, ff. de condit. & demonstr.

*Differentia inter obligationem Generis,  
& Alternam.*

**Q**UAMQUAM in Jure nostro hæ obligationes æquiparentur, id non per omnia intelligendum est; nihil enim tam simile, quod in aliquo dissimile non sit, *l. quod Nervæ, ff. de pos.* Sunt nonnullæ differentię, quas hic recensere operę pretium est.

I. Est, quia in obligatione alterna utrumque est in obligatione expressis Stipulantis, aut Legantis verbis, licet alterum in solutione sit. Id palam habetur ex *l. si duo, ff. eod.* ubi Paulus comparat obligationem duorum reorum obligationi alternę, docetque non minus, quam ibi singulas personas, hic singulas res obligatione comprehendendi. Verba ipsius sunt: *Utraque res ad obligationem ponitur, non ad solutionem.* Nec audiendus est Donellus *ibidem*, qui illud *Utraque* intelligit non simul, sed alternę; quod Linguę Latine proprietates non patitur: Staret enim *Utraque* pro *Alterutra*. Concordat textus in *l. illud aut illud, ff. de constit. pecun. l. cum hereditas, §. ult. ff. qui & a quibus. l. hominem, ff. de novat. l. Stichum in princ. ff. de solut.*

At vero in obligatione Generis veniunt quidem singule species, quę in eo genere comprehenduntur; nam quisquis genus dicit, quidquid sub eo genere est, dicit, ut ex ipsa generis legalis definitione constat. Itaque qui hominem dicit, singulos homines, qui sub eo genere sunt, comprehendit, Cujacius in *l. in stipulationibus, ff. eod.* Tamen sub obligatione generis non veniunt singuli homines expressis Stipulantis aut Legantis Verbis, ut colligitur ex *l. si a substituto, §. 1. l. cum incertum, ff. de leg. 1. cum similibus.* Magis ergo afficit obligatio alterna tuas species, quam genus tuas.

Difficultatem facit quod habetur in *l. 3. ff. qui & a quib. manum. lib. non fiant*, ibi: *Nam optione sive electione servi data, quodammodo singuli sub conditione legati videntur.* Quę verba licet de legato optionis videantur pronuntiata, sunt tamen de legato generis intelligenda, ut constat ex initio legis, ubi habetur: *Si optio hominis data sit, vel indistincte homo legatus sit:* propterea quod in legato generis electio & optio etiam legatarii est, nisi testator in contrarium mandaverit, *§. si generaliter, Instit. de legatis.*

Eo magis, quod illis verbis, *Nam optione, &c.* Cajus reddit rationem, cur factio tam legato optionis, quam generis, heres non possit, quoddam servos vel omnes manumittendo, aut evertere, aut minuire Jus electionis; & ait, id factum esse, quia singuli quodammodo homines sunt sub conditione legati. Quocirca ubi electio est Debitoris, ut in contrariis, in obligatione generis manumissio aliquorum ex servis licita est, *l. Julianus, ff. cit. tit.*

Est tamen dicendum, ex hoc textu confirmari nostram sententiam; tantum abest, ut infirmetur; non enim negamus in genere comprehendendi singulas species; neque hoc negari potest. Dicimus solum, non comprehendendi expressis verbis, ut in obligatione alterna. Notandum interim eum Valentia tract. 4. cap. 5. num. 2. illud *Quodammodo* non afficere singulos, sed conditionem.

Eodem modo respondendum est ad textum in *l. Marcius, §. eadem, ff. de leg. 2. ibi: Hominis enim legatum vocationis compendio singulos homines continet.* Verum de hoc textu quid statuendum sit, infra latius.

Ex hæ differentia fit, quod in stipulatione alterna, pacto convento de una re non petenda interposito, tota obligatio submovetur. Exemple gratia: stipulatus sum decem, aut Stichum, deinde de decem non petendis paciscor; si max agam, exceptio pacti in totum oblat, *l. si unus, §. sed si stipulatus, ff. de pactis.* Sed si hominem generatim debeas, & paciscar ne Stichum petam, non prohibeor alium hominem petere, *d. l. si unus, §. sed si generaliter.* Ratio pendet ex eo, quod in obligatione alterna utraq; res promissa est in obligatione, at non ita in obligatione generis, Valentia loc. cit. num. 8. & leg.

Eadem de causa fit, ut in obligatione alterna si heredem testator damnaverit, Stichum non petere, a tota obligatione liberatio debitori legata intelligitur, *l. non solum, §. 1. ff. de liber. leg.* At vero qui hominem legat, & Stichum admittit, non perimit legatum, sed extenuat, *l. qui hominem, ff. de adm. legat.*

Non ita in acceptilatione; quippe acceptilatione Stichi omnis quęcumque obligatio, sive generis, sive alterna, nullo discrimine extinguitur, *d. l. si unus, §. sed si stipulatus, d. l. non solum, §. 1. l. & per jurjurandum, §. si is,*

fi is, ff. de acceptil. Nempe quia acceptilatio imaginaria solutio est, l. pen. ff. de solut. Idque verum est, quando acceptilatio constituit: Unde si Stichum aut decem sub conditione stipulatus, Stichum aut decem acceptum fecerit, & pendente conditione Stichus decesserit, decem in obligatione manebunt; perinde ac si ea acceptilatio interposita non fuisset, ut sunt verba Ulpiani in d. l. & per iusjurandum, §. si Stichum. Ratio est, quia Stichus ante conditionis eventum mortuus, stipulatio ex alterna fit simplex, quippe Stichus nunquam in obligatione fuit: proinde acceptilatio Stichi aut decem, quia est alterna, nullius momenti est: quippe acceptilatio alterna in obligatione simplici locum habere non potest. Et hæc est vera huius rei ratio, non quam Accursius ibidem retulit, & Doctores communiter amplectuntur.

Cum dicimus, in obligatione alterna species nominatim comprehendit, verum est, si obligatio alterna cum genere mixta non sit; potest enim in obligatione alterna genus comprehendit, veluti si dictum sit: Promittis decem, aut hominem? ut in l. cum is, §. ult. ff. de cond. indeb. de qua latius infra.

II. Differentia est: Si stipuler alternatim Stichum aut Pamphilum, & Stichus meus sit, solus Pamphilus est in obligatione, Stichus nec in obligatione, nec in solutione; ut jam non alternata stipulatio esse intelligatur, sed simplex: nec convalescit stipulatio Stichi, eo postea a me alienato, ut Regula Catoniana non in unis modo legatis, sed & in stipulationibus locum habeat, l. qui decem, §. Stichum, ff. de solut. Quod si ambo alieni sint, uterque est in obligatione: verum si Stichus postea meus fiat, in Sticho obligatio extinguitur, quia in eum casum stipulatio recidit, a quo incipere non poterat, in Pamphilo manet, l. si Stichum 16. ff. cod. l. non quocunque, §. ult. l. huiusmodi, §. si Titio Stichus, ff. de leg. 2.

Sed cur hic non tota intercidit obligatio, cum amplius alterna non sit, ut tota intercidit, ubi de una re non petenda pactum conventum est? Nempe quia hic recurritur ad initium, inquam si ab initio Stichus fuisset meus: Regula enim ita concepta est: Extinguitur obligatio, si in eum casum incidit, a quo incipere non potest, l. si pluribus, §. ult. ff. cod. Habetur ergo perinde, ac si a principio simplex obligatio fuisset, non alterna.

Valde tamen dubium est, an id ipsum locum habeat in obligatione generis. Finge, hominem a te mihi dari stipulatus sum, vel mihi legatus est homo, quo tempore Pamphilus erat meus; deinde eundem tibi vendidi, an recte is idem a te mihi solvi potest? Papinianus in d. l. Marcius, §. duobus, cum seq. ff. de leg. 2. tam in legato, quam in stipulatione negat, solutionem recte fieri, ea ratione, quia hominis legatum orationis compendio singulos homines continet, additque idem esse, si post legatum vel stipulationem Pamphilus meus esse ceperit, quamvis solutionis tempore meus esse desierit.

Quæ sententia manifestam rationem habet. Ei tamen contradicit Marcellus in d. l. qui decem, §. Stichum, ff. de solut. qui cum dixisset, in stipulatione alterna Stichi, aut Pamphili non consistere solutionem in Pamphilo, si is tempore stipulationis meus erat, hæc addit: Sed ei, qui hominem dari stipulatus est, unum etiam ex iis, qui tunc stipulatori servi erant, dando Promissor liberabitur, vi quidem ipsa & hic ex his dari stipulatus est, qui ejus non erant. Ita etiam in Pandectis Florentinis. Ex quibus habetur, in obligatione hominis debitorem liberari, si eum servum solvas, qui tempore contractus stipulatoris erat, si postea ejus esse desierit.

Sed si recte attendamus, in his verbis Marcellus sibi ipsi adversatur, & decisioni, quæ primo loco ponitur, est contraria ratio, quæ ultimo loco subditur. Ait, debitorem generis liberari, solvendo unum ex his, qui stipulatori servi erant. Rationem asserit, quia & hic, id est, in ista secunda specie ex his dari stipulatus est, qui ejus non erant, ut eil in prima specie stipulationis alterna. Ergo jam ait, rationem esse parem, ut ostendunt verba, Et hic; & tamen disparem decisionem adduxit. Quod est absurdum.

Quocirca recte Cujacius 14. obf. 20. & lib. 17. qu. Papin. in d. l. Marcius, §. duobus, docet verba Marcelli esse leviter corrupta, & per Unum, legendum esse Num, per interrogationem, ita: Sed ei, qui hominem dari stipulatus est, num etiam ex iis, qui tunc stipulatori servi erant, dando Promissor liberabitur? Et ad questionem respondet: Vi quidem ipsa & hic ex his, &c. Et ita Marcellus Papiniano consentit. Vi ipsa Cujacius interpretatur, Tacito intellectus, etiamsi hoc non expresserit; Accursius ipso iure, cui faves

Alciatus 1. *perarg.* 28. Itaque nihil necesse est cum Fabro 2. *conject.* 15. dicere Marcellum & Papinianum in hac quaestione consulto dissensisse.

III. Differentia est, quod alterna electio est Promissoris, aut heredis, *l. cum res, §. sed si Stichum, ff. de leg. 1. l. si quis, C. de cond. indeb. l. plerumque, §. ult. ff. de Jure dot. cum concordantibus ibidem ab Accursio adductis: nisi forte alternatio in legato vindicationis apposta sit, erit enim electio legatarii, veluti Titius secundum Sejanum, vel usufructum ejus sibi habeto, Titius vindicabit pro arbitrio tuo utrum maluit, *l. plane ubi, §. pen. ff. de leg. 1.* In obligatione generis orta ex contractu id ipsum est, ut electio sit Debitoris, nisi aliud conventum sit, *l. qui ex pluribus, l. cum qui certatur, ff. eod.* At e diverso in legato generis electio est legatarii, nisi aliud Testator dixerit, *§. si generaliter, Instit. de leg. 1. 2. ff. de opt. leg.**

Hæc Promissoris electio in alternis durat, quamdiu res utraque extat; nam ubi altera perit, electio extinguatur: *Ne sit in arbitrio ejus, an debeat, dum non vult rem extantem prestare, quam solum debet, ut dicitur in l. 3. ff. de eo, quod certo loco; nam in alternis, una re extincta, altera quæ superest, sola remanet in obligatione, l. Stichum cum §. 1. ff. de solut. Proinde utraque re soluta, si altera petierit, repetitio cessat, l. eum is 32. in princ. ff. de cond. indeb.*

## QUÆSTIO I.

*An post solutionem in Obligatione Alterna Variatio licita sit.*

**S**I legatus sit Stichus, aut Pamphilus, per vindicationem, quo casu electio est legatarii, & is per errorem facti vindicet Stichum, consumta est optio, & variare non licet. Ita etiam si legatum sit damnationis, ut electio heredis sit, si per errorem Stichum dederit, eum repetere nequit, Celsus in *l. si cui, alias, si is cui 19. ff. de leg. 2.* Ratio est: quia in legato vindicationis per optionem ipso Jure legatario dominium acquiritur, quod nota voluntate rursus non amittitur.

In legato damnationis tunc heredi variatio non permittitur, cum jam solvit, id est, ubi jam legatario per traditionem sibi factam dominium questum est: proinde ei amplius repetendo auferri non potest, *l. quod nostrum,*

*ff. de reg. Jur.* Apposite ergo Celsus in legato vindicationis de legatario dicit, *Stichum vindicaverit: in legato damnationis de herede ait: Stichum dederit; in illo enim sola vindicatio est facta, in isto exigitur datio.*

Hinc intelligimus Paulum in *l. servi §. ff. de leg. 1.* ubi *Servi electione legata, semel duntaxat optare possumus; cum enim optionis legatum per vindicationem relinquatur, variatio non permittitur. Vide Accurs. ibid. v. possumus.*

Non consumitur electio, si invalida est, ut si legato servo, legatarius servum alienum, vel liberum hominem elegerit: item si legatus amphoris, elegerit id acetum, quod vini nomine Paterfamilias non habuit, *l. 2. ff. de opt. leg.* Veteres enim quandoque acetum pro vino potabant, Persius *sat. 4.* de homine deparco.

*Pannosam faciem morientis sorbet acetum. Horatius 2. serm. sat. 3.*

*Acce potes acetum.*

Sic etiam Romani milites & alii pauperes acetum potabantur, vide Calaub. *ad Spartianum in Pescennio.* Id ergo acetum ex destinatione Patrifamilias pro vino est, ut intelligendus est etiam Ulpianus in *l. 1. ff. de trit. vino, & ol. leg.* Quædam enim nostra destinatione, non natura constituuntur, ut fundorum nomina, & domus, *l. quod in rem 24. §. si quis, ff. de leg. 1.* Immo destinatio in Jure nostro rerum naturam immutat: ita quæ dos non est, pro dote habetur, si dote destinata sit, ut in specie *l. 3. ff. de priv. cred. l. si sponsa, ff. de Jur. dot.* Sic etiam Patrifamilias destinatio facit, ut quæ in fundo sunt, abesse credantur, *l. pra l. 27. §. libertus, ubi Rogerius, ff. de fundo inst. Et omnium, qui destinati sunt Calendario, nomine Calendarii veniunt, *l. qui filium 62. ff. de leg. 3.* Aliter tamen accipitur animi destinatio in ea Regula: *In totum omnia, quæ animi destinatione agenda sunt, non nisi vera & certa scientia perfici possunt, l. in totum 76. ff. de reg. Jur.* ubi Petrus Faber.*

Potabant etiam Romani poscam, quæ ex aceto & aqua miscebatur, eamque nonnulli publice vendebant, Sueton. in *Vitellio cap. 11.* Et hæc ex destinatione Patrifamilias in legato vini venire potest, *l. q. vers. alioquin Sabirus, ff. de trit. vin. & ol. leg.* Hodie Melfores in Apulia poscam potant.

Eodem modo non consumitur electio, si a miso-

minore 25. annis per errorem facta sit; lex enim improvidè ætati succurrit, l. ait *Prætor*. 7. §. *Pomponius*, alias *essifene* 8. ff. de *minor* itaque si in optionis legato minor captus sit, dum eligit deteriozem; vel si duas res promiserit, illam aut illam, & pretiosiorẽ dederit, ei subveniri debet. Quæ sunt *Pomponii* exempla.

Sed regulæ supradictæ obstat *Julianus* in l. cum is 32. §. ult. ff. de cond. indeb. illis verbis: *Qui hominem in genere promissit, similis est ei, qui hominem, aut decem debet; Et ideo si cum existimaret, se Stichum promississe, eum dederit, condicet: alium autem quælibet dando, liberari poterit.*

Varie se torquet *Accursius* ibidem pro hac antinomia solvenda, & demum operam ludit. Nec enim, quæ affert, tamet sunt, ut recusari mereantur. *Cujacius* 3. obs. 35. *Julianum* de industria à Cælo discessisse opinatur. *Merillus* 3. obs. 10. differentiam inter legatum, & stipulationem statuit. Ait, in legato alterno, uno electo, optionem consumi, secus in stipulatione alterna, ubi Debitor per errorem solvens optionem non consumit. Eadem *Merillus* repetit ad l. pen. C. de cond. indeb. quæ est quinta ex 50. decisionibus *Iustiniani*. Sed ea, quæ dicit, non probat. Præterea huius discriminis ratio erat reddenda, cur in stipulatione alterna optio non consumitur, in legato vero alterno consumitur.

Pro solutione opus erat motare, a *Juliano* sermonem haberi non de eo casu, quo dixerim, *Stichum aut decem dabit*? sed de hoc alio, *Hominem aut decem dabit*? Quæ duo longe distant; nam cum promissa est species, sive *Stichus*, species ipsa in obligatione est, licet utrumque in solutione non sit, l. si duo, ff. eod. l. *Stichum* in princ. ff. de solut. cum concordantibus: quare ubi *Stichum* solvi, nequeo eum condicere. Quæ enim condicendi competet, nisi indebiti? At indebitus non est *Stichus*, si jam in obligatione est. Cum vero hominem promissi, in obligatione est genus; & in obligatione generis, licet comprehendantur singulæ species, tamen id non sit expressis stipulatoris verbis, l. si a substituto, §. 1. l. cum incertum, ff. de leg. 1. Quia ergo *Stichus* expresse in obligatione non est, nil mirum, si per errorem solutus condici poterit. Quare & hic, ut alibi sæpe in nostro jure, alia est vis taciti, alia ex-

Tom. I.

pressi, l. cum qui certarum, §. 1. ff. eodem.

Eodem modo in legatis distinguendum est. Si enim legavi *Stichum aut decem*, electione *Stichi* consumitur electio, d. l. si cui, ff. de leg. 2. Non ita si dictum fuerit, *Hominem aut decem*. Hæc casu eum alternatione mistum est Genus. Quare si *Stichum* heres per errorem solvit, condicendi jure non caret.

## QUESTIO II.

An ante solutionem in Alternis Variatio permissa sit.

**D**ebitor ex stipulatione, qui illud aut illud promissit, ante solutionem, quoties voluerit, mutare potest voluntatem: puta, si *Stichum* se velle solvere dixerit, nihilo minus *Pamphilum* solvere poterit, *Venulejus* in d. l. cum qui certarum 138. ff. eod. Ejus verba sunt: *Cum pure stipulatus sum, illud aut illud dari, licetis tibi, quoties voles, mutare voluntatem in eo, quod præstaturus sis; quia diversa causa est voluntatis expressæ, Et ejus quæ inest: usque ad quod tempus, vide *Accursium* ibidem.* Hic sermo est de Debitori (cujus scilicet electio est) voluntatem mutante ante solutionem, ut patet ibi: *Mutare voluntatem in eo, quod præstaturus sis.* Postrema verba hoc sibi volunt, licere mutare voluntatem, si tacita electio sit: si eum fuerit expressa, sermo stipulatoris inspicendus est, ut ibidem *Accursius* monet.

Et quidem *Pomponius* in l. si quis stipulatus 112. ff. cit. tit. docet, videndum esse, quo verbo Stipulator electio sit adscripta; nam si ita stipulatus sit, *Stichum aut Pamphilum, quem volero*, cum semel elegerit, mutare voluntatem non potest. Quod si ita, *Quem volam*, donec judicium dicter (id est, usque ad litem contestatam) mutandi potestatem habet. Nam verbum *Volam*, ut *Pomponius* ait, *tractum habet*, id est, significat identidem, *Volero* semel, *Cujacius* in l. 17. & d. l. 112. ff. eod. Eadem interpretatio locum habet in legibus. Quare *Paulus* verba illa *Senatusconsulti Tertulliani*, *Si nemo filium voles hereditatem suscipere*, docet esse extensiva, & poenitentiam admittere; ita ut filius, qui se nolle adire hereditatem matris dixerit, possit mutata voluntate adire, l. filii 6. ff. ad *Senatusconsultum Tertuli.*

Tanta tamen distinctio in legatis recepta non est, in quibus non distinguimus, quo

V verbo

verbo heredi vel legatario electio sit adscripta; nam etiam si *Volet* dictum sit, semel eligitur, nec variatio permittitur. De legato damnationis, ubi electio est heredis, exemplum extat apud Julianum in *l. huiusmodi* 86. §. *Stichum*, ff. de leg. 1. Testator scripsit: *Stichum*, aut *Pamphilum*, utrum *heres meus volet*, *Titio* dato; & nullo habito respectu ad verbum *Volet*, statuitur, semel atque heres dixerit, utrum dare velit, mutare sententiam non posse.

Ita etiam in vindicationis legato, ubi electio legatarii est, *Labeo* in *l. apud Aufidium* 5. ff. de opt. leg. ubi ita Testator legavit: *Veſtimenta, quæ volet, tricliniaria sumito, sibi quæ habeto*, (Veſtes tricliniaræ sunt molles & floridæ, quas Veteres excoando in Tricliniis inducebant, vide *Bulegerum de Conviviis lib. 1. cap. 35.*) Si legatarius dixit, quæ vellet, licet nondum sumserit, mutare voluntatem non potest. Et ea redditur ratio: *Quia omne Jus legati prima ſeſſatione, quæ ſumitur ſe dixiſſet, conſumitur. Quin etiam res continuæ ejus ſit, ſimul ac dixerit, eam ſe ſumere.*

Ex quibus verbis capimus, cur distinctio inter verbum *Voluerit*, & *Volet*, in legatis recepta non sit, ut in Stipulationibus. Quas etenim rationes ex Aufidio affert *Labeo*; unam, quæ privatum ad legatum vindicationis pertinet, & est, quia statim ac legatarius dixit, se eam rem sumere, statim inquam, ejus rei dominium nanciscitur. Quia enim in legato vindicationis regula est, ut dominium rei legatæ statim a morte Testatoris recta via tranſeat in legatarium, *l. a Titio* 66. ff. de furtis; ubi hinc ex aliquo evenitu, & impedimento non acciſit, veluti si legatum alternatum sit, viſum est Jurisconsultis, cum primum fieri poſſet, statim ac impedimentum ceſſat, legatario dominium adſcribere, ut quo minus poſſit, a regula recedatur. Itaque statim ac legatarius in legato alterno elegit, ei dominium Juriſcenturiæ quaſitum ſtatuert. Altera Aufidii ratio generalis est, & omnia quæcumque legata, etiam damnationis, reſpicit. At, prima ſeſſatione omne Jus legati conſumi. Quid ita? Cur id ipſum in ſtipulationibus non eſt? Cur in iſtis *Volet* eſt extenſum, in legatis non item? Certe hæc Aufidii ratio, niſi rationis ratio reddatur, nulla eſt.

Subbat mentem, in ſtipulationibus ſtriſtiſſis verba interpretari, ut quæ ſunt Verborum

obligationes, Verborumque conceptiones: largius veto in legatis, in quibus ſæpiſſime verba referuntur ad mentem & voluntatem legatoris; ſunt enim legata ultimæ voluntates. Testator autem, ſive *Volet* dixerit, ſive *Voluerit*, videtur ſolam optionem deſiſſe, non etiam mutationem, aut variationem.

Quod ſi Testator ſimpliciter ſine verbo *Volet* leget illud, aut illud, variatio permittitur, quoad legatarius vindicaverit, vel heres dederit; nam variatio tunc prohibetur ſolum, ubi vindicatio vel datio ſecuta eſt, *d. l. ſi cui* 19. ff. de leg. 2. Quod mirum eſt, nam verbum *Volet* expreſſum mutationem voluntatis prohibet; eandem permittit, ubi expreſſum non eſt. Ita expreſſio ejus, quod tacite ineſt, arbitrium minuit, ut dicebat *Cujacius* ad *d. l. 112*. Non diſſimiliter in ſtipulatione illud, aut illud, licitum eſt voluntatem mutare, ut diximus ex *l. eum qui certatum*, §. 1. ff. *codem*.

Ratio in obſcuro eſt. Putem pendere ex eo, quia jam legatum alternum, aut ſtipulatio alterna, ſui natura variationem continet. Si verbum *Volet* additur, ne nihil operetur, ne fruſtra appoſitum cenſetur, eam variationem minuit. Alia cauſa in heredis inſtitutione eſt; nam in verbis his, *Publius Mævius, ſi volet, heres eſſo*, illud *ſi volet* in extraneo, & voluntario herede fruſtra intelligitur appoſitum, quia ſi illud abſit, non ideo invitus efficiatur heres: in neceſſario conditionem facit, ut ſi nolit, heres non exiſtat, *l. verba* 12. ff. de cond. inſtit. *l. Cornilius* 69. ff. de hered. inſtit.

### QUÆSTIO III.

*De eo, qui illud aut illud debet, & utrumque ſolvit.*

**Q**ui promittit illud aut illud, puta *Stichum*, aut decem, poſſet unum ſolvendo liberari, *l. ſi unus*, §. *ſed ſi*, ff. de pactis; ſed cum putaret ſe ad utrumque teneri, per errorem utrumque Stipulatori ſolvit. Certatum eſt inter Jurisconſultos, cui electio danda ſit; utrum Promiſſori, qui quod vellet, condiceret; an poſtius Stipulatori, qui quod vellet, redderet. Et vexata quaſtio eſt diu multumque inter *Sabinianos* & *Proculianos*, donec eam decidiſt *Juſtinianus* in *l. pen. C. de cond. indeb.* quæ inter 50. Juſtiniani deciſiones quinta eſt. Sabiniani itaque, inter

quos



quos Julianus, & Papinianus, contendebant, electionem esse Promissoris, quod vellet, condicere. Cur ita? Nempe quia in alternis promissionibus electio est Debitoris, *l. adigere, ff. de Jurepatr.* Ergo ejus quoque debet esse electio in repetendo, cujus antea fuerat in solvendo. Proculiani cum Ulpiano, Marcello, & Celso, contra dicebant, electionem esse Stipulatoris, quod vellet, reddere, eaque ipsa ratione utebantur, nempe: In alternis promissionibus electio est Debitoris; sed Stipulator, cui utrumque solutum fuit, ex Creditore factus est Debitor; quare ipse eligit, ipse reddit, utrum velit. Quod argumenti genus Graeci *ἀντιστοιχίαν* dicunt, Latine reciprocum dici posset, Gellius 5. *noct. Att.* 10.

Verum quia Proculianorum ratio nimis subtilitatis vitio non caruit, placuit Justiniano cum Sabinianis sentire, ut Promissor possit condicere, quod vellet, *d. l. pen. ubi Merillus, & Cujacius 8. obs. 35.* Et mirari subdunt de viciantia Tribonianus, qui Justinianae decisionis immemor, sententiam Proculianorum in Pandectis inseruit in *l. si non fortem 26. §. pen. ff. de cond. indeb.* ubi Ulpianus lectus Celsum, & Marcellum, quorum testimoniis utitur, statuit, utroque simul soluto, Stipulatori retinendi, quod vellet, arbitrium dari. E contrario Juliani sententiam Tribonianus nobis reliquit in *l. cum is 32. in princ. ff. cit. tit.* ubi repetitio tribuitur Debitori, qui utrumque solvit, etsi nihil repetat, si alterutrum in rerum natura esse desiderat: id enim remanet in soluto, quod superest. Quippe si de rebus sub disjunctione debitis altera perit, electio cessat, *l. 3. ff. de eo, quod certo loco, l. Stichum, ff. de solut.*

## CAPUT V.

De individuis Petitione, Solutione individuis.

**H**æc sunt, quæ inter Stipulatoris heredes dividuntur, si agant ad id, quod interest, non ad factum. Ipsi autem Promissori, aut heredibus ejus non est concessa custodia, restitutio, defensio in partem. In hoc genere sunt Stipulatio Duplex, *d. l. in executione, §. in solidum*, Cui in *l. 4. §. fin. ff. cod.* similes dicuntur Stipulatio Fructuaria, Damni infecti, & ex Operis novi nunciatio. His additur poena in obligationibus dandi speciei adjacta, *d. l. in executione, §. item si: vel addita Quantitati, l. 5. §. si fortem.* Et tan-

dem in eodem numero est Stipulatio inter fieri, *d. l. 4. §. Cato*, ut Cujacius monet in *d. l. in executione*. De nonnullis actum est supra; de reliquis suo ordine dicamus.

## Stipulatio Dupla.

**E**X edicto Edilitio Emtores stipulantur de Dupla, nempe si suadus, exempli gratia, aut fundi pars evicta fuerit ab aliis qui se Dominum dicat, vel Creditorem sub pignore, ut Venditor ad duplum ejus, quanti emptus fundus est, aut emta pars ejus, teneatur. Unde in Digestis titulus est, de Evictionibus, & Dupla Stipulatione. Ejus hanc esse formulam docet Cujacius *trac. 6. ad African. in l. 24. ff. de eviction.* Mihi, heredique meo cum hominem, quem a te emi, habere recte licere, nec evincti cum hominem mihi, heredique meo, partemve ejus. Et si is homo a me heredere meo petetur, tum de ea re agenda adesse, & eam rem recte defendere, ut denunciatum tibi erit; aut si ita factum non erit, quanti ea res erit, duplum praestari, dolumque malum abesse, absuturumque esse. Hæc spondesne? Hac stipulatione omitta, Emtor re evicta ager contra Venditorem tantum ad Simplicem, & in id quod interest, actione ex emto, quæ bonæ fidei est, *l. si in venditione, ff. cit. tit.* At duplex stipulatione interposita, ager ad duplum actione ex stipulatu, quæ stricti juris est.

Praeterea toto fundo evicto, aestimatur quanti est tempore evictionis, si scilicet agatur ex emto; cum enim sit bonæ fidei actio, congruit illud a Venditore Emtori restitui, quod vere Emtoris interest, *l. evicta re, ff. cit. tit.* Sed si ex stipulatione agatur, res aestimari debet, quanti fuit tempore contractus initii, *l. ex mille §. 1. ubi Gl. v. evictionis, ff. cit. tit.* De Franchis *dec. 297. Mesa 2. var. 32. num. 21. & sequ.*

Quod si pro parte evincatur, attendendum est, utrum pro diviso, an pro indiviso evictio fiat. Si pro indiviso totus fundus est aestimandus, ita ut Emtor regressum ad Venditorem habeat pro quantitate rei evictæ. Puta, emi fundum centum jugerum mille nummis, ubi evicta est quinta pars, id est jugera 20. agam ad evictionem in nummos ducentum. Si pro diviso, agam de evictione, bonitate loci evicti inspecta, *l. 1. & dict. l. ex mille, §. ceterum*.

Hæc evictio tria continet; unum ex par-

re. Emptoris, duo ex parte Vendoris, Emptor necesse habet, ut laudet Actorem, id est, Vendori denunciet sibi rem motam esse, & a quo, *l. emptor. C. de evict.* Vendor laudatus tenetur Emptorem in iudicio defendere, ne res evincatur. Inque si Vendor defugiat auctoritatem, id est, non suscipiat defensionem litis, vel suscipiat quidem, sed tamen res evincatur, tum committitur Stipulario Duplex.

His positis, videamus quomodo petatur in solidum, solvatur pro parte. Finge, Auctor seu Vendor, qui duplum promisit ob evictionem; plures heredes reliquit. Emptor, cui lis mota est, denunciabit omnes heredes Auctoris, ut quisque non pro parte hereditaria, sed in solidum defensionem suscipiat; est enim defensio factum individuum, & prestari nisi in solidum non potest. Quocirca si unus ex heredibus defensionem defugiat, omnes delugisse videntur, licet ceteri ad defendendum promissi sint. Unde fit, ut heredes ob culpam unius, omnes teneantur ad poenam duplæ; quam tamen poenam non solvent in solidum, sed quisque pro ea parte, pro qua heres est, *d. l. in executione, §. in solidum, l. cum ex causa, ff. eod. l. si rem qua, §. 1. ff. de evict.*

Finge etiam, Stipulator Duplex, id est, Emptor decedit, pluribus relicto heredibus, quia actio ad duplam ratione quantitatis, quæ petitur, dividua est, ideo inter heredes Emptoris ex lege XII. Tabularum divisa etiam est. Quocirca re evicta singuli heredes non in solidum, sed quisque ob evictionem suæ partis actionem habent. Uni parte sua evicta, is solus habet actionem, quoniam ejus tantum interest, *l. 4. §. fin. ff. eod. ubi id in Stipulatore Utilitatis causa receptum esse dicitur, id est, quia agitur ad id, quod interest, quod Utilitas dicitur septissime, ut Cujacius ibi exponit.* Agent ergo heredes Stipulatoris ad duplam pro parte hereditaria, ad defensionem in solidum.

Quod si omnibus denunciatis heredibus Vendoris, unus tantum liti substat, & defensionem ipse in solidum suscipiat, omnibus vincit aut vincitur, id est, ceteris etiam heredibus, qui in iudicium non venerunt: & aut nullus ad duplam tenetur, si vincat; aut omnes teneantur, si victus sit, ut communiter explicatur textus in *d. l. si rem qua, §. 1.*

### Cautio Fructuaria.

**H**æc cautio, quæ jussu Prætoris a Fructuario præstatur Proprietario, duas continet causas seu clausulas. Prior est, Usurum fructurumque se boni viri arbitratu. Posterior est, cum usufructus ad eum pertinere desinet, restitutum quod inde extabit, *l. 1. in princ. & §. fin. ff. Usufruct. quemadmodum. cav.* In hac Stipulatione incit etiam custodia, & doli præstatio, *l. 2. §. 5. ff. cit. tit.* Incit etiam resectio, *l. damni 18. §. ci. ff. de damno infecto;* & non modo Prætoria est, sed ad Quanti ea res est, *d. l. 1. §. recte, cum seq.*

Ex his omnibus colligere licet, Stipulationem Fructuariam esse individuum petitione, dividuam solutione. Nam si agam, ut Fructuarius rei curam suscipiat, ulucapionem interpellet, custodiam præstet, ædes vitiosas reficiat, in solidum agam: tum quia custodite, & resectionis factum est individuum, non aliter quam defensionis; tum etiam quia ex clausula boni viri arbitratu nunquam videtur res custodita, nisi in solidum custodiat, argumento ex *l. ex clausula, ff. judic. solvi,* illis verbis: *Non enim videbitur defensa res boni viri arbitratu, qua non in solidum defensa sit.* Quam etiam vim præstat clausula doli mali, *l. 4. in princ. ff. eodem.*

Et ita est individua petitione. Verum quia ob curam non susceptam, vel ob abusum, Fructuarius, ejusque heredes non tenentur, nisi ad Quanti ea res erit; propterea Cautio hæc est solutione dividua, ex regula *l. 2. §. incertam, ff. de Prætor. stipul.* ubi Stipulatio Prætoris ad Quanti ea res est, dividua statuitur.

Verum si agatur de re post usumfructum finitum restituenda, erit hæc Cautio etiam solutione individua. Nam si heredes Stipulatoris agant pro parte hereditaria, ut fundus restituatur, certe nec promissor, nec ejus heredes liberantur, nisi toto fundo restituto, ut sunt verba Zali in *d. l. 4. §. ult. num. 8. ff. eod.* Ratio est, quia Stipulatio rem restitui, ubi de specie restituenda agitur, est individua, *l. si duo, §. quod si tuncem, ff. depos. ibi: Et nisi pro solido res non potest restitui,* & non diximus supra. Aliud tamen est de usufructu pecorum.

*Stipulatio Damni infecti.*

**I**ussu Prætoris a Domino vitiosa rum ædium exigitur cautio Damni infecti, quæ ita termine concipitur: *Quod vitio ædium, loci, operisve, si quid ibi ruet, scindetur, fodiatur, adificabitur, damnum datum sit?* *Quantum ea res erit, tantum dari, l. si procurator, ff. rem rat. hab. l. in hac stipulatione, l. fluminum, §. ult. ff. de dam. inf.* Adicitur etiam heredum nomen, vel successorum, eorumque, ad quos ea res pertinet, *d. l. fluminum, §. adicitur.*

Hæc Cautio, quia Prætoris est, & ad Quantæ ea res est, dividuis accensetur, *d. l. 2. §. incertam, ff. de Prætor. stip.* Ergo si Stipulator obeat pluribus relictis heredibus, & damnum datum sit, quæ heredum ad id, quod interest, pro parte hereditaria aget, *l. 4. §. ult. ff. cod.*

Verum non semper ita est; quandoque enim non agitur ad id, quod interest, sed ut opus restituatur. Nam si qui damni infecti cavit, parietem communem sit demolitus, qui satis aptus oneribus ferendis erat, agam ut restituat eum suo sumtu, *l. nam si non, ff. de dam. inf.* Quo calu Stipulatio erit individua, nam restitui opus pro parte non potest, *d. l. 4. §. ult.* Individua etiam est, si Stipulator non agat ad id, quod interest, sed ut ædes ruinose destruantur: quod notat Zalius in *d. l. 4. §. ult. num. 9.*

Hinc intelligimus, cur Stipulatio Damni infecti aliquando comparetur Stipulationi de rato, *d. l. si procurator;* nempe quia utraque dividua est: cur vero aliquando comparetur Stipulationi de Dupia, *d. l. 4. §. ult.* nempe quia ut illa, cum agitur de defensione, est individua, ita hæc, cum agitur de opere extruendo, vel destruendo; quævis respectu ejus, quod interest, utraque dividua sit. Quare non sunt audiendi Duarenus, Cujacius, & Giphanius in *d. §. ult.* qui Cautio nem fructuariam, & Damni infecti semper dividuam esse censuerunt.

*De Operis novi Nunciatione.*

**Q**uoties Vicinus dicit, jus sibi esse prohibere Vicinum, ne opus novum invivo se faciat, tunc ei a Vicino satisfatur de opere restituendo, idest, demolendo, boni Viri arbitratu, si contra eum

judicatum fuerit. Quid si ita opus restitutum non erit, de danda tanta pecunia, quanti ea res erit, si hoc nunciabit placebit, *l. stipulatio, §. sive autem, ff. de novi op. nunciat.* Id autem intelligitur non solum de opere jam extructo tempore denunciacionis, sed etiam de eo, quod post extruccionem, *d. l. stipulatio, §. si quit autem.* Hinc si Promissoris heredes conveniantur in id, quod interest, singuli tenentur pro parte; si vero ad opus ipsum demolendum, restituere singuli in solidum tenentur, *d. 2. in princ. ff. de Prætor. stipul. d. d. stipulatio, §. questum.* Pariter heredes Stipulatoris pro parte habent actionem in id, quod interest; in solidum ad restitutionem operis: quia ut institutio operis pro parte fieri non potest, *l. stipulationes non dividuntur, in princ. ff. cod.* ita nec restitutio, *dist. §. questum;* quare utroque casu opus est individuum. Vide supra in I. Propositione Catonis, ad *l. de pupillo, §. si plurimum, ff. de oper. novi nunciat.*

Ei hoc est, quod dicitur in *d. l. 4. §. ult.* *Ipsi autem Promissori pro parte neque restitutio, neque defensio contingere potest;* id est ex parte Promissoris, tam li ipse conveniatur, quam heredes ejus pro parte contingere non potest neque restitutio in novi operis nunciacione, neque defensio in causa evicionis, ut *ibidem* Cujacius explicat.

## CAPUT VI.

*De Rebus Unis.*

**H**ic solliciti non sumus, utrum res individua sit, an in partes queat scindi; sed attendimus solum, sitne una, an multiplex. Quæ tractatio & utilitatem habet, & adeo affinis est ei, quæ de individuis instituitur, ut plurimi fiat, qui unam ab alia discernere non valeant: habent tamen manifestum discrimen. Una est res, quæ in plures tales non dividitur. Vidit hoc D. Cypranus *epist. 92. Episcopatus unus est, cujus a singulis in solidum pars tenetur.* Individua, quæ in plures partes dividi nequit. Quod ut pateat, sit.

*De Re una ratione materia deducta.*

**T**ot sunt Stipulationes, quot sunt species vel summæ conjunctim & nominatim in stipulationem deductæ, veluti *Strichum & Pamphitum dari*, duæ stipulationes sunt; item *decem & quinque*, vel *sortem & usuras dari*,

duz

duz sunt stipulationes, l. 1. §. *sed si m. h. y. l. scire d. bonus*, l. ubi autem, §. *pen. ff. cod.* Ita quoque si plures sint qualitates, ut emit quis servum, & stipulatus est sanum esse, fugitivum non esse, duz ex stipulatio est, l. *quia dicitur, ff. de evict.*

Obstat tamen, quia hic una est verborum conceptio: *Promittis aequum & hominem?* At una verborum conceptio unam facit stipulationem. Quare Justinianus in §. *quoties, Inst. de inut. stipul.* ait, plures res una stipulatione comprehendi. Dicendum tamen est, unam esse verborum conceptionem facto, vi tamen, & potestate multiplicari, ob rerum multitudinem; tanquam si in singulis rebus esset repetita.

Hinc l. si, ut Stipulator saepius ex stipulatione agere possit; primo, exempli gratia, quanto minoris propter fugam servi, deinde etiam quanto minoris propter morbum. Finge, emi servum decem, minoris emiturus duobus, si fugitivum esse scissem. Hæc consecutus propter fugam, mox comperi non esse sanum; similiter duobus minoris emiturus, si de morbo non ignorassem. Rursus consequi debebo duos, & servi pretium erunt sex. Quod si una stipulatio esset, semel, non amplius esset agendum, d. l. *quia dicitur, ff. de evict.*

II. Si plures species, vel summas in stipulationem deducam, & una species vel summa fuerit promissa, veluti, *Stichum & Pamphilum dabis? Dabo Stichum*, hic ex duabus stipulationibus una est utilis, in qua Stichus est promissus, altera inutilis: nec viatur utilis pro inutili, d. l. t. §. *sed si mihi*. Quod si una stipulatio esset, in totum rueret, quia responsio cum interrogatione non congruit.

Idipsum est in legatis. Nam tot sunt legata, quot res. Unius rei unum est legatum, l. *si ex toto* 8. §. *si ita, ff. de legatis* 1. Quare si Testator dicat *Stichum & Pamphilum do lego*, non unum, sed plura sunt legata, quia nominatim plures res exprimuntur, l. *quoties, ff. de legatis* 2.

Hoc scire interest. Primo, quia unum legatum pro parte acquiri, pro parte repudiari a legatario non potest; licet aliud sit in legatarii hereditibus, quorum unus partem suam acquirere potest, alter suam repudiare, l. *Legatarius* 38. in princ. ff. *de legatis* 1. At si plura legata relicta sint, potest ipse legatarius

unum petere, alterum rejicere, l. *neminus* 4. ff. *de legatis* 2.

Secundo, unius legati dies, pro parte cedere, & pro parte non cedere non potest: sed pluribus factis legatis, unius dies potest cedere. Ex quo cessio sequitur transmissio, veluti si unum legatum sit purum, alterum conditionale; nam pendente conditione dies puri cedit, l. cum illud 25. in princ. ff. *quando dies legatum cedat*.

Tertio, ex legato uno semel tantum agere possum, sed ex non uno saepius, argum. ex d. l. *quia dicitur*.

Idipsum quoque est in Compromisso, & Arbitrio. Quippe si in Compromissum plures res deducerentur, plura quoque compromissa essent; & si ab uno articulo recederetur, remaneret Compromissum in altero, Bartolus in l. *de rebus*, & in l. *quod tamen, ff. de Arbitris*. Ita quoque si arbitrium, vel sententia Judicis plura complecteretur capita separata, plura sunt arbitria, plures sententiae, Baldus in l. *edita, C. de edendo*.

Unde fit l. quod licet sententia pro parte recipi non possit, argumento ex l. *duobus, ff. de liberali causa*, & ex l. 5. §. *ult. ff. eodem*; id tamen verum est, ubi plura separatim capita sententia non complectitur, quæ tunc non una, sed plures sententiae essent, & diceretur una sententia recepta, altera rejecta, Baldus loc. cit. col. 14. Quocirca minor restitutionem in integrum petere potest in quantum ad unum caput, licet non petat in quantum ad alterum, Glossa, & Bartolus in l. *etiam, §. ea causa, ff. de minoribus*, per illum Textum; & Iudex appellationis sententiam in uno capite comprobare, in altero reprobare potest, l. *quædam, ff. familia eriscunda, l. ult. ff. de Jurpatronatus*.

II. Et si alieubi a sententia non nisi semel appellari possit, tamen quoties plura capita in ea sunt, saepius licita est appellatio, ab unoquoque capite semel, ut Paulus de Castro se obtinuisse refert apud Zasium in d. l. *scire debemus* num. 6.

Illud meminisse oportet, a Jurisconsultis tria Corporum genera distinguere ex l. *rerum mixtura* 30. ff. *de usufructibus*. Primum dicitur. Continuum, eorum scilicet, quæ uno spiritu constare dicuntur, ut homo, equus, tignum, lapis, & similia. Secundum dicitur Concretum, quod constat ex partibus inter se cohererentibus, ut ædificium, navis, armarium.

rium. Ultimum genus Corporum est dejectum, constans ex distantibus partibus, ut Grex, instrumentum fundi, supellex. Quamvis enim Grex, verbi gratia, ex pluribus capitibus consistet, destinatione tamen Patrisfamilias pro uno Corpore habetur, & possidetur. Idem tradit Seneca §. *epist.* 103.

Quocirca stipulatio Corporis dejecti unica stipulatio est, non multiplex. Sum stipulatio a te acervum nummorum, una stipulatio est, *d. l. scire debemus*. Cur ita? Jurisconsultus *ibid.* ait, quia absurdum esset multiplicare hanc stipulationem in tot, quot nummi sunt. Hanc rationem Zasius *ibidem num.* 9. frigidam vocat, nec tamen melior est ea, quam ipse præstat. In promtu erat dicere, acervum nummorum destinatione Patrisfamilias pro uno Corpore censeri. Ita similiter legatum gregis unicum est, *d. l. quoties, l. Grege, ff. de leg. 2.*

Et hinc dependet ratio Textus in *d. l. si ex toto, §. si ita, ff. de leg. 2.* ubi octo Læticariorum legatum unum est, nempe quia destinatione Patrisfamilias pro uno Corpore possidentur; nam ut recte Cujacius notat, olim ad læticam splendorem comparabantur plerumque octo homines, Teste Martiale:

Octo Syris suffulta datur lætica Puella.  
& Læticarii sunt, qui læticam gesticant, non qui læticam faciunt, ut tallo interpretatur Accursius.

Obijcies ex *l. si Chorus in princ. ff. de leg. 3.* ubi si Chorus Comædorum legetur, perinde est, quasi singuli homines legati sint. Idem est, si legetur familia, quæ ex tribus constat: & si cui optio servorum legata sit, tres potest eligere, *l. 1. ff. de optione legata*.

Responsum tamen velim, dici singulos homines legatos non ad multiplicanda legata, sed respectu effectus, qui est, ut omnibus de Choro, seu de familia mortuis, præter unum, ille unus peti possit, quamvis Chorus, & familia defuisset esse, quasi ille unus fuisset legatus, *l. si Grege, ff. de leg. 1.* Si tamen duo, aut omnes supersint, legatarius nequit unum eligere, alterum repudiare, *l. 4. cum duabus seqq. ff. de leg. 2.* quod certe hæret, si plura essent legata, ut diximus.

Hinc etiam pendet ratio, cur stipulatio legatorum una sit, quamvis plura sint legata. Testator mihi legavit equos, arma, vestes: ego stipulor ab herede, *quidquid mihi ex Causa legati debes, dare promittis?* una

stipulatio est, *d. l. si re debemus, §. stipulationem*; nempe quia singula legata non exprimuntur, sed veniunt inquam unum propter signum universale, *Quidquid*, Accursius *ibidem* communiter receptus. Ad quia dictum fuit Legati numero singulari, videtur Stipulator plura corpora, seu plura legata pro uno habuisse? Itaque ex destinatione hoc fit, quæ indicatio deest in *l. pluribus rebus, in p. inc. ff. cod.*

Non ita est, si pluribus rebus nominatim pactis, generalis stipulatio subjiciatur; habetur enim stipulatio pro multiplici. Exempli gratia, pluribus rebus præpositis, stipulatio ita facta est: *Ea omnia, quæ supra scripta sunt, dari?* tot stipulationes sunt, quot res, *l. Titia 134. §. ult., l. pluribus rebus 140. in princ. ff. eodem*. Hic enim licet singulæ res non exprimantur a Contrahentibus, tamen ab illdem pacifice expressæ, quorum pactorum adstringendorum causa facta est stipulatio, Cujacius in *d. l. si re debemus*.

Ceterum quamvis pro legato consequendo plures actiones proditæ sint, reivindicatio, hypothecaria, condictio ex testamento; tamen quia legatum est unum, inde legatarius pluribus simul actionibus uti non potest, sed una electa, ceteræ tolluntur. Quæ ratio redditur in *l. cum filius 78. §. variis, ff. de leg. 2.*

#### De Re una in distributione temporum.

Stipulatio annua una est in omnibus annis, quamvis multæ præstationes sint, quarum quælibet in principio anni cuiuscunque facienda est. Id tamen verum est de stipulatione annua incerta, & perpetua, Pomponius in *l. si Stichum 16. §. 1. ff. cod.* Quippe hæc stipulatio, *Promittis mihi annua decem, vel quatuordecim, vel in singulos annos*, una est & perpetua, quia transit ad heredes, ex *l. Veteres, C. de contrahenda stipulatione*; & ideo est incerta, quia summa pecuniarum, quæ in omnibus annis solventur, ignoratur. Et ita non sunt contraria perpetuum, & incertum, ut putabat Baldus in *d. l. 16.* qui propterea temere Pomponium belliam appellat; quippe hæc duo non accipiuntur utrumque de tempore, quo casu essent contraria, sed unum de tempore, alterum de quantitate, seu summa.

Ex his multæ Juris nostri leges facile explicantur; & in *l. penultima, §. 1. ff. cod.*, habetur stipulationem aqua, bima, trima

die dividi in tres stipulationes, quot sunt summæ. Hæc stipulatio est, cum unam summam quis stipulatur, veluti triginta: quam tamen summam, non semel totam sibi præstari vult, sed in tribus personis æquis, quarum una prætetur primo anno, altera secundo, ultima tandem tertio: idem enim est dicere annua, bima, trima die, quod annuo, biennio, triennio, *l. si legatum 3. ff. de annuis legatis*. Hæc stipulatio valde affinis est stipulationi annuæ. Cur ergo hæc est multiplex, illa una? Alciatus in *d. l. penult. §. r. n. 2.* id tribuit variae distributioni temporum, quæ in stipulatione annua die est expressa, in stipulatione annua expressa non est: & in stipulationibus maxime ad vim verborum attendimus. Verius est, stipulationem annua die, non esse unam, quia certa est, & temporalis; non enim omnis annua stipulatio una est, sed quæ simul perpetua est & incerta, *d. leg. 16. §. r.*

II. In *l. si servus communis 18. §. ult. ff. de stipulat. servor.* Servus fructuarius operas suas locavit, & eo nomine pecuniam in annos singulos dari stipulatus est. Hæc stipulatio licet annua, dicitur non una, sed multiplex. Quare finito usufructu, Domino reliqui temporis acquiritur stipulatio.

Ratio facile intelligitur ex dictis. Nam hæc stipulatio fuit quidem incerta, sed non perpetua: Incerta, quia facta ad vitam servi, qui locavit operas, quæ nisi a Vivo præstari non possunt: terminus autem vitæ incertus est. At ex hoc ipso non fuit perpetua. Quod si servus in annos quinque operas locasset, eo magis stipulatio eo nomine facta, non fuisset una, quia hæc nec perpetua, nec incerta est, *d. l. 18. §. ult.*

III. In *l. sancimus 34. §. penult. C. de donation.* Si Ego a Te ex causa donationis stipulatus sim annua tot, quoad vixero, vel quoad vixeris, multiplex donatio esse statuitur, non una. Quocirca si singulæ summæ tercentos solidos non excefferint, insinuatione opus non est. Nempe hoc ideo factum est, quia & hic stipulatio annua est quidem incerta, sed non perpetua, ut quæ concluditur spatio vitæ Donatoris, vel Donatarii. Quare si non adiciatur tempus vitæ, vel heredum mentio adiciatur, una stipulatio erit, & donatio insinuationem exiget, ut *ibidem* in *§. ult.* Vide Cujacium in *d. l. 16. C. 15. observat. 22.* qui illa verba *d. §. ult.*

*Vel adiciatur tempus vitæ, legit, vel non adiciatur, ut etiam legerunt Græci Jurisconsulti, sicut patet ex Iudoro lib. 47. Basilicorum: & nisi ita legas, pugnat ex diametro; §. ult. cum pen.*

Consistat hinc, locationem de triennio in triennium, non esse unam, sed scindi in tot locationes, quot triennia sunt. Quocirca etiam in Extrav. ambitiose, de rebus Eccles. non alien. prohibetur locatio prædii Ecclesiastici ultra triennium, licita tamen erit locatio de triennio in triennium. Baldus in *cap. 1. §. si libellatio, tit. quibus modis feudum amittatur*. Alii tamen ob suspicionem fraudis locationem ita factam valere negant, Covarruvias 1. *variarum 16.*

Alia via ac stipulationes procedunt legata annua, partim simili, partim dissimili. Nam si decem in singulos annos legata sunt, plura sunt legata, tot scilicet, quot sunt præstationes, *d. l. 16. §. r. ff. end.* Sed id legatum non est perpetuum, sicut est stipulatio annua, ut quod morte legatarii finitur, *l. 4. l. in singulos 8. ff. de annuis legatis*. Rario est, quia legatum annuum fit gratia legatarii, ut sit ei alimentorum vice: Stipulatio vero annua ita concipitur gratia promissoris, qui solvere debet, ne oneretur ad totam summam semel præstandam. Solent enim testatores annua, aut etiam menstrua relinquere alimentorum nomine, quamquam id non expriment, moti vel misericordiz causa, ut dicitur in *l. qui bonis, ff. de cessione bonorum*, nempe quia is, cui relinquunt, inopia laborat, & nihil habet, unde vitam temperare possit: vel moti providentia legatariorum, qui rem suam familiarem ruere non possunt, ut dicitur in *l. Quintus Mutius ad finem, ff. de annuis legatis*. Unde fit, ut legata annua, vel menstrua morte legatarii finiantur, ad instar Usufructus, & ad heredem redeant, a quo præstabantur: quippe alimenta morte alimentarii finiantur, *l. cum hi, §. modus, ff. de transaction.* & ideo Martialis ait, cum cui legata sunt annua, morientem ea debitori legare videri, id est, eorum liberationem. Versus hi sunt *lib. 9.*

*Nil Tibi legavit Fabius, Bithiniæ, cui Tu Annua, si memini, millia sena dabas. Plur nulli dedit ille, quæ Bithinice noli, Annua legavit millia sena Tibi.*

Nisi forte legatum annuum usque ad certam conditionem relinquatur, veluti donec nubat;

bat; quo casu per nuptias finitur, non expectata morte, *l. legatum ita est, ff. de annuis legatis*; vel ulque ad certam diem, veluti donec annum decimum octavum compleverit, *l. Liberto 21. §. filium, & §. largius, ff. cit. tit.*

Quoniam ergo testator in legato annuo alimenta præstare intendit, quæ non semel præstantur, sed vel in singulos dies, ut accidit in legato simplici alimentorum, vel in singulos menses, aut anno, ut in legato mēstruo, aut annuo: propterea intelligimus testatorem non unum voluisse facere legatum, sed multiplex, divisum in tot legata, quot sunt alimentorum præstationes faciendæ. Non ita est stipulatione, quæ ideo fit annua, ut ne promissor oneretur totum debitum unica vice, & unica summa solvere, quæ ipsius promissoris commodo dividitur in plures præstationes. Vide in *l. si cum præstatione 20. ff. quando dies legatorum*.

Hinc I. intelligimus, quid dicendum sit de legato relicto annua, bima, trima die. Nempe quia testator gratia exonerandi, & sublevandi heredis illam unicam summam in tres pensiones dividit, ideo unicum erit legatum; ita ut pensiones tres non constituent tria legata, sed sint tres partes unius legati, Cuius in *l. si legatum, ff. de annuis legatis*.

II. Intelligimus legatum annuum, si non alimentorum causa relinquatur, sed exonerandi heredis gratia, unicum esse legatum. Id autem colligitur ex præstatione annorum, addita alia conjectura; sola enim annorum præstatione non sufficit, *d. l. si cum præstatione*. Exemplum esto ex *l. Firmio, §. poter, ff. quando dies legatorum*, ubi pater voluit uxorem annua tot præstare filio ex fructu bonorum, quæ eidem uxori legavit, addita præstatione temporis, id est usque ad annum, 25. Quæsum est, legatum istud, vel potius fideicommissum annuum, utrum unum esset, an multiplex? Et licet regula sit, legatum annuum, & fideicommissum esse dividendum; tamen Papinianus ait, unum istud esse fideicommissum certis pensionibus divisum. Et specialis casus est, cuius ratio dicitur simul in præstatione annorum, & simul in eo, quod testator voluit fideicommissum præstari ex fructu bonorum, quæ uxori legavit; inde enim conjicitur, plures præstationes non fieri gratia alimentorum, quo casu multiplex legatum esset, sed fieri gratia legatarii, qui gravatus

erat; nam ut commode fideicommissum solveret, iussit testator expectandos fructus, scilicet ut iis dividendis, ex pecunia redacta fideicommissum præstaretur. Quocirca est annuum legatum simile stipulationi annuæ, & ideo unum legatum dicitur.

III. Intelligimus, quid dicendum sit, si legatum annuum ita alterne concipiatur, *Do lego annua decem, vel pro his servum in singulos annos*; cum enim legatum istud annuum sit multiplex, poterit legatarius primo anno petere decem, secundo anno petere servum, atque ita subinde mutare sententiam, *argumento ex l. si ex toto, §. si ita, ff. de leg. t. ubi hæc variatio, & mutatio sententiæ non licet*, quia legatum alternatum erat unum: quare cum in nostra specie non sit unum, sed multiplex, consequens est, ut licita variatio sit. Ita etiam accidit in *l. si sterilis, §. ult. ff. de actionibus emti*, ubi quidam vendidit domum, & excepit sibi habitationem, donec viveret, aut in singulos annos decem: quo casu electio est emtoris, sipe debitoris, juxta regulam juris in *l. plerumque, §. ult. ff. de iure dotium*. Statuitur ergo, emtorem posse primo anno præstare decem, secundo habitationem, atque ita porro in singulis annis mutare sententiam: quoniam enim ista præstatio annua est, facta in gratiam debitoris, cuius etiam electio est, ideo duæ videntur esse obligationes, ut Bartolus *ibidem* ait; unde variatio permittitur.

Ceterum ubi stipulatio annua est una, vel legatum annuum unum est, satis est stipulatorem, vel legatarium initio capacem fuisse: cum est multiplex, singulis annis capacitas exigitur, *l. Senatus, §. ult. ff. de donat. causa mortis, l. cum in annos, ff. de annuis legatis, l. t. §. si in annos, ff. ad l. Falc. l. cum in annos, §. 2. ff. quando dies legatorum*.

Præterea stipulatio annua, cum est una, pura est in omnibus annis, *l. cum qui ita, §. qui ita, ff. eod. §. at si ita, Instit. de verb. oblig. & latius ibi diximus*. At legatum annuum, ubi multiplex est, primo anno purum est, sequentibus vero annis conditionale, *l. si in singulos, ff. de annuis legatis, l. t. §. si in annos, ff. ad l. Falc.* quippe in sequentibus annis tacite inserta conditio, si legatarius vixerit, solum aliquandiu in principio anni. Itaque primi anni legatum statim a morte testatoris debetur, & legatario moriente, transmittitur ad ejus heredem, quasi purum legatum.

tum: subsequenti vero anni legatum, utpote conditionale, non transmittitur ad legatarii heredem, nisi legatarius in ingressu anni decesserit, *d. l. si in singulos, l. a vobis, ff. cit. tit.*

Tandem si servo annuum legatum multiplex relinquatur, qui servus post unum, alterumve annum fiat liber, legata in sequentibus annis præstanda sibi acquirat, cum nova legata sint. Idem est, si relictum fuerit filiofamilias, qui deinde emancipetur, *l. nec semel, ff. quando dies leg.* Secus est in stipulatione annua, cum una est in omnibus annis; nam licet filiofamilias emancipetur, usufructus tamen rerum in stipulationem deductarum etiam pro annis post emancipationem decursuris, pater sibi acquirat: & servus manumissus, semper Dominus res stipulatas accipiat; quia id tempus spectatur, quo contrahitur, *l. si filiusfam. ff. cod.*

*De Re una ob pretium, vel meliorem.*

**H**Æc tractatio privatim ad venditionem, & locationem pertinet. Et *l. quidem* circa venditionem, plura tamen distinguenda sunt, in quibus Bart. Zalius, Alciatus, ceterique in *l. si res debemus, ff. cod.* varie se implicant. Imò nec ipse, qui Juris nodos, legumque ænigmata solvit, nec ipse, inquam, Cujacius in *l. cum ejusdem, ff. de edil. edil. trac. 6. ad Africanum* recte expedire potuit.

*L.* Si res una pluribus pretiis vendita sit, plures quoque venditiones celebratz videntur. Exemplum esto, tres socii communem fundum habent pro indiviso, partibus equalibus, aut disparibus, eumque fundum vendunt, tribus expressis pretiis. Primus, qui est Dominus trientis, vendit partem suam viginti. Secundus Dominus sextantis, vendit decem. Tertius, cujus est septis, vendit triginta. Non una venditio est, sed triplex, *l. quod autem, §. fin. cum l. leg. ff. de in diem addit.*

Pone ergo fundum venditum hac lege, ut si intra tot dies melior conditio offeratur, sit inemptus: quod dicitur in diem additio; & quo ex sociis venditoribus partes suas secundo emtori addicant ob meliorem conditionem oblatam, tertio non addicente suam; hæc tertio tamen pars apud priorem emtorem remanebit; donec reliquæ, redditis pretiis, auferantur. Nempe quis ob varia pretia

triplex venditio fuit, *d. l. quod autem, §. ult.* Quod si uno pretio venditio facta sit, quæ una quoque venditio est, additio nisi in totum fieri non potest, *l. quod si uno, ff. cit. tit.*

Quod si variis pretiis venditum sit, emtor tamen ita pactus sit, nisi totum fundum emtum nolle se habere: tum ob additionem unius partis factam ab uno ex sociis, totum fundum restituet, recepto pretio, *d. l. quod si uno, §. Celsus* quoque.

Hæc facile trahi possunt ad reivindicacionem. Pone enim iterum fundum tribus pretiis venditum: vindicatur pars primi socii; hic solus de evicitione tenetur; quod ex *cit. Juris.* nemo ambiget.

*II.* Si plures res non solum disformes, sed etiam conformes, veluti plura mancipia, plures mulæ, uno pretio vendantur, plures sunt venditiones, *l. et si uno, ff. de actionib. emti.* Quod verum est, etiam si uno nomine plures res comprehendantur, ut si vendita sit polia, id est argumentum equileorum, vel vendita sit familia, quæ ex tribus servis constat, & vendita sit uno pretio, plures venditiones sunt, *l. adiles 38. §. cum autem, verum nam si polia, ff. de editio edicto.* Verum quoque est, tam si per avertionem celebrata venditio sit, id est, si consule universis mancipiis constitutum pretium fuerit, quam si constituto pretio in singula capita, postea omnium pretia redacta sint in unam summam, *l. si plura, ff. cit. tit.*

Itaque ob morbum vitiumve unius mancipii, cetera ex edicto ædilitium non redhibentur, sed illud tantum, quod morbosum, aut vitiosum est, *d. l. si plura, d. l. 38. §. si plura.* Illud interest, quod ubi pretium consule constitutum fuit, pro bonitate ejus, quod redhibetur, æstimata fiet, eaque reddetur emtori, *l. Labro in princ. ff. cit. tit.* at ubi fuit singulorum certum pretium, restituitur, id pretium, quod conventum de eo capite fuit, *d. l. si plura.*

Excipe *J.* cum sine magno incommodo, aut pietatis offensa, separari non possunt, ut pater & filius, duo fratres: quippe venditio uno pretio facta pro una haberetur; & pro uno morbo, omnes redhibentur, *l. plerumque, l. vel fratres cum seq. ff. cit. tit.*

Excipe etiam, si servi non solum uno pretio venditi sint, sed præterea sani sint promissi, una venditio est, & pro uno non sano emens



omnes redhibentur, d. l. *Labeo*, §. *idem nra*. Ratio est, quoniam qui sanos promittit, omnes sanos promittit, & videntur servi omnes. Sub unica comprehensione veniunt, animum finem respicientes, tanquam si ea destinatione unus corpus efficerent, l. *seire debemus*, §. 2. ff. *ead.* Ita ex eodem Labeone qui servos hiltere promittit, omnes promissile intelligitur, & uno non nato, poena in solidum committitur, l. *si servus*, §. *si plurim*, ff. *si quis cautionibus*.

Excipe tandem, si duo servi non solum uno pretio, sed pariter emti sunt; una enim venditio est, & altero ante venditionem mortuo, neque in vivo constat emtio, l. *si duo*, ff. *de contrahen. emtion.* Quo textu dixi sunt Veteres cum Bartolo, ad probandum plurimum specierum venditionem uno pretio contractam, esse unam. Sed non attenderunt ad verba textus, quae sunt: *Si duo quis servos emerit pariter uno pretio*, &c. Pariter, id est, tanquam pates, cum nisi ambos emtos habere possit, ut in *al. quod si uno*, §. *Celsus quibque*.

III. Si plures servi ejusdem generis sint, veluti mimi, comœdi, trageci, choreutae, item iumenta ejusdem generis, ut mulae pates, quadrigae, & similia, quae separari non possunt, & uno pretio venduntur, una venditio est, & cum unum in ea causa est, ut redhiberi debeat, omnia redhibentur, d. l. 38. §. *cum autem*, in *prin.* & in *fin.* cum *eiusdem*, ubi Cujac. ff. *de adilit. edict.*

Obstat videretur *ead.* l. 38. §. *si forte*, ubi jugo mularum venditio uno pretio, tantum mula quae vitiosa est, redhibetur; cum hoc tamen, ut non ex pretio tantum vitiosa, sed ex utriusque sit componendum, quanti minoris sit.

Verum aliud est jugum mularum, aliud pates mular, ut constat ex d. §. *si forte*, cum *seq.* ubi Cujas haec duo aperte distinguit, & separat, quamvis confundat Cujac. *loc. cit.* nam jugum non necessario paria habet, cum possint sub jugum mitti equus, & mula, ut Hispani facere solent. Itaque in paribus nullus uno pretio, una est venditio, in jugo plures venditiones, d. §. *si forte*, cum *seq.*

Sed si venditio Choro, vel quadriga, in singula capita pretium constitutum sit, regula est, ut plures sint venditiones. Excipe, cum manifestum est, non nisi omnes quem emtorum, vel venditurum; quod in comœdiis, & similibus plerumque praesumitur, quia non nisi omnes habere expedit, d. l. *cum ejusdem*.

IV. Tandem si duo paria mularum sint,

quae uno pretio emta proponantur, & una mula vitiosa sit, vel unum par, tantum par vitiosum redhibetur, alterum non, d. l. 38. §. *cum autem*, vers. *sed si duo*; scilicet duae sunt venditiones.

Obiter monemus, olim socium, ante judicium communem dividendo, sive praedium pro diviso, sive pro indiviso haberet, potuisse partem suam cuicumque vendere, hoc est tam extraneo, quam socio, Dioletianus in l. 3. C. *de comm. rer. alienat.* Scilicet, quia nondum vigeat *procuratoris*, hoc est *prolatio honoris*, quam deinde induxit Flavius Constantinus Magnus, ut Jac. Gôthofr. putat, sed substatit Valentinianus Jun. in l. *audiam*, C. *de contr. emt.* quae delimita est ex C. Theod. *ead. tit.* ubi *procurator* interpretatur *Honestas*. Eo tamen non obstante, viget apud nos ex Federico I. in *constit. Sancimus*. Hactenus de Venditione, proximum est, ut videamus.

### De Locatione.

I. SI locetur praedium in plures annos, certa dicta in singulos annos mercede, una locatio est, nec diversitas praestationum multiplicem reddit contractum.

Constat id ex l. *si uno*, in *prin.* ff. *locati*, ubi praedium suum quis colono locavit per annos plures, certa statuta mercede. Accidit, ut primus annus, laetis vi majore, id est tempestate, aliove casu fortuito fructibus, sterilis colono esset. Quare locator mercedem ejus anni remisit. Sed variante fortuna, sequentibus annis uberes fructus lecti sunt. Quaesitum est a Papiniano, utrum obesseret Domino remissio, an potius integra pensio etiam ejus anni, quo remisit, exigi posset. Et respondet posse exigi, facta compensatione sterilitatis cum uberitate. Ratio decisionis fuit, quia locatio, etsi facta in plures annos, separatis in singulos annos pensionibus, una tamen est, & proinde annus frugiferus compensatur cum sterili, ut *ibid.* docet Ant. Faber; nam si plures essent locationes, certum est unam non compensari cum alia. Hinc ergo, quando Dominus remittit mercedem primi anni steris, intelligitur remissile sub tacita conditione, nisi uberitas sequentium annorum compensationem cum sterilitate fieri exigat, prout est ex nostra locationis una, l. *ex conducto*, §. 1. l. *si merces*, §. *vis major*, ff. *locati*.

Et notandum est, in *d. l. si uno*, locatio nem ita factam per plures annos proponi, ut separa<sup>te</sup> singulis annis pensiones veniant præstandæ; locatus est enim fundus tot nummis in singulos annos, uti constat ex eo, quod ob sterilitatem unius anni proponatur remissa merces & pensio, & merces ejusdem anni. Unde certum est, pensiones fuisse tot, quot anni.

Constat etiam ex *l. licet, C. de locato*, ubi pariter fundus fuit conductus certis annuis quantitatibus, & dubitatum est, utrum ubertas cum sterilitate compensetur: Ratio dubitandi est in illis verbis, *Certis annuis quantitatibus*, ex quibus poterat videri non una facta locatio, sed plures pro numero annorum, ut ibi Accursius observat in *gl. 1.* & tamen Antoninus Imperator respondit, compensationi locum esse, id est conductionem esse unam. Rationem decisionis ex eo petit Imperator, quia bonæ fidei contractus locatio est; ait enim, *Rationem tui juxta bonam fidem haberi recte postulabis*. Quippe bona fides facit, ut credatur, præstationes fuisse divisas in annos gratia debitoris, ne simul ad totius summæ solutionem urgeretur. Quare pensio est una obligatione, multiplex solutio.

Quod si objicias, stipulatio annua, bima, trima die, non una est, sed dividitur in tres, quot sunt anni, *l. pen. §. 1. ff. cod.* Ergo etiam locatio facta tot nummis in singulos annos. Responsio patet ex dictis, nempe id esse verum in stipulatione, quæ est contractus stricti Juris; at non in locatione, quæ bonæ fidei est.

Multo magis erit una locatio, si fiat una mercede, quæ deinde ex pacto dividatur in tot æquales præstationes: ut solent locari domus, exempli gratia, triginta nummis in annum, quorum triens solvitur post quatuor quolibet menses. Quo casu nunquam dubitatum fuit, unicam esse locationem, cum una res sit, & una merces.

II. Si una sit domus divisa in plures con-  
tignationes, seu cœnacula plura, & locetur  
aversione, id est, tota uno pretio, Græce  
ὁ ὅλης, ut est species textus in *l. Et hæc  
distinctio*, ubi Cujacius tract. 8. ad *Afric.  
ff. locati*, ubi quidam conduxit insulam  
aversione, ut eam deinde locaret per singu-  
la cœnacula. Potest & opus conduci per  
aversionem, ut si quis accepit pro merce-  
de mille, onus assumat construendi mihi do-

mum sua impensa, ut in *l. opus, ff. cit. res.*  
Hæc locatio per aversionem in re indivi-  
dua est una, ut in opere aversione locato:  
in rebus; quæ commodè dividi possunt, &  
ut plures haberi, erit multiplex; nulla enim  
hie subest disparitatis ratio inter locationem,  
& venditionem: quare locatio plurium re-  
rum una mercede erit multiplex, ut multi-  
plex est plurium æreum venditio uno pretio,  
*d. si plura, ff. de aditio aditio.*

De Re una, in numero personarum.

**H**ereditas etiam in plures heredes divisa,  
una est, nam uni duo pro solido he-  
redes esse non possunt, *l. quod contra §. 1.  
ff. de reg. Juris*. Non enim dominium esse  
apud duos pro solido potest, *l. 19. §. 2. ff.  
de Castrens. peculio*: nec plures eandem rem  
possunt in solidum possidere, *l. 2. §. 4. ff.  
de acqu. poss. ut in d. l. quod contra §. 1. no-  
tat Rayardus*. Nec facit, quod quilibet he-  
res repræsentet defunctum, *l. heres, ff. de sus-  
ceptionibus*; nam quilibet repræsentat totum,  
sed non in totum, verum pro ea tantum  
parte, pro qua heres est: sic Prætorum qui-  
que totum *l. R. repræsentat, l. 3. ff. de offi-  
cio ejus*, sed non quique in totum, cum  
Prætores per Provincias divisi sint, *l. 2. §.  
cumque Consules, ff. de orig. Jur.*

Eo solum casu quilibet heres repræsentat  
Testatorem in solidum, quo de re indivi-  
dua agitur, scilicet ob necessitatem, quam  
natura obligationis inducit, *l. 2. §. ex his, ff.  
cod. Alciarius in Avenionensi præcitione ad §.  
Cato num. 41.*

Hinc de pluribus heredibus, qui uni pa-  
trono succedant, quæsitum est, an quique  
unam vocem habeat, an omnes unam? Et  
quidem Tancredus, Bernardus, alique Ve-  
teres in *cap. 2. de Jurepatronatus* credide-  
runt; in singulos patroni heredes, si plures  
fuerint, transire Juspatronatus, tanquam  
rem individuum, in solidum, tam in quan-  
tum ad Jus præsentandi, quam in quan-  
tum ad cetera omnia, ex *d. l. 2. §. ex his.*

Prælatæ tamen eis deinde est sententia  
Hostiensis, qui Juspatronatus habens ut rem  
individuum, ut ita dicam, obligatione, solu-  
tione individuum, docuit plures unius pa-  
troni heredes, tanquam causam habentes ab  
uno, unam quoque vocem obtinere, *Clem.  
plures, de Jurep.* Et aperte colligitur ex *d.  
cap. 2.* ubi si propter heredum dissentium  
Pre-

Presbyter non præsentetur, vel plures præsententur, Ecclesiæ elabuntur ossa, & sigillo consignatur, ne Sacrum Ministerium celebretur, donec omnes pari voto, & consilio unum eligant. Quare Juspatronatus pro re una in numero personarum habendum est; nisi Juspatronatus familiare sit, in quod potius Jure sanguinis, quam hereditatio succeditur, Tondutus tom. 1. resp. Canon. cap. 32. quem vide. Adia via procedit Bellonus Jure acci. cap. 6. quest. 48.

Ex his & illud constat, hereditatem esse dividuam. Sicut enim usufructus, quamvis Jus incorporale sit, tamen quia in Jure nostro attenditur prout relatus ad fructus, propterea simpliciter dividuus existimatur; ita hereditas Jus est, & tamen dividua: dividua, inquam, non modo in quantum ad res hereditarias, sed etiam in quantum ad Jus ipsum, uti constat ex Ulpian. in l. quoties, §. heredes, ff. de hered. instit. ubi hæc habet: *Heredes Juri successores sunt: & si plures instituantur, dividi inter eos Jus oportet: quod si non fiat, omnes aequaliter heredes sunt.* Ecce ut Jus hereditatis est dividuum, imo inter plures heredes etiam est divisum: quocirca hereditatis XII. uncie sunt, quæ varie inter plures heredes distribui possunt, l. interdum, §. 1. ff. eis. tit. Unde est, quod uni duo pro solido heredes esse non possunt, l. quod contra, §. 1. ff. de reg. Juris; quidquid repugnat Hocem. 99. ill. 19.

Obijcies ex l. 1. §. item si, ff. si pars hereditatis, ubi cum tres uni existissent ex testamento heredes, qui ex semisse heres erat, possidebat pro diviso non nisi trientem; statim est, ut pro reliquo, conveniret quemque duorum coheredum (quorum quisque trientem pariter possidebat, cum tamen quisque in quadrante heres esset) conveniret, inquam, in sextantem, sic ut a primo reciperet sextantem, & redderet unciam, item a secundo. Verum ne hic circuitus fieret, in uncia admixta est compensatio cum utroque herede.

Verum ex hoc textu perperam colligunt, hereditatem esse individuum: & nihil ad rem nostram facit. Ratio enim, cur heres in semisse institutus, possidens trientem, agit contra primum coheredem pro toto sextante est, quia si ageret pro uncia, sibi præjudicium faceret; videretur enim heres in quincunee. Opus ergo habet, ut dicat, *Sum*

*heres pro parte dimidia possideo trientem, deest sextans. Hunc mihi redde.* Verum quia primus hic heres est in quadrante, & non possidet nisi trientem, ideo restituendo sextantem, petet unciam.

Obijcies etiam, heres non potest pro parte adire, & pro parte repudiare hereditatem, ita nec pro tempore, l. Jus nostrum, ff. de reg. Juris. Ergo est individua.

Neganda est illatio; nam ex antecedenti propositione non inferitur, hereditatem esse individuum, sed esse unam: nam legatum etiam rei dividuæ nequit a legatario pro parte agnosci, quia unum est, non quia individuum; quare ex heredibus legatarii poterit unus acquirere, alter repudiare, l. Legatarius, in prin. ff. de leg. 1. ut supra latius.

Verum res individua ad heredes pro solido pertinent ad singulos, quia eas lex XII. Tabularum non divisit, quia nec potuit, l. heredes, §. an ea, ff. fam. creisc. Hinc quia defensio mortis, id est vindicatio, incumbit heredi ejus, qui occisus est, ut dicitur in l. necessario, §. ult. ff. ad Silianum; & defensio individua est, l. in executione, §. in solidum, l. cum ex causa, ff. cod. propterea unicuique heredum incumbit in solidum.

Ex his resolvitur aliud dubium. Si ex indulgentia Principis, vel lege municipalis alicui homicidium remittatur, sub ea lege, ut & remissionem ab heredibus occisi impetret intra certum tempus, quaeritur an omnes & singuli heredes remittere debeant, an satis sit major pars? Et verius est; ab omnibus remissionem impetrandam, quia vindicta, seu mortis defensio ad omnes heredes pertinet in solidum; ergo etiam remissio mortis: quippe in contrariis par Jus viget. Et sicut in illo casu attenduntur heredes singuli, ut singuli, ita etiam in isto, Jason, Zasius, & alij in d. l. 4. §. Cato, Can. cum Felino in cap. cum omnes, de constitutionibus. Quod verum est, quanquam mentio fiat heredis numero minori, Alciatus in d. §. Cato num. 79. cum duob. segg. & in Avenionensi prælectione, num. 168. cum segg. Angelus, quem sequitur Zasius in §. Cato num. 55. existimavit, speciale esse in eo casu, quo inter heredes sit aliquis sanguine defuncto conjunctus, quippe hujus voluntati tanquam potioris standum esse voluit, nequidquam heredibus extraneis repu-

Et notandum est, in d. l. si uno, locationem ita factam per plures annos proponi, ut separatim singulis annis pensiones veniant præstandæ; locatus est enim fundus tot nummis in singulos annos, uti constat ex eo, quod ob sterilitatem unius anni proponatur remissa merces & pensio, &c. merces eisdem anni. Unde certum est, pensiones fuisse tot, quot anni.

Constat etiam ex l. licet, C. de locato, ubi pariter fundus fuit conductus certis annuis quantitatibus, & dubitatum est, utrum ubertas cum sterilitate compensetur. Ratio dubitandi est in illis verbis, *Certis annuis quantitatibus*, ex quibus poterat videri non una facta locatio, sed plures pro numero annorum, ut ibi Accursius observat in gl. 4. & tamen Antoninus Imperator respondet, compensationis locum esse, id est conductionem esse unam. Rationem decisionis ex eo petit Imperator, quia bonæ fidei contractus locatio est; ait enim, *Rationem sui juxta bonam fidem haberi recte postulabis*. Quippe bona fides facit, ut erodatur, præstationes fuisse divisas in annos gratia debitoris, ne simul ad totius summæ solutionem urgeretur. Quare pensio est una obligatione, multiplex solutione.

Quod si objicias, stipulatio annua, bima, trima die, non una est, sed dividitur in tres, quot sunt anni, l. pen. §. 1. ff. cod. Ergo etiam locatio facta tot nummis in singulos annos. Responsio patet ex dictis, nempe id esse verum in stipulatione, quæ est contractus stricti Juris; at non in locatione, quæ bonæ fidei est.

Multo magis erit una locatio, si fiat una mercede, quæ deinde ex pacto dividatur in tot æquales præstationes: ut solent locari domus, exempli gratia, triginta nummis in annum, quorum triens solvitur post quatuor quoque menses. Quo casu nunquam dubitatum fuit, unicam esse locationem, cum una res sit, & una merces.

II. Si una sit domus divisa in plures contiguationes, seu cœnacula plura, & locetur averfione, id est, tota uno pretio, Græce *ὁ ὅλης*, ut est species textus in l. *ὅς hac distinctio*, ubi Cujacius tract. 8. ad Africi ff. locati, ubi quidam conduxit insulam averfione, ut eam deinde locaret per singula cœnacula. Potest & opus conduci per averfionem, ut si quis acceptis per mercē mille, onus assumat construendi mihi do-

mum sua impensâ, ut in l. opus, ff. cit. sic. Hæc locatio per averfionem in re individua est una, ut in opere averfione locato: in rebus, quæ commodè dividi possunt, & ut plures haberi, erit multiplex; nulla enim his subest disparitatis ratio inter locationem, & venditionem: quare locatio plurium rerum una mercede erit multiplex, ut multiplex est plurium rerum venditio uno pretio, d. si plura, ff. de additio edicto.

De Re una, in numero personarum.

**H**ereditas etiam in plures heredes divisa, una est; nam uni duo pro solido heredes esse non possunt, l. quod contra, §. 1. ff. de reg. Juris. Non enim dominium esse apud duos pro solido potest, l. 19. §. 2. ff. de Castrens. peculio: nec plures eandem rem possunt in solidum possidere, l. 2. §. 4. ff. de acqu. poss. ut in d. l. quod contra, §. 1. notat Rayardus. Nec facit, quod quilibet heres repræsentet defunctum, l. heres, ff. de substitutionibus; nam quilibet repræsentat totum, sed non in totum, verum pro ea tantum parte, pro qua heres est: sic Prætorum quique totum P. R. repræsentat, l. 3. ff. de officio ejus, sed non quidque in totum, cum Prætores per Provincias divisi sint, l. 2. §. cumque Consules, ff. de orig. Jur.

Eo solum casu quilibet heres repræsentat Testatorem in solidum, quo de re individua agitur, scilicet ob necessitatem, quam natura obligationis inducit, l. 2. §. ex his, ff. cod. Alciatus in *Aventinensi prædicatione ad §. Cato num. 41.*

Hinc de pluribus heredibus, qui uni patrono succedant, quæsitum est, an quisque unam vocem habeat, an omnes unam? Et quidem Tancredus, Bernardus, alique Veteres in cap. 2. de Jurepatronatus crediderunt; in singulos patroni heredes, si plures fuerint, transire Juspatronatus, tanquam rem individuum, in solidum, tam in quantum ad Jus præsentandi, quam in quantum ad cetera omnia, ex d. l. 2. §. ex his.

Prælati tamen eis deinde est sententia Hostiensis, qui Juspatronatus habens ut rem dividuam, ut ita dicam, obligatione, solutione individuum, docuit plures unius patroni heredes, tanquam causam habentes ab uno, unam quoque vocem obtinere, Clem. plures, de Jurep. Et aperte colligitur ex d. cap. 2. ubi si propter heredum dissensum

Pre-

Presbyter non præsentetur, vel plures præsententur, Ecclesie clauduntur ostia, & sigillo consignatur, ne Sacrum Ministerium celebretur, donec omnes pari voto, & consilio unum eligant. Quare Juspatriatus pro re una in numero personarum habendum est; nisi Juspatriatus familiaris sit, in quod potius Jure sanguinis, quam hereditario succeditur, Tondutus tom. 1. resp. Canon. cap. 32. quem vide. Alia via procedit Bellonus Jure acc. cap. 6. quest. 48.

Ex his & illud constat, hereditatem esse dividuam. Sicut enim usufructus, quamvis Jus incorporale sit, tamen quia in Jure nostro attenditur prout relatus ad fructus, propterea simpliciter dividuus existimatur; ita hereditas Jus est, & tamen dividua: dividua, inquam, non modo in quantum ad res hereditarias, sed etiam in quantum ad Jus ipsum, uti constat ex Ulpian. in l. quoties, §. heredes, ff. de hered. instit. ubi hæc habet: *Heredes Juris successores sunt: & si plures instituantur, dividi inter eos Jus oportet: quod si non fiat, omnes equaliter heredes sunt.* Ecce ita Jus hereditatis est dividuum: imo inter plures heredes etiam est divisum: quocirca hereditatis XII. uncie sunt, quæ varie inter plures heredes distribui possunt, l. interdum, §. t. ff. cit. tit. Unde est, quod uni duo pro solido heredes esse non possunt, l. quod contra, §. t. ff. de reg. Juris; quidquid repugnet Horum. gg. ill. 19.

Obijcies ex l. t. §. item si, ff. si pars hereditatis, ubi cum tres uni existissent ex testamento heredes, qui ex semisse heres erat, possidebat pro diviso non nisi trientem; statum est, ut pro reliquo, conveniret quemque duorum coheredum (quorum quisque trientem pariter possidebat, cum tamen quisque in quadrante heres esset) conveniret, inquam, in sextantem, sic ut a primo reciperet sextantem, & redderet unciam, item a secundo. Verum ne hic circuitus fieret, in uncia admissa est compensatio cum utroque herede.

Verum ex hoc textu perperam colligunt, hereditatem esse individuum: & nihil ad rem nostram facit. Ratio enim, cur heres in semisse institutus, possidens trientem, agit contra primum coheredem pro toto sextante est, quia si ageret pro uncia, sibi præjudicium faceret; videretur enim heres in quincunce. Opus ergo habet, ut dicat, Sum

heres pro parte dimidia possideo trientem, deest sextans. Hunc mihi redde. Verum quia primus hic heres est in quadrante, & non possidet nisi trientem, ideo restituendo sextantem, petet unciam.

Obijcies etiam, heres non potest pro parte adire, & pro parte repudiare hereditatem, ita nec pro tempore, l. Jus nostrum, ff. de reg. Juris. Ergo est individuum.

Neganda est illatio; nam ex antecedenti propositione non inferitur, hereditatem esse individuum, sed esse unam: nam legatum etiam rei dividuæ nequit a legatario pro parte agnosci, quia unum est, non quia individuum; quare ex heredibus legatarii poterit unus acquirere, alter repudiare, l. Legatarius, in prius, ff. de leg. 1. ut supra lausius.

Verum res individua ad heredes pro solido pertinent ad singulos, quia eas lex XII. Tabularum non divisit, quia nec potuit, l. heredes, §. an ea, ff. sam. creisc. Hinc quia defensio mortis, id est vindicta, incumbit heredi ejus, qui occisus est, ut dicitur in l. necessario, §. ult. ff. ad Silianum; & defensio individua est, l. in executione, §. in solidum, l. cum ex causa, ff. cod. propterea unicuique heredum incumbit in solidum.

Unicique heredum aliud dabitur. Si ex indulgentia Principis, vel lege municipali alicui homicidium remittatur, sub ea lege, ut & remissionem ab heredibus occisi impetret intra certum tempus, quaritur an omnes & singuli heredes remittere debeant, an satis sit major pars? Et verius est; ab omnibus remissionem impetrandam, quia vindicta, seu mortis defensio ad omnes heredes pertinet in solidum; ergo etiam remissio mortis: quippe in contrariis par Jus viget. Et sicut in illo casu attenduntur heredes singuli, ut singuli, ita etiam in isto, Jason, Zasius, & alii in d. l. 4. §. Cato, Can. cum Felino in cap. cum omnes, de constitutionibus. Quod verum est, quanquam mentio fiat heredis numero minori, Alciatus in d. §. Cato num. 79. cum duob. seqq. & in Avenionensi prælectione, num. 168. cum seqq. Angelus, quem sequitur Zasius in §. Cato num. 55. existimavit, speciale esse in eo casu, quo inter heredes sit aliquis sanguine defuncto conjunctus, quippe hujus voluntati tanquam potioris standum esse voluit, nequidquam heredibus extraneis repu-

gnantibus. Quæ sententia humanitatis prætexens solidam pervexit Juris rationem.

Nec obstat, quod objicit Bartolus in d. *§. Cato*, quod ult. nempe regula *l. quod major*, ff. ad municipalem; nam in his rebus, quod major pars efficit, omnes effici se censentur, quæ perueniunt ad singulos, uti universos, non etiam in his, quæ pertinent ad singulos, uti singulos, ut in specie nostra, *l. si autem plures*, ff. de aqua pluvialia, *d. per fundum*, ff. de Serv. rusticis. *l. rescriptum*, ff. communia prediorum, cap. quod omnes, de reg. Jur. in 6.

Procedit ergo regula *d. l. quod major*, in electione, cap. cum in jure, de electione: in concedendis debitori quinquaginta libris induciis; nam pari quantitate debui utrinque inventa, dispari vero creditorum numero, amplior pars creditorum causa humanitatis attenditur, *t. ult. C. de cessione bonorum*, ubi vide latius. In quantum ad regulam, Quod major pars, &c. ea insuper intelligitur locum habere, nisi minor pars sanior sit. Ita Panor. in cap. Ecclesia 2. de elect. & alii communiter explicant textum in *d. l. quod major*, ff. ad municipalem, ubi vide Gloss. Quid vero attinet ad textum in *l. ult. C. de cessione bonorum*, sermonem habet in benignitate. Et textus in cap. cum in jure, de electione loquitur, nisi in electo adsit aliquod Canonicum impedimentum. Et hæc habemus dicere pro temporis angustia, de toto hoc tractatu. Ad honorem, & gloriam Sanctissimæ Trinitatis, quæ una & individua est in substantia, divida, & triplex in personis.

De rebus creditis, si certum petatur; & De conditione, ad lib. 12. Digestorum tit. 1.

**H**anc Rubricam satis per se involutam, suis etiam interpretationibus Doctores involuere reddunt. Nos eam ex Cujac. explicabimus in *l. si cum*, ff. eod. tract. 2. ad Afric. Dividitur in partes duas. Prior est, De rebus creditis, si certum petatur. Posterior est, De conditione. Illa est generalis, hæc specialis.

In priori itaque parte venit *Res credita*, quæ dicitur esse in omnibus contractibus, quos alienam fidem secuti institvimus. Ita pignus dicitur res credita, ut etiam commodatum, *l. 1. §. 1. ff. eod. item promissio dotis, & stipulatio, l. 2. §. creditum, & §. verbis*. Quod attinet ad mutuum, id stricte & proprie, *credendum* dicitur; unde in *credendum ire*, pro *ire in mutuum*, *d. l. 2.*

*§. mutui*; & creditores illi proprie sunt, qui mutuum pecuniam dederunt, & debitores, qui pecuniam mutuum acceperunt, *l. creditores*, *l. creditorum*, ff. de verb. sign. *l. omnem obligationem*, ff. de iudiciis, Novell. 4. §. fin. *Harmen. 3. Prochiri 5.* Propterea qui indebitum accepit ab eo, qui per errorem solvit, eadem actione tenetur, quæ debitoribus creditoribus; *l. 4. §. si quoque*, ff. de O. & A. hoc est, perinde obligatur, ac si mutuum ei datum esset, §. item si cui, Instit. de obligationibus, quæ quasi ex contractu. Cujac. 8. obs. 34. qui indebitum eleganter *Promutuum* appellat. Quamvis hæc vera sint, tamen in priori hac parte Rubricæ sub nomine *Res credita* mutuum non venit, *d. l. 2. §. creditum*.

Non dissimiliter res credita est, quæ ex contractibus incertis debetur. Incerti contractus sunt innominati, qui quales sint, non apparet, licet ex eis certum debeat, *l. certi conditio 9.* Alia ratione incerta stipulatio dicitur, ex qua incertum debetur, *l. ubi autem*, ff. de verb. obligat. Incerta actio, ex qua incertum petitur, *l. cum res 22. C. de donationibus*. Incerta nomina, quæ ignorantur, *l. 1. §. de Senatuscons. Maced. Merill. 3. obs. 38.*

Ex ultimis etiam voluntatibus, veluti ex causa legati, res credita dicitur. Vide in *l. si cum 23.* Ita quoque si fideicommissarius post restitutum sibi hereditatem velit agere ex Senatusconsulto Tertulliano contra debitores hereditarios, *d. l. certi conditio, §. competet*.

Eodem modo res credita est, quæ ex maleficiis præstanda est; nam ex lege Aquilia, & ex causa furtiva dicimur creditores, *d. §. competet*.

Hæc vera sunt, modo, res sit certa: quare in Rubrica additur, *Si certum petatur*: quæ ut priora verba Edicti Prætoris. Et certum dicitur omnis species, & omnis quantitas, de qua constat qualis, quantæ sit, *l. certum est*. Res incorporales incertæ sunt, ut servitutis, possessio; quamvis alio trahat Rævardus in *l. quatenus*, ff. de reg. Juris.

Hinc actio, quæ inde oritur, est *certi conditio*, *d. l. certi conditio*, quoniam actio personalis est: & ita concipitur: *Si paret eum dare facere oportere, §. si itaque, Institut. de actionib.* At queritur, unde Conditionis nomen venit? Est quæ debitori denunciatur eum dare facere oportere; nam præca lingua *condicere* est denunciare, ut monet Ju-

stinia-

Ainianus in §. appellamus, de action. & Servius in Virgilium ait, in Jure Augurali conditionem esse denunciationem, cum denuntiatur, ut ante diem tertium quis ad inaugurandum adsit, ut ibid. Cujacius notat. Ob eandem causam, quando ex stipulatione res certa petitur, certi conditio dicitur, *Instit. de verb. obligat. in princ.*

Esi vero Cediti appellatione contractus Depositum, Pignoris, & Commodati contineantur, non tamen pro eis datur certi conditio, quia nemo rem suam condicit, d. §. sic itaque. Sub hac tamen exceptione, nisi dolo malo vel Depositum, vel Commodatum, vel Pignus inficiaretur, qui accepisset, l. si quis inficiatus, §. ult. ff. de depositi, & ita Cujacius in *Paratistis* hic intelligit textum in l. 4. §. res, ff. cod. ubi, Res pignori data, pecunia soluta, condici potest. Aliiter explicat Accursius. Verius est, in omni casu posse Pignus condici, non quidem Conditione certi, sed Conditione Triticaria, si debitor taneum de possessione agat, ut jam dicam.

Conditio certi in pluribus a Conditione Triticaria distat, ex Cujacio in l. centum Capua, C. de eo quod certo loco, tract. 3. ad Afric. Et l. Copditio, certi est stricta: at Triticaria Copditio arbitraria est, & rationem admittit loci, temporisque; namque in ea tanti lis æstimatur officio Judicis, quanti merx, vel res debita fuit eo die, vel eo loco, quo dari debuit, l. ult. ff. de condici. Tritic. l. quoties in diem, & seq. ff. de verb. oblig. quæ accipiendæ sunt de conditione triticaria, non de conditione certi. Inde in conditione certi Judex servit scripturæ contractus, l. 2. §. nunc de officio, ff. de eo, quod certo loco. In conditione triticaria Judex non servit formulæ contractus, sed rem æstimat ex suo arbitrio, die, vel loco adjecto, quanti fuit eo die, vel loco, quo dari debuit; modo igitur pluri, quam fuit contractus tempore, modo minoris. Non adjecto die, vel loco, quanti fuit lis contestata, vel rei judicandæ tempore, l. penult. & ult. ff. de condici. Tritic. nam in ceteris rebus immobilibus, aut moventibus, puta fundo, ædibus, homine, spectat rei judicandæ tempus, vel si homo interierit, mortis tempus.

Et hæc pertinet rextus in l. vinum, hoc tit. quia æstimatio vini mutuo dari, peti non potest conditione certi ex mutuo, sed tantum ut vinum æque bonum reddatur, l. 3. ff. cod. Peti igitur debet conditione triticaria,

quæ arbitraria est, & datur ad æstimacionem propter varia rerum pretia, l. ult. ff. de condici. Tritic. juncta l. ult. ff. de eo quod certo loco, *Mc-rillus 3. obs. 31.*

II. In conditione certi veniunt pecunia numerata, & res omnes corporales, non incorporales, quia incertæ in conditione triticaria res corporales, & incorporales, tam certæ, quam incertæ, non tamen pecunia numerata, l. 1. ff. de condici. Tritic. Cur igitur vero? quia conditio triticaria datur ejus rei, quæ petitur, æstimandæ causa: pecuniæ autem una, & certa æstimatio est, l. 2. ff. de in litem sue. l. 3. ff. de eo, quod certo loco. Non indiget igitur æstimatore. Ceterarum rerum varia, & mutabilis æstimatio est pro diversitate locorum, & temporum, l. pretia, §. ult. ff. ad legem Falcid. d. l. 3. Inter res incorporales sunt servitutes, & possessio, l. 1. & 2. ff. de condici. Tritic. l. 2. §. de furtis.

Præterea Triticaria distat ab Arbitrio de eo, quod certo loco, ex mutuo, vel ex stipulatione, vel ex testamento, vel ex constituto; quia in triticariam pecunia non venit, in Arbitrariam pecunia venit: nempe quia in triticaria res petita officio Judicis æstimatur: pecunia aut æstimat, non æstimatur, aut certe ejus ubique & semper una eademque æstimatio est. Arbitraria æstimat id, quod interest: cadit autem etiam in pecuniam id quod interest, d. l. 3. ff. de eo quod certo loco, Cujacius in *Paratistis*, ibid.

Nomen habet a tritico, quia ( ut Stephanus Græcus interpret ait ) olim in antiqua formula conditionis triticaria, quoties scilicet sua cuique actioni constituta erat formula, tritici fiebat mentio: propterea quod ei, qui hanc formulam sibi dari primus postulavit, forte res erat de æstimando tritico, Cujacius in l. si cum servum, ff. de rebus creditis, tract. 2. ad Afric. & in *Paratist. de condici. Tritic.* Non dissimiliter crimen Stellionatus, nomen accepit ex eo, quod primo propositum fuit contra mulierem, quæ vinum, in quo stello fuerat immortuus, pellici propinavit; nam facies eorum, quæ inde biberint, lenigine obducitur, *Plinius lib. 29. cap. 4.* Ita conjectat Alciat. l. perere. 46.

Posterior pars nostræ Rubricæ est De conditione. Ita legitur in Pandectis Florentinis, & falso in vulgatis est De certi conditione. Et hæc est, quæ proprie ad mutuum pertinet; Conditio enim simpliciter dicitur actio

cx

ex mutuo, ut constat ex §. 1. Institutionibus quibus modis re contrahitur obligatio, ibi: Et ex eo contractus (mutui) nascitur actio, qua vocatur *Condictio*. Ita editio Cujaciana, & Theophilus, quamquam in vulgaris sit, *Qua* vocatur certi *condictio*, *Condictio*, seu actio condictitia dicitur etiam, quæ datur in promutuo ad repetendam rem per errorem solum, ut ibidem habetur. *Condictio* ex mutuo sub usufructu dicitur *Actio Kalendarii* in l. tutores, §. periculo, ff. de admin. tutorum.

Datur etiam *Condictio* ex consumptione, quæ conductionem ex mutuo imitatur, & a veteribus Jurisconsultis dicta est *condictio de bene deperis*, idest de nummis bona fide consumptis, Theophilus §. ult. *Quibus alienare liceat, vel non*. Veluti si qui acceperunt pecuniam mutuam, Domini facti non sunt; quare sæpe evenit, ut ubi non est *condictio* ex mutuo, sit *condictio* de bene deperis. Et plures ex nostro titulo leges ad eam referuntur; nam de ea agitur in l. rogasti, §. ult. ff. cod. ubi si fugitivus, vel alius servus, contra voluntatem Domini credendo, nummos non facit accipientes, qui si sine dolo malo consumpsit, condici ipsi possunt. Ita quoque si fur nummos credendi animo dedit, vel si quis alienos nummos multos dedit, consumptis eis nascitur *Condictio*, l. nam etsi fur, ff. cod. l. si quis pro eo, §. si nummos, ff. de fideiussoribus. Ita si pupillus sine tutoris auctoritate crediderit, aut solvendi causa dederit, consumpta pecunia, *condictionem* habet, vel liberatur, l. non omnis, §. ult. ff. cod. Cujacius in l. pen. ff. cod. tracl. 8. ad Afric.

Præter *Conductionem* triticariam, & de bene deperis, de quibus jam diximus, agitur in hoc titulo sparsim de *Conductionibus* aliis; nam de *Conditione ob injustam causam* agitur in l. 4. §. res pignari, quod satis verba illa innunt, & fractus ex injusta causa percepti condicendi erunt, nempe *Conditione* ob injustam causam. Agitur de *Conditione sine causa* in l. si cum servum 23. l. si me 32. Ita quoque de *Conditione indebiti* in Leum fundus 31. §. servum tuum. Quæ occasionem dederunt Menilio 3. obs. 31. ut verba illa Rubricæ de *Conditione* acciperet non de speciali aliqua *Conditione*, sed generatim de *conditionibus* omnibus; quare invertit verba Rubricæ, & ita concepit, De *conditione*, & de rebus creditis si certum petatur, ut nimirum generalia præponantur. Alii aliter aut immu-

tant, aut explicant. Sed a jam dictis recedendum non est.

De *Paulis* in continenti adjectis; ad sextum in l. lecta 40. ff. cod.

**L** Ex hæc desumpta est ex Paulo lib. 3. *questionum*, & multa habet, quæ pro sententia ejus recte percipienda, perpendi debent: Multa etiam quæ tanquam *supra* insunt. Et in partes quinque tribuitur. In prima *Cautio* proponitur. In secunda, facti species, & descriptio Pauli, ibi, *Quæsum est*. In tertia, obiectio, ibi, *Paulum vero*. In quarta responsio Pauli, ibi, *Sed cum sortis*. In ultima demum exceptio. De singulis distincte, & per partes subjiciendo verba textus, agendum est.

#### Cautio.

**P** Paulus: *Lecta in Auditorio Æmilii Papiniani Præfetti Prætorio Jurisconsulti Cautio hujusmodi*. Lucius Titius scripsi me accepisse a P. Mævio xv. mutua, numerata mihi de domo sua. Et hæc xv. proba recte dari *Kalendar. futuris*, stipulatus est Publius Mævius, spondendi ego L. Titius. Si ea die superscripta summa P. Mævio, erit, ad quam ea res pertinebit, data, soluta, satisve eo nomine factum non erit; tunc eo amplius, quo post solum, pena nomine, in dies 30. inque denarios ventenos, denarios singulos dari, stipulatus est P. Mævius, spondendi ego L. Titius. Conventiqne inter nos, ut P. Mævio ex summa superscripta mensibus refundere debeam denarios tricenos ex omni summa ei, heredive ejus.

Hæc est cautio lecta, ut Paulus ait, in Auditorio, seu Affessorio Papiniani, qui fuit Præfectus Prætorio, id est, Palatii Principis, sub Antonino Caracalla; Prætorium enim est omnis ampla domus, & præcipue Aula Principis; cujus Præfectus potestatem habet nulli æqualem, & vice sacra judicat, ut ait Cassiodorus 6. variat. 3. ut propterea a sententiis ipsius ad Principem provocare non licet, l. 1. ff. de officio Præfetti Prætorio. Huic in his æsimilis est apud nos Præfex S. C. qui de causis vice Principis cognoscit, & Jure extremæ provocationis utitur. Adsidebant autem Papiniano Paulus & Ulpianus ut ex Lampridio habetur: & quidem de Paulo constat ex nostra præfati lege.

Ceterum *Cautio*ni propositæ quatuor partes sunt. In I. habetur *Condictio* mutui; facietur enim Titius se a Mævio 15. mutua.



piſſe; & tamen ex ſequentibus habetur, ſum-  
mam fuiſſe majorem, quam 15. & ad multa  
denariorum centena ſe extendiſſe. Alciatus  
3. diſpunctionum 2. interpretatur 15. ſeſtertia,  
quæ ſeſtertia a Veteribus notata ſunt duabus  
lueris H. S. quæ videntur in noſtro textu  
per incuriam omiſſæ. Valet autem ſeſtertium  
quodque ducatur 25. ſeu nummos mille: quare  
ſeſtertia 15. ſunt nummorum quindecim mil-  
lia. Itaque poſſes in noſtro textu etiam le-  
gere 15. milia, intelligendo, nummorum,  
quæ ſumma conſiſcit denarii 3750.

At verò Aeculſius interpretatur XV. mil-  
lia denariorum; quod ſequitur Cujacius lib.  
3. 99. Pauli: quippe in toto hoc idiochiro  
ſemper denariorum mentio ſit, nunquam  
nummorum, aut ſeſtertiorum. Et ita faci-  
lius emendatur noſter textus ſuperponendo te-  
monem notæ illius numeri quindecim, ita  
XV. nam temonis ſuperpoſitio eſt millium ad-  
ſignificatio. Ita etiam emendandus eſt textus in  
l. ſi teſtamento, §. quod ſi duo, ff. de fidejuſſ.  
ubi XX. eſt poſitum pro XX. & X. pro X.  
ut conſtat ex eo, quod eadem lex ſubiicit de-  
inde expreſſe quinque milia, tractans eam-  
dem ſpeciem, ut eſt in Pandectis Florentinis.  
Idem erratum eſt in l. debitor, ff. de nego-  
tiis geſtis, & in l. duo, ff. pro ſocio.

Hanc ſummam Mævius mutuam dedit, &  
numeravit de domo ſua, ut Paulus ait, ad  
diſcrimen ejus pecunie, quam quis ſolvit per  
argentarium, apud quem eam honori locan-  
dam depoſuit, l. ſi quis ex argentariis, §. ratio-  
nem, ff. de edendo, Nov. 136. de argentariorum  
contractibus. Quod hic dicitur de domo ſua, id  
ex area ſua eſt in l. quidam, ff. de conſtit. pec.

II. In Cautione habetur ſtipulatio ſortis  
creditori reddendæ Kalend. futuris, id eſt pro-  
ximis, in hæc verba: Et hæc XV. proba recte  
dari Kal. ſummas ſtipulatus eſt P. Mævius,  
ſpondi ego L. Titius: Proba, nam qui repro-  
bus nummos ſolvit, minime liberatur, l. ele-  
gant, §. 1. ff. de pignor. acti. Recte, id eſt boni  
viri arbitratu l. hæc verba 75. ff. de verb. ſign.

Quæres, quidnam in reddendo mutuo ſti-  
pulationi operetur. Videtur enim fruſtra inter-  
poni; quippe ea omiſſa, mutuum petitur certi  
condiçione, §. 1. inſtit. quib. modis re contra-  
hiatur obligat. ea vera adhibita, certi adhuc  
conditio oriatur, cum res mutuo data certa  
ſit, inſtit. de verb. oblig. in prin. Et utra-  
que ſtricti Juris eſt, §. actionum, Inſtit. de  
actionibus. Utilitas tamen eſt, quia ubi nu-

merationi ex continenti ſtipulor pecuniâ  
dari, non oritur obligatio ex mutuo, ſed ex  
ſtipulatione, & ex illa agam, non ex illo,  
l. 6. §. 1. cum l. ſeq. ff. de novationibus; qua-  
re nihil opus habeo diſcutere mutuum, cum  
ſit ſatis ſtipulationem producere. Præterea in  
ſpecie noſtra tempus reddendi additum eſt, id  
eſt, in Kal. futuris; & hujus temporis gra-  
tia recte etiam ſtipulatio ſubdita eſt, & non  
quidem in gratiam creditoris, ſed debitoris.  
Nam ſi ſingas tempus nudo pacto additum,  
utique creditor ante tempus recte agat; nam  
pactum actionem non tollit, nec poſſet a de-  
bitore repelli, niſi oppoſita ex jure Prætorio  
pacti exceptione, l. Juriſgent. §. ſed cum nul-  
la, ff. de pactis. Quæ exceptio ante litem  
contellatam opponi deberet, cum dilatoria  
ſit, l. filiusfam. §. veterani, ff. de Procurato-  
ribus, l. fin. C. de exceptionibus. At cum pa-  
cto addita ſtipulatio eſt, creditor ante tem-  
pus ſtatutum actionem non habet, & reus  
ipſo jure tutus eſt; & ſi exceptione uti ve-  
lit, eam tanquam peremptoriam, recte uſque  
ad ſententiam opponet, l. 4. & C. cit. iii.  
l. 2. Cui ſententiam reſcindendi non poſſe. Utrouque  
tamen caſu aſtori, quia plus tempore petit,  
ex conſtitutione Zenonis duplicantur induciæ,  
§. bodie, Inſtit. de except.

III. Idiochiram continet alteram ſtipula-  
tionem, quæ eſt de uſuris præſtandis ex mo-  
ra, ſi pecunia credita Kal. proximis ſoluta  
non ſit. Et eſt in gratiam creditoris, & ha-  
betur illiſ verbis: Si ea die ſupraſcripta ſum-  
ma P. Mævio, erit, ad quem ea res pertine-  
bit, data, ſoluta, ſatisve eo nomine factum non  
erit: tunc eo amplius, quo poſt ſolvam, in dies  
30. inque denarii centenis, denarii ſingulos dari  
ſtipulatus eſt P. Mævius, ſpondi ego L. Ti-  
tius: Quoties ſtipulationi generatim adjici-  
tur, Erit, ad eam ea res pertinebit, & ar-  
rogatorum, & eorum, qui jure nobis ſucced-  
dunt, perſonæ comprehenduntur, id eſt he-  
redes, & bonorum poſſeſſorem l. plura, §.  
1. ff. de O. & A.

Uſuræ igitur in hæc ſpecie ſunt denarii  
ſinguli in centenos, in dies 30. id eſt quo-  
quo menſe; nam creditores cuiſque menſi  
non imputant, niſi dies 30., l. ſi ita quo-  
promiſerit, in prin. ff. de verb. oblig. Quip-  
pe olim creditores ſtipulabantur uſuras in  
Kal. ſingulas: unde Kalendarii nomine in  
Jure noſtro ſignificantur pecuniæ ſcænebres,  
l. pen. ff. deod. & condiçio ex mutuo ſub uſuris  
dicitur

dicetur actio *Kalendarii*, l. tutores, §. periculosus, ff. de admin. tutor. Solebant tamen dies solutionis differre in Idus, l. si ex pluribus, §. de solutionibus. Horatius:

*Omne regeis Idibus pecuniam,*

*Quarit Kalendis ponere.*

Interim non negamus, aliquando usuras fuisse annuas, l. cum quidam, in princ. ff. de usur.

Porro denarii singuli in centenos quolibet mense efficiunt usuram centesimam, quæ est duodecim nummorum singulis annis in singulos centenos, ultra quam usuram stipulari non licuit, l. si pro mutua, C. cod. l. 4. ff. de nautico favore. Dicta est centesima, quia centesimus nummus quolibet mense reperitur. Harmenopolus 3. Prochiri 7.

Hinc apparet, falso in vulgatis libris legi: *In dies 25. in denarios centenos denarios singulos*, ut etiam legit Alciatus; nam si ita esset, tunc in XII. mensibus pro singulis centenis usuræ excederent centesimam duobus uncis cum duobus quintis. Perperam Alciatus scribit, excessum esse in duobus tantum uncis; & tamen Alciatus deridet Doctores, quod hujus legis calculum ponere nesciverint. Jam autem diximus, usuras ultra centesimas improbari.

In Pandectis Florentinis legitur, *In dies viginti. quinque denarios centenos*; &c. Quod si recipias, scenus in XII. mensibus pro singulis centenis erit sextans cum duobus septimis: quod est infra centesimum. Sed hæc lectio palam corrupta est, quia deficit articulus *In*, ante *denarios centenos*. Quare omnino legendum est, *In dies viginti, inque denarios centenos*, ut posuimus Cujacium secuti.

In usuris necesse fuit, stipulationem adijcere; nam pecunia creditæ usuræ, nisi in stipulationem deductæ sint, non debentur, nihil suffragante pacto, quod de usuris præstandis ex continenti adjectum est, l. Titius, ff. de præscrip. verbis. De qua re latius infra.

Demum hic usuræ post moram promittuntur *Pana nomine*, ut sunt verba Cautionis. Quod observandum est, quia insiguntur usuræ, quasi pœna sit; statuuntur enim in pœnam debitonis, non ob lucrum creditoris, l. cum quidam, §. si pupillo, ff. de usuris.

IV. In Cautione post stipulationem sortis, & usurarum, ex continenti adjectum est pactum audum, quo ejus sortis solvendæ dies mutata est; pacti enim sunt inter se debitor, & creditor, ut non Kal. proximus, ut

in prima stipulatione caveant, debitor totam sortem solveret, sed singulis mensibus denarios trecentos tantum, quoad explesset summam XV. millium denariorum. Quæ pensiones mensuar collectæ in unam summam, efficiunt quotannis tria millia & sexcentos, & explent sortem totam anni quinti mense secundo, id est mense quinquagesimo. Quod si ponas cum Aleisto summam creditam fuisse denarios 3750. Ergo si constructui refunduntur denarii 300. post annum supererunt denarii 150. qui videntur solvendi intra dies 15. mensis XIII. Alciatus tamen ait, hac ratione sortem annua die restitui. Quod falsum est.

In hoc pacto nudo actum est tantum de sorte solvenda divisim pensionibus, & nihil de usuris expressum est; nam ista verba habent: *Convenimus inter nos, ut P. Maro ex summa superscripta mensibus refundere debeam denarios trecentos ex omni summa; ei, hereditæ ejus*. Et hæc tenus de Cautione.

*Facti species, & decisio Pauli.*

Paulus. *Quæritur est de obligatione usurarum; quoniam numerus mensium, qui solutioni competebat, transierat*. Dicebam, quia pacta in continenti facta, stipulationi inesse credantur, perinde esse, ac si per singulos menses certam pecuniam stipulatus, quod tardius soluta esset, usuras adiecesset. Igitur finito primo mense, primæ pensionis usuras currere: & similiter post secundum, & tertium tractum, usuras non soluta pensionis crescere: nec ante sortis non soluta usuras peti posse, quam ipsa sortis peti poterit.

Finge ergo pro facti specie, transit primus mensis a die contractus, seu pacti, & debitor primam pensionem; id est primos trecentos denarios non solvit: & ita etiam insequentibus mensibus accidit, ut debitor semper a solutione pensionum cessaverit. Quæritur in Auditorio Papiani est, ex quo tempore usuræ deberentur, an scilicet deberentur usuræ totius summæ ex die constituta in secunda stipulatione, id est, Kal. proxime futuris; an potius deberentur usuræ singularum pensionum a die in pacto appolita, id est a hoc conjuncto mensis?

Ex Paulus ait, deberi a die pacti comprehensâ, id est transacto primo mense currere ex mora usuras tantum primæ pensionis, id est tertentum denariorum: præterito altero mense,

mensile, incipere tum eursum usurarumque alterius, pensionis, & ita porro. Nempe, quia pactum reformat secundam stipulationem, & differt solutionem sortis, id est, facit, ut fors XV. amplius non recte petatur Kalend. proximis, sed ut petatur per partes singulis mensibus trecenti denarii: inde fit, ut pactum differat etiam usuras, id est ut usurae non debeantur, nisi pro rata parte pensionum sua die non solutarum; nam, ut Paulus ait, non potest peti usura sortis, nisi & fors ipsa peti possit, ut etiam habetur in *l. cum post. §. usuras, ff. de iure dotium*. Et quod de tota sorte dicitur, verum est quoque de parte, id est, ut eatenus tantum usura peti possit, quatenus & fors.

Dubium tamen est, quia pecaniam ereditae usurae, nisi in stipulationem deductae sint, non debentur, *l. Titius, ff. de praescriptis verbis*. Et hoc est discrimen inier contractus bonae fidei, & stricti iuris, ut in contractu bonae fidei, exempli gratia, in deposito, usurae ex pacto statim adiecto debeantur: at in contractu stricti iuris, uti est mutuum, usurae non debeantur, nisi per stipulationem, *l. Lucius Titius, ff. de depositis*.

Huic tacite objectioni responder Paulus, cum ait, *Pacta in continenti facta stipulationi inesse*. Quod a nemine haecenus animadvertum est. Et sensus est, pactum, quod statim stipulationi subditur, haberi ac si in ipsa stipulatione comprehensum esset, seu tamquam si ipsum quoque in stipulationem deductum esset. Quare cum in specie proposita ex pacto dicantur dilatae usurae, videntur dilatae ex stipulatione. Doctores tamen aliter, atque aliter, praedicta Pauli verba explicant, & magnae turbae inter ipsos ortae sunt, quibus legi huic ponis tenebras, quam lucem inuoluerunt; adeo ut vulgo dicatur *Lex ista, non intellecta*. Operae tamen pretium erit, videre.

### Q U A E S T I O U N I C A.

*Utrum Pactum in continenti adiectum insit non solum ex parte Rei, sed etiam Actoris.*

**E**A pacta dicuntur ex parte Actoris inesse, quae ei actionem tribuant: Qua in re Cujac. *ro. obs. 24.* & Faber *epist. 2. ad Valentianum*, volunt distinguere inter producere, seu parere, & formare actionem, ut formare actionem sit, actionem, quae ex contractu oritur, extendi etiam ad pactum: at producere seu parere actio-

nem, sit prodesse quidem creditori ad agendum, sed ut non ei tribuat eam actionem, quae descendit ex contractu nominato, cui pactum adiectum est, sed aliam, tamquam ex contractu inominato, nempe praescriptis verbis, & in factum. Et diverso dicuntur inesse ex parte rei pacta, quae ipso iure reum tutum faciunt, qui propterea opus non habet nisi exceptione pacti; nam pactum, quod exceptionem tantum tribuit, contractui non inest, ut patet ex nostra lege *§. 1. cum seq.* Ergo cum inest, reo non est necessaria exceptio, sedmero iure tutus est, Cujac. hic, & *10. obs. 24.*

Praeterea pacta, quae insunt, ea dant legem contractui: & insunt ea tantum, quae in continenti appolita sunt, *l. Juris, §. idem Marcellus, ff. de pactis*. In continenti, est illico, nullo actu interfecto, qui alienus sit ab eo negotio, quod geritur, *l. 12. ff. de duob. reis*.

His positis, separandi sunt contractus bonae fidei a contractibus stricti iuris: non enim par & aequalis in utrisque difficultas est.

Primo itaque pacta ex continenti subsecuta in iudiciis bonae fidei insunt etiam ex parte Actoris, & formant ipsam actionem, *l. Juris, §. quinimo, cum 4. seqq. ff. de pactis, l. in bonae fidei, C. sit. tit.* Pone, vendidit tibi fundum, & ex pacto in continenti convenit mihi tecum, ut quodcumque, vel intra certa tempora ego, heredes meus obtulerit tibi hereditate tuo idem pretium, fundum revendas, & restituas; pactum id inest contractui, & format actionem. Quare si mihi parato praestare pretium, recuses revendere, agam contra te actione ex vendito, licet pactum extra contractum venditionis sit, *l. si sterilis, §. si tibi, ff. de actionib. emti.* Imo si velim, licet mihi etiam praescriptis verbis actionem proponere, quasi fecerim, id est, vendiderim, ut facias, id est, revendas, *l. 2. C. de pactis inter emptorem*. Cum utor actione ex vendito, pactum format actionem; cum praescriptis verbis, pactum producit actionem, sed non format.

Hec vera sunt etiam in pacto de usuris ex contractu bonae fidei praestandis; nam si depositi apud te 100. & praescis in continenti, ut te non reddente depositum, praestes usuras; lex contractus servanda est; & actione depositi petam usuras, *l. Lucius Titius, l. Publica, §. 1. ff. de depositis, l. cum quidam, §. ex locato ff. de usuris, l. initio, C. de pactis inter emptorem*.

Horum omnium ratio est, quia bonæ fidei contractus eandem formam habent, quam pacta, id est consensus, l. 1. & 2. ff. de pactis: propterea facile pactum cum ipso contractu miscetur: & quia iudicia bonæ fidei laxiora sunt, & verba illa Prætoris, *ex bonæ fide*, vel *ut æquius melius*, liberam potestatem arbitrando Iudici concedunt, Hottomanus in §. actionum, institutionibus de actionibus. Et conitat aperte ex d. l. Lucius Titius, ibi: *Et est quidem constitutum in bonæ fidei iudiciis, quod ad usuras attinet, ut tantundem possit officium arbitri, quantum stipulatio.* Et Arbitrator hic est Iudex, qui in causis bonæ fidei sedet. Excipe calus l. quod si locus, ff. de religiosis. & l. servus ea lege, ff. de servus export. & l. acia, ff. de Jure dotum.

Ex eo vero, quod pactum actionem format, dicitur non solum inesse contractibus bonæ fidei, sed etiam inesse bonæ fidei iudiciis; nam inesse contractui, est, quod pactum transit in contractum: inesse iudicio, est, quod format actionem, d. §. Quinimo, Fab. d. ep. 2. resp. 4. in princ.

Quid si pacta addantur contractibus bonæ fidei ex intervallo, hæc vel adiciunt, vel detrahunt. Quæ detrahunt, insunt contractui, & quidem utraque ex parte; nam & actionem tribuunt Actori, & reum ipso Jure tutum reddunt, etiam non opposita exceptione pacti. Quæ adiciunt, non insunt, nec ex parte Actoris; quia ei actionem non tribuunt, nec ex parte rei, quia tamen ad exceptionem proficiant ex edicto Prætoris, *Pacta juxta servabo*, tamen exceptionem opponi necesse est, nec ipso Jure tutus est reus, l. pacta conventa, ff. de contr. emt. ubi & illud habetur, hæc causa esse de pactis, quæ sunt de adminiculis contractus, DD. accidentalialia, seu naturalia vocant, ut exempli gratia, in contractui emtionis pactum, ne cautio duplex præstetur, ne venditor de eversione teneatur, detrahit adminiculis, & inest, quamquam ex intervallo adjectum: pactum vero, ut fidejussor præstetur, adicit emtioni, & non inest. Vide Cujacium 2. obs. 15. & 14. obs. 28. Ratio discriminis præstat ut a Fabr. loc. cit. nempe quia pactum detrahens est in eadem materia, adiciens in alia.

Quod si pactum adiciens, vel detrahens, non sit de adminiculis, sed de substantia contractus, tunc per pactum videtur recel-

sum a Priore contractu, & novus contractus celebratus. Puta de substantia emtionis est res; consensus, & pretium. Fac igitur, pacto augeri, vel diminui pretium, nova emtio est, revocata priore, d. l. pacta conventa.

II De pactis in continenti adjectis contractui stricti Jure major difficultas est. Sed dubia a ceteris separanda sunt.

Nam ea pacta inesse ex parte rei, dubium non est: Et pactum fit ex Paulo hic; nam quia ex continenti pacti sunt debitor & creditor inter se, ut non Kal. proximis, ut caverant initio, debitor totam sortem solveret, sed singulis mensibus denarios trecentos tantum; inde Paulus ait, pactum non solum prodesse ad exceptionem, sed etiam inesse contractui stricto, seu stipulationi; ita ut debitor ipso Jure tutus sit: non enim amplius debet neque sortem, neque usuras ex Kal. proximis, sed in fine cuiusque mensis debet tantum trecentos denarios, & ab eo etiam tempore usuræ singularium pensionum cursum suum ordiuntur. Hæc tantum Paulus habet, non etiam, ut pactum Actori actionem tribuat, quod recte ibid. Cujacius monet, lib. 3. qgu. Pauli.

Pactum fit etiam ex l. 4. §. ult. ff. de pactis, ubi stipulationi puræ, *Decem dari*, statim subiectum est pactum conditionale, ut donec usuræ solverentur, fors ne preteretur, idem Paulus ait, *conditionem inesse stipulationi, atque si hoc expressum fuisset*; id est Actori amplius non posse petere decem, cum ei usuræ solvantur, & reum ipso Jure tutum esse.

Tota igitur difficultas est, utrum pacta adjecta in continenti contractibus stricti Juris, insint etiam ex parte Actoris? Et quidem Bartolus, quem ceteri sequuntur in d. §. quinimo, voluit inesse contractui, & formare actionem, ut nullum hac in re sit discrimen inter contractus bonæ fidei, & stricti Juris.

At vero Faber varie distinguit hic, & in d. §. quinimo, & late in Epistolis ad Valentianum. Docet enim, regulam esse, ut insint ex parte Actoris, ita ut producant actionem, non etiam forment. Finge, dedi tibi mutua decem, ut pro me Romam ires. Ait, id pactum producere mihi creditori actionem, ut te compellam ire Romam; at non agam actionem, quæ ex mutuo, qui est contractus stricti Juris, descendit, hoc est non agam

cert-

certi conditione; nam cum hac actio stricti Juris sit, ex Prætoris formulæ duritie, nequit extendi ultra fines contractus, exempli gratia, ultra quam numeratum est. Est autem extra causam numerationis, ut pro me Romam eas. Deficiente igitur actione stricta, agam præscriptis verbis, cui locus esse solet, cum vulgares, & usitatæ actiones defunct, l. 2. cum sequi. ff. de præscriptis verbis. Excipit ab hac regula Faber stipulationem, quæ licet strictissima sit, proprio tamen hoc Jure uti docet, ut pacta omnia ei adjecta ex continentis, sive adjacencia sint, sive detrahentia, non solum insint stipulationi etiam ex parte Agitoris, ad producendam actionem, sed etiam ut forment actionem ex stipulatione competentem, sive certi condicio sit, ut cum certum est, quod petitur: sive ex stipulatu, ut cum incertum est. Quare concludit, fieri posse, ut quod principaliter in stipulationem deductum est, petatur certi conditione, quia certum est: quod vero est deductum in pactum, petatur ex stipulatu. Et probat id ex nostra l. testis, ubi generatim dicitur, Pacta in contractu facta ineffe stipulationi.

Alia est Cujacii sententia hic, & c. obs. 24. pacta nullo modo ineffe contractibus stricti Juris ex parte Actoris, neque ad parientiam, neque ad formandam actionem, licet in continentis adjecti. Quam sententiam Cujacius hausit ex Juriconsultis Græcis, id est ex Stephano in l. rogasti, §. 1. ff. eod. & ex nostris ex Paulo Callenre hic. Eam sequitur Valentia, & tuerit in epistolis ad Fabrum. Et vera est.

Et probatur l. ex l. Titius, ff. de præscriptis verbis, ubi ex Aphricano habemus, pecunie creditæ usuras, nisi in stipulationibus deductas, non deberi, nihil suffragante pacto, quod de usuris præstandis ex continentis adjectum est. Cur ita? nempe quia sumus in pecunia credita, id est in mutuo, qui est contractus stricti Juris: & pactum de usuris nequit creditori tribuere actionem, ut ipse sibi præstetur; quare pactum insud, licet in contingenti adjectum, nihil operatur, non inest. Idem habetur ex l. idemque, §. si quis, & ex l. qui negotia, ff. mandati, ex l. si pro patre, §. sed utrumque, ff. de in rem verso, & ex l. 3. C. de usuris. Id quod diximus, clarius elucidat ex comparatione contractuum bonæ fidei; nam si venditioni, exempli gra-

tia, adjiciatur in continentis pactum, ut emptor, donec pretium solverit, prælet usuras, usuræ istæ ex pacto debentur, l. Lucius Titius, l. Publica, §. 1. ff. depositi, l. cum quidam, §. ex locato, ff. de usuris, l. initio, C. de pactis inter emptorem. Utroque casu agitur de usuris, & illis quidem conventis pacto in continentis adjecto. Quæ ergo est ratio disparitatis? Certe non alia, nisi quia pactum in continentis factum in contractum bonæ fidei inest etiam ex parte actoris, in contractu stricti Juris non inest.

His omnibus legibus Faber opponit textum in l. frumentum, C. de usuris, ubi habetur, Frumenti, vel hordei dati accessio etiam ex nudo pacto præstanda est. Loquitur textus de contractu stricti Juris, uti mutuum est, cui pactum nudum de usuris præstandis adjectum est; & tamen Alex. Imperator ait, usuras, seu accessiones præstandas esse. Itaque Faber eo confugit, ut distinguet inter usuras pecuniæ creditæ, quod in specie Fœnus dicitur, & inter usuras Frugum, quæ appellantur Accessiones; & scœnus ait esse quid odiosius, quam ac citra stipulationis vinculum deberi possit, quia pecunia non gignit pecuniam: ac fruges gignunt fruges, & ea propter accessiones, ut minus odiosas ex pacto posse peti. Quod etiam docuit Balduinus in Justin. lib. 1. pag. 65.

Verum hæc ratio minime procedit; nam si odium hæc, ut pecuniæ creditæ usuræ citra stipulationem non petantur; cur, quæso, id tantum est in contractibus stricti Juris? cur non etiam in illis, qui bonæ fidei sunt, in quibus petuntur ex pacto in continentis adjecto? Deinde licet verum sit fruges gignere fruges, tamen vinum non gignit vinum, nec oleum gignit oleum; quippe usuræ hujusmodi in duplici genere sunt, alie arentes, ut tritici, hordei; alie humentes, ut vini, olei, l. quæcumque C. Theod. de usuris: & tamen in utrisque idem Jus est; nam in utroque casu licet usuræ nomine dimidium petere, ut ibidem Constantinus statuit. Quæ usura est major legitima est enim lesquialtera, hemiolius vocant Concilium Laodicenum Can. 4. & Nicenum Can. 17.

Itaque duo distinguenda sunt. Aut querimus, cur usuræ frugum sint majores legitimis; & id facit incerti pretii ratio, ut dicitur in l. oleo, C. de usuris. Aut querimus, cur pacto peti possint, etiam in mutuo; &

i. causa est, quia eo casu mutuum speciem exhibet contractus bonae fidei, id est emtionis; ut recte ait Salmasius de ratione usurarum pag. 354. & conat ex *l. periculi pretium*, ff. de nautico fœnore, ubi ex causa periculi licet obligationem augere etiam pacto sine stipulatione, idque augmentum appellatur *pretium periculi*, id est quasi emtio venditio sit, ubi pretium solummodo intervenit.

Probatur II. ex *l. rogasti*, §. 1. ff. eod. quae docet, si tibi decem mutui dederis, ut undecim debeas, a me amplius quam decem condici non posse. Idem habetur in *l. si tibi*, in *princ. ff. de pactis*. Nempe, quia mutuum est contractus stricti juris: & contractibus strictis pacta subjecta ex continenti non valent ad agendum. E contrario, si tibi decem dederim, ut novem debeas, ipse amplius ipso jure non debes, quam novem, d. *l. rogasti*, §. 1. Et recte, quia hic pactum est in gratiam debitoris, & propterea contractui inest.

Eadem ratio est in limilibus, ut puta si crediderim tibi decem metretas vini veteris, & pacto in continenti appolito conveniri inter nos, ut totidem metretas vini novi reddas. Nam cum vinum novum ceteris paribus deterius sit vino veteri, inde fit, ut pactum istud sit in favorem debitoris, & per consequens contractui inest, ut est communis opinio apud Vultejum in §. 1. *Institutionibus*, quibus modis re contrahitur obligatio.

Alio se vertit Faber, qui pactum, ut dazis decem, recipiantur novem, ideo valere putat, quia est detrahens: ideo autem non valere, ut recipiantur undecim, quia est addens. Quae ratio nequit recipi; etenim pacti addentis, vel detrahentis distinctio non attenditur, nisi in pactis ex intervallo appolitis, & tantum in contractibus bonae fidei, *l. pacta conventa*, ff. de contr. emt. nam in contractibus strictis pactum ex intervallo nunquam inest, & prodest reo solum ad exceptionem, *l. 3. ff. de rescind. vendit.* Nobis vero sermo est de pactis in continenti adjectis, in quibus solum attenditur, utrum infint, an secus, ut hic, & in *l. 4. §. ult. l. iuriss.* §. *quinimo*, ff. de pactis, *l. in bona fidei*, *C. de iur.* Nec facit, quod in *l. i. rogasti*, §. 3. dicatur, *Te ipso jure*, non amplius, quam novem debere; nam, cum pactum inest ex parte rei, non ipsi prodest ad solam exceptionem, ut perperam objicit Faber, sed

eo debitor est ipso jure tutus, ut jam dictum est.

Probatur III. ratione, quia in contractibus stricti juris, ut nomen ipsum demonstrat, jus strictum locum habet, quod non patitur, ut ex pacto nascatur actio, d. *l. iuriss.* §. *idem Marcellus*. Secus est in contractibus bonae fidei, ubi officium Judicis tantum pacto in continenti addito tribuit, quantum tribueret stipulatio, ut dicitur in *l. Lucius Titius*, ff. de positi. Hinc recte Ulpianus in *d. l. iuriss.* §. *quinimo*, loquens de pactis, quae formant actionem, & insuat etiam ex parte actoris tantum de Judicis bonae fidei nemini, illis verbis: *Quinimo interdum format ipsam actionem, ut in bona fidei judiciis; solent enim dicta pacta conventa inesse, bona fidei judiciis, &c.*

Neque vero ulla contra lex est, quae id genus pacti probeat in contractibus strictis valere etiam ad agendum, quod est inesse ex parte actoris.

Non enim id probat *l. si ita quis promiserit*, §. *Seja*, ff. de verbor. oblig. Species est: Seja hortos emit suis nummis, sed mandato Titii: ac deinde Titius stipulanti cavit, se hortos traditurum, cum is pretium omne cum usuris solvisset. Demum inter utrumque in continenti convenit, ut Titius pretium cum usuris solveret intra Kal. Apriles primas, & hortos acciperet. Scævola ait, Titium, si non multo post Kal. Apriles pretium offerat cum usuris, nec ulla ad ea modici temporis mora sit capto Sejae, recte agere ex stipulatu hortos sibi dari oportere.

Ex quo textu deducunt, pactum stipulationi subiectum in continenti valere ad actionem ex stipulatu Titio dandam. Sed perperam; nam actio, quae ibi Titio tribuitur, non descendit ex pacto, sed ex antecedenti stipulatione, quae pacto immutata non est; quippe ex pacto nihil additum est, nisi tempus fixum, intra quod Titius ex stipulatu agere posset. Quare eo tempore transacto, Seja se dicebat esse ipso jure ob pactum tutam, nec a Titio ex stipulatione priore conveniri posse; inest enim ex parte rei. Contrarium tamen decedit Scævola, quia pretium cum usuris interposito modico tempore post Kal. Apriles, oblatum fuit; modicum autem intervallum temporis in jure pro intervallo non habetur, *l. duos res 6. §. 1. ff. de duobus reis*: quocirca habetur tanquam si Titius intra

intra Kal. Apriles pretium & usuras obtulisset.

Nec rursus id probat *l. nec ex Pretorio 28. ff. de reg. Juris*, ubi habetur: *Obligationum causa pacisone possunt immolari, & ipso Jure, & per pacti conventi exceptionem*; nam hæc verba nihil de actore habent, omnia referuntur ad reum, qui aliquando est ipso Jure tutus, cum pactum contractui inest; aliquando per exceptionem, eum non inest. Quare ait, obligationum causas, non causas actionum.

Et tandem non obstat *l. petens, C. de pactis*, cujus verba sunt: *Petens ex stipulatione, que placiti servandi causa secuta est, seu antecessu pactum, seu post statim interpositum sit, recte secundum se ferri sententiam postulat*. Non obstat inquam, quia ibi non agitur de pacto subiecto stipulationi, stipulationis reformandæ, vel extendendæ gratia, de quo est nostra questio; sed omnino sermo habetur de stipulatione adjecta pacto, pacti firmandi causa; ut clare ostendunt verba illa, *Petens ex stipulatione, que placiti servandi causa secuta est*. Et hoc casu lex ait, nihil interesse, præcedat, an sequatur pactum; nam si interrogem, Dari ea die, qua paciscar, & illico post stipulationem paciscar dari Idibus primis; perinde est, ac si pacto prius inito stipulationem addiderim. Simile est quod habetur in *l. si ita fuero, §. 1. cum l. seq. ff. denovationibus*; ubi nihil interest, utrum stipulatio pecuniam restitui, sequatur mutuum, an præcedat numerationem; sæpe enim fit, ut qui mutuum pecuniam daturus est, prius a futuro debitore stipuletur, eam sibi reddi, quam numeraturus est; ut stipulatio præcedat mutuum, quia intellectus, & natura mutuum sequi intelligitur, quamvis tempore antecesserit, *l. pecuniam, ff. eodem, l. 18. §. 1. ff. de stipulatione servorum*. Et hæc stipulatio perfecta quidem est, licet conditionalis esse intelligatur, quia ei inest hæc conditio, *Si postea eam pecuniam mihi numeraveris*; quia hæc conditionalis stipulatio statim perficitur, & ex præsentis tempore vires accipit, ut dicitur in *l. usufructus, ff. eod. tit.*

Et de his quidem hætenus; quibus recte perreceptis facillime explicatur ea, quæ reliqua sunt ex nostra *l. lecta*, ad quam regrediemur.

*Objectio Ulpiani, vel Papiniani.*

**P**aulus: Pactum autem, quod subiectum est, quidam dicebat ad fortis solutionem tantum

pertinere, non etiam ad usurarum, qua priore parte simpliciter in stipulationem venissent; paucumque id tantum ad exceptionem prodesset: & ideo non soluta pecunia statuitur pensionibus, ex die stipulationis usuras deberi, a quo si id nominatim esset expressum.

Dum in Auditorio Papiniani præfens causa disceptaretur, Paulo se opposuit Ulpianus, ut Faber pbat, vel Papinianus ipse, quæ Cujacii opinio est. Censebat ergo, non soluta parte fortis primo mense, retrosum usuras totius fortis præstandas ex Kal. proximis, quæ hic vocatur *dies stipulationis*, id est dies stipulatione comprehensus; nempe quia pacto nihil de usuris expressum est, & solum de dilatione solutionis loquitur; quare semel ac debitor in mora est, usuræ ex Kal. illis proximis debentur. Quod licet pacto expresse conventum non sit, ita tamen mens paciscentium capienda est; aliter enim usuræ nullæ deberentur; quia in contractibus strictis usuræ ex pacto etiam ex continentis subiecto peti non possunt, *d. l. Titius, ff. de præscriptis verbis*. Itaque alterutrum ei videbatur dicendum, aut usuras non dari; & quidem non debentur, si ex pacto post moram cuiusque pensionis petantur; aut si debentur, utique ex posteriore stipulatione petantur opus esse. Unde etiam illud fit, ut currant statim a Kal. proximis, quæ est dies stipulatione comprehensus.

Neque movebatur eo, quod Paulus ajebat, pactum statim subiectum stipulationi inesse; id enim negabat, contendens pactum non inesse, nequidem in favorem rei; sed ei solum ad exceptionem prodesset; ea fortasse ratione, quia stipulatio non extenditur ultra suos fines, *l. si tibi, ff. de pactis*.

*Responsio Pauli.*

**P**aulus: Sed cum fortis petitio dilata sit, consequens est, ut etiam usura ex eo tempore, quo moram fecit, accedant. Et si, ut ille putabat, ad exceptionem tantum prodesset pactum (quamvis sententia diversa obtinueris) tamen usurarum obligatio ipso Jure non committitur; non enim in mora est is, a quo pecunia propter exceptionem peti non potest.

Nihil opus esse Paulus duxit, disputare, utrum pactum inest stipulationi, an non, cum est statim subiectum; ait enim id superfluum esse, cum jam flet in decisis, jam receptam esse sententiam, quod inest; nec enim certa,

& recepta in quæstione ponenda sunt. Nihilominus ad ostendendam iustitiam suæ sententiæ, largitur interim adversario, quod petit; dat enim, & non concedit, pactum non inesse, prodesse reo tantum ad exceptionem. Eo, inquam, paulisper dato, adhuc ait, verum esse, usuras totius sortis ex Kal. illis futuris peti non posse, quia usuræ non debentur, nisi ex tempore moræ, *l. cum quidam, §. si pupillo, ff. de usuris*: nec in mora totius sortis solvendæ intelligitur esse is, a quo tota fors peti non potest, *l. si pupillus, ff. de verbor. oblig.* Quod utique est in specie propo- sita; nam creditor Kal. futuris totam sortem petere nequit, ut qui, si petat, exceptione pacti repellitur; & inanis est petitio, quæ exceptione repelli potest, *l. sciendum, ff. de usuris, l. & eleganter, §. servus, ff. de dolo*. Ergo debitor post Kal. futuras in mora totius sortis non est; quare nec ab eo tempore usuræ totius sortis peti non possunt. Hinc necessario fit, ut dilata petitione sortis, intelligantur etiam dilata usuræ; quæ propterea non committuntur, nisi pro rata pensionum in fine cuiusque mensis non soluta.

Confirmatur ex *l. illud, ff. de liber. legata*, ubi si testator iussit a debitore suo intra certum tempus sortem peti non posse; lex ait, heredem ejus interim, quandiu fors non petitur, nec usuras ejus temporis petere posse. Scilicet, quia dilata sortis petitione, usurarum etiam petitio dilata censetur.

#### Exceptio.

**P**aulus t. Sed si quantitatem, qua medio tempore colligitur, stipulamur, cum conditio extiterit, sicut est in fructibus; idem & in usuris potest exprimi, ut ad idem non soluta pecunia, quod competis usuratum nomine, ex die interpositæ stipulationis præstetur.

Postremo statetur Paulus, specialiter posse contrahentes inter se convenire, ut non solutis sua die pensionibus, retrorsum usuræ ex die stipulationis debeantur; ita tamen, ut id no-

minatim exprimat. Probat id exemplo fructuum; nam ab eo, qui debet fundum sub conditione, stipulari solet creditor, ut adveniente conditione, is det fundum una cum fructibus interim perceptis ex die contractus. Ceterum valet argumentum a fructibus ad usuras, quia usuræ vicem fructuum obtineant, *l. usura, ff. de usuris*.

Simile est, quod habetur in *l. hujusmodi 63. ff. de verbor. oblig.* ubi utilis est stipulatio sub conditione, ut existente demum conditione, retrorsum a die interpositæ stipulationis annua pecunia debeat.

Obicies I. ex *l. cum quidam, in princ. ff. sit. sit.* ubi quidam cavit, se quotannis quincunces usuras præstaturum; & si quo anno non solvisset, tunc se totius summæ ex die contractus majores usuras, id est semisses, soluturum. Accidit, ut præstitis per aliquot annos usuris, tandem debitor a solvendo cessavit, & commissæ stipulatio est. Staturur a die contractus, usque ad diem cessationis, alias usuras non deberi, nisi quincunces: a die vero cessationis in posterum deberi semisses. Ergo falsum est, quod ait Paulus hic, caveri posse, ut sua die non solutis pensionibus, usuræ retrorsum debeantur a die stipulationis.

Respondet Accursius, aliud esse augeri usuras, aliud usuras præstari; & in nostra lege sermonem haberi de præstandis, quod licitum est: at in *d. l. cum quidam*, loqui D. Marcum de augendis, quod illicitum est, quia id esset usuras accedere usuris, *l. si non sortem, in princ. ff. de condit. indebiti, l. fin. C. de usuris*.

Obicies II. Usuræ debentur ob moram debitoris non solventis, non etiam ob lucrum creditoris, *d. l. cum quidam, §. si pupillo, ff. de usuris*. Ergo deberi a die contractus nequeunt, quoties mora post contractum intervenit.

Putem, ex hac stipulatione contractum in diem intelligi reformatum in contractum purum: ex contractu autem puro statim debitor in mora est, quia statim debet,





# DOMINICI AULISII,

J. C. CLARISSIMI,

## De Legatis, & Fideicommissis, ad 30. *Pandectarum Librum, cum duobus seqq.*



ORDINIS ratio inter hos libros, & antecedentes, ita se habet, Egit Justinianus de Testamentis & Codicillis; proximum erat, ut aggredieretur ad Legata, quæ in Testamentis, & ad Fideicommissa, quæ in Codicillis sunt.

Quæ tractatio, quoniam amplissima est, & late diffusa, propterea ipsam Justinianus in tres libros partitus est, hoc ordine, ut in primo libro ageret de Rebus, quæ legari possunt: in secundo, de Personis; quæ legant, & quibus legatur, id est tam de Legatoribus, quam de Legatariis: in tertio denique de Interpretatione Verborum, quibus Legata, & Fideicommissa concipi aut possunt, aut solent, sive sint ea verba concepta de Rebus, sive de Personis.

Verum tamen est, quod hic Accursius monet, cum ordinem non ita religiose a Triboniano custodiri, ut ab eo frequenter non aberraret; sæpe enim quod sub uno libro erat collocandum, id in alium reperitur translatum. Quod cum Balduino lib. 3. de Jure novo, nimis Triboniani festinationi tribuimus, qui dum triennio Pandectarum compositionem absolvitur, non pergit in omnibus eam,

Tam. I,

qua opus erat, diligentiam præstare. Nos rectam viam, & rationem, quæ in disciplinis tradendis recepta est, pro viribus servare conabimur.

Interim notabimus, hanc de Legatis, & Fideicommissis tractationem in secundo anno quinquennalis nostri studii Justinianum explanari Scholaribus statuisse; qui eo anno appellarentur Edictales, ut in Proæmio Digestorum, §. in secundo, quamvis Edictum perpetuum, unde Edictales, olim non in secundo, sed in primo anno addiscendum traderetur, ut ibid. §. & primo quidem.

Neque hic stabit semestris noster labor, sed nonnihil attinget de his, quæ tertio anno ex Edicto Justiniani, explicanda essent Papinianistis; explicabimus enim I, in quartam, ff. ad l. Falc. ubi erit videndum, quid heres ultra dodrantem legatis gravatus, vel fideicommissio rogatus, in suam quartam, sive Falcidiam, sive Trebellanicam, imputare cogatur Itaque.

### Q U Æ S T I O I.

De Nomine Legati,

**L**Egis summa divisio est, ut una sit publica, altera privata. Publicam, & pri-

Z

va-

vata legem hic non capimus respectu ejus, in cuius gratiam lex laia est, ut in l. 1. §. hujus studii, ff. de justitia & jure; sed intel- ligimus respectu ferentis, seu legislatoris, ut Publica lex hoc loco sit, quæ a Populo, Senatu, & Principe, quæ Publicæ personæ sunt, provenit: privata vero sit ea dispositio, quæ a Testatore, homine nimirum privato, legis modo sit; etenim Testator disponendo legem condit, §. disponat, auth. de nuptiis. Aliter accipitur lex publica, & privata in Can- dus sunt 19. qu. 2.

Inter Hebræos dispositio Testatoris vim ha- bebat, non quidem legis, sed decreti judi- cialis, ex lege Dei in Numeris cap. 27. v. 11. ubi dicitur: לחוקה תנהגם *lechukh keth misphat*, in decretum judicii, Seldenus de successione de II. Hebræorum cap. 24. Itaque ex Jure Hebraico Testator est loco Judicis, ex Jure Romano sublinet vicem Legislatoris. Et ad hoc respexit vulgatus Bibliorum interpres, qui ex Numerorum verba, quæ diximus, vertit, Sanctum lege perpetua.

Hinc ergo quidquid Testator, aut publica persona jubet, dicitur *legari*; quod verbum a lege descendit, ut *legare* tantundem sit, ac legis modo juberé, imperare. Et quidem quod attinet ad publicam personam, Servius in 1. t. *Æneidos* ait (Ad versum illum: *Fi- nitimos tollunt in agros, Ubique remittunt*): *Senatus legavit, ne quis in Urbe sepeliretur*, hoc est, legis modo sanxit, quamvis alii lé- gant, *lege coart.* De Testatore est lex Decemviralis Tab. 5. *Paterfamilias*, uti *legassit* super pecunia tutelæ suæ rei, ita *Jus esto*; docet: quæ Pomponius in l. verbi *legis*, ff. de V. S. in XII. Tabulis, eo verbo *legassit* latissimam tribui potestatem & heredes instituti, & legata, & libertates dandi, tutelæ quoque constituendi. Libertatis dationem *legandi* verbo comprehendendi, visum quoque est Paulo in l. generali, ff. cit. tit. Imo non solum datio libertatis, sed & assignatio liberti sub nomine legari venit in l. 6. de assign. libertis, ubi pater servum, quem vivus manumiserat, filio- familias legavit, & legandi verbo libertum assignasse videtur.

Et quidem recte; nam in lege Solonis, unde lex hæc Decemviralis desumpta est, pro *legare*: generatim erat *διαδοῖν*, hæc est, *disponere*. Lex Solonis ita videtur fuisse conce- pta: τὰ ἐν τῷ διαδοῖν ἔτι, & τὰς αὐτῶν ἰδιότη-  
 tes causa donationibus, & in l. fideicommissum

Cuique de rebus suis disponere licet, ut velit, ex Demosthene in Stephanum orat. 2. Meur- sius in Themide, Attica lib. 2. cap. 13.

Ex hac generali significatione legati for- tasse factum est, ut vestigialia appellerentur *legati*; quæ indidit, & imperata l. Julianus, §. idem Julianus, ff. de actionibus eati, ubi quis dicitur vendidisse fundum, qui fundus plura legata debebat, id est vestigialibus oneratus erat.

Verum deinde vel interpretatione legum, vel auctoritate Jurisconsultorum, *Legati* no- men coangustatum est, ut idem Pomponius ait in d. l. verbi *legis*; cœpitque eo nomine specialis mortientium dispositio significari, de quâ hic nos agimus; legatum enim ita ac- ceptum legis modo testamento relinquatur, quod ait Ulpianus in fragm. hoc tit. id est calu re- cto, & modo imperativo relinquatur, veluti Titius fundum capito, heres fundum dare damnus esto: quæ verba imperativa, *legatorum verba* dicuntur in l. quod ergo lib. 1.

Ufu tamen receptum est, ut etiam non imperativo modo legata concipi possent, dum ea essent verba, quæ immediatam dationem denotarent, ut *do lego*, vel etiam *do, si ita scriptum*, in princ. lib. 2. ut etiam *lego, l. Titia* testatore, in princ. lib. 1. Ita quoque si dictum sit *dono, l. Aurelius*, §. Titius *Sejo*, ff. de liberatione legata. Sicuti usu quoque recep- tum est, ut in institutione pro illis verbis, *heres esto*, diceretur *instituo*, vel *facio heredem*, vel *heredem esse jubeo*, l. t. §. fin. ff. de hered. instit. l. quoniam *indignum*, C. de testamentis; ut etiam dicendo *substituto*, fierent *substitutio- nes*, l. jam hoc *Jure*, l. qui plures, l. coheredi, ff. de vulg. Bellonus de Jure accrescendi cap. 7. q. 3. a num. 38.

At vero abusu factum est, ut post intro- ducta fideicommissa tempore D. Augusti, quinque in nostris libris *legati* appellatione lignificetur fideicommissum, & in l. Babius, ff. de pactis dotalib. fideicommissum vocat Tryphonius, quod ante *prælegatum* appella- verat, Cujac. 4. obs. 23. Abusu, inquam, fa- ctum est, propterea quod fideicommissum non relinquatur verbis imperativis, & legis modo, sed verbis precariis, ut nihil minus videatur mereri, quam *legati* nomen. Ita quoque per abulum donatio causa mortis *legari* nomine cœpit contineri in lege Aquilia, & Papia, uti constat ex l. *Senatus*, in princ. ff. de mor- tis causa donationibus, & in l. fideicommissum lib. 3.

lib. 3. quæ leges defunctæ suat ex Paulo ad l. Juliam, & Papiam.

Præter legatum ita vulgo dictum, tres aliz constituendæ sunt appellationes legatorum diversæ, *Relegatum, Delegatum, Prælegatum*. Nec audiendus Cujacius, qui aliter constituit in l. omnia, §. 1. lib. 2.

Relegatum est legari repetitio, ut si quis dixerit, *Usumfructum Titio de lego*, hoc legatum est: at si deinde subdat, *Et quoties capite minutus fuerit, eundem usumfructum eidem de lego*, repetitio ususfructus relegatum est, uti constat ex Pandectis Florent., in l. 3. §. pen. ff. quibus modis ususfructus amittatur. Hæc relegatio hodie intelligitur post deportati restitutionem, vel post libertatem acquisitionem. V. Gl. in d. l. 3. in princ.

Delegatum est, si legatum mihi debitum ex alieno testamento, alii meo testamento delego, id est si actionem legati mihi relictæ heredem meum alteri cedere, & præstare jubeo. Et ita accipienda est l. legata, ff. de conditionibus, & demonstrationibus, ubi legata conditionalia, antequam conditio existeret, delegari non possunt; quamquam Accursius ibi accipiat de delegatione, quæ liberat debitorem, alio reo creditoris dato.

De Prælegato varia sententia est. Vulgo id esse docent, quod extra partem hereditariam heredi præcipuum datur de communi pecunia, l. Theopompus, ff. de dote prælegata, juncta l. cum responso, C. de legatis. Quod rejicit Cujacius in l. idem est, ff. de reb. dubiis; quandoquidem Prælegatum non solis heredibus relinquatur; quippe dos prælegatur uxori etiam heredi non institutæ, tit. ff. de dote prælegata, si modo is titulus ita concipiendus est; nam Haloander cum Pandectis Florentinis legit, de dote relegata. Item prælegatur peculium servo, l. 10. & l. ult. ff. de peculio legato. Ita quoque obligatio debitori prælegatur, l. non solum 9. §. pen. ff. de liberatione legata. Nec minus Domino prælegatur pretium servi sui, l. in servitutem, ff. de bonis libertorum. Et tandem hoc verbo utimur, quoties cui res quodammodo sua legatur, ut uxori dos, servo peculium, heredi pars hereditatis, ut notavit Stephanus Grævus Jurisconsultus ad d. l. Babius, ff. de patris dotibus; vel legatur res, quæ ipsum legatarium afficiebat, ut obligatio debitori, pretium servi Domino.

Non omiserim Inscriptionem Romanam,

in qua hæc legas: *Jul. Valens leg. heres*. Quæ verba Th. Reinesius in Indice cap. 18. interpretatur, *Legatarius heres*, quasi Julius Valens fuerit heres, cui prælegatum sit. Sed fallitur: legendum enim est, *Legitimus heres*.

Hæc tamen omnia in titulo nostro sub uno, & simplici nomine legati veniunt,

## QUESTIO II.

### De Substantia Legati.

**L**egati in specie accepti multæ extant in jure nostro Definitiones.

Prima est Florentini in l. legatum est 119, lib. 1, quæ ita habet: *Legatum est delibatum hereditatis, quæ testator ex eo, quod universum heredes foret, alicui quid collatum velit*. Quæ definitio satis apte naturam legati exprimit, quod est modus acquirendi particularis, tribuens legatario particulam quandam ex hereditate decerptam, seu delibatam; nam delibare proprie est summis labris aliquid deglutare, & deglutando diminuire; & per translationem hic traducitur ad legatum, quod eodem modo hereditatem diminuit. Unde D. Ambrosius in *Oratione funebri Satrii fratris*, hereditatem sine legatis appellavit, *Non delibatam*. Itaque Jurisconsulti Græci delibationem recte interpretantur diminutionem; nam ita designant, *Legatum est* (μεινός & ἀπομεινός) diminutio hereditatis, ut extat in Basilicis lib. 44. tit. 1. cap. 105.

Fallitur vero Donellus in *Commentariis hoc tit.* cum legit, *Delibatio*, hoc est, ut ipse explicat, diminutio libæ, sive hereditatis, quæ as, pondo, & libra appellatur, Sed a vulgata lectione, quam etiam tuentur Pandectæ Florentinæ, recedendum non est; nam Latine Delibare est exacta ponderatione uti, non etiam libram diminuire.

Ex qua Legati definitione videtur falsa definitio hereditatis tradita a Cajo in l. nihil est, ff. de V. S. ut sit, *Successio in universum Jus, quod defunctus habuit*; excipendum enim videtur Jus domini, quod ipse rebus pure legatis Testator habet; hoc enim Jus recta via a defuncto transit in legatarium, nec heredi acquiritur, l. legatum ita 82. lib. 2. l. a Titio, ff. de surris, & nos infra latius. Quare licet ab intestato nonnunquam heres (cum scilicet defunctus in Codicillis non legat) in omnia Jura defuncti succedat; ex testamento tamen aliquando

non in omnia succedit, cum scilicet pure Testator legavit: ita enim hereditatem delibatur, & non relinquit heredi, quod universum ejus foret, ut Florentinus ait.

Hinc fortasse dicendum est, verba Caji non esse definitionem hereditatis, sed potius regulam. Discrimen inter utrumque est, quia definitio dicit semper, l. t. §. *dolum*, ff. de *dolo malo*: regula vero dicit saepe, ut palam est ex titulo de *regulis Juris*: & saepe verum est, hereditatem esse successiorem universi Juris, non etiam semper.

Ex quibus intelligimus, cur Theophilus in *Institutionibus*, titulo per quas personas nobis acquiritur, in fine, definendo modum universalem acquirendi, uti est hereditas, ita dicat: *Est cum una res quidem est, quae geritur, sed multa sub uno dominio nostri sunt*. Notandum enim est, non dicere omnia, sed multa acquiri sub uno, hoc est, simul & unico titulo: ita enim heres simul atque adit, multa Testatoris Jura adipiscitur solo hereditatis titulo. Idipsum observare est in reliquis tribus universalibus acquirendi modis, nam quamvis olim arrogato patrefamilias, omnia quae ejus erant, exceptis iis, quae capitis diminutione pereunt, transirent in eum, qui arrogabat, l. si *paterfam.* ff. de *adopt.* hodie tamen ex Justiniani constitutione arrogator in bonis adventitiis arrogari tantum usufructum habet, ad similitudinem naturalium parentum, l. cum *opores*, C. de *bonis, quae liberis*. Hoc etiam in bonorum possessione, & additione locum habere, facile patet.

E contrario legatum est modus acquirendi particularis, qui modus ab eodem Theophilo dicitur esse, cum una res geritur, & una res nobis acquiritur. Quod verissimum est: si enim usufructum consideremus, sive donationem, sive legatum, sive aliam quamcunque acquisitionem particularem, una res geritur, & una species, vel una summa acquiritur.

Unde patet decipi quotquot Theophilum ita interpretantur, ut cum dixit, unam rem acquiri, intelligant unum Jus: decipiuntur ideo, quia per contractus tantum acquiritur Jus, sive in personam, ut in emptione, sive in rem, ut in pignore, & hypotheca: at per modum acquirendi quaeritur nobis res ipsa, sive dominium in re. Quod si Testator legat Jus, quod ipse habet, ut in nomine debitoris, tunc Jus illius dominium

reliquisse intelligitur. Verum haec latius a nobis in *tit. de Donationibus* explicata sunt.

Monet Cujacius hic ad l. 1. lib. 1. legatum dici *delibationem hereditatis*, ut distinguatur a fideicommissio; quandoquidem *delibatio* verbum est directum, quo significatur per legatum ipso Jure hereditatem minui. Quod non est de fideicommissio, per quod hereditas non diminuitur, nisi post traditam possessionem ab herede ipsi fideicommissario, l. qui *in usufructum*, ff. si *usufructus petatur*.

Priore notaandum hanc Florentini definitionem esse secundum mediam Jurisprudentiam, id est secundum legem Falcidiam; nam ex legibus Decemviratibus poterat hereditas non solum legato onerari, sed etiam exhauriri. Dicitur exhauriri hereditas, cum totus as absumitur: onerari vero, cum legatum ultra dodrantem se extendit. At legem Falcidiam non potest plus legari, quam ut quadrans heredi super sit, l. si *filia*, §. *Papinianus*, ff. *sum. trise.* Igitur secundum legem Falcidiam legatum non est onus, aut exhaustio hereditatis, sed delibatio, seu diminutio usque ad dodrantem.

Secunda definitio est Modestini in l. *legatum est* 37. lib. 2. quae ita habet: *Legatum est quaedam donatio testamento relicta*. Ceterum hodie legata etiam ab intestato relinqui possunt, sed valent in vim fideicommissi, ut suo loco dicemus. Omni non poterant, nisi a Testatore testamento relinqueretur: quare a Modestino legatum dicitur *Donatio testamento relicta*, sicuti a Florentino, *Delibatio hereditatis, quae Testator, &c.*

Tertia ergo definitio est Tribonianus in §. *Legatum, Insistit*, hoc tit. *Legatum est donatio quaedam, a defuncto relicta, ab herede praestanda*. Quam definitionem magnis difficultatibus vexatam, hic nos explicabimus simul & tuebimur.

Dicitur *donatio quaedam*; nam legatum & donatio in duobus praecipue conveniunt. I. In genere; quippe sicuti donatio est modus acquirendi particularis, utpote de qua Justinianus agit 2. *Insistit*. inter modus acquirendi, ita quoque legatum est modus acquirendi particularis. II. In specie, quia ut donatio fit ex causa liberalitatis, l. 1. ff. de *donationibus*, ita quoque legatum: unde pro legatis Justinianus dixit *donationes legatorum in ambiguitate, de testamentis*. Distant vero donatio & legatum in hoc, quod donatio dicitur dari, hoc est, inter vivos celebrari, lega-

legatum vero dicitur relinqui, quod relinquendi verbum ad meras ultimas voluntates pertinet, quæ ex solo defuncti iudicio proficiuntur, *hæc quidem, auth. de heredi- bus, & Falcid.* Propterea Tribonianus non dixit simpliciter legatum esse donationem, sed ad maiorem clarietatem, dixit esse donationem quandam; quamquam ea particula poterat omitti, ut eam Modestinus omisit.

Hic l. deducitur, legatum lucri aliquid legatario asserere debere, *hæc, ff. ad l. Falcid. l. cum non facile, ff. si cui plusquam per l. Falc. l. pen. ff. de manum. testam.* Allegant etiam ad hanc rem textum in l. 1. §. *Et hæc, C. communia de legat.* ibi: *Cum enim non aliter valeat legatum, nisi aliquid lucris asserat.* Male, quippe legendum auferat: additur enim, *Ei, a quo descriptum est, hoc est heredi.* Legatum vero heredi auferit lucrum. Vel talium legatum legatario damno nunquam esse potest, *l. si hereditatem, ff. mandati.* Itaque si debitor creditori suo leget id, quod pure ei debet, inutile legatum est: si vero leget id, quod in diem, vel sub conditione debet, utile est ex causa repræsentationis, hoc est præsentis solutionis, quæ non expectata die, aut conditione, statim ab herede fieri debet, *l. 1. ff. de doct. prælegata.* Item si quod debeo ex stipulatu, legavero, utile est legatum; quoniam pro actione personali datur vindictio: cum rei legatæ dominium acquiratur legatario non expectata traditione et manu heredis. Unde hoc legatum momentum aliquid habet, *l. 3. §. si rem, lib. 3.*

Si a legatario fideicommissum relictum sit, vel legatum, non habet aut Falcidia, aut Trebellianicæ detractionem, *l. 1. §. denique, cum seq. ff. ad Trebell. l. ex Falcidia 37 §. ult. ff. ad l. Falc. l. ex heredi, §. quod si, ff. de viis.*

Nec obstat Mecianus in l. penales, §. ult. ff. ad l. Falc. nam ibi Legatarius, a quo pecuniarium fideicommissum relictum est, non utitur Falcidia ex sua persona, sed quia passus est Falcidiam, hoc imputat pro rata fideicommissario, ut si 20. legatis cogatur sit 15. restituere, & Falcidia ex legato detraheret 5. fideicommissario restituit 15. & quadrantem unius. Vide textum in l. 5. §. si cui plus quam per l. Falc. & Cujac. ad African. Tract. 6. in l. ex asse, ff. ad Trebell.

Quod si obijcias: dari potest legatum, quod non solum inutile ipsi legatario sit, sed etiam si aliquid damni asserat, *l. plane*

*si filium, §. si cui, lib. 1. l. sed si non servus, ff. ad l. Falcid.* & propterea legatum non semper esse donationem.

Respondemus, negando antecedens; semper enim legatum utile Legatario esse debet, saltem ælimatione ipsius Legatarii. Quod ut recte intelligi possit, notandi sunt duo casus, quibus Legatarius ultra vires legati obligatur. Primus est, si Legatarius rogetur rem suam alteri restituere, vel servum suum manumittere; tunc si Legatarius legatum agnoscat, cogetur fideicommissum præstare, quamvis id pluri sit, quam legatum. Nec tamen propterea legatum dicitur inutile, aut damnosum. Et ratio est, quia legatarius non videtur pluri rem suam estimasse, ut aperte deciditur in d. l. sed si non servus, ff. ad l. Falc. ibi: *Quia tanti estimasse videbitur servum suum.* Et ita etiam intelligendi sunt textus in l. Imperator, §. si census, lib. 2. l. generaliter, §. si quis alienum, ff. de fideicom. liberi, l. si ea, C. ad l. Falcid.

Secundus casus proponitur in d. l. plane, si filium, §. si cui. Legavi Stichum, aut Damam, electione legatario data. Eundem Legatarium rogavi, ut Stichum daret alteri. Stichus est pluri, quam Dama. Legatarius tamen Damam elegit. Queritur, an cogatur Stichum redimere, & fideicommissario præstare? Lex aut esse cogendum, licet Stichus pluri sit, quam Dama, & Legatarius gravetur ultra vires legati. Ratio eadem est, quæ superioris casus, id est, quia Legatarius pluri videtur ælimasse Damam, dum potuit Stichum eligere, & Damam maluit. Ita Cujacius in d. l. plane, §. si cui.

Propterea in l. cum pater, §. mensa, lib. 2. legatum mensæ argentario factum subsistit, quamvis mensa ære alieno gravata sit; quia fortasse magis expedit argentario nomen mensæ ad negotium habere, quam onera mensæ sustinere, quidquid ibi Bartolus dicat, Nam mensæ nomine non signatur corpus, sed Jus, & negotio illa dandi, & accipiendi pecunias, & scenerandi, & obligandi, & solvendi, quæ a mensarii publice agitabantur in foro; ejus rei gratia mensarii rationes edere tenebantur iis, quorum pecunias negotiantur, actione in factum, *l. quidam, ff. de edendo.* Et quod de mensa, idem dicendum de taberna argentaria, cujus nomine significatur Jus, non corpus, *l. qui tærnas, ff. de contrab. emptione*  
ita

ita etiam de qualibet alia taberna in foro posita, quam qui pignori obligat, videatur obligasse merces, & nomina tabernæ, & Jus omne l. cum tabernam, ff. de pignor. Erant hæc tabernæ in solo publico, d. l. qui tabernas: propterea qui eas vendit, Jus vendere intelligitur, d. l. qui tabernat, & qui obligat, merces obligasse intelligitur, d. l. cum tabernam.

Deducitur II. legata turpia, quæ notandi magis legatarii gratia scribantur, quam honorandi, non valere odio ipsius legatoris; ut si quis dicat, Titio laironi, vel nebulo non lego; propterea quod legatum, cum sit donatio, nequit cum ignominia conjungi, l. turpia legata lib. 1. Unde legatum dicitur hodie, sicut etiam hereditas, l. Divus, §. 1. ff. ad l. Cornel. de falsis, l. amicissimos, ff. de excusationibus tutorum: quare nec heres cum contumelia valide instituitur, veluti Titius, qui furatus est mihi nummos, heres esto, l. quoties, §. si quis nomen, ff. de hered. instit.

Obstat tamen I. textus in l. cum quis decedens, §. Sejam lib. 3. ubi proponitur tale exemplum: Mævio liberto meo de me nihil merito dari volo lagynos vini vetustis centum quinquaginta; & dicitur in textu legatum relictum cum elogio, id est, cum vituperatione, ut ibid. Cujac. explicat, & patet ex l. posthumus 34. §. ult. ff. de lib. & posthum. ubi hæc exhereditatio, Ille, quem scio ex me natum non esse, exheres esto, dicitur in elogio proposita; quamvis aliquando elogii nomen aliter accipitur pro quacunque brevi rei alicujus expositione. Hæc exhereditatio non valet, si probetur ex eo natus, quia falsa causa, d. §. ult.

Obstat II. Marcianus in l. his verbis, §. 1. ff. de heredibus instituendis: ait enim omnes institutiones, quæ cum maledictio fiant, esse receptas, veluti, Filius meus impiissimus, male de me meritis, heres esto.

Respondet Accursius in d. l. turpia, distinguendum. Aut maledictum est in genere expressum, veluti illi impio, nihil de me merito; & valet legatum, & institutio, ut procedunt textus, qui obijciuntur. Aut e diverso maledictum habet expressam causam turpitudinis, dicendo, illi adultero, illi ex monacho nato; & legatum & institutio inutiliter fit; ut intelligendi sunt textus in d. l. turpia, & in d. l. quoties, §. si quis no-

men. Ratio hujus distinctionis ea esse potest, quia confessio in genere nullum præjudicium affert, secus si fiat cum explicatione causæ, l. cum de indubito, §. ult. ff. de probat. unde delusius est textus in cap. ficutio, de fide instrumentorum, de qua re Balboa in cap. at §. Clerici, de iudiciis, Farinacius de confessis, qn. 81. Mascard. concl. 345.

Alii tamen putant, nunquam heredem institui, aut legatum relinqui posse cum convitio, etiam si convitium in genere expressum sit, Quare Cujacius in d. l. turpia respondet, speciale esse in patre, ut filium recte cum convitio instituat, ut est species d. l. his verbis, §. 1. ex eo, quia patri licet impare filio convitium facere, quod non licet extraneo; & propterea institutio turpis facta ab extraneo, in odium scribentis pro non scripta habetur: at facta a patre, in favorem scribentis valet; unde fit, ut suo Jure pater filium exheredet, etiam adjecta turpissima causa relictæ, Filius meus lairo, non nominandus, exheres esto, l. 3. in princ. ff. de liber. & posth.

In quantum vero ad textum in d. l. cum quis decedens, §. Sejam, ait idem Cujac. primo non dici ubi a Scævola tale legatum esse, cum alia omnino sit illius §. questio: secundo dici posse, illa verba, nihil de me merito, non facere convitium, ut facerent, si dictum esset, male de me merito.

Deducitur III. legatum, cum sit donatio, fieri verbis directis, ad discrimen fideicommissi, quod relinquitur verbis precariis; verbum enim dono directum est, l. Aurelius §. Titio Sejo, ff. de liber. legata, ubi qui legat, dicit dono, ut in Pandectis Florentinis. Vide Cujac. in l. legatum est, lib. 2. Hoc patet etiam ex verbis illis solemnibus, quibus olim in testamento per æs & libram utebantur: Hæc, ut his tabulis cerisve scripta sunt, ita do, ita lego, ita testor, Ulpian. in fragm. tit. de testamentis.

Dicitur a defuncto relictæ; quia hodie non tantum testamento, vel codicillis testamento confirmatis, sed etiam codicillis ab intestato possunt legata relinqui. Unde pro eo, quod in definitione Florentini dicitur, Qua testator, & in definitione Modestini dicitur Testamento, Tribonianus substituit, A defuncto; quanquam hæc mutatio necessaria propter non erat, ex eo quod legata in codicillis valent

in vim fideicommissi, ut dicemus. Per hoc legatum distinguitur non solum a donatione inter vivos, sed etiam a donatione causa mortis, quæ non solum in ultimis voluntariis, sed etiam in contractu fieri potest, *l. tam is, ff. de donationibus causa mortis*, ad instar actuum, qui a Juristiculis dicuntur anormali, hoc est, irregulares, ut fideicommissi institutio, datio libertatis, liberti assignatio, qui omnes actus certam regulam non habent, sed inter vivos pariter, & in ultimis voluntariis recte fiunt.

Verum si is, qui causa mortis donat, deinde testamentum condit, donata comparantur legatis: si non condit, comparantur contractibus, ut habetur in Basilicis *lib. 47. tit. 3.* quod desumentum est ex *l. si filius, ff. de legatis præstandis, l. Marcellus, §. ult. l. est debitor, l. illud, ff. de donationibus causa mortis*. Quod maxime factum est post Constitutionem Divi Septimii Severi, qui legem Falcidiam traxit etiam ad donationem causa mortis, *l. 2. C. cit. tit.* Et ita intelligendus est Justinianus in *§. nam cum prudentibus, Institutionibus de donationibus*, cum ait: *Novis constitutum est, ut (donationes causa mortis) per omnia fere legatis commencentur*; ideo dicit, *Fere*, quod qui donat causa mortis, potest sibi hanc legem dicere, ut ne donationem revocet, *l. si alienam, §. 1. ff. cit. tit.* ibi: *Sic quoque potest donari mortis causa, ut nullo casu sit ejus repetitio*. Sed habetur ut donatio inter vivos, *l. ubi ita, ff. cit. tit.* At non ita est in eo, qui legat, ut qui nequit sibi hanc legem dicere, ut ne legatum revocet, *l. si quis, in princ. lib. 3.* ut Cujacius explicat in *l. 1. lib. 1.*

Dicitur ab herede præstanda. Hæc verba multi supposititia esse contendunt, & huc irrepsisse post Justiniani tempora, adscripta scilicet a Scio aliquo; cuius rei magnam argumentum est, quod Theophilus, qui Justiniani Institutiones in Græcum sermonem transtulit, ea verba non habet. Imo in quibusdam nostrarum Institutionum libris antiquis manu exaratis hæc pariter verba invenire non est. Putamus tamen, ea non male huic definitioni addita esse. Quod ut palam faciamus, videndum hic est, quibus argumentis expungenda esse contendunt.

Opponunt itaque 1. quoniam accidit aliquando legatum non paritari ab herede, sed ab ipso Testatore, dum adhuc in vivis est, ut

in *l. Lucius Titius lib. 2.* ubi quidam legavit militiam suam (hoc est, officium aliquod Palatium) aut pretium ejus: deinde Testator eam militiam vendidit, & pretium ex venditione redactum legatario dedit. Quod & hodie plerique faciunt, qui maxime pietatis causa relicta legata, ipsi repræsentant, & solvunt ante mortem, ut notat Bartolus *ibid.*

Hæc tamen obiectio nullius momenti est; quippe legatum a Testatore vivo prælitum, non tam dicitur solvi, quam periri, Afflict. *dec. 275.* Cum enim legatum nequeat vim suam sortiri, nisi post testatoris mortem, *l. qui duos, §. hæc conditio, ff. de manum. testam. inde fit, ut quod legator, se vivo, prælit, non sit legatum solutio, sed rei legatæ voluntaria alienatio, ex qua legatum perimitur, §. si rem suam, Institutionibus de legatis. Quare legatarius eam rem sibi habebit, non titulo legati, sed donationis, ut palam est ex *l. hujusmodi, §. si Titio Stichur, lib. 1.* ubi Testator dicitur donasse rem legatam, non solvisse; legaverat enim Stichum, aut Pamphilum, & vivus dedit legatario Pamphilum, competit eidem legatario actio ad Stichum; propterea quod Testator non videtur solvisse legatum (quod si fecisset, nulla reliqua esset legatario actio ad petendum legatum) sed videatur donasse. Idipsum dicas opus est de specie textus in *l. filia, C. communia de legatis*, ubi filia legati actionem non habet, si quæ pater ei legaverat, vivus in dotem dedit.*

Opponunt II. quia licet olim a legatario legari non potuisset, quamvis potuisset fideicommissi, *Insistunt de singulari reb. in princ.* hodie tamen propter exæquationem id correctum est, & a legatario recte legatur, *l. 1. §. & hæc, C. communia de legatis*. Quo casu legatum non legatur ab herede, sed a legatario, cui onus injunctum est.

Sed neque id urget; nam quoties legatarius legato oneratur, id non corrumpit quidem, ut olim corruerat, sed sublinetur; at non in vim legati, sed tantummodo in vim fideicommissi, ut habetur in *l. 2. C. cit. tit. illis. verbis: Si quid tale est, quod non habet naturam legatorum, hoc ei ex fideicommissis accommodatur*. Cum igitur suam validitatem mutuetur ex natura fideicommissi, nihil minus est, si ei definitio legati adaptari non potest: quippe si posset variari, consequens erat, ut legatum illud valeret non ex natura

ra fideicommissi, sed ex natura sua.

Opponunt III. ex eo, quod legati puri dominium recta via transit a Testatore in legatarium, l. a Titio, ff. de surit; ita ut ne momento quidem ejus dominium videatur fuisse apud heredem, l. sed si damnum, alias l. peculium to. §. sed & creditor, ff. de peculio. Unde fit, legatum istud non esse ab herede præstandum.

Huic objectioni facile responsio patet, si distinguamus inter dare, & præstare. Quæ duo longe inter se distant, l. obligationum, ff. de oblig. nam præstare verbum naturale dicitur, etque possessionem, vel quasi possessionem in alium transierit, l. in vendendo, ff. de contrah. em. Dare vero verbum est civile, denotatque dominium transferre, §. sic itaque discretis, Institutionibus de actionibus. Statim ergo a morte Testatoris rei legata dominium transferuntur a Testatore in legatarium, & perinde legatum non est ab herede dandum legatario: at quia possessio ejusdem rei legata debet apud heredem esse, eamque e manu heredis legatarius accipiat opus est, ut in tit. ff. & quorum legatorum, in id sit, ut legatum præstetur ab herede. Hæc infra de interdicto Quorum legatorum.

Opponunt IV. Potest Testator cavere, ut legatarius a se ipso rem legatam capiat, non expectata manu heredis, l. Titia cum testamento, §. 2. lib. 2. Ergo non semper legatum præstatur ab herede.

Dicimus tamen ea maxime lege, qua adversarii nituntur, probari licitum non esse legatario, rem legatam a se ipso, seu sua auctoritate sibi capere, nec posse hoc a Testatore juberi; Idem dictum esto de fideicommissario. Quod ut recte intelligamus, species ejus legis una cum ratione dubitandi, & decidendi, hic breviter præponenda est; præsertim quia hæc non omnibus obvia sunt. Locus Titium filium, & filiam heredes scripsit, & in epistolis, quas Codicillis inseruit, declaravit velle se, ut filia a se ipsa acciperet villam Gazam; item, ut filius a se ipso acciperet possessionem nomine Comianam. Videbantur inutilia esse fideicommissa. Ratio erat, quia a se ipso non capiat, nisi heres, ut heres est, non ut legatarius aut fideicommissarius; unde duo confici videbantur. I. filix non nisi partem Gazæ, & filio non nisi partem Comianæ relictam per fideicommissum esse; quia cum esset cohe-

redes, in parte tantum quisque eorum intellegebatur institutus. II. fideicommissum esse inutile, quia certum est, heredi a semetipso fideicommissum relinquere non posse, quia idem homo sibi debere non potest, nec potest idem esse debitor, & creditor. Modestinus tamen respondet, actum in dubio ita capi oportere, ut consistat potius, quam ut ruat; quare verba illa, a se ipso, ita interpretatus est, ut intelligatur partem prædii quemque heredem a se ipso capere oportere, partem vero aliam a coherede. Ex quo fit, totam villam Gazam intelligi relictam filix, totam possessionem Comianam filio; sed non totam eodem Jure, quippe partem hereditariam a se ipso quisque capiet, quasi heres, partem reliquam a coherede, ut fideicommissarius. Si itaque non minus in ratione dubitandi, quam in ratione decidendi, illud, a se ipso, temper intelligitur de herede, nunquam de fideicommissario, opus est, ut dicamus, non posse Testatorem in testamento suo cavere, ut fideicommissarius a se ipso, hoc est, manu sua capiat, non expectata manu heredis; quia scilicet solus heredis est, ut sua auctoritate capiat. Quod etiam eadem de causa locum habet in legatario, cui inutiliter a semetipso legatur, l. & quidem, lib. 1. illis verbis: Quamvis a semetipso inutiliter ei legatum fuisset.

Non omittendum tamen, quod ibi Cujacius notat, quamvis filius, & filia totum prædium possideat non eodem Jure, sed partem pro herede, partem pro fideicommissio, seu pro legato; tamen si forte alius eorum eripiat hereditas, quasi indigno, non eripietur tamen prædium, & totum sibi retinebit Jure fideicommissi, seu legati; idque tam si Testator exopresse addiderit, a se ipso, quam si retinuerit; quippe filius auferet ab indigno hereditatem, & relinquet prædium, quod hic habetur totum, ut legatum, non attento rigore Juris, sed voluntate testantis, quæ voluntas ex æquitate dividenda non est, l. cum qui, §. ut ff. de bit, quibus ut indignis. Eodemque modo si heres, cui fundus est prælegatus, abstinerit se hereditate, totum eum fundum retinebit Jure legati, aut fideicommissi, nec videtur se abstinuisse parte fundi, quam possidet pro herede, aut quam a se ipso capere Justus est, l. qui filius, §. ult. juxta d. l. & quidem, lib. 1.

Hic obiter notandum est, ex hac l. Titia cum



cum testamento, §. 1. colligere aliquos, fideicommissum tueri vivos institui posse: quippe dicuntur fideicommissa facta in duobus Epistolis. Sed recte hic notat Cujacius, Codicillis scribi ad heredes instar Epistolæ, præposita salutatione. Ex constat ex *l. alumne*, §. *Titia*, ff. *de adim. leg.* ubi fideicommissum institutum in epistola dicitur peti ex codicillis. Vide in *l. ult. in princ.* ff. *de leg. 2.*

His ita remotis, consequens est, ut dicamus, verba ea, *Ab herede præstanda*, recte in definitione legati apponita esse, scilicet ad tuendum Interdictum *Quorum legatorum*: pro cuius rei intelligentia breviter sit.

### QUESTIO III.

#### *De Interdicto Quorum legatorum.*

**E**O Interdicto. caveatur, ut quod quisque legatorum nomine non ex voluntate heredis, occupaverit, id restituat heredi. Hujus Interdicti plures rationes sunt, quarum una spectat ad Jus privatum, altera ad Jus publicum. Juris privati ratio est respectu ipsius heredis; nam fieri potest, ut aliquando non debeat heres solvere legatum, ut si hereditas ære alieno exhauriatur; vel solvere quidem debeat, sed diminuat ex lege Falcidia, *l. un. C. quorum legatorum*. At Juris publici ratio ipsam Civitatem respicit; nam Reipublicæ interest, ne quis sibi Jus dicat, quod pessimi, & periculosi esset exempli, *d. l. 1. in princ. ff. cis, tit.* Et quod ad statum Reipublicæ spectat. Jus publicum est, *l. 1. §. hujus studii*, ff. *de just. & jure*.

Ceterum poena legatarii occupantis sua auctoritate legatum, est, ut illud heredi restituat, non amisso Jure legati, ut in *tit. Jurib.* patet. Quibus tamen repugnare videtur textus in *l. non est dubium, C. de legatis*, ubi legatarius Jure legati privatur. Pro qua antinomia tollenda, varias distinctiones committitur Accursi, *ibid.* quarum omnium eam sibi magis placere ait, ut legatarius suo Jure cadat, si legatum occupet, adita ab herede hereditate: non cadat, si ante additionem occupet.

Verior tamen videtur prima Accursi. distinctio, ut textus in *d. l. non est dubium*, locum habeat, cum legatarius rem legatam surripuit, ut patet ibi *subtraxisse*; quoniam enim non ut legatarius, sed uti iur, aut

expilator rem habet, propterea dignus est, qui legati Jure privetur. Id autem non est, cum tanquam legatarius rem occupavit, & satis erit, si eam rem heredi restituat, ut in *d. l. 1. C. quorum legatorum*. Verum de hoc textu clarius infra, ubi de legato partitionis dicemus.

Hæc cum ita se habeant, in foro tamen receptum est post Bartolum, licere legatario rei legatæ vacantis, sive ante, sive post aditam hereditatem, sine vitio, id est, non vi, non clam, non precario, possessionem sua auctoritate occupare; repellendumque esse heredem, qui ex interdicto Quorum legatorum velit possessionem adipisci; quoties scilicet heredis nihil interfit ob falcidiam, alteramve deductionem. Idem docent de fideicommissario, si nihil interfit heredis ob deductionem Trebellanicæ; velui maxime est, cum hæc deductiones testamento prohibentur. Vide Marelicorum 2. *variar.* 1. post alios Marinis 1. *resolut.* 88. qui ita junctis duabus aulis in Sacro Consilio decisum refert.

Quæ licet ita recepta sint, expresse tamen repugnant Ulpiano in *d. l. 1. §. quorum legatorum*, cum ait legatum non posse a legatario suo Jure occupari, non solum ob Jus privati heredis, sed maxime ob Jus publicum, cum periculosi exempli sit, quem sibi Jus dicere, ut latius explicat Faber 6. *conject.* 1.

Niuntur tamen Adversarii ea quoque ratione, quia vitari debet circuitus inutilis, ut esset in specie nostra; quippe heres reputeret a legatario legatum, quod statim eidem restituere deberet. Unde saltem heres petens potest a legatario, qui occupavit, doli mali exceptione excludi, ex regula textus in *l. dolo facit*, ff. *de doli exceptio*, ubi dicitur, *Dolo facit, qui petit, quod redditurus est.* Quod ibi Accursi. notat locum habere, cum clarum, & liquidum est, reddi debere; ut certe liquidum est, cum omnis deductio testamento prohibita est; quamvis aliud sit, ubi dubium esse potest, utrum ex Falcidia debeant legata diminui, quo casu contra heredem agentem ex interdicto non datur exceptio doli; & procedet textus in *d. l. 1. §. quorum legatorum*.

Respondet tamen Faber, negando circuitum dici posse inutilem, cum ex eo solvitur poena ad Jus publicum conservandum, cujus gratia compescenda est audacia legatarii.

rii, qui sibi Jus dixit. Itaque regula illa *Dolo facit*, intelligenda est, quomodo peritio rei restituenda spectat ad Jus privatum, veluti si heres, qui damnatus in testamento est non petere a debitore, tamen petat, quod est exemplum *d. t. dolo facit*. At secus est, si petio instituta sit ob tunc dum Jus publicum; iunc enim non heres, qui petit, sed legatarius, qui denegat reddere, dolo facit in leges, & in statum Civitatis.

Ceterum ut nonnulla, quæ hactenus proposuimus, clarius percipi possint, sunt quaestiones aliquot discutiendæ.

#### QUÆSTIO IV.

*An dominium rei legata interdum sit apud heredem.*

**H**ÆC quaestio ad omnia omnino legata non pertinet, sed ad aliqua tantum. Nam primo ad legata conditionalia non pertinet, nec ad ea, quæ in diem relinquuntur, quorum dies nisi conditione impleta, vel die adveniente, non cedit, *l. 5. ff. quando dies legator*. Itaque interim legatario quaestita dici non possunt, sed nec interim in suspenso manent, cum lex facile non patitur rerum dominia esse in pendenti, *DD. in l. etiam in iustis, ff. de acq. ver. dom. exceptis tamen quibusdam casibus, qui ex facto subsequenti declarationem accipiunt, ut in l. sed etsi 30. §. 1. ff. de usufr. ubi Accurs.* Quocirca legata ista conditionalia, vel in diem, ante aditionem sunt hereditatis, quæ pro domino habetur post aditionem sunt heredis, *l. peculium 10. §. sed et creditor, ff. de penultio*; scilicet, donec conditio existat, vel dies adveniat; tunc enim statim legatario acquiritur: & dominium, quod fuerat heredis, sine facto ipsius, ex sola Juris censura, & potestate, abit in legatarium, *l. non ideo, ff. de rei vind.*

Et quamvis reniti videatur Julianus in *l. ci qui, ff. de condit. instit.* dum ait, legatarium sub conditione possessivam, si decem dediderit, non statim impleta conditione fieri dominium rei legatæ, nisi agnoscat. Idipsum est, & multo magis, si conditio sit casualis; nam possessiva sive arbitraria conditio impletur a legatario volente; casualis vero a fortuna, etiam legatario ignorante.

Placet tamen ut cum Accursio dicamus, in legato conditionalis duo tempora esse distinguenda, quorum quidque diversum esse-

etiam producit; cum enim conditio existit, acquiritur quidem legatario legatum Juris censura, sed ita tamen, ut possit facto legatarii repudiari, quæ repudiatio facit, ut videatur legatum nunquam legatarii fuisse, *l. servum filii, §. 1. l. si tibi homo, §. cum servus lib. 1.* At ubi legatarius agnoscit, quia Juris censura accedit factum legatarii, ita confirmatur dominium in legatario, ut repudiari amplius nequeat: quod Accursius dicit, *intommutabiliter acquiritur*. Et de hac potestate acquisitione Julianus capiendus est.

Illud etiam difficultatem facit, si pendente conditione legatum est factum heredis, non poterit deinde per aditionem conditionis ab eo discedere, & transire in legatarium, nisi in id heres ipse consenserit; nam quod nostrum est, sine facto nostro a nobis avelli non potest, *l. id quod nostrum, ff. de reg. Jur.* Cur ergo id non observatur, sed velit nolit heres, ubi conditio advenit, rei legatæ dominium ipso Jure migrat in legatarium?

Huic dubio obviam ire conatus est Akr. Faber *19. consil. n. n. 14.* qui voluit, sub conditione, vel in diem, relictum fieri quidem interim heredis, non tamen plene, tanquam si nullo modo legatum esset, sed Jure non pleno; idque ob spem, quam habet legatarius rei adipiscendæ, cum dies, vel conditio venerit. Hæc spes, inquit, prohibet quominus legatum plene heredis fiat: proinde nil mirum, si pro tunc plena voluntate testatoris legatum hoc tandem aliquando auferetur ab herede, & legatario dabitur.

Sed hæc Fabri responsio recipi non potest, tam Jure antiquo, quam novo inspecto. Nam de Jure antiquo certum est; legatum sub conditione, ea pendente, pleno Jure heredis esse. Quod mirum est ignorari a Fabri, cum id expresse habeatur in *l. generaliter, ff. qui et a quibus, ibi*: Sub conditione servus legatur, pendente conditione, pleno Jure heredis est. Idipsum habetur in *d. l. non ideo, ff. de rei vind.* quamvis verum sit, illam legatarii spem efficere, ne possit interim servus ab herede manumitti, *d. l. generaliter*, quia scilicet conditione demum existente, libertas esset revocanda, contra regulam, quæ ait, libertatem semel impertitam, non revocari.

Sic quoque statuliber, pendente conditione, pleno Jure heredis est, *l. statuliberum, ff. de statuliber.* ubi Ulpianus affirmat, medio tempore heredem noxæ servum dedere posse,

l. 14. ff. de manib. actio. l. fin. ff. si ex uxori causa agatur. Unde & statuliber pignori dari potest, l. grege, §. 1. ff. de pignor. Venit in iudicium familiaris circumscribitur, l. 12. §. fin. ff. erisc. Sic quoque potest heres statuliberum legare, l. 45. §. fin. ff. de fideicommiss. libertatib. ipsumque vendere potest, l. si duorum, vers. finis, ff. de actionib. emi, l. fundum, l. qui libertati, ff. 1. & seqq. ff. de conditionib. l. si decem, d. l. statulib. ff. de statuliberis. Ac tandem quocunque modo velit, potest alienare, l. si ita 30. ff. de statulib. quamvis nec alienatione, nec usufructu, libertas statuliberi post advenum conditionis, impediatur, l. 13. C. de testam. manumiss. Accedit, quod si statuliber interim patriat, partus heredis est, l. 3. C. de fideicommissar. libertatib. Chavarriz part. 1. didascatia, cap. 17. n. 2.

Hoc antiquum Jus videtur a Iustiniano correctum in l. fin. §. nemo itaque, C. commun. de legat. ubi habet, legata omnia, sive pura, sive conditionalia, non esse heredis, sed aliena; quare eorum alienationem omnem inhibuit. Quod si ita indistincte admittatur, omnem jurisprudentiam evertit, ideo placet explicatio Accursi in v. alienum est, ubi ait, legatum parum esse alienum re, legatum vero sub conditione esse alienum spe. Et ita eum Jure antiquo facile concordat. Differunt inter utrumque Jus versatur in eo, quod heres, pendente conditione, licet Dominus, caret omni alienandi exercitio.

Ad dubium ergo, omissa responsione Accursii in d. l. id quod nostrum, dicimus regulam Id quod nostrum, locum habere, quoniam quid nostrum factum est pure; quod non est in presenti specie, in qua legatum conditionale fit quidem heredis, sed non pure, d. l. fin. §. nemo itaque, ibi: In suis rebus pure non possidet; quandoquidem legati conditionalis dominium transferitur a lege in heredem sub ea conditione resolutiva, si conditio legato adjecta non extiterit: quod si ea extiterit, tum eadem Juris censura aufertur ab herede dominium, & transferitur in legatarium.

II. Præfens questio non pertinet ad legata usufructus, usus, & habitationis, quorum dies ante aditam hereditatem non cedit, l. 1. ff. quando dies legat. ut etiam legatum servo legato relictum, l. cum legato, ff. cit. tit. Sic quoque non pertinet ad libertates, quæ

& ipsæ ab adita tantum hereditate eorum, l. un. §. libertatibus, C. de caduc. toll. l. Julianus, ff. de conditionibus, & demonstr.

Hinc intelligimus l. si habitatio, ff. quando dies leg. cedat. ubi si habitatio pure legata sit, dies non cedit a morte testatoris, sed ab adita hereditate. Et ratio dicitur esse, Quia habitatio persona coheret; est enim personalis servitus. Hujus rationis ea vis est, nempe habitatio nunquam intelligitur constituta, nisi sit persona, cui acquiratur, & adhareat: sed cum legata sit, non acquiritur, nec adhareat legatario, nisi adita hereditate. Ergo tunc constituitur, sive oritur: & propterea ex eo etiam tempore dies ejus cedit. Quæ ratio in ceteris etiam servitutibus personalibus viget, ut etiam in legato servo legato relicto, & in libertatibus.

Ex quibus omnibus collare potest, inter hanc questionem, & regulam Caronianam versari quandam similitudinem; nam & hæc ad legata conditionalia non pertinet, l. cetera §. 1. lib. 1. Nec ad ea, quæ ab additione hereditatis cedunt, d. l. cum legata, Ita nec pertinet ad libertates, l. 3. ff. de reg. Antoniana, ubi tamen vulgo legitur, Antoniana regula non pertinet ad hereditates, sed legendum, Non pertinet ad libertates, ut monet Cujac. 4. observ. 4.

Pertinet ergo hæc questio ad legata solum pura, non tamen quocunque, sed ad ea, quæ per vindicationem relinquuntur. Hæc enim ex Jure antiquo cedunt a die mortis, l. 5. ff. quando dies legat. Quod deinde imputavit lex Papia de caducis, quæ dies non cedit, nisi ab aperitis tabulis, Paulus lib. 3. sent. Ant. Augusti. de leg. Papia pag. 163. Sed abolita deinde a Justiniano lege caducaria in l. un. C. de caduc. toll. Juris antiqui regula revixit, quæ & hodie servatur. De hoc igitur legato vindicationis dubium est, nempe de re ipsius testatoris, quæ actu existat, & certa species sit, aut quantitas tanquam species, veluti si nummi, qui in arca sunt, legentur, quo casu species videtur legata, l. sed si certos, lib. 3.

Et plures hæc in re sunt DD. opiniones. Nos varia tempora distinguere oportere putamus, & dicimus, legati puri dominium, jacente hereditate, videri esse hereditatis: sed statim ab adita hereditate non quidem heredi, sed legatario acquiri ex Juris censura, non quidem pure, sed sub tacita con-

ditione resolutive, si agnoverit: lecta vero agnitione, acquiri pure, facto ipsius legatarii. Quæ omnia in sequentibus quatuor Propositionibus explicabimus simul, & tuebimur.

### PROPOSITIO I.

*Jacente hereditate legatum purum non est legatarii, sed hereditatis, quæ in his, quæ sunt juris, personam defuncti repræsentat, & pro domina habetur, quando deliberat heres, l. liber homo, ff. ad l. Aquilam, l. cum hereditas, C. de positi, l. si ante, ff. de interrogationibus in Jure faciendis, l. denique, §. quæsitum, ff. quod vi, aut clam.*

**I**D manifeste demonstratur ex l. legatum ita, lib. 2. ubi aperte dicitur, dominium rei pure legatæ prius esse hereditatis, deinde legatarii. Cum enim dixisset Jurisconsultus legatum esse modum acquirendi, lubdit juxta Pandectas Florentinas. *Quod eo perimes, ut si pure res relicta sit, & legatarius non repræsentat defuncti voluntatem, recta via dominium, quod hereditatis fuit, ad legatarium transeat, nunquam factum heredis.* Ubi illud, *recta via*, denotat legatum transferri ab hereditate in legatarium, non aucto herede, ut explicatur illis ultimis verbis, *nunquam factum heredis.*

Et hac ratione intelligendus est Martianus in l. a Titio, ff. de furtis, in illis verbis, *Ea, quæ legantur, recta via ab eo, qui legavit, ad eum, cui legata sunt, transeunt;* non enim denotant, legata statim a testatore, cum moritur, migrare in legatarium: quod falsum esset, quia prius sunt hereditatis jacentis, a qua deinde in legatarium transeunt. Ideo ergo dicuntur transire ab eo, qui legavit, sive a defuncto, quia hereditas defuncti personam repræsentat; ut propterea cum legatum in legatarium transit ab hereditate, recte dici possit transire a defuncto, qui per eam hereditatem repræsentatur. Antonius Augusti, ad l. Papiani monet, hic nullam mortis mentionem injici.

Ceterum ideo legata a morte testatoris non acquiritur legatariis, ne hereditate postea non adita, revocarentur, quod esset absurdum, ut notat Accursius in §. libertatibus, C. de caduc. toll. nempe quod juris censura quæsitum est, non debet eadem juris censura eidem auferri, ne lex, quæ certa esse debet, inconstans videretur.

tur, l. 2. ff. de juris & facti ignor. & ne fiat contra regulam textus in l. id quod nostrum est, ff. de reg. jur.

Quamvis autem verum sit, legatum non statim a morte testatoris legatario acquiri, tamen ab eo tempore legati pure relicti dies cedit, prorsus ut, si post id tempus legatarius moritur, legato non agnito, legatum ad heredem ejus transierat, qui potest nomine defuncti illud agnoscere; nili forte id fuerit legatum, quod ad heredem non transit, uti est de usufructu, l. si post diem, ff. quando dies legatorum, l. un. §. libertatibus, C. de caduc. toll. Quod secus est in legato conditionali, cujus dies non cedit, nisi conditione existente; nam si ea pendente, legatarius lato cedat, ipse heres sub conditione relictum petere prohibetur, d. l. un. §. fin. autem aliquid.

Et in hoc distat legatum conditionale a conditionali stipulatione; quippe stipulatore ante impletam conditionem obunkte, ipse heres, existente demum conditione, ex stipulatu agere potest, ut propterea videatur in ipsum transmissa spes crediti, §. omnis, Instit. de verb. oblig. Ratio dicimus est, quia nos contrahendo, sive pure, sive sub conditione, id agimus, ut facto nostro acquiramus, non solum nobis ipsis, sed nostris etiam heredibus, l. si postum, in fin. ff. de probation. Unde statutum est, ut stipulatio ex præsentis vires accipiat, & snectetur in ea tempus, quo contrahimus, l. usufr. in fine, ff. de stipul. servor. l. si filiusfam. ff. de verb. oblig. l. non omne, §. 1. ff. de reg. jur. At vero qui legat, utilitatem legatarii ante oculos habet, non etiam heredis ipsius; hinc in legatis tempus, quo conditio exiit, inspicimus: & si eo tempore legatarius vita suus sit, extinguitur legatum, nec ad legatarii heredem dicitur transmissum, Cujacius in d. l. filiusfam. Fab. 15. conjest. 6.

### PROPOSITIO II.

*Adita hereditate legatum purum non acquiritur heredi, ne momento quidem, quamvis aliud sit de legato conditionali, ut diximus.*

**P**atet id ex innumeris nostri Juris locis, quorum tamen satis erit nonnullos in medium attulisse.

Patet itaque I. ex l. peculium, §. sed & creditur, ff. de peculio, ubi ex Juliano sic Ulpia-

Ulpianus heredem *Nullo momento dominum in seruo manumisso, vel legato pure habere.* Species ita habet. Quidam heredem sibi scripsit Titium, qui erat creditor servi testatoris: deinde servum eodem testamento alteri pure legavit. Quæsitum est, utrum heres creditor servi deducat ex peculio id, quod sibi debetur: vel an id, quod servus heredi debet, censetur esse de peculio? Ratio dubitande fuit; quia id, quod debetur domino, non censetur de peculio esse, *d. d. perulium, in princ.* At heres nullo momento est dominus servi pure legati; quare non deducet. Fatetur Julianus, heredem nunquam intelligi dominum servi legati, tamen contendit; heredem deducere quod sibi debetur, non quia dominus, sed alia ratione, quia censetur prævenisse ceteros servi creditores. Et docet idipsum omnino esse, si servus non sit pure a testatore legatus, sed manumissus verbis directis, quam leges nostræ Orcinum libertum vocant. Qua in re nihil fuisse opus confugere ad præventionem, si heres aliquo momento esset dominus servi; nam in promtu fuisse dicere, heres deducit, quia dominus servi: ut in eodem textu dicitur, cum servus sub conditione legatum est, vel sub conditione manumissus; tunc enim non dubitatur, heredem deducere, *Dominus enim factus est, ut sunt verba textus ibidem.*

Et attendenda est comparatio, quam Julianus facit inter servum purum legatum, & servum manumissum; nam Orcinus libertus nunquam fuit heredis: quippe si uno saltem momento fuisset heredis, diceretur heredis ipsius libertus, quod omnes leges negant, quæ volunt eum esse libertum defuncti, §. 1. *Instit. de heredum qualitate, & differentia, & l. pen. §. Dama, lib. 22.* Unde fluxit, ut Orcinus libertus diceretur, hoc est, domini, qui ad Orcum properavit. Quocirca affirmandum est, eodem modo legatum purum nullo momento heredis esse.

Unde apparet, non esse audiendum Ant. Fabrum, qui 14. *consect. 20 num. 3. ait*, heredem adveniendo fieri dominum rei legatæ uno instanti, quo eodem instanti dominum ei auferretur, & conceditur legatario; quod sane repugnat Ulpiano in *d. §. sed & creditor*: præterquam quod uno instanti dæz actiones consequentes fieri acquent, hoc est, acquisitio, & ablatio domini respectu ejusdem heredis. Nec ratio Fabri quidquam urget; ait enim

legatum non continuari in legatarium, sed transferri; heres enim tantummodo dicitur continuare dominium defuncti, utque una, & eadem persona cum defuncto censetur. Ceterum hæc translatio indiget duobus extremis, nempe a quo, & ad quod, *DD. post Bald. l. 1. C. de Jur. dot.* quare debet dici legatum acquiri heredi, ut sit a quo transferatur in legatarium. Hæc, inquam, ratio nihil urget; nam quam facillime responderetur, terminum a quo esse hereditatem, quæ cum jacet, legatum tanquam domina habet, ut diximus; ab ea ergo auferretur, & transferretur in legatarium.

Paret *ll. ex cit. Jurib. in l. a Titio, ff. de Juris, & in l. legatum ita, lib. 2.* in quibus non diceretur legatum recta via a defuncto, sive ab hereditate transire in legatarium, si ullo momento esset in herede; præsertim cum in *d. l. legatum ita*, verba illa, *recta via*, aperte explicantur illis aliis, *nunquam solum heredis*, ut notavimus. Et in *d. l. a Titio*, non solum dicitur, legata recta via transire in legatarium, sed etiam de servo pure legato habetur, *Nec post aditam quidem hereditatem Titii*, hoc est, heredis, *factus est*; ex quo ibidem deducitur, si servi legati nomine heres habeat actionem furti, eam per additionem non confundi, quia heres per additionem, rei legatæ non fit dominus. Concordat textus in *l. si servus legatus ff. de noxalib. action.*

Hinc rejicitur explicatio Cujac. in *l. legato servo lib. 2.* quia voluit prædict. *ll.* accipi debere, per interpretationem quandam, quoniam agnitio legati retrahitur. Nam agnitio legati hac in re est similis additioni. Quippe aditio hereditatis retrahitur, & qui adit, videtur successisse ex die mortis, *l. heres quandoque, ff. de acq. hered. l. si ex re, §. ult. ff. de stipulat. servor.* Ita etiam agnitio legati retrahitur ad diem aditæ hereditatis. Rejicitur, inquam, quia in *cit. Jurib.* non solum dicitur legatum acquiri legatario, de qua re infra, sed etiam nunquam intelligi factum heredis: & promde actiones non confundi. Quæ omnia veritatem denotant, non fictionem.

Sed Adversarii, qui Rogerii opinionem rudent, multa obijciunt, quibus satisfaciendum est.

Obijciunt *l. ex l. Papin. alias, in omnibus 18. ff. de servitutib.* ubi si fundus herede in-

lucuti servitutem habeat in fundo, quem testator alteri legavit; adita deinde hereditate, servitus confunditur, id est, extinguitur; & quamvis summo Jure fundo legatus liber deberet praestari, tamen ait Papinianus, *Doli exceptionem monstram legatario, si non patitur servitutem iterum imponi*. Jam hujusce confusionis alia ratio esse non potest, nisi quia heres, qui erat Dominus fundi dominantis, adeundo factus est etiam Dominus fundi servientis, hoc est, fundi legati; quo casu tollitur servitus, quia praedium meum servitutem debere praedio meo non potest, *l. 1. ff. quemadmodum servitus amittantur, l. quidquid, ff. communis praediorum*. Ideo autem heredi adversus legatarium, qui liberum fundum petit, competit doli exceptio, quia fundus legatus talis praestari debet, qualis relictus est, *l. legatum est, §. fundus lib. 1. proinde fundus legatus non aliter praestandus est, quam si legatarius iterum patitur servitutem imponi*.

Ad haec difficultatem tollendam varie distinguit Accursus. Nam primo ait, Papinianum intelligi de legato conditionali; cum enim conditionale legatum pendente conditione heredis sit, inde fit servitutem confundi, si fundus heredis servitutem habebat in fundo testatoris legato. Quae Accursii interpretatio vim habet ex *l. cum filius, §. Dominus, lib. 2. ubi* expresse idem Papinianus ait, servitutes sive personales, sive praediales, confundi, quoties testator sub conditione legavit. Qui textus satis notabilis est pro responsione Accursii, quae immerito displicuit Cujacio. in *d. l. Papinianus*. Sane mihi videtur Papinianus se ipsum explicare.

II. Ait Accursus, textum intelligi posse de legato damnationis, cum scilicet testator praedium heredis servum legat. Et hoc placuit Cujacio, in *l. legatarius, §. 1. lib. 1. Specie* ergo dicta *l. Papianus* ita ponenda erit. Testator praedium heredis, quod servitutem itineris debebat praedio testatoris, legavit Sempronio; quod legatum nisi per damnationem fieri non potest. Ex additione hereditatis confusa servitus est, cum heres factus sit Dominus utriusque praedii dominantis, & servientis. Ait lex, legatarium debere pati iterum praedio legato servitutem itineris imponi: scilicet, ut sicut olim serviebat testatori, ita nunc serviat heredi instituto in praedio dominante; aliter exceptione doli repellitur,

quia accipere velit praedium melioris conditionis, quam legatum fuerat.

Neque dicas, textum in *l. Papianus*, non distinguere, utrum praedium serviens legatum fuerit testatoris, an heredis, vel utrum legatum fuerit conditionale, an purum; nam responderetur legem satis distinguere: non enim ait, omnes servitutes additione confundi, sed dicit, *In omnibus servitutibus, quae additione confusa sunt, &c.* ubi illud, *quae additione confusa sunt*, causa distinctionis apponitur, & denotat, non omnes servitutes confundi additione; quocirca dicendum illas non confundi, quae iohrent praediis pure, & per vindicationem relictis. Imo etiam nulla distinctionis umbra est in *d. l. Papianus*, tamen nihil obstat, & adhuc esset distinguenda juxta eundem Papinianum in *d. cum filius §. Dominus*. Non enim novum est in Jure nostro, unam legem per aliam explicari, distinguui, restringi, vel produci. Praeterea, cum textus addit, *Doli exceptionem nocituram legatario, si non patitur eas iterum imponi*; de novo constata non est illud, *In omnibus servitutibus*, scilicet, ut locum habeat in servitutibus praedialibus, non etiam in personaribus, nempe in usufructu; usufructus enim est pars rei, servitutes praediales non item: nam si proprietarius heredem instituit fructuarium, & ab eo legat servum, vel fundum fructuarium alteri, alio Jure utimur; nempe quamvis additione usufructus confundatur, legatarius tamen non cognitur heredi rursus cedere usufructum ex textu in *l. is cuius, & in d. l. cum filius, §. Dominus lib. 2.* Rationem praestat Hugo ex *d. §. Dominus*, quia qui legat fundum, plenum Jus legat, ut supra etiam diximus. Itaque testator hoc casu legavit partim rem suam, scilicet proprietatem, partim rem heredis, hoc est usufructum.

Alia fortasse est species textus in *l. hujusmodi, §. ades lib. 1.* ubi ades, quibus heredis ades serviebant, legatae sunt, & traditae legatario, non imposita servitute. Ait Julianus, posse legatarium ex testamento agere, quia non plenum legatum accepisset. Nam est Accursii, id etiam intelligat, quoties legatum conditionale est, tamen nihil necesse est ad id confugere, cum possit species poni in adibus non testatoris (non enim hoc dicit textus) sed extranei, ut legatum sit non vindicationis, sed damnationis. Pone, adibus

Titi

Titii serviebant aedes instituti heredis. Testator legavit Cajo aedes Titii. Haeres adivit, & ut solveret legatum Cajo, emit aedes Titii. Hic confusio fit non ex additione hereditatis, neque hoc dicit textus, sed ex emptione, cujus causa heres, qui erat Dominus aedium servientium, nactus est etiam dominium aedium dominantium. Si ergo heres aedes emtas tradit legatario non imposita servitute, utique non tradit aedes uti legatæ sunt, sed diminutas; & proinde potest cum eo ex testamento agi, ut plenum legatum tradat, hoc est, ut servitutem imponat. Ita etiam intelligendus est textus in *l. legatum est, §. ult. lib. 1.* Sed si sentire velimus de legato conditionali, non repugno.

Obijciunt II. ex *l. huius scriptura, ff. ad l. Aquiliam*, ubi si servus legatus vulneratus sit ante aditam hereditatem, ait Ulpianus actionem legis Aquilæ in hereditate remanere, sed cedere eam legatario heredem oportere. Ex quibus verbis aperte putant colligi, legatum additione heredi acquiri; nam legis Aquilæ actio domino datur, non solum ex primo capite, sed etiam ex tertio, *l. si servus servum, §. tertio autem, ff. cit. tit.* in illis verbis, *Tantum a Domino dare damnas est.*

Facile tamen responsum patebit, si meminerimus, quod notant Jurisconsulti Gira: in *l. si dominum, ff. de furt.* nempe si servus legatus sit surreptus ante aditam hereditatem, ideo actionem furti non tribuit legatario, quia legatarius successor est rei, non joris, aut actionis; sed eam tribuit heredi, non tanquam Domino servi, sed tanquam heredi ipsius Domini. Ex nova tamen contradistinctione legatario actio furti competit, cum scilicet fur post aditam hereditatem, rem denuo contraxerit, *l. si is qui rem 68. ff. cit. tit.* Ita ergo in specie proposita, vulnerato servo ante aditam hereditatem, actionem non habebit legatarius, quia successor particularis est rei successor, non juris; sed eam adita hereditate habebit heres, qui est Domini successor, cum eo tamen, ut eandem actionem cedat legatario, qui Dominus servi factus est.

Hinc est, quod si nomen legatum sit, legatarius non consequitur actionem directam, nisi per cessionem heredis, quamvis eo non cedente, utilem habeat, *l. ex legato, C. de legat.*

## PROPOSITIO III.

*Adita hereditate legatum purum ex Juris censura acquiritur legatario etiam ignoranti, sub conditione si agnoverit; quare additionem hereditatis non modo legata confirmantur, sed etiam eorundem dominium transit in legatarios, ut aperte disponitur in d. l. a Titio, & d. l. legatum ita.*

**P**robatur I. ex *l. si partem, §. si per fundam, ff. quemadmodum servitutes amittantur*; ubi si testator per fundum suum viam Titio legaverit, Titius, post aditam hereditatem, non utendo, viam amittit, quamvis ignoret viam esse sibi legatam. Ex quibus I. patet, legatarium statim adita hereditate viam acquisivisse; nam non amittimus, nisi quod acquisivimus, cum privato præsupponat habitum. II. Legatum etiam ignorantæ acquiri, *l. cum pater, §. surdo lib. 2.*

Obijci ex Cujacio in *l. legatum servo, ad fin. lib. 2.* cum dicit, dominium non acquiri, nisi scienti, legatum vero dici acquiri legatario ignorantæ, in quantum ad actionem ex testamento, quæ competit legatari nomine, ex *l. filiusfam. ff. qui testam. facere*, ubi surculos dicitur sibi acquirere legatum, vel fideicommissum; & comprobatur hac ratione, quia compositibus membris personales actiones etiam legatariis acquiruntur. Idem voluerunt antiqui quidam Jurisconsulti apud Accursium in *d. l. filiusfam. & in l. 2. C. quando dies legator.*

Respondetur cum Fabro 8. *conject. 19.* id reprobari aperte ex ipso *§. si per fundam*; quippe dicitur, legatarium ignorantem non utendo viam amittere; ergo sermo est de dominio, non de actione, quæ non amittitur non utendo via, sed non agendo, seu non proponendo eam in judicio adversus heredem. Quare utrumque verum erit, & actionem, & dominium ignorantæ acquiri.

II. Probatur ex *l. liber homo 13. ff. ad l. Aquiliam*; nam si servus legatus post aditam hereditatem sit occisus, dicitur competere legis Aquilæ actionem legatario, sub conditione, si legatum agnoverit. Jam autem diximus, legis hujus actionem, nisi Domino, vel heredi ipsius, non dari; cum ergo legatarius eam non habeat ut heres consequens sit, ut habeat tanquam Dominus. Idipsum compro-  
batur

beri posset ex innumeris aliis Juris nostri locis in *l. si tibi homo, §. cum servus, in l. servum filii, §. 1. lib. 1. ubi Accurs.* leges concordantes adducit.

Obijcies cum Cujacio, quod est delatum potest repudiari, quod vero est questum, non potest, ut distinguitur in *l. delata, ff. de verb. sign. & in l. 1. §. decretalis, ff. Successorio edict.* Ergo legatum post aditam hereditatem non est questum, sed delatum, cum in ea causa sit, ut agnosci, vel repudiari possit.

Respondemus concedendo legatum esse delatum, & negando non esse questum, si intellegamus de questione sub conditione resolutiva, si agnoverit. Cum autem dicitur, quod est acquiritum, non posse repudiari, dicimus id verum esse de acquisitione omnino pura, quæ nostro facto fit, veluti est, cum heres adit, cum legatarius agnoscit; at verum non esse de acquisitione facta sub conditione ex Juris potestate; cum enim sit sub conditione si agnoverit, utique includit posse legatarium agnoscere, aut repudiare.

Ideo autem dicere necesse est, legatum post aditionem statim fieri legatarii, ut alterutrum absurdum vitemus. Nam aliter vel necesse est dicere cum eodem Cujacio, interim legatum fieri heredis, quod tot legibus jam citatis in *propos. 2. advertebatur*: Vel dicere, dominium legati interim esse in suspensio, ut nonnulli apud Socinum hic in *ultima opinione*. Quod utique esse absurdum per se patet; & in *l. si tibi homo, §. cum servus, lib. 1. quam per se allegant*, non dicitur dominium legati, sed servum legatum esse in suspensio, donec legatarius deliberet.

### PROPOSITIO ULTIMA.

*Agnitione acquiritur legatum legatario facto suo, irrevocabile.*

ET ita intelligendus est textus in *l. ei qui ita, ff. de conditionibus institutionum*, ubi legatum dicitur acquiri per agnitionem, ut hereditas per aditionem; ubi Accurs. hanc duplicem acquisitionem in legatis agnoscit, unam ex Juris censura, & revocabilem, & est ab adita hereditate, si legatum est purum, a purificata conditione, si est conditionale: alteram facto ipsius legatarii, irrevocabilem, & est per agnitionem, quæ agnitione confirmat præcedentem acquisitionem factam ex Juris censura per aditionem heredis; nam *Ubi legatarius*

*non repudiavit, retro ipsius fuisse videtur res, ex quo adita hereditas est: si vero repudiavit, retro videtur res repudiata fuisse heredis, ut ait Ulpianus in d. l. servum filii, §. 1. lib. 1. Quocirca status rei legatæ videtur esse in suspensio, donec legatarius deliberet, d. l. si tibi homo, §. cum servus lib. 1.*

Hinc fit, ut non dicatur alienare, qui legatum etiam post aditam hereditatem repudiat, *l. si sponsus, §. si maritus, ff. de donationibus inter virum, & debitor non videtur fecisse in fraudem creditorum, nec liberetur in fraudem patroni, si legatum rejiciant, l. qui autem, §. sed & illud, ff. que in fraudem creditorum, l. 1. §. utrum, ff. que in fraudem patroni*; nempe quamvis legatum retro nostrum sit, nisi repudietur; attamen cum repudiatur, retro nostrum non fuisse palam est, ut dicitur in *d. l. 1. §. utrum*. Excepto uno pupillo, qui ex speciali favore fundum legatum sine Prætoris auctoritate repudiare non potest, *l. magis puto, §. fundum, ff. de reb. cor.*

### QUESTIO IV.

*Ex quo tempore Usura, & Fructus legatorum præstentur.*

SEparat Accursius in quibusdam usuris a fructibus, in aliis vero conjungit. Docet enim usuras legatorum, ut etiam fideicommissorum, ex eo tempore, quo lis contestata est, deberi, nisi alia mora præcesserit; nam si interpellatio extrajudicialis præcessit, exinde deberi usuras. Hoc idem intelligi voluit in fructibus: at non semper, sed cum res legata aliena est; nam si fuit testatoris, tunc quia ab adita hereditate rei legatæ dominium transit in legatarium, ex eo etiam tempore fructus legatario deberi; quia res Domino frugifera est. Nisi exculetur heres propter bonam fidem, veluti si nesciebat rem esse legatam. Ita ipse in *l. 1. v. contestata, & in l. ult. v. contestationem, C. de usur. & fructib. legator.* Sequitur Bartolus *ibid.*

Hæc explicanda, & examinanda sunt. Usura nomine hic non venit ea, quæ dicitur conventionalis, hoc est socius fortis, quod debetur ex conventionem, sive stipulatione contrahentium, curritque statim a prima numeratione pecunie. Sed venit ea, quæ dicitur legalis, & est accessio ad sortem, quæ ex officio Judicis debetur, & non currit statim, sed



sed a mora, vel tardiori solutione, non ut creditor sit in lucro, sed ne sit in damno, *l. cum quidam, §. si pupillo, & §. ex locato, ff. de usuris.*

Hæc legalis usura non debetur ex omnibus negotiis, sed ex contractibus bonæ fidei duxtaxat, ut passim in Jure civili cautum est, *l. 1. ubi Cuiac. ad Papin. l. mora, d. l. cum quidam, §. ex locato, ff. cit. tit. 1. Lucius Titius 24. ff. de posui, l. 2. C. cod. l. Præses, C. de locato, & conducto.* Addeamus his legata, & fideicommissa; nam licet actiones, quibus ipsa petuntur, bonæ fidei non sint (quippe actiones ex testamento stricti Juris sunt, §. actionum, Institutionib. de actionib.) tamen ipsarum usurarum potest moram deberi constitutum est, *l. 1. & 2. C. de fructib. legator. l. Titia Sejo, §. 1. lib. 2. l. 24. ff. de usufr. legat.* scilicet ut ita defunctorum voluntates melius conserventur. Ex quo etiam factum est, ut in quantum ad moram, legata & fideicommissa exæquata sint contractibus bonæ fidei, *l. usura vicem, ff. de usufr. l. in minorum 3. C. in quib. causis in integrum restitut.* Hæc vero usuræ legitimæ non sunt, hoc est, earum quantitas a lege statuta non est, sed ipsarum modus arbitrio Judicis ex more regionis constituendus est, Papinianus in *d. l. 1. ff. de usuris.*

Ceterum non solum scœnus, seu usura conventionalis, sed usura etiam legalis ex sola & simplici mora præstata, contra justitiam est; quæ non patitur, creditorem plus capere, quam illi abest, ut contra Petrum Gregorinum inetur Leonard. de usur. quæst. 4. an. 35. & seq. Quidam tamen exulant legem civilem, quia hæc legalis usura vere usura non est, sed pœna, quæ infligitur ob moram, *d. l. cum quidam, §. si pupillo;* mora enim delictum est, quia per eam injuria afficitur creditor, dum detinetur res ipsius ipso invito, ut ait Cajet. in 2.2. q. 78. art. 2. §. nam superest. Ergo aliqua pœna debet puniri, quæ erit usura ita legalis. Aliter leges de scœnore excusantur a D. Th. 1. cit. art. 1. ad 3. nempe leges humanas dimittere aliqua peccata impunita, quia inter homines, qui ut plurimum imperfecti virtute sunt, multa utilia impedirentur, si omnia peccata districte prohiberentur. Quare lex humana multa concedit, & impunita relinquit, quæ per divinam justitiam vindicantur, ut ait D. Aug. 1. de lib. arbit. 5. Vide D. Th. 1.2. q. 96. art. 2.

Tom. I.

Hinc factum est, ut Juxta Canonico ad hæreas Juri Divino, vetet ex sola & simplici mora quidquam exigi posse. Si tamen ob eam moram liquidum creditor cesset, vel damnum emergat, recte peti potest non usura, sed id, quod interest; nam id, quod interest, dicitur id, quod per adversarium amissus, vel habere non possumus, *l. generaliter, ff. de reg. Jur.* Igitur quid in præsentis questione dicemus de usuris juxta Jus civile, id ita capi oportet, quasi dictum sit de eo, quod interest.

Diffant usuræ a fructibus, quia usuræ accedunt quantitati, non corpori, *l. 3. §. ult. ff. de usufr. fructus vero accedunt corpori, non quantitati.* Quia autem usuræ vicem fructuum obtinent, propterea non debent a fructibus separari, & simul veniunt in judiciis bonæ fidei, *d. l. usura vicem, ff. cit. tit.* Sub nomine fructuum hic late accepto veniunt etiam pensiones domotum, vecturæ navium, & equorum, partus ancillarum, mercedes servorum, legata ipsis relicta, & reliqua id genus. Et ita accipitur in *tit. C. de usuris, & fruct. legator.*

Præterea circa moram contrahendam, quinque omnino casus distinguendi sunt. Primus est in obligatione pura, ubi mora per interpellationem contrahitur, sive in judicio, ut accidit in litis contestatione, sive extra Judicium. Secundus etiam in pura est, quæ tamen favore, & privilegiis a nostro Jure fovetur: & in hac obligatione mora statim, re ipsa, & sine interpellatione commissæ censetur. Tertius quoque est circa obligationem puram, sed cui tempus & dilatio insit, quo casu mora contrahitur eo tempore elapso. Quartus consideratur in obligatione sub conditione, vel ea, quæ incertum tempus habet; & in hac quoque hominis interpellatio ad moram exigitur. Ultimus est in obligatione in diem, ubi diei lapsus interveniat opus est, ut mora commissæ dicatur. Hæc omnia latissime a nobis discussa sunt in commentario de mora; verum hic pauca hæc summam notasse fuit necesse, ut præsens questio recte examinari posset. Interim neminemus, moram, quæ contrahitur sine ulla interpellatione, sed ex æquitate, in quibusdam negotiis privilegio dignis, a DD. vocari irregularem: e contrario eam, quæ per interpellationem contrahitur, sive interpellatio hominis sit, sive diei in contractu appo-

B b

sitz,

huc, dici regularem, Barbosa in *l. mora*, num. 8. ff. fol. marr. & alii passim.

I. Itaque casus est, cum legatum est purum, tunc usus & fructus non debentur, nisi legatarius opportune interpellet heredem, ut sibi legatum præstet: nec dicitur oportune interpellare, nisi post aditam hereditatem, tum quia ex eo tempore confirmantur legata; tum etiam, quia ex eo etiam tempore legatarius habet jus agnoscendi, vel repudiandi legatum. Sed quaestio est, quæ interpellatio exigatur.

Et quidam veteres Jurisconsulti, de quibus meminit Accursius in *l. quaesitum est* 93. §. ult. lib. 1. docuerunt non esse satis heredem extra iudicium a legatario interpellati, sed omnino exigi litem contestationem, quod etiam tuetur Corasius 2. miscell. 7. a n. 2.

Movetur ex pluribus I. ex *l. quaesitum*, §. ult. ubi regula statuitur, cum legata ex testamento petuntur, causam ejus temporis, quo lis contestatur, repræsentari debere actori, hoc est, solvi ei debent non solum legatum ipsum, sed legati accessiones ex die litis contestatae. Et loquitur textus generatim de omnibus accessionibus, & emolumentis rei legatæ, uti fructus prædiorum rusticorum, partus ancillæ, obventiones, quæ servo legato acquiruntur ex legato sibi relicto, & similiter. Videtur obitare textus in *l. un. §. libertatis*. C. de cad. toll. ubi relicta servis legatis cedunt ab adita hereditate. Sed id Accursius intelligit, quando testator legavit servum una cum legato eidem servo ab illo antecessenter relicto. Et hæc omnia docet legatario deberi ex contestatione litis, sive si post litem contestatam accedant, & percipiuntur.

II. Movetur ex *l. i. c. de usur. legator.* in qua manifestum esse dicitur, usuras legatorum, fructus rerum, & mercedes servorum, quæ ex testamento debentur, non præstari, nisi ex quo lis contestata est. Id ipsum patet ex *l. 2. in fin.* & clarius in *l. ult.* cujus hæc verba sunt: in legatis & fideicommissis fructus post litis contestationem, non ex die mortis consequuntur, sive in rem, sive in personam agantur. Ubi notata dignum est, hinc redargui eorum opinionem, qui docent usuras, & fructus legatorum deberi ex die mortis per retroactionem, quod hic expresse negatur.

III. Movetur ex *l. usura vicem*, juncta *l. lite contestata*, ff. de usuris, in quibus tria

legatorum judicia comparantur judiciis bonæ fidei: præterea in judiciis istis usuras deberi lite contestata; tandem quod dicitur de usuris, idem locum habere in fructibus. Ex quibus non solum habetur conclusio supraposita, sed ratio etiam conclusionis, quæ dependet ex regula judiciorum bonæ fidei, in quibus usurae veniunt a lite contestata.

Hic tamen non obstantibus, in quantum ad usuras (nam de fructibus mox dicemus) recepta est opinio Joannis, veteris nostri Juris interpretis, de quo in *d. l. quaesitum*, §. ult. qui voluit, usuras legatorum deberi quidem a lite contestata, si alia mora non præcessit; & ita interpretantur II. omnes supracitatae; nam si hæc præcessit, ut sit legatarius extra iudicium opportune heredem de legato solvendo interpellavit, & heres non solvat; eo casu usuras docuit esse præstandas a die interpellationis istius. Quod etiam secutus est Accursius, post alios Martinus 2. *resol.* 122.

Probat id ex eo, quod passim in Jure nostro generatim dicitur, usuras legatorum venire ex mora, *l. si quis servo*, *l. Titia Sejo*, §. usuras, lib. 2. *l. 1. §. bellissime*, ff. ut legator. nomen caveatur, cum concordantibus. Mora autem contrahitur non solum ex interpellatione judiciali, quæ fit per litis contestationem, de qua in *l. nemo*, ff. de verb. oblig. sed contrahitur etiam ex interpellatione extrajudiciali, cum privatus debitor a creditore convenitur; *l. videamus* 38. §. si actionem, ff. de usur. *l. qui Roma*, §. coheredes, ff. de verb. oblig. & passim alibi. Ergo si usurae simpliciter, & generatim debentur ex mora consequens omnino est, ut præstentur non solum a lite contestata, sed etiam ab interpellatione extra iudicium.

Ista quoque intelligitur id, quod dicitur, in judiciis bonæ fidei usuras præstari ex lite contestata; scilicet id verum esse, si alia mora non præcessit; nam in *l. mora*, §. in bonæ fidei, ff. de usuris, generatim habetur: In bonæ fidei contractibus ex mora usura debentur. Cum e contrario in contractibus stricti Juris usurae ne quidem a tempore litis contestatae currant, *l. i. c. de condict. indebit.* *l. quies*, C. de condict. ob turpem causam, nisi fiat a creditore stipulatae, quo casu, quod in stipulatione conventum est, attenditur, *l. quamvis* C. de usur. Ratio est, quia in contractibus stricti Juris nihil subintelligitur, & id tantum venit, quod expressum est.

Accur.

Accurſus tamen in fructibus legatorum aliud juris eſſe voluit; nam quamvis concedat, in re aliena legato & ſuo legato damnationis fructus deberi a die moræ; ſecus tamen eſſe docuit, quoties res teſtatoris legata eſt, ut in legato vindicationis; cum enim hujus rei dominium tranſſat in legatarium ab adita hereditate, inde ſit ex eodem tempore fructus ejuſdem rei legatario deberi.

Verius tamen eſt, fructus eſſe præſtandos vel ex die litis conteſtatae, vel ſi præceſſit interpellatio extra judicium, ex die interpellationis; nam in *d. l. ult. C. de uſur. & fructib. legatorum*, expreſſe dicitur, non ſolum uſuras, ſed etiam fructus legatorum deberi a lite conteſtata, ſive in rem, ſive in perſonam agatur. Ex quibus verbis aperte reſellitur reſponſio Accurſi, qui id accipit voluit de legato rei alienæ, non etiam de re propria teſtatoris; reſellitur, inquam, quoniam non poteſt agi in rem, niſi res ſit teſtatoris. Quæ diſtinctio nec etiam recipienda eſt in *l. equis, ff. de uſur.* ubi generatim dicitur, equis per fideicommiſſum legatis; poſt moram heredis ſocius quoque deberi; quamvis ſecus ſit in equitio legato, quod eſt corpus deſunctum; tunc enim eſt nulla mora interceſſiſſe, ſocius, qui naſcuntur etiam vivo teſtatore, gregi accedunt, ex regula, quod omne rei legare ſignificandum, vel decretum, pertinet non ad heredem, ſed ad legatarium, *ſ. ſi grex, Iſtit. de legat.*

Idipſum confirmat ſententia; quia donec legatarius petat legatum, heres tanquam ignorans, vel dubitans, an legatarius legatum velit, dicitur bona fide poſſidere, & propterea fructus omnes, quos percepit, ſui ſuos, nam in quantum ad fructus, bonæ fidei poſſeſſor habetur loco Domini, *l. bonæ fidei, ff. de acq. rer. dom.* Idque maniſeſte patet ex eo, quia *l. legatarius 30. annorum* ſpatio legatum non petat, actio eſt præſcripta, Faber. in *C. lib. 7. tit. de præſc. deſ. 20.*

Conſtat id etiam aperte ex *l. in fideicommiſſi 3. ff. de uſur.* ubi dicitur, fructus fideicommiſſi deberi a die moræ, tam ſi mora facta ſit ab herede ante admonitionem Judicis, ut reſtituat, quam ſi facta ſit poſt admonitionem per litis conteſtationem. Quo etiam in textu traditur nobilis diſtinctio inter utramque moram reſpectu induciarum quatuor menſium, quæ dantur judicis. Quod hic explicandum eſt ad intelligentiam prædicti textus, alioquin obſcuro.

Sed I. notandum eſt, perſecutionem fideicommiſſi eſſe arbitriariam, utpote in qua dux ſententiæ interveniebat, quarum prior ſtrictius Arbitrium dicitur, juxta textum in *ſ. præterea quaſdam, Iſtit. de actionib.* At in noſtro textu ambæ indiſtincte appellatur ſententia. Primo itaque jubebat Judex, fideicommiſſum reſtitui. Si heres abuſuebat, ſequabatur condemnatio, qua cum pœnis, veluti ejus, quod intereſt, vel quanti in litere juratum fuerit, Accurſus *d. ſ. præterea quaſdam, v. ex arbitrio*, & latius ibi a nobis expoſitum eſt. De Prætorie fideicommiſſario meminit etiam Juſtin. in *ſ. 1. Iſtit. de fideicommiſ. hereditat.*

Notandum II. Heredi, vel cuilibet alio damnato per ultimam ſententiam, dari inducias quatuor menſium ad ſolvendum gratia humanitatis, *l. ſi cum mihi, in fine ff. de compenſationib.* hoc eſt, ut interim reſpiciat paululum, ut interpretatur Harmenopolus. His poſitis, noſter textus duas regulas ſtatuit. Prior eſt, ſi mora ab herede facta ſit ante Judicis arbitrium, ob interpellationem extrajudicialem fideicommiſſarii, a die moræ ſine intermiſſione debentur fructus etiam poſt condemnationem, & per totum ſpatium induciarum; quia ea temporis interceſſio judicis dilationem dare, non lucrum offere debet.

Posterior eſt, ſi mora cœpta ſit poſt arbitrium, per litis conteſtationem, ab eo tempore fructus debentur uſque ad poſtremam ſententiam, ſeu condemnationem. Tempus autem induciarum erit imminuē a præſtatione fruſtuum ex decreto D. Marci Antonini; quia enim mora cœpit a lite, effectus moræ, hoc eſt, præſtatio fruſtuum manebit, lite durante, quæ utique lis durat uſque ad condemnationem, nec comoreheſcit tempus induciarum, ſeu judicis. Hæc eſt interpretatio illius textus ex Coſcio in *l. conſervus, ſ. fruſtus, lib. 1.* Ex quibus, ut dicebam, patet eſt, fructus fideicommiſſorum ex die moræ deberi, ſive ea in judicio, ſive extra judicium contracta ſit, tam ſi res ſit teſtatoris, quam ſi aliena.

Ex hac explicatione capimus, quid velit Papinian. in *l. qui ſolidum, ſ. etiam lib. 2.* cum ait, *ſi Syndicus Univerſitatis, ſen Reipublicæ, poſt ſententiam de reſtituendo fideicommiſſo moram fecerit, Rempublicam ipſam ad uſuras fideicommiſſi præſtandas teneri.* Quod utique intelligendus eſt de prima ſententia,

seu de arbitrio Judicis fide commissarii; ex quo tempore ob litis contestationem mora judicialis currit, nam si intelligatur de ultima sententia, seu condemnatione, falsum esset; non enim tunc mora committitur, sed est commissio ante, cum lis contestatur.

Hinc apparet, nihil obstat regulam, quod res fructificat Domino; nam id verum est, si res a bonæ fidei possessore non detineatur; quare interpellatione opus est, ut heres factus malæ fidei possessor, fructus, quos post mortem percipit, restituere cogatur.

Sed per Accursi. multa obijciuntur. I. ex l. Herennius 1. ff. de usuris, ubi Modestinus respondit, Fructus, qui post acquisitum excusam fideicommissi dominium ex terra percipiuntur, ad fideicommissarium pertinere; licet major pars anni ante diem fideicommissi cedentem praterisse dicatur. Ex quo textu colligitur, fructus ante petitionem legati, vel fideicommissi, spectare ad legatarium, vel fideicommissarium. Quocirca Accursi ibi et post acquisitum, ita interpretando; ait; id est post aditam hereditatem, non a die mortis.

Hic textus plurimum toris DD. Sed certum est, hic nullum sermonem haberi de adita hereditate, sed solum de tempore restitutionis fideicommissi in diem: quo casu heres sine interpellatione ex solo diei adventu est in mora, ut infra in ultimo casu dicemus. Quæstio veto fuit inter heredem, & fideicommissarium, de fructibus, qui tempore restitutionis pendebant; species enim ita se habet. Testator rogavit heredem, ut post Kalendas Octobres proximas fundum restitueret, & mortuo testatore Kalendis Januarii, heres adivit hereditatem. Veniente die heres ne esset in mora separatim obtulit ad restitutionem fundi, sed fructus viadem, quæ pendebat Kal. Octobres, petiit dividendos inter se, & fideicommissarium, pro rata anni, utpote quæ ab ipso essent curati; nam fundus pro maiore parte anni apud ipsum heredem perstitit. Idque exemplo fundi dotalis, cujus fructus, matrimonio ante annum soluto, dividuntur inter virum, & uxorem, pro rata anni, l. divorcio in princ. ff. sol. matrimonio. Respondit tamen Modestinus, fructus omnes, qui pendunt tempore restitutionis, pertinere ad fideicommissarium: nam heres in re, quam restituere debet, non est tanquam dominus, ut maritus in fundo dotali, sed habetur ut fructuarius, nisi quod

usufructus finitur morte, & fructus heredis finitur adventu die restitutionis. Ergo sicut finito usufructu, fructus pendentes omnes non pertinent ad fructuarii heredem, sed ad proprietarium, etiam si maturi fructus sint, l. in singulos, ff. de annuis legatis; ita quoque adventu die fideicommissi, fructus omnes, qui eo tempore pendunt, licet curati ab herede, pertinent ad fideicommissarium. Neque enim recipienda est opinio Cujacii 24. obs. 21. & Gothofredi in §. his consequenter lib. 2. Feudorum tit. 28. qui volunt, fructus pro rata anni divideodos esse inter heredem fructuarii & proprietarium, contra textum in d. l. in singulos.

Fallitur itaque Faber 7. conj. 3. dum putat omnes fructus ab adita hereditate ex sententia Modestini ad fideicommissarium pertinere, id quod mirabile ipse esse fatetur. Melius dixisset id esse falsum; nam Modestinus loquitur tantum de fructibus, post acquisitum fideicommissum, quod in fideicommissio in diem acquiritur ex adventu diei; sive ex diei cessione; quæ heredem constituit in mora, sine interpellatione, l. pecunie, §. usuratum, ff. de usuris, l. ad diem, ff. de verb. oblig. l. magnam, C. de contrah. emt. & infra latius. Sed illud maxime notandum, prædictum textum non loqui de fructibus, qui usufructum vice sunt, & ob mortem debebuntur; sed tantum de fructibus, qui pars legati, seu fideicommissi sunt, & veduntur ut principales, non ut accessorii.

II. Ex l. quæsitum, ff. de acq. rer. domin. ubi Africanus hæc habet: Si fundum suum quis legaverit, heres qui cum legato esse sciat, procul dubio fructus ex cosuos non faciet. Unde Accursi in l. si. v. fructus, C. de usur. legator. deduxit a contrarii sensu, tunc heredem non cogi fructus ab adita hereditate restituere, cum est in bona fide, nesciens rem esse legatam.

Huic textui, ut Faber ait, loc. cit. nullus dum satisfecit, ne quidem Cujacius, aut quisquis ille est, qui ad Africanum eleganter scripsit. Faber ergo, etiam si evadendæ difficultatis viam difficiliorem inventu fateatur, tamen ac quid intentatum relinquat, respondit Africanum sermonem habere non de quavis scientia, sed de ea, quæ certa & vera est, sine ulla animi habitatione, quæ in specie nostra dicitur esse, ubi legatarius legatum agnitum ab herede petit, ut propterea hæc scientia

tia heredis sit ex tempore moræ, non etiam ante, cum heres dubitat, utrum legatarius sit petitorius legatum, an don; etenim dubitans æquiparatur ignoranti, §. *qua de fultore, Institutionib. de obli. qua ex delicto nascuntur.*

Quæ Fabri interpretatio optime comprobatur ex l. *qui test.* §. *ult. ff. de usur.* ubi bonæ fidei emor, qui fundum scivit, & antequam fructus perciperet, cognovit fundum esse alienum, ait Ulpianus eum adhuc perceptione fructus suos facere, quia in quantum ad percipiendos fructus, bonæ fidei emor esse intelligitur, quandiu evictus non fuerit. Sicut ergo evictio reddit scieptiam emtoris certam, cumque in mala fide constituit, & ex eo tempore fructus non facit suos; ita etiam scientia heredis tunc certa dicitur, cum legatarii petitio accedit, & ante eam, percipiendo, fructus facit suos.

II. Calus est, cum legatum est quidem purum, sed præterea inquiri legatarii privilegii munitur, quo calu mora fit in rem, hoc est, sine interpellatione, ita ut statim ac legatum peti potuit, heres in mora intelligatur, hoc est, statim ab adita hereditate, l. *cum vero*, §. *appareret, ff. de fideicommissis libertatibus.* Et hæc dicitur etiam mora reipia, si tamen, ff. *de minor. l. in minorum*, C. *in quibus causis restitutio in integrum.*

Itaque favore minorum 25. annis a D. Marco, & Vero concessum est, ut pro pecuniariis fideicommissis, quæ ipsi relicta sunt, usura debeantur a die, quo peti potuit, hoc est, ab adita hereditate, d. l. *cum vero*, §. *certe, l. Titia Sejo, §. usuras, lib. 2.* Quod deinde paulatim receptum est, ut locum haberet in legatis etiam, & in contractibus bonæ fidei per minores initis, ut scilicet re ipsa, & ex solo tempore tardæ solutionis mora facta intelligatur: quod tandem expresse constitutum est in d. l. *in minorum.* In ceteris vero casibus debere minores interpellatione uti, ut debitores in mora constituant, tradit Atilius Fereus de mora, num. 9. Menochius de arbit. casu 220. num. 17. in fine.

Idipsum ab Ulpiano extensum fuit ad fideicommissariam libertatem servo relictam: ut puta, si ancillæ prægnanti libertas relicta sit, & libertas jam peti possit (quod est, post aditam hereditatem, si fideicommissum purum sit) nec tamen petatur: interim, vero ancillæ filius jam natus sit. Cum deinde mater libertatem adipiscitur, ipsi etiam filius trade-

tur, sit eum de manu mittat, eoque filius erit, matris libertus; quare hic filius tanquam fructus attenditur. Ex die vero, quo libertas petita est, filius, qui nascitur, ingenuus est; quod certe mirum est, ut ex matre ancilla filius ingenuus nascatur, d. l. *cum vero*, §. 1.

Ceterum istæ usuræ currunt minoribus non semper, sed quandiu minores sunt; nam post impletum annum 25. desinunt deberi; & ut iterum incipiant deberi, opus est, ut mora fiat in personam, seu per interpellationem, d. l. *Titia Sejo*, §. *usuras*, ubi Paulus notat, veram moram esse tantummodo eam, quæ per interpellationem fit, quam sufficit semel intervenisse, ut usuræ perpetuo debeantur; eam vero, quæ fit re ipsa, veram moram non esse, alioqui non extingueretur, adhibita tamen distinctione textus in d. l. 3. ff. *de usur.* quamvis negandum non sit, moram quoque appellari in d. l. *in minorum*, & d. l. *si tamen.*

Quod diximus, verum est, si pupillus legatarius tutorem habeat, cui solvi possit; nam si tutore careat, non debentur usuræ statim ab adita hereditate, sed ex quo tutor datus est; propterea quod heredi imputari non potest, si legatum non solvit, upote qui etiam si velit,olvere non potest; solutio enim pupillo siæ tutoris auctoritate facta debitorem non liberat; & ita a D. Pio rescriptum notat Scævola in l. *cum quidam*, §. *si pupillo ff. de usur.* Hoc idem dicendum in minore, qui curatore careat, voluit damnatus Author de Usuris, num. 205. contra quem pugnat Faber 11. de error. 2. propterea quod minor sine curatore esse potest; ut enim tutor datus invito, ita curator datur volenti, l. *necom, ff. de tutorib. §. item inveni, Institutionib. de curat. p. 106.*

III. Calus est, cum legatum est quidem pure conceptum, sed ex re ipsa dilatio inest; quod accedere potest tam in legato dandi, veluti si legentur fructus futuri, partus ancillarum; quam in legato faciendi, ut heres meus damnus esto ire Romam, ædificare Titio domum; tunc enim incipit actio, & cedit dies, cum ea per rerum naturam præstari possunt, l. *interdum ff. de verb. obli.*

Dubium tamen est, utrum hoc calu exigatur interpellatio, ut mora ab herede intelligatur commissa, & per consequens ut teneatur ad usuras, & fructus, an potius satis sit lapsus taciti temporis?

Et Duareus in *l. si insulam*, ff. *ex tit. docet*, ad moram necessaria interpellationem exigere, quia mora ex persona fit, non ex re. Giphanius *ibid. num. 5.* distinguit, ut interpellatio necessaria non fit in obligatione faciendi, *l. stipulationes non dividuntur*, §. *si fin. ff. de iur. ex. tit. gatur* vero in obligatione dandi. Et rationem differentie addit, quia in dando duæ personæ requiruntur, danti & accipienti: in faciendō una satis est, nempe faciens.

Verius tamen est, in legato puro, cui tempus inest, siue legatum sit dandi, siue faciendi, moram ex solo temporis lapsu committi, quamvis in legato omnino puro interpellatione sit opus. Ratio inde pendet, quod in pura obligatione arbitrio creditoris conceditur temporis laxamentum debitori; nec enim is cum sacco adesse debet, *l. quod dicimus*, ff. *de solutionib.* Quod Iulianus dicit accipi in *l. si insulam* hoc est, cum aliqua latitudine, *l. ratum*, ff. *ex tit. tit.* Hoc autem temporis laxamentum in obligatione pura concessum, non habet certum spatium in iure definitum; sed in arbitrium creditoris rejicitur. Hinc fit, moram non committi, nisi per interpellationem, hoc est, nisi creditor admoneat debitorem, ut iam solvat, quasi dicat, iam satis temporis laxavi. Verum tamen est, hanc interpellationem a creditore fieri non posse, nisi post decem dies, quod spatium in praxi conceditur, *l. promissus*, ff. *de constituta pecunia*. At vero si obligationi tempus inest, tempore adveniente, nullum amplius laxamentum concedi intelligitur, cum satis sit, quod interfuit ex tempore, quod inest. Unde fit, tempus ipsum pro homine interpellare. Cum ergo tacitum hoc tempus inest tam in obligatione faciendi, quam in obligatione dandi, consequens est, ut nullo casu hominis interpellatio exigatur, ut magis communiter receptum est ex *l. stipulationes non dividuntur*, §. *fin.*

Obijcies I. cum Duareno ex *l. mora*, ff. *de usur.* ubi dicitur, moram ex persona fieri, non ex re.

Facile tamen respondetur, in eo loco sermonem haberi de ea tantum obligatione, quæ pura omnino est, seu de ea, in qua tacitum tempus non inest; & nos e contrario loqui de ea, quæ licet pura sit, ex re tamen ipsa dilationem continet.

Obijcies II. ex Scævola, qui in *l. nulla*, ff. *de reg. jur.* ait, nullam intelligi moram ibi

fieri, ubi nulla petitio est.

In hujus legis interpretatione mirum in modum se torquet Forcatulus de *mora par. 1. num. 9.* & tamen facillimum erat cognoscere, petitionem non idem esse cum interpellatione, sed denotare Jus petendi, quodlibi debetur, *l. pecunia verbum*, ff. *de verb. sign.* Et recte ait Scævola, moram non committi a debitore, nisi jam creditor contra ipsum Jus petendi habeat.

IV. Casus est, si legatum sit sub conditione, vel die incerta, quæ pro conditione est. Et moram non contrahi, nec utras, aut fructus debere per solum conditionis eventum, nisi hominis interpellatio accedat, communis opinio est apud Iasonem in *l. quæritur*, num. 2. ff. *de verbor. oblig.* Gomez 2. var. 11. num. 31. Forcatulus de *mora par. 3. num. 6.* Nam dubium est, an eveniat conditio, & quando, ut proinde neutrum horum ab herede prævideri possit. Non ergo ex solo eventu in mora est, ex regula, quod quæ certo prævideri queunt, in culpa consistunt, non etiam quæ sub incerto, *l. sed est*, §. *si seria*, ff. *ex quibus causis majores*, *l. si quis doctum*, §. *fin.* ff. *locati*; quodquid repugnet Leonardus de *usur.* qu. 81. a num. 36.

Excipit tamen Ant. Gabertus de *mora cap. 4. num. 43.* & seq. quoniam conditio certo extitura est, veluti siue illud fiat, siue non fiat, aut si morietur; tunc enim putat, solo conditionis eventu moram fieri, modo eventum debitor non ignoret; quoniam, ut ipse ait, conditio omnino extitura diei certo computatur, Accurs. in *l. si pupillus*, §. *i. ff. de novationibus*.

Verum circa conditionem istam distinguendum potius est, utrum stipulationi, an legato adscripta sit, ex Accurs. in *l. Julianus*, v. *proficietur*, in *l. solut. ff. de conditione indebiti*, scilicet, ut conditio omnino extitura stipulationi adjecta, comparet obligationi puræ, cui tamen inest temporis dilatio, & ideo moram contrahi ex solo temporis lapsu. At vero si legato adscripta sit, vere obligatio pro conditionali habeatur, ut propterea hominis interpellatio ad constituendum heredem in mora exigatur. Nam in conditione duo esse possunt dubia, unum de eventu, ad scilicet res extitura sit, an non? alterum de tempore, quod res extitura est, vivo creditore, an mortuo.

In stipulatione dubium tantummodo even-

tus



tus conditionis attenditur; non etiam tempus, cum nihil omnino intersit, utrum vivo, an mortuo stipulatore res existat, dammodo, existat; semper enim spes crediti ad ipsius heredem transmittitur: qui purificata tandem conditione rem promissam pectore poterit, §. *omnis*, *Institutionib. de verb. oblig.* Unde factum est, ut qui sub conditione stipulatur, quo omnino exitura est, pure videtur stipulari, d. l. *si pupillus*, §. 1. ff. de *no. testib.* nempe qui eventus dubius non est; licet dubium sit de tempore, quod in stipulatione, ut dicebamus, non attenditur. Non tamen huc stipulatio omnino pure censenda est, sed assimilari debet ei; cui tempus tacite incit; propterea quod non statim quod promissum est, exigi potest, sed expectandum est tempus evenire; ita tamen, ut si debitor interim solvat, repetere tanquam indebitum non possit, d. l. *Julianus*; nam quod pure debetur, si solum sit, ejus nulla repetitio est.

Hinc patet mirum in modum errare Accursium, quem Gubernius sequitur, cum concedendo hanc stipulationem, non esse conditionalem; ait tamen in diem esse; errat enim, quia pura stipulatio non solum opponitur conditionali, sed etiam ei, quæ in diem est, d. §. *omnis*. Est ergo vere pura, ut dicitur in d. l. *si pupillus*, §. 1. ita tamen ut ei tempus & dilatio insit, *Institutionib. de verb. oblig.*

Secus est de legato, ubi dubium de tempore, quo conditio exitura est, maxime attenditur; quandoquidem plurimum interest, utrum conditio vivo legatario, an potius eo mortuo existat; nam quod vivo legatario existit, ad ejus heredem transmittitur: quod vero eo mortuo, non transmittitur, ut supra dictum est. Ob hoc ergo dubium circa tempus, quod in legato interest scire sit, ut legatum sub conditione, quæ omnino exitura est, pro conditionali habeatur, l. *huiusmodi*, ff. *quando dicit legatum cedit*.

Quoniam ergo pro conditionali in legato habetur, & in ea dubium temporis attenditur, propterea dicendum est, ad constituendum heredem in mora, exigi ut legatarius opportune interpellat. Secus est in stipulatione, ubi pura quidam obligatio censetur, sed cui temporis dilatio insit; proinde non requiritur interpellatio, ut ex jam dictis manifestum esse potest.

V. Casus est, quoties legatum in diem relictum est. Et inter omnes fere constat, sta-

tum ac lapsa dies est, moram intelligi ab herede factam, etiam legatario non interpellante. Et hic locum habet regula, dies interpellat pro homine; scilicet cum dies expresse adscripta est. Ita Harmen. 3. *Prochiri* 3. Cujac. in l. 17. ff. de *constit. petun.* & in l. *trajectitiae*, ff. de *A. O. Motom. de mora num. 9.* Donell. 16. *comm. 2.* Et patet ex eo, quod Paulus scribit, ad diem sub pœna promissa pecunia, & ante diem mortuo promissore, non ideo minus pœnam committi, ideoque moram fieri, licet non sit adita ejus hereditas, l. ult. ff. de *nausico fœnore*, l. ad diem, ff. de *verb. oblig.* ubi Alciat. l. *Thais*, §. *inter*, ff. de *fideicom. libertatib. l. magnam*, C. de *conir. om.* cum concordantibus. Ratio evidens est, quia cum dies certa legato definita est, potuit satis ab herede prœvideri dies, & legatum parari. Et ita intelligendus est textus in l. *Herennius*, ff. de *usufr.*, ut supra notatum est.

## Q U Æ S T I O VI.

De partitione, & an sit modus acqui-  
rendi universalis.

INTER varias legatorum species eam hic examinabimus, quæ est de legato partitionis, propterea quod singulares quidam conditiones habet. Nam legatorum aliquando pars hereditatis, aut bonorum, hoc modo. Mævius heres meus hereditatem meam cum Titio partito, dividito; quo casu dimidia pars hereditatis legata videtur. Potest tamen & alia pars legari, veluti tertia, quarta, aut alia quæcumque, l. *nomen filiarum*, §. *partitionis*, ff. de *verb. sign.* ubi legatum illud partito vocatur, sicut legatarius dicitur partiaris, §. *post quod*, *Institutionib. de fideicom. hereditatibus*. Ita etiam Cic. de *legib.* & pro *Cæcina*. Hoc quoque est, si in legato non hereditatis, sed bonorum mentio habita sit, exempli gratia, bonorum quarum partem do lego, bona mea partito cum illo.

Inter utrumque illud interest, quod parte hereditatis legata, legatarius subit partem damni, quo hereditas afficitur ob pretia servorum manumissorum, & ob impensam funeris. Quod D. Hadrianus rescriptis; quia scilicet hereditas non minus comoda continet, quam onera, l. 2. §. *ult. lib. 2.* Ubi notandum, in hereditate duo esse onerum genera. Quædam sunt æs alienum, & de hoc nihil dicitur in d. §. *ult.* quoniam de eo non dubita-

tur,

tur, debere transire pro rata in legatarium partis hereditatis, ut recte ibidem Cujacius advertit. Quædam vero onera sunt æris alieni loco, ut impensa funeris, pretia servorum manumissorum, quæ textus in *d. §. ult. exempli tantum gratia* enumerat; nam præterea his oneribus adjungi debet impensa auctoris hereditariæ, seu sumtus factus in distrahendis, conservandisve rebus hereditariis, *l. quantitas, ff. ad l. falcid. ubi pure, ff. ad Trebell. & impensa publicati testamenti, & conferendi inventarii, l. ult. §. in computatione, C. de jure liberandi*. His adjungenda est dos ex *l. 9. lib. 2.* ea scilicet, quæ non est in ære alieno, sed quæ est æris alieni loco. Exempli gratia, Titius paterfam. dotem accepit a suru, & condito testamento filiumfam. maritum heredem scripsit, legavitque Sempronio partem hereditatis. Quamvis dies reddendæ dotis nondum venerit, & nondum debeatur, tamen æris alieni loco est, & partem oneris subibit legatarius partiaris. Idem est in casu l. falcid. *l. si dos fecero, ff. ad l. falcid.*

Secus est, si legata sit bonorum pars, quo in legato nec æs alienum, nec ea, quæ sunt æris alieni loco, legatarius partiaris subit, cum bona intelligantur deductis oneribus, *d. l. 9. lib. 2.* Fingas ergo, Titius reliquit mille, & partem bonorum legavit Sempronio; utique Sempronius quingenta accipiet sine oneribus, quibus omnibus obnoxia erunt alia quingenta, quæ ad heredem pertinent. At si legasset partem hereditatis, quingenta, quæ legatio debentur, dimidiam partem onerum ferent.

Ceterum in legato portionis hereditatis onera sicuti etiam actiones non transeunt in legatarium ipsò jure, sed per stipulationes partis, & pro parte, quæ inter legatarium partiarium, & heredem interponebantur de lucro, & damno communicando. Patet id ex Justiniano in *§. postquam, Institutionib. de fideicommissariis heredi.* ubi habetur, post Sempronius, Pegasianum, ex quo retenta quarta restituitur hereditas fideicommissaria, inter heredem & fideicommissarium solus interponi stipulationes, ut lucrum & damnum hereditarium pro rata parte inter eos commune esset. Atque ergo Justinianus, id introductum ad imitationem stipulationum, quæ interponebantur inter heredem & legatarium partiarium. Ex quibus palam est, onera non transisse ipso jure, sed remedio cautionum.

Et quamvis ibi Justinianus dicat, *Ejus legatarii, cui pars bonorum legabatur*; tamen ibi nomen bonorum etiam damna complectitur, ut in titulis de bonorum possessionibus; nam oneribus alligabatur solum legatarius partis hereditatis, *d. l. 8. §. ult. & proinde cum eo stipulationes interponebantur, ut in l. qui contrubimam, §. cum ita, lib. 3.*

Hæ stipulationes due sunt, una partis, altera pro parte. Stipulatio partis est, quam legatarius partiaris de herede stipulabatur, hoc modo: *Quam pecuniam ex hereditate L. Titii habueris, vel quæ pecunia ex L. Titii hereditate ad te pervenerit, ejus partem dimidiam dare spondes? Ubi habes, & pervenire, intelligebatur cum eff. etu, ut explicatur in d. l. nomen filiarum, §. habere.* Stipulatio pro parte est, quam heres de legatario stipulabatur, hoc modo: *Pro qua parte hereditatis legatum ceperis, pro ea æs alienum, & si quid æris alieni loco est, solvere spondes? Vide Theoph. in d. §. post quod.*

Porro legatum partitionis etiam est, si legamus hereditatem nobis aliunde obventam, veluti, *Do lego Sempronio hereditatem Mævii, id est, quæ mihi obvenit morte Mævii*. Et hoc quoque casu Sempronius suscipiet æs alienum, & reliqua onera hereditatis Mævianæ; & vicissim ei præstabo actiones, & cetera commoda ejus hereditatis; scilicet onera, & commoda, quæ exstant tempore mortis meæ, non item onera, quibus ego jam functus sum, nec nomina debitorum, quæ exegi, *l. cum filius, §. 1. lib. 2.* De hoc etiam legato est textus in *l. Lucius Titius 90. §. quæ marito lib. 2. & in d. l. qui concubinam, §. cum ita lib. 3.*

Sed antequam ulterius progrediamur, quædam ad plejam hujus legati intelligentiam notanda sunt.

I. Legatum partiarium subjici legi Falcidiz, ut si testator leget dextantem hereditatis, heres inde detrahet anciam, ad hoc ut sibi quadrantem illibatum retineat. Patet id ex Justiniano in *§. sed quia, cum seq. Institutionib. de fideic. heredi.* ubi habet, fideicommissarium Pegasianum comparari legatario partiaris; quia tam ex legatis, quam ex fideicommissis, heres quartam retinet. Ex quo etiam intelligimus, legatum istud præstandum esse manu heredis, ex regula textus in *l. un. C. quorum legatorum.*

II. Legatum partitionis sine fructibus ab here-



herede restitui, & præstari, nisi mora heredis intercesserit, *l. si quis bonorum lib. 1.* Unde colligi potest, ea omnia, quæ supra in genere de usufructu, & fructibus legatorum disputavimus, locum etiam habere in partitione.

III. Partitionem fieri debere verbis directis, ut cetera legata; nam si testator verbis præcis utatur, resolvitur in fideicommissum particulare, veluti, *Te rogo Luci Titi hereditatem meam cum Attio partiari*: quo casu non legatum partitionis, sed fideicommissum factum intelligitur, quasi dixerit, rogo dimidiam partem hereditatis restitui, *l. ubi pater, §. 1. ff. ad Trebell.*

IV. Si legatarius partis hereditatis rogatus fuerit hanc partem restituere, non fieri restitutionem ex Senatusconsulto Pegasiano, ideoque totum legatum restitui, quarta non retenta. Ratio est, quia Senatusconsultum Pegasianum locutum est de herede, vel quasi herede gravato, non etiam de legatariis, Ulp. in *l. mulier, §. fin. ff. cit. iiii.* Ubi interim notandum, primo, legatarium portionis hereditatis quasi heredem non esse. Notandum etiam, antiquos Jurisconsultos disceptasse de validitate hujus legati, & tandem receptum fuisse valere; nam ait Ulp. *Legari enim posse etiam portionem hereditatis placet nobis.*

V. Heredem ante partitionem deducere id, quod sibi defunctus debebat, *l. ab omnibus, §. ult. lib. 1.* Cui textui obstat videtur, quod vulgo traditur, additione hereditatis Intra confundi, & tolli. Verum quamvis quæ in Jure nostro de confusione per additionem traduntur, obscura admodum sint, tamen quod attinet ad creditorem, qui succedit debitori, duo casus distinguendi sunt.

Prior est, ubi creditor debitori succedit sine onere restituendi; & ex additione ita intelliguntur consilia Juris debitoris, & creditoris, quasi solutio facta sit: propterea extincta est omnis obligatio naturalis, & civilis, *l. Uranius, in princ. ff. de fideiuss.* Id ipsum est, si debitor succedat creditori, nullo fideicommissio, gravioris, *l. si id 27. ff. de liberatione legat.* Ratio est, quia cum obligatio ex genere relativorum sit, & duos terminos exigit, tamen in casibus propositis deficit alter terminus, vel creditoris, vel debitoris.

Posterior est, cum creditor succedit debi-

Tom. 1.

tori cum onere restituendi, ex additione confunduntur quidem Jura, sed solum in quantum ad obligationem civilem, quia additio de Jure civili est, at remanet obligatio naturalis, *l. debitor sub pignore, circa medium, ff. ad Trebell.* Similis hinc est casus *d. l. ab omnibus, §. ult.* ubi heres idemque creditor jussus est hereditatem partiari cum alio; similis ideo, quia legatarius partiaris comparatur fideicommissario ex *d. §. post, quod, de fideic. hered.* Quocirca cum heres addit, confunditur obligatio civilis, remanente naturali, quæ concedit heredi retentionem crediti, non etiam repetitionem: propterea in *d. §. ult.* dicitur, deducta pecunia credita, partem hereditatis dari. Hæc alibi a nobis latius tradita sunt.

VI. Legata bonorum, vel hereditatis parto, heredem habere electionem, ut partiarior præstet vel rerum partem, vel ædificationem. Excipe, si res naturaliter indivisæ sint, ut Stichus, Jus; vel si sine damno divisio eorum fieri non possit; tunc enim heres electionem non habet, sed ædificationem omnino præstare debet, *l. non amplius 26. §. cum bonorum lib. 1.* Verum cum heres præstet partem, non cogitur legatarius accipere ex singulis rebus partem: nam hæc fortasse vix erit usus. Sed potest heres, consentiente legatario, vel Judice auctore, illam partem legatario præstare in paucioribus, vel etiam in una re: atque ita singulæ res hereditarie divisionem non patientur, *l. potest. 27. lib. 1.*

VII. Partiarium non habiturum partem in iis rebus, quas subtraxit, Harmen. *5. pro-chiri 10.* Cujacius ad *l. 9. lib. 2.* Et ita intelligendus est textus in *l. non est dubium, C. de legatis*, ubi legatarius, qui rem legatam subtraxit, cadit a Jure suo. Quod omnino de legatario partiarior capiendum est, ut patet ex illis verbis, *Pro portione sempertenti*; nam ceteri legatarii restituant quidem rem legatam, quam sua auctoritate occupaverunt, sed eandem non amittunt, *l. 1. ff. quod legatarius, l. un. C. cit. tit.*

Non dissimiliter heres in rebus, quas ex hereditate subtrahit, portionem legis Falcidæ non habet, tanquam si istæ in hereditate relictæ non fuissent, ut habet Paulus in *l. 24. ad l. Falcid.* Idque ex novo Jure est & ita rescriptum a Principe, refert Marcellus in *l. rescriptum 6. ff. de his, quæ ut indigni.* At quo Principe? Ambigi non potest, Mar-

C c

cel-

cellum ita absolute de Principe loquentem, capi oportere de eo, qui per ea tempora rerum poteratur. Intelligit ergo de Antonino Pio, in cujus consilio fuit Marcellus, ut ex *l. non putabam, ff. de condit. & demonst. moner* Cujac. in *l. 5. ff. qui testamtu. fac. poss.* Quocirca ante hujus Principis referentium heres non poterat a legatariis conveniri, nisi ut ablatum in hereditate reponeret, vel sibi in Falcidiam imputaret. Hodie in eo quartam non retinet. Exemplum pone ex eodem Marcellus: is, qui quadriingenta habebat, ea universa legatis exhaustit. Ex his heres 100. subtraxit. In reliquis eodemmodo trecentis quartam Falcidiam retinet, idest 75. proinde decemata viginti quinque præstabit legatariis. Sed quid fiet de centum, quæ subtraxit? Septuaginta quinque dabit legatariis, reliqua summa, idest 25. ad fisco veniet, *d. l. rescriptum*. Atque ita demum verum est, quod Paulus dicebat, hæc 100. ita haberi, quasi in hereditate relicta non sint. Quod intelligitur respectu heredis, ut recte Accurs. explicat: non etiam respectu legatariorum, & fisci, quorum beneficium cedunt.

Itaque quæ heres abstrahit, sunt in numero ereptitiorum. Quod vocabulum legitur apud Ulpianum in *Præg. tit. 19. §. lege*. Ereptitia Veteres appellavit, quæ indignis eripiuntur variis ex causis, & transferuntur ad fisco, vel ad legatarios, vel ad aliam personam cum onere, Cujac. in *Paratit. ad tit. ff. de his, quæ ut indignis aufer.* Sic ergo in specie proposita, centum, quæ subtraxit heres, ab ipso ob fraudem eripiuntur, & partim cedunt fisco, partim legatariis præstantur. Hæc eadem locum habent, si heres rem propriam esse conveniat, quæ deinde hereditaria esse conviciator; nihil enim interest, subtraxerit, an hereditariam esse negaverit, *l. computantur 88. §. si quis, ff. ad l. Falcid.*

Alia tamen poena heres plectitur a Justiniano in *l. ult. §. incensum, C. de Jure delib.* Nam si non bona fide conficiat Inventarium, quodiam hereditarium vellet, nec describeret, convictus in duplum restat, vel duplum hereditariis imputat. In duplo inesse simplicem non dubitatur, & actio mixta est. Ita heres, qui in fraudem legatariorum dimovere studuit hereditatem, hæc sua fraude auget. Finge, testator 400. reliquit, & legatis exhaustis ex his heres celare 200. audis jam intelligitur hereditas ad 600. Et juxta

hanc summam legis Falcidie ratio incunda est; hoc modo, quarta hereditatis ita agitur sunt 225. Hæc retinebit heres, ex quibus centum de suo sunt, 25. ex bonis defuncti, & hæc tantummodo in vero lucro sunt. Quod si nihil subtraxisset, cum in hereditate sint 400. ex his centum nomine Falcidie retinisset. Itaque amittit 75. quæ ereptitia sunt, & legatariis cedunt.

Hæc si attendisset Accurs. utique non quæsisset, an Inventarium nullum sit? Quæ questio difficilis adeo ipsi visa est, ut eam non resolveret, sed relinqueret indecisam. At facile erat videre, nullo inventario, nihil opus fuisse plectere heredem in duplum. Plus enim amittit heres, ubi inventarium nullum est, quam ubi plectitur in duplum; quippe Inventario nullo, legata pro solido præstantur, & heres Falcidiam omnino amittit, *d. l. ult. §. fin. vero*; at præstando duplum ejus, quod subtraxit, interdum quidpiam ex lege Falcidia lucratur, & legata pro parte intercedunt, ut jam visum est.

Illud potius erat inquisitione dignum, utrum post novam legem Justiniani, actioque, quæ ex rescripto D. Pii competit, uti nobis hodie licet, & Et cur non liceat, non video, quandoquidem ea Justiniani lex non prohibet, ne veterem exercentur actionem. Regula enim Pauli est in *l. quoties, ff. de oblig. & act.* quoties lex obligationem introducit, nisi nominatim caverit, ut sola ea actione utamur, etiam veteres eo nomine actiones commeteret. Plura ejus rei luculenta extant in Jure nostro exempla, unum sit satis. Pro arboribus succis lex Aquilia novam obligationem introduxit, ut qui succidit teneatur quanti plurimi res eo mensuris quæ actio mixta est. Quia tamen nominatim veteres actiones non substituit, licitum proprietate nobis est uti actione pœnali ex lege XII. Tabularum, *l. 1. ff. arb. fruct. castorum. Pœna* est, ut in singulis arboribus succisor locustis 25. Plinio teste *lib. 17. cap. 1.* Palam autem est, Justinianum in *d. l. ult. §. licentia*, eam novam actionem contra heredem subtrahentem res hereditarias inducat, tamen nominatim non cavere, ut sola ea actione utamur. Unde fit, ut actioni ex rescripto D. Pii non sit abrogatum. Hæc actio pœnalis est, illa Justiniani mixta.

Sunt ergo hæc actiones concurrentes. Et DD. qui de concurrentibus actionibus agunt, pau-

Aunt hoc exemplo earundem numerum augere: quod a nullo hactenus, quod sciam, animadversum est. An vero una aliam consumat, alibi a nobis explanatum est. Et ita teneamus oportet, proposita actione mixta, pœnali amplius locum non esse: quod si actum prius sit actione pœnali, non prohibeor actione mixta uti; officio tamen Judicis reus non condemnabitur, nisi in eo, quod plus est in posteriori actione, *l. 2. ff. de vi bonorum rapt.*

Jam de hoc legato partitionis dubitatur, utrum singulare sit, an universale, seu quod perinde est, utrum particularis modus acquirendi sit, an universalis?

Et Rogerius quidem relatus ab Accurs. in *l. 8. §. ult. lib. 2.* quem ibidem Cujacius sequitur, docet distinguendum esse inter Jus vetus, & novum; quippe ex veteri Jure non fuisse nisi particularem modum ait: at de novo esse modum universalem.

Probant I. quia onera & commoda, quæ olim in legatarium transibant per stipulationem partis, & pro parte, hodie transferantur ipso Jure, tum quia Justinian. in *d. §. post quod*, inquit: *Quæ solebant stipulationes inter heredem, & partiarium legatarium interponi*; si ergo, solebant interponi, inde fit tempore Justiniani amplius interponi non consuevisse; tum etiam quia Justinianus *ibid. in §. sed quia*, dicit subtiliter se stipulationes inter heredem, & fideicommissarium Pegasianum, quia captiosæ erant: quæ ratio etiam locum habet in stipulationibus, quæ interponi solebant inter heredem, & legatarium partiarium, quippe eadem erant, ut in *d. §. sed post*; ergo illæ quoque sublatae sunt.

Probant II. ex verbis Justiniani in *l. ult. §. fin. autem sub conditione, C. commun. de legat.* quæ ita habent: *Legatum, vel fideicommissum universitatis, vel speciale.* Ubi duo videtur genera legatorum statuere ad exemplum fideicommissorum, scilicet ut unum sit legatum speciale, quo singulæ res quaruntur, alterum universale, cum pars hereditatis, vel bonorum relinquatur.

His tamen minime obstantibus, verior est sententia Ant. Fabri *l. 8. conjest. 18.* & Alex. Turam. *de exequat. c. 2.* dum volunt, legatum quodcumque semper esse particularem acquirendi modum, tam veteri Jure inspecto, quam novo.

Et probatur I. propterea quod nunquam in toto Jure Justiniano leguntur alii modi acquirendi universales, quam hereditas de Jure civili, bonorum possessio de Jure prætorio, arrogatio ex moribus Populi Romani, & tandem addictio bonorum ex rescripto D. Marci. Legatum vero nonnisi inter particulares acquirendi modos recenletur, ut patet ex *§. ult. Instit. per quas personas nob. acquiritur.*

Quod si dicas, istos esse principales, seu veros modos universales, sed dari præterea alios succedaneos, seu similitudinarios, veluti est fideicommissum universale, ex Trebelliano, quod imitatur hereditatem, sicuti ipse fideicommissarius est loco heredis, *§. restituta, Instit. de fideicommiss. heredit.* Ergo eodem modo legatum partitionis esse potest modum universalis succedaneus, Tamen negamus ullam legatarium partiarium esse loco heredis. Quod ut clare constet.

Probat II. legatum partitionis non imitatur hereditatem; ergo non est modus acquirendi universalis. Antecedens propositio manifeste habetur ex Justiniano in *d. §. restituta, cum duob. §. §.* ubi cum dixisset, fideicommissarium aliquando heredis, aliquando legatarii loco haberi: id explicans, subdit, post Senatusconsultum Trebellianum, ex quo hereditas universalis restituebatur, datis ei & in eum utilibus actionibus, fideicommissarium habitum loco heredis: deinde lato Senatusconsulto Pegasiano, ex quo proinde quartam retinebat heres, atque ob legem Falcidiam ex legatis, cepisse fideicommissarium haberi non loco heredis, sed loco legatarii partiarium. Ergo legatum partitionis non est loco hereditatis, & proinde modus acquirendi universalis non est. Id ipsum habetur ex *d. l. mulier, §. fin. ff. ad Trebell.* ubi aperte dicitur, legatarium partiarium non esse heredem, nec quali heredem; & proinde non posse ex Senatusconsulto quartam detrahere, si fideicommissum gravatus sit.

Neque ea, quæ in contrarium opponuntur, quidquid obstant. Nam quod primo dicitur, hodie sublatis veterum stipulationibus, actiones activas, & passivas ipso Jure transferre in legatarium partiarium; dicimus id verum esse de actionibus utilibus, non etiam de directis, ut patet ex eo, quod licet Justinianus eodem modo subtulit stipulationes inter heredem, & fideicommissarium Pegasianum; tamen ipsi fideicommissario hodie non ac-

quiruntur, nisi utiles actiones, sive activæ, sive passivæ; propterea quod Justinianus ea observari voluit, in fideicommissario Pegasiano, quæ erant in Trebelliano, cui & in quem Prætor fideicommissarius utiles tantum dedit, d. §. *restituata*. Quocirca actiones directæ remanent apud heredem, ut erat etiam olim ante, & post stipulationem, d. l. *qui æuncubinam*, §. *cum ita*, lib. 3.

Id confessus est Accurs. ipse in l. *cum filius*, §. 1. lib. 2. ubi de legata hereditate loquens, ait legatario partitio præstari actiones activas directas per cessionem ei factam ab herede, quæ nisi fiat, legatarius non habebit, nisi utiles. In quantum vero ad actiones passivas, idem Accurs. post Azonem ibidem docet, illis legatarium alligari; vel promittendo creditoribus animo novandi, vel ipso Jure. Quod non recte explicat Cujac: nam mens Azonis est, per novationem acquiri directas, ipso Jure transire utiles.

Jam transitus actionum utilium ipso Jure, per se solus, non constituit modum acquirendi universalem; quippe ex legato nominis acquirit legatarius ipso Jure actionem utilem contra nomen, seu debitorem; acquirit vero directam ex cessione heredis, l. *ex legato*, C. *de legatis*, & de hac directa actione intelligitur textus in l. *si sit*, §. 1. C. *de legatum ita*, l. *servum filii*, §. *cum*, qui *Chirographum*, lib. 1. Quod etiam est aliquando in contrariis, veluti si nomen fuerit in dotem datum, vel venditum, l. *nominibus*, C. *de act. & obli. l. emptor*, C. *de hered. vend.* Quod est constitutum a D. Pio, qui rescriptis generatim, utiles actiones emptori hereditatis dandas, l. *si cum emptore*, ff. *de pactis*. Sicut ergo legatum nominis non minus est modus acquirendi particularis, quamvis utilis actio transcat in legatarium, ita quoque de legato partis hereditatis est.

Neque II. obstat Justinianus in d. l. *ult. fin autem sub conditione*, quia verba illa, *Universitatis*, vel *speciale*, non cadunt super legato, sed solum super fideicommissum, cui proxime conjunguntur. Propterea in Institutionibus Justinianus duos proposuit titulos, unum de singulis rebus per fideicommissum relictis, alterum de fideicommissariis hereditatibus, quod nunquam fecit de legatis.

Hæc de legato partitionis attento Jure Digestorum, & Codicis. Puto tamen ex Jure novissimo Authenticorum, ex quo potest te-

stator prohibere heredi Falcidiam, adeoque totam hereditatem legatis, vel legato exhaustire, *Novella 1. de herediibus*, & *Falcidia*, cap. 2. §. *si vero expressim*; puto, inquam, hoc Jure dari aliquando legatum universale, quod imitatur hereditatem, si scilicet testator leges totam hereditatem, prohibita Falcidia detractione.

Idque manifeste patet ex fideicommissario Trebelliano, qui est loco heredis propter duos, quæ simul concurrunt: quia transeunt in eum ipso Jure actiones utiles tam activæ, quam passivæ; & quia simul tota ei hereditas restituitur, d. §. *restituata*. Sed in legatarium hereditatis hæc etiam duo reperiuntur: acquirit enim & utiles actiones, ut patet ex dictis, & totam hereditatem, quia prohibiamus ponimus Falcidiam. Ex quo est loco heredis; & proinde sicut illud dicitur fideicommissum universale, ita quoque universale legatum istud erit dicendum. Et recte notat Cujac. *loc. cit.* nec etiam hodie omnem fideicommissarium imitari heredem, sed eum solum, cui tota hereditas restituitur; nam si, cui restituitur, detracta quarta, non erit, nisi loco legatarii partitii.

Quoniam vero ex prohibitione Falcidiæ Jus legatorum reductur ad eum statum, quo erat ex legibus Decemviralibus; ideo nihil mirum si huic legato universali non convenit definitio Modestini, ut sit delibatio hereditatis; quæ definitio, ut supra notavimus, est de Jure novo, non etiam de antiquo, ex quo legatum potest esse non solum oneratio, sed etiam exhaustio hereditatis.

Præterea, quia legatum istud imitatur hereditatem, inde fit exorbitare a qualitatibus ceterorum legatorum, inter quas ea est, ut legatum acquisitum nunquam illi damno esse possit; secus est de hereditate, quæ interdum damnosa est, l. *si hereditatem*, ff. *de mandati*. Quare fieri etiam potest, ut legatum istud universale aliquando damno sit legatario; id quod pariter de legato partitionis videtur dicendum.

Tandem nihil obstat, legatum non computari inter quatuor modos acquirendi universales; non solum quia illi proprie tales sunt, & legatum universale per similitudinem; sed etiam quia hoc est ex novissimo Jure.

## QUESTIO VII.

An legatum a patre filia relictum compensetur cum dote, ad Modestinum in l. Tana 34.

§. qui invita, lib. 2.

**S**pecies duplici modo concipi potest. Primo, pater nuptui tradens filiam, quam in potestate habebat, pro ea dotem genero promissit, nec solvit. Deinde condito testamento, filiam exheredavit, vel ut olim erat, jam emancipatam prateriit, ei tamen legatum reliquit. Secundo, si pater promissit & solvit dotem: at soluto deinde matrimonio, eam a marito exegit, filia absente; tandem condito testamento, exhereditat filiam legatum reliquit. His casibus questio est, utrum legatum compensetur cum dote, ut filia, quæ legatum agnovit, excludatur a dote: an potius possit filia & legatum, & dotem consequi?

Sed ut separem certa ab incertis, meminisse oportet questionem non agitari in eo casu, quo pater dotem pro filia promissit, & deinde dotem filiz legat; constat enim filiam non posse utrumque consequi, & convenire inter se generum, & filiam debere, ut alterutra actione contenti sint, scilicet vel ut gener agat ex promissione, vel ut filia ex testamento, l. huiusmodi, §. cum pater, lib. 1. dummodo filia non ostendat, patrem hoc animo legasse, ut ei duplicaret dotem; quippe duplicatio hæc dotis, non dubio non præsumitur, l. Lucius Titius, §. impuberem, lib. 2. Idipsum est, si legatum fuerit a patre relictum dotis nomine, vel saltem si ab herede probetur hoc animo patrem reliquisse; nam hoc etiam casu filia alterutro debet esse contenta, l. 2. in prime ff. de dote prælegata. Quod si plus sit in legato, quam in dote, & filia dotem elegerit, potest legati excessum ex testamentum petere, l. Titia, §. qui invita, lib. 2. l. si filia, §. item Papinianus, ff. sam. cre. l. quod pure, §. 1. ff. quando dies legatorum.

Hæc eadem locum habent, si maritus uxori pro dote compensandi animo legatum reliquit. Unde si maritus pluribus institutus heredibus, ab uno eorum legat uxori, & uxor dotem suam ferre, quam legatum, malit, questionem est, a quo dos solvenda sit? Et respondetur dotem esse præstandam ab eo herede, à quo fuit legatum: quod si dos excedat legatum, reliqua pars, quæ superest, ab omnibus heredibus præstabitur. Ita Terentius

Clemons in l. cum ab uno, lib. 2. qui monet hæc eadem dicenda esse, si uxor pro patre heres instituta, omittat hereditatem, & dotem petat, nempe uxorem habere actionem in substitutum suum. Vide quæ scripsimus in tit. ff. sol. matr. de edito de alterutro.

Questio ergo solum est, cum pater debitor dotis, vel quia eam promissit, necdum solvit, vel quia eam a genero exegit, filiz simpliciter legat; nec probatur, patrem aut animo duplicandi, aut compensandi reliquisse. Questio, inquam, est, utrum filia alterutrum eligere debeat, an utrumque petere possit?

Oritur hæc questio ex duabus inter se contrariis legibus. Nam Pomponius in l. si pater, ff. de collat. dotis, loquens de patre, qui pro filia dotem promissit, eique legatum in testamento dedit, expresse ait filiam & legatum habere, & dotem? Verba sunt: Si pater pro filia dotem promiserit, deinde vel exhereditat, vel etiam emancipat, & praterit, legatum dederit; habebit filia & dotem præcipuam, & legatum. E contrario, Ulpianus in l. si cum dote, §. si pater, ff. sol. matr. sermonem instituens de eo casu, quo pater soluto matrimonio dotem exegit a genero, docet filiam legato patris contentam esse debere. Ejus hæc verba: Si pater filia absente de dote egerit, etsi omnia sit de rato satisfactio, filia demargi debet actio, siue patri heres extiterit, siue in legato tantum accepit, quantum doti satis esset. Et ita Iulianus in pluribus locis scribit, compensandum ei in dote, quod a patre datur: lutoque ejus cedere, si tantum ab eo consecuta sit, quantum ei dotis nomine debebatur a marito, qui patri solvit. Vel ut Cujacius legit, Si amplius ab eo consecuta sit, quam, &c.

Et quidem pro hac antinomia solvenda Cabonius 1. var. disputat. 28. duos distinguit casus; vel enim dos a patre promissa est genero, nec soluta; & ait, dotem & legatum filiz deberi, utrum d. l. si pater; vel pater dotem, quam solvit, post matrimonium solutum exegit a genero; & docet, filiam legato debere acquiescere ex d. l. si cum dote, §. si pater. Rationem discernimus eam esse dicere, quia in priore casu, cum dos est promissa, nondum abiecit ex bonis patris, nec adhuc filiz facta est, hæc tam debetur filiz, quam genero, cui promissa est, qui postquam tradita sibi dos fuerit, Dominus dotis efficitur. Cum ergo pater nihil debeat filiz,

non

non potest videri animo compensandi legatum reliquisse, quia compensatio est inter debitorem & creditorem; nam compensatio est debiti & crediti invicem facta contributio, l. r. ff. de compensationibus. In posteriori casu, ubi dos soluto matrimonio a patre exacta est, pater intelligitur quodammodo eam debere filiz, quia maritus convenitur a filia, dotem a patre repetit; quia ergo pater est quodammodo filiz debitor, ideo cum legat, animo compensandi legasse videtur.

Hanc tamen distinctionem merito rejicit Schifordeghus lib. 3. tract. 13. quest. 5. nam nec verum est, dotem promissam non abcessisse ex bonis patris, ut palam est ex Tryphon. in l. fin. ff. de collat. dotis, ubi hæc habet: Ergo non solum data dos apud maritum remanebit, sed & promissa exigetur a fratribus, & est aris alieni loco; abcessit enim a bonis patris. Itaque duo docet, & dotem abcessisse ex bonis paternis, & ejus rei rationem esse, quia ex promissione est aris alieni loco, sive factum est debitum patris; & quanto plus quis debet, tanto minus in bonis habet: unde debitum non dicitur *as suum*, sed *alienum*. Præterea verum non est, patrem post exactam dotem, esse quodammodo debitorem filiz; nam gener etiam post solutam dotem patri, debitor filiz remanet; l. qui hominem. §. si gener, ff. de solutione. illis verbis: Si gener socero, ignorante filia, dotem solvisses, non est liberatus: nempe quia pater sine voluntate filiz nec exigere, nec accipere dotem potest, l. 2. C. sol. matrim. Quare filia non in patrem, sed in maritum actionem habet.

Nec quidquam juvat illud, quodammodo, quo se tuetur Cabotius; nam si quidquam valeret, haberet etiam locum in dote promissa, quam pater quodammodo filiz debet. Si ergo nihil hic operatur, nihil etiam operabitur illic.

Itaque communiter Doctores nihil hic distinguunt inter dotem promissam, & exactam. Nec tamen inter se concordant. Nam quidam contendunt, semper legatum cum dote compensari, sive dos promissa tantum sit, sive soluta & exacta. Ita DD. cum Mantica 10. de sensu. ultim. volum. tit. 2. Menochio 4. presunt. 109. Petro Barbosa in d. l. si cum dote, §. si pater, Joanne Roberto 2. advers. 16.

Quod præter d. §. si pater, probant ex eo, quia debitum necessarium compensatur cum

legato: & ita vocant id, quod ex legis dispositione debetur: quod rectius diceretur debitum naturale, sicuti legitima, quæ filiis relinquuntur, debitum naturale dicitur, l. fecimus, §. illud, C. de inoff. testam. vel debitum legitimum, ut portio, quæ patrino debetur, debitum legitimum est, l. si patris, in princ. ff. de bonis libertor. Sed dos, quæ filiz debetur, est debitum necessarium, naturale, legitimum, l. capite, l. qui liberos 19. ff. de ritu nuptiarum, l. fin. C. de dotis promissione. Ergo cum legato compensatur.

Ceterum, quod debitum legitimum cum legato compensetur, demonstrant ex pluribus. Primo, ex l. omnimodo, C. de inoff. testam. ubi legatum a patre filio factum imputatur legitime, itaut si minus legitima sit, agi solum a filio possit ad supplementum. Secundo, ex auth. præterea, C. unde vir, & uxor, ubi legatum uxori pauperi factum imputatur in quartam, vel virilem, quæ uxori indotata debetur ex bonis viri locupletis præmoris.

Alii vero in contrariam sententiam euntes, contendunt, legatum simpliciter a patre filiz factum nunquam cum dote compensari, sive eam pater promiserit tantum genero, sive solum ab eodem exegerit; juxta ea, quæ habentur in d. l. si pater, ff. de collat. dotis. Cujac. 3. obs. 16. Mercator 2. notat. in Robertum 16. Feb. 4. conjest. 9. Schifordegh. d. tract. 13. per tot. Coralius 3. miscell. 1. Fach. 5. cons. 33. Duareus in d. l. si cum dote, §. si pater. Quæ sententia vera est.

I. Probatur ratione generali, quia alia mens est legatis, alia compensantis; nam legantis mens est donationem conferre, quia legatum est donatio testamenti relicta, l. legatum lib. 2. & merito, cum legatum sit in genere liberalitatis, l. cum non facile, ff. si cui plus, quam per legem Falcidiam, l. si unum, §. si Falcidia, lib. 2. Compensantis vero mens est, ut se a debito liberet, cum compensatio pro solutione habeatur, nec minus debitorem liberet, quam solutio; est enim debiti & crediti invicem facta contributio, l. r. ff. de compensationibus. Ergo ex legato non potest induci mens compensare volentis: quocirca Paulus ait, voluntatem testatoris compensare volentis evidenter offendi debere, l. creditorem, lib. 2.

II. Probatur ratione speciali in casu dotis; nempe compensatio fit inter debitorem, &

ere-

creditorem, ut patet ex definitione compensationis in *d. l. 1. c.* At pater, qui pro filia promissit dotem genero, non est debitor filiz, sed generi, cui promissit: ita etiam si ignorantie filia dotem exegit, solum generi debitor est, ut diximus ex *l. qui hominem, §. si gener. ff. de solutionibus*. Ergo cum pater legat filiz, non potest compensatio induci. Quod ut rectius percipiat, meminisse oportet, patrem dici debitorem filiz respectu dotis, quam ei omnino præstare tenetur, *l. capite, ff. de ritu nuptiarum, l. fin. C. de dotis promissione*: at hoc debitum patris durare eo vivo; cum enim moritur, hoc debitum extinguitur, & in ejus locum subit obligatio restituendi legitimam; nec enim pater testando, filiz inuptie cogitur dotem relinquere, sed legitimam: quod adeo verum est, ut si pater eam jam dotavit, dos legitimæ imputetur, *l. quoniam novella, C. de inoff. testamen.* Quocirca pater, cum moritur, nullo modo debitor dotis respectu filiz erit; sed iam si eam promissit vivus, quam si exegit, erit debitor generi, cui promissit, vel a quo exegit: propterea in specie nostra, ubi pater legat filiz, præsumi non potest animus compensandi cum debito dotis, quod inter eos nullum est.

Dices: Ergo nequit pater filiz legatum relinquere nomine dotis, sive animo compensandi, contra textum in *d. l. 2. ff. de dote præleg. cum concordantibus supra adductis*. Pro responsione dicimus, cum pater legat filiz nomine dotis, posse queri, cuiam actio ad petendum legatum competat, filizne, an marito? non semper enim actio legati competit ei, cui legatum adscriptum est: quippe ea regula tenenda est, ut inspicimus, cui testator voluerit prospectum, cuiusque contemplatione fecerit, ut docet Ulpianus in *l. si de commissa, §. interdu, lib. 3.* Hinc si pater legat genero filiz nomine, non generi, sed filia habet actionem; nam cum dicit, *filia me me*, utique filiz propiciat, Cuius in *l. servo legato, §. si testator, lib. 1.* E diverso si legat dotis filiz nomine genero, & generi legatum petat, cui consuetum videtur, & petat filia, ut incipiat esse dotata, Papinianus in *l. Titio erum, §. Titio genero*, quædo *§. si post divortium, & §. fin. ff. de conditionib. & demonstrationib.* At cum ponimus, patrem legasse non genero, sed filiz dotis nomine, quam genero promissit, vel quam a genero exegit,

actio ex testamento competet filiz, ex contractu competet marito, cuius interest, vel ut in dote soluta liberetur ab uxore, vel ut in dote promissa recipiat, quod sibi promissam est, *d. l. huiusmodi, §. cum pater, lib. 1.* Unde fit, ut pater debitor generi possit filiz, animo compensandi dotem, legatum relinquere; quippe hæc compensatio magis respicit generum, quam filiam.

Reliquum est, ut Adversariorum argumenta solvamus. Et primo ad textum in *d. l. si cum dotem, §. si pater, ff. sol. matrim. varie responsum est*. Cuiusmodi ait, legatum ibi dotis nomine fuisse relictum; quod licet in textu non exprimitur, tamen id satis intelligi ex eo, quod Ulpianus velit, filiam alterutro esse contentam. Quæ ratio divina.

Verius est, quod post Fabrum observat Schifordegher *loc. cit. q. 9.* nempe in specie Ulpiani filiam agnovisse legatum, ut patet ibi: *Sive in legato tantum acceperit*. Et ibi: *Ab eo consecuta sit*. Et agnovisse quidem, nulla de dote sibi competente mentione facta, quo casu videtur acquiescisse iudicio defuncti, illudque approbasse: propterea dotem amplius petere non posse, ne quod semel probavit, deinde improbaret, contra textum in *l. Pompeianus, ff. de negot. gestis*. Nam cum dicimus, filiz deberi legatum, & dotem, id verum est, si filia utrumque petat, sed si accipit legatum, & simul dotem non petit, sera erit dotis persecutio.

Secundo, cum ajunt debitum necessarium, naturale, legitimum compensari cum legato, ex *l. hominimodo, C. de inoff. testam. & ex aurb. præterea, C. unde vir, & uxor*, respondemus hæc Jura loqui de imputatione, non de compensatione. Quæ inter se longe distat, ut ex *Lege Falcidia* patet, in quam imputamus, quæ Jure hereditario accipimus, compensamus ea, quæ a coherede accipimus, *l. qui non militabat, in princ. ff. de heredib. instit. l. Neseimus in princ. ff. ad l. Falcid.* Oritur discrimen ex eo, quod compensatio est voluntaria, imputatio necessaria, ex lege, Cuius in *d. l. qui non militabat, in lib. 6. responsorum Papian.* Vide latius Schifordegh. *loc. cit. q. 3.* Sed admissa regula, ut vera, dicimus, debitum pariter restantis non esse cum filia, cui legatum est, sed cum genero; propterea hic eam regulam frustra Adversarij invocant.

De legator. & fideicommissi. exauratione, ad l. 1. lib. 1. Ulpianus lib. 57. ad Edictum.

Per omnia exaucta sunt legata fideicommissis.

Cum Justinianus subtilisset differentias, quæ olim erant inter legata vindicationis, damnationis, modi finendi, & præceptionis, iubens omnium unam esse naturam, præstando pro unoquoque actionem in personam, in rem, & utilem Servianam, seu hypothecariam, l. 1. C. communia de legatis; deinde progressus ulterius, statuit exequare legata, & fideicommissa; quam quidem exaurationem a se introductam iactat in l. 2. C. eis. iij. & § sed non usque, Institutionib. de legat. Quare mirum videtur, cum hic Ulpiano, qui pluribus annis ante Justinianum floruit, illæ exauctio tribuitur.

Sed ceteris omissis, non absiuit a vero conjectura Cujacii hic, & 8. obs. 4. verba Ulpiani pertinere ad Interdictum quod legatorum, & ad legem Falcidiam; ut patet ex l. 1. ff. quod legatorum, quæ ejusdem Ulpiani est, desumpta ex rod. lib. 57. ad edictum; quippe Senatusconsultum Pegasianum legatorum Falcidiam porrexit ad fideicommissa a testatore relicta, sicut constitutio D. Pii ad fideicommissa ab intestato, & constitutio Severi ad donationes causa mortis; & propterea factum est, ut quarta, quæ vulgo Trebellianica dicitur, læpe in jure nostro appelletur Falcidia, l. jubemus, C. ad Trebell. Imo etiam sub Falcidiz nomine quandoque etiam legitima portio, quæ olim erat quarta, comprehenditur, l. Papinianus & § meminisse, ff. de inoffic. testam. l. quisquis, § uxores, C. ad legem Juliam municipalis. Cum ergo interdictum quod legatorum edixisset, legata præstanda esse ab herede propter Falcidiz retentionem, visum est Ulpiano interdictum istud porrigi etiam ad fideicommissa, quæ ob Trebellianicæ retentionem ab herede pariter deberent præstari; & ad hoc respiciens, scripsit per omnia exaucta esse legata fideicommissis. Simile est, quod habetur ex Paulo in lib. 4. ad l. Juliam, & Papiam, cujus hæc verba: Hereditatis appellatione bonorum quæque possessionem contineri, l. hereditatis, ff. de verb. signific. hoc enim non ita generatim accipiendum est, ut hic prolatum eperitur; verum ita, ut quæ in lege Papia de hereditate dicebantur, locum etiam ali-

quem in bonorum possessione obtinerent, Rurardus 3. ambigu. juris 4.

Fuerunt & aliæ exaurationes ante Justinianum variis temporibus introductæ; nam in l. Plautius 43. ff. ad 4. Falc. rescriptum D. Pii, ex quo fideicommissum datum servo communi fideicommissitenti, & fideicommissarii, totum ad locum pertinet; id ipsum Paulus trahit ad legatum. Nempe omnia voluntate legantis, qui voluit totum legatum subitari, & propterea censendus est voluisse totum uni acquiri; cum in persona alterius, qui heres est, nequeat subsistere. Ceterum voluntas non in uno tantum fideicommissio, sed in legato etiam attenditur; ut ex sacigia legatis constat.

Ita etiam, quod a D. Marco & Severo constitutum est, ut pro pecuniariis fideicommissis, quæ minoribus viginti quinque annis relicta sunt, ultoræ debeantur a die, quo peti fideicommissi potuerunt, l. cum vero, § apparet, ff. de fideicommissariis liberatibus, l. Traian Sero, § usus, lib. 2. id deinde receptum est etiam in legatis, imo in contractibus, per maiores imis, & lege sancierunt Diocletianus; & Maximilianus, l. in minorum, C. in quibus casus restitutio in integrum non sit necessaria.

Ad Justinianus longius proventus, exaurationem non solum in his causis, sed generalitatem in omnibus aliis casibus effectibus constituit in d. l. 2. ubi quatuor omnino habet.

I. Nihil interesse, quibus verbis testator utatur; nam si volens fideicommittere, accedat eum uti verbis directis, validam intellegitur fideicommissum; sicuti utile legatum erit, quamvis testator verba precaria adhibeat.

II. Si testator expresse legaverit, huic legato accomodari ea omnia, quæ naturaliter insunt fideicommissis.

III. Fideicommissio facta præstari quæcumque sunt ex natura legati, proventus ut ex omnibus triplex actio oritur, in personam, in rem, & hypothecaria, ut etiam jam antea statuerat in l. 1. § verus, C. de iis communia de legatis.

Tandem Justinianus generatim potat, si occurrat aliquid contrarium in legatis, & fideicommissis, id quasi fideicommissum capi oportere, quia humanius, & plenius est; Sed ut hæc omnia clarius pateant, sit.

QUE



## QUESTIO I.

De primo capite exaquatōis.

Quamvis vulgo notum sit, multas olim existisse differentias inter legata, & fideicommissa; non omnibus tamen notus est fons & origo harum differentiarum: qui propterea scire neque etiam possunt, ubi nam exaquatōis vis consistat. Nos igitur originem differentiarum hic primo aperiemus cum Balduno lib. 3. de Jure novo, qui recte docet, totius differentiarum summam fuisse, quod sola voluntas in fideicommissis, in legato libertatis Juris civilis spectaretur; cujus universi discriminis ratio erat, quod legatum ex legibus XII. Tabularum descendere, sicuti testamentum, nempe illis verbis; *Uti paterfamilias super re, tutelave sua legasset, ita Jussu*. E contrario autem fideicommissum multo deinde post tempore D. Augusti ex æquo & bono sit receptum, §. *postea, Institutionibus de fideicommissis hereditatibus*. Unde in d. l. 2. §. *sit igitur*, habetur, *Humanius esse fideicommissum legato*.

Quibus recte intellectis, facile est cognoscere, ubi exaquatō consistat, quod quibusdam adeo arduum visum est, ut Principis declaratione indigere putaverint. Nempe ut voluntas, quæ ex bono & æquo habebat olim solummodo locum in fideicommissis, servaretur hodie etiam in legato, remisso rigore Juris civilis: & e diverso vis & efficacia Juris civilis, quæ est in legato, procedat in favorem fideicommissorum. Hoc dicitur exaquatō a Justiniano, quoniam inde fit, ut legatum censeatur in quantum ad benignam interpretationem tanquam fideicommissum, & fideicommissum in quantum ad vim habeatur tanquam legatum. Quod aperte deducitur ex Justiniano in d. l. 2. ibi: *Si quid tale est, quod non habet naturam legatorum, hoc ei ex fideicommissis accommodetur*: & ex similibus verbis, quæ in ea lege non sine involucro Justinianus persolvit. Et hæc videtur Patris sententia in *Institutionibus tit. de legat. §. 3.* & Fabri 14. consuet. 16. & Turamini hic: quamvis non ita clare mentem suam exprefferint.

Falluntur ergo, qui cum Bolognæ hic volunt, exaquatōem in confusione consistere, id est, legata, & fideicommissa habere unam essentiam, unamque definitionem, moti ex l. 1. §. *sestius*, C. *communis de leg.*

Tom. I.

gatis, ubi Justinianus ait, se omnibus tam legataris, quam fideicommissariis, unam naturam imponere, Sed non animadvertunt, eo loco Imperatorem explicare dictum suum tantum in quantum ad actiones in rem, in personam, & utilem Servianam, ut scilicet sicca hæc tribuantur pro legato, ita etiam tribuantur pro fideicommissis; unde una est natura respectu potestatis, & effectuum, non respectu essentiarum.

Nunc ad speciales effectus deveniamus, quos partim explicabimus hic, partim in sequentibus. Primo ergo, quantum legata ex legibus XII. tabularum descendunt, legis modo relinqui debebant, utpote quæ vim etiam legis habent, ex verbis illis, *Jussu esto*, Ulp. in *fragm. tit. de legatis*. Id autem dicitur legis modo relinqui, quod casu recto, & modo imperativo relinquitur: ex quo factum est, ut verba directa etiam imperativa dicantur, l. *quoniam*, C. *de testamentis*; dicantur etiam civilia, l. *verbis civilibus*, ff. *de vulg.* Verum hic rigor paulatim cœpit emolliiri, ubi permissum fuit ita legare, *Do lego Titio centum*; pro eo, quod olim omnino debebat dici, *Titius centum capio*, vel simili modo, qui legis conceptionem imitaretur. E contrario fideicommissa fiebant verbis precariis, seu inflexis, quæ hodie Doctores *obliqua* vocant.

Hinc de quibusdam verbis controversia orta est, aliis ea inter directa, aliis inter inflexa computantibus. Ita est de verbo *jubeo*; nam si testator ita dixit, *Titio domum dari jubeo*; id pro fideicommissis nonnulli accipiebant, ut Scævola in l. *Aurelius*, §. *ult. ff. de liber. legata*; alii contra, pro legato. Unde Justinianus in d. l. 2. C. *commun. de legat.* enumerans verba directa, ait, *Quale est jubeo fore*.

Sic quoque est de verbo, *impero*, quod pro precario habitum est a Paulo 4. *sent. tit. 1.* contra quam in d. l. *quoniam*, C. *de testamentis*, ubi pro directo habetur. Ita etiam fideicommissarium verbum est *Peto*, in l. *Titia Sejo*, §. *ult. lib. 2.*

Eveniebat etiam, ut quandoque in eadem dispositione testator verba precaria simul, & directa apponeret. Hinc lites ortæ utrum id pro legato, an pro fideicommissis haberi deberet, veluti, ubi testator dixit, *Do lego Titio centum*, addit, *Adjuvo heredem meum, ut quod dedi legavi præstet*. Et hoc est, quod

D d

vult

voluit Justinianus in *d. l. 2.* cum refert, per juramenti interpositionem varias agitari lites solere: ubi *juramenti* nomen non significat, nisi obsecrationem seu adjurationem. Itaque in exemplo proposito verba *do lego*, directa sunt; verbum *adjuro* est precarium, ut in *tit. de fideic. hered. in princ.* Quamvis aliter explicet Cujac. 16. obs. 25. & in *l. cum pater*, §. *filius matrem*, lib. 2.

Quoniam enim fideicommissa olim non ex Jure, sed ex fide heredis, vel legatarii, restituebantur; ideo soliti fuerunt testatores fidem heredis, aut legatarii, implorare, eosque obsecrare per Deum ut restituerent, *l. 3. ff. de Jure fisci*; vel per salutem Augusti, ut in *d. tit. de fideicomm. hered. in princ.* At quia deinde ex constitutione Octavianii factum est, ut fideicommissa restituerentur omnino ab eo, cui erant injuncta; propterea queri coeptum est, si testator relinquendo fideicommissum adjuraret heredem, ut illud restitueret, quidnam juszurandum illud operari deberet, ne effet frustratorium; nam sine eo fideicommissa vim jam habebant. Et de hac re est textus in *d. l. cum pater*, §. *filius matrem*, ubi filius matrem heredem scripserat, & fideicommissa tabulis data cum juszurando religione prastari rogaverat. Quæsitum est, quid de juszurando statuendum esset. Et respondet Papinianus, si accidat testamentum nullum esse, aut rumpi, irritumve fieri, matrem legitimam heredem cogi fideicommissa ab intestato prastare. Nam, ut inquit textus, *enixa voluntatis preces ad omnem successionis speciem potest videntur*. Ubi male vulgo cum Acc. putant juszurandum accipi pro invocatione divini nominis in testem rei dubie, cum omnino sit adjuratio, & obsecratio; nam verba filii ita concepta fuerunt: *Per Deum rogo heredem meum, ut in his, quas fideicommissi, fidem mihi prastet, ut in d. l. 3. ff. de Jure fisci*. Et hæc adjuratio a Papiniano, *enixa preces* dicuntur, & vim habent, ut fideicommissa prastanda sint, etiam testamento nullo.

Excipe tamen, si adjuratio de re impossibili, seu turpi sit, ut intelligendus est textus in *l. si quis inquilinos*, §. *ult. lib. t.* cujus verba sunt: *Divi Severus & Antoninus rescripserunt, juszurandum contra vim legis, & auctoritatem Juris in testamento scriptum, nullius esse momenti*. Ubi Accurs. per Juszurandum intellexit divinam attestationem, & ita

speciem ponit, *Lego tibi decem, si jutareris, capitolium non ascendere*.

Quæ explicatio recipi non potest. Primo quia ita legatarius jutare deberet post testatoris mortem in alia scriptura, quam testamento; & nihilominus in textu dicitur, juszurandum in testamento fuisse scriptum. Secundo, quia eo modo Severi, & Antonini constitutio inutilis fuisset, quia jam ante ipsos a Prætoris generatim edictum fuerat, nihil posse sub conditione juszurandi, seu attestationis divinæ relinqui: quod si relictum fuerit, juszurandum nihil operari, *l. qui sub conditione, ff. de conditionib. institut.*

Itaque in *d. §. ult.* Juszurandum non erit, nisi obsecratio testatoris in testamento scripta, qua adjurat heredem, ut quid faciat contra vim & auctoritatem legis, *visputa si heredem roget, ut hereditatem filio adulterino restituat*. Hæc obsecratio, quia contra legem, non obligat heredem, quamvis alias enixe voluntatis preces maxime operentur, ut dicebat Papin. in *d. l. cum pater*, §. *filius matrem*.

Sed, ut ad institutum revertamur, Justinianus hunc rigorem verborum substat, & voluntatem solam testatoris attendi debere statuit: *Nos enim*, inquit ipse in fine, *non verbis, sed ipsis rebus leges imponimus*. Quare si accidat testatorem, dum legandi animum habet, per ignorantiam uti verbis fideicommissi, uti sunt *velo, rogo, mando, fidei tua committo*, intelligitur tamen legatum fecisse: & e contrario, si fideicommittendi animo utatur verbis directis, censetur fecisse fideicommissum. Quod aperte patet ex *d. l. 2. in princ.* cum dicitur: *Omne verbum signans testatoris legitimum sensum legare, vel fideicommittere volentis, utile, atque validum est, sive direxerit verbis, sive precaverit utatur testator, &c.* Ceterum dubitari non potest, istam testatoris voluntatem, quæ verbis testamenti repugnat, esse aliqua saltem conjectura probandam, ut si testator cum dixisset, *Do lego Titio domum*, deinde eundem Titium fideicommissarium vocet; nam si hæc voluntas non probetur, constat verba attendi debere, & legatum non haberi, ut fideicommissum; quippe cum in verbis nulla est ambiguitas, non debet admitti questio voluntatis, ut dicitur in *l. ille aut ille, lib. 3.* & quæ ex ipsis verbis testamenti pendent, debent secundum scriptum expediri, & mitti voluntatis questio, *l. in his, quæ extra 16. ff. de condit. & demon.*

*demonstrat.* Ergo cum aperte verbis legatorum utitur testator, voluntas fideicommissum non debet attendi, & e contrario.

Ceterum in *l. quisquis*, lib. 3. qui rogat heredem, uti det quantas summas dictaverit, & deinde nominet vestem, equum, & alias res corporales, omnes sub natura summarum continentur.

In *l. cum virum*, C. de fideic. heres rogatus, ut quidquid ad eum ex hereditate pervenerit, restituat, licet ex rigore verba & praelegatum contineant, admittitur tamen probatio in contrarium.

## Q U Æ S T I O II.

*De altero capite exaurationis.*

**H**ic agemus de eo, quod Justinianus ait, quæ fideicommissis naturaliter insunt, id est, quæ ex bono & æquo in ipsis receptæ sunt, ea omnia accommodari legatis. Ceterum hæc multa & varia sunt; quorum nonnulla magis notata digna in præfens a nobis sunt accensenda.

I. Legatum ita testamentum exigit, ut nec codicillis testamento confirmatis relinqui possit; quod secus est de fideicommissis, quod in codicillis etiam ab intestato relictum valet, §. *præterea de fideic. hereditatibus*; scilicet quia in fideicommissis, ut diximus, sola voluntas defuncti spectatur. Hodie vero, propter exaurationem, si legatum ab intestato fiat, utique effectum sortitur, sed tanquam si fideicommissum esset, argumento ex §. *sed non usque, de legatis*. Unde legati definitio, ut sit *Donatio testamento relicta*, l. 36. lib. 2. etiam hodie recte habet; nam, ubi legatum in codicillis ab intestato relinquitur, valet in vim fideicommissi; quamvis Tribonianus ad omnem scrupulum removendum, illud, *testamento*, mutaverit, a defuncto, ut supra notatum est.

II. Quamvis a legatario fideicommissum possit, tamen si ab eo legetur, legatum non valet, ut in *tit. de singulis reb. per fideicommissum relictis*, in princ. & in *l. ab eo*, C. de fideicommissis. At si hodie a legatario legetur, valet ut fideicommissum. Ex quo fit, etiam post exaurationem recte dici legatum ab herede præstari; nam cum a legatario præstari, non est, nisi fideicommissum.

III. A Domino heredis instituti, vel legatarii, non potest legari, Ulpian. in *fragm.*

*tit. de fideicommissis.* sed ab eodem potest fideicommissum relinqui: quod etiam dictum esto de patrefam. cuius filius heres est, aut legatarius; nam quilibet, ad quem aliquid pervenit, potest fideicommissum obligari, *l. cum filiosam. lib. 1.* Si accidat servum legatarium manumini, antequam legatum agnoscat, Dominus de fideicommissis non tenetur, quia nihil ad eum pervenit; sed tenetur ipse servus, non quidem directo, quia rogatus non est, sed actione in factum utili, nempe quia penes ipsum hoc casu remanet omne commodum legati, *l. si alienus, lib. 1. l. 4. lib. 3.* Quod si Dominus servum autem agnitionem vendiderit, adhuc ipse Dominus venditor fideicommissum obligatur, quia vendendo servum, cui legatum erat delatum, pluris vendidit. Verum si venditor non sit solvendo, tunc tenebitur emptor actione utili, *l. si servum, ff. si quis omnia causa testamenti, l. plane, §. 1. lib. 1.*

Itaque pro conservanda, quantum fieri potest, voluntate testatoris, ex bono & æquo receptum est, ut possit fideicommissum obligari, quicumque aliquid ex testamento capit; quæ æquitas facit, ut hodie id ipsum dicamus de legatis. Uno excepto casu, nimirum, ut ab eo, qui foruito Dominus servi potest fieri, & ita ad legatum venire, nominatim fideicommissum, aut legatum relinqui non possit; nec enim adeo le bonum æquum porrigit, ut cui nihil certo iudicio dederis, eum rogando obliges, *l. 6. §. 1. lib. 3.* Exemplum est, Legavi Stichum centum, & addidi, si Stichus Seji factus legatum agnoscat, rogo Sejum, ut det Titio centum. Hoc fideicommissum inutiliter fit. Cetera ad hanc rem pertinentia, vide apud Cuiacium in *d. l. cum filiosam.*

IV. Fideicommissum nuda voluntate admittitur ipso Jure, ut si capitales, vel gravissimæ inimicitie ortæ sint. Secus vero legatum, quod nuda voluntate non revocatur ipso Jure, sed tantum legatarius petens excluditur doli mali exceptione opposita; nam dolo facit, qui legatum contra defuncti voluntatem petit, *l. si quis ita 3. §. ult. ff. de adm. legat.* Hoc quoque discrimen propter exaurationem videtur sublatum; quippe non minus in legato, quam in fideicommissis hodie sola seu nuda voluntas defuncti inspicitur, *l. pen. lib. 1.*

V. Putat Baldurnus *loc. cit.* legatum nuda

olim relinqui non potuisse, sicuti nec stipulatio fieri nutu potest, l. 1. §. si quis ita, ff. de verb. obligat. quamvis fideicommissum recte relinquatur, dummodo is, qui annuendo reliquit, fieri possit, l. nutu, l. Pamphilo, §. pen. lib. 3. l. 1. in epistola, C. de fideicomm. l. ult. C. de radicell. quandoquidem in Jure nostro nutu pleraque constituent, ut dicitur in l. obligamur, in fine, ff. de obligationib. & actionib. ut potest quis nutu assignare libertum, l. 1. §. assignare, ff. de assign. libert. debitorem alteri delegare, l. 17. ff. de novationib. Ita etiam fideicommissarius nutu significare potest, velle se ab herede hereditatem adiri, l. servo, §. si pupillo, ff. ad Trebell. Imo Cujac. in d. l. nutu putat, contractus omnes, qui nudo consensu consistunt, nutu fieri posse, ut etiam pacta; nam si pacta tacito consensu iniri possunt, l. 2. ff. de pactis. Cur non etiam nutu?

### QUÆSTIO III.

De tertio capite exaurationis.

Sicuti æquum bonum, quod inest fideicommissis, accommodatum est legatis, ita e diverso, vis & efficacia legatorum communis facta est fideicommissis. De qua re in præsens agendum est. Hæc legatorum vis in duobus consistit, l. quod dominium transferretur recta via. II. quod pro legato triplex actio conceditur.

I. Itaque per restitutionem fideicommissi sibi ab herede factam fideicommissarius non nisi possessionem ejus adipiscitur, dominio apud heredem remanente, ut constat ex l. 3. ff. si usufr. petatur, ubi is, cui usufructus ex causa fideicommissi traditus est, possessionem usufructus duntaxat dicitur habere, non etiam dominium, quod adipiscitur is, cujus legitime usufructus factus est. Quod ex veteri distinctione domini Quiritarii, & Bonitarii dependet; heres enim dominium Quiritarium retinens, Bonitarium transferrebat in eum, qui restituere rogatus erat. Non ita est in legatario, cui etiam ignoranti legati dominium acquiritur, ut diximus ex l. si partem, §. 1. ff. quemadmodum servitus amittatur, & l. cum pater, §. surdo, lib. 2. Hanc suam vim fideicommissis hodie legatum impertit, ut propterea in fideicommissarium transferatur dominium recta via, sicuti possessio per præstationem heredis, aut legatarii gravati.

Verum hanc exaurationem Accurs. in d. l. 2. v. actiones, negat locum habere in uno casu libertatis; nam si libertas directo, servo proprio data sit, statim adita hereditate servus tanquam Dominus rei vindicabit; at si fuerit precario relicta, eam non consequetur servus, nisi ab herede sit manumissus: unde illo casu est libertus defuncti, sive orcinus, isto est libertus heredis, §. pen. de singulis rebus per fideicommissum relictis. Quia ergo istæ libertates manent distinctæ, propterea viget etiamnum dispositio textus in l. si quis servo, ff. de manum. testam. ubi si servo detur libertas conjuncta scriptura per legatum, & per fideicommissum, erit servi electio, an sit orcinus, an libertatem fideicommissariam capere velit. Dixi conjuncta scriptura, sive ex continent, veluti, Stichus servus meus liber esto, rogoque heredem meum, ut quod dedi, præstet; nam si ex intervallo hæc fiant, tunc novissima scriptura servatur.

Quamvis autem in reliquis legatis & fideicommissis idipsum statutum sit, scilicet, ut cum idem & legatum, & per fideicommissum relinquatur conjuncta scriptura, in potestate legatarii sit, utrum id Jure legati, an Jure fideicommissi petere velit, l. quisquis, lib. 3. l. Publius, ff. de conditionib. & demonstrationib. Tamen hodie propter exaurationem hæc electio nullius prope momenti est, ut actus sublinendus sit tanquam fideicommissum, quod humanius est, ut diximus in primo capite exaurationis.

Hæc vera esse fateatur post alios Bartolus hic; nihilominus maxime ait se urgeri ea difficultate, quod Justinianus omnia omnino legata se exaquare cum fideicommissis doceat. Propterea DD. varias ac varias responsiones commiscuunt, de quibus videndus præcipue Aretinus hic; nos enim eas omittebas duximus, quia vane, & commentitiæ omnes sunt.

Respondendum itaque est, dationem libertatis directo in testamento scriptæ, legatum non esse, siquidem propriæ, & in specie legati nomen usurpetur; quamvis si generatim accipiamus, quatenus comprehendit omnem ultimam voluntatem, datio libertatis in testamento legatum dici possit. Ita Ruinus, Crotus, Marianus Socinius, & Bolognetus hic, Vaconius 4. de l. Juris 120. Turaminius in hoc tract. cap. 5. & epist. 2.

Prelatur id l. ex l. verbis legis, ff. de verb.

*verb. signif.* ubi Pomponius explanans verbum *legasset* in XII. tabulis, ait: *Latiissima potestas tributa videtur & heredes instituendi, & legata, & libertates dandi, tuetas quoque constituendi.* Ubi duo habemus, primo legandi verbum generationis sumtum comprehendere dationem libertatis, ut etiam habetur in *l. cum in substitutione, lib. 3. & in l. in generali, ff. de verbor. signif.* Secundo legati nomen stricte sumtum distingui, & secerni a libertate, inquit enim, *Legata & libertates dandi, & particula &, inter diversa poni solet.* Quocirca sicut tutelæ datio licet in testamento scripta legatum non est, sed ultima voluntas in genere, ita quoque dicendum est de datione libertatis.

Probat *II.* ex Paulo in *l. Stichus servus, ff. de manum. testam.* quippe Jurisconsultus ait, longe distare legatum, & libertatem, quamvis in hoc conveniant, ut scuti iuvuliter datur libertas hoc modo, *Stichus servus meus, si eum heres alienaverit, liber esto;* quia libertas in id tempus confertur, quo servus alienus erit; ita quoque ob eandem rationem iuvuliter ita legatur, si heres meus equum meum alienaverit, eum do lego Titio: quod de legato damnationis accipit Cujac. 14. obs. 36. Hæc distinctio est etiam apud Scaevola in *l. Imperatores, in princ. ff. de transact. ibi: Manumissus, vel legatarius; & in §. ante heredis, Institutionib. de legatis: ibi: Ut liceat & ante heredis institutionem, & inter medias heredum institutiones, & legatum relinquere, & multo magis libertatem, cuius usus favorabilior est.*

Probat *III.* quia heredi soli instituto legari non potest, cum a semetipso capere nequeat, *l. & quidem, lib. 2.* Sed servo heredi instituto recte relinquitur libertas; & tamen a semetipso capie, *l. 6. §. ult. ff. de hered. instit. Unde fit, ut datio libertatis legatum non sit.*

Ex hoc pendet *I.* ratio textus in *l. plane si filium, §. ult. lib. 1.* ubi servus testamenti manumissus non potest fideicommissio onerari. Dici enim potest hoc fieri, quia legatarius non est. Sed aliam rationem reddidit ibidem Cujacius, nempe quia libertatis æstimatione non est, *l. naturalis, in fin. ff. de præscript. verbis, & cuius rei nulla æstimatione est, ei onus non potest adici, cum onus adijciatur pro modo æstimationis.* Unde significatur fit, ut si legatarius servum pure le-

gatum rogetur manumittere, quamvis manumittendo Jus patronatus acquirat, tamen, quia neque hoc æstimationem recipit, *d. l. naturalis*, propterea is non potest alio fideicommissio onerari, ut in *d. §. ult.* Quæ ratio non est diversa ab ea, quam reddit textus, nempe, quia is pecuniam ex causa fideicommissi præstare cogendus est, qui aliquid ejusdem generis, vel similis, ex testamento consequitur; nihil autem est simile Juripatronatus, vel libertatis. Quæ tamen rationes omnes probæ sunt.

Pendet *II.* cur in Jure nostro titulus non est de libertate legata, sed e diverso de *manumissis testamento*, sicuti quoque est de *fideicommissariis libertatibus*. Proinde Justinianus incidenter, & per occasionem locutus est de directa libertate in Institutionibus agens de singulis rebus per fideicommissum relictis.

Pendet tandem, cur nunquam in Jure reperitur; lego libertatem. Quod Vaconius, & Socc. observant.

Verum pro Antiquis, qui dationem libertatis inter legata numerabant, pugnant Alciatus, & Duarenus hic, & Casar Costa 1. ambig. Juris 34.

Et movetur *I. ex l. sed etsi conditioni 6. §. ult. de hered. instit.* ubi ex Juliano habetur, servo, qui sit necessarius heres, id est, solus cum libertate institutus heres, libertatem codicillis adimi non posse, ne a semetipso ei libertas adimatur; servus enim heres institutus a semetipso libertatem accipit. Hæc ibi probans Ulpianus subdit: *Nam sicut legari sibi libertas non potest, ita nec a se adimi.*

Pro responsione sciendum est, in Pandectis Florentinis verbum *libertas* abesse; quippe legitur: *Nam sicut legari sibi non potest, &c.* Ex quamvis Alciatus, & Duarenus contendunt, id subintelligi, & Ulpiani verba omnino ad libertatem referenda esse: hoc tamen falsum est, cum libertas servo instituto a semetipso dari possit; alioqui textus esset sibi ipsi contrarius; nam primo diceret, servum institutum a se ipso capere libertatem, tum adderet, libertatem sibi legari non posse. Sensus itaque verborum Ulpiani est, quod sicuti non potest a seipso sibi aliquid legari, ita nec potest a seipso sibi aliquid legari. Quæ ratio generalior est dicto, & a repugnantibus petita.

Movetur *II. ex l. ult. C. de somm. serv.*

*manumisso*, ubi unus ex Dominis dicitur servo communi partem suam legasse, & hoc infra legatum pariter appellatur.

Respondemus tamen, partem capi oportere de dominio. Olim cum unus ex Dominis dicebat, Stichus servo communi do lego partem meam, servus jure accrescendi ex integro quærebatur alteri Domino. Qui modus civilis acquisitionis per Jus accrescendi a Justiniano sublatus est, §. *erat olim, cum seqq. Institutionib. de donationib.* Et de his satis.

Secundo sicuti pro legato tres conceduntur actiones, in rem, in personam, & hypothecaria, ita etiam pro fideicommissis; ita tamen, ut realis actio cadat in rem ipsam legatam, seu fideicommissam, modo res certa sit, existat, sit etiam testatoris, & dispositio sit pura; nam quovis in diem, aut conditionalis est, reivindicatio non competit legatario, aut fideicommissario, nisi adveniente die, aut conditione purificata, Acc. Barr. & ceteri in *d. l. 2. C. communia de legatis.*

Hæc etiam actio videtur habere locum in usufructu legato; quamvis enim Aretinus hic velit, usufructum non acquiri legatario, nisi præstita cautione de recte utendo, & de restituendo, & proinde actionem realem legatario non præstari, nisi post eam cautionem præstitam; verius tamen est, quod putat Bart. in usufructu cautionem non censeri de substantia, quia non cavetur, nisi post constitutum usufructum, *l. usufructu, C. de usu.*

Non ita sese res habet in quasi usufructu, ubi cautio de substantia est. Ratio est, quia in tritico, lana, nummis, & id genus aliis, repugnat naturaliter & civiliter, ut detur usus; eorum enim, quæ utendo consumuntur, non est usus, sed abusus, *l. §. §. ult. ff. de usu, ear. ver.* Propterea quoties Senatusconsultum favore ultimæ voluntatis in his etiam rebus usufructum consilui posse iussit, necesse fuit, ut eas haberet, tanquam res, quarum substantia utendo salva remaneret, quod de substantia usufructus est. Id autem Senatusconsultum fecit remedio cautionis præstanz heredi de restituendo eandem mensuram, vel idem pondus, vel eundem numerum, cum legatarius morietur, vel capite minuitur. Ex qua cautione fit, ut amplius in illis rebus non videtur cadere abusus, sed usus, Quare, ut notat Cujacius in *l. 1. ff. de usu, & usufr.* remedio

cautionis multa sunt, quæ detracta cautione nec naturaliter, nec civiliter fieri possunt. Ita remedio cautionis dominiu constituitur ad tempus in legatis, vel fideicommissis, veluti do lego Titio ædes meas in quinquennium; debet enim legatarius cavere heredi, se finito quinquennio, legatum esse ei restitutum, *l. ult. C. de legatis.* Ita quoque remedio cautionis Murianæ repræsentatur legatum conditionale, antequam conditio extiterit, *l. 7. ff. de condit. & demonstr.* In proposito etiam nostro ope cautionis res, quæ sunt in abusu, habentur tanquam si in eis esset usus, hoc est, tanquam si rerum substantia salva remaneret. Unde fit, ut cautio de essentia esse videatur, sicuti de essentia usufructus est salva rerum substantia, *l. si lane, ff. de usufr. ear. ver. l. 2. §. si decem, ff. de legatorum nomine.* Propterea legatario, aut fideicommissario, non quæritur dominium, nec realis actio conceditur, nisi præstita cautione.

Si tamen de facto accidat, legatarium numeris exempli gratia receptis cautionem non præstitisse, ex bono & æquo iste quasi usufructus non revocatur, sed cautio omissa ab herede condicatur conditione incerti; ut est intelligendum textus in *l. §. si pecunia, ff. de usu, ear. ver.* quidquid post alios contradicat Fach. 8. *contr.* 43.

## QUESTIO IV.

*De ultimo capite exequationis.*

Est hic demum videndum de eo casu, quo testatoris verba partim ad fideicommissum trahunt, partim ad legatum, ut in exemplo supraposito ex mente Justiniani in *d. l. 2.* nempe, *Adjuro heredem meum, ut centum Titio det, ubi adjurandi verbum proprie est fideicommissorum, sicut dandi est legatorum.* Non enim parandum est decisionem hujus casus a Justiniano ibi esse omisam, ut prima fronte videtur; nam utique deciditur in illis verbis: *Ubi autem aliquid contrarium in legatis, & fideicommissis eveniet, hoc fideicommissum quasi humaniori aggregetur, & secundum ejus divinatorem naturam.*

Ex quibus verbis manifeste deducitur, quod supra dicebamus, non esse confusa Jura legatorum, & fideicommissorum, quod quidam volunt; aliter enim nihil interesset, utrum supradicta dispositio aggregetur fideicommissis,

an potius legatis; & nihilominus Justinianus ait, aggregari non legatis, sed fideicommissis, prout humanioribus.

Deducitur etiam, exaurationem tunc intelligi, cum legatum indiget ea benignitate, quæ locum habet in fideicommissis, & fideicommissum ea vi, quæ locum habet in legatis. Quod si hæc indigentia cesset, legatum non erit, tanquam fideicommissum, nec e contrario fideicommissum, tanquam legatum. Quod valde notandum.

Olim legatum Græce non poterat relinqui, quod ante Justinianum sublatum fuit ex Nov. Theodosii de testamentis; ex quo in hac parte, vultum est æquari fideicommissis, quæ Græce scripta valent, *i. fideicommissa*, *i. st. lib. 3.*

### QUESTIO ULTIMA.

De actione pro Legato tacito.

Vocant Doctores legatum tacitum, quod non ex verbis, sed ex mente testatoris colligitur, aliquando per antecedens, sed sæpius per consequens. Exempla multa sunt in Jure nostro, sed aliqua proferre sit satis.

Quidam servo suo libertatem in testamento dedit sub hac conditione, si redditus rationibus centum heredibus intulisset. Coescetur testator tacite legasse servo peculium, exceptis 100. quæ heredibus jussit inferri, ut rescriptum est a D. Severo & Antonino; *i. denique*, §. *interdum*, ff. de peculio legato, §. *peculium*, Institutionibus de legatis. Nempe, quia nisi statimhero peculium esset legatum, is solveret heredibus non de suo, sed de eo, quod ipsorum esset heredium. Unde aliud esset, si quid alteri non heredi solvendum esset; nam statimhero, qui dare aliquid ex peculo conditionis implendæ gratia jussus est, non solum peculium suum non facit, verum etiam potest ab herede prohiberi ne illatis ex peculo pecuniis conditionem impleat, *i. 3. §. fin. ff. de condi. causa data*. Eleganter Chavarrin in *dispositio* multiplici par. 2. cap. 4.

Ita quoque testator binas ædes habebat, alterarum usufructum legavit, alteras heres retinet Jure hereditario, si accidat legatarium non posse ad ædes accedere, nisi per eas, quas heres retinet, videtur accessus tacite fructuario legatus; quia sine eo nullus esset usus, nullus fructus, *i. damnas*, §. *1. ff. de usu*, & usufructu.

*gato*, *i. servum filii*, §. *si duos*, lib. 1. l. *Gaurus*, alias *Lomas* g. ff. de servitutibus urbanorum, ubi & illud habetur, haustu relicto, iter quoque ad fontem relictum censeri. Ratio est, quia alterum sine altero esset inutile; & qui vult consequens, intelligitur & velle antecedens.

Præterea heres non potest legatario ædium omne lumen eripere, tollendo altius ædes sibi a testatore cum hereditate relicta, *d. l. Gaurus*, in fin. Quod utique a tacito servitute legato provenit; nam eo cessante, nulla actio in heredem competeret, *i. cum eo*, ff. cit. tit. Idipsum est, si ædes propriæ heredis sint, *i. altius*, ff. de servitutibus, & aqua, *i. si is qui binas*, ff. de usu.

Ex his & illud eliciunt DD. nempe si legetur usufructus fundi ea lege, ne legatarius proprietatem alienet, ipsam quoque proprietatem tacite legatam censeri, *Rom. cons. 206*. Hippol. de Maribus sing. 361.

Nonnunquam relegatio tacita est, ut in usufructu ad tempus relicto, veluti, Titio, quando vivat, de lego usufructum; & accidat Titium capite minui, ex mente testatoris ei usufructus relegatus videtur. Idem est, si ad tempus certum relictus sit, veluti usque ad decennium, *i. 3. in princ. ff. quibus modis usufructus amittitur*. Ex quibus apparet, etiam ante Justiniani exaurationem capisse in legatis fieri benignam interpretationem, aliqua tamen causa urgente; nam si legis rigorem attendas, hæc legata, de quibus diximus, nulla sunt; nam legatum est, quod legis modo testamento relinquitur, ex definitione Ulpiani in *fragmentis*, tit. 24. Expressit hoc ultimæ voluntatis favor, sicut & illud, ut verba propter aliud prolata, quæ vocant enuciatiua, dispositionem inducant. Quare si miles testamento ita scribat, *Samiam in libertate esse jussi*, libertatis datio valet, *i. testamento militis*, ff. de manum. testam. ut etiam in *l. Paulius*, §. *fin. ff. de fideicommissis liberis*. Quod non esse ex solo militis, aut libertatis privilegio, sed ex testantium favore, constat ex *l. qui volebat*, §. *de hered. instit.* ubi si ita scriptum sit, *Ti autem, filia, ideo exheredavi*, quoniam continentem se esse dote volui, exheredatio valet, & ex *l. ex hæc scriptura*, ff. de donationibus, ubi testator scripsit, *Sciant heredes mei, me velle meam virum libertis meis donasse*, voluntas testatoris ex benigna interpretatione subditur, & causa mortis donasse censetur, ut Accurs. monet.

monet. Recte Ulpianus ait *ex benigna interpretatione*; nam si legis strictam rationem inspicimus, recte Jurisconsulti statuerunt apud Plinium 4. *epist. ad Sabinum*, ex his similibusque verbis, nihil dispositum censei, *Gujac. in l. Titia cum testam. in princ. ff. de leg. 2.*

His positis, ad questionem dicimus, pro legato tacito actionem realem non concedi, ut Bart. communiter receptus hic docet. Et probatur ex *d. l. servum filii*, §. si duos, & ex *d. l. damnas*, §. 1. in quibus aperte habetur, legatario non concedi pro tacito legato, nisi actionem personalem. Videntur tamen inter se leges illae circa modum & viam contrariæ; nam in *d. l. servum filii*, §. si duos habetur, si testator unum fundum Titio, & alterius fundi usufructum mihi legavit, Titium non debere mihi iter, sed heredem cogi a me actione personali ad reddendum iter a Titio, & redentum mihi præstare. E diverso in *d. l. damnas*, §. 1. dicitur, Titio non aliter concedendum esse ab herede fundum, nisi prius transeundi Jus mihi legatario præstet.

Accursus in *dd. ll.* pro solutione, tres casus videtur distinguere. Primo heres per retentionem fundi extorquebit a Titio viam, juxta textum in *d. l. damnas*, §. 1. Secundo, si heres ignorans ea retentione non sit usus per errorem, sive per oblivionem, & poterit id consequi conditione indebiti, quali plus debita dederit, vel conditione incerti, *d. l. sed etsi 22. §. ult. ff. de condit. indebiti*: vel tandem conditione sine causa, *l. si tibi, ff. de actionibus emti, cum concordantib.* Tertio, si heres sciens volens retentione non sit usus, & liberum fundum Titio præstitit, cogetur a Titio emere iter, & mihi præstare, *d. l. servum filii*, §. si duos, ut etiam *Cujacius* ibi docet.

In contrariam sententiam ivit Aretius hic, docens pro tacito legato dari legatario ipso Jure actionem realem, & sequuntur *Alciatus*, & *Bolognetus*, qui moventur ex *l. si fundum sub conditione*, §. qui fundum, *lib. 1.* ubi si fundus, excepta villa, legatus sit, inquit *Julianus*, *Fundus excepta villa vindicari debet, & servitus* (hoc est iter) *ipso Jure villa debetur.*

Varie se torquent *DD.* pro explicandis verbis illis, *Ipso Jure*. *Rogertus* exposuit, *acquisito Jure*, *Accurs.* *de Jure*. At omnium opti-

me *Cujacius* pro Jure civili accepit, ut opponatur superiori ejusdem legis calui, qui de Jure prætorio fuit resolutus. Constat ex *l. 1. §. servitus*, *ff. de superficiebus*: *Servitus quoque Prætorio Jure constituantur, & ipsa ad exemplum earum, quæ ipso Jure constituta sunt, utilibus actionibus potentur*, ubi palchre *Duarenus*. Quod us recte intelligatur, speciem legis exponamus. Testator instituto herede, legavit Titio fundum, excepto edificio; quod ædificium propterea remanebit apud heredem una cum itinere, per fundum legatum. Dubitabitur tamen, quo Jure hæc consequi heres deberet. Et Jurisconsultus duos omnino casus distinguit, alterum qui procedit de Jure prætorio, alterum de Jure civili. Primus est, si testator nomine ædificii excepit superficiem tantum, sine solo: quo casu heres erit superficiarius, et solum erit legatarii, & in consequens erit etiam *Dominus* superficiæ, quoniam superficies cedit solo. Unde fit, ut legatarius vindicare possit totum fundum, hoc est, una cum solo, & superficie. Nihilominus ait Jurisconsultus, heredem se tueri exceptione doli mali, ut sibi in edificio habitare liceat, habeatque ad illud iter. Hunc casum decidi hic a Jurisconsulto juxta Prætorium Jus, conitat tum quia doli mali exceptio, quæ hic heredi superficiario conceditur, a Prætoribus proposita est, *l. 1. §. ideo autem, ff. de doli mali exceptione*; tum quia in *l. 1. §. quod autem, ff. de superficieb.* generatim a Prætoribus constitutum est, si *Dominus* adversus superficiarium velit vindicare, posse eum actionem in factum removeri. Posterior casus est, cum testator nomine ædificii intellexit, non tantum superficiem, sed solum, quasi dixit villam, quæ est ædificium rusticum constans solo, & superficie; tunc quia heres est *Dominus* villæ, propterea Jure Prætorio non indiget, satis ab ipso Jure civile tutus adversus legatarium, & ut ait textus. *Servitus villa ipso Jure debetur*, hoc est non per exceptionem ex æquitate Juris Prætorii ipsi concessam, sed per retentionem, seu actionem a Jure civili tributam. Falsum est ergo ex illis verbis, ipso Jure, posse deduci pro legato tacito præstari actionem realem, hoc est reivindicacionem, si legatum sit de re corporali, vindicationem, si de re incorporali sit.

Ceterum ut actio realis conceditur legatario aut fideicommissario, tanquam *Dominus* super se ipsa legata, aut fideicommissa; ita actus



actio hypothecaria tribuitur non quidem super re ipsa legata, & fideicommissa, sed super reliquis rebus a testatore ipsi heredi relictis, quæ tacite legatariorum, & fideicommissario censetur oppigneratæ ex beneficio Justiniani, l. 1. §. rectius, C. commun. de legat. ut recte docet Accursius in §. nostra autem, v. hypothecariam, Institutionib. de legat. & Bart. in l. 1. C. communia de legat. quamvis hic sibi contrarius oppositum doceat, credens hypothecariam super re etiam legata institui posse. Sed de hac questione an pignus in re propria consistere possit, late egimus in tract. de pignor. & hypoth. Demum actio personalis legatario, & fideicommissario conceditur adversus heredem ipsum, qui ad eundem ex quasi contrahendo legatariis & fideicommissariis obligatur, l. 5. §. heres, ff. de actionib. De via executiva pro legato vide Marin. l. resolut. 24. & 2. resolut. 8.

De illo dubio esse potest, quod ait Justinian. in d. l. 1. §. rectius, C. commun. de legat. nempe, in legatis & fideicommissis in rem multatam penitus abolitam esse, quod videtur contra titulos, ff. & C. ut in possessionem legatorum servandorum causa mittatur. Sed pro ambiguitate removenda distinguendum est, ut pro legatis puris nulla detur missio in possessionem rei servandæ causa; at e contrario detur pro legatis in diem, vel sub conditione. Heres enim, adita hereditate, cogitur per Prætores, ut stipulando satisset legatariis, se post purificationem conditionem, vel post adventum diei legatæ soluturum; quod si heres iustus parere nolit, legatarius mittitur in possessionem rerum hereditatis, per quam tamen ei non tam possessio, quam custodia datur; ita ut non expellat heredem, sed simul cum eo possideat, ut saltem ratio perpetuæ custodiæ extorqueat heredi cautionem, l. 5. §. cit. vit. Imo ex constitutione D. Antonini, si heres contumax esse pergat, & non caveat infra sex menses connumerandos a die petitionis satisfactionis, tum legatarius mittitur etiam in possessionem bonorum ipsius heredis, l. certa, C. cit. vit. Licetum tamen est testatori hanc cautionem heredi remittere, ut ibid. l. scire.

Hæc missio in possessionem in multis etiam aliis causis servatur, ut crediti servandi causa, l. 1. §. nunc quarimus, ff. quibus ex causis in possessionem eatur: iudicati servandi causa, l. 2. cum seq. ff. qui posteriores in pign. dotis servandæ causa, l. officium, ff. de reivind. l. pen.

Tom. I.

§. item danda ff. de diver. & temporal. actionib. & ventris nomine vel damni infecti, l. commun. 7. §. item si duo, ff. comm. de vici. l. 1. §. quibus ex causis in possessionem eatur.

## DE FIDEICOMMISSIS.

Ex prohibita alienandi potestate ad l. filiusfam. 117. §. Divi 2. lib. 1.

**H**IC non de omni fideicommissio nobis sermo erit, sed tantum de eo, quod ex prohibitione alienandi oritur, cujus quidem tractatio difficillima est, & variis difficultatibus obvoluta. Egit de eo Martianus Jurisconsultus lib. 8. Institutionum, relatus hic in d. l. filiusfam. §. Divi; & aliud generatim docet, prohibitionem alienandi, ut fideicommissum inducat, causam adjectam habere debere, vel respectum certæ personæ: quo tamen casu credituribus, aut fisco non præjudicat. Quod si hæc definiri, pro nudo præcepto habebitur, nec intelligitur factum fideicommissum, & res alienari poterit. Verba autem Martiani ita se habent.

„ Divi Verus & Antoninus rescripserunt,  
„ eorum, qui testamento velant quid alienari, nec causam expriment, propter quam  
„ id fieri velint, nisi invenitur persona, cuius respectu hoc a testatore dispositum est,  
„ nullius esse momenti scripturam, quasi  
„ nudum præceptum reliquerint: quia talem  
„ legem testamentum non possunt dicere. Quod si  
„ liberis, aut posteris, aut liberis, aut heredibus,  
„ aut aliis quibuscumque personis consulentes, ejusmodi voluntatem significarent, servandam eam  
„ esse. Sed hæc neque creditoribus, neque fisco  
„ fraudi esse. Nam si heredes propter creditores  
„ testatoris bona venierunt, fortunam communem  
„ fideicommissarii quoque sequuntur.

In duas partes principales textus dividitur. Prima est in principio textus. Secunda ibi: Sed hæc, & de singulis agendum est.

De priori parte, seu de prohibitione alienandi sine causa.

**I**N priori ergo habentur duo. 1. prohibitionem alienandi testamento, aut codicillis scriptam non valere, si ea prohibitio fiat sine causa; veluti testator non potest simpliciter præcipere, ne fundus alienetur, quo casu nudum præceptum est, quod vim non habet, quia non apparet, neglecto illo præcepto, ad quem testator velit rem illam per-

E c

tr

tinere. II. Inde fieri, præceptum tunc solum valere, quoties concepitur vel in rem, veluti si fiat respectu familie: vel in personas certas, ut si fiat respectu liberorum, libertorum, heredum, aut cuiuscunque alterius personæ, aut saltem ejus, qui vicem personæ gerit, veluti respectu Reipublicæ; ut si testator significet, velle se rem alienatam ad Rempublicam pertinere: ita etiam respectu fisci, *l. pater, §. fundum, §. quindecim, lib. 3. l. 2. C. debitorem venditionem pignoris impedire non posse.*

Quod attinet ad primum dictum hujus prioris partis, multa similia in Jure nostro habemus. Nam Scævola. in *d. l. pater, §. Julius*, proponit patrem suo testamento cavisse, ne ullo modo heres prædia quædam pignoreret, aut ullo modo alienaret; & respondet, cum hoc nudum præceptum esset, nihil proponi contra voluntatem defuncti factum, si prædia ad extraneum heredem perveniant. Id ipsum habetur in *l. Lucius, in princ. lib. 3.*

Imo in eadem *l. pater, §. pater*, fortior casus habetur; nam pater filios heredes scribens, cavit, ne ulla ex causa alienarent prædia, sed servarent successioni suæ, & adjecit, ut de eo filii inter se caverent. Quæsitum est, an videantur illa prædia relicta per fideicommissum; Scævola ait, de fideicommissum nihil ostendi, quasi nudum præceptum factum sit. Cujacius hic notat, ideo non induci fideicommissum, quia testator non habuit rationem certæ personæ, sed incertæ, id est successionis; incertum enim est, quis sit successurus, *l. sciendum, ff. de verb. signific. l. qui liberis, §. hæc verba, ff. de vulgari.* Sed in *d. §. pater* rectius ait, ideo prædia non videri per fideicommissum relicta, quia filios sibi invicem caveri jussit. Ex cautione igitur non ex fideicommissum voluit teneri, ex *l. Ballista, ff. ad Trebell.* Discrimen inter utrumque casum esse ait, quia cautio recipit incrementum fructuum, fideicommissum non recipit. Itaque si testator tantum dixisset, ne alienent, sed reservent successioni meæ, utique fideicommissum induxisset, sicuti est, cum dicit, *Reservent familiæ.* Sed quia huic dispositioni non acquievit, ut acquiescunt, quia fideicommittere voluit, sed addidit, ut de ea re filii inter se caverent, disjunctur non habuisse animum fideicommitterendi, sed omnino voluisse, ut alie-

nandi prohibitio a cautione penderet.

Ita quoque apud Papin. in *l. Titio centum, in princ. ff. de condit. & demonstr.* pro nudo præcepto habetur, si testator dicat, Titio centum, itaut fundum emat, do lego; propterea Titius fundum emere non cogitur, quia ad ipsum duntaxat emolumentum legati rediret.

Non longe abit ab his, si ponas prohibitionem alienandi sub conditione, exempli gratia, Titius heres esto, si servum hereditarium non alienaverit. Quippe eo casu sub impossibili conditione heres institutus videtur, ut dicitur in *l. 4. §. ult. ff. de conditionib. instituit.*

At e contrario multa hic opponuntur, quibus breviter satisfaciendum est. Opponunt primo, ex verbis XII. tabularum plenam testatori potestatem disponendi concessam esse, *l. verbis legis, ff. de verb. signific. §. disponat, Auth. de nuptiis*; quæ potestas homini libero sine injuria tolli non potest, *l. 1. C. de Sacros. Eccles.* quocirca sicuti legata, ita & fideicommissa licebit sine causa facere; cum hæc omnia ab una potestate disponendi dependant.

Respondemus tamen, & legibus decemvirilibus quatuor tantum testatori esse concessa, heredes instituere, legare, libertates dare, & tandem tutelas constituere. De fideicommissis autem nihil ibi statutum esse, ut quæ, sicut diximus, multo post tempore vim habere coeperunt ex Augusti constitutione, qui gratia personarum motus auctoritatem suam interponere cepit, ut dicitur in *§. postea Divus, Institutionib. de fideicom. heredis.* Unde sit, ut hæc gratia cessante, fideicommissum non valeat. Ex ratio est, quia, ut dictum est, neglecto illo non alienandi præcepto, ad quem testator velit rem illam pertinere, non apparet, ut Cujacius hic ait.

Et hinc intelligi potest ratio verborum nostri textus, cum ait: *Quia talem legem testamento non possunt dicere*; quamvis enim testator in testamento leges privatas condant, id tamen verum est intra terminos illi a legibus publicis præscriptos: quæ publicæ leges in nostro proposito dux tantum sunt; vel XII. tabularum, & hæc nihil de fideicommissum habent; vel Augusti, & iste voluit, tunc fidei commissi robur habere, cum gratia personarum sunt, sive cum causam adnexam habent. Quæ cum in casu nostro non adsit, recte dicitur,

eius, testatores talem legem testamento dicere non posse; quamvis aliter hæc verba explicet Jafon, aliter Bolognetus.

Opponunt secundo Ulpian. in *l. generale*, §. *fi petium*, ff. *de fideicom. libertatib.* ubi si testator iussit, ne heres Stichum alienet, neve vendat, ac mente, non consulere soli heredi, valet Iussum. Et tamen favor solius heredis non est, nisi præceptum nudum; cum textus noster ad præceptum legitimum exigat, ut favor sit aliarum personarum, quam heredis gravati, scilicet vel coheredum, vel posterorum, & similiter in aliis, aliqui nulum esset præceptum nudum; semper enim in prohibitione alienandi posset dici consultum ei, cui prohibitio fit. Hæc oppositio multum torset Bartolum, qui tandem inevitabilem esse concludit.

Facile tamen responso patebit, si animadvertamus agere in eo textu Ulpianum de conjecturis, unde ex verbis testamento adscriptis conjici possit voluntas testatoris conferendi libertatem servis. Inter alias, proponit istam, si ita testator scripsit, *Ne eum alienet neve vendat*. Et ait Ulpianus, verba ambigua esse, & recurri debere ad animum testatoris; potest enim fieri, ut ea hoc animo a testatore fuerint adscripta, quod voluerit servum ad libertatem perducere. Postea addit: *Ceterum si alia mente id scripserit, ut puta, quia consuluit (in Pandectis Florentinis legitur, consilium dabat) heredi retinere talem servum, vel quia coercere voluit servum, & cruciari, ne meliorem Dominum experiat, vel alia mente, non tribuenda libertatis animo, dicendum est cessare libertatis præstationem*. Ex quibus satis apparet, Ulpianum nihil concludere aliud, quam ex prohibitione alienandi non argui præstationem libertatis, si testator id fecit animo consulendi heredi, vel animo coercendi servum. At non ex hoc colligi potest, quod DD. volunt, eam prohibitionem alienandi tanquam nudum præceptum valere, & heredem ad eam observandam cogi; neque hoc Ulpianus dicit: quamvis alicui verum sit, servi alienationem interdum posse prohiberi, si addit coheres, cui Mutiana stipulatione de non alienanda cavetur, ut in casu *l. 4. §. 1. ff. de conditionibus institut.*

Opponunt III. ex eodem Ulpiano in *l. 9. §. ult. ff. de manum. testament.* ubi habetur, constitutum esse, vetitum in testamento ad liber-

tatem perducere, non posse manumitti. Quod utique nudum præceptum est.

Sed dicimus, hic nihil ab Ulpiano proponi de prohibita alienatione servorum, sed tantum de manumissione, quæ ex speciali ratione prohiberi poterat. Scilicet ob delictum servi, cujus causa etiam a Præfecto, vel a Præsede prohibebantur servi manumitti, ut dicitur in *l. servus hac lege*, ff. *de manumissionibus*. Quocirca nil mirum, si permittum est testatoribus, & venditoribus prohibere servi manumissionem, *d. l. servus*: nec propterea inde ullum inducitur fideicommissum, cum licitum sit heredi, vel eritori talem servum alienare, modo alienet sub eadem lege ne manumittatur.

Opponunt IV. rescriptum Alexan. in *l. 2. C. de usufructu pro emptore*, ubi pater potest præcipere in testamento, filio pupillo servos propter perfectæ artis peritiam servari: quod si accidat a tutoribus vendi, usufructu non possunt.

Recte tamen monet Bartolus, hæc procedere favore pupillorum, quorum bona servari Reipublicæ expedit. Quare notabimus, ante Imperatorem Constantinum non licuisse tutoribus mancipia rustica pupillorum vendere: deinde Constantinum hoc ipsum cavisse de mancipiis Urbanis, ut constat ex *l. lex qua*, *C. de administratione tutorum*, ubi cum in §. *servi etiam*, dicatur servos, qui aliqua sunt arte præditi, operas suas commodo pupilli, & minoris inferre debere, utique productur, seu ampliatur rescriptum Alex. in *l. 1. 2.* cum jubet, posse servos propter artis peritiam prohiberi a pupillo vendi. Quod rescriptum hodie propter novam Constantini legem necessarium non est; quippe ipso jure hæc venditio prohibetur sine ulla testatoris prohibitione.

Aliis objectionibus, quæ facile solvi possunt, omisissis, petes, ntrum hodie saltem ex excoartatione Justinianeæ possit dici, ut sicuti legatum valet sine causa, ita etiam valeat fideicommissum. Quæ tamen petitio supponit prohibitionem simplicem alienandi sine causa adjecta esse fideicommissum, quod nullo modo concedi potest; quare inanis omnino petitio est.

Quod attinet ad alterum dictum prioris partis nostri textus, consequenter ad supra recitata, in eo statuitur, prohibitionem alienationis tunc valere, & fideicommissum induci, cum sit respectu certæ personæ, vel fa-

milie, aut similiter, veluti, Rogo heredem meum, ne alienet extra familiam. Quò casu maxima difficultas est, an heres extraneum heredem instituendo, videatur contra fideicommissum facere? Ex una enim parte urget alienandi verbum, quod ad solos actus inter vivos pertinet: ex altera voluntas testatoris, qui voluisse videtur bona in familia perpetuo manere.

Et Doctores hic post Acurf. Bart. aliosque communiter docent, censeri extranei heredis institutionem prohibitam; quod tamen negant nonnulli cum Angelo apud Cottam in *memorabil. v. alienatio*, quos sequitur Faber 14. *conject. 6. C. segg.*

Probatior opinio Acurfii. I. ex l. *peto §. fratre*, lib. 2. ubi quidam fratre herede instituto petit, ne domus alienaretur, sed ut in familia relinqueretur: ait Jurisconsultus heredem intelligi non paruisse voluntati defuncti, tam si domum alienaverit, quam si extero herede instituto decesserit; quare concludit, omnes fideicommissum petere, qui in familia sunt. Ubi Cujacius etiam notat, prohibita alienatione, videri etiam prohibitam institutionem heredis extranei.

II. Probat ex l. *pater, §. fundum*, lib. 3. ubi filius, cui prohibita fuerat alienatio fundi, quoad filius vixisset, ne fundus de nomine testatoris exiret, conditor testamento extraneum heredem instituit. Respondet Saxvola, filium potuisse extraneum heredem habere, quia ei filio fuerat alienatio prohibita non semper, sed ad tempus vite, vel quoad vixerit. Unde colligitur, quod si alienatio de nomine testatoris fuisset non ad tempus prohibita, sed simpliciter, intelligeretur etiam prohibita heredis extranei institutio. Concordat textus in *aud. l. pater, §. Julius*, in l. *unum, §. sed etsi, ff. de testamentis*.

Verior tamen est sententia Fabri, qui duos casus hæc in re distinguit. Prior est, si prohibitioni alienandi extra familiam addita sint verba fideicommissi, veluti rogo, ut bona conferverit, vel relinquantur in familia, aut nunquam exeant de nomine meo, & similiter. Et hoc casu, quia aperta est voluntas testatoris prohibentis, non solum alienationem, sed omnem actum, qui bona extra familiam transferat, inde fit heredem extraneum institui non posse. Posterior est, si non sint adjecta verba fideicommissi, sed fideicommissum deducatur ex mente testatoris, qui

solum dixit, *Se prohibere alienationem extra familiam*; & tunc, quia heredis cuiuscunque institutio non est translatio domini, sed continuatio, & per consequens alienatio non est, propterea non erit heredis extranei institutio prohibita.

Desumpta est hæc distinctio ex Papin. in l. *qui solidum, §. pradium*, lib. 2. ubi proponitur, patrem prohibuisse prædium alienari de familia liberorum verbis fideicommissi, & dicitur a filio heredem extraneum institui non posse; nisi forte, ceteris filiis vita functis, novissimus sine liberis decedat. Et notandum ideo, quibusdam de familia superstitibus, non posse extraneum heredem institui, quia testator non solum prohibuerat alienationem extra familiam, sed etiam, ut ait textus, verbis fideicommissi usus fuerat, scilicet addendo, ut in familia & in suo nomine permaneat. Quare cum solum dictum est, ne alienet extra familiam, quia hæc verba fideicommissi non sunt, licite heres extraneus instituitur.

Ex quibus facillime resolvuntur in contrarium opposita; nam in textu in d. l. *peto, §. fratre*, lib. 2. verum est denegari heredis extranei institutionem, sed notandum est fideicommissum fuisse factum verbis fideicommissi: petit enim Pater non solum, ne domus alienaretur, sed etiam ut in familia relinqueretur: quæ ultima verba fideicommissi sunt, & verbum relinquendi ad ultimas voluntates pertinet. Eodem modo in d. l. *pater, §. fundum* lib. 3. non fuit sola prohibitio alienandi, sed usus fuit testator verbis fideicommissi, ut pater ibi: *Ita enim fiet, ut fundus Titianus de nomine meo nunquam exeat*, ubi articulus ille temporis *nunquam*, maxime urget. Atque ita in ceteris legibus, quæ opponuntur, discernendum est, ut latius apud cit. Fab. videre est.

Colligitur hinc, quod si prohibitio alienandi facta sit verbis fideicommissi, & gravatus decedat ab intestato, & legitimus heres non sit de familia fideicommittentis, ei successio denegabitur, admittis iis, qui de familia sunt: veluti si mulier decedat, relicta pro legitimo herede filia, quæ extra nomen fideicommittentis sit. Ita Faber 14. *conject. 12*. Et ratio est, quia licet defunctus nihil fecerit contra voluntatem testatoris, tamen ab herede isto extra familiam fraus fieret verbis & menti ipsius, qui apertis verbis iussit sua bona

bona in familia perseverare, nunquam egredi de nomine suo.

Idipsum patet ex *l. pen. §. marie, lib. 2.* quippe testator uxori heredi instituit prohibuit, ne quid post mortem suam fratribus suis relinqueret, & addidit: *Habes filias sororum tuarum, quibus relinquant.* Deinde uxor intestata decessit. At Scævola posse defendi fideicommissum deberi filiis sororum, excluso fratre legitimo herede. Ergo heres ab intestato non præjudicat fideicommissio aliquibus relicto. Neque enim quidquam interest, utrum fideicommissum certis personis relatum sit, an vero familiæ; nam hæc duo æquiparantur in nostro *§. Divi.*

Accurrit tamen, Bartolus, alique in contraria sunt sententia, docentes heredem extraneum ab intestato excludere alios de familia, quamvis fideicommissum expresse relictum sit, ne bona egrediantur de familia. Et moventur ex *l. cum pater, §. cum inter, lib. 2.* in quo textu patronus legavit prædium libertis, ita, *Ut de nomine familia non exiret.* Inter istos liberos erat liberta. Queritur, an filius libertæ, si heres matri extiterit, partem ejus retineat? & respondet Papinianus, retinere. Sed filius non est de nomine patris, eique heres extraneus est; quocirca heres extraneus ab intestato succedet, nihil obitante fideicommissio familiæ relicto.

Varie ad hanc difficultatem respondent DD. Sed antecedenter animadvertendum est, textum nihil exprimere de successione ab intestato, sed generatim dicere, filium matri libertæ succedere, non obstante familiari fideicommissio; quare est opus textum generaliter de quacunque successione accipere. Cujusmodi itaque hic notat, non prohiberi in specie, *d. §. cum inter*, generaliter, & infinitum, ne fundus exeat de familia, sed ne exeat de familia, & corpore libertorum. Quod præceptum strictius accipitur; propterea libertorum nemo partem suam alienare potest: aut si alienet, ceteri vocantur. At non inde fieri, ut illorum quique suis heredibus suam partem relinquare non possit, licet heredes sint extranei. Quod videtur confirmari ex *l. pater, l. quindecim, lib. 3.* ubi fideicommissum in junctum libertis non excludit heredis extranei institutionem.

Aliter respondet Salycetus, quem sequitur Faber; docent enim, in supradicta specie particularem adfuisse conjecturam voluntatis pa-

troni, ex qua motus sit Papinianus, ut diceret, fideicommissum respectu filii libertæ non consistere. Conjectura est, quia patronus libertam ad huiusmodi familiæ fideicommissum admisit; quæ liberta, licet de familia sit, tamen familiam conservare nequit, *l. pronuntiatio cum seq. §. de verb. sign.* Hinc quia, eo non obitante, patronus libertam admisit, non videtur ejus voluntas fuisse, ut filium libertæ excluderet; & proinde fideicommissum in libertis consistit, at non in liberta; opus enim fuisset, ut patronus expressius suam voluntatem declarasset respectu libertæ, dicendo velle se, portionem quoque ejus in familia relinqui. Hinc Bald. in *l. ea lege, C. de condicione ob causam*, singulariter docet, posse matrem alienare in filium, si prohibita sit, ne alienes extra familiam.

*De posteriori parte, seu ne fideicommissum fraudis creditoribus sit, vel fisco.*

Primo loco habetur, fideicommissum non esse fraudi creditoribus; quippe non obstante alienationis prohibitione, heres potest ultro bona alienare pro ære defuncti dissolvendo, si aliter non possit, *l. pater §. 1. lib. 3.* nec propterea dicitur heres in fraudem fideicommissi fecisse, quia alienatio non est voluntaria, quæ solum intelligitur prohibita, sed necessaria facta ob æs alienum defuncti. Quod si heres ultro non alienet, licitum sit creditoribus, ut ipsi bona vendant ex edicto Prætoris, sed ea vendunt heredis, non defuncti nomine, *§. 1. de heredum qualitate, & differentia.*

Addit textus noster in fine: *Nam si heredis propter creditores testatoris bona venerint, fortunam communem fideicommissarii quoque sequuntur.* Quæ verba difficultatem habent; nam si ita accipiantur, ut jaceant. Primo fieri non potest, ut propter creditores heredis vendantur bona testatoris, quod tantundem est, ac si dicatur vendi bona testatoris nomine; quod fallum adeo est, ut ipsius testatoris bona nomine heredis vendantur. Secundo, propter creditores heredis facta alienatione bonorum, verum quidem est cessare interrim fideicommissi petitione; co. tamen herede mortuo, peti a fideicommissariis poterit, *l. peto, §. prædium, lib. 2.* ubi Azo, & alii communiter.

Ad difficultatem evitandam varie DD. textum emendant. Sed dicendum, ordinem verborum

bonum esse: Si heredis bona venierint propter creditores testatoris. Quod confirmatur ex Pandectis Florentinis, ubi legitur: Nam si heredis bona propter testatoris creditores venierint. Quod tamen variis modis explicatur; alii enim putant id dici, quia tenetur heres ultra vires hereditarias, hoc est, etiam de suo creditoribus defuncti facere satis, *l. quæ dotis, ff. sol. matrim.* quod hodie verum est, si heres inventarium omittat, *l. ult. C. de Jure delib.* Alii vero docent, hic bona heredis dici venire, non quidem heredis propria, seu quæ ipse ante aditam hereditatem habebat, sed ea, quæ adeundo acquisivit; quippe bona testatoris per additionem intelligatur facta heredis propria, ut propterea nomine etiam heredis vendatur, *d. §. r. de hered. qualitate, & different.*

Quod attinet ad illa alia verba textus, Fortunam communem fideicommissarii quoque sequuntur. Accursius putat, fortunam esse quoque communem cum legatariis; quandoquidem legata solvuntur deducto ære alieno, & eo quod æris alieni loco est, *l. 8. §. ult. cum l. seq. in ratione, per totam, ff. ad l. Falc.* Posset etiam dici communem fortunam esse cum ipso herede, qui ob æres alienum defuncti non minus damno afficitur, quam legatarii, & fideicommissarii afficiantur.

At tandem Martianus hic, fideicommissum non esse fraudi, non solum creditoribus, sed nec fisco. Opinatur Accurs. fisci mentionem factam majoris explicationis gratia, cum fiscus hic intelligatur, quando est unus ex creditoribus hereditariis. Quæ sententia recipi non potest, quandoquidem Martianus ait, *Neque creditoribus, neque fisco*; quocirca de fisco hic mentio non fit, tanquam de creditore; alioqui Jurisconsultus sine causa redundaret.

Alit sic accipiunt, fisco scilicet vindicante bona quasi publicata ex delicto. Sed neque id probari potest; nam si ponas bona publicata ex delicto testatoris, totum testamentum irritum est, *l. 6. §. irritum, ff. de injusto rupto*; testamento toto irritum, ineptum esset disputare de parte, veluti de prohibitione alienationis. Quod si ponas, bona publicata ex delicto heredis, id non nocet fideicommissariis, maxime petentibus post obitum heredis, hi enim evincunt a fisco, *d. l. peto, §. prædium, & cum pater, §. hereditatem, lib. 2. l. Statius in fine, ff. de Jure fisci.*

Putat Cujacius hic, fisci mentionem fieri ex Jure antiquo; nam olim fiscus ex omnibus hereditatibus vicissimam capiebat ex *l. Julia*; excepto eo casu, quo filii, vel parentes essent instituti, qui assensu illarum accipiebant, de qua fisci portione mentio fit in *l. ult. in princ. C. de edicto D. Hadriani & loquitur Plinius in Panegy. ad Trajan.* Pancirolus ad notitiam Imperii Orientis cap. 74. p. 122. v. Procuratores vicissimæ. Fideicommissum itaque non præjudicabat fisco, in quantum ad vicissimam, quia habebatur tanquam vestigal necessarium, ut ait Paulus 4. sent. tit. de vicissimæ. Concludit ergo Cujacius, hic fisci mentionem esse relictam a Triboniano per incuriam.

De fideicommissio familiari, puta, & conditionali.

Hæc pro explanatione nostri textus sunt latius. Sed antequam ulterius progrediamur, operæ pretium duxi animadvertere, fideicommissum familiare esse duplex. Prius est purum, & est, quando testator directe familiæ relinquit, nullo modo respiciendo manum heredis; veluti bona familiæ relinquo, familiam substituo, & similiter; & purum erit, tam si in perpetuum relictum sit, quam si secus, sive verba gementur, sive non, *l. cum ita, alias l. omnia, §. in fideicommissio lib. 2. l. ult. C. de verbor. signif.* Dicitur etiam multiplex, & graduale; illud, quia tot censetur fideicommissa, quot personæ istud; quia de gradu in gradum defertur in infinitum, quousque scilicet familia exstet.

Posterior est conditionalis, & est, cum testator ita utitur verbis, quibus directe manus heredis ostenditur, veluti, ne extra familiam alienetur, ne de nomine meo egrediatur, conservetur, remaneat in familia. Et censetur conditionalis, etiam si in infinitum concipiatur, et si verba gementur, *Nov. 159. tit. de restit. fideicommiss.* Ita explicat Fab. 14. conjest. 15. quamvis Doctores communiter cum Bartolo, & Aretino in *l. qui Roma, §. subreptas, ff. de verb. obligat.* velint fideicommissum purum esse, si verba tractum perpetuum denotent, vel gementationem per modum causæ continent, verbi gratia, non alienetur extra familiam, sed in familia permaneat; vel, quia volo in familia conservari. Quod si tantummodo dictum sit, ne alienetur extra familiam, vel non exeat de nomine meo, quam-

vis deinde adjiciatur, ut in familia conservetur, fideicommissum erit conditionale. Quæ regulæ intricatæ nimis sunt, & facile rejiciuntur ex *l. peto*, §. *fratre*, *lib. 2.* & ex nostro textu, §. *cum pater*, in quibus non obstante prædicta geminatione fideicommissum est conditionale.

Inter utrumque fideicommissum multum interest. I. Ad fideicommissum purum familiaris relictum primo admittuntur nominati: his deficientibus admittuntur, qui ex eadem familia & gente fuerunt mortis tempore, ut quisque proximior fuerit; nam & hic gradus proximior excludit remotiorem. Scilicet, nisi testator nominatum remotiorem aliquem in gradu proximiori prætulit. Sic itatur in *l. cum ita*, alias in *l. omnia*, §. *in fideicommissis lib. 2.* in quo textu sermo est expresse de fideicommissis familiaris relictis; quare perperam a Cujacio accipitur de fideicommissis, in quo testator petiit ab herede, ne alienaret extra familiam, quod esset fideicommissum non purum, sed conditionale. Itaque juxta communem interpretationem species ita ponenda est. Testator ad fundum hereditarium mortuo herede vocavit Titium, & Cajum, & deinde alios ex eadem familia. Huc quoniam spectant textus in *l. pronuntiatio*, §. *familia*, ff. *de verbor. signif.* & in *l. ult. C. de tit. Fab. in C. de fideicommissis definit.* 10. DD. apud Covarr. 38. præct.

Notaandum est, quod in *d. §. in fideicommissis* dicitur, ad fideicommissum vocari eos, qui ex eadem familia fuerint mortis tempore. Non spectatur ergo testamenti conditi tempus: quomobrem qui post testamentum conditum vivo testatore in eam familiam venerunt, puta per arrogationem, vocantur & invitantur ad fideicommissum, licet testamenti tempore in ea familia non fuerint. Secus est in cognatis; nam si cognatis, vel cognationi, quod idem est, quidpiam fuerit relictum, & sit cognatus exempli gratia civilis, orta per adoptionem, vocantur tam qui fuerunt testamenti tempore, licet mortis tempore defierint esse, quam qui testamenti tempore cognati non fuerunt, sed mortis tempore per adoptionem tales facti sunt, *l. si cognatis*, ff. *de reb. dubiis*. Discriminis ratio est ex Cujacio, quia in familia meritorum, & nominis ratio habetur, in cognatis vero pietatis, & proinde fit in istis benignior interpretatio.

Quod attinet ad fideicommissum conditionale, potest gravatus ordinem graduum pervertere, & in ejus arbitrio est utrum unum, an plures velit eligere; quandoquidem satis est servare conditionem non alienandi extra familiam. Quod si accidat extra familiam diltrahi, tunc ad fideicommissum vocantur servato ordine graduum, ut propinquior remotiorem excludat. Ita Doctores ex nostra *l. filiusfam.* §. *cum pater*, ubi pater filio fideicommissum, ne fundum alienaret, sed ut in familia relinqueret: & dicitur filio licitum esse totum fundum uni ex nepotibus testatoris relinquere; vel omnibus ex partibus inæqualibus. Sed si extraneo relinquat, omnes, qui in eodem gradu sunt, petere posse. Concordat textus in *l. unum ex familia*, §. 1. in *l. cum pater*, §. *libertis*, & in *l. peto*, §. *fratre*, *lib. 2.*

II. Si fideicommissum purum sit, favore familiaris, & accidat gravatum extra familiam alienare, remanet adhuc res ipsa fideicommissis subjecta, si scilicet adsit aliquis de familia, cui integrum est rem alienatam ab extraneo possessorio vindicare. Secus se habet in conditionali fideicommissis; nam facta alienatione extra familiam, res vindicari nequit ab iis, qui de familia sunt, quibus solum licitum est agere contra gravatum, qui alienavit. Ita Bart. Alex. & alii apud Fulgium de substitutionibus qu. 352. n. 48. Fab. *ta. conjct.* 14.

III. In fideicommissis puro, si gravatus, qui vendere velit, offerat singulis de familia, ut erant, qui tamen emere reculent; non propterea jus ipse gravatus acquirit vendendi extero; non enim cogi ad emendum possunt, quibus testator jussit gratis dari, argumento ex *l. servo legato*, §. 1. *lib. 1. l. peto*, §. *fratre*, *lib. 2. l. ult. C. communis de legatis*, ut post Bart. & alios Faber *loc. cit. cap. 15.* Non ita est de fideicommissis conditionalibus; quippe ei, qui prohibitus est extra familiam alienare, censetur concessum alienare in familia; propterea si nullus de familia emere velit, licite extero alienatur; nam censetur adimpleta conditio alienandi in familia, cum per gravatum non stetit, quin adimpleretur, argumento ex *l. iure civili*, ff. *de conditionib. & demonstrationib. l. Labeo*, ff. *de contrah. em. l. qui Roma*, §. *coherede*, ff. *de verbor. obligat.*

IV. Fideicommissum purum non ullo coarctatur

statu gradu, sed durat, donec quis de familia extet; cum e diverso conditionale fideicommissum ultra quantum gradum non porrigatur, *Novell. 199. de restit. fideicommissi.*

### COROLLARIA.

**E**X nostro textu ita explicato plures quaestiones quam facillime resolvuntur, quas propterea nos in sequentibus Corollaris deducemus.

I. Colligitur, poenam prohibitioni alienandi adjectam, nihil operari, tam si poena sit extrinseca, veluti ne alienet sub poena aureorum centum, quam si intrinseca sit, sive rei ipsius, ut si alienet, a dominio fundi cadat. Et ratio est, quia adhuc prohibitio nudum praeceptum est; unde fit, gravatum alienando, non esse contumacem, nec poena teneri.

Alii tamen apud Marian. Soc. hic, id quidem in poena intrinseca verum esse fatentur, secus vero in extrinseca, quos sequitur Bologn. hic num. 49. itaut si testator poenam adiecit in gratiam certae personae ista queat ad poenam agere; alioqui agat heres, si legatarius sit prohibitus: vel coheres, si prohibitio alteri heredum facta sit. Quod si unus heres existat, quidam putant agere sibi, quod Socinus negat, quia fideus ad poenam tantum delictis debitam venit; quare ait, dici posse admitteri legitimos heredes.

Et moveatur ex eo, quia licet alteri stipulari non possimus, si tamen poena adiciatur, veluti si pro Titio Romam non iveris, promittis mihi poenae nomine centum, stipulatio redditur utilis ex eo, quod ad poenam agi potest, §. *alteri*, *Institutionib. de inutilibus stipulationibus*. Id tamen minime urget, quia a contractibus ad ultimas voluntates non recte argumentum ducitur, ut patet ex eo, quod prohibitio alienandi in contractu facta etiam sine causa valet, *l. ult. C. de reb. alienis*, *l. ult. C. de pactis inter emptorem*, §. *ult. auth. ut consilium largitas*; at facta in ultima voluntate nullius est momenti, ut diximus. Quare nil mirum, si adjectio poenae in testamento non operetur, quamvis vim habeat in stipulatione; alioqui nostro textui facile fraus fieret. Ratio discriminis est, quia in stipulationibus actio acquiritur ipsi stipulanti, heredibusque ipsius, si res alienetur, quod non est in testamento.

II. Colligitur, prohibitionem alienandi sub

conditione factam, veluti, si navis ex Asia venerit, fundus ne alienetur, non sublineri; quoniam adveniente conditione actus remanet purus, & prohibitio nudum praeceptum; & quidem actus puri, & purificati eadem virtus est, argumento ex *l. ult. §. 1. ff. de vulg. l. si a reo*, §. *sub diversis*, *ff. de fideiussorib. l. si pupillus*, in fine, *ff. de conditionibus institutis*. Ita Crotus, & Marian. Soc. hic num. 108. quamvis e diverso in contractibus stipulatio sub conditione valeat, ut si Titius a me decem petierit, tot dare spondes, *l. a Titio ff. de verbor. oblig.*

In ambiguo est, quid dici debeat, si ipsa alienandi prohibitio in conditione sit, veluti, Do lego Titio fundum, si eum non alienaverit.

Veniens est, hic nullum subintelligi fideicommissum, quia conditio de natura sua illud solum operatur, ut suspendat actum, nec ullo modo disponit; quare fieri non potest, ut fideicommissum inducat. Adde, neque hic favorem certae personae incipit. Est tamen conditio implenda, & legatarius heredi cavere debet, se implenturam conditionem: quod si heres prohibitus sit, cavebit coheredi. Ad si solus heres sit, conditio censetur impossibilis, quia nullus est, cui caveri possit, *l. 4. §. 1. ff. de conditionibus institutis*, *l. Mutiana, circa finem*, *ff. de conditionibus*, & *demonstrationibus*.

III. Colligitur, si quid in testamento scribatur, quod sola nitatur auctoritate scribentis, seu testatoris, nec ad alterius commodum pertineat, nullam obligationem parere, utpote quod nudum praeceptum est. Exempla sunt apud Pomponium in *l. Q. Mutius*, *ff. de annuis legatis*. Primum exemplum est, si Cajo solum heredem institui, & iussi, ut monumentum mihi certa pecunia faceret, ex ea scriptura non obligatur heres, cum non sit cui obligetur, aut cui actio contra heredem danda sit; actio enim non datur ulla cuiquam, nisi ei, cuius interest, *l. qui sunt, ff. locati*, *l. si procuratorem* §. *mandatum*, *ff. mandati*. Itaque si auctoritatem testantis heres observare velit, & eidem praebere fidem obsequium, utique faciet monumentum: sed si obsequi nolit, cogi non potest, dicitur tamen impie fecisse.

Hae vera sunt, Cajo ex alie here instituto; nam si heredi, quem de monumento rogavi, coheredem adjecero, coheres cum illo agere potest, famulz erciscundae iudicio. Quod



Utrique heredes iussi sint hoc facere, invicem actionem habebunt, d. l. *Qu. Mutius*; quin post divisionem quoque hereditatis eadem de re unus cum altero præscriptis verbis agere potest, ut expresse habetur in *h. his consequenter*, §. *sed & cum*, ff. *fam. creisc.* ubi horum omnium ratio redditur, illis verbis: *Quia heredum interest, quos ius monumenti sequitur.*

Secundum exemplum, quando scriptura testamenti obligationem non parit, cum solum scribentis auctoritatem respiciat, est, si testator iusserit in municipio statuas, vel imagines suas poni, idque gloriæ, vel memorie causa; hoc casu heres non obligatur, quia nullus interest id fieri, seu nullus est, qui agat pro defuncto, cuique agere pro defuncto expedit. Verum si testator fieri id iussit, honoris vel ornatus municipii causa, utique scriptura obligationem parit, quia interest Civitatis honorem sibi delatum exhiberi, l. *Civitatis*, lib. 1.

Quod attinet ad prædictum exemplum monumenti, videtur obitare Papinianus in *l. hereditatis etiam*, §. *primo*, ff. *de petitione hereditatis*, ubi pro observanda conditione monumenti extruendi heres, etsi ex asse instituitur, cogitur, & generatim dicitur: *Quia voluntas defuncti vel in hoc servanda est.*

Dicendum tamen est, Papinianum nihil contradicere Pomponio; ille enim docet nulli contra heredem actionem concedi; neque id negat Papinianus, ut qui in fine ait, stricto iure nulla teneri actione heredem ad monumentum faciendum. Subjicit tamen id, quod Pomponius omisit, nempe Principali, vel Pontifici auctoritate compelli ad obsequium supremæ voluntatis. Ideo scilicet Pontifici, quia monumentum ad religionem pertinet, l. 8. ff. *de relig. l. ult.*, ff. *de mortuo inferendo*. Ideo autem Principali, quia Princeps erat Pontifex Maximus; unde res dedicata a Principe, vel ab eo, cui ipse dedicandi dedit potestatem, fiebat sacra, l. *sacra*, ff. *de acq. rer. dom.* Princeps potest facere gratiam jurisjurandi, l. *fin.* ff. *ad municip.* Cadaver Iussu Principis de loco in locum transferitur, l. *ossa*, in *princip.* ff. *de relig.* Vide Gonzalez ad *cap. 1. de iurejur. num. 12.* Ex quo apparet, falli vulgo DD. qui pro Principali auctoritate intelligunt Iudicis officium. Hodie id ad Episcopum pertineret ex l. *nulla liceat*, C. *de Episc. & Cleric.* &

Tom. I.

*Trident. sess. 22. cap. 8. & seq.*

*De Legatariis conjunctis, & jure accrescendi, & iter in eo præferatur, ad l. re conjuncti 87. lib. 3.*

**D**ESUMTA est lex ista ex Paulo ad l. *Juliam, & Papiam lib. 6.* Cum enim ob civilia bella suscepta inter Pompejum, & Cæsarem, inter Antonium, & Lepidum, & Brutos, esset exhaustum pecunia ærarum, & urbs civibus, lata est lex Papia caducaria tempore senioris Augusti, qua statuebatur, ut legata caduca, & hereditates caducæ, vel quæ essent in causa caduci, fisco acquirerentur, Tacitus 3. *annal.* In causa caduci sunt, quæ deficiunt vivo testatore post testamentum, ut puta si legatarius vel heres vivo testatore decedat, aut conditione excludatur. Caduca, quæ post mortem testatoris deficiunt, veluti si condicio hereditatis, aut legati defecerit, quia ejus dies non cessit; vel si hereditas, aut legatum relictum fuerit coelib, vel Latino Juniano, & is intra diem centesimum, id est, intra diem cretionis & aditionis a morte testatoris uxorem non duxerit, aut Latinus Jus Quiritium consecutus non sit, Ulpian. in *lib. regul. tit. 17. de caducis*. Tanta enim tempore latæ legis Papie Poppæ fuit penuria civium Romanorum, ut ipsi Consules Papius & Poppæus coelibes & orbi essent, non inventis uxoribus, quod observat Dio lib. 36. Et dicebatur caduca, quia ex lege Papia cadebant in fiscum; parcebat tamen solis parentibus, & liberis testatoris, usque ad tertium gradum, si scripti fuerunt heredes, l. *un.* §. *& cum triplici*, §. *& cum lex*, C. *de caduc. toll.* Huic legi veluti appendix additum est Senatusconsultum, quo tavebatur, ab apertis tabulis dies legatorum cadere, non a morte testatoris, ut medio illo tempore caduca fierent, d. l. *un.* §. *cum igitur*.

Excludebatur vero fisco a substitutis, & ait Justinianus, substitutiones introductas, ut tollerentur caduca. Excludebatur etiam a conjuncto, ut puta legatarius, qui habebat collegatarium, mortuus est vivo testatore, mortui pars conjuncto accrescit, & præfertur fisco, & heredi scripto. Hac ergo de causa Justinianus in C. *de caduc. tollendis*, de substitutis, & de jure accrescendi tractat: & Paulus in *libris ad l. Juliam, & Papiam*, pariter de jure accrescendi egit. Vide latius

F f

Bal-

Baldus, in *tract. de caducis*, Cujac. ad tit. C. de caduc. initio, & Ramos in *tract. ad l. Julias*, & Papias, Gothofr. ad l. Juliam, & Papiam, par. 2.

Quamvis autem Justinianus censuit, penitus esse ablegendam legem Papiam caducariam, & retinendam tantum legem Juliam caducariam, d. l. un. §. cum autem, & §. ult. quæ scilicet omni deficiente herede & bonorum possessore fideum vocat, veluti parentem omnium, l. quadam, §. quoties, lib. 2. tamen ut Jus substitutionis, ita conjunctionis Jus, & remansit, & frequentatum est. Sed jam nostrum textum aggrediamur.

Verba Pauli ita habent: *Re conjuncti videntur, non etiam verbis, cum duobus separatim eadem res legatur. Item verbis, non etiam re, Titio & Sejo fundum æquis partibus do lego; quoniam semper partes habent legatarii. Præferatur igitur omnino ceteris, quæ & re & verbis conjunctus est. Quod si re tantum conjunctus sit, constat non esse potiorum. Si vero verbis quidem conjunctus sit, re autem non, questionis est, an conjunctus potior sit. Et magis est, ut & ipse præferatur.*

Dividitur textus in duas principales partes. In priori agitur de speciebus conjunctionis, & est in principio textus. In posteriori tractatur de prælatione conjunctionum, & hæc ibi, Præferatur. Nos, inter primam & ultimam partem interferemus aliam, ubi de ipso Jure accrescendi videbimus; ita enim fiet, ut tractatio hæc involuta non modo complementum, sed etiam lucem accipiat. Sit ergo.

#### De Speciebus conjunctionis.

Paulus in nostro textu declarat solum, qui dicantur re conjuncti, item qui verbis. Silet vero de illis, qui re simul, & verbis conjuncti sunt, ea ratione, quia quinam isti sint, facile constat ex illis, eum simplicia continentur in mixto. Et quidem triplici modo intelligi conjunctio potest, ut idem Paulus docuit eodem lib. 2. ad l. Juliam & Papiam, & habetur in l. stipulæ, ff. de verbis. signific.

Re conjuncti sunt, cum duobus separatim eadem res legatur, ut hic: vel quos rei complexus jungit, ut in d. l. triplæ. DD. ita dicunt, cum eadem res duobus in diversis orationibus in solidum relinquatur, veluti, Fundum Tusculanum Cajo do lego, Fundum Tusculanum, vel eundem fundum Sejo do lego, §. si eadem in fine, Institutionibus de legatis, l.

Julianus, ff. de hered. instit. Quo casu conjuncti habent solidum initio, partes vero faciunt concursu, l. conjunctum lib. 3. l. 1. §. interdum, ff. de usufr. accresce.

Sunt quædam, quæ huic definitioni obstant, nam obijcies l. ex l. pen. ff. de iur. iur. In ea lege duobus separatim ejusdem rei usufructus legatur, & tamen non sunt re conjuncti.

Responderet Bartolus hoc ideo fieri, quia ibi singulis testator legavit ab heredibus singulis, quæ in re ab initio partes testator fecisse videtur. Exempli gratia, duo sunt heredes, & duobus legata est eadem res ab heredibus singulis; si heredes sint semissarii, erunt quoque legatarii semissarii. Et similiter tribus heredibus institutis ex æquis partibus, si eadem res tribus legetur, creditur testator æquas partes fecisse. Itaque quod dicitur conjunctos esse re, quibus eadem res separatim legatur, hoc ita verum est, si legetur ab eodem herede, vel generaliter ab omnibus heredibus; vel etiam, si uni legetur a pupillo in primis tabulis, alteri eadem res a substituto in secundis tabulis, nempe quia singuli heredes in altem sunt, l. coheredi, §. coheres, ff. de vulg. l. plane, §. si conjunctum, lib. 1. Non ita est, si singulis eadem res legata sit a singulis heredibus.

Obijcies II. ex l. sicut, ff. de adm. legat. ubi duobus eadem res separatim legata, priori legatario adempta videtur, non utrique data.

Doctores communiter cum Bartolo ita distinguunt; vel testator in posteriori legato commemorat prius, & est translatio, veluti id quod Titio dedi legavi, id Cajo do lego, d. l. sicut. Vel prius legatum non commemorat, & est conjunctio, d. §. si eadem. Altere distinguunt Alciatus 1. parer. 3. & Valla 2. eleg. 42.

Hæc tamen distinctio rejicitur ex l. Julianus, ff. de hered. instit. ubi testator, quæ dixit, ex qua parte Sejum instituit, ex eadem Sempronius heres esto, censetur non transulisse, sed conjunxisse; & nihilominus prioris partis commemoratio fit.

Placet ergo, quod ait Alciatus in d. l. triplæ & 7. parer. 8. aut testatoris verba in secundo legato respiciunt simpliciter substantiam rei, & est translatio; veluti quod Titio legavi, id Sejo do lego; ubi pronomen id totam rei substantiam trahit in secundum legatarium, & proinde translatio est; nam substantia individua est, d. l. sicut. Aut ver-

ba non referuntur ad substantiam, sed ad speciem, genus, aut qualitatem, quæ sui naturæ pluribus communia sunt, veluti, eundem fundum do lego, aut similibus verbis, quibus oratio augetur, & erit conjunctio. Et hoc est, quod docet Justinianus in d. *§. si eadem*, ibi: *Sed si expresserit eundem hominem Stichum, æque disjunctim legatum intelligitur*. Et ita capiendus est textus in d. *l. Julianus*. Idem docuit Valla 2. *eleg. 42*.

Sunt, qui velint in legatariis re conjunctis partes ab initio fieri, non concursu, contra expressam dispositionem textus in d. *l. conjunctim lib. 3. & d. l. t. §. interdum, ff. de usufr. accresc.* Moveatur hi ex duobus.

Primo ex Ulpiano in l. *plane ubi 34. §. si conjunctim lib. 1.* ubi hæc habet: *Si conjunctim res legetur, constat partes ab initio fieri*. Ergo partes non sunt concursu.

Respondendum est, *conjunctim legari*, licet simpliciter positum, varie tamen in Jure nostro accipi; nam Justinianus in *§. si eadem res, Institutionibus hoc tit. conjunctim legari* accipit de re & verbis conjunctis. E diverso Celsus in d. *l. conjunctim, lib. 3. conjunctim legari*, dicit de conjunctis re, affirmans eos ab initio solidum habere, concursu partes fieri. Nil ergo mirum, si Ulpianus in d. *§. si conjunctim*, illud idem *conjunctim legari*, capiat cum Justiniano de conjunctis re, & verbis, quibus partes ab initio fiunt, non quidem a testatore, ut in conjunctis tantum verbis, sed potestate Juris; quapropter, ut dicemus, in ipsis est Jus accrescendi, sicuti in conjunctis re est Jus non decrescendi.

Secundo, moveatur etiam. Si legatariis re conjunctis solidum ab initio esset relictum, utique duo in solidum ejusdem rei Domini esse possent contra textum in *l. si mi terto, §. si duobus, ff. commodati*. Esset ergo ab initio nullum legatum, fieret deinde validum, altero legatario repudiante, vel amobus concurrentibus, quia concursu partes fierent; contra regulam, quæ ab initio inutilia sunt, ex post facto reconvalescere non possunt, *l. quæ ab initio, ff. de reg. Juris*, vel contra regulam Catonianam.

Respondetur aliud esse solidum relinqui, aliud solidum acquiri; hoc postremum fieri non potest, quia regula est, ut duo in solidum ejusdem rei Domini non sint: at prius illud contra nullam Juris regulam est. Quamvis ergo pluribus legatariis solidum singulis

relinquatur, nunquam tamen singulis solidum acquiritur, ut propterea legatum ab initio valeat.

Ceterum realis conjunctio locum habet non modo in speciebus, sed etiam in summa, seu quantitate, veluti si dictum sit, do lego Titio decem, & eadem decem do lego Cajo, Baldus in *l. si mihi, & Titio, in princ. ff. de verb. oblig.* & alii apud Beilonum de *Jure accresc. cap. 1. quest. 8.* Ceterum est enim, Titium & Cajum separatum ad eandem rem vocari; quare re conjuncti sunt. Præterea quia qui positi in eadem oratione sunt re & verbis conjuncti, idem positi in diversis, sunt conjuncti re. Sed plures in eadem oratione vocati ad eandem summam, sunt re & verbis conjuncti, *l. qui quartam, §. ult. lib. 1. habetur enim: Si quis unam summam singulis legaverit, ut etiam de postuma senties, si ea non est nata, supersitit solidum debetur*. Ergo vocati in diversis erunt re conjuncti.

Neque obstat, quod opponunt Duarenus 1. de *Jure accresc. 7.* & Hotom. 1. *amicabil. resp. 24.* nempe, solidum initio singulis non posse deberi, nisi in rebus, quæ communione sui natura recipiunt, *l. Titia textores, lib. 1.* quod locum non habet in quantitate, quæ non recipit sui natura communionem, cum ipso Jure, & ab initio dividatur numero, *l. cum Stichus, ff. de solut.*

Nam respondetur, quod etiam quantitas respectu singulorum corporum non recipiat communionem, tamen respectu totius summe vere communio adest, & ad eas plures communiter vocari possunt, ut ait Julianus in *l. eum qui in princ. ff. de verb. oblig.* quippe una est summa, sicut unus est grex.

Patetur tamen, in stipulationibus summe partes initio fieri, quamvis aliud sit in legatis, in quibus est Jus accrescendi, quod in stipulationibus cessat, *d. l. si mihi, & Titio*. Nempe quia Jus accrescendi introductum est ad evitandam legem Papiam caducariam, quæ in ultimis tantum voluntatibus viguit.

Verbis conjuncti sunt, quæ nominum complexus unit, *d. l. triptici*, vel quibus eadem res factis a testatore partibus in eadem oratione, seu conjuncta scriptura relinquitur, verbi gratia, Titio, & Cajo fundum do lego ex æquo partibus. Et quoniam ita conjuncti partes habent non concursu, id est, cum uterque legatum agnoscat, sed ab initio factis a testatore, ideo conjunctio verbo-

rum per se nullius momenti est, nisi quatenus ex voluntate defuncti habetur pro conjunctione duplici, scilicet tam re, quam verbis, ut infra disputabimus.

Interim nonnulla notanda sunt. I. Ad inducendam conjunctionem verbalem exigi, ut vocentur ad diversas partes ejusdem rei; nam si ad res diversas vocentur, ut Titio & Mævio, singulos servos do lego, erunt quidem conjuncti in quantum ad figuram verborum, sed non in quantum ad Jus accrescendi, *l. hujusmodi*, §. *quibus*, lib. 1. quia testator non tam conjunxisse, quam celerius dixisse videtur, ut ait Pomponius in *l. si quis ita* 66. ff. de hered. inst. pro eo scilicet, quod dicere debebat, Titio do lego servum, Mævio alterum servum do lego. Quod diximus de rebus diversis, idem esto de summis; quare si pater ita scripsit, lego singulis filiabus meis mille pro dote, istæ conjunctiones non sunt, *l. qui filiabus*, §. 1. lib. 1.

Hinc fit, ut quibus alternis annis legatus est ejusdem fundi usufructus, nec etiam conjuncti verbi sint; non enim concurrunt ad eandem rem, sed singuli, suo quisque anno, solidum habent usufructum, *l. 2. in princ. ff. quibus modis usufructus amittitur*.

Fit etiam, ut partes esse debeant divisæ pro indiviso, ut si dicatur æquis partibus; nam si partes sint divisæ pro diviso, hoc est certæ, quæ corporaliter, & ad oculum demonstrari possunt, legatarii conjuncti non sunt, veluti lego Titio & Sejo singulas contignationes domus mee. Ratio est, quia partes divisæ res diversas constituunt, *l. recte dicimus*, §. ult. ff. de verb. signif. *l. si quis duas*, §. *si quis partem*, ff. communia p. adiutorum.

II. Ad conjunctionem verbalem opus esse, ut nominum, non clausularum complexus sit; nam si dicatur, Mævio fundi partem dimidiam, & Sejo alteram dimidiam lego, legatarii conjuncti non sunt, quia nexus non est inter nomina, sed inter clausulas, *l. Iulianus*, ff. de hered. inst. *l. Mævio in princ. lib. 2. Ira Goveanus in animadversionibus cap. 6. Cujac. 24. obf. 35. Hotom. 6. obf. 12. Fab. dec. 49. err. 3.*

Nec facit, has clausulas ab unico verbo lego pendere, & proinde unicam orationem consistere, ut argumentantur communiter DD. post Bart. in *d. l. Mævio*, in princ. nam tunc verum est, unicam esse orationem, quæ regitur ab uno verbo, cum etiam clausula una est; nam si duæ fuerint, verbum in una

expressum intelligitur repetitum in altera; quæ figura *Zeuigma* dicitur, quare duo verba erunt, & orationes duæ, Bellonius c. 3. quæst. 26. num. 36. & seq.

Quod diximus, multo magis verum est, si partes sint inæquales, veluti Titio lego fundi bessel, Cajo trientem, disjuncti enim sunt. Proinde, ut recte Goveanus *loc. cit.* & Fab. 6. conjeci. 1. observant, nusquam in Jure nostro legitimus conjunctionem verbalem fieri, nisi partibus æqualibus, seu virilibus assignatis, ut in nostro textu, & in *d. l. 66. ff. de hered. inst.* & in *l. pm. ff. de usufr. accresce. cum concordantibus*.

Re & verbis seu mixtum conjuncti sunt, quos nominum, & rei complexus jungit, *d. l. tripliei*; vel quibus conjuncta scriptura, sive eadem oratione res eadem simul, & insolidum relinquuntur. Hujus plura exempla sunt, Titio & Cajo do lego fundum: vel Titio, Cajoque: vel Titio cum Cajo; nam si quis deposuerit equum cum capistro, unum est depositum; in servo legato cum peculio nam legatum, ita fundum cum instrumentis legato, *l. 1. juncta l. 5. ff. de fundo instrutto*. Tandem oratio soluta habetur pro conjuncta, & qui dicit, Titio, Cajo do lego fundum, eos re & verbis conjungit, *d. l. tripliei*. Et hi omnes partes habent ab initio, factas non quidem, expresse a testatore, sed tacite per interpretationem legis, *l. 34. §. si conjunctim*, ff. de leg. 1. ubi simpliciter conjuncti dicuntur, ut etiam a Justiniano in *Institutionibus hoc tit. §. si eadem res*, ubi conjunctis re & verbis dicitur conjunctum legari, conjunctis re tantum dicitur legari disjunctum. Præter has conjunctiones, considerant Doctores etiam aliam, quæ dicitur conjunctio legalis, de qua infra.

## QUÆSTIO UNICA.

Utrum plures heredes in eadem oratione sine parte scripti, censentur re & verbis conjuncti.

Hæc difficultas locum habet, si plures duobus heredes scripti sint, veluti Titius & Cajo heredes sunt, Sempronius heres esto; nam si Titius & Cajo conjuncti sunt, repudiante Titio, portio ejus soli Cajo accrescet: si vero conjuncti non sunt, portio a Titio repudiata, non solum Cajo, sed etiam Sempronio accrescet pro portionibus.

bus hereditariis, *l. liber homo, §. cum quis, ff. de hered. instit. iudic.*

Hac in re Cujacius fuit inconstans, nam in *l. un. §. his ita, C. de eaduc. toll. secutus Accursium, & Bartolum ibidem censuit, esse conjunctos, tradeas in hoc realem conjunctionem a mixta differre, quod heredes sine parte scripti in diversis orationibus, non sunt re conjuncti, veluti Titius heres esto, Cajus heres esto; censetur enim ab initio vocati, quique in semissem: at sunt re & verbis conjuncti, si in eadem oratione vocentur. In contrariam vero sententiam ivit idem Cujacius in *d. l. tripliei*, docens non intelligi heredes mixtim conjunctos, quoniam sine parte scripti sunt, quamvis in eadem oratione vocentur; propterea ut ad eos conjungendos dicere opus sit, Titius & Cajus in dimidia parte heredes sunt, Sempronius heres esto, ubi Titius, & Cajus sunt re & verbis conjuncti; sed si tertius, hoc est Sempronius, adjectus non fuisset, Titius & Cajus non essent conjuncti, quia uterque ferret dimidiam partem, & non in unam, eandemque concurreret. Idem tradunt Duarenus 2. *de Jure necrese. cap. 9. §. 12.* & Goveanus *cod. tit. num. 19.* Bellonus *cap. 5. qu. 22. n. 5.* Josephus a Santolaria *lib. 1. juriscons. interp. 23.* Quæ sententia vera est.*

Sed, ut ordine procedamus, duplex in heredibus eadem oratione institutis, conjunctionis species considerari potest. Altera in quantum ad Jus accrescendi, altera in quantum ad coactionem in unam hereditatis partem. Quod primum omnium observavit Jacobus de Ravenna, quem sequitur Cynus in *d. l. un. §. his ita*. Si ergo testator ita heredes sine parte scripsit, Titius heres esto, Sejus & Mævius heredes sunt, concedimus Sejam & Mævium esse conjunctos, non quidem in quantum ad Jus accrescendi, sed in quantum ad hoc, ut unam partem hereditatis auferant: hoc est dimidiam; quippe habuit eos testator, dum ita conjunxit, pro una persona, unde fit, ut alteram dimidiam accipiat Titius. Itaque hereditas divisa est in duos semisses, non in tres trices, sicuti ex Proculo scribit Celsus in *l. liber homo, §. Titius, ff. de hered. instit.* & ex Cello, Ulpianus in *l. item quod Sabinus, §. 1. ff. eus. tit.* Et quoniam portio ejus, qui nemini est conjunctus, in quantum ad Jus accrescendi, accrescit omnibus pro portionibus hereditariis, ideo si Sejus

repudiet suum quadrantem, accrescet Titio & Mævio inæqualiter, ita scilicet, ut Titius duplum auferat, quam Mævius, *d. l. liber homo, §. cum quis*.

Quod vero heredes sine parte scripti non sint in quantum ad Jus accrescendi conjuncti, probatur *l. ex apertis Ulpiani verbis in d. l. item quod Sabinus, §. 1. cum ait: Quantum ad Jus accrescendi non sunt conjuncti, qui sine parte instituuntur*. Species ejus legis est. Testator duos ex unicecim. uncis scripsit heredes, ita scilicet, Primus & Secundus ex deunce heredes sunt: deince duos alios sine parte, ita, Tertius & Quartus heredes sunt. Mortuo testatore, Tertius, unus ex his, qui sine parte fuerunt, repudiavit. Quæritum fuit, cui semuncia repudiata accrescat? Quæstio dependet ex eo, quod diximus, utrum scilicet Quartus sit conjunctus Tertio Jure accrescendi, an potius solum Jure coactionis. Nam in primo casu accrescet soli Quarto: in posteriori accrescet omnibus. At ergo Ulpianus, antiquos circa hanc difficultatem fuisse inter se discordes; ipse tamen accedit Servio, qui omnibus accrescere ait. Et tandem rationem reddit illis verbis: *Nam quantum ad Jus accrescendi, non sunt conjuncti, qui sine parte instituuntur*. Ubi notandum, non negari ab Ulpiano simpliciter, Tertium & Quartum esse conjunctos; sunt enim conjuncti, quatenus coacti sunt in unam partem, hoc est in unciam; sed negari esse conjunctos in quantum ad Jus accrescendi. Quare omnino fit, ad conjunctionem mixtam, de qua nos loquimur, partes debere exprimi, ut Primus & Secundus ex deunce heredes sunt.

11. Probatur ex Pomponio in *l. si ita quis 66. ff. de hered. instit.* ubi testator heredes ita instituit, Titius heres esto, Cajus & Mævius ex æquis partibus heredes sunt. Decessit Cajus. Dubitatum est, cui portio ejus accrescat. Respondet Jurisconsultus, non soli Mævio accrescere, sed etiam Titio ex hereditariis portionibus: *Quia testator non tam conjunxisse, quam celerius dixisse videtur*. Hoc est, non conjunxisse respectu Juris accrescendi; tum quia pars expressa non est, erat enim opus dicere, heredes sunt in semisse; tum etiam, quia addidit, *æquis partibus*, quod facit, ut nec etiam sint conjuncti in quantum ad coactionem in unam partem; & tota hereditas in tres trices dispertitur, quasi dixisset testator, *Cajus heres esto, Mævius*

*vins heres esto*, ut certe erat dicturus, si celeriter loqui noluisset. Quare sicuti isto modo dicendo hereditas dividitur in tres trientes, ita etiam illo.

III. Probatur ratione. Nam qui in diversis orationibus non sunt re conjuncti, iidem per consequens vocati in eadem oratione non sunt re & verbis conjuncti; quia nominum complexus non inducit realem conjunctionem, sed verba tantum. Sed heredes sine parte in diversis orationibus non sunt re conjuncti, ut est communis opinio, & mox dicemus. Ergo non sunt re & verbis conjuncti, si vocatur in eadem oratione.

Obijcies I. ex *d. l. triplici*, ubi in hoc exemplo si testator dixerit, Titius, Mæviusque heredes sunt, dicitur facta conjunctio re & verbis, non aliter quam in isto, Titius & Mævius ex parte dimidia heredes sunt.

Ex dictis facile responsio patet; agit enim in eo textu Paulus generatim de conjunctionibus, tam si conjunctio sit respectu juris accrescendi, quam respectu coactionis; propterea utriusque exempla in medium adducit; in eo enim exemplo, ubi sine parte institutio fit, adest conjunctio iure coactionis; at in alio, quod cum parte est, adest conjunctio iure accrescendi.

Obijcies II. ex *l. heredes sine partibus*, ff. de hered. instit. ubi heredes conjunctim sine partibus scripti, gaudent iure accrescendi.

Respondetur, Jabolenum ibi sermonem habere de heredibus institutis cum parte, sed sine partibus. Quae duo longe distant; nam si scribat testator, Titius, & Sejus ex triente heredes sunt, dicuntur heredes instituti cum parte, sed sine partibus, & inter eos locum habet ius accrescendi. Sed si dicat, Titius, & Sejus ex triente aequis partibus heredes sunt, dicuntur instituti cum parte, & cum partibus, & ius accrescendi inter eos cessat, quia verba illa, *aquis partibus*, prohibent realem conjunctionem, ut recte docet Goveanus in *animadversionibus d. cap. 6.*

Quod si heredes instituti uno tantum sine, & in diversis orationibus, ipsi non veniunt singuli ex aequo, sed quisque pro rata; veluti Titius heres esto, Cajus heres esto; hi non habent solidum initio, & non faciunt partes concursum; sed ita intelliguntur instituti, quasi dixerit testator, Titius ex semisse heres esto, Cajus ex semisse heres esto, ut docuit Andreas Zaphyrius apud Alciatum hic *num. 13.* & pro-

batur ex *l. quoties*, §. *heredes*, ff. de hered. instit. ubi si pluribus heredibus scriptis, a testatore pariter non fiant, aequaliter instituti, intelliguntur; & colligitur ex *d. l. item*, quod Sabinius §. 1. Quocirca re conjuncti non sunt, nec est inter eos ius accrescendi, illud nimirum quod provenit ex conjunctione, quamvis uno repudiante, totum capiat alter iure accrescendi, quatenus coheres, vel quasi substitutus, ut vocatur in *l. si Titio*, §. *Julianus*, lib. 2. scilicet ne testator ex parte institutus decedat. Quod patet etiam ex eo, quia si dicam, Titius & Cajus heredes sunt, hi re conjuncti non sunt, ut visum est; ergo nec etiam si eodem in diversis orationibus instituantur.

Hæc distinctio inter duos heredes maxime est momenti, quia si u'lo casu duo heredes essent re conjuncti, portio deficientis accresceret sine onere, ut dicemus ex *l. un. C. de caduc. toll.* Non ita inter coheredes; nam quavis Celsus scribat, portionem coheredis deficientem accrescere sine onere, *l. pater 29. §. ult. lib. 2.* idque etiam Juliano placuisse tradat Ulpianus in *d. l. si Titio*, §. *Julianus*; tamen idem scribit, hoc cessare post recriptum D. Severi, quo onera ab instituto relicta, a substituto debentur; nam coheres quasi substitutus est, & propterea cum onere consequetur accrescentem portionem, *d. §. Julianus.*

Cum vero plures duobus sine heredes, & dubitatur, utrum duo ex ipsis sint re & verbis conjuncti, hoc non inquiritur ratione oneris; nam ut coheredi accrescit portio repudians cum onere, ita etiam conjuncto re & verbis, *d. l. un.* Inquiritur ergo solum ad hoc, ut sciamus, an portio conjuncti repudians accrescat tui, hoc est conjuncto tantum, an omnibus coheredibus, ut jam expositum est.

Ceterum si testator in duobus heredibus partes exprimat, Titius & Cajus ex æquis partibus heredes sunt, isti nec etiam conjuncti sunt, *d. l. 66. ff. de hered. instit.* Multo magis conjuncti non sunt, si dicat, Titius heres esto in besse, Cajus in triente heres esto. Quare videtur concludendum, nunquam duos heredes esse conjunctos, in quantum ad ius accrescendi, quod ex conjunctione provenit. Itaque si a duobus heredibus, deducto usufructu, proprietates legentur, in persona heredum usufructus, qui deducitur, sanus constituitur intelligitur pro portionibus hereditatis, &

& ideo inter eos non est Jus accrescendi, & amissa pars usufructus non adcrevit coheredi, sed consolidatur cum proprietate, l. 1. §. 1. l. 2. ff. de usufr. accresc.

*De Jure accrescendi.*

**J**US accrescendi generatim sumtum quatenus etiam Jus non decrescendi comprehendit, est Jus retinendæ, vel nascendæ partis conjuncti, qui non concurrit, vel concurrere desinit. Ita Cujacius hic, Hotomanus in epitome hoc tit. num. 2. & 14. Explicatur.

Dicitur Jus locum generis. Nec propterea credas vitiosum esse definitionem, quasi idem per idem definitur; nam quoties id, quod definitur, generis sui nomen habet, necessario ipsum genus in definitione exprimitur; veluti si quis partem incertam definit, dicendo, est pars, quæ Juris intellectu per totam rem diffunditur non erit vitiosa definitio, quia ipsum definitum caret speciali nomine. Quare recte Theophilus in §. sed non ita, Institutionibus de exhered. liber. Jus accrescendi definit esse Jus partis auferendæ; recte etiam D. Thomas in 4. dist. 27. quasi. 3. art. 2. Jus patronatus definit: Est Jus præsentandi Clericum, &c.

Dicitur retinenda. Hoc pertinet ad eam Juris accrescendi speciem, quæ proprie dicitur Jus non decrescendi, & est in conjunctis re; quoniam enim illis palam testator singulis solidum adscribit, legando Primo fundum, & eundem fundum Secundo, sine dubio Secundo concurrente decrescit legatum factum Primo, qui ex toto, quod erat consecuturus, jam non habet, nisi dimidium; quare si non concurrat, non accrescit legatum, sed non decrescit, ut eleganter omnium primus observavit Justinianus in l. un. §. ubi autem legatarii, vers. si nemo, C. de caduc. toll.

Dicitur, vel nascenda partis, quod pertinet ad Jus accrescendi in specie, & est inter conjunctis re & verbis, quibus testator non ita manifeste solidum relinquit; dum enim dicit, Titio & Cajo do lego fundum, videtur porius singulis partem reliquisse; quare utroque concurrente, neutri portio decrescit, cum quisque partem sibi a testatore datam recipiat. Si igitur alter deficiat, ejus portio collegatario accrescit Justinian. loc. cit.

Dicitur conjuncti; quippe causa finalis Jus accrescendi in genere in legatariis, & si-

deicommissariis est conjunctio, vel voluntas testatoris, quæ ex conjunctione colligitur; quocirca hoc Jus conjunctionis appellatur in l. si sub conditione, in fine, ff. quibus modis usufructus amittatur. Nam aut testator eos verbis conjungit, & videtur eisdem in unum corpus redigere, & pro una persona reputare, & proinde capit unus, quod omnes, si ceteri deficiant: aut verbus disjungit, & manifeste solidum singulis adscribit. Idipsum est, si conjuncti heredes sint, qua conjunctione cessante, si alter heres deficiat, tunc coheres capit quidem totum, sed contra voluntatem testatoris, ex regula, ne quis decedat pro parte testatus, Goveanus in l. 1. §. si coheredis, ff. ad l. falsid.

Dicitur, qui non concurrat, vel concurrere desinit. Hæc verba apponuntur, ut intelligamus discrimen, quod est inter proprietatem, & usufructum respectu Juris accrescendi. Nam pars proprietatis acquisita, & postea amissa, non accrescit, pars vero usufructus accrescit, scilicet non nascitur partem proprietatis ejus, qui semel mihi concurrat, sed postea concurrere desinit, amissa parte sua, vel omissa; nascitur tamen partem usufructus ejus, qui mihi concurrat, si deinde desinat concurrere, amissa parte sua per capitis diminutionem. Ratio discriminis est in l. 1. §. pen. ff. de usufr. accresc. quia proprietas semel uno momento constituitur, seu eo solo tempore, quæ vindicatur legatarum. In usufructu longe aliter se res habet; nam usufructus legatur non semel, sed quotidie, & in momenta singula cuilibet legatario, quia ex perceptione temporaria consistit, l. 1. ff. quando dies usuf. cedat; quare videntur diversa legata. Unde non eo solum tempore, quo vindicatur, inspicitur an collegatarius mihi concurrat, sed quotidie. Et qui hodie mihi concurrat, si non concurrat cras, amissa parte per capitis diminutionem, ejus pars mea est.

Unde falsa est communis opinio, partem usufructus amissam post acquisitionem pertinere ad re conjunctum, non per Jus non decrescendi, sed per Jus accrescendi; moti ex eo, quia usufructus, qui per concursum semel decrevit, cum mihi acquiritur, id fiat per Jus accrescendi. Ita Bartolus hic num. 21. & Jason num. 102. Cujacius ad Africanum tract. 4. in l. 2. ff. de usufr. accresc. Hotomanus 99. illusi. 44. Sed verius est, in usufructu etiam post ac-

quisitionem locum habere Jus non decreſcendi; cum enim uſusfructus quotidie intelligatur legatus, quamvis per concuſum decreverint legata præterita, integra tamen manent legata ſequentium annorum: quæ cum collegatarius deſinit concurrere, pertinet ad æque uſusfructus totus per Jus non decreſcendi. Ita Ripa hic num. 8. & 64. & Cujac. ſibi contrarius in *Parat. de uſufr. accreſc.* ſequitur Bellonus *cap. 5. quaſt. 37. num. 15. & ſeqq.*

Ex his colligitur, ceſſare Jus accreſcendi inter conjunctos, ſi judicium deſuncti tale appareat fuiſſe. Exemplum elegans eſt in *l. mulieri, ff. de condit. & demonſtr.* ubi inter conjunctos re & verbis non eſt Jus accreſcendi, quia contrarium videtur fuiſſe judicium deſuncti: ſed integram ſpeciem ejus legis exponamus. Quidem mulieri, & Titio conjunctim legavit uſusfructum, ſub conditione, ſi non nupſerit mulier. Hæc conditio viduitatis mulieri remittitur lege Julia propter utilitatem publicam: at Fiſco non remittitur, *l. 1. C. de indiſta viduit. toll.* Si itaque mulier nubat, licet Fiſco non ſi remiſſa conditio, non propterea mulier, eo excluſo, ad integrum uſusfructum admitteatur. Ratio ſpecialis eſt, quia lege Julia mulieri tantum habere conceſſum eſt, quantum haberet, ſi conditioni paruiſſet. Sed ſi paruiſſet, ſolam partem habuiſſet; ergo eandem nunc habebit. Hinc ſit, ut Titius partem ſuam non amittat, ſed propter mulierem, quæ eam acquirere non poteſt, retineat; deberet enim pars Titii anſerare ad mulierem, ad quam tamen migrare non poteſt propter legem Juliam; quare remanet apud Titium. Querit unde Papinianus quid Juris, ſi Titius repudiet legatum? Et ait, non accreſcere, ne mulier plus habeat ſua parte, quæ venit ad legatum ex lege Julia contra judicium deſuncti, cum non impleta conditio viduitatis: & quæ admittuntur contra judicium deſuncti, non ſunt producenda laius. Cujacius hic *tit. de Jure novo.*

Nunc de ſpeciebus Juris accreſcendi, quæ ex dictis in definitione colliguntur.

I. Jus accreſcendi dividitur in Jus non decreſcendi, & id, quod in ſpecie Jus accreſcendi nuncupatur. Et primum diſcrimen eſt, quia Jus non decreſcendi habet locum etiam in iſtitis, ut accidit in re conjunctis, *l. un. §. ubi autem legatarii, C. de ead. toll.* Ra-

tio eſt, quia ſingulis palam ab initio ſolidum relinquitur, & concuſſu partes ſunt; quare unum legatum eſt, quod ſcindi non poteſt, hoc eſt pro parte reſpui, & pro parte agnoſci: & qui partem capit, totum capit, *l. legatarius, in princ. lib. 1. l. nemi-nem, lib. 2.*

At Jus accreſcendi non procedit niſi volentibus. Quare re & verbis conjunctis iſtitis non accreſcit, quia non ita palam ſolidum relinquitur ſingulis, & duo videntur eſſe legata, & alterum capienti licebit alterum repudiare, *d. §. ubi autem legatarii.* Idemque de verbis tantum conjunctis dicendum eſt, quia his ab initio partes legantur, & adſcriptum hæc partium facit duo legata.

Alterum diſcrimen eſt, quia cum Jure non decreſcendi onera non tranſeunt; nam re tantum conjunctis accreſcit ſine onere, *d. §. ubi autem legatarii;* cum enim ſingulis palam ſolidum legatum ſit, ideo videtur ſuum capere, ſuo autem legato non eſt adſcriptum onus, *l. ſi ſeparatim, ff. de condit. & demonſtr.*

Secus eſt in Jure accreſcendi, quia videntur capere alienum legatum; quocirca re & verbis conjunctis, & verbis tantum conjunctis accreſcet cum onere, *l. ſi quis legata, §. 1. ff. cit. tit.*

II. Jus accreſcendi dividitur in Reale, & Perſonale. Reale habet locum in proprietate; perſonale in uſusfructu, ſcilicet, quia in proprietate porcio accreſcit porcioni, in uſusfructu vero perſonæ; quamobrem in illa Jus accreſcendi comparatur alluvioni; in hoc non item, *l. ſi Titio, §. 1. ff. de uſufr.* Goveanus *hoc tit. num. 2.* Verum tamen eſt, quandoque in proprietate partem dici accreſcere perſonæ, ut in *tit. C. quando non petentium partes petentibus accreſcant:* id nihilominus non ita intelligitur, ut perſona propter re trahat vacantem partem, ſed ut ei accreſcat propter rem. Diſcrimen inter utrumque patet ex dictis in definitione.

## QUESTIO I.

An in conjunctione legalis locus ſit Juri accreſcendi.

Conjunctio legalis eſt complexus duorum, pluriumve, qui ſimul ad eandem rem ex Juris diſpoſitione vocantur. Exemplum eſt in Dominis ejusdem ſervi, cui a teſtatore legatum ſive proprietatis, ſive uſusfructus reſt-



relictum sit; quia enim domini ad legatum servo relictum vocantur non a Testatore, sed a lege, prorsus ut legatum a persona unius servi perveniat ad plures Dominos, ideo DD. legali conjunctione eos conjunctos vocant, post Bartol. & Jaf. hic: Quæritur modo, utrum hæc conjunctio ad Jus accrescendi parandum inter dominos sit satis.

Ex non concordant inter se Jurisconsulti. Nam Proculo placuit, si servo communi duorum Legatum sit, uno ex Dominis omittente legatum; alteri non accrescere, sed partem omittentis in hereditate remanere. Proculi opinionem & sectam secutus est uterque Celsus, pater & filius, in *l. C. Proculo lib. 2.* Moti sunt ea ratione, quia non conjunctum (ea scilicet conjunctione, quæ Jus accrescendi parit) sed separatim partes dominis legantur, id est, partes habent ab initio, non concursu. Quod constat ex eo, quia in concursu partes dividuntur ex æquo, quod non est in specie nostra, ubi domini legatum dividunt pro partibus; quas in servo habent, ut si unus in servo habebat quadrantem, alter dodrantem, legatum ei servo relictum dividitur inter eos ratione tripla. Sunt igitur separati, & disjuncti in eo legato. Ex quo efficitur, inter eos non versari Jus accrescendi.

Nec contrarium est, quod dicitur in *l. servus communis 66. ff. de acq. hered.* ubi si servus communis heres instituitur ab extraneo, licet domini servi concurrant pro parte dominica, tamen si unus Jus tantum jussu servus adeat, ceteris sociis non jubentibus, tacito Jure partes ei accrescunt. Nam hoc accidit non ob conjunctionem, sed ex regula textus in *l. Jus nostrum ff. de reg. jur.* ob quam inter duos heredes licet separatos Jus accrescendi locum habet, quod non est in legatariis, in quibus Jus accrescendi non nisi ex conjunctione dependet.

Diverse fæte a Proculojanis fuit Julianus, qui videtur sentu. Sabinianos, quibus accedit Ulpianus in *l. 1. §. 1. ff. de usufr. accr.* Putat enim Julianus, si communi servo usufructus sit relictus, & altero domino repudiante, vel amittente usufructum, alterum totum habere Jure accrescendi. Et respondet ad rationem Celsi, qui ideo non dabat Jus accrescendi, quod domini separati viderentur, quasi ab initio partibus dominicis legatis; respondet, inquam, non dominorum;

Tom. I.

sed servi, cui legatum est, personam inspicendam esse, quæ ut una est, ita domini pro uno habentur, seu unius personæ potestate funguntur: propterea unus ex ipsis totum legatum acquirit.

Pro conciliandis his Jurisconsultis, Joannes antiquus interpret ait, attendi debere Julianum sermonem habere de usufructu, Celsum de proprietate. Et ita DD. communiter. Quæ conciliatio recipienda non est. Primo quia Celsus generatim loquitur tam de proprietate, quam de usufructu, ut constat ex illis verbis. *Si alter dominorum omiseret*: quippe *omittere* legatum dicitur tam qui repudiat legatum proprietatis, quam usufructus; omittimus enim delata, nondum acquisita: e diverso amittimus acquisita.

Secundo, quia in hac questione Julianus non spectat naturam usufructus, id est, non movetur ex eo, quod usufructus legatus sit, sed spectat personam servi, cui legatum est, quæ cum sit unica, colligit legatum non posse scindi, & eam domium, qui agnovit legatum, invitum totum amplecti, socio repudiante. Ita quoque Celsus non movetur legato proprietatis, sed spectat personas dominorum, qui cum concurrant pro partibus dominicis, videntur propterea separati, ut observat Cujacius in *d. l. C. Proculo*.

Hinc dependet dispositio textus in *l. Plautius, ff. ad l. Falc.* ubi si dominus legat servo communi sibi & alteri, legatum, quia in persona heredis consistere non potest, totum ad socium pertinet, ibique refertur D. Pii rescriptum, quo statutum est, servo communi fideicommissum datum totum ad socium pertinere. Ex quo rescripto hæc controversia Jurisconsultorum sublata videtur; nam ubi diversæ erant sectarum sententiæ, ad Principem relatio fieri solebat; eaque deinceps sententia magis probabatur, quam Princeps rescripto confirmasset, ut Menilius *1. obs. 5.* notat ex *Fragm. Jurit. civilis*, post collationem legis Mosaicæ, ex *d. l. Plautius, l. Divi, ff. de iure patronatur, l. 7. ff. de iur. qua in fraudem creditorum, l. 9. C. quis testamenta facere possit, l. 25. C. de nuptiis*. Ita Proculojanorum sententia adversus Sabinianos probata fuit, quod eam Princeps admisisset, §. *item pretium, instit. de emt. & vend. l. pen. C. de res. permitt.* Ita Proculi sententia probatur contra Cassium ab Antonino Pio in *l. 1. §. coherentia, ff. ad l. Falc.*

G g

Ve.

Vocantur a DD. etiam conjuncti leges heredes legatarii, qui post diem legati cedentem, & non dum agniti, decessit, pluribus relictis heredibus; transmittitur enim ad ipsos legatum, l. si post diem in princ. ff. quando dies legatorum; & licet legatarius ipse pro parte repudiare non poterit, heredes tamen ipsius possunt, & altero repudiante, alter totum acquirat, l. legatarius, in princ. lib. 1.

Ab intestato etiam legalis conjunctio locum habet. Et duo exempla proferuntur. Primum est, cum plures in eodem gradu existentes simul ad eandem hereditatem vocantur; videntur enim & ipsi unum corpus efficere, & quam partem unus repudiat, alteri accrescit, l. si ex pluribus, ff. de suis, & legit. l. 1. §. si nemo, ff. ad Tertull. l. un. C. quando non petentium partes, l. 3. §. ult. ff. de bonorum possessionibus. Secundum est in iis, qui jure representationis; & in stirpem succedentes, in unam vocantur portionem, & uno ex ipsis repudiante, alius ejusdem corporis accrescit, non etiam illis, qui in capita succedunt, l. si duobus, in princ. ff. de bonorum possessione contra tab. l. 1. §. si quis ex nepotibus, ff. de conjugendis cum emancipato liberis.

### QUESTIO II.

An inter legatarios conjunctis verbis locum habeat Jus accrescendi.

**N**On una est Doctorum opinio. Accursius in l. 1. in princ. ff. de usufr. accrescit, docuit, siue agatur de legato proprietatis siue usufructus, semper inter verbis conjunctos locum esse Juri accrescendi: Sequuntur Bartolus, Baldus, Imola, alique communiter in l. si duobus, §. ult. lib. 1. Forcat. in Necypom. dial. 59. nu. 6. Donell. lib. 7. comm. cap. 13. & lib. 8. cap. 21.

Probat l. ex d. l. si duobus, §. ult. ubi Pomponius hæc habet: Si testator Titio & postumus viriles partes dari voluerit, vel etiam id expresserit, totum legatum Titio datur, non nato postumo. Ubi aperte dicitur Titius, & postumus, quibus testator legavit viriles partes, & proinde verbis tantum conjunctis, habent Jus accrescendi. Et notandum est, a Pomponio in Jure accrescendi equiparari conjunctos verbis tantum cum conjunctis re, & verbis; nam ibidem dicitur:

tur: Si Titio, & postumum legatum sit, non nato postumo, totum Titius vindicabit: & certum est, Titium & postumos hæc esse re, & verbis conjunctos; non enim additum est, æquis partibus. Idipsum habetur in l. quidam, §. ult. cum duobus, ll. sequ. ff. de reb. dubiis.

11. Probat ex l. Marcio in princ. lib. 2. ubi in hoc legato, Marcio fundi partem dimidiam, Sejo partem dimidiam lego, eundem fundum Titio lego, Jabolenus ait, si Sejus decesserit, partem ejus utrique accrescere.

Alii tamen veteres Jurisconsulti fatebantur hoc verum esse in legato proprietatis, ac negabant in usufructu, ex Papiniano in l. pen. ff. de usufr. accresce. ubi si quis portionibus duobus ejusdem rei fructus legatus sit, dicitur inter eos Jus accrescendi non esse. De veteribus istis meminit Accursius loc. cit. Sequuntur Duarenus t. de Jure accresce. Fachin. §. contr. 50. Et rationem disparitatis eam esse dicunt, quia verbis conjunctus in usufructu nequit vindicare partem. Collegatarii deficientis, quasi suam; quia enim partes singulas datæ sunt, non potest partem socii dicere sibi esse relictam. Secus est in proprietate, cujus portio tantum alluvio portioni accrescit, l. si Titio, in fine, ff. de usufr. & in alluvione reivindicatio est, l. ex mille, ff. de evictionib.

Placet tamen eorum opinio, qui docent inter verbis conjunctos, siue de proprietate legata, siue de usufructu agatur, nunquam esse Jus accrescendi, uno excepto casu, cum verbalis conjunctio habetur pro conjunctione duplici, Ita Goveanus hoc tract. num. 12. & 25. & in Animadversionibus, cap. 6. Cujacius hic & 24. observ. 34. Holmannus 6. observ. 12. Eder 6. consil. 1. Bellous cap. 5. quasi 38. num. 26. & seqq. Probat ex pluribus.

1. Ratione, quia generaliter verum est, toties Jus accrescendi esse, quoties in duobus, qui solidum habuerunt, concursu partes fiunt, ut est regula textus in l. Neratius 4. ff. de usufr. necr. Sed verbis conjuncti non habent solidum, nec partes concursu faciunt; quippe testator eis, partes facit, ut indicant verba illa, æquis partibus unde in textu nostro dicitur, eos semper habere partes. Ergo inter verbis conjunctos non est Jus accrescendi. Confirmatur ex l. penult. ff.

*cit. tit.* ubi inter eos, quibus eadem res æquis portionibus legata est, non habet locum Jus accrescendi. Confirmatur ex *l. penult. cit. tit.* ubi inter eos, quibus eadem res æquis portionibus legata est, non habet locum Jus accrescendi, quasi vocatos in res diversas.

II. Quia id mens Testatoris suadet; videtur enim Testator compendium orationis quaesivisse potius, quam eos conjugere voluisse ob Jus accrescendi, ut manifestum fit ex *l. si ita quis heredes, ff. de hered. instit.* ubi Testator scripsit, Cajus & Mævius ex æquis partibus heredes sunt; & Pomponius ait, non esse inter eos Jus accrescendi, quamvis conjuncti verbis sint, Quia (ut verba ejus sunt) non tam conjunxisse, quam ceteris dixisse videatur.

III. Non esse Jus accrescendi inter verbis tantum conjunctos, argumento est, §. *si ead. institutionibus de legatis*, ubi de verbis tantum conjunctis nihil dicit. Ergo habuit eos pro alienis. Idem constat ex *l. unic. §. ubi autem legatariis, C. de eaduc. toll.*

IV. Quia id suadent verba Testatoris, qui verbis conjunctis legavit partes. Ergo non est alteri dandum totum; nam absurdum est plus cuiquam tribui, quam dixit Testator, *l. facta, §. si sub conditione, ff. ad Trebell.*

Neque huic sententiæ repugnat *l. textus in d. l. si duob. §. ult.* ubi si tibi & postumo æquis partibus legatum sit, postumo non nato, totum tibi acquiritur. Respondetur enim speciale esse casum in postumo, qui non facit partem, nisi natus sit: unde eo non nato, totum ad Collegatarium pertinet, quasi ab initio solido ei relicto, ut expresse dicitur in *d. l. quidam, §. ult. cum duobus seqq. ff. de reb. dub.* Et ratio est, quia partes postumis relictae incertæ sunt ob incertum eorundem numerum, qui nasci possunt; nam uno nato, pars virilis erit semis, duobus natis, triens, tribus vero, quadrans, *l. utrum in princ. ff. cit. tit.* Et propter hanc incertitudinem non possunt ceteri partes in testamento factæ, & nullo nato nulla pars erit. Unde conjunctus quasi solidum habens totum vindicabit. Ita Bello-nus *loc. cit. num. 75.*

Sed quia textus in *d. l. si duobus, §. ult.* id ipsum tradens de conjunctis re, & ver-

bis, nempe si dictum sit, Titio & postumis do lego, videtur de indubitabili agere; ait enim; postumo non nato, totum a Titio vindicari; de qua re nullum dubium esse poterat, cum certum sit inter conjunctos re & verbis esse Jus accrescendi. Propterea sciendum est, in hac specie rationem dubitandi fuisse, quia aliquando, qui partem non capiat, facit etiam partem, seu quod pro non scripto est, obstat Juri accrescendi. Finge, quidam legavit conjunctim eandem rem Titio, & servo proprio sine libertate, licet pro non scripto sit legatum servo proprio absque libertate relicto, *l. 3. ff. de his, quæ pro non scriptis*; tamen Titius totum non vindicabit, *l. plane ubi §. si conjunctim, lib. 2.* Et sic servus, qui non capiat partem, facit partem. Ita quoque si quis legat mihi, & Titio servum meum conjunctim, pro mea parte pro non scripto est, & nihilominus Titius non feret, nisi partem; & quod pro non scripto est, obstat Juri accrescendi, *l. hujusmodi, §. si Titio & Mævio, ff. cit. tit.* vide alios apud Accersum in *l. hujusmodi, §. si Titio, ff. de leg. 1.* Eodem modo videbatur dicendum de legato facto Titio, & postumis, ut postumus, qui non nascitur, quamvis partem non capiat, faciat partem tamen.

In contrarium tamen respondit Pomponius, postumo non nato, totum a Titio vindicari. Relicta ratione discriminis, quam in *d. §. ult. tradit Cujacius*, dicimus ideo postumum non natum nec capere, nec facere partem, quia, ut notavimus, pars est incerta, minor pluribus natis, major uno nato, & consequenter nulla nullo nato. Non ita est in *d. l. plane, §. conjunctim, & in d. l. hujusmodi, §. si Titio & Mævio*, in quibus pars certa est, & propterea qui non capiat partem, facit partem.

Neque repugnat II. textus in *l. Mævio, in princ. lib. 2.* quippe ibi legatarii non sunt verbis conjuncti, cum non sit inter eos nominum, sed clausularum complexus; ideo nihilominus locum habet Jus accrescendi, quia sunt re conjuncti, quam conjunctionem facit adjectio Tertii; Nam cum testator dicit; Primo partem fundi dimidium, Secundo partem dimidam lego, Tertio fundum lego; Primo & secundo non est legata, nisi una dimidia, seu semis fundi, in quo semisse re conjuncti sunt, idque propter adjectionem Tertii, cui totus fundus legatus est, sed ex concursu alterum semissem capiet. Habetur ergo

tanquam, si testator dixisset, Primo partem dimidiam fundi. Secundo eandem dimidiam lego. Tertio fundum lego. Quod si Tertius non fuisset adjectus, Primus esset vocatus ad unum semissem, Secundus ad alterum: & sic nec re, nec verbis essent conjuncti.

Itaque secundo decedente, pars ejus, hoc est quarta, accrescet Primo & Tertio, qui illi re conjuncti sunt: & accrescet non æquis partibus, sed pro portione legati, ut Tertius capiat duplum ejus, quod capiet Primus, *d. l. Major*. Ceterum si non solum deficiat Secundus, sed etiam Tertius, non habebit Primus Jus accrescendi, nisi usque ad dimidiam, quam ei testator reliquerat: quia respectu alterius dimidiæ, nec cum Secundo, nec cum Tertio conjunctus dici potest, sed omnimodo disjunctus. Quamobrem remanebit ea in hereditate. Ita eleganter Cujac. 24. obs. 35. & in l. n. §. his ita definitis, C. de caduc. toll.

Quod attingit ad eos, qui distinguunt inter proprietatem, & usufructum, ut in illa sit Jus accrescendi, non ita in isto, si legatarii sint verbis conjuncti, rejiciuntur ab Ulpiano, qui in l. 1. §. interdum, ff. de usufructu accresc. considerat rationem concursus in usufructu ad exemplum proprietatis, in illis verbis: *Concursu partes habemus, quod & in proprietate contingeret*; quocirca ut in usufructu non est Jus accrescendi ob nominatum complexum, ita nec in proprietate. Nec facit in proprietate partem parti, ut in alluvione, accrescere; nam id verum est, si partes distinctæ non sint, quippe partes distinctæ, ut diversæ res habentur, *d. l. pen. ff. de usufr. accr.*

Ceterum ex supradictis videtur colligi posse, legatariis verbis conjunctos non gaudere Jure accrescendi, nisi verborum conjunctio pro duplici conjunctione habetur, quod tunc demum accidit, cum adjectur Tertius; nam ut disjuncti, ita etiam verbis conjuncti, ea Tertii adjectione sient conjuncti re, quo casu verbis conjunctus non solum habet Jus accrescendi, sed etiam Jus prælationis, ut est intelligendus noster textus, & dicemus infra.

### Utrum Jus accrescendi transeat in emtorem legati.

**N**ullum versatur dubium in legato usufructus, qui duobus simul relictus sit; nam si postquam alter partem suam vendiderit, alter deficiat, ejus pars non accrescit emtori, sed venditori; quia portio usufructus non accrescit portioni, sed personæ, scilicet ei, cui testator conjunctim cum alio reliquit, *l. si Titio, §. 1. ff. de usufr.* Eo præsertim, quia usufructus cum venditur, in emtorem transit solum fructus naturalis perceptio, Jure apud venditorem remanente, *l. arboribus, §. usufruct. ff. de usufructu*. Quæstio itaque non est de Jure accrescendi personali, ut in usufructu, sed tantum de reali, ut in ceteris rebus.

Ponamus ergo, unum ex legatariis conjunctis vendere suam partem legati, deinde socium deficere. Et Cujacius hic, & 12. observ. 13. singulariter putavit, partem vacantem non emtori, sed venditori accrescere debere. Et movetur ex pluribus. I. Quia sicuti Jus accrescendi non tribuit plus quam testator dari voluit, ita non tribuit partem legati alii, quam cui testator dari voluit. Sed testator dari voluit venditori, non etiam emtori, qui illi fuit inopertus. Ergo Jus accrescendi partem vacantem legatarii deficientis tribuet non emtori, sed venditori. II. Quia portio legati vacans non accrescit, nisi ei, qui sit cum deficiente conjunctus, id est socio, *l. O' Proculo, lib. 2.* Sed deficiente est tantummodo conjunctus venditor, non emtor. Ergo illi, & non isti debet accrescere. III. Quia in venditione legati id tantum venire intelligitur, quod tempore contractus venditori competit, *l. 2. §. 1. versic. plerumque, ff. de hereditatis vendita*. Cum itaque tempore venditionis non pertinuerit ad venditorem, nisi portio ipsi principaliter relicta, inde sit, hanc tantum in venditione venire, non etiam portionem, quæ deinde deficit, & de qua nihil est cogitatum; quippe absurdum est, in contractu venire ea, de quibus cogitatum non est, *l. cum Aquiliana, ff. de transactionibus*, ac actus operetur ultra intentionem agentis, *l. non omnis, ff. si certum petatur*.

Itaque audiendi non sunt, qui post Bartolum, & Alciatum hic, in contrarium docent, portionem legati vacantem accrescere emtori,

Sequitur Duarenus 2. *de Jure accresc.* 6. & Beilonus *cap. 6. quest. 67. num. 14.* qui id intelligunt de quocunque alio singulari successore, donatario, cessionario, & simil. Movetur ex eo, quia id quocumque collegatario acquiritur Jure accrescendi, intelligitur ejus esse, non ex die repudiationis, sed ex die mortis testatoris, vel saltem ex die agnitionis, tanquam si ei soli legatum esset. Unde si conjunctim duobus legetur Stichus, & alter eorum Stichum injuria occisum repudiet, alter solus ex lege Aquilia agere potest, tanquam si ab initio integrum ejus dominium habuisset: nempe retro accrevisse dominium ei videtur, *l. si Dominus, l. Titio & Sejo; cum duobus segg. ff. ad l. Aquiliam*; non enim legis Aquiliz actio nisi Domino conceditur; nam ait Celsus, legem domino damna salva esse voluisse, *l. liber homo 13. ff. cit. tit.* Quocirca portio, quæ post venditionem legati accrevit, videtur saltem fidei fuisse venditoris tempore contractus. Ex quo fit, portionem eam ad emptorem, non ad venditorem pertinere; quia vendita aliqua re, censetur venditum id omne, quod illius occasione spectabat ad venditorem tempore contractus, *l. 2. §. 1. vers. plerumque, ff. de hereditate vendita.*

Hæc tamen ratio nihil urget. Nam dupliciter venditio celebrari potest. I. Specialiter, vendo partem meam legati. II. Generaliter, vendo quicquid mihi ex tali legato pervenerit. Et in hoc posteriori casu intelligitur venditum quicquid occasione ejus rei spectabat ad venditorem. Et ita procedit textus in *d. l. 2. §. 1.* ubi agitur de eo, qui vendidit, quod sibi ex hereditate pervenit; nam emptor hereditatis ita stipulatur. Quæ pecunia ad te de Lucii Titii hereditate pervenerit, eam dari? Quæ venditio, quia generalis, ex mente contrahentium statutum est, restituenti emptori non solum, quod jam pervenit tempore contractus, sed & quod quandocumque pervenerit, *d. l. 2. §. non tantum.*

*De prælatione inter conjunctos.*

Nunc postremam nostri textus partem aggrediemur; ubi Paulus non de Jure accrescendi, sed de prælatione agit; inter quæ duo illud distat, quod Jus accrescendi potest locum habere inter duos, quorum alter deficiat: at vero prælatio non nisi inter tres, aut plures tribus est, ut uno deficiente, inspicitur quæ

quisnam ex reliquis ad partem deficientem veniat. Quoniam vero triplex conjunctionis species est, propterea Paulus de omnibus agens, dividit textum in tres partes. Prima ibi: *Præfertur*. Secunda ibi: *Quod si*. Tertia ibi: *Si vero*.

In prima igitur parte ait, præferri omnino ceteris, qui re & verbis conjunctus sit. Finge, testator ita dixit: Primo & Secundo fundum Sempronianum do lego, Tertio eundem fundum do lego. Deficiente Primo, soli accrescit Secundo, non Tertio, quia Secundus est conjunctus Primo re & verbis, cum Tertius sit tantum conjunctus re, *l. 1. §. idem ait, ff. de usufr. accr. l. Sempronius, §. ult. ff. de usufr. legato*. Ratio in promptu est ex regula duplicis vinculi, quod fortius stringit. *auth. itaque, C. communia de success. sionibus.*

Accidit tamen quandoque, ut eorum, qui re & verbis conjuncti sunt, unus alteri præferatur, scilicet qui in unam portionem cum deficiente vocatus est. Quod tribus exemplis explicatur. Nam I. si quidam collective vocentur, alii copulative, in portione collective vocati præferunt ceteris, qui eidem collective conjunctus est. Exemplum esto, Titio, Sejo, & agnatis meis do lego fundum Tusculanum, uno ex agnatis deficiente, accrescit ejus portio ceteris agnatis excluso Titio, & Sejo. Nempe, quia collective vocati unum corpus constituunt, & pro una persona censentur, ex *l. si nepotes, ff. de coll. bonorum*; quare in unam portionem veniunt, hoc est, in exemplo proposito in unum triumcent, *l. interdum, in princ. ff. de hered. instit. l. si quis Attio, ff. de usufr. accr.* Ita Bartolus, Jason, Alciatus, & alii hic, Duarenus 2. *de Jure accr. 9.* Cujacius in *l. si duobus, lib. 1.* itaque licet nulla major sit conjunctio, quam mista; mistarum tamen una magis stringit, quam alia, hoc est, magis ea, ubi est collectio, quam ubi est copulatio.

II. Si testator ita scribat, Primus & Secundus ex semisse heredes suato: Ex qua parte Primus institui, ex eadem Tertius heres esto. In quo exemplo unus semis relictus est Primo & Secundo, alter Tertio; & non solum Primus & Secundus, sed etiam Primus & Tertius re & verbis conjuncti sunt, *d. l. triplici, §. ult.* Si tamen Primus deficiat, præfertur Tertius Secundo, quia Tertius censetur tanquam in unam portionem coactus cum Pri-

Primo, d. §. ult. & propterea illi magis conjunctus est, quam Secundus, Baldus in l. un. num. 21. G. quando non presentium partes, Bellonus cap. 5. quest. 24.

III. Si testator scribat, Titius una cum filiis suis, & Sempronius mihi heredes sunt, ut in l. un. vers. alia, C. de impub. & aliis. Quamvis omnes mistim conjuncti sint, quia tamen Titius & filii in unum semissem vocantur, & propterea sunt, inter se magis conjuncti, quam cum Sempronio; inde fit, ut si unus eorum deficiat, ceteri præferantur Sempronio, Peregrinus conf. 27. num. 11. vol. 2.

In altera parte nostri textus ait Paulus: Si re tantum conjunctus sit, constat non esse potiorum. Quæ verba varie a DD. accipiuntur, aliis conferentibus cum eo, qui re & verbis conjunctus est, quibusdam cum eo, qui etiam re conjunctus sit, & tandem nonnullis cum conjuncto verbis tantum, ut videtur est apud Accursium hic.

Sed ceteris omisiss, placet ut dicamus, Paulum docere, re tantummodo conjunctum non esse potiorum aliis, qui aut verbis tantum, aut re & verbis conjuncti sunt, non quidem cum deficiente, sed inter se. Et ut omnes casus simul uno exemplo comprehendamus, finge, Primo & Secundo fundum Sejanum do lego, Tertio eundem lego, Quarto eundem lego, Quinto & Sexto, aquis partibus eundem do lego. In quo exemplo fient tantum quatuor partes, quia Primus & Secundus habentur pro uno, Quintus & Sextus pro uno, l. un. §. hoc ita; C. de caduc. toll. l. plane, in princ. lib. 1. Si Tertius deficiat, Quartus, qui cum eo re conjunctus est, non præferatur Primo & Secundo conjunctis re & verbis, nec Quinto & Sexto conjunctis verbis tantum; sed cum his omnibus ad vacantem portionem admittetur, quia omnes respectu deficientis sunt re conjuncti, Hotomannus qq. illu. 44. Cujacius 24. obf. 34. Goveanus in hoc tract. num. 9. & alii apud Bellonum cap. 5. §. 46. num. 38. & segg.

E diverso in eodem exemplo, si deficit Primus, accrescit soli Secundo, quia ut in prima parte nostri textus, conjunctus re & verbis præferatur ceteris conjunctis re tantum. At deficiente Quinto, cui accrescat, dubitatur. Putat Cujacius hic, verius esse accrescere soli Sexto, quasi videatur testator eos non frustra conjunxisse; ut non verbis tantum,

sed etiam re conjunctus habeatur, proflus ut conjunctio verbalis sit pro conjunctioe duplici, ut colligitur ex d. l. un. §. hoc ita, ubi Quiratus & Sextus pro uno judicantur. Sed hæc obiter.

In ultima parte Paulus, tanquam Sibyllæ hæc verba profert: Si vero verbis quidem conjunctus sit, re autem non, questionis est, an conjunctus potior sit. Et magis est, ut & ipse præferatur. In quibus explicandis variaz sunt DD. conjecturæ, seu potius divinationes.

Rogierius enim hic opinatus est, Paulum, cum ait, An conjunctus potior sit, loqui de conjuncto re, & docere cum præferri conjuncto verbis. Quæ sententia probari non potest, quia verbum conjunctus refertur ad proxima, nimirum ad verbis conjunctum, non etiam ad remota, seu ad conjunctum re, qui est in antecedenti oratione. Ex quibus multo magis rejicitur sententia Azonis in summa, C. de caduc. toll. qui conjunctum accipit pro re & verbis conjuncto, ut etiam Joannes, & Accursius docuit.

Verior itaque est sententia Hugonis, qui conjunctum interpretatur est de conjuncto verbis, ut ille præferatur conjuncto re; ut aperte videntur suadere verba Pauli, qui questionem de conjuncto verbis proponit. Suadet etiam totius legis contextus; nam cum primo quælivisset de conjuncto re & verbis, secundo de conjuncto re, utique reliquum erat, ut quæreret de conjuncto verbis. Hanc sententiam amplectuntur communiter Recentiores post Goveanum in animadv. cap. 6. ubi revocat, quod prius in tract. de jure acc. scripserat, sequutus Rogerii opinionem. Sed omnium optime explicat Antonius Faber dec. 49. err. 7. qui fatetur se ad hujus textus intelligentiam pervenisse ex mirabili felicitque ingenio Antonii Goveani. Notat ergo, prælationem in præsentii specie non oriri ex eo, quod quis simpliciter verbis conjunctus sit, sed ex eo, quod conjunctioni verbalis accedat conjunctio rei, non quidem ab initio, sed ex post facto; ita ut inspecta prima dispositione testatoris, sit verbis conjunctus, inspecto exitu, sit conjunctus re & verbis quæ conjunctionis resultat ex adjunctione Tertii. Hic ergo ita conjunctus præferatur ei, qui conjunctus est re tantum.

Exemplo res tota intelligitur. Finge, Primo & Secundo fundum illum aquis partibus

do lego, eundem fundum Tertio do lego. Si Primus deficit, ad partem vacantem concurrunt Secundus, qui Primo verbis conjunctus est, & Tertius, qui eidem Primo conjunctus est re. Ex his Secundus Tertio præfertur. Nempe, quia et si Secundus in prima dispositione testatoris sit conjunctus. Primo verbis tantum, deinde tamen ob adjectionem Tertii evadit eidem Primo conjunctus etiam re. Hoc autem fit ex Juris necessitate, quoniam qui ab initio singulos semisses ferebant adjecto Tertio in unum semissem coguntur. Ita in *l. Mavio, in princ. lib. 2. legatarii*, qui erant disjuncti re & verbis, ex adjectione Tertii fiunt conjuncti re. Quoniam ergo Primus & Secundus, tanquam in unam portionem coacti, habentur pro una persona, & efficiuntur conjuncti non solum verbis, ut erant initio, sed etiam re, ut apparet in exitu, ideo deficiente Primo, in portione vacante præfertur Secundus Tertio, qui eidem Primo est conjunctus re tantum, ex regula duplicis vinculi. Hæc est vera sententia Pauli.

Ad *l. in quartam 90. ff. ad l. Falcidiam*.

**Q**uoniam lex est humanarum actionum moderatrix suprema, ideo nil mirum, si variis temporibus variz læz sunt leges, quæ actionibus nostris modum imposuerunt. Donationes cohibuit lex Cincia: Dotes moderata est lex Papia: Manumissiones infragavit lex Caninia: eadem de causa effreni licentiz legandi obviam ivere leges. Consulares duæ, lex Furia primum, inde lex Voconia, ad extremum occurrit lex Tribunitia, quam a plebe rogavit P. scilicet C. Falcidius Tribunus plebis A. ab U. C. 711. ut numerat Antonius Contius in *Fastis Consul.*

Legis Falcidiz duo tantum capita proponuntur in *l. 1. ff. cod.* Primum caput dat liberam facultatem Civibus Romanis legandi, quibusque legare volent, idque propter legem Furiam, quæ de pecunia sua erogare testatorem in singulos non permittebat, ultra mille æris præter exceptas personas, Ulpianus in *lib. regul. tit. 1. §. qua prohibet*: Lex Furia testamentaria, qua plus, quam mille assium legatum mortis causa prohibet capere præter exceptas personas: & adversus eum, qui plus æperit, quadrupli penam constituit; & propter legem Voconiam, quæ foeminis hereditas legataque relicta mirum in modum coercerat, ne discederent nimis, & ex opulencia

superbirent nimis. Sed Lex Falcidia concedit liberam potestatem legandi quibuscunque, non distinguendo mares a foeminis. Secundo capite Legis Falcidiz constituitur modus legatorum, ut hæc non possint onerare hereditatem ultra dodrantem. Itaque ut leges Furia, & Voconia præstinebant, quantum singuli capere possent, ita lex Falcidia quantum universi.

Verum in filiis aucto legitime modo, auctus quoque Falcidiz modus est. Hodie namque uti legitima triens, vel semis est, pro numero filiorum, ita & Falcidiam trientem, vel semissem esse, testatur D. Hieronymus in *Chronico*, & Justinianus in *Novel. de hereditibus*, & Falcidia in *prim. secunda partis*. Scribit enim *vō trientem, & vō semissem Falcidiam esse, id est tertiam, vel quartam partem*: Neque est, quod quisquam dicat, Græcos veteres Codices habere *vō trientem quartam*: necesse enim est, utramque quartam ad eundem modum auctam esse. Quare & legitima quandoque sub Falcidiz nomine venit, *l. qua nuper, C. de inoff. test. l. quisquis, §. . . . C. ad l. Jul. Majest.* Ita Goveanus *1. variar. lect. 1.*

Sed fuere etiam alia legis Falcidiz capita, quæ Cujacius ad *tit. 49. C. lib. 6.* miratur non adnotari. I. Ut dos prælegata uxori, quia hæc rem suam recipit, sit extra rationem legis Falcidiz; item ea, quæ uxoris causa emta, comparata essent. Quod nominatim fuisse cautum lege Falcidia, constat ex *l. ususfruct. ff. cod. II.* Ut in potenda ratione legis Falcidiz in primis deducatur res alienum hereditatis, ut etiam deducenda sint pretia servorum, qui in testamento libertatem meruerunt, *l. successores, ff. cod.*

Multo post lex Falcidia ex constitutione Severi porrecta est ad donationes causa mortis; ex constitutione D. Pii ad fideicommissa relicta ab intestato, ut mox dicemus; ex Senatusconsulto Pegasiano porrecta est etiam ad fideicommissa universalia, ut scilicet heredes, qui restituerent rogatus est, non nisi dodrantem restituant, retento sibi quadrante, quæ vulgo quarta Trebellianica nuncupatur. Plurimum tamen inter utramque quartam distat; nam aliud heres sibi in Falcidiam imputat, aliud in Trebellianicam, quod docet Martianus hic; cujus æxus propterea tria somma capita reducit. In primo de imputatione Falcidiz agitur, in principio. In secundo de imputatione Trebellianicæ,

sibi :

ibi: *Sed in fideicommissaria*. In tertio item ad Falcidiam regreditur, ibi: *Si quid vero*.

In prima ergo parte Martianus hanc propositionem statuit: Heres legatis ultra dodrantem gravatus, in Falcidiam imputat ex tantum, quæ capit Jure hereditario, non quæ alio Jure capit. Ratio manifesta est, quia Falcidia est quarta hereditatis, & Jure hereditario capitur, *l. pater filiam, in princ. ff. cod.*

Ex qua propositione plura Martianus deducit. I. Quæ heres Jure legati, vel fideicommissi capit, non imputari in Falcidiam, ut est, cum duobus heredibus institutis, uni testator przlegat fundum, vel rogat, ut eidem per fideicommissum a coherede restituitur. Ubi notandum, non totum legatum extra imputationem esse, sed medietatem dumtaxat; nam fundi przlegati partem a se ipso capit, quasi heres, partem a coherede, ut legatarius, *l. Titia cum testam. §. 2. ff. de leg. 2. propterea Jure merito medietatem non imputabit, eam scilicet, quam ut legatarius accipit; imputabit vero medietatem alteram, quam Jure hereditario capit. Hæc eadem intelligas in fideicommissis; est enim lex Falcidia de legatis tantum in testamento relictis fuerit locuta, quia nondum fideicommissa in usu erant; tamen postea admixtis fideicommissis & Jure codicillorum, ad ea etiam ex Senatusconsulto Pegasiano porrecta est, §. *sed quia heredes, Instituitionibus de fideicommissis hered.* sicuti ex constitutione Severi porrecta est ad donationes causa mortis, *l. 5. ff. cod. l. 2. ff. de donationibus causa mortis*. Et consequenter lex Falcidia pertinet ad donationes factas inter virum & uxorem, quia instar habentur fideicommissi, vel donationis causa mortis, & morte sola confirmantur, *l. 12. ff. cod.**

Itaque coheres medietatem legati, aut fideicommissi, imputat in Falcidiam. Exemplum esto: testator mille & ducenta in ære habens, duos instituit heredes, quorum secundo przlegat fundum centum. Quoniam iste semissarius heres est, habebit sexcenta, & ejus quarta Falcidia est centum quinquaginta. Sed jam quinquaginta habet ex fundo sibi przlegato; quare potest ejus portio legati onerari usque ad quingenta; ita enim habebit quartam, & præterea quinquaginta alia ex altera medietate fundi, quam capit Jure legati. Non ita est de primo herede, qui, præter fundum przlegatum, non potest

onerari, nisi ad percentum quinquaginta, ut pater.

Ex dictis intelligimus textum in *l. a filio, ff. de leg. 1.* ubi si filiusfamilias Jussu patris adeat hereditatem, legatum patri relictum, imputatur ei in Falcidiam; hoc enim casum cum hereditas patri quæretur, pater, quod ei relictum est, non accipit Jure legati, quoniam id Jure consumitur per acquisitionem hereditatis, sed capit quasi hereditario Jure; igitur imputat in Falcidiam. Oppositum tamen videtur dici in *l. si a servo, ff. hoc. tit.* ubi acquisita per filium hereditate, quia jussit pater filium adire, legatum patri factum evanuit. Lex ait, *id legatum patri non imputari in Falcidiam, quia non debetur*.

Respondet Cujacius in *d. l. a filio*, Imputari in Falcidiam dupliciter accipi. Uno modo, cum numeratur inter ea, quæ minuantur per Falcidiam, ut in *l. 1. §. item si ita, & in l. si a me tibi, ff. cod.* Et ita accipitur in *d. l. si a servo*, cum dicitur legatum a filio relictum non imputari in Falcidiam, hoc est, Falcidiam non subire, quia legatum inutile est, seu non debetur. Altero modo imputari dicitur id, quod numeratur inter ea, quæ expleant quantam Falcidiam, & ita venit in *d. l. a filio*. Notandum tamen ex Justiniani constitutione in *l. cum oportet, C. de bonis, qua liber.* hoc esse aliquatenus mutatum; quia enim voluit, adventitiam hereditatem non acquiri patri Jure proprietatis, sed solum in quantum ad usufructum; propterea pater non fit heres per filium; unde fit, ut legatum ei relictum a filio, non reddatur inutile, & semper subjiciatur Falcidie.

II. Martianus deducit, id, quod implendæ conditionis causa heres accipit, in quantam Falcidiz non imputari; ut si legetur fundus Titio sub conditione, si heredi decem dederit. Illa decem legatarius solvit conditionis implendæ causa, & heres non accipit nec Jure legati, nec fideicommissi, sed generali titulo dicitur accipere mortis causa, hoc est, occasione mortis testatoris. Quia ergo non capit Jure hereditario, ideo in Falcidiam non imputatur.

Illud notandum est, si heres ultra dodrantem oneratus sit, totum fundum legatum subjici Falcidiz, non deducto eo, quod legatarius dedit conditionis implendæ causa, ut infra dicemus.

Ita e diverso, si heres sit institutus sub conditione, si dederit Titio decem, hæc Titius capies



capit non legati Jure, aut fideicommissi, sed mortis causa capionis, ex qua non subducitur Falcidia, l. item si legatum, l. exceptis, ff. eodem. Excepto calu l. pen. ff. cit. tit. quoties is, qui quadrangem habet in bonis, heredem instituit sub conditione, si dederit Titio 350. hoc est, esse hereditatem totam: quod manifestum est, eum adscripsisse studio fraudandæ legis Falcidiæ, ne heres haberet quadrantem integrum: quod studium olim improbatur, l. Scius, ff. cod. nondum enim lata erat Justiniani Novella, qua potest testator jubere, ne lex Falcidia in suo testamento locum habeat, auth. de heredib. & Falcidia.

Est hic animadvertendum, legata sive ab initio inutilia, sive caduca, acquiri heredi Jure hereditario, proinde quartam explere. Unde Papinianus in l. 11. in princ. ait, in ratione legis Falcidiæ retentiones omnis temporis heredi in quadrantem imputari, ubi vide Cujacium in §. si servus 1. & 4. Quocirca partus ancillarum ante diem fideicommissi editi, ad heredem pertinent, utpote dominium Quiritarium, sed in quartam, & quartæ fructus imputantur, l. 24. ff. cod. Sed hæc ad quartam Trebellianicam.

In secunda parte Martiani sermonem, inhiit de quarta Trebellianica, & propositionem statuit priori contrariam; ait enim: In fideicommissaria hereditate restituenda, sive legatum, sive fideicommissum datum est heredi, sive præcipere, vel deducere, vel retinere jussus est, in quartam id est imputetur. Ubi præcipere, deducere, & retinere ad legatum pertinent, l. 3. §. cum Pollidius, ff. de usur. Quocirca videtur addendum in textu, sive accipere jussus est; nam accipiendi verbum est fideicommissi, l. fideicommissa, §. cum esset, ff. de leg. 3. Ratio disparitatis inter utramque regulam est, quia, ut diximus, Falcidia defumitur Jure hereditario, & est quarta hereditatis; at Trebellianica est quarta fideicommissi, & Jure fideicommissario retinetur; quare recte in eam imputantur, quæ sumuntur quoquo modo ex bonis restitutioni, seu fideicommissio subjectis, sive quæcumque fideicommissum minuunt, ut sunt legata, & fideicommissa heredi gravata relictæ.

Huic propositioni unam restrictionem, & duas ampliationes Martianus subicit.

Restrictio est in illis verbis: Pro ea vero parte, quam accipit a coherede, extra quartam id est, quod a coherede accipitur. Quæ verba

Tom. I.

non uno modo a DD. explicantur. Accursius, quem Doctores communiter sequuntur, trahit ad id, quod supra dicebamus, prælegatum pro parte, quam quis a coherede accipit, in Falcidiam non imputari, pro alia vero parte, quam capit a se ipso, imputari: scilicet, ut id locum habeat, etiam in Trebellianica; nam si coheredi, qui fideicommissio gravatus est, quidpiam prælegatur, quod corpus, sive species sit, extra Trebellianicam esse censetur ea prælegati pars, quæ a coherede accipitur, non etiam altera, quam gravatus a se ipso capit. Quæ explicatio nullo modo recipi potest; non enim eadem est ratio Falcidiæ, & Trebellianicæ; nam in quartam Trebellianicam, si imputatur legatum, ut noster textus ait, utique imputari omnino debet etiam ea prælegati pars, quæ a coherede accipitur, cum Jure legati accipitur. Diversa ratio in Falcidia est, ubi extra quartam legata sunt, & propterea extra eandem quoque erit prælegati portio, quæ Jure legati a coherede venit.

Rectius ergo Cujacius in l. non amplius, ff. de leg. 1. prædicta verba non de prælegato capit, quod solvitur ex bonis testatoris, sed de legato, quod sumitur ex bonis coheredis, veluti si dictum sit, ut coheres equum suum coheredi gravato præstet; hic equus retinebitur a gravato extra quartam. Ratio ea videtur esse, quia in Trebellianicam imputantur, quæ sumuntur quoquo modo ex bonis restitutioni, id est, fideicommissio subjectis, non ex aliis; hic vero equus, quia præstatur ex bonis propriis coheredis, utique est extra bona fideicommissio subjecta; quare erit etiam extra Trebellianicam. Non ita est de prælegato, quod ex bonis testatoris defumitur, & aliquo modo videtur fideicommissio subjectum, quatenus est apud heredem gravatum ex bonis defuncti.

Ceterum licet postrema verba, Quod a coherede accipitur, videantur superflua, cum satis sint priora illa, Quam accipit a coherede; tamen hæc geminatio & conduplicatio fit dubitationis tollendæ gratia, ut alibi Ulpianus in l. 1. §. sed sciendam, ff. de adil. edicto. Ego puto, inquit, adiles tollenda dubitationis gratia bis dixisse, ne qua dubitatio supersisteret, Coraf. 2. misf. 17.

I. Productio est ex constitutione D. Pii, heredem gravatum restituere, accepta pecunia, exempli gratia, Acceptis a Marzio centum, hereditatem Marzio restituit, hanc sum-

H h

nam

nam in quartam imputare debere. Unde Doctores colligunt, non imputare, si gravatus sit restituere, accepta specie, veluti. Accepto a fideicommissario Stichio servo suo. Discriminis ratio varie assignatur. Sed ea omnium optima videtur, quia pecunia, prout in valore consistens, intelligitur deduci, & accipi ex ipsis bonis hereditariis, quod de specie intelligi nequit, ut patet ex Papiniano in l. deducta, §. nummis, ff. ad Trebell. ubi hoc rescriptum D. Hadriano adscribitur, ut etiam in l. acceptis, ff. hoc tit. Vide Cujacium ad Papinianum 9. responsum in d. §. nummis. Non dissimiliter rescriptum, quod D. Pio tribuitur in l. qui centum, §. si de vi, ff. ad l. Jul. de vi publ. adscribitur D. Hadriano in l. si de vi, ff. de iudiciis.

II. Productio est, ut in quartam imputetur quod implendae conditionis causa sumitur ex bonis ejus, cui restitutio fit, nempe quia tanquam fideicommissum dari videtur. Id tamen dupliciter Cujatio 8. obs. 4. ex l. in ratione 30. §. tametsi, ff. cod. ubi ut in quartam, quae ex legatis, ita in quartam, quae ex fideicommissis hereditatis deducitur, hereditatis conditionis implendae causa non imputantur. Quare ipse verba illa nostri textus, Sed & quod implenda, &c. ubi contrarium dicitur, suppositura esse ait, & merito a Basilicis, & a Pandectis Florentinosis abesse. Sed non est a vulgata lectione recedendum, praefertim quia textus in d. §. tametsi, expresse de sola Falcidia loquitur, non etiam de Trebellianica in illis verbis: Tametsi autem in legis Falcidia ratione, qua conditionis implenda causa heredi sunt data, in quartam non compententur. Itaque rectius idem Cujacius in l. non amplius in princ. ff. de leg. 1. nostri textus sententiam recipit, & ea ratione firmat, quia quod datur heredi a fideicommissario universali, videtur proficisci ex ipsis rebus, quibus restituntur; nam fideicommissarius videtur erogare, aut praerogare quod accipit, aut accepturus est; ut ipsius verba sunt.

In tertia tandem parte Martianus regreditur ad legem Falcidiam, & speciatim ad eum casum, ubi legatur Titio fundus, si heredi decem dederit; & notat totum fundum, qui legatus est, subijci Falcidiae, non deductis decem, quae legatarius dedit conditionis implendae causa. Concordat textus in *L. au veterans in fine*, & in l. si servus legatus, ff. cod.

Obstat tamen textus in d. l. non amplius in

princ. ubi id tantum videtur legatum, quod superest, deducto eo, quod legatarius dedit conditionis implendae causa; ut si legatus sit fundus centum, hoc est, qui dignus erat centum, sub conditione si daret decem, nonaginta tantum videtur legata. Ergo non totus fundus, seu centum, sed tantum nonaginta subijciuntur Falcidiae.

Respondendum est, in d. l. non amplius sermonem de Falcidia non haberi, nec eo trahi posse; & aliud omnino ibi Pomponium vellet: est enim ejus legis species ponenda ex Paulo in l. Crustatibus, §. ult. ff. de leg. 1. Nempe legavit quis fundum dignum centum, sub conditione si heredi centum daret. Hoc amplius, a legatario eodem fideicommissum reliquit extraneo. Legatarius accepit suum datis centum; nam plerumque legatarius mavult habere fundum, quam centum, quamvis tantum sit in pretio fundi, quantum dare Iustus est, ut si fundus sit majorum, vel si in eo sit educatus, vel ob aliam quamlibet commoditatem. Queritur, an legatarius praeterea teneatur fideicommissum praestare? Et negatur, Quoniam, ut ait Paulus, nihil ex testamento videtur capere, qui tantum erogat, quantum accipit, Cujus rationis ratio redditur a Pomponio, quia non amplius videtur legatum, quam quod superest, deducto eo, quod implendae conditionis causa datum est.

Alia, quae possent adduci, praetereo, spatiis exclusus iniquis.

Ad lib. 6. Codicis, Tit. 9. Qui admitti ad bonorum possessionem possunt, & intra quod tempus.

Iustinianus in suo Cod. acturus de successione legatorum, quod & vel Jure Pratorio deferantur, vel Jure civili, congruum putavit a Jure Pratorio ordiri, id est, a bonorum possessione, quamvis id Jus posterius sit Jure civili, secus ac facit in Pandectis, & in Institutionibus, ubi successionebus de Jure Pratorio eas praemittit, quae de Jure civili sunt. Quem ordinem servavit in Cod. occasione bonorum possessionis, quae datur in bonis libertorum, de quibus libertis jam antea egerat, ut notat Accursius hic, quem Doctores communiter sequuntur. Aget enim Iustinianus de bonorum possessione contra tabulas liberti; infra tit. 53. Hujus ergo occasione generatim de bonorum possessione tractat.

Differen inter utrumque Jus est, quod Jus civile facit heredem, seu dominum, Jus prætorium facit bonorum possessorem; etsi enim Prætoris edicta non modicam obtineant Juris auctoritatem, § *Prætorum, institutionibus de Jure naturali*; tamen Jus civile latum a populo immutare non possunt, quia minorem populo Prætor potestatem habet, qui propterea Juris civilis Custos dicitur a Cicerone 3. de *legibus*, illis verbis: *Juris disceptator, qui privata judicet, judicare jubet, Prætor esto. Is Juris civilis Custos esto. Huic potestati pareto*. Itaque edicta vim legis non habent, ut constat ex §. *quos autem, Institutionibus de bonorum possessionibus*; cum dicitur, Prætozem per bonorum possessionem heredem non facere; quia per leges, & similes constitutiones heredes fiunt.

Quoniam vero Jus civile sæpe durum est, & quosdam ab hereditate nimis rigore excludit, ut exempli gratia, filium emancipatum; ideo Prætor, cui proposita æquitas est, eosdem ad successionem vocat, non quidem faciendo heredes, & Dominos, sed tribuendo bonorum possessionem; qua æquitate summum Jus molliuit, *argumento ex l. quod si Ephesi, §. fin. ff. de eo, quod certo loco*; cum enim lex scripta semper vivat, legislator moriatur, tales interdum observantur casus ex varietate præsertim temporum, & morum, ut legislator ipse, si viveret, aliter, atque aliter statueret. Mortui ergo legislatoris vicem substat Prætor, & Jus prætorium est quasi viva vox Juris civilis, *nam & ipsum, ff. de justitia*. Quocirca adjuvat, supplet, & corrigit, seu verius emollit Jus civile propter publicam utilitatem; *l. 7. ff. de iur. ut eleganter explicat Raynaldus Corlius 3. Ambig. 4.*

Quamvis autem in Jure multæ sint differentie inter heredem, & bonorum possessorem, ut videbimus; tamen effectu bonorum possessor similis est heredi, *l. vel similem, ff. de alienat. judicii mutandi causa*; adeo ut aliquando bonorum possessor vocetur heres, præcise, id est, quasi heres, *l. in conditionibus, §. si patronus, ff. de conditionibus, & demonstrationibus. l. heredisatis, ff. de verb. signif.*

Ceterum, ut quæ notatu digna in præsentii titulo occurrant, recte percipi possint, sequentia notanda sunt.

I. Bonorum possessiones ad duo summa

capita reducuntur, una Edictalis, altera Decretalis, *l. 2. §. decretalis, ff. de successorio edicto*; quatum prior ordinaria est, posterior extraordinaria, *l. 3. §. ult. ff. de Carbon. edicto, l. filium, §. si quis contra ff. de legatis præstandis*.

Edictalis est, quam ex edicto Prætor dat. In quo edicto prius proponitur ea bonorum possessio, quæ est contra voluntatem testatoris, & contra tabulas, & contra lignum appellatur, *l. 2. in princ. ff. de bonorum poss. secundum tabulas*; quare etiam in Jure nostro sæpe beneficium bonorum possessionis contra tabulas appellatur primum edictum, aut prima pars edicti, *l. 4. l. scriptus, ff. de Carb. edicto, l. 2. l. filius 42. §. cum filius, ff. de bonis l. herorum*. Et hic etiam ordo in Pandectis servatur, contra quam fit in nostro Codice, ubi perturbate primo loca ponitur titulus de bonorum possessione secundum tabulas, de qua in secundo edicto agebatur.

Edictalis quoque est bonorum possessio, quæ ab intestato deferitur. Et hoc edictum quatuor habet partes. Prima pars ab intestato vocat liberos suos, & non suos. Secunda pars vocat legitimis. Tertia cognatos. Quarta pars, quæ dicitur edictum successorium, habet, ut liberi, vel cognati, qui primum gradum obinent, si omittant, aut repudient successionem, eam transmittant ad sequentem gradum. Hodie ex nova constitutione Justiniani in *l. 4. C. de bonis libertorum*, huic edicto etiam in Jure legitimorum locus est.

E contrario Decretalis bonorum possessio est, quæ ex decreto datur, deficiente edicto, ut Carboniana bonorum possessio, & quæ datur furioso; ex edicto enim nulla ex parte deferitur furiosis bonorum possessio; ex decreto tamen curator furiosi datur bonorum possessio, sed præstita cautione bona reddendi sequentis gradus cognato, si ille in furore moriatur, *liberos furiosi, ff. de petit. hered. l. ult. §. fin. autem ex alin. C. de curatore furiosi*. Ita quoque est, quæ datur de bonis captivi nondum mortui, & de ventre in possessionem mittendo.

Horum plures differentie sunt. Nam primo Edictalis datur de plano, quocunque die Decretalis datur diebus sessionum, scilicet, quibus Prætor sedet pro tribunali. Unde fit, quod etsi dies petendæ utriusque bonorum possessionis utiles sint, tamen in Edictali computantur etiam dies, in quibus Prætor non

H h 2 sedet,

feder, secus quam in Decretali, ubi sessiones tantum computantur, l. 2. §. dies, ff. quis ordo in bonorum possessione.

Deinde Edictalis datur siue causæ cognitione: Decretalis causa cognita. Quare ex Carboniano edicto impuberi, cui de filiatione, vel de statu controversia sit, bonorum possessio non datur, nisi postquam summam hinc inde ab impubere, & ab adversariis coram Prætoribus prolata, ambiguum causam faciant; hoc enim est dari causam cognita, l. 3. §. causa, ff. de Carb. edicto.

Tandem Edictalis repudiari potest: Decretalis nunquam. Cur ita? quoniam quod delatum est, id duntaxat repudiatur, non quod acquisitum est. At Decretalis eodem momento desertur & acquiritur, scilicet, dum decernitur, desertur simul, & acquiritur. Igitur non potest repudiari; nam nullum est medium tempus. At Edictalis alio tempore desertur, alio datur, & acquiritur. Itaque intermedio tempore potest repudiari, d. l. 1. §. decretalis.

II. Recte a filiofamilias, etiam ignorante patre, petitur bonorum possessio sibi delata, l. 1. hoc sit, ita tamen, ut emolumentum deinde acquiratur patri, si petitionem ratam habuerit, l. 6. ff. de acqu. hered. l. ult. ff. quis ordo in bonorum possessione servetur; ita quoque ratihabito cujuscumque latas est, cui absentis, vel ignorantis fuerit petita, dataque bonorum possessio, l. 3. §. acquirere, ff. de bonorum possessionibus, l. servo, §. 1. ff. ad Trebell. l. 7. & per. ff. rem ratam haberi.

Sed quæres, quid Juris sit, si patris ratihabito non sequatur? Et distinguendum est inter Jus vetus, & novum; quippe Jure Digestorum inutilis redditur bonorum possessionis petitio, quam postea ratam non habuerit pater, l. ult. §. per. ff. quis ordo in bonorum possessione. At Jure Codicis utilis est, & proficit filio pleno Jure, hoc est, tam respectu proprietatis, quam usufructus; non enim eorum bonorum, quamvis adventitia sint, usufructus ad patrem pertinet, l. ult. §. 1. C. de bonis, quæ liberis.

Quæres etiam, cur ratihabito patris in acquirenda bonorum possessione sit latis, cum e contrario Jussus patris omnino præcedere oporteat in acquirenda hereditate, l. si quis mihi bona, §. jussum, ff. de acqu. hereditate? Respondet Accursius hic differentie rationem pendere a discrimine Juris civilis, & prætorii; quan-

doquidem bonorum possessio de Jure prætorio est, quod Jus civile, & moderatum est, & ratihabitionem comparat Jussui, & mandato; & si Jussus non præcedat, ratihabitione contentum est. Non ita de hereditate, quæ de Jure civili est, cujus est rigor, scrupulositas, & solemnitas nimia.

Quæres tamen, si filius non petat bonorum possessionem intra constituta tempora, computanda ex quo die patrem certiorare potuit, quid fiat? Et ex d. l. 1. habetur, utrumque, scilicet patrem, & filium amittere commodum bonorum possessionis. Nam scientia filii, & negligentia, patri ignorantis nocet, quia, ut ait Cujacius hic, filius est principalis persona, cui desert ut bonorum possessio: & scientia principalis non modo ei nocet, sed & cunctis alii, l. 2. ff. de litigios. Et contrario scientia patris in hac specie, ignorantis filio non nocet, quia filius est principalis persona, cui successio delata est, l. 3. ff. quis ordo in bonorum possessione.

III. Facile a Prætoribus alii admittuntur ad petendam bonorum possessionem nomine alterius, quamvis secus sit in hereditate; nam tutor non potest adire hereditatem nomine pupilli, qui major infante sit, l. posuit, ff. de Jure delib. l. servo invito, §. si pupillo, ff. ad Trebell. Et contrario idem tutor potest petere bonorum possessionem pupilli nomine, l. servus bonorum, ff. de bonorum possessionibus. Quod etiam a diversitate Juris civilis, & prætorii dependet.

Quia impubes nec bonorum possessionem admittit, nec iudicium sine tutoris auctoritate accipere poterat, d. l. servus. Hodie tamen admittitur sine tutore, auctoritate solius Judicis non ignorantis ejus ætatem, qui petit bonorum possessionem, ut hic l. 7.

Ita quoque pater infantis nomine, cum infans sibi petere non possit, ad bonorum possessionem petendam admittitur, d. l. servus, juncta l. 3. hic, in qua præterea habetur, mortuo infante, recte bonorum possessionem competere, hoc est, actionem transferri in heredem infantis. Concordat textus in l. 2. §. sed si infanti, ff. ad Trebell. l. si infanti, C. de Jure delib.

IV. Petitio bonorum possessionis temporalis est; nam agnatis, cognatis, viro & uxori, constituti sunt dies 100. utiles; liberis, & parentibus largius tempus tribuitur, nempe annus utilis. Qua in re etiam est differentia inter Jus civile & prætorium. Nam Jus præ-

terea

testae hereditatis (quo tenetur qui pro herede, vel pro possessore bona defuncti possidet) perpetuum est, nulloque tempore circumscriptur. At hodie ex constitutione Theodosii Magni omnes actiones, quae perpetuae olim erant, praescriptione 30. annorum tolluntur, quam praescriptionem Cassiodorus 3. *variatarum* 37. *humano generi patronam* dicit, quia per eam Theodosius humano generi quietem paravit, ne quis scilicet quemquam post tot annorum spatium inquietaret.

Hujus praescriptionis (ut id obiter moneam) auctorem Cujacius ad *lib. 7. C. tit. 39.* facit Theodosium Magnum ex Novella Valentiniani, & Theodosii Junioris de 30. annorum praescriptione omnibus causis opponenda, ubi hoc Jus, ut silentio tricennii omnis actio perimatur, Valentinianus tribuit Theodosio patri suo. Non ergo Theodosio Juniori collegae suo, sed Theodosio Magno: namque solent Imperatores Antecessores suos appellare Patres, pio & augusto nomine, licet non fuerint eis parentes, ut in eadem Novella Valentinianus Honorum vocat Patrem suum, qui ei fuit avunculus. Mirum tamen est, quod Alexander III. in *cap. vigilanti, de praescriptionibus*, scribit praescriptionem tricennii primum introduxisse Ephesium legislatorem: vel ut est in *II. Tomo Conciliorum, sub Alex. III.* Euphegium Patrum Originis.

Ceterum spatium tricennii, quod pro petenda hereditate tribuitur, continuum est, ceditque etiam ignoranti. Non ita est de temporibus constitutis ad petendam bonorum possessionem, quae utilia sunt, & ignorant factum non cedunt, *l. pen. hoc tit.* quam frustra emendat Cujacius hic, & *17. obs. 19.* ut si ignorat quis mortem cognati sui, se heredem scriptum esse, vel ignorat sibi Jus cognationis cum defuncto fuisse. At e contrario cedunt ignorantibus Jus, etiam mulieri, ut si sit soror defuncti, & putet sibi amitam ejusdem praescribi, atque ita sinat abire 100. dies, nec bonorum possessionem petat, *l. Juris, hoc tit.* Semper enim verum est in lucro Juris ignorantiam mulieri non prodesse, maxime si Jurisconsulti habuerit copiam, *l. 3. ff. de Juris facti ignor. l. ult. C. qui petant tutores.* Eodem modo nec rusticus in lucro prodest Juris ignorantia, si Jurisconsultum consulere potuit, quamvis vulgo rusticus Juris ignari sint. *Hoemer. Odyss. 9.*

*ἀγνοῦν νόμον ἢ νόμον ἐν δίκῃ.*

V. Dare bonorum possessionem est mixti imperii, *l. imperium, ff. de Jurisd. omnium Judicum*, hoc est Jurisdictionis, cui admissum imperium sit. Praetor enim, cum bonorum possessionem decernit, Jus dicit, & contra eum, qui non patet, modica coercitione utitur; non enim Jurisdictio sine modica coercitione explicari potest, ut est fustium & flagellorum castigatio non atrox, pignoris capio, corporis retentio, & multa dictio, *d. l. imperium.* Harmenopolus tamen 1. *Prochiri 4. schol. l. dare bonorum possessionem Jurisdictionis* esse scribit, quem sequuntur Longovallius, Faber, alique, qui textum in *d. l. imperium* varie emendare conantur. Sed facile est haec concordare; Praetor enim non inodopetenti bonorum possessionem tribuit, sed praeterea possessionem bonorum illud in Jure continetur, hoc in facto, illud se habet, ut causam, hoc ut effectum. Utriusque rei complexus mixti imperii est, & ita intelligendus textus in *d. l. imperium.* Prius illud est Jurisdictionis, de quo locutus est Harmenopolus, prout latius a nobis alibi explicatum est.

Quoniam ergo datio bonorum possessionis mixti imperii est, ideo dabat eam Praetor in Urbe; Praeses in Provincia. Vide Cujacium 4. *obs. 5.* At ex constitutione Constantini hic in *l. ult. hodie potestas est cujuscumque Judicis etiam Duumvirum.* Constituunt Duumviri Magistratum municipalem, & suat in Civitatibus loco Consulum Urbanorum, ut Defensores Civitatum instar Tribunalium plebis, cum & Defensores plebis dicantur, *l. 4. C. de defensoribus Civitatum l. 1. C. de officio Judicis Alexandria.* Et demum Curia est loco Senatus. Quamvis autem certum sit de Duumviris eos esse sine imperio, sine Jure gladii, *l. nec Magistratibus, ff. de injuriis*, habent tamen coercitionem modicam, alioquin inanis esset eorum Jurisdictio, *l. eos qui, ff. de deusionibus.* Hac ergo de causa possunt & ipsi bonorum possessionem tribuere.

VI. Jure veteri petitio, datioque bonorum possessionis fiebat solemniter verbis conceptis, seu, ut loquantur, formalibus, & typicis. Deinde Constantinus in *d. l. ult. jussit*, qualemcumque testationem sufficere ad acquirendam bonorum possessionem factam coram Judice intra tempora constituta, & eam testationem cedere pro solemnī petitione. Sed post Constantinum plus est, quod adjectum

cerunt Theodosius, & Valentinianus, ut etiam citra testamentum illam possit admitti, & acquirit bonorum possessio quocumque indicio, seu actu, quo quis demonstrat se esse bonorum possessorem. l. 1. C. Theod. de cretione, vel bonor. poss. quod & Justinianus probat in §. ult. Institutionibus de bonorum possessionibus. Et hoc Jure utimur, teste Cujacio hic in fine.

*Ad lib. 6. C. tit. 10. Quando non petentium partes petentibus accrescant.*

**S**UB hoc titulo una tantum constitutio habetur, quæ est Gordiani Imperatoris, & in ea agitur de Jure accrescendi, quod versatur inter plures eodem gradu existentes, quibus cum delata sit bonorum possessio siue ex testamento, siue ab intestato, eam tamen nonnulli non petunt, vel non admittunt; tunc enim ceteris petentibus, vel admittentibus accrescit; quippe plures in eodem gradu ad eandem bonorum possessionem vocati, habentur tanquam legali conjunctione conjuncti, & unum quasi corpus efficiunt, l. si ex pluribus ff. de suis & legit. l. 1. §. si cum 2. ff. ad Tertull. Propterea inter eos locum habet Jus accrescendi, ex l. 3. §. ult. cum 2. ll. seqq. ff. de bonorum possessionibus. Et hic in nostro tit. ubi cum dicitur partes non petentium accrescere petentibus, id ita capiendum est, ut accrescant petentibus non ratione personarum, sed ratione rei, ut recte Baldus hic notat; hoc enim discrimen versatur inter Jus accrescendi reale, & personale, quod personale accrescit personæ, reale vero, de quo hic agitur, accrescat rei, seu portioni.

Varie a DD. nostræ legis species ponitur. Et varias prius pro explicandis verbis illis, *Cessante legitima successione*. Et Accursius ponit speciem in matre, cui liberi succedant. Quod improbat Cujacius hic, quia matri liberi sunt legitimi successores ex Senatusconsulto Orphiciano, licet cognati, non agnati sint; heredes enim facit non tantum lex, sed etiam Senatusconsultum, & Constitutio Principis. Solus Prætor is est, qui non facit heredem, sed bonorum possessorem.

Itaque Cujacius legem nostram de filiis emancipatis intelligit, quos lex ad hereditatem patris non vocat, pro legitimis heredibus non habet, l. sed cum patrono, §. 1. ff. de bonorum possessionibus, sed ex Prætoris be-

neficio admittuntur ad bonorum possessionem. Unde liberi. Uno ergo ex his bonorum possessionem non petente intra annum statutum, ceteris, qui petierunt, illius portio accrescit.

Alii aliter exponunt. Videtur tamen dicendum, Gordianum generatim accipi debere de omnibus liberis, qui vel beneficio Prætoris indigent, ut filii emancipati, vel eo uti velint, ut filii in potestate: quamvis enim bonorum possessio secundum tabulas, & unde liberi, introductæ a Prætore sint pro tuendis filiis emancipatis, quos Jus civile a successione parentum excludit, porrectæ tamen sunt ad filios etiam in potestate constitutos; quibus etsi necessaria non sit bonorum possessio, tamen non inutilis est, ut etiam est de bonorum possessione contra tabulas, ob rationes, quas afferuntur in Institutionibus de bonorum possessionibus.

Sed quaeritur I. Utrum non petentium partes accrescant petentibus ipso Jure, sine nova agnitione, & petitione?

Et duos casus Accursius distinguit. Prior est, si plures eodem Jure vocentur, ut si sint plures filii, quorum alii admittant bonorum possessionem, alii non admittant; iis, qui admiserunt, ceterorum deficientium portio accrescit ipso Jure, & tacito sensu, l. servus communis, ff. de aeq. hered. l. 2. §. si duo, ff. de bonorum possess. secundum tabulas, ubi dicitur ita bonorum possessionem ipso Jure accrescere, sicuti accrescit ipso Jure hereditas, l. si ita scriptum, in princ. ff. eis. ut. ubi Accurs. v. *Quæ exstante.*

Posterior est, si vocentur diverso Jure, quo casu nova petitione opus est. Fiage. Libertus condito testamento, scripsit heredem Titium, præterito patrono. Deinde testamentum factum est irritum per capitis diminutionem; quæ tamen ante mortem cessavit. Mortuo ergo liberto, Titio competit bonorum possessio secundum tabulas; non enim spectat Prætor an testamentum irritum factum sit medio tempore inter testamentum & mortem, l. 1. §. sed etsi quis, ff. de bonorum possessione secundum tab. l. consuevit, §. si post, ff. de Jure Codicill. Sed ei satis est, ut obligata sit tabulæ non minus, quam 7. testamentum signis, l. cum tabulæ, ff. de bonorum possessione, secundum tabul. Cicero in Prætura Urbana. E contrario patrono præterito deservit bonorum possessio contra tabulas ad portionem.

nem legitimam, hoc est trientem, l. 6. ff. de bonorum possessionibus. Sed si accidat heredem scriptum bonorum possessionem secundum tabulas non petere, patronus, qui petit jam bonorum possessionem contra tabulas in trientem, potest denuo nominatim ejus quoque partis, quam heres scriptus amplecti voluit, bonorum possessionem petere. Et sic bis petit, l. sed cum patrono, in princ. ff. de bon. poss. session.

Verum dicendum est, semper partem non petentis ipso Jure accrescere petenti sine nova agnitione, quia nunquam Jus accrescendi est, nisi inter eos, qui eodem Jure innituntur, l. siue, §. duobus, ff. de Jure patronatus. Cui decisioni favet textus in d. l. sed cum patrono, tantum abest, ut illi contrarius sit; quippe in eo aperte dicitur, eos, quibus accrescendi Jus est, semel debere agnoscere bonorum possessionem; & additur, patronum in specie proposita ideo bis petere, quia non consequitur partem heredis scripti Jure accrescendi, sed tantum ex beneficio Prætoris, qui eum ad novam possessionem vocat, si præmature petit aliam, herede scripto deliberante.

Notemus enim oportet, bonorum possessionem contra tabulas patrono præterito cum re & effectu non dari, antequam heres scriptus adierit, l. illud, in princ. ff. de bonorum poss. contra tab. l. 3. §. ut patronus, ff. de bonis libert. quamvis aliud sit de filio præterito, cui datur contra lignum, etiam herede scripto, herede adhuc non existente, l. quod vulgo, ff. de bonor. poss. contra tabulas. Igitur deliberante herede scripto, si patronus præmature petat bonorum possessionem, petitio erit sine re; adeo ut herede scripto postea repudiante, necesse sit denuo patrono petere bonorum possessionem totius assis. Ita totum obtinebit beneficio Prætoris per bonorum possessionem, non Jure accrescendi; nam Jus accrescendi ipso Jure procedit, nec auxilium desiderat novum, Cujac. hic.

Quæritur II. an invito accrescat?

Et facilis responsio est, accrescere invito, nam quibus ipso Jure accrescit, utique invitis accrescit. Nam qui illud dicit, & hoc etiam dicit; suntque hæc duo in Jure nostro connexa, & copulata, l. un. §. his ita definitis, C. de caduc. tollit. qui ex duobus, §. ult. ff. de acq. hered. Ratio dependet ex dictis, nempe quia conjuncti unum quasi corpus efficiunt, pro una persona habentur.

Excipe I. in servo; si enim servus alienus ex parte institutus heres pure sit, & coheres ex parte sub conditione, & servus ex pura institutione adiit Jussu Domini, & deinde non extitit conditio, utique pars coheredis non accrescit invito, nec ipso Jure, sed iterum Jussu Domini adendum est, l. si solus, §. ult. ff. acq. hered. Ratio est, quia Dominus per servum ivitus onerari non debet; quare secus est, si tempore conditionis non impletæ servus reperitur manumissus; accrescet enim Domino invito, & ipso Jure, l. si quis heres, ff. cit. tit. ubi id ipsum ad filiumfamilias extenditur. Vide Santolarium interpretat. 9. §. 4.

Neque obstat textus in l. cum filio 3. ff. de vulg. ubi excluditur Dominus a portione, in qua substitutus servus coheres fuerat, nam ibi solum excluditur ex Jure substitutionis.

II. Si pars coheredis accrescat, quia deficit post aditam ab ipso coherede hereditatem. Exemplum esto. Duo sunt coheredes, quorum unus minor ætate est, & uterque adiit hereditatem pro sua parte. At deinde minor se abstulit beneficio restitutionis in integrum, ejus portio coheredi invito non accrescit, sed creditoribus defuncti tribuitur, ut ex constitutione D. Severi statutum est, l. si minor ff. cit. tit. Ratio est, quia hic proprie Jus accrescendi non est; nam semel acquisita portio non accrescit consorti, excepto usufructu, l. 1. §. interdum, ff. de usufruct. acq. l. aquam, §. ult. ff. quemadmodum servitus amitt. Quia igitur jam portionem suam acquisiverat minor, non defertur coheredi proprie per Jus accrescendi, minore in integrum restituto, quia acquisitione perimitur Jus accrescendi. Hinc ergo accrescit volenti, non invito. Eadem de causa Justinianus in auth. de hereditib. & Faleg. §. si quis autem non implet, statuit, ut si heres, qui adiit, non exequatur voluntatem defuncti, portio ejus accrescat coheredi volenti, non invito.

E contrario substitutio interdum procedit contra invivum.

I. In specie textus in l. si quis heres 35. ff. de acq. hered. Species est: Duos quis sibi instituit heredes, Primum, & Secundum, & Secundo Primum substituit vulganter. Mortuo testatore, Primus adiit hereditatem, vel pro herede se gessit, repudiante Secundo. At Ulpianus de Primo: Erit heres ex causa quoque substiti-

*substitutionis: quoniam invito quoque ei accrescit portio. Ratio dependet ex duobus. Primo, quia heres in eo casu nequit coheredi succedere Jure accrescendi; nam quoties Jus accrescendi concurret cum Jure substitutionis, Jus substitutionis ut potentius prævalet, l. 2. §. pen. ff. de bonor. poss. secund. tab. Duarenus 2. de Jure accrescendi. 16. Ex altera parte nequit heres a portione coheredis non adeuntis abstinere, ne testator partem intestatus decedat, contra regulam l. Jus nostrum, ff. de reg. Jur. Inde fit, ut heres iste coheredi, cui est substitutus, succedat non alio Jure quam substitutionis, & succedat invitatus.*

II. Est in *l. pen. vers. sed si ego, ff. de injurto rupto. Quidam exheredato postumo, me & Titium instituit: deinde non reciproce substituit, non exheredato a gradu substitutionis postumo. Mortuo, vel repudiante coheredem meo, si ego adeo, ex asse heres ero, ut ibi Scævola ait, hoc est, mihi etiam invito pars coheredis deficientis acquireretur Jure substitutionis. Ratio dubitandi erat, quia coherede meo repudiante, vel mortuo, sit locus substitutioni, a quo gradu postumus non est exheredatus, sed præteritus. Quare gradus substitutionis rumpitur; & propterea rumpitur etiam gradus institutionis; non enim potest testamentum rumpi in gradu substitutionis, quin rumpatur in gradu institutionis, cum testamentum sit individuum, d. l. pen. in princ. Ratio decidendi est, quia quando coheredes instituti, ipsi etiam sunt substituti, iidem suar in utroque gradu comprehensi, & sufficit exheredationem fieri a solo gradu institutionis. Nempe quia gradus substitutionis eo casu est quali appendix præcedentis institutionis, d. l. pen. in fin. Et ambo unus gradus censetur, argum. l. 1. §. id quod, ff. ad l. Falc. Doctrina est Imper. Antonini in l. 1. §. 1. C. de liber. præteritis, dicentis ab uno tantum gradu factam exheredationem, quo casu iidem, qui instituti sunt, substitutosque, censi factam ab omnibus gradibus, quia nulla ratio reddi potest, cur videatur testator in unum tantum casum exheredasse, Valentin lib. 1. trafl. 2. cap. 2. Itaque coheres succedit, non ex Jure accrescendi, sed ex substitutione, quæ potentior est; & succedit invitatus, ne testator pro parte intestatus sit.*

III. Est in *l. qui patri 59. ff. de acq. hered. ubi qui patri heres exstitit, si idem filio impuberi substitutus est, pupillo quoque neces-*

*sario heres erit. Idem habetur in l. si pupillus 52. in princip. vers. ceterum. Nempe quia hoc testamentum unicum est; quare si necessario heres non esset, pro parte successio esset ab intestato. Quod si ponas, heredem mortuum vivo pupillo, deinde pupillum impuberem decessisse; tunc heredis heres pupilli quoque hereditatem acquireret, sed alio Jure, nempe Jure accrescendi, ut in d. l. qui patri. Neratius docet, Fab. der. 100. err. 10. Donellus in l. quidam 20. num. 2. C. de Jure delib.*

Queritur III. pro qua parte portio deficientis accrescat singulis?

Respondet Accursius, accrescere pro rata parte ejus, quod eis competuit, sive pro prius admittentibus, ut probatur ex *l. i. ff. de impub. & aliis, & melius ex l. 66. ff. de hered. instit. & l. Mavio, ff. de leg. 2. Nec nos moveat, quod Justinianus in l. un. §. ubi autem, & §. sed ut manifestetur, C. de ead. inst. dicat accrescere pro virili portione; nam virilis etiam portio aliquando significat ratam, sive æqualem, sive inæqualem l. 1. C. unde liberi, §. ult. Institutionibus de inoff. testament. Ita in d. l. un. recte notant Accursius, & Cujacius, ille in d. §. sed ut manifestetur, hic in §. ubi autem legatarii; ut quemadmodum heredes inter se pro partibus hereditatis accrescit, ita etiam accrescat bonorum possessoribus pro rata: nec sit in hac regula differentia inter coheredes, & bonorum possessores. Idipsum de collegatariis est ex d. l. Mavio.*

Quoniam ergo Jus accrescendi inter heredes locum habet iam ex testamento, quam ab intestato, constat falsissimum esse, quod vulgo Interpretes docent, nempe rationem Juris accrescendi inter coheredes esse, ne aliqui pro parte quis testatus, pro parte intestatus decessisse videatur. Verius est, quod ait Faber der. 100. err. ult. eam nasci ex individuitate, vel hereditatis, vel iudicii defuncti.

Obstare tamen videtur Neratius in *l. qui patri, ff. de acq. hered. quam Fabro Valentinæ opposuit, ubi ait, Eum, qui patri heres exstitit, si idem filio impuberi substitutus est, non posse filii hereditatem prætermittere; adeo ut etiam si vivo pupillo mortuus erit, deinde pupillus impubes decesserit, is qui heres exstitit patri, pupillo quoque sit heres necessario. Idque Neratius a Jure accrescendi ratione pendere testatur. Hic autem sunt duæ hereditates,*



tates, patris una, altera filii, quamvis unicuique sit testamentum, vel saltem loco unius, *l. p<sup>er</sup>u. ff. testamenta quemadmodum aperiuntur*. Sunt itidem duæ personæ: quippe nemo dixerit, patrisfamilias, & filii impubers post patrem defuncti unicam esse personam, licet quamdiu pater vixerit ob vinculum patris potestatis pro una habeatur, *l. Imperator, ff. ad Trebell.* Non ergo ex hereditatis, ut ita dicam, individuitate, neque ex unius personæ individuae representatione, oritur Jus accrescendi inter coheredes.

Augetur difficultas, quia a Neratio casus ille tractatur, quo pupillus fuit a patre exheredatus. In quo differt casus ille Neratii ab eo, de quo Ulpianus in *l. sed si pluri*, §. filio impuberi, *ff. de vulgari*, ubi agitur de substituto dato impuberi, qui ipse patri heres extiterit, & post acquisitam patris hereditatem decesserit, ut & in *l. paterfam. ff. de reb. auctoritate iudicis possidentis*. Nihil autem eo casu commune habet hereditas pupilli cum paterna.

Respondet Faber, quod licet patris, & impuberis filii duæ semper & omni casu sint hereditates, tamen ex unico iudicio patris substituentis dependent, ob quam causam unicam testamentum esse dicitur. Et ex Juris regula eorum, quæ supremi iudicii sunt, divisio fieri non potest, *l. 4. & l. 5. §. 1. ff. de legat. 2. l. cum qui, in fine, ff. de his qua us indignis*. Quoniam ergo ex unico & individuo defuncti iudicio utraque hereditas defertur, ideo patris heres, filii pupilli, cui est substitutus, hereditatem etiam invictus acquirit Jure accrescendi. Ex his concludit Faber, Jus accrescendi semper nasci ex individuitate aliqua, sed non ex eadem semper: nimirum ex individuitate hereditatis, si de unica hereditate agamus: ex individuitate etiam iudicii, si de pluribus hereditatibus, ut in casu Neratii.

Ita explicandus est Ulpianus in *l. cogi*, §. si quis heres, *ff. ad Trebell.* ubi heres rogatus fuit restituere partem hereditatis, si coactus ex Trebelliano adiit, tota hereditas in fideicommissarium transit.

F I N I S.

2510180 D

B.5.3.427

WILHELMUS









